





植等編

北京大學《儒藏》編纂與研究中心

## 圖書在版編目(CIP)數據

儒藏.精華編.——八/北京大學《儒藏》編纂與研究中心編.—北京:北京大學出版社,2013.1

ISBN 978-7-301-11836-8

I.①儒… Ⅱ.①北… Ⅲ.①儒家 Ⅳ.①B222

中國版本圖書館 CIP 數據核字(2013)第 003694 號

## 書 名:儒藏(精華編——八)

著作責任者:北京大學《儒藏》編纂與研究中心編

責任編輯:王應

標準書號:ISBN 978-7-301-11836-8/B・0522

出版發行:北京大學出版社

地 址:北京市海淀區成府路 205 號 100871

網 址:http://www.pup.cn 新浪官方微博:@北京大學出版社

電子信箱:zpup@pup.cn

電 話:郵購部 62752015 發行部 62750672 編輯部 62756449 出版部 62754962

印刷者:北京中科印刷有限公司

經 銷 者:新華書店

787 毫米×1092 毫米 16 開本 50.25 印張 480 千字 2013 年 1 月第 1 版 2013 年 1 月第 1 次印刷

定 價:500.00元

未經許可,不得以任何方式複製或抄襲本書之部分或全部内容。

### 版權所有,侵權必究

舉報電話:010-62752024 電子信箱:fd@pup. pku. edu. cn

# 《儒藏》精華編第一一八册

首席總編纂 季美林

項目首席專家 湯一介

湯一介 龐

總

編

纂

本

册

主

編

陳

靜

李存山

樸 孫欽善

安平秋 (按年齡排序)

## 儒藏》精華編凡例

爲儒 則的典籍的叢編。 家經典和反映儒家思想、體現儒家經世做人原 、中國傳統文化以儒家思想爲中心。《儒藏》 收書時限自先秦至清代結束

藏 》中的 一、《儒藏》精華編爲《儒藏》的一部分,選收《儒 精要書籍

外,其他一律省略。

寫者 互見。 已收入入選的個人叢書或全集者,僅存目録,並 漢文寫作的儒學著作,編爲海外文獻部類 分類法分類,大類、小類基本參照《中國叢書綜錄》 土文獻。 、中國古籍善本書目》,於個別處略作調整。 三、《儒藏》精華編所收書籍,包括傳世文獻和出 律收其釋文文本。 出土文獻單列爲一個部類,原件以古文字書 傳世文獻按《四庫全書總目》經史子集四 韓國、日本、越南儒學者用 凡單書 注明 》和 部

> 編,不改編,保持原書的完整性和獨 立性

四、所收書籍的篇目卷次,一仍底本原貌,不選

爲主,酌校異同。校記力求規範、精煉 勘價值的版本爲校本。 確定内容完足、精確率高的版本爲底本,精選有 五、對人選書籍進行簡要校勘。 出校堅持少而精 以對校爲主, ,以校正誤

例,進行規範化標點。 六、根據現行標點符號 專名號除書名號用 用法,結合古籍 角號(《》) 標 點通

落。 般不分段。 正文原已分段者,不作改動。 七、對較長的篇章,根據文字内容,適當劃 千字以 内 的

分段

短

及其他 出 及整理時所確定的底本、校本(舉全稱後括注 介紹作者生平、該書成書背景、主要内容及影響,以 現 順 八、各書卷端由整理者撰寫《校點說明》,簡 有關情況。 序前詳後略 重複出現的作者,其生平事 簡 蹟按 稱 要

九、本書用繁體漢字豎排,小注 律排爲單行。

## 《儒藏》精華編第一一八册

經部 四書類

四書總義之屬 

1

## 四書訓義

〔清〕王夫之 撰

			1
四七〇	論語卷十	四書訓義卷十二	學而第一 一七四
四三六		子罕第九	論語 一七四
四三六	論語卷九	四書訓義卷十一	四書訓義卷三 論語卷一 一七四
四〇八		泰伯第八	<b>論語序説</b> 一七一
四〇八	論語卷八	四書訓義卷十	四書訓義卷二下 中庸卷三 一二六
三六八		述而第七	四書訓義卷二中 中庸卷二 七七
三六八	論語卷七	四書訓義卷九	中庸 五四
三四四		廱也第六	四書訓義卷二上 中庸卷一 五四
三三四	論語卷六	四書訓義卷八	中庸章句序 五一
二九八		公冶長第五	大學 三
二九八	論語卷五	四書訓義卷七	四書訓義卷一 大學卷一 三
二六八		里仁第四	大學章句序
二六八	論語卷四	四書訓義卷六	校點説明
三五五		八佾第三	
三五	論語卷三	四書訓義卷五	<b>多</b>
0		爲政第二	
101	論語卷二	四書訓義卷四	

微子第十八 七	四書訓義卷二十 論語卷十八 七二	陽貨第十七 七0	四書訓義卷十九 論語卷十七 七〇	季氏第十六	四書訓義卷十八 論語卷十六 六十	衞靈公第十五 ······ 六四	四書訓義卷十七 論語卷十五 六日	憲問第十四 六(	四十書訓義卷十六 論語卷十四 六〇	子路第十三 五	四書訓義卷十五 論語卷十三 五	顏淵第十二 五	四書訓義卷十四論語卷十二 五	先進第十一 四日	四書訓義卷十三 論語卷十一 四十	鄉黨第十 四-	
七三六一四書訓義卷二十八	七三六 滕文公章句上	七〇六 四書訓義卷二十七	七〇六 公孫丑章句下	六八三 四書訓義卷二十六	六八三 公孫丑章句上	六四六 四書訓義卷二十五	六四六 梁惠王章句下	六〇〇 四書訓義卷二十四	六〇〇 梁惠王章句上	五六六 孟子	五六六 四書訓義卷二十三	五三〇 孟子序説	五三〇 堯曰第二十 :	四九五四書訓義卷二十二	四九五 子張第十九 :	四七〇 四書訓義卷二十一	
孟子卷六:		孟子卷五:		孟子卷四		孟子卷三 :		孟子卷二 :			孟子卷一:			論語卷二十:		論語卷十九:	

5



自

成佔北京,崇禎自縊,明亡。

船山聞之悲慟不已,

作《悲憤詩》一百

韻。

崇禎死後,南明相繼經歷弘

## 明

四書訓義》,凡三十八卷,約七十萬言,明末清

初王夫之撰。

薑齋,湖南衡陽人。 王夫之(一六一九一一六九二),字而農,别 晚年隱居於衡陽之石船山,故 號

者多稱船山先生。

取道 地賢才、船山聞之、藏於南嶽雙髻峰。 次年(一六四三),張獻忠率軍 北等地,明廷把會試延至次年八月,船山返回故鄉。 三經,十四歲中秀才。二十四歲於武昌中舉,同年 南回雁峰之王衙坪。 南昌,準備進京會試。 船山於明萬曆四十七年(一六一九)生於衡陽 他自幼聰穎過人,七歲讀完十 由於李自成佔河南、 攻佔湖 南、欲 而獻忠執其 招 納 湖 當

> 《張子正蒙注》、《周易外傳》、《讀通鑒論》等重 作。康熙三十一年(一六九二)正月初二,船山 寧,如永曆政權的崩潰、 年間,外界一系列政治變故使 舍「敗葉廬」,結束了流亡的生活,開始專心學術。先 於湘西草堂,終年七十四歲。 活才較爲穩定,講學授徒,著書立説, 清以及清廷的暗中監視等。 的 後寫成《尚書引義》、《讀四書大全說》等書。 直到一六五七年,船山才帶領 隆武、永曆等政權、船山也一直過着流亡的生活。 「續夢庵」。三年後,又徙居衡陽金蘭鄉高節里,築 永曆帝的 直到六十歲後,船山 妻子回到 船 山山的 被殺、吴三桂 先後完成 身心難 南嶽雙髻峰 然此 要著 病 的 以 逝 3 安 生 數 叛

他書精 開 總目提要》認爲此書可能是船山早年所作,故不及 於此書的撰 《四書訓義》是船山關於四書的 博。 衷爾鉅認爲此書作於船山四十七八歲 (述時 間 有不 一同説 法。 一部重要著作。 續修四庫全書

校 點 説 明

父以招之,船山自刺

肢體以救之。一六四四年,李

釋和 之間。 己思想的 句集注》,然 當完成於船山 爲安定的環境講課授業, 訓 義》下注曰:「又名《授諸生講義》。」據此,可知《 之子王敔《薑齋公行述》云: 詳解》、《授義》。」鄧 義》本是船山教授諸 · 聞 從内容 發,並在章句下標出文字的 冠三則 後 發。 來說,此 明晚年。 以 道 認 一訓 爲 與《讀 顯鶴《船山著述目録 義 書大體上忠於朱注,很少作 《四書訓義》全録朱熹《四書章 其作 生的 方式 則 四 於船山 講義。 可 「四書則有《讀大全説》、 書大全説》對 對 以 朱注 推 斷《四 六十一歲。 船山晚年才 古寫、古音、古 作進 》在《四 書訓 朱熹多有 步的 義》應 有 四 書 船 自 解 較 書 訓 山

平洋書 緒十三年(一八八七) 苛評的思想截然不同。 南宏達書局本、湖 啖柘山房本」),並對底本有所校 四二)的王氏守遺經書屋 四書 店《船 訓 義》最早的 山 遗 南 書》本。 衡 潞 陽 刻本是清 河 第三師 啖 諸 本。 柘 版皆本 Ш 範講義本及上 後 正。 道 房 來板毁兵燹,光 依 光二十二年(一 於王氏 此 書 外, 重 刻 、守遺 還 (簡 海 有 經 湖 稱 太

> 《離婁》上下、《告子》上下)。 間。 年嶽麓書社出版的《船山全書》之《四 書屋本。 卷、《孟子訓義》八卷(《梁惠王》上下、《公孫丑》上下 據《全書》校 記》,此書在湖南圖書館尚存有來自 船山遺書》,收羅完備,但未收入此書。 此本散佚頗多,僅存九卷,具體爲《大學訓 清同 點 治四年(一八六五),曾國 者 所説,此殘本 大概 鈔 衡 書訓義 於 陽 藩 據 清 的 兄 乾 \_\_ 殘鈔本。 九 弟 編 校後 九 刻 六 印

地方,大都遵從原書、《集注》部分則除外。 標出,因此對此逕改而未出校。 價值,因此,此次校點按照《儒藏》體例, 啖柘山房本爲校本。 程中,參考了《船山全書》等書,特此説明。 本的校記過録過來。 此次校點以王氏守遺經書屋 鑒於衡陽殘鈔本有重大的 避諱字原書皆於字右旁畫「〇」 至於分段,除了 本爲 將《船山 底 本 在校 以 全書 個别 點 潞 河

校點者 任蜜林

大學章句序

以爲 聰明 此 也。 智之性矣。 不能皆有以知 代義 容 億兆之君師,使之治而教之,以復其性。 蓋自天降生民,則既莫不與之以 《大學》之書,古之大學所以教人之法 1智能 、神農、黄帝、堯、舜所以繼天立極,而 盡 然其氣質之稟,或不能齊,是以 其性者出於其閒,則天必命之 其性之所有而全之也。 仁義禮 一有

埽 下至於庶人之子弟,皆入小學,而 及誾巷,莫不有學。人生八歲,則自王公以 、應對、進退之節,禮、樂、射、御、書、數之 三代之隆,其法寖備,然後王宫國都 教之以 灑 以

司

徒之職、典樂之官所由設

也。

爲,而各俛焉以盡其力。 隆於上,俗美於下,而非後世之所能及 者無不有以知其性分之所固有,職分之所 用彝倫之外。是以當世之人無不學,其學焉 皆本之人君躬行心得之餘,不待求之民生日 次第節目之詳又如此。 也。夫以學校之設,其廣如此,教之之術,其 人之道。此又學校之教、大小之節所以分 秀,皆人大學,而教之以窮理、正心、脩己、治 以至公、卿、大夫、元士之適子與凡民之俊 文。及其十有五年,則自天子之元子、衆子, 而其所以爲教,則又 此古昔盛時所以 也。 治 當

餘裔。 儀》、《内則》、《弟子職》諸篇,固 之法誦而傳之,以詔後 而不得君師之位以行其政教,於是獨取先王 脩,教化陵夷,風俗穨敗,時則有若孔子之聖 及周之衰,賢聖之君不作,學校之政不 而此篇者,則因小學之成功,以著大 世。若《曲 小學之支流 禮》、《 少

\_

學之明 發其 説 盡 前 其節目之詳 意。 曾 法。 氏之傳 及孟子 外 者 有 獨 没 也。 以極 得 丽 其宗,於是 其 三千之徒,蓋 其 傳 規模之大, 泯 焉, 作 則 其 爲 莫 而 書 傳 内 不 義 聞 有 雖 存 以 其 以

IIII

知

者鮮矣。

名之説 於大學 於小 蒙至治 不 充 季之衰, 塞仁 幸 前 學 自 之澤。 不得聞 義者, 與與 是以 而 而 而壞 無 無 夫 來, 用 實 亂 又紛然雜出 百家衆技 大道之要,其小人不幸而 3 晦盲 , 極 俗 異 其 矣。 儒 端 他 否 記 虚 權 塞,反 之流 誦 無 謀 乎 詞 寂 術 其 所 覆 章 滅 數 閒 之習, 沈 以 之教,其 痼 惑 切 使 世 以 以 其 其 誣 及 君子 就 不 高 功 民 功 Ŧi. 得 调 倍

之次其 休 孟 氏之傳 明。 天運 簡 於是 實實 循環,無往不復。 編, 河 發其 始 南 尊 程 信 歸 氏 趣 此 兩 篇 夫 然後 而 子 表 宋德隆 出 古者大學教 章之, 而 有 盛 既 以 治 又 接 爲 教 平

> 己 學者脩己治人之方,則未必 知 亦 書 之法、聖 熹之不敏, 西二 僭踰 竊附 一,
>
> 猶 頗 月甲子新安朱熹序。 無所 己意, 經 放失,是 賢 亦 逃罪,然於國家化民 補 傳之指, 幸 其 私 以 闕 淑 忘 略, 而 粲 其 與 以 固 然 有 復 俟後之君子。 硒 無 采 聞 小 明 焉 於 補 成俗之意, 而 世 Z, 輯 顧 之, 其 雖 熙 閒 爲 以 極

10

者,人之所得乎天,而虚靈不昧,以

具

衆

理

## 四書訓義卷一 大學卷一

宋朱熹集註 明衡陽王夫之訓義

大學大舊音泰、今讀如字。

必由是而學焉,則庶乎其不差矣。弟,寫从人德之門也。」於今可見古人爲學次弟者,子程子曰:「《大學》,孔氏之遺書,而初學

大學者,大人之學也。明,明之也。明德程子曰:「親,當作新。」明,本作明。德,本作惠。大學之道,在明明德,在親民,在止於至善。

倣此。

竹,俗誤。差,本作獎。

私、禾名。 意。 復其初· 嘗息者。 蔽 私也。此三者,大學之綱領也。 必其有以盡 德、新民,皆當止於至善之地 其舊染之污也。止者,必至於是而 明其明德,又當推以及人,使之亦 m ",則 **漕萬** 至善, 有 也。 事者也。 時 故學者當因其所發 ,而昏。 則事 新者,革其舊之謂 夫天理之極而 理當然之極 然其 但 爲 本體之明,則 氣稟所拘,人欲 無一毫人欲之 而遂明之, 而 也。 也。 不 私、當作人。 言 言既 有 遷 不遷之 明 以 有 以 未 所 蓋 明 去 自

而后能慮,慮而后能得。后,與後同,古通用,後知止而后有定,定而后能静,静而后能安,安

之則 止者,所當止之地,即 處 而 安。 志有 慮謂 定 嚮。 處 事 静 予精 詳。 謂 至 心 不 善之所 得謂 妄 動。 得 在 其所止。 安謂 也。 所 知

=

物 明 有 德 本 末,事 爲 本 有 新 終始,知 民 爲 末 所 先 知 止 後 爲 則 始 近 道矣。 能 得 爲

之意。 終。 本 兩、當作网、再也。 始 所 先, 末終 所 兩二十 後。 -四銖爲 此 結 1 兩 文 也 兩 節

物。 其 欲 或 古之欲明 意。 者, 脩 脩 其 先 當作修。 身者 欲 齊 明 誠 其 德 先 其 家。 脩 於天下者,先治 意 E 脯 者, 其 也 欲 心。 先 齊 致 其 欲 其 家 IE 者, 知。 其 其 國。 先 心 致知 者 脩 欲治 一, 先 其 在 身。 格 誠 其

明 明 理 也。 識 必 意 一、欲其 也 自 者 德 明 ر. درا، 格 慊 也。 德於天下者,使天下之人皆有 推 而 之所 極 至 心者, 極 無 處 也 吾 自 發 無 之 欺 也。 物 不 身之所主 也。 知 到 猶 識 實其 也 事 致, 欲 也 心之 此 推 其 也。 八者, 極 所 窮 所 也 知 誠 至 發 無 大學之 事 以 欲 實 知 不 物 明 也 杰 之 猶 其 其

> 正,心 或 物 治 格 或 而 IE 后 治 而 知 后 丽 至, 身脩 后 天 知 下 身脩 至 平。 而 后 而 脩 意 后 當 誠 家 作 修 齊, 意 與 家 誠 上同 齊 而 而 后 后 心

F 事 以 而 吾心之所 物 ·, 則 實矣。 也。 上 格 者, 明 皆得所止 物 明 物 意 知 格 德之事 理 既 無 知 之 實 不 至, 之序 極 盡 則 也 處 則 也。 巾 心 無 知 可 齊 不 知 所 得 家 既 到 止 而 以 盡 也。 矣。 正 下 矣 則 知 意 新 意 至 誠 民 修 可 者 得 以 之 身

自 壹是, 齊家 天子以至於庶 以 下, 切 也。 則舉 人, 壹是皆以 此 Œ 心 丽 錯之耳 以 Ĺ 皆 脩身爲 所 以 修 本 身 也。

其 厚,本作身,从今亦宜 薄 者 本 厚, 亂 而 未之有 末 治者 也。 寫作厚。 否 矣。 亂 當 其 作 所 濁 厚 不 者 治 薄 也 亂 而 其 治 也 所

本,謂 文兩 節之意。 身 也 所 W 當作 厚, 謂 网 家 也。 此 兩 節

結

上

條

目也

四

恩 新 於吾身,外盡 恶 所以 恒 天者 以 在 故從 次 所 德 訓義 欲 夫子取 而 民 而 蔽 何爲 序之 、待吾之教、從吾之好尚者,皆我 而 矣。 在 成 也 也。 之, 不昧者 復吾性 ,德也。 其 川則 大人之德業者 古 勿 其以 要歸 其旨 所 也 謂 者大學之法, 無以 使 加 ? 人之受吾 循 夫 有 或 具 外觀 大 趣 而言之, 乎 蓋 知 所 而 致 則 則 知 學者,所 面 其詳 物 其 以 纍、有所 明 失 無 之理 著明之, 於事物,内 理 虚 明 德 以 其 1治者 也。 明 則 而 而 知 所以 也。 本 以以 將 德 無 不可不知其道之所 有其要也。 明 其 以 民 以 乃不得其要歸 蔽 欲,靈 也。 曉 使學者知所 博 教 但 立教者備 也 何 也。 然於善 形 盡其修能, 大 mi 人修己、治 爲 而 人之所得 學 氣 該 也 而 其 其 之道 ? 纍之,物 以 通 以 所 朢 不 而 理 矣, 約 宜 吾 内 · 弩其 以 蓋 遠 一,有 也 與 之 以 求 於 則 於 將 之 X 人 而

> 於化 也。 者必 當。 理者 蓋以 以 領 所 必 而 觀 不求明, 隆、治日美 相習於染 限、 盡 致 新之民也。 化之原,革 則 悖其 之成。 其 之功,全於在躬, 止於至善也。 ,則至善也。 正,立之教者必順,將 ௱ 凡從 有 德之明必 新 無一念之不 所 八全體。 民 污。 事 也 迻 明新 之學,責之己者必 於學 其 0 也。 但治之失宜,教之無 乃 非 大學之道 大學之道 全乎性之善,民之新必 合一 苟限於小善, 追於異 者,誠 其 心 知 蓋德之明、民之新 水審, 明 而 圃 斯 加 德 生 徧  $\equiv$ 不 極 之學, 其 者爲 於天下 容 乎 無 以 則 則 善 不 内聖外 何 所 所 備 氣 事 大 勉 以 爲 無 以 學之 盡 之 該 也 用 而 推 勿 本, 王之 理 使 哉 不 其 吾 其 教 斯 有 善 所 綱 底 善 情 求 之 H 民 則

「則」下,衡陽殘鈔本有「必且」二字。

0

六

之教 之也 至善而 始,方 外 後 能 夫至 夫 時 學之志者, 且. 之時,則 爲 而 至善之當 不新,固 者矣。 既 誘 ,堅守吾道 后 可 使 得 學 静 前 謂 所 善 相 有 在 之 者 蓋 止 矣 定也。 止 嘗 誠 未 學者之 志 抑 明, 焉 知 始之所求者小成之美,則終不 也,然而 止 而 則 向 必 未 且 明 ? 明 面 自 易止 愐 미 事 定 無 漸 而 乃德 德、 終 不 夫 物 不 將 於 謂之 所 所 進 求 身無 妄 既 旁分 不 新 無 明 也, 不足以 旁 必 而 明 之不容 動, ·可不 定 示學者 分於一 學之, 新 從事矣,然 新 民之必 未能 可 吾 矣,則 ‴, 之大 則 即 亦 成之德業矣。 知 不明, 動 定 當 所以 非 而 新 有 以 曲 者 止 我 而 有 當 謂 何 而 至 所 矣,則 乎 之 之 后 所 未 内治 以 當 學 難 求 民 善 至善 理、 情 能 感之際, 有 之不 必 所 爲 焉 世 而 志 静 學之 事 其 異 哉 求 知 思 以 而 也 之 端 爲 ? 容 而 知 夫 新 止 今 止 即 而

> 早與 心志澄 然則 趨 則 苟 慮 能 至 「大學之道 而 而 前 善之止,静 於善 至 後 繒 能 安矣,無 外 由 境之順 以 道 之能 始 慮 此言之,則 而 善 之至, 難幾 之必欲 而條 備 矣,擇乎善 中 無本之學、不全之理不足以惑之。 而 得者, 之變化 在,在 所 逆 至 之 理出,不 即 處 而 亂 知 一德凝, 理 止 既 或 而 后 之, 止 乃能 於 與 而 事 違 mj 不 能 者 疑 至 大學 之, 則 物之危 知至 1,所以 然後 得 能 安 於 善 得 意 其 慮 也 則 非 之道 其 且 乎? 善之不 可 必 理 豈 疑, 口 預 所 以 夫 以 至 以 於 驟 相 疑 IE 知 之 惟 0 得 未 夫唯 其得 近 圖 方學之日 圃 之 丽 理 可 所 不 詳 昏。 自守 面 也 止 離 能 止 於 而 乎? 止之 不 不 矣。 失。 安, 能 則 荷 其 相

<sup>「</sup>之」下,衡陽殘鈔本有「授我以」三字。「所」下,衡陽殘鈔本有「當」字。

得之 爲博 焉。 者,知 德也 依其 皆物 背 後者乎? 始 夫 M 民 及 末 下 文 (末生於本,則先立其本而後 之物 必 後 之 昭 者 (終皆 效 本 無 然 也 求大德。● 學者先後之序 念 規 可 至 而 有 矣。 其 不 德 知矣。 模 疑 善之必 則 有 而吾修之、治之之方皆 待, 明 終, 新 如 <sup></sup>學問 以 不 所 其 其 凡 而 立,學 也, 知 以 本 新 則 始, 人之事,於其 後教之本立,治之理得,本 之不可 至於是 者民 ıŁ 明德之功 夫待我之修、待 則 則 先 而 之功 其 必 則所學者德之 可 Œ 術 所 也,所以 生其末, 於學也,爲 知 其 以 以 以 而 已 矣,其 始 能至於明新 審 成 爲約, 不 迫 而 事 可 終 始 後 新 而 而 遷 功。 有 始 末 必 之有 疑 新 可 民 能 凡 事 我 也。 無 口 相 念 大 之治 小 不 民 者吾之 其 知 也 通 因 其 不 之極 之 之 其 序 以 所 知止 末 矣。 焉。 明, 終, 功 先 山 能 終 皆 者 天 而

> 天下, 德,而 則 平之理,亦 州 明 其 以 則 者 則 難 盡 立之有基,其於大學之道,不 道 E 道 德 教天下之學者,而古之人先已學焉而 其條目之次序又有可言者。 知 規 ,建之 要歸 者 矣。 難 之 圃 誠 吾 而 所自 行矣。 德 也大而 爲 後 必 有 不迷矣。 古之人知明 自徧 善無不 以 有 萬 然 治 吾之明德明之也 者。 道 或 也 及於 務之也 矣。 夫既 使 至 顧 ௱ 之嚮 天 焉。古之人 國之財 三者 天 一德爲 圃 知大學 下。 專, 下大矣, E 化 者 之事 新民之本, 所 天 維 畿 ,之道, 所以理,即天 致 下 謂 新 内 相 大學之道 相 詳 (所立 皆 分 而 明 之千里, 因 遠,而 之所在 之 有 丽 得 明 而 志以 其 爲 有 其 德 則 成 備 要 均 九 無 於 明 明

「既」,實陽殘鈔本作「欲」

「小」下,衡陽殘鈔本有「成」字。

當然, 本得 身,其 家也。 惡,天 治其 侯,一 正 情是視也,則古之人以身爲家之本 而 可行於國 從吾之匡 國大而未易 下之人所 ,必 之財 古人知之審矣。 則吾身所行厚薄喜怒皆中節 而 或 本末昭然。 得 道 圃 下無異道焉。 夫 末 V 所 後 其 同 而 也。 自 自 正 則 以 以 情 情 風 或 理 天 教也,則古之人以家爲國之本 理 用 叫 之事, 而 此 之人安其政,必 下 乃欲齊其家,而家之人率 家之中 也 也。 宜 后教 家人各有 而 唯先其 明 於家也 若夫修身者 國, 修 可 德 可達 先治 或 親 君 相 自 之 新 德 疏 因 於國 則 本 或 其 民 人 其 賢 以 而 情 以 偂 自 所 或 愚皆 教 Œ 行 先順 治 家 也, ,修其言使 然之先後 以 以 而 亦 而 焉 其 用 後 矣。 或 盡 整 自 則 可 惟 (末,則 其 道 吾 之 家 政 建 成 齊 乃 即 教。 之 之 į. 亦 以 欲 諸 丽 於 好 情 天

隨之以 身者 必先 其正 矣。 無過 而意亦 欲 奪其 守其正而 當物之未感,身之未磨,而執持吾志,使一 無 未 意有爲之幾,皆誠於善,而 感之始,念忽以 立之有素矣。 其 發 调 本心焉。 於善惡 , 動 言 善 之始 吾立 動 ,則以爲 1,豫未 邪矣。 焉, 感於所從出矣。 焉 而或生其妄,則妄之已 不隨情感以 修 幾 身之始,有爲身之 蓋責之躬者備矣。 可 及其 有 其 미 乃意者,忽發 古之欲 知 乃心,素定 以 興,則 素 行 之理 知 (發而) 審 使 其 無 迷,則 力致 E 則 意 不 制之, 调 古之欲 其 是 善 知 者 行 其 心者,必 也。 是 無 者 所以修身之理 也 焉 辨 則 主 有 己。 也 一念之 而 **一**,而 誠 著 者 成 不 静 古之 修 丽 之不 其意者 一, 心 勝 而意 m 其 發 先 īfī 無 1 制 不 欲 而 於 心 不 與 動 也 理 者 善 動 失 物 乍 所 亦 使

之不明,引意以妄焉。

夫

致

知

則

意

知

所

誠,心 也,以 可 益 得失,無不曲盡,故 學之始事必於格物 必詧焉。 原委始終之可 吾身者,皆可求 理,則物物有當然之則。 也 始 極 詩》、《書》、禮、樂之教,人官物曲 忽 而 乎物,莫不 則 而求白· 邪 圖 哉? 通乎天下國 知 是而 詳 爲 也 正之幾,故 所 於求 凡吾之理 而大學之爲學,於斯 格之功已深, Ē, 也,非一任吾聰明之發 而古人之致知,非 極致 格 夫 攷,無 身 其 自身而 者 家之理。 知 有象 得失 皆一 其功,而 也。 足以爲身、心、意、知之 所 知 不盡吾心以 修矣。 至 可見,有 順 心, 因 詳略、大小、精粗 凡天下之物 則 善 逆之則,以 始終之次序,安 乎 物 之 知 而 萬 可 意,而 此 必 虚 格 焉 形 得 物 守 大 於 物之爲 極矣。 求格 一之事 可 而 固 此 學 此 III 知 據 格 寓 始 接 然 自 靈 而 以以 皆 有 矣。 此 則 吾 於 之 信 明 事 大 備

> 皆明辨 至矣。 於理, 物之既格,吾之所 修身,内 持之有主,身無不修矣。 爲行動言者,●皆根心以行,而爲之有 者、皆一如 無 善者乎? 善,心無 仁. 家 修焉,則 不可誣矣。 不誠矣。 讓 齊 矣。 興 而如是則善,不 其 知之既 丽 外 好惡正而 不 (幾,而 化 齊家之道 而必 交 IE 其 由是 意之既誠,吾之所以動 行 矣。 杰 志, 至,吾之所 於國、政 無疑 有其始, 而 其修身之功備,而 而 以處 心之 初 情 得, 於善、無 純 終 通 如 既 夫 是 乃 於 丽 乃有 於善 夫自格物以至 致, 以 萬 미 家, 正,吾之所 則 家 物者, 擇 無 疑 不 舉 其終,其 教 非 乎善惡 善, 於不善,意 不 而 不摇 明 乃 或 齊 皆 德 乎幾微 知 미 身 焉, 治 於 以 無 先 之 行 因 後 至 於 發 不 則 而 不

●「行動言」,衡陽殘鈔本作「言動」。

0

之終。 誠、正 道 小無 孚而 以至於凡民之俊秀,皆入大學,而 之功有如此 蓋求詳於格致者,知明 也,其學同 齊之、治之、平之也。 吾格致誠 而 國,而天下,爲之有本而推之自通 達於天下,化乃可 治國之法立, 正不畏其嚴 (),化以之行而道以之廣,故急圖其本,而 必有其本,乃有其末,其先後益 미 化 故古之大人於格致不厭其詳焉 ,所以修身 推 略,故求詳於始, 行俗美, 豈非 及於天下 IE 也,則 焉。 之修得其理 面 或 施之於天下國家者,皆以 也。 而 其 廣 無 者 以 本同 而天下平矣。 不 「,則 是故自天子之元 齊、治、平,則修身以 其要言之,則格、致 新 新之理大無 治, 而 "也,修 民之至善者 本 而 順 以 則政教 明 膺之,其爲學 德 修身爲 身而 以 自家 其教 不 隆 不 明 新 已矣。 於誠 備 可 成 民 乎 德 而 子 紊 ? 德 同 之 廣 而 而 理

> 致、誠、 天下 焉,極乎博以 教有要歸焉,極乎詳 天下,其次序之必循 則未之有也 或 薄於其家而唯吾之好惡是殉焉,乃欲施於 者,所當厚者也,必盡吾情理以齊之者也。 末之治也,否矣。 萬民之上,而 序,而急求之天下國家,則不修之身端 惟修身爲力學之先。 而況身爲萬事之本乎? 人之學者,其尚 天下,①與我 國家 正之功 之理,而 徒施 反約也。 或 疏 而 循 與天下且不能不待於家 遠 密 此 其 夫家 修之於淵 者 用 道 有 政教,其本亂矣,乃 而 而 其 以 於方學之日,已取 如 藉其不然,本 較 有 厚致 自 則古 涵 此 要 或 勉乎 養。 者。 其 默, 也 與 人明明德於 治教之宜 天 有 故 必致 下 有 大 志於大 (學之 次 而 末 序 沂 欲 居 無

■「國」下,衡陽殘鈔本有「與」字。

五字。 也。 右經 考經文,别爲次序如左。凡千五百四十六字。 舊本 一章,蓋孔子之言而曾子述之。凡二百 其傳十章,則曾子之意而門人記之 頗 有錯 簡,今因 程子所定,而要

味,久當見之,今不盡釋也。 凡 血 (傳文雜引經傳,若無統紀,然文理接 脈 貫 通 ,深淺始終,至爲精密,熟讀詳 接,當作椄 續 脈,

夏,俗寫作更,非。考,當作攷

康誥》曰:「克明德。」明,本字从四作 明

康誥》、《周書》。克、能也。

本作脈。熟,當作飘

《大甲》曰: 八是同。 「顧諟天之明命。」大,讀如泰。 **諟**,音

與

之,則 《大甲》,《商書》。 以 猶此也,或 與我,而 無時不明矣。 日 我 審 之所 也 顧,謂常目在之也。 以 天之明 爲 德者 命,即天之所 也。 常目 諟, 在

> 《帝典》曰:「克明峻德。」峻、《書》作俊。 《帝典》、《堯典》、《虞書》。 峻,大也

皆自明也。

也。 之誥康叔而述文王之德曰:「克明 無以加矣,道至於帝王之道而 何以首言明德乎? 乃學至於聖人之學而 厭其博,學之全功,及天下而不吝其施,則 道,在明明德」,夫學之始事,審物 訓義曾子釋聖經之意,以爲經言「大學之 結所引《書》,皆言自明己德之意。 德,•私蔽 之之功著矣。 矣,乃吾博攷之書而無不然者。 德」,則「明」在其中矣。言「克明」, 伊尹之告大甲而述成湯之德曰:「顧 去盡,而 是文王於己 純 一於天 所 理之昭 凝 抑 在昔 承之 無 理 德。」言 著者 則 以 而 武 心 明 加 不  $\pm$ 

0 德」、衡陽殘鈔本作「得」。

以有 其行之也至,其 也。 諟 善之本者,唯於吾心所 天授之美 之及天下而立帝王之隆治亦至矣。● 聖之功亦可知矣。 之至理大爲昭宣,而益顯其所性之功能 成其巍焕之章者矣。 表者也。 也。 而 峻德」,則德之極於高 致其明之之事矣。 天之明 其明 覺 以 史臣贊帝堯之德曰:「克 今論 ,時勤内省而瑩治其 줆 言「克明」, 德者矣。 命。」言「天之明 之,三聖之道可想, 不 無學聖之功,其修之也 用之也大,然而 夫聖人之德至矣,其 言 則 是帝堯於 「顧 是成湯 明之極 明 秉之明 而 諟」,則念兹在 命」, 本 超 於 出 明 體之 乎 則 德還 所以 心 天 丽 灮 峻 乎物欲之 所受於 所錫 吾 所 灮 潔 德。」言 雖以 自 爲 人 獨 煇 而 密, 德 明 衆 學 者 者 予 44 尊 以 天

信」,舊本誤在「沒世不忘」之下。右傳之首章,釋明明德。此通下三章至「止於明明德」,誠大人之學所奉爲本務者也。

湯之《 茍,从芋,本音己力切,正訓自急敕也,與从艸之茍别 有閒 其已 能 惡,如沐 也。 盤、沐浴之盤 一日有以滌其 盤銘》曰: 苟, 斷 新者 也。 誠 浴其身以 而 也。 洗,當作洒。 日 也。 「苟日新,日 日 湯 舊染之污 新之,又 去垢。 銘,名其器 以 去,正作去。 人之洗濯 故銘 而 日 日 自 新, 新 以 之, 其盤,言 新 其 自 又 心 警 不可 則當 日 之 以 新。 誠 去 因

《康誥》曰:「作新民。」

詩》曰:「周雖舊邦,其命維新。」鼓之舞之之謂作。言振起其自新之民也

《詩》、《大雅·文王》之篇。言周國雖舊,

於前

聖亦

不

可有殊修,明

矣。

故經

云「在

古今無

異道

安安

勉

無

異功

則

學

者

之

<sup>● 「</sup>及」下、衡陽殘鈔本有「於」字。

至 於 文 王 能 新 其 德 以 及 於 民 而 始 受 天

命 也

是 故 君 子 無 所 不 用 其 極

荷 新 勉 也 平 周 乃 民」。 訓 H 即 自 有 出 其 0 日 ţ 之 民 面 商 欲 政 新 苟於 之民 氣 新 始 大 新 不 不 敷 經言大學之道, 因 夫革 新 焉 新 人而知之矣。 非 能 思 治 而 積 民 之力 者 新,非 濯 之所 了,皆欲 興 知 民 而 怠之餘 日 也 其 之以 総 之舊 不 焉 ,其銘盤之言有曰 身, 此 則 爲 容 率之以 止於至 之愈 新, 知所 此 染 自 亦 丽 丽 日 己 湯,承夏俗之惡 而 不 念 無 未知 何 総 有 之身心已 焉。 新,未 使 善 即 前 與 日 明 其 之維 也 此 新 而 於 修也 行所 德 其 也 之 不 學 易 而 繼 新 不 者 思 别 新 一,夫 日 也, 攷於 未行 口 濯 矣。 之事 也。 此 嗣 在 承 不 其 人 王 是 而 商 方 乃 改 心 無 新 ? 者 IIII 民 新 而

情 於是 覺 矣。 生 文 者 言 也 日 行 文王以道岸先 誥》 之稱之曰 施之政教 H 相 日 及新 其 王,際商之薉習 更 焉 接 日 而 此 可 而 乃日 媿 文 而 有 ,知之盡 焉 志 以 丽 新民之本 承 悔 E 民 其 民 氣 昭 念終事之不 以 已 之總 之心,於其 撫 而 也, 當 日 或 示 常 知 新 而 行, 新民者, 竭 一我周 然 臣 而 新 而 化 懷之,於 焉 登之德,起閨 矣。 與 民 之功 君 覺 更 而 者, 而 而 -德 更 有 而 不 之民 猶 庶 有 且 可 新六州之民者也 河,則 異 有 所知, 則文王之事 作 之新,皆其 而 恐 幾 志 其 有 不 乎 其 之則 何 因 其 乎 日 革 興 未 勤 미 方 自 君德之新 衰 洒 日 已 起 舊 也。 能 門 知, 乎 新 也 而 之 心 行 者 丕 俗 之始 雝 新哉? 行之 變 被 如 進 有 mi 以 嗣 雖 可徵 肅 自 乎 夫 澡 修 者 更 以 是 功 之化 推 獎 有 新 天 湯 其 恒 益 有 則 而 力 也 康 其. 之 惟 以 下 身 未 無 而 之 盛 所 又

邦啟 於新 也。 俗, 乎天,故文王之起能正 也。 風 繒 商之命而作斯民之父母。 於先世之流風益 風俗,不但於商 至於文王,以 之王業以成。 自文王成之也。 往 故《文王》之詩曰,周 自敷 命之盛,未有教化不起而王道能 土,其積功絫仁以立國,固已舊矣,而 唯其然,而一代之風 之氣,使之歡欣 民之原,未有上不躬行 美 而爲三王之最盛。 自立教之本言之,則湯之自新 陳之道言之,則 則民之新,皆文 其 故民之咸 俗 日 夫文王新 加興起,故上天鑒觀,改 新之聖德, 逐易天下之 舊染之污 奮 勵 新 八百季之人 然則 俗以 文之作新 自后稷以來,建 而 我周之新 ,而天亦爲之譍 其民 洒 舊 E 而下能 新 滌無餘,且 正,則一 染日忘、 有 民 而 以作 豊 有以 遂 所 統 心 興者 效 易 代 風 致 者 以 言 格 實 之 流

> 知已。 也。 哉其言之也 於天下之君子 學密於修己而 王之鼓舞不倦 H 於己明矣。● 於民之順逆,其不容姑聽百姓之爲 善而遽朢之民矣。 之幾責之於己之心德,其不容苟 有 民之至可通於天命也。 事 無窮者而後教可成。新民之至,必 於大人之學者 夫立 是故 教有本 君子知民之治必原於己也,治 故自新之至,必如成 密於治人,亦何 而後 乎? 而敷教有 命可 以 ,必於此 故經言「在新民」, 國 配。 運 以天下人心善惡 道 興廢之原 而 使非 以 則後之君 加 有 爲 懋焉, 湯 大 而 明 慎 如 德之 明 人 之 遂 之 文 與 寬 之 子

衡陽殘

一鈔本

無此

<sup>「</sup>文王之起 能正

衡陽殘鈔本有「者」字。 殘 鈔本無此

右傳之二章,釋新民。

《詩》、《商頌·玄鳥》之篇。邦畿,王者之《詩》云:「邦畿千里,惟民所止。」畿,巨衣切。

都也。止、居也、言物各有所當止之處也。

居,當作尻。居與踞同。

止知 詩 其 所止,可 緡 蠻 以人 黄鳥,止 ൬ 于丘 不 如 鳥 隅。」子曰: 平 , ! · 緡, 《詩 「於

父止於慈,與國人交止於信。 止於仁,爲人臣止於敬,爲人子止於孝,爲人 《詩》云:「穆穆文王,於緝熙敬止。」爲人君

歎美 (詩》、《文王》之篇 其無不 解。 緝,繼 敬 而安所止也。 續 也。 穆穆,深遠 熙,光 引此 明 也。 之意。於 而言聖人 敬 止

> 餘,則 之止 者於此 無 於天 究其 非至善,五 下之 精 微之 事 者乃其目之大者 皆 藴 有 以 而 又 知 推 其 類 所 止 以 也 而 盡 其 無

不可 慄也 也。 如切 喧,《説文》作愃 菉、《詩》作緑、當依此文作菉。 有斐君子,終 詩》云:「瞻彼淇澳,菉竹猗 如 諠 如 琢 磋 赫兮喧兮者,威 兮者,道盛 如 如 , 況晚切。 磨 琢 不可 者,自脩也。 如 磨。 諠兮。 」如 德 諠 至善,民 ,當依《詩 瑟兮僩 儀 竹,音竺,或作 也。 瑟 猗。 》作暖 切 兮,赫 之不 一兮僩 有斐 如 磋 有斐君子, 藩 君 能 兮者, 者,道 兮 篇現也 子,終 忘 喧 一分。 也 怕 , 1

隈也。 治 磋 切 詩》、《衛風 骨 以 以 :角者 鑪 刀 鐋 鋸 猗 琢 猗 ,既切而 磨 連 以 以 美 沙 錐 盛 澳》之篇。 復復磋之,治 石 鑿 貌。 皆 皆 治物 裁 興 物 也。 淇,水名。 使 使 其 成 玉石者, 斐,文 滑 形 澤 質 貌 也 也

之由 也。 功。 也。 卒乃指其實而歎美之也。察當作 宣 琢 止 著 講 而 於 引《詩 盛大之貌。 **恂慄,**戰 瑟、嚴密之貌 復磨之,皆言其 習 至 恂慄、 討 善。 論之事。 **>** 而釋之,以明「明 懼 威 道 也。 諠, 儀,言其 學、 、忘也。 威,可 僩,武毅之貌。 治之有緒 自 自脩,言其 脩 者,省察克 德容表 畏 道,言也。 也 圃 明德」者之 所 益 裹之盛 儀,可 以 致 赫 治 學, 得 其 唁 象 之 之 精

不忘也。於,音鳴。 而 詩》云: 親 所 前王 止 小人,謂 詩 一於至 其 ,所以既没世 》、《周 親,小人樂其樂而利其 謂文、武 「於 善,能 後民 頌 戲 也。 ! 使 戲,音呼。 也。 烈文》之篇。 而 天 前王 此言前 人思慕之,愈久 下 君 後 子, 不 前 世 忘。」君 當作時。 謂 E 無 (利,此 所 其 於 後賢 以 物 子 戲 樂,音洛 新 一而 賢 不 以 後 民 歎 (其 不 得 没 王 辭 忘 其 # 鬙

> 之。 也 兩、當作网。 此 兩 節 咏 深,當作突。 歎 淫 泆, 其 熟 味 當 作朝 深 長 當 熟 玩

者。 之詩 其 至善」, 天 之義 訓義經言「明 之義 亦 미 治,亦以爲能變其俗,而大用不行 而 盛之地, E 而 者 久。 鳴之黄鳥,其棲止 下之物 不 學道者之所當止也。夫理之必至於是 心,而全體 也。 也 政教號令之所先及,亦惟民之所依 日 可遷者,天下之事亦有然者。《玄鳥 四方之會同於此 故至善者,古今聖賢之所 何 而況君子之所以安其 天子所 然則 畿内 亦 也? 有然者 德」、「新民」,而又曰「在 不備 人之欲 之 蓋 百 都 一念之悟, 姓 邦 則道不可大。 也必於丘隅高岑茂 《緡 安其 於 而後集,是必至於 畿之地,爲 此 蠻》之詩 身者,必 而 安居,是不 亦以 心乎? 方千 1,則化 必 日 小 處 爲 網網 止 康 自 止 里 遷 是 止 則 不 之 見 於 抑 極

歉 見之? 即於其 常明之德、居敬之心、而克安其止者、於何 且能 爲能 之地 善之所當止者,皆極 小心,持之以静志,而 之文王,於戲 之宜知所 言觀之,擇之於先 者,乃曾不 鳥之智且 也,而求其 其 以 言文王者是 焉 正 遠 相續以 也,且 則 害也。 極 ,以爲矰繳之不加,鷙鳥之不便,而 盡 信哉其 然,而· 其 止,不 知其所當止之地 知 必至。已至也,而 也。 益 德, 夫子讀之而 擇 明 盡 人亦有其必至 安 以得其所知 愈 而 也。 《詩》云,穆穆乎盛德深遠 其天授之光明,無 介於 道以應乎人倫物理者見 明 而後安之於後,則學者 不 乎其自然之則 止 乎? 如 存之於中,則載 無 乎 鳥 有 不敬也。 乎? . 感 此其道 加 之理,則《詩》 曰,夫黄 夫文 後止。 而 更不他 自夫 不 故 王 唯 미 m 所 於其 聖人 子之 妄 未至 之以 以 鳥 無 敝 往。 其 動 所 於 m 可

之。 德 信 面 道以信爲止者,文王必 結之,始之以實心,而終之以實政,則交之 國之臣民,有所建置,有所期會,則以 子者,至文王而 之,恩勤之篤,燕翼之長,凡父之所以 矣,止於孝矣。 求,凡子之所以 子之禮,則以子道將之,寢門之節,世德之 者,奉播虐之主如聖明,止於敬矣。 臣 止於仁矣。安侯服之舊,則 恩有可施,無不盡 衆,則以君道臨之,君以 以敬 矣。 ,則所性之美已備而 不可加也。 惟其所止之,皆至 爲 此《詩》之以 止也,而 夫盡其仁、敬、孝、慈、信之 育則百之男,則以 孝其親者,至文王 不易矣,止於慈矣。 者, 文王節 止 恤 贊文王之德爲 一善也。 明德之善至矣。 盡 |如燬 仁爲 有 而 必 以 勿 之民 止 故撫六州之 清 臣 爽 也 也,止 無 道 如赤子, 父道 而 而 一承之, 修 交道 全 其 慈 莫 不 於 於 其 尚 # 順 極 撫

八

之情 益 用 君子 瞻 後可 如 如 者,●切之 前 必 有 極 於 知夫 此 密 琢 功 觀 彼 Ŧ 其 則 君 則新 者。 焉。❶ 淇 以 之而 者 作 也, 前 如 乎 也,必知夫新民之極致,如《詩》之詠 水之澳 求 明德之極 磨矣,治 而 聖之功 君子之致 民之善 父 而文王 吾見其瑟兮僩 精 不厭 後 而 吾見 夫君子質全 子、 詳 精 可 也 也。 而 能 ,菉竹則 · 磋之而 至矣。 或 玉 何 其 功 ,於乎而 不 石 人之 力以 《詩》之詠 而 以 遺 如 1者,琢 如《詩 學 能 有 切 是聖人修身治 閒 安所 求 M 猗 者 益精也 兮矣,既嚴 如 動我不忘乎君 如 密微 猗 欲 文著,有斐哉 之而 》之詠君子者 而 此 磋 乎其 得文王之止 止 君 立 者。 矣,治 前 哉? 丽 密 子者有云 教 一,磨之 必 盛 之 君 吾見其 密 詧 矣,令 子 骨 則 人 本 而 而 之 角 其 子 之 而 必 己

> 事,始 之有 求精,其 其義,悉通 磋」者,則以道君子之學,講習其文,討 其 好學,●以治其身心者,無所 也,國人以 亦聞之,抑 著 僩 而 侕 (意,可 然之意 而 愈繫人思慕 《詩》言「如 斐如 人 於格 共 功 以 、見之, 此 也 稱衞 不 於 知學者明 何其 物 1 琢 已 物 則 致 ,蓋終不 也。 如磨 理, 武公之德,則 乍 有 有 吾 知, 見 喧 赫 見 如 亡者, 明 而《詩》之言「 德之止焉。 之 丽 然 其 治 德 可諠 生 之美 象 赫 骨 則 之事 人 焉 兮 角 兮矣。 以 不 敬愛者, 也! 喧 以 抑 者之去 要在 道君子之自 兮矣 至, 武 盛 夫 是《詩 如 公耄 大 丽 夫 明 誠 粗 君 切 德 繹 愈 而 既 論 遠 以 之 思 子 如 而 宣

疏

有瑟者幾焉,又武

毅

而

不

懈,

抑

何

其

有

<sup>「</sup>前、原作「肉」、力素に文文、「於乎」、衡陽殘鈔本作「於此」

<sup>「</sup>學」,衡陽殘鈔本作「修」。

動 無 惟 内 《詩》之言「瑟兮僩兮」者,則 終不能忘 不 從容可象,故 兮」者,則 身爲天下 心,持之嚴 也 真實,如 修,省詧善惡之幾,克治虚妄之念,必純 爲瑟爲 而 外而 可諠 後身 不 知 、信之道 則 盛,乃以使人敬 明 至 哉 無 善商 交盡 僩 德 兮」者,以 治玉 國家之本,而《詩》之言「赫兮喧 而 之事, 也。 汯 以道君子之立身,莊 而後守之固,故内有其恂慄,必 自 學 後 必止,故《詩》言「有斐君子,終 ,德斯盛矣。 也。 外外 石之致密而不疏 備, 者 心常存 此 而 道此 以 而 非 夫明德之功,極乎學、修 而 發爲 能 Œ 止 而愛之,思而慕之,而 文王之安止者, 也。 善無不至,而成乎 修 乎明 心 威 此, 爲 其德之盛者,則 儀 明德之事 德之至善者之 必必 修 以道君子之居 則 身之主, 仁、敬、孝、 肅 ,其功已慎 爲 赫 可畏,而 ,以以 爲 可幾 喧 德 修 而 乎

之治。 所不極,而 矣。《詩》之咏前王者有云,於戲! 賢者,非一端之教 成其大業,開 文、武之德而告諸侯、則以文、武以其 至於今而未能忘也。 爲之臣,賤 之德及乎人者,近而子孫 不遺,則後世之君子繼其 世之君子因其道 之不忘也。前王立教於明備 得天下之情,盡乎事物之理 止焉。夫新民之事,本諸 反治,武功訖 王之所以 不忘」者,其黎民之不忘 故《詩》之言「不忘」者,其子 親之者,非 進 而爲之民,皆被 攷其實,則以知大學新民 而文教興, 一代之治 圃 也。 得 是《詩》也,嗣王 賢 世 前 圃 則後世之小人喜 焉 也 之恩 緒 Ŧ 好惡之平而 遠 垂之無 其 而 推 m 而 而無過, 、恩、奉 前 恩以 前 也。 後 相 天下 E 能 E 親 窮 之所 一撥亂 《詩》言 合族 孫 逮 焉 其 後 盛 以 前 則 臣 無 後 能 前 之 無 德 稱 王 庶 m 以 以 窮 m

無取 志 全 此、則必君臣、父子、國人之交盡其理,而 焉,皆前 文王之安 乎新民至善之軌 使 之小人蒙生聚之利,皆前王 前 成 有至善,而必 人受其恩澤,而 禮,而 利 ,而《詩》之咏「不忘」者非 王 平之樂,皆前 也。 制 小康之塗 産 [非恃一念之明悟,盡道之大用,而 王備 IĻ, 以 其 養 賢 至於 抑 盡 飾。 民,財 (焉,其 可 其道,以 百世常新之則,民 E 則乎 是而 有 幾 故經言止 矣。 以 以 親 哉 散 不 乂安之而 焉, 使後世之君 遷,乃能 夫明 1 而 有以 虚矣。 其 民 至 而學 樂 德 聚 善,誠學者 經理之而 焉 使樂 新 者 則 固 合道之 此 民, 能 不 其 子 非 後 也 能 小 利 止 知 世 無情

之所

必

知

而

求得

其

得

者也

子曰:

聽訟,吾猶

人也。

必

也使

無訟

乎!

之辭。 猶 言,可以知本末之先後矣。 之心志,故訟 言,而言聖人能使無實之人不 者 不得盡 不異於人也。 蓋我 之明 其辭。 不 待 德既 聽 大畏民志,此 情,實也。 明,自 丽 自 無 然 也 敢 有 引 謂 以 盡 夫子之 觀 知 畏 其 於 本 服 虚 此 民 誕

革其 立本 爲 徵之夫子之言矣。子曰,言治術 詧之術 人有治人之事, 夫修己有修己之事,而未遑及於治人。 民 訓義經言「物 難 爲 非。 於明 ,謂審其曲直 末, 可 丽 德 自我思之,苟秉 以 本 而 聽 有本末」,以 末一貫, 新 矣。 丽 民 不 丽 之 . 僅 吾 施 即 修之於己。 雖 由 之斷,可 在 不敏,亦 公直 本 明 是乎? 丽 德 生 之 爲 以服 者 末 猶 心 本, 以 則 者 何 行 聽 則 以 民 也, 也 治 明 訟 嘗 而 新

❶「之」下,衡陽殘鈔本有「道」字。

必 志欲 以 易言 辭 訟者情 爲 得 矣,何以 盡 出 不 訟 不生矣。 無 争之宇也。 非 然後 生。 則訟 善其 不 屈 盡 變 顧情之有 訟乎? 難 得 起 也,不 伸, 則 而 能 盡 故 雖 (感。 而 也,必也化民於和 不 不 乃以不止。 風 辭 斯 矣。 有 欲 無 而 窮 得盡 既 朢之民 俗 蓋 無 偶 上有以 所 止 而 乃今自夫子之言思之,何以 無 者 窮, 美 人各以其情實 訟 乃以刑法威之,不畏也。 畏 民 有 因 丽 也 也 加 矣。 之 焉 志 加 0 曲 一事之忤,一 ? Ŧ 面 使之,而後民可安於 ,偶有 争 情之有 爲之辭。 必使 道 則 責之上,不 引之 則 端端 而 미 欲言之 所 無 無情 平正直 行 必 所 謂 情 無 愈 先 動 而 「使 者 不待 長 辭則可 者 乃 念之争 而 服 相 既 而 恃 則 無 有 之道 無 與, 神 其 辯 乎 辭 訟 可 辭 訟 辭 以 妄 有 以 因 也。 而 則 不 教 而 IE 而 志 懾 即 之 译 自 百 遂 訟 能 不 可 無 未 而 無

> 「大畏 明,端 之德 得 之無 以 本,新民爲末,不信然哉 之爲先務,而末之所自生 俗,則必從事於聽訟,將 德之明也。 唯 而 後志 新 如 明 矣。 也 私 斷 此 好 民 赫 也 不敢妄動,辭不敢 折之,雖 惡 志」乎 故夫子之言,知 無訟者,民之新 赫 則志,民之志也, 而 不然,但求之民 明 奉 (明,自 ! 明 畏 旦,則 上 ௱ 之人 震動之於 畏 亦 以 民 也。 本 也 虚 以 新 雖 不 之言 陳, 丽 Mi 大 而 其 民 愚 然 畏 使無訟者 無言之表, 而 思 也。 在 而 則 也 而 之者,上 無訟矣。 革 躬 民 戴 明 其 愈 主 之 其 知 爲 本 惡 德 惟 不

信下。

右傳

之四

章,

釋本末。

此

章

舊

本

誤

在

11-

於

此謂知本。

) 「變」上、衡陽殘鈔本有「百」字。

程子曰:「衍文也。」

此謂知之至也。

矣。 此 右傳之五 一句之上,别有闕文,此 此章舊本通下章,誤在經文之下。 章 蓋 釋 格 物 致 特 知 其 之 結 義 語 耳 而

之全 之物 莫不 也。 理 閒 通 至 在 嘗竊 一乎其極。 也 格 莫不 體大用 有 是以《大學》始教,必使學者 物 則 蓋 者 取程子之意以 理,惟於理有未窮,故 衆 人心之靈莫不有知, ,言欲致吾之知,在 - 因其 物 無 至於用力之久 之表裹精 不明 已知之理 矣。 補之曰:「所 粗 此 而 無 謂 而 不 益 物 其 即 而 旦 窮之, 格 到 知 即 物 天 豁 有 謂 此 下 丽 凡 Щ 謂 以 之物 吾 然 天 致 不 窮 知 心 貫 求 下 杰 其 知

好 所 色,此之謂 謂 誠 其 意 者 自 謙 毋 自 故 欺 君子 也 必 如 慎 惡 其 惡 獨 臭 也 如 好 如

之至

也。

豁

呼

括

切。

然,當作嘫

惡字, 音户兼. 讀 切 去聲。 如 好 字 本 作 玻 讀 呼 報 切 謙 當 作 慊

本

實,蓋· 皆 必謹之於此 使 以 未 可 而 自 誠 務 去 實 欺云者,知 徒 其 己 其 荷 決 悪 其 也 所 意 有 者 去 惡 惡 獨 且 他 則 自 而 知 謙,快也,足也。 則 以 之地 求 以 殉 如 當 所 爲 脩 審 必 惡 外 實 一善以 之首 不 也。 其 得之,以自 惡 而 用 及 臭,好 、幾焉。 爲 其 知 去惡, 也 言欲 人 力, 而 也 毋 善 己 自 圃 獨者,人所 脩,當作修。 圃 者 快 獨 則 脩 禁 然 心 禁 足於己,不 知之者,故 如 止 者 之所 其實與 知知 好 其 止之 好 自 發 爲 不 色 欺 不 有 善 知

故君 肺 然,揜其 小人閒 作账。 肝 子 然, 必 居 不 則 慎 爲 善而 何 不 其 益 善 獨 著其 矣。 也 無 善。 所 閒 此 音 不 謂 人之視己,如 開 至,見君 誠 於 厭 中 鄭 K 子 形 讀 而 爲屬,於 於 見其 后 厭

檢切,正音於輒切。然,皆當作嘫。

作尻。 君 爲 以 言小人陰爲 閒 善之當爲與惡之當去也,但不能實用 至此 子 善 居 ,所以 而 沮 獨 耳。 卒 當當 處 重以 不 作 阻。 也 然欲揜 不善而 可 爲 詐 陰、當作雲。 厭 戒, 則 然,消 其 陽 丽 亦 悪 欲 必 何益 丽 揜之,則 陽 沮 謹 卒 當作易 閉 其 之有 不可 藏 (獨也。 之 是 哉? 揜, 貌 非 居,當 其 欲 不 此 詐 力 知 此

曾子 引此 惡 Ė 之不 一十目所 以明上文之意,言雖 可 揜 如此,可畏之甚 視,十手所指,其嚴乎! 幽 獨之中, 也 而 其

意。 富 潤 胖,普泮切 屋 德潤 讀 身,心 如 泮 廣 、體胖, 故 君 子 必 誠 其

於外者如此,故又言此以結之。 身矣,故 胖,安舒 泰,德之潤身者然 也。 心 無 言富 媿 作 也。 則 則 能 廣 蓋 潤 大寬 善之實 屋 矣, 平 於 德 而 則 中 體 常 能 面 形 舒 潤

欺其心 奪 則 易利 乃 加 矣,而素所居之心,又固 以惡,善之疑於惡,惡之疑 經必 妄,而心爲實心,知 而爲之也利,於是此一意者,任其 不審也。 之志又已豫定,可 已素審, 訓義學者有先致其知之功,則是非之辨 誠其意」者,乃明 公將前 興。 忽發 之,使不得 害 云 知也。 此 之間 其念善也 一意焉,或 而有欲不 誠 所知 夫人雖已於善之所以善,惡之所 其 前 行, 故 意 之 正其心之念, 誠 爲 而 ൬ 理 德之要,善 則 以 觸 爲 其 遠 善不力,爲不善遂決 爲之也 一素所 一於善而 何 於 實知,意 意 於 也 物 者 善 欲 ? 欲 難 面 就 其 ,使意皆出 於善, IE 其 動 於 以 惡之樞,不 夫 則 亦爲 無 之心 不 善 經 或 秉 念 惡 善是自 爲 誠 擇 文 知之明 無 不 矣。 正 IE 質之 於 於不 欺 所 善 無 所 也 難 而 謂 既 也 感 可 而 邪

四

其 欺 違,則 嚮往 也。 知 者 謂 所 求 色在 自 意 必 IП 未 究 者 爲 者 得 自快足其 知者意必於此 以 即 如 而 乏心 惡之,無有能 自 其 不昧 虚 也。 未去 ,不自以未得 前 何 (自知之,自欲之,而還自遂之,此 後 君子 爲 前 所 慊 Mi 爲 自 以 爲 故 即 也 而 善 於此 心 其 謙 心,而非於心知之外有妄動之 去 如 君子知 好之, 欺之故, 心 不 惡 去 則 焉。 是 能 惡 亦 則 惡 必 必 則 而 自保, 得 蔽之者,而 之 無有 求 慎 人 爲 也 夫意 其 發 爲 以 幾 其 而 之 所 得 如 好 善 永安。 所 決 急 焉 能 悪 慊 意行 焉 不 善 發 有 志者意 矣。 之實 止 奪 惡 及 世 而 力, 其 其 蓋 之 臭,惡臭 知 自 如 勇 IIII 乃 夫「毋 者 去惡 自 惟 妄興之念。 自 欺 好 於求去,不 己 此 而 必 二, 而 如 欺 謙 好 獨 暘 或 順 不 此 能 也 色, 自 至 遂其 知 決 爲 所 與 則 斷 欺 好 前 則 者 之 於 自 所 知 相 則 0

> 善之分 乎? 使其 之良 嘗 至 無 行之也。 意 揜 之所不可 始於意而 著其善。 之心見矣,則 而 亡也 也。 意之所 者 能 善之當著 誠 心 知 大 小 哉 雖 盡 而 纍 人閒! 此 夫猶 然, 然而 失 雖 發 ? 、情之所不堪 成於爲也。 澽 乎? 丽 其 洣 日 彼 居爲不 無 揜 及 己 是 自 人 知 初 也 小人 非 矣。 其 蓋 欺, 之視己 有 未 1 而 也 真 見 其 非 君 人 善 豈遂昏 未必 必 實 夫一 君 不 之 既 子 則 也 其 无 善 子 而爲之矣,無 猶 已 非 偶 也 知 於 遂使其 妄之幾 意之生,未 然 未 爲 但 則 或 丽 l然不 丽 則 知 之,遂 嘗 意 一念之妄, 盍 勥 後 E 知 有 泯 丽 觀之小 消 知善 其 勉 知 或 也。 不 E, 善 文 泪 有 極 邪 不 面 之當 必 善 飾 閉 善 所 平 丽 之 知 誠 心 人 惡 在 未 藏 不 亦 即 其 以 不 理 亦

[己]上,衡陽殘鈔本有[而]字。

見其 分析 如此: 之所 所 手 此念之已形也。 而 夫人一念之發,人不及知,唯己知之,而豈 而 著,惡終不 人之果 志之定,而 而 求嫌 而 必形者, 衆所 特揜之也,其 指 念之所自 爲兩途而 而揜、知 起、念之所 起 至於此,而 ,則所謂 之,摘 念之發,雖出偶 而 不及知 ,無使發見之後,雖 論 可揜 必 之矣。 善善 於 其 誠 生, 不可 哉? ), 則 成,無不 念 共 所 雖 善乃所著 有 而 曾子常言之矣。 見其 所 曉 知 於 有 著之明覺, 混。 何 則 者 自 始 中 畏 也 益 此念 然,而 事 生 而 謹 必 憚 故君 知 乎 之所自 而 蓋 慎 形 君 m 知者,獨也。 ? 者 欲 也,其善惡之 議 + 其 見 非 子之天 子 善惡之幾,遂 媿 而善遂不 如見其 觀於小人之 真 之,摘其 於外者,信 目而視之, 幾 雖知之明, 起矣。 悔 曾子 以以 也 圃 良 其 無 戒 肺 日 + 欺 念 已 事 可 知 肝 如 0

> 乎? 著無 也,其 知,豈 體 以 介, 而 所 而 修 人而富也,不必其崇尚華美,●而居室自然 有 亦可 著與君子之慎所 思 則 心則 飾 得 不 E 得 知己。 安, 於心 而 者 胖 益 獨 求 至嚴 潤 失之機,此心存亡, 廣 不 可 也 則致其修者有 知 形 其 適 得 也 如 而 無 之 於 屋 面 則 圃 夫惟 其 爲 所 無 地, 矣。 無 外 正 誠 德矣。 所局 危 所 哉? 矣, 必 必自 於正 意 也, 疑 假 嚴 則 不誠 促 修 而 借乎 者觀 有德 而豈 慊 全能 夫德 者有 者 泰 加 圃 焉 廓 可 然 身 則 之, 1 者但 此 無 然遠 餘 得 順 自 則 則 指視交加,揜 見 理 自 則 故 美。 適 而 有 必 爲 美於身心 自 明 小 君 大也。 誠 修 也 餘 形 善之實 子知意 慊 人 昧 矣 意 無 者也。 榮焉。 之要 之揜 所 於是 其 之功 居 無 以 獨

尚

衡陽殘鈔本作「高」。

足於物感情生之際,斯以 誠之,苟欲 有 德之要, 關 於身 而聖經之所尤重 心 正焉,必先誠 如 此 其 切 m 焉,使天理流行 者與 爲善惡之 既已 知之,猶 樞 充 必 明

之基。 體之明 然後 乎此 其 功 先致其 右傳之六章,釋 分,而 不 有 可 ,則其所明又非己有,而 有 知。」又曰:「 以 故此章之指,必承上章 闕 荷 所未盡 見 如 馬 其用力之始終,其序不可 此 以 云。 自欺 誠 則 意。 基,本作丌。 知至而后 其 者, 所 經曰: 然 發 或 必 考,當作攷。 無 已 意誠。」蓋 有 欲誠 而通考之, 明 以 不 爲 能 而 其意, 亂而 實 進 不 亂 德 謹 角 心

其正。 則不 所 調 「「身有」之身當作心。」念,弗粉 得 修 其 有 身 所 在 正 恐 Œ 懼,則 其 有 心者: 所 憂患, 不 得 身有 其正 則 切 不 所 懥 得 忿懥,則 同 有 其 懫 所 E 陟 好 不得 利 程子 切。

好,本作政,呼報切。樂,五教切。憂,本作息。

忿懥 勝,而其 不 能 無者。 怒也。 用 之所 然一 蓋 是四者皆 有之而 行,或不能不失 不 心 能 之用 察 則 其 欲 丽 正 動 人 情 所

味。食作食,俗文。 心不在焉,視而不見,聽而不聞,食而不知其

察,當作督。

乎此 心有不存,則無 , 而 敬 以 直 之,然後此 以 檢其 身, 心 是 常 以 君 存 子 m 必詧 身 無

此謂脩身在正其心。脩,當作修。

不脩也

理哉? 此 心 密 訓 而 義 言 居 丽 而身之譍感無 身 起 静 經言修身先 與 也 而 夫經 心 制 闘 今 動 所謂 且 通 爲 之故 無 身之主, IE 修 窮 其 言 身在 則 心, IE 則 何 與 試就心之不正 夫 而 以 正 修合 身之 心 其 明 之 心」者, 其 用皆自 相 退 之功 因 藏 之 於

樂,有 其 爲 惟 所 所 所 其 苟 恐 所 患 大 得 者 此 宰 恐 忿 心 心 無 憂 好 Œ 偏 得 M 情 IIII 思 累 樂 懼 懥 以 其 言 至 患 將 知 而 制 激 八 危 所 始始 待 Œ 之乎 正 也 何 流 爲 者 思 则 則 則 則 而 一之則 事 待 如 矣。 於 大過 則 懼 偏 亦 丽 偏 偏 偏 物 平 1 乃 哉 偏 皆 未 大 於 於 於 於 之至 以 見 情 情 ? 是 之 夫 Thi 如 得 X 忮 畏 疑 嗜 守 之已 之未 可 病 故 終 其 則 心之不 之 而 刻 慮 戀 葸 此 以 喜 當當 成 憂, 忿 所 其 而 而 m 而 爲 起, 生, 心 然之則 若其 而 怒, 乎 身 不 不 不 不 不 不 之準 好 而 邪 Œ 能 又 得 得 得 得 則 則 可 懥 不 心 將 無 見所 無 E 其 其 其 其 得 唯 -,於是 恨 妄 於 無 也 主 何 IE. 正 正 不 正 丽 而 無 動 斯 定 0 矣。 矣。 矣。 矣。 樂 臨 之 如 且 IE. 無 理 時 理 而 哉? 則 流 危 心 失 爲 不 以 而 守守 也 還 此 於 則 必 有 有 有 有 心 而 而 可 爲

> 者 以 此 之 食 之 隨 過 面 不 無 非 經 不 盡 明,耳 謂 以 言 見 相 身 廢 也 聽 無 譍 迷 情 聲 在 知 譍 也 視 物 修 之精爽 以 行 則 而 丽 心 也 事 IE 最 流 之不 其 無 昏 且 心 面 心 其 爲身之主 速 身」, 昏 不 心 而 雖 過 並 不 則 心。必 不 而 然 在 不 心 不 行 聰 聞 失 心 相 靈 在,聲 ·, 味 有 不 可 其 失 而 也。 動 味 合 口 形 在 廢 耳 靈 其 喜 不 而 之 無 且 無 體 目 居 而 能 怒 不 形 而 正 由 不 调 不 閒 而 哀 若 而 能 乃 知 不 心 動 知 也 此 知 無 若 體 亡 樂 矣。 修 聞 能 E 言之,心 擇 用 矣。 其 無 乃 明 矣。 不 去 有 之 見 哉 矣 矣。 欲 此 非 原 미 則 矣。 必 在 ? 故 其 身 中 禮 忧 得 岢 口 焉 與 之節 之爲 平 言 凡 形 心 之 因 目 非 耳 用 之 故 無 且 身 失 不 非 Ħ 身 感 ?

●「大」,衡陽殘鈔本作「夫」。

信乎 也 0 修 身 爲 本, 而 心 尤 其 原 也 , 贵 不

?

身。 否,則 爲正。 無 右傳 惡 之七章, 丽 此 或 實 亦 但 有 承 知 善矣, E 直 釋 誠 一章以 正 意 心修身。 所以能 ൬ 起下 不 也 能 章 存 自 密 此 是 詧 蓋 以 心 下,並 此 意 以 心 誠 以 之 檢 則 舊 存 其 真 文

又無

以

内

mi

修

身

此

謂身不脩不可

以齊其家

辟 故 焉 所 當作 好 ,之其所哀 焉 謂 惡而, 並去聲。 一、之其 齊 圃 修。 了其家 知 辟 其 所 讀 在 (惡,惡 矜 賤 爲 脩 而 解。 恶 鮮 其 辟 當作尟 而 敖 而 (身者: 焉 辟 與與 知 一之其 焉,之其 八傲同 其 美者, 人之其 所敖 五 到 切 所 天下 惰 畏 所 好 而 親 敬 當 鮮 辟 愛 作 而 矣。 焉 政 而 辟

者 所 人,謂衆 在 繒 人,本 m 不 人。 加 有 詧 當然之則 之,猶於 焉, 則 心必陷 也 然 常 辟 於 猶 八之情, 一偏 偏 而 也 身不 惟 其 Ŧī.

修矣。

賤惡

故諺 之碩。」 有之日 諺、五 一變切。 : 人 碩 莫知 ,時若切 其子 之惡, 莫 知 其 苗

諺,俗 休。愛,當作恶,本作恐。 則 偏之爲害, 語 也。 溺 而 家 愛者 之所 厭,當作 不 明, 以 献 不 貪 厭 齊 得 笮 者 也 也 無 合 溺, 厭 本作 是

予以 之既 者 革 明 先 訓義《大學》至 在 治教者,家也。 下,皆德之所 繼 修 其 正 此 而 均 其 惡 家 吾 修 而 身之大用,方且欲 平 身」者,何也? 人 之 而 新 而 好惡, 之理 皆 增 民之道 聽 其 喻 及, 之家 於修身,而 美,以 吾 而 夫齊 以 起 之 施 而 處家 哉? 情 焉 吾 家 自 成 肅 近 蓋 亦 則 吾 然 人 雝 通 及 有 施 乃 明 之 教 後 自 遠 之 於天下 德 教 經 齊 美 家 也 口 教,豈 所 家之事 之功全矣。 而 使 恶 則 而 教 謂 家 首 是 或 行,必 但 受 之 好 而 好 齊 而 人 則 惡 恶 身 吾 家 天 不

之,死 之,意 惡、 尊而 畏 情 審 也 家 傲 威 而 其 人 數 則 故 人者也。 敬、 惰 傲 凡 之於 之失, 馬 (不及,則任情之所之而辟矣。任其親 者,皆吾身好惡之情所 僻 而 傲 以臨之,可無爲 敬之,卑者狎 人之僻者 而 於 動 至 哀 喪 相得而愛之,威 辟 邪 其 矜 於 八則哀 而 也 則 家乎 乃不 爲 昵 哀矜 僻 也 吾 好 則 驕 焉 之,孤 而 惡 心 ? 能反之於身,節 0 雖 慢之度 則 而辟 好 非 先 因 有 雖 任 乃人 悪 而 自 之不 美焉 其 有 弱 端 爲 賤 不 禮 失 一焉。 惡 賤 逾 則矜之,可 可 唯 之,不肖 山 其 而惰以 也。 惡 不 焉 憚 Œ 以 分之恩 必 問 和 凡此 知 不 而 而 ൬ 出 不 矣。 平. 誼 辟 知 也 流 畏之,分 修之身,任 其 皆 待 中 者 相 而 也。 爲 焉 於 其 大過,文 之。 聯 Œ 非 以 怒 故 己 施之家 親 邪 之 自 其 任 愐 凡 旧 其 而 愛、 則 之 此 尊 黑 天 腾 處 其 愛 可 親

> 行,不 家,而 之用 苗之碩 亦易 明 下 者,天下國 後 於 取 秉 貪 能 之能 欲,其家之不 裁 家,皆失其 者 理 知 之天下,皆於此 宜 成 正 知 不 也 口 之道 情 亦 也 修 亦 家無 以 今既 而 其 可 之德, 夫 尟 家之本。 齊 身者 得,必 見 齊 乎? 當 溺愛者爲 所 其 不知 其 也, 矣。 齊,明 取 家, 則 幾 家者 而 知 丽 是 正 人 溢 而 觀 故 豈 多寡 身 貪 而 增 也 量 因 矣。 化 其 諺 得者 不 之不 家 必 之喜 長 以 者 所惑? 則 信 之數 有 者 審 其 此 範 也。 之 好 賢 求 修 近 夫? 邪 怒 之謂 不 惡 日 愚之 之 取 戾 莫 立 必 而 節 身不修 而 之身, 無 能 故 子 施 於 相 而 後 以 面 辨 己, 知 修 之惡 之 習 之 教 身 損 美 也。 無 莫 恶 而 遠 身 不 於 於 益 丽

其畏敬而辟於怯葸焉」一句。「邪」,衡陽殘鈔本作「狎」。此句下,衡陽殘鈔本有「任

三〇

家之不齊,則無 以推行於遠,亦可以知修

身之爲本矣。

右傳之八章,釋修身齊家。

者,所以事君也。 所謂治國必先齊其家者,其家不可教而能教 人者,無之。 故君子不出家而成教於國: 孝 弟者,所以事長也。慈者,

所以使衆也

身修,則家 長、使衆之道不外乎此,此所以家齊於上 而教成於下也。 而教於家者也。 可教矣。孝、弟、慈,所以修身 然 而國之所以事君、事

不遠矣。 康誥》曰:「如保赤子。」心誠求之,雖不中, 未有學養子而后嫁 者 也

爲,在識其端而推廣之耳。疆,本作雾,俗作强 此引《書》而釋之,又明立教之本,不假彊

端,當作耑

家仁,一國興仁。 一家讓,一國興讓。

> 事,一人定國。價,音奮。 人貪戾,一國作亂。 其機如此,此謂一 言價 敗

也。此言教成於國之效。 人,謂君也。 機、發動 所由也。 價,覆

從。 之有也。暴作暴者,俗文,不成字。 以暴,而民從之。 堯、舜帥天下以仁,而民從之。 桀、紂帥天下 后非諸人,所藏乎身不恕而 是故君子有諸己 其所 而 令反其所好,而 后求諸人,無諸己 能喻諸人者、未 好,當作政 民 而

曉也。 正人之惡。 此又承上文「一人定國」而言。 如是,則所令反其所好,而民不從矣。 然後可以責人之善。無惡於己,然後可以 皆推己以及人,所謂恕也。不 有善於己,

故治國在 結上文。 齊其家。

《詩》云:「桃之夭夭,其葉蓁蓁。之子于歸, 通

宜其家人。」宜其家人,而后可以教國人。 天,

當作妖。蓁,音臻

宜,猶善也。 此指女子之嫁者而言也。婦人謂嫁曰歸。 蓁蓁,美盛貌。興也。之子,猶言是子。 《詩》,《周南‧桃夭》之篇。夭夭,少好貌。

《詩》云:「宜兄宜弟。」宜兄宜弟,而后可以

教國人。

《詩》、《小雅·蓼蕭》篇。

兄弟足法,而后民法之也。法,本作灋,今省。《詩》云:「其儀不忒,正是四國。」其爲父子

《詩》,《曹風・鳲鳩》篇。忒,差也。曹,本作

瞽。鸤,本作尸。差,本作类。

此謂治國在齊其家。

之如此。其味深長,最宜潛玩。此三引《詩》,皆以咏歎上文之事,而又結

訓義治國之事,有政焉,有教焉。而自國

從,而不可教,則使其修庠序學校之教,飲 矩 以 其修,本固有之心,盡當然之理,不待出 教者,必無之矣。 焉者乎? 若身不修,則此 所致一者,教 而 射讀法之典,以教國之人,而國人能 矣。家之人知其好惡之不正,雖教之不 人、國之人誰無此心,誰無此理,而有不效 者,以同然之心、同然之理而修之,則家之 教家國者,同 同此身也,同此修身以齊治之也。其所以 而知之矣。夫家國不同,而 小公私之殊,而教則一也。 ·治國在齊其家」者,於其所以教家教國 則 天下,則所 敷教於國,而 而 可推行矣。 也。 推行者,政也。 一 理 故君子原本其身,克慎 也,同 國之人 蓋家之與 夫其 一心 不出 心 心此 (國,政 齊之治之者, 故經文 自 風 也。 家 家 化 理 而 故 加 先 則 或 /所謂 修 成 成 順 已喪 有 其 身 者 大 則

之,其 己。 其 以 誥 以 以 以 事 其 惟 蓋 恤 敬之順之, 事 尊之親 八生也。 母 幼 尊 理 赤 康 》之言慈以 撫 兄,而家 竭 親 則 之 子 民 而 义 教 耆 其 必 孝、 ൬ 而家之 之養 之, 無言 之勞、勤 求 心 其 季、 忠、 家 如 弟、 之, 夫保 能 民 之人 慈 之 其 其 奉 杰 而 悉 之, 之 使衆者可 則 母 人 人 慈 道 道 Ŀ 其 自 赤子之道,何以 知 意 是已。 之保 皆 皆 皆知孝 寒 民 同 同 其 中 職 有 之 日 温 之 知慈 知 也。 也。 其 道 面 而 也。 保 赤子, 事 弟 飢 保之之理。 同 事 事 證 焉, 焉 焉 君子之身,盡 君子之身, 飽之節 而 君子之身、盡 長 苟 民 君 也 矣。 使 母之 者 者 者 則國之卑幼 丽 則國之 則國之臣 泉者, 是道 長 後 武 推 理 理 雖 1 養 E 之民 民 在 在 斯 也,《 長 盡 誠 得 而 許 有 理 是 是 理 在 弟 民 能 安 吏 慈 孝 不 哉 以 康 己。 己。 也 全 中 康 是 所 所 遂 叔 以 以 所 以 以

者,民 已矣。 之同 焉, 焉 之德、雖有 信然哉 於國 理 者 與 端 能 也 不忍之心, 仁而 而 知者 家 使 不 而 亦不 則 則 則 乎 衆 然 古 在 推 而 事 同 雖 ? 1 也, 誠使君子之身仁 事, 求之,則民之情 有 不 也 國之中, 君 不 識 至 家之 之天 同, 0 夫成 君 事 無 能 其 未 大 者 慈所 發見 子 長 有 待 自 相 而 中, 良, 前 已矣,唯此 之不 教 可 言 學 於 乖 慈之爲 上下交 以 之端 而 知 學 養 其 遠 長 皆 致 使衆,無 教 情 出 子 矣。 而 而 其 幼 孝 即 必 而 家 丽 但 孝、弟、慈者 立 尊 焉 理 相 也 而 不 成 推 而 求 是 后 教 不争之心 愛而 卑 因 相 但 矣。 皆 之 讓 嫁 成 其 理 之本,豈 異 交 平 遠 以 耳 弟 也, 教 心,斯 也 心 孝、弟、 古 相 慈 但 無 焉 於 愛 大 有 不 則 理 心 故 率 不 或 唯 興 皆 之 在 學 m 以 讓 求 無 循 保 此 恤 起 慈 之 異 動 此 心 幼 其 Mi 而 心 心

國,而 之謀 仁,而 所 非 其 所 蜀 之勢,機之所必至。不 自 爲之下者亦 於讓也 也 亦 於仁也。 下之仁讓 作矣。 則 顯 然 非 違 爲 自 有 所 機 感 所 操 徒上之教 國之理在焉 害 蓋定之者, 加 也, 譍 家 謂 國之中,上 發 一家之中,長幼 此 如其一 損 不 前 相化, 握之小 而 胥 家之理,機之所自發。 非 於 爽 冀 不 以 上之教以 効 言僨事,一人定國」 事,而事之理在 U 者,機也。 人貪焉 口 興 焉 惟 止 故 以身帥之也。 而 則攘 止 也 下 亂 利 成 主 是 交 也 疾 之大,發之隱 亂 術 動 而不 相 競,惟怨 尊 而 奪篡弑 於 則興仁 人 也,且未嘗不思 敬 卑 速 人之 定,風 此 讓 非 交 而 如 焉,故 加 戾 之事 미 相 此 無 而 是圖 心,機之 至 興 徧 也 矣。 III 焉 國之定 行 敬 不 譲 於 教 不 生 而 興 而 而 而 彼 者 或 於 善 言 行 此 而 起 讓 無 m 不

焉。 紂惟 德不 嘗 也。 令以 矣。 則 身之仁 也 己 未 民之從好不從令也。 乎 民 九 加 有,則 ,則惟 一, 而 帥 後 不 嘗不設科教以求之矣,然 此 知 如使其 則 雖威 置 虚 如堯、舜之覃 天下以仁 非之焉。蓋推己之善以及之人,如己 仁,桀、紂 民之所 其身之暴也, 後 也 刑 文之徒相 求 帥 君 豈有從其令者 不 罰 之焉。 天下以 加 身之是從 從,因 、所令者仁,而 以 如 居 矣, 非之矣,然必 桀、紂之肆虐,而 雖 萬 ·責,而· -敷,而 **\$** 於 丽 其 民 暴矣,其 民 以 上之所帥 尸天子之位 民因從 民愚 之上 頑 也。 暴,而 人君之所重者不 乎? 而 雝 昔者 其所好者暴, 以 不 而 和成俗矣。 民 之而 惡之 知 昭 不知爲 必 是故 非 因從 堯、舜惟 去惡,固 故堯、 示 善之有 令之能 寇 以 仁焉。 無 乎 君子 攘 之 播 諸己 四 舜 日 愐 悪 未 固 知 在 則 興 暴 於 其 行 雖

與其 少好 以化 此理 先盡 家,統之乎身而爲立教之本也 弟、慈之身,教之一 者同此機 若 而 喻之者 言之,家與 喻吾所令以爲善去惡者,未之有也。 好善惡惡之心以 也。 而 躬 事君、事長、使衆之道在 介家之人 已也。 一人同 其理, 也 行 行 於斯 了,其葉蓁蓁然盛矣,是有 南 同 無 而知之矣。《桃夭》之詩,文王之所 國 此 也,興之者同此心也。 可推之藏,而 國 此 以 惟 時 也。 面 理也,帥之者 異矣,齊與治亦各有 爲 心,躬行 宜其家人,而後以教國之人 相 也,之子于歸, 可 宜矣。 其詩 施之人,所 家而 推者,恕之藏也。 云,桃之夭夭 有象,而人 徒求之非之,使人 夫南 1 同 一,故治 讓 謂 成 此身 國 而 恕 淑 之化,不但 美及 國在齊其 教之一國 也 也、定之 喻 以吾孝、 慎之德 道矣,而 而 則請徵 之矣。 付時之 由此 心同 枝幹 吾身

國,而 弟焉 詩 與 以 儀正 曹人思君子以 或 恭 所 吾仁 法,其爲子焉 君子之位,其身之儀 亦修吾仁讓 不但一家而已也,惟宜兄宜弟,而後以教 肅 之人 焉 以 感其仁讓之美,莫不法之以 者 爲法者也。 穆 讓以 四 祝 ,或言家,或言國,而家之宜 而弟可爲一 ,尚其宜 丽 惟在自慎其儀。 親 和平者 方之國 元 宜 睦 侯 也。 之而 以 而 爾弟而克友焉,夫元侯之治 mj 正國 其爲父焉 宜 禮 미 而皆正矣。 孝可 家之法,而后四 已矣。 之而 讓 行 其詩云,尚 也。 者 也。 範 爲一家之法,其 已矣。 可 所 無 其詩 《蓼蕭》之詩,天子 行 宜其家人,亦 圃 謂儀者,人之 有差忒, 也。 夫君子 慈可爲 其宜 <sup>《</sup>鳴 云、淑 Œ 宜兄宜弟 爾兄 即 矣。 國之民 鳩》之詩 欲 爲 一家之 即 人 夫三 爲 以 面 或 正 IIII 唯 兄 미 在 相 此 盡 四

,國之法必視其家之法,所謂治

或

在

俗不薄,本諸身而家國相因以治,經文之家,不益信乎! 然則厚於家而后國之風

旨,益著明矣。

右傳之九章,釋齊家治國。

結切。 子有 所謂 上 Ę 長 平天下在治其國者:上老老而民興孝 絜 而民 矩 之道 興弟,上恤孤 也。 長,上聲。 而 民不倍。 倍, 與背同 是以 絜, 胡 君

m 是以君子必當因 於影響,所謂 興起也。 我之閒,各得 矩,所以爲方也。 老老,所 (心之所同,而 天 下平矣。 謂老吾老 孤 者,幼 分願 「家齊而 不可 其所 言此三者,上行下效,捷 而無父之稱。 也。 則上下 使有一夫之不獲矣。 或 同,推 興, 治也。 四旁均 謂 以度物,使彼 有 亦可以 所 絜,度也。 感發 齊 方正 見 而

所惡於上,毋以使下。所惡於下,毋以事上。

於右。此之謂絜矩之道。惡,去聲。前,本作歬。所惡於右,毋以交於左。所惡於左,毋以交所惡於前,毋以先後。所惡於後,毋以從前。

前即「舫伐」字之別,音翦。

之無禮 之。 必以 ൬ 此平天下之要道 不方矣。彼同有是心而 處,上下、四旁、長短、廣狹,彼此 敢 此覆解上文「絜矩」二字之義。 一夫之不 推之。要,本作要。 以此無禮使之。 至於前后左右,無 此度上之心,而亦不敢以此不忠 於我,則必以此度下之心,而 獲哉? 也 所 不欲下之不忠於我, 操 故章内之意,皆自此 不皆然。 者 興起焉者,又豈有 約 而 所及者廣 如 如 則身之 不 欲 而 亦不 所 事 無 則 上

作政。思·並去聲。 好之,民之所惡惡之,此之謂民之父母。好·本好之,民之所惡惡之,此之謂民之父母。」民之所好

如子,而民愛之如父母矣。辭。言能絜矩而以民心爲己心,則是愛民辭。宗能絜矩而以民心爲己心,則是愛民《詩》,《小雅‧南山有臺》之篇。只,語助

僇矣。僇,當作戮。 民具爾瞻。」有國者不可以不慎,辟則爲天下 民詩》云:「節彼南山,維石巖巖。赫赫師尹,

大貌。 謹。 《詩》、《小雅 則身弑國亡,爲天下之大戮矣。 辟,偏也。言在上者,人所瞻仰,不可不 若不能絜 師尹,周大師 • 節 矩, 南 圃 Ш 好惡 尹氏也。 一》之篇。 殉 於一 節,截然高 具,俱也。 己之偏

儀、《詩》作官。峻、《詩》作數。 殷,峻命不易。」道得衆則得國,失衆則失國。 《詩》云:「殷之未喪師,克配上帝。 儀監於

視也。 上帝,言其爲 詩》、《文王》篇。 峻,大也。 天 下 不易,言難保也。道,言 師,衆 君 丽 對 也。 乎 配,對 L 帝 也 也。 監 配

是故君子先慎乎德。有德此有人,有人此有而與民同欲者,自不能已矣。兩,當作网。有天下者,能存此心而不失,則所以絜矩也。引《詩》而言此,以結上文兩節之意。

土,有土此有財,有財此有用。 謂明 有國,則不患無財用矣。 先慎乎德,承上文不可不謹 德。 有人,謂 得衆。 有 而 土 言。 謂 德即 得 國。 所

德者,本也。財者,末也。

外本内末,争民施奪。

奪矣。 欲,不 人君以德爲外,以財爲 而 施之以劫奪之教 能 絜 矩 丽 欲 也。 專 之, 内,則是争鬥其民, 蓋 則 財 民 者 亦 人之所 起 而 争 同

乃散之俗文。是故財聚則民散,財散則民聚。散,當作椒。

散

外 本 内末故財 聚,争民施奪故民散。 反

是,則有 德 丽 有 人矣。

是故言悖 加 出者,亦悖 而 人。 貨悖而人者,

亦悖而出。 悖,蒲妹切。

悖,逆也。 自「先慎乎德」以下至此, 此以言之出入,明貨之出入也。 又因財貨以 明能

絜矩與不能者之得失也。

康誥》曰:「 惟命不于常。」道善則得之,不

善則失之矣。

道、言也。因上文引《文王》詩之意而申言

之,其丁甯反覆之意亦深切矣。

楚書》曰:「楚國 無以爲寶、惟善以爲寶。」

楚書》,《楚 語 **%** 言不實 金 玉 而 寶善

人也。

舅犯日 一一一人無 以 爲寶,仁親以 爲寶。」

時 舅犯,晉文公舅 爲公子出亡 在外 狐 偃,字子犯。 也。 仁,愛也。 亡人,文公 事見

> 《檀弓》。 若 此兩節又明不外本而 有一个臣 斷 斷 兮無 内末之意。

之,人之彦聖,其心好之,不啻若自其口出, 心休休焉,其如有容焉。 秦誓》曰: 人之有 技,若己有 他技,其

寔能容之,以能 保我子孫 黎民,尚 亦有 利

哉! 違之俾不通, 寔不能容, 以不能保我子孫 人之有技, 媢疾 以 惡之,人之彦聖,而 黎

民,亦曰殆哉!」个、《書》作介。 断,本作断,古作

本音段、今借讀如鍛。 娟,音冒。❶ 疾,與嫉通。

士也。 《秦誓》,《周書 聖,通 也。 斷斷,誠一之貌。 尚,庶幾也。 媢,忌 彦,美

也。 違,拂 戾 也。 殆,危· 也

明

謂 唯仁人放流之,迸諸 唯仁人爲能 愛人,能惡人。 四 夷,不 进,讀 與 同 爲屏、古字通 中 國。 此

用。 愛,當作悉。

0 冒」。原誤作「媢」。今據啖柘山房本改。

图

國,則仁人必深惡而痛絶之。以其至公無一进,猶逐也。言有此媢疾之人,妨賢而病

若此者,知所愛惡矣,而未能盡愛惡之道,

蓋君子而未仁者也。

音扶。 必逮乎身。好,當作政。菑,當作災。逮,音代。夫,好人之所惡,惡人之所好,是謂拂人之性,菑

所引《南山有臺》、《節南山》之意。私、當此、又皆以申言好惡公私之極,以明上文人之性,則不仁之甚者也。自《秦誓》至拂,逆也。好善而惡惡,人之性也,至於拂拂,逆也。好善而惡惡,人之性也,至於拂

是故君子有大道,必忠信以得之,驕泰以

作厶。

火人。

疾,用之者舒,則財恒足矣。 生財有大道。 君子,以位言之。 驕者矜高,泰者侈肆,此因上所引《文王》、 人之術。 加切,蓋至此而天理存亡之幾決矣。 康誥》之意而言。 發己自盡爲 生之者衆,食之者寡,爲之者 道,謂居其 章内三言得失,而 忠,循 物 位 無違謂信 而 修己治 語益

自 本而節 因有 矣。 吕氏曰:「國無遊民,則生者衆矣。 幸位,則食者寡矣。 此以至終篇,皆一意也 土有 量人爲出, 用,非必外本内末 財 圃 言, 則 以 用 明 之 不奪農時, 足國 舒 加 矣。」愚按: 後財 之道,在乎 則 可聚也 爲 之疾 朝 務 無 此

發,猶起也。仁者散財以得民,不仁者亡仁者以財發身,不仁者以身發財。

未 不終者也,未 有 E 好仁 而 有府庫財非其財者也 下不好義者也,未 有 好 義其 事

爲 孟 與其有聚斂之臣,寧有盜臣。」此謂 家,不畜牛羊。百乘之家,不畜聚斂之臣。 利,以義爲利也。 |獻子曰:「畜馬乘,不察於雞豚。伐冰之 以 E 事 好仁以愛其下,則下好義以忠其上,所 必有終,而府庫之財無悖出之患也 畜,許六切。 乘,本作藥,借音食 國 不以利

意切矣。

47

以 故 也。 孟 E 士 寧。 喪 獻 下,釋獻子之言也 初試爲大夫者也。 君子 祭用冰者也。 子,魯之賢大夫仲孫蔑 有盜 寧亡己之財, 臣,而不畜聚斂之臣。「此謂 百乘之家,有采 伐冰之家,卿大夫以 加 不 忍傷民之力, 也。 畜馬 地者 乘

證切。

察,當作督。冰,當作人,冰同凝

長 國 家 而 務 財 用者,必自小人矣。 彼爲善

四書訓義

卷

大學卷

爲 亦無如之何 之,小人之使爲國家,菑害並至。 利 也 長,上聲。 矣! 「彼爲善之」,此句上下疑有闕 此 謂 或 不 以 利 雖有 爲 利 ,以義 善者 文

自 以利爲利之害,而 由由 也,言由 小人導之也。 重言以結之,其 此 節 丁寧之 深 明

誤字。

矣。 國 政 故入大學者,必以此爲至善之成焉。知 而政 致知、格物之功,以審 吾正心、誠意之學,以 訓義道至於平天下 此,而經言「平天下在 明明德於天下」也。所以平之者,則惟本 同者,出治之本同也。 而道德莫不一,風 同 家與國 也。 其教同者,立教之本同 不同 而 前 教同也,國 慎好惡 極 善惡 俗莫 治 矣。 而 其 政 國 不同, 加 分九 而 與 與 盡 達 之 教 天 物之理。 州, 民之情, 斯 理 不同 也。其 下 不 叮 所 統 司 思 謂 萬 m

四

 $\overline{\circ}$ 

之道 之同 也。 通 矜恤 血 國之理通 有 或 動 民 驗之,上盡孝以敬養吾老,一家皆知孝 存 理 盡 而 之邪 萬民 其 已 弟 ,使人各得其 同 國之民已 司 在矣。 於是而 然 然 侧怛之忱,不倍死 夫 動 以 同 理、齊治一心明效 也 之同 者 其 而 孤 順 也 以一心,天下之情 二,其 山 其 幼 天顯之念, 興於弟矣。 承 夫 君子 通 動 物之不齊而各有所 情 吾 今 理 愚 理 其 即 則 長 同 氓 心 家皆 應得之理,而 治 同 罔 者, 立 不容以不 之私 有 也 國之道 極之思,興於孝矣。 教於家 家皆 同 知 則 哉 然 以 願 慈 心 其 棄生 ? ൬ 知弟 古 焉 之 在 達。 情 m 獨 必 不 順 矣 教成 無 於是 矣。 不 亦 而 感 逆、 應得 焉,而國 可 上盡 故平 或 即 有 可 同 也 以 天 之 於國 平 不 以 此 也 丽 曲 一心 夫 均 天 民 慈 理 夫 知 非 殉 E 猶 者 下 以 之 者 之 下 心 理 家 己

> 以 而 者之必然,而 以待我,我所惡 奉之必以忠焉。 之,知在吾上者之必不欲也,毋以 欲 我所 天下,亦有然者 使之均齊方正,則 矩之道者何也? 道,而國 得 矩 吾下者,不忠於 也。 在 者,此心之絜度 此 也,毋以使下, 絜之, 惡 吾後者 也,則 君 可治,天下亦 詧 知 乎理 操 毋 以 居 也,則 留 異 此 吾 **水我**,我 乘時 而 而 也。 志 有 工以矩絜之。 不足以倡先之焉。 前 絜之,知在下者之必不 物之有上下四 臨之必 審 位 以 者之必 以 乎情 而 可 是以 毁 所 吾上者,無禮於我 此絜之,知 在吾前 平矣。 我 恶 . 君子 以 我 然, 也 禮 以 者,貽 所惡 則 君子之應 焉。 而 夫 各 有 旁, 事上 所 以 毋 繼 絜 與 也 矯 吾 此 有 加 謂 不 矩 所 起 後 而 欲 絜 之 應 前 則

<sup>0</sup> 1 陽殘鈔 陽 殘鈔本有「子」字。

乎君 得、 若此 焉。 民 職 所惡 絜矩者 絜 事使異道,前 者,奪我以自爲,我所惡 而 有不相因而並 在 面 m 少贵 也 焉,絜之天下而 所以絜之者 、,所交異宜,而 知吾之交於左 以率從之焉。 去所惡矣,去所惡則必全所好矣。 也, 子 如 南 位稍遜 非 而 父母 Ш 也 ,能公好惡者也。 人情 右 則以此 有臺》之詩言之矣。 慰民之情 得 焉,有生之育之之恩,而敬之 丽 得 以 後 唯 在 得者乎? 失之樞乎? 絜之,而知吾之交於右 異 盡 毋若此,而 與我並列,勢較便而 以此 左者,●持我之所爲,●我 矩在焉,以治以 此 其能 時,先後 耐 絜彼,則理有必同, 心。 民 焉。 然則能 也,則 好惡公則民 所戴者 絜之 左得 異 夫上下異分, 夫絜之 用,左右異 以 詩 絜與 以 平,夫 也, 此 云 行 絜之, 其 情 故 以 不 其 在右 可 脯 能 豊 毋 志 於 樂 以 能 矩 矩

> 亦 山 南 唯君子之致慎於心以謹 之,而得民之效可知矣。 民去之。 心,而知其爲民之公惡,則心亦拂 焉,有所欲舍者焉,皆其惡也,君子 其好 也 愛之不忘矣。夫何 者也,不慎而 者也,斯謂之民之父母矣。 情唯念夫民,此乃可生育其民而 好,則心亦欣然而爲民行之。 Щ ? 也 危 矣。 ,勢亦崇矣。 》之詩言之矣。 也,君子絜之以心, 民 則是民之情喻乎君子,而 有 乃赫赫然, 所欲 私意以行,則民情 得者 維 詩 焉,有 石巖巖, 以言乎爲 居 云,節然高大,彼 尊 求其 而知 乃能 乘 所 夫民以父母 欲用 權之大師 如將墜焉,則 有所 理 其爲民之公 公好惡者 民之父 以 m 民 者焉, 失,《 去其 欲失者 所敬 然 絜 君 子之 之以 而 南 節 私 戴 愛 爲 母 #

「位稍遜」,衡陽殘鈔本作「職較區

❷ 「持」,衡陽殘鈔本作「制」。

四二

均,位 哉! 惡之 則 合離 下皆 矣,則大命 而 古 民 之思,而慎用其好惡乎? 情亦大可畏乎 皆視爾之傾危以 氏 血 以 不不 師 F 克 民 民 情 得 僇辱加之,而失民之害可知矣。 而 天 配 夫言 均 非不尊也 而 偏 心,未 宜 詩云,殷之前王承成湯之緒 以 而 簡 上帝之崇高 或 不 爲敗亡之鑒,詩之所言可 親 僇辱之,尹氏之覆軌 而 勢之 命 配 亦 平而 不 至 帝 傾,宜爲將 喪 不 絜之以同然之 尊 失其 興 而 絜 違民之好惡 而 致快矣。❶ T 有國者能無 本之於 矩 民 而 矣,及乎 衆 係 丽 皆 人 焉。《 也 民 疾視 來之永鑒 君 師 情 倘任其 則 夫尹 承 之不喪,及其 文王》之詩 以 以 其 紂 處 凜 之, 心、理, 可 行 叛 將 而 至 撫 氏秉國 鑒 其私, 危 蓋 尊之 矣。 民 私 師 加 也 后 繹 極 已 絜 好 有 心 則 虐 則 也。 位 矩 乏 難 然 喪 以 之 私 夫 天 讎 民 民 0

> 致。 故君 之節 計 以 惡小 也。 惡 焉。 不 道 之原,而 天下之用,<br/>
> ●亦安能不取之於民 不好上之利己而惡其奪己,莫不好君 理之同然者爲不 財 亦 財之所自有, 絜 慎 次,理實有 繁 得 於 知焉 子所先慎 言之,有國則 人,斯二者公之於民 朝 矩 矣,而 廷所用之人, 君子與 失之樞 絜 而 知夫人心之同 而 矩 人情 必 而 以實約之,則 盡 者 为 因 人情 得 則 不可紊,而道實有所必先 德德 可 以審於物理,動 固 乎 有國之用,有天下 則 失, 誣 有其本矣。 民 而 保有 乎? 已矣。 情 則 然者, 斯 大業旋 圃 天位 維 小人 好惡 不 乃 慎 財 夫民 乎? 미 加 之於 天 之聚 焉 自然相 也 得 傾 以 得 理 情之好 而 矣。 而 見心 或 之 好 子 失國 必 則 與 牛 莫 散 通 有 14 而

有天下則 民皆」至「而」凡廿四字,原脱,今據衡陽殘鈔 有天下之用」原脱,今據衡陽 本

無 也。 而 内 其 原 待 以 有 廣 民 以 而 愐 土 末。 而 (,則地 之 示 者 由 財 惟 必 聽 預 經常, 審 m 荒,必有 求 權 焉,不 人歸 生。 其 即 夫 財 計 下 財乃 無 即欲 是 其 自 衡 之也。 此 事幾,於是 亦 産之出 不合於 之,則 乃 圖 定 得 有 有 而 與 待 緒餘之必有 汲 是是 也。 矣。 計 也。 蓄 德 (上相争,上 土 斂 汲然求之無 其 有餘以待變,用之而已,不 外 由 而 自 取 焉 新 斯 唯 唯 末,亦必先培其 如 1豐,而 其 此 必 之也。 不 民 附之疆 則 其 其 其 本 言之, 有 之公好 德 本 末 ·待廣 不 人 圖 成 内 下交争, 也 也 惟 然 矣, 於己, 財 日 其 厭 德 E 置德於不 其 擴之也 則 則 廣, 既 則 之供 末 不 爲 本 而 宜 宜 足,則 萬 待 而 面 人 丽 F 本 懷之中 置 而 本 自 化 一之度 招 咸 推之 與 稿 自 固 民 足,必 之 所 土 有 下 而 미 有 徠 歸 而 講 外 外 4 本 既 之 及 强 争 末 人 之 之

下

而

而

乎? 我。 安於 已,豈 勢豈 財財 出 失其財, 聚蕃矣。 唯 於 内 於 貧 ·豈能· 外 、劫奪, 奉上 況 諸 L 末 富之不同,●亦交相 散於 上所以 財 有 則 口 而 末 非 久藏 爲 以 常 者, 空 聚 丽 加 上 下而不積 而 財 生民 加 於下, 哉 財,斂之於民 不 於上乎? 逆 施 財 撫 民 爲 人 ? 聚財, 理 之以劫奪之政 有不 有 生死 也 者,人且以 X 以 其 民 是故言之不以 情 取之, 悖也 於上, ·叛散 民 無 之樞 此 Ĺ 得 者,德· 順 以 失 民 無 争,必至於劫 生 丽 者 怨已 也。 機,悖理 之大端, 過 則 悖報 積之於上,財 乎? 圃 也。 民 取 使之效 盈, E 叛 安 面 之 其 散 棄其德 至於悖。 其 下所 人 是故 以 可 而 劫 理 必 有 生 斂 加 不 哉 奪 之 以 慎 餘 1 IIII 面

資

生

聚

E

唯

至

後

弱

0

則一下, 陽殘 本 有 酌

而 民」至「 相争」凡十四字,原脱, 今據衡 鈔 本

其德 德不 理,昭 夫天 自富 上,亦 君心之善不 則人心離 知國之存 天受命之基 天下也,不必於其常也,或承世業而失之, 德之善 楚書》記 康誥》嘗言之矣,曰,惟天之命人君奄有 寶乎? 道 命 侯服 慎德之利 ,則人心歸 有 也 然不 Ħ. 不 天 不 不 即 王 而 常, 善。 亡因 而 下 楚國 爽 以 孫 霸 一,則 天 善, 豈不嚴哉? 乎 得之,故古今之興 而 リ則 其道 圉 命 者 害,則民情之得失又因於主 存 於民心之得失,●而 ? 愈知 贵 無 而天命譍之。 之對趙 去之矣。 猶 亡得失之幾,又已約 何 故 以 果 而 知 如 此 無常: 觀 財之爲末而當外矣。 慎 出矣。 之, 爲實也,惟左史倚 於《文王》之詩 簡 德者之不 哉? 子 得失之幾,存 Tri Ė 況 聚散 知德之爲得 一一一也。 一,子以 不慎其德 君 蓋言能 往復 子 -言財 審 乎? Á 於 矣。 珩 平 慎 慎 之 而 面 0

> 爾。 肖 百姓 也。 民 散 以善 之君臣 面 爲寶 相之通於《八索》、《九丘》以 民之所 以亡人歸而 失,觀射父之習於故典以 自 好 哀 之所公好 財 有 而 惡之大端 爲 爲 戚 也 舅犯之詔晉文公荅秦穆公之弔曰,君 清 非 樂 其 與謀其好惡乎? 乃人之好賢惡 以 本 得伸於苫塊,是爲 ,唯身亡 用 則 公理 依 明敬謹之實,而 能 得國 者也。 人言之,人君之黜陟,豈必 慎其德,而 亦 即 一,荷其 得 足 而 爲 爲 矣。 以 孺 後 寶乎? 反 興。 爲人士之所樂附 慕尚 嗣 是,則其公惡者也。 此 但 之所 絜矩 然則 能 譍 知財之必散,則 寶 繫 亡人無忍以 爾。 於 知以寶爲末 諸 倚 八慎德 規 同民之一道 侯,是 庭 賴 吾 闈 夫晉、楚 則則 君 者必 親 之 爲 萬 進 以 没 此 寶 得

「心」,衡陽殘鈔本作「情」。

「爲」下,衡陽殘鈔本有「吾」字。

定 能 保 之 其 休 兮其 言之 是 但 任 度 以 臣 惟 則 自 有 我 任 如 用 内 焉 如 才 也 性 IE 子 已,其 之,惟 矣。 之同 其 美 與 誠 0 吾 也 有 和 未 有 孫 寔 所言 德 美 之 容 人 立乎羣臣之上, 在 材 然,即 之基 故其 好 能 而 馬, 争 IIII 而 秦 位 自 恐 者 容之, 者 通 與 恶, 見 相 則 誓》 П 不 人雖 宣 業 於人之有 物 明 而 效 也 力爲 盡 出者已 人情之欲得者矣、《秦誓》 其 以 事理者 已也 相 ·, 日,吾 以 施 其才,若己之有之。 未 力 以 明 忘 於 心 我 薦 審 使之安 至於前 0 也 有 是 也 引, 黎 盡 今而 而 之, 才技 其 德 , 民 其 則愛慕之誠,心 其 面 吾 無 己 心 者 之惠 以 稱 想 心 月 其 若 他 而 在 之 者 行 揚 量 其 託 斷 位 有 如常 技 能 , 矜重之, 位 澤 其 之所 心 行 焉 有 而 丽 則 容 而 之, 志 ... 个 在 展 猶 則 力 也 不 斷 而 圅 人 其 以 爲 休 欲 吾 其 如 不 斷 則

> 其 毁 人 者 子 觀 有 無 已 不 恐 思 而 之, 孫 ·斯 我 有 在 得 其 之 利 得 也 處 黎 之 人 有 子 悔 位 通 見 而 \_\_\_ 容 而 民 也, 達於 个 Щ 用 技 求 孫 心 則 賢 何 之所 則 之 臣 未 也 之社 焉 陷 利 不 以 之放 絀 上,未在 也 M 以 或 容 則 不不 使 也 稷, 用之也,尚 好 人之彦聖 妬 者, 不 廷 安 也 廢 媢 或 容不急矣。 嚴 戕 無 之中 其 有技彦聖之 其 位 嫉 即 矣 我 正 位 則 忌 危 黎民 我之所 人, 沮 之 而 則 殆 亦 由 或 寔 其 違 心 哉 有 不 ^ 之生計。 秦 多 不 仕 若 其 - 1 利 爲 丽 宜 所 誓》之言 敗 能 進 志 惡 其 哉 小 與 念其 好 政 之 之, 容 行 不 人 同 也 危 惟 所 好 將 使 知 而

補。「吾今」至「託焉」凡廿一字、原脱、今據衡陽殘

鈔

本

0

「無他」至「見也」凡十三字。原脱,今據衡陽殘鈔本

0

補

六

之,則 善者 之乎 傷之 賢 不忍 故 生 復 不 忍 唯 也 子 傷 人、能惡人也。 , 其 其 進 與之同 危 仁 孫 違 ? (愛君子 者 也。 之萌 既 或 斯 人至公也,以 黎 至 而 怠 加 妨 而 者 人 民 見之矣,而 或寬之 明 何 腎 爲 棄 與 其惡 中 之情 明 之 以 君 羣小人所 危國者, 小 以 -國,以 ,誠能愛也,不使有忮害者 此 所 E 使 人 小人 大不忍之心 謂 以以 其 其 惡 也。 如其不 之道,●爲 同 惟 術 罪 也 衆之好惡 大快衆怨之積, 比 升, (也,誠 爲巧詐 仁人 窮 有技 而 此 閒 暱 我之所 而 放 不 然,人之賢者 不 謂 於 以 不 彦聖之所 流 能 能 惟 匪 慢 能 無 貽 所 而 之, 爲 惡 類 仁 先 宜 M 舉 所 君子之憂 惑, 成乎 也,不 好惡 人 衆 迸 已 私 與 也 則 不能 爲 而 之心 諸 矣 圃 同 取 悪 至 前 獨 既 能 以 雖 絶 四 此 惡 斷 也 退 不 舉 見 小 或 而 其 者 任 愛 夷 妨 不 0 0 0

> 子孫、 已矣。 斯 焉 保。 惡爲 可存, 所 以 也。 之性,天 者,逆人公好公惡之情 好之,其爲賢才之所好,●爲子 好, 人同然之心、理,此 禁 則 絶 雖 以己之好惡忘人之好 好惡,而 菑 菑且及身。 黎民之所惡, 圃 又其 之。 退之乎,而 理亡 必 憚 及 其 不 則 圃 己 身 剛 然 是 無 人 丽 方, 其 殉 猶 而賢不 受之 心 私 於 而喜其 使在 反 叛,命 焉, 爲 絜 姑 從 矣。 賢 即拂 矩 息之 則 或 肖之分别 面 才之所 同 惡,而 子孫、 不可 諧 中,不 蓋 惡之。 民之又一道 人有善 愛, 孫、黎 媚,反 以 保 悪 黎 人 不 爲 能 6 原 能 若 民 之 或 民 從 過 無 斥 之 好 惡 是 遠 爲 以 而 公 不 爲 而

<sup>「</sup>則」下,衡陽殘鈔本有「是」字。「我」上,衡陽殘鈔本有「即」字。

<sup>「</sup>其」下,衡陽殘鈔本有「人」字。

不善。 其 或失 其 君 則 以 誠 道 之 理 在 二道 也 1 去之。 得 一,則 好 道 用 民 (發於己而 國 約 於 哉 悪 其 舍 合 私 子 亂之幾,即 求 面 而 成 心 道 口, 因 ? 民 乃 觀 蔽 賢 無 以 言 面 爲 乎善, 於《康 進求夫 之,在 蓋 言 不 爲 者,有絜 故觀 情 於德之慎 泰 實 ൬ ·得矣。 之, 自 亦 矩 爲 心, 成 以 **一** 反 盡 丽 私 於《文王》之詩,而 天 許 財 平 道 白 財 其 求 政 天 下平不平之要, 之聚 亂 》之言,而 不 侈 人心屬之,天 矩 之 如其 爲 乎君心之德 所 誠, 命歸之,民 善 得 不 斯 之大道 以 實 而 循乎 散,人之 失 慎、心之仁 不 政 驕 聚散,賢不 不 而 能 而 天 節 以 物 已矣。 知 斯 焉。 絜民 命 自 以 得 能 而 衆歸之。 命 用 散 用 而 去之,民 心之好 絜 不 失 而 知 ൬ 前 歸之, 已矣。 不仁, 舍 財 違 或得 是故 肖 得 民 在 贵 4 所 於 不 盖 失 有 或 則

> 乎? 思之。 念, 惡 無 焉,於財之所以生求之,於財之所 財 下 利 面 私 得失,天命 而 面 民之能 之别, 無 以 游 者,特不 或 可 官 但有國者 斯 民 不 爲 家 以 不 豈 - 失矣。 矩,而 冗, 生 贵 亦 爲 義 乃抑 而 非 我 利,猶 何 m 利 人心之去留,公私而已矣。 人皆 知 吏不贅,兵不坐食,食之者又 治 無 嘗 思之, 又從一 道 不知以 而 人 至是 以 威 諱 已矣。 心 趨 而 生之, 可言 平 言 而奪之也哉 己。 於 離之,天命去之, 天理 加 天 財 本 義爲 也 天理之存亡決 下 而聽 哉 如 乃 務, 者 之存亡,大道 使 乃 生 利 義 所 生之者衆矣。 民 義 財 爾 丽 之自 ? 而 必 亦 亦 悖 不利 敕 何 有 夫 有 以 生 有 之 於 不 大 以 道 如 之 幾 及 生 道 聚 天 不 利 失

之福 之者 君 事 從 仁. 忍 者 寡 也 有 也 天 上 人 上,不恒 疾 則 府 1 下 而 者 其 致 常 矣。 也 未 庫之財,孰 民 好 蓋 僇,是亡 聚 知 不 民 留 又 民 有 則 之, 足,則生之爲 君 有 散 既 1 舒 用 而 足乎 是 心 勉 以 也? 以 己 食 時 好 也 者 於 則 得 譍 民 恤 而 義 以 不 之 身 劫奪 財 焉 於 爲 奪 矣 下 不 時 則 餘 忍 以 得 夫唯 始 又何 心 知 或 生 爲 殉 理 生 則 上 m 用 而 而 者 有 勢 悖出 有 1 則 財 9 下 焉 勉 效 以 怠 必厚斂之民 而 民 民 昌 不 道 民 者 禮 其 其 不 玩 以 足 面 , 悖 焉 爲 之謀 念民之足, 亦 勤 好 無 財 於 之 徒 圃 於 出 食 事 以 勞, 以 終 義 力 發 而 不 取 下, 者 成 以 君 生之, 身受 以 以 徒 者 身 0 焉, 預 爲 所 君 聚之 爲之 奉 時 勤 而 也 也 未 備 心,未 耗 身爲 E 之 無 足 有 君 以 而 之 者 發 徒 疆 於 悖 於 爲 者 不 況 不 用 不

> 乎? 之貢 之 祭用 之言 專 臣 采邑、備 自 以 爲 亦 能 即 Ħ 惟 以 民 詧 利 利 有 何 自 以 也。 賦 閒 冰 其 嘗 養 也 恐 侵 車 爾 保 與 專 上 矣, 者 不 民 生 而 其 兵 使 面 非 則 乃曰 利 爲 也。 孟 利 非 養 有 奚 車 獲 有 不 利 而 獻 以 其 家 雞 聚 但 利 知 口 了, 士 忘 子, 由 擅 財 而 斂之臣 矣 豚 焉 畜 在 利 而 義 獻 爲 者 利 之 而 聚 賢 有 不 也 則 ൬ 子之言 白 焉。 也。 小 初 而 可 9 斂 大 或 賓 不 乘 上 況 以 利 試 之臣 屑 夫 者 自 祀 之家 以 進 由 有 病 使 爲 屑 爾 知 畜 所 思之, 養民 而 是 民 民 大 或 然求 苛 需 利 矣。 言之, 其言, 爲 大,畜 專 平 也 之實 求 則 之牛羊 大 之,而 爲 財 有 以 且 寧 至 夫, 貨 家 取 受 於 馬 有 以 仁. 其 有 有 之 不 民 乘 家 義 則 市 喪 義 不

0

以

生之一,

原脱,

今據

陽殘

鈔

本

<sup>●「</sup>上」上、衡陽殘鈔本有「而」字

既 成 之 以 焉 家 惡之大端 焉, ●施之天下而天下之安危在 不 挽 爲 私 可 也 口 此 利,此 道哉? 毁 爲 救 之 用 别,存亡 爲 國家焉,於是天理亡而人心失,天 以 則 己 人害集 在 利, 利 Ę 以 遂 聽 以 丽 而 義 其 馬,施 用 0 爲 無 利 此 謂 若 則 驕 小 利, 而 合而 得失之機, 又其 而 如之何矣。 焉。 謀 有 財 天 泰而 人 不 惟 益 國 此 之 聚 命 面 知 言之,用 好 於 進 勢然也。 其 者 於上 之不 善之,❷遂委之以 導 有 利 斯 不 理然 之以 義 或 之主則 時 미 失, 民 施之一 禍 專 ,唯以 Щ 然 也 以 也。 人理 利也,非昧 貪 一,雖 生於 然則 始 見 也 或 用 於 心之不散 財 家 得 乃人 財 有善 T, 一之成 利者,終 小 用 失 義 爲 而 喜 活,豈 爲務者 君 在 利 日 利 人 政 其 於 於 家 毁 公 莫 菑 言之 爲 不 而 小 民 好 有 在 之 私 利 於 能 牛 使 或 可 而

善

故

然,而 乎 行,忠信不立,德不能 心 言,深切著明,信矣哉 不肖用 致之功,有以 德 好惡之幾,決 ,其要歸之所在,次序 大學之道,本 丽 也 教 大 舍之數, 自 道 絜 此 矩 歸 晰乎是非利害之微 立 以 於 明 ,政 而 同 乎 德 理。 義 Œ 民 自 以 其 也, 此 利之界,則 慎, 新 仁義 心 修 之所 皆人心、 民 訓誠 者也。 而 也, 而 矩 循 其 必 無 忠信 意 仁. 聖 明 理之 止 然 以 於 教 義 以 乎 非 絜。 也 至 謹 賢 同 經 不 格

慎

務 右 所,而天下平矣。 矩之意 在 傳之十章,釋治國 與 也 民 同 好惡, 能 如 是, 而 平. 則 不 親 專 夫 賢樂 其 下 0 利 利,各 此 章之義 推 得 廣 其 絜

人君」 原 誤 作 今據衡

遂其」, 陽殘 鈔本作 「遂吾之」。

成 毁 陽殘 鈔 本作

讀者不可以其近而忽之也。 六章乃誠身之本,在初學尤爲當務之急。 凡傳十章,前四章統論綱領指趣,後六章 細論條目工夫。其第五章乃明善之要,第 七世孫世全半溪謹刊

四書訓義卷一終

## 中 庸 章句序

也。 幾 失 言者,則 微,惟精惟 道統之傳 也。 」者,堯之所以 其 堯之一言,至矣盡 傳 中 而 所以明夫堯之一言必 庸 有 作 也。 自 何 一,允執 來矣。 爲 授舜 蓋 面 自 作 厥中」者,舜之所 上古聖神繼天立極 也? 也,「人心惟危 其見於經,則「允 矣,而 子思子憂道 舜復益 如 是 而 道道 以 後 之以三 授 執 學之 可 心 河面 禹 惟 庶 厥

無過

不

及之差矣。

者 形 面 不 氣之 以 同,是以 爲 蓋 私 嘗 有 人心、 論之,心 或 或危 原 於性 道心之異者 始 之虚 命之正, 而 不安,或微 靈 知 覺, 而 則 所 以 妙 其 以 丽 而 爲 或 已 難 知 生 矣。 見 骨 於

> 心。 耳。 聽 少 者愈危 二者雜 一則守其本心之正 命焉。 閒 欲之私矣。 斷 亦 然人 莫 ,必使道心常爲一身之主 ,微者愈微,而 於 則 莫不 方寸之閒 不 危者安,微者著,而 有 精則 是 有 性 是形,故 而 察夫二者之閒 前 故 不 天理之公卒無 不 雖 離 知 下 也。 雖上 所 愚 從 以 不 智不 動静 前 治 能 事 加 之, 於 不 無 能 云爲 人心 以 斯 雜也 道 則 無 心 自 夫 危 人 每 無

傳,天下之大事也。 夫堯、舜、禹,天下之大聖也。 以天下之大聖,行 以天 天 下 下 相

伊、傅、 聖,開來學,其功反有賢於堯、舜者。 之傳,若吾夫子,則 來,聖聖相 之大事,而 此,則天下之理豈有以 周、 召之爲 承,若成湯、文、武之爲 其 授受之際, 臣、既 雖 不得 加 皆 於此 丁寧告戒, 其位,而 以 此 哉? 而 接 君 所 泉陶 自 不 夫 以 然當是 是以 道 過 統 如 往

寄,不 真 之統 月 又 開 如 謂 則 其 後 H 真 聖 及 時 率性 盛 之學 再 合符 曾 精 所 遠 也 慮之也遠 也 示 見 傳 一,於 氏 藴 聞父師之言, 以 丽 越乎言 及 而 之謂 奥,未 節。 者。 之 以 異 世之相 至 是推 則道心 其 知之者, 再傳, 端 得 一於老、 没 也 孟 歷 蓋 起 本堯、 有若 故 語 而 選前 後 其 矣。 氏 之謂 其 文字之 而 其 佛之徒 遂 千. 惟 憂之也 、舜 是 更互 爲 説 復得夫子之孫子 失 曰 子 聖之書 有 顔 其 能 也。 之也詳。 其 二君 以 思 餘 氏、 明 演繹,作 閒 推 出 來 傳 年 深, 懼 子 且 其曰 明 曾氏 相 焉 而 夫 則 時 盡 是 所 故 而 傳 愈 彌 異 者 中 之傳 書 以 其 其言之不 其 之意 爲 則 久 端 擇 近 也 提 言 日 此 吾 之 善 以 而 理 則 挈綱 一天 思 之也 書, 質 得 説 道 而 承 自 執 固 愈 其宗。 之 命、 大 H 先 是 中 執 以 以 失 則 維 異 切。 蜀 所 聖 新 mi 之 詔 平 其 去 佛

頗

所

心

爲

據

出

明,而 者, 詳 輯 也。 大, 以以 得 盡 録 然 微 亦有之矣。 有 而微 斥 惜乎 而 而多所發 僅 言 夫二家 所考,以 尚幸此 未 出 程 其所以 夫子 析 於 似 其 續夫千載 書之不泯 明 是之非。 則 門 至 爲説者不 然倍 其 人之 亦莫 門 其 所 人 (,故程 不傳之緒, 能 蓋 所 記 傳, 師 因 子 自 説 是 其 夫子 思 而 爲 而 以 凡 語 之 説, 淫 大 石 功 得 兄 面 於 則 氏之 義 得 於 有 弟 雖 雖 其 是 所 者

復, 詳 後 所 復 者, 章 略 嘗 取 句》 然 蓋 然 熹自蚤歲即當受讀 相 石 論 後 亦 後 氏 因 辯 有 乃 篇 此 書, 取 E 年, 敢 書 舍 删 以 細 會 1之旨 之意 其 俟 畢 衆 旦 繁 後 舉, 説 1,支分 恍 亂 之 别 而 然 而 君子。 爲 折 名 凡 似 而 節 ^ 其 以 竊 諸 有 或 解 衷, 疑 説 以 間 輯 而 脈 之, 之  $\sim$ 得 略 既 絡 口 爲 其 以 沈 貫 異 定 附 要 且 同 潛 通 得 記 志 著 其 領 反

三月戊申新安朱熹序。 統之傳不敢妄議,然初學之士或有取焉,則 失,亦得以曲畼旁通而各極其趣。雖於道

## 四書訓義卷二上 中庸卷一

宋朱熹集註 明衡陽王夫之訓義

中

庸

謂庸。 言 也。 實學也。 則 而 定理。」此篇乃孔門傳授心法,子思恐其 中者,不偏 镾 差也,故筆之於書,以授孟 理,中散爲萬事,末復合爲一理,放之 六合,卷之則退 中者,天下之正道。庸者,天下之 子程子曰:「不偏之謂中,不易之 善讀者玩索而有得 不倚,無過 藏於密,其 不及之名。 焉,則終身用 子。 味 庸,平 無 其書始 窮,皆 久 常常

之,有不能盡者矣。差,本作歷。

散,當作椒。

镾

作修,下並同。 天命之謂性,率性之謂道,脩道之謂教。脩,當本从县,俗从弓,非。還,本从日从夂从是,俗从艮,非。

教,而 以爲 也。 所謂 子思於此首發明之,而蓋子所謂「道之大 之有道,而 蓋人知己之有性,而 下,則謂之教,若禮、樂、刑、政之屬是也。 人 氣稟或異,故不 日 道 化生萬物,氣以成 命,猶令也。 物之所當行 用事物之閒,莫不各有當 猶 於是人物之生,因各 道 健順五常之德,所謂性也。 路 不知其因吾之所固 也。 也。 不 修、品節 性,即 人物各 知 者 能無過不及之差。 其 而 形 由 理 不知其 品節 1循其 之也。 而 於 也。 理 性。 有者裁之也。 之,以爲 得 性 亦 天 性道 出於天。 之自 行 其 賦 知 以 之路 所 焉 聖 率,循也 陰 雖 然 賦之理, 猶 人之有 法 聖人 陽 同, 是 知事 於天 則 命令 五 因 行 故 則 其 圃

道 也 原 者,不 出 於天」,亦 可 須 臾 此 意也。 離 也 可 陰,當作会。 離 非 道 也 陽。當 是 作 易。 故

君子

戒

慎乎其

所

不睹

、恐懼

平

其

所

不

聞

之頃 於心, 道 忽,所以存天理之本然,而不 以 離 者,日 君子之心,常存敬畏,雖 也 也 無物不 若其 用 事 可 有 物當行之理,皆性之德,而 離 無 則 時不然,所以 贵 率 性 不 之謂 見 使離 聞 不可 亦 哉? 於須 須 不 曳 臾 敢 是 具

莫見乎隱,莫顯乎微,故君子慎其獨也。微,當

尤 隱 而 己 事 面 ",跡 暗暗 加 過 己 獨 謹 於 知 所獨知之地 雖 處 焉,所 之,則 此 也。 未 者。 形, 微 以 是天下 是 而 遏 以 也。 細 幾 人欲 君子 事 則已 之事 言幽 也。 於將 既 動 無 常 暗之中, 獨 点萌,而 人雖 戒 者,人所 有 懼, 著 不 不使其 見 而 細 知 明 於 不 此 顯 之 知 而

> 喜怒哀 之達道 和 潛 滋 中 也。 也 暗 樂之未 者, 長於隱微之中,以至離 樂,音洛。 天下之大本 發調 「中節」之「中」,去聲 之中,發 也。 而 和 皆 道之遠 也 中 者 節 也 天 謂 之

此言 循 無 所 喜、怒、哀、樂,情也。 天下之理 性 所 偏 之謂 倚,故 非 性 情之德,以 戾,故謂之和。 ,天下古今之所共由 皆由此出,道之體 謂之中。 明道 發 其 皆 大本者,天命之性 不 未 中 可 發, 節 也。 離 「道之 則 情 之意。菲,本 達道 性 之 用 也, Œ 者 也 也 無

字,作乖乃俗誤。

致

中

和

天地位

焉,萬物

育

焉

處, 中,無 致,推 地 遂其生也。 位矣。 無 少偏 少差謬 而 極之也。 自 倚 自 謹 戒 圃 而 獨 無 其 懼 位 而 而約 守 適不然,則 精之, 者,安其所 不 失 之,以至於至静之 則 以 至 極 極 也。 於 其 其 應 和 中 育者, 而 物 而 之 萬 天

之極 之氣 其 道之教亦在其中矣。 正 物 結上文之意。 動静之殊,然必其體 實 一, 則 育 功 矣。 亦 亦順矣,故其效驗至於如此。 天 非 ,聖人之能 地之心 有 蓋 兩 天 應,當作譍,凡讀去聲者同 事 地 亦 也 萬 事 正矣,吾之氣 物, 立而後用有以 是其 故 初 本 於 非 吾 此 一體一 有 合而 待於外, 體 順 用,雖 言 此學 則 吾 之, 行, 加 之心 天 問 以 則 有 修 地

庸。 受治 政。 勇, 夫今欲知中庸之學所自始, 圃 日 訓義古之聖人,本其性之至善者而 省詧之功,爲内 用之所當爲者,皆得 無 發之爲 吾夫子體之,子思述之以 焉。 於是功化 過 不及。 其 言 内 之極,與天地合德,而 行、 外合一之至 存之爲 治 密 動 藏 施 誠,成之爲 夫 之 之爲 極致 大中至正之道, 加 德,名之曰 詔 爲君子之所 禮、 乃乃 學 知、仁、 樂、 以 者 盡 民 發 存養 刑 爲 中 物 謂

道

馬

則

率

循

此性

之謂

也。

率其会之至

乎? 道者 爲 性 則 由 而 以 則 理 出 必 人,形既成而 会易五行之氣化生萬物,其秀而 備,而後知其業之爲有所 功之不可 性 有 乎? 體 存 成 知 爲会易、爲五行, 天下之所 此言之, 焉,人 其聰明 則 與生俱生,而 乎所生之性 此理、力足以 ,即天分其一 則受之於天也。 皆出 必原 略。 固 則 必資, 宜 有其 理固 本於道之所自 性 於人之性也。 而能 法 出 者也,「天命之謂 在 行此 心思 天以 「於天。 真無妄之天道以授之, 有 而化生萬 則 知 一日 其中。 中 天以 可 理者 則 建 庸 推 本。 極 有 之生, 人無 之德所自有 極 其 矣。 日 其 於是有其 物者 出 性 於 人道。 智睿。 (一真 夫道 不生於天 道 何 於是 則一日之 最 而 日 之所 所 無妄之 後 性」也。 靈者爲 何 天 智足 自受 所 知 耳 M 道 Ħ 自 心 其 丽

道

此

義

焉。 焉。 所從 性。 不失乎性之常,是人之所必效焉者也。 可違矣。 浅禮 之 言之,則教以 之或過或不及者, 之 能 「,則 其 譍 能 修 爲 所 謂 教 有 立 人莫 事 者 行 能 、智之中 者 固 教 未 也 必 而 之道出 即 而 知之道出 本 能 於是而先王之教 不有 事無 也 由 則 性之所自 仁、義、禮、智、信之道 於 行者,品 有 者 道 焉。 天,具 其性, 知 焉。 未 不宜,處物 也。 修道,人莫不當盡其道 有 此 能 不 焉。 乃以 率其五行之理氣各成 而 、於性 節之而 知 由 미 而品節之使得 顯 而 君 者,品 此言之,則道 焉,道 性 廢 使不悖乎天之理, 率其易之至健者, 子 前 本 而 立焉 體 即 使行焉。 具 物 節 道之功 教 爲 古 道 無 之 道 有 本 則 出 不當 之 所 丽 修 性 則 焉。 夫仁、 所 因 口 必 有 使 明 道 丽 而 宜 由 此 不 之 乎 知 盡 知 知 是 乃 焉 烱 下 豊 事 將 而 離 而

道

其

以

則

際,遂 有所 者, 不閒 矣。 善之形 於性,人未有 然内 未 至 昧者 之形悉在焉。 所 無 斯 聲未起也,而性 性 固 不 性 而 於 有 事 道 夫君子所修之道 無 在 미 之道 無 見 睹者焉,形未著也, ,此夫人能 有,事不 無 離 至 也 不存 須 於 者 形 天 故 而 **奥之離**,而 不動 以 而 也 譍 無 m 萬 離 於 譍 哉? 處 物物 妄爲 色之中。 至 中 事 善之成象 性 君子 不言之内。 者 ௱ 動 乎? 來 物 而 中之藏,天下之聲悉在 也 發見 無物 是 而 生 而 而 於此 道 故 不能 者也。 即 處 爲 可 天之明 吾性 也 丽 具 君 事 性 而 而 來 須 其 不 在 子 静之浮機, 物 所必率之道 致 性 丽 臾 天 一之成 然也。 有 事 不 之 性命 當 其 中 覺 明 離 無 所 物 力,物未 體 戒 赫 然之則 之藏,天 乎? 須 使 始 未 不 於天, 慎 道 赫者 臾 形之 聞 成 道 有 小所 也 其 之 終 者 不 而 來

端也 蓋以 養, 之心 者,萬 趨 也 道 端 乘 也 在 發,或善 而 有主 一而 之,而 生之變自此 ,亦起念之微 之途 幽 也 無 而 以 天 須 者自若。 體 妄相熒惑 隱之際,未 君 灼 善之名言 人欲亦於此一 丽 然後 及其 與 子 自 天 或惡,有自 見 情 性 於 此 理自 此 亦 一念之動也,是天 不 此 而 雖 理 於 斯乃 離 矣 而 也。 未嘗 脯 大 不容 嘗 於未動之先矣,則念之 聲色雜投, 咸 益 此 於 致 分,莫見 圃 有 在 以體 静 養其 成 知 而 此 其 乘之。 昧 是 有得失之大辨 之審者。 感焉。 中, 其 ,莫顯 不 恐 也。 非之昭 静 天理於不息之常 純 使 而 懼 丽 於此 有 是吾 加 於此 以 情 存養者如 君 吾 於善 所 理 不 此 著 雖 故其 矣。 子 之 心 善 井 矣。 性之所 體 感之, 也 既 所 之 成 之 然 天 、動也, 也 欲 其 常 寧 聲 面 發 而 無 内 此。 所 見 而 動 所 見 合 雖 而 存 雜 無 聞

善焉。 拂乎天 時 所 閒 乃 得 天 君 則 性 性 吾性 圃 知功之不 之念必一 知之際,爲體道之樞機 相 昭 性之 惟 既 不 功 不 子 則 mj 化 有 不 道 見 足 自 盡 凝 性 推 之極, 於 者。 外 夫 省 得 之 其 以 不 承 獨著其當然之則。 致乎其極,其爲 一如其 動 存 可 詧之功。 原 動 容 不 Œ 有 無 養省 於天 時,而 略 面 故君子 情 欺 有 所 要皆 事 静存所見之性天,而 也 也 静 省詧者 增 不 則 詧之功 而備 益 存之功。 吾性 以 與 此 既 原 知 特 也。 此 性 中 動之後, 此 恐 本於道 於性 又 而 盡 相 中之固 庸之學 則 人 理 夫 功化 如 道 終始,故 不 不 必 前 此 性 道之無 性 以 以 足以 之所自 慎 及 遺有 當 有 當 措 事 有 所 不 知 焉 迷 蓋 未 既 之 天 可 治 由 以 己 其 君 念 有 有 而 量 日 也 純 使 離, 出 欲 起 子 不 情 用之 天 幾 情 非 性 哉 所 也 與 於 微 之 於 不 故 然 而 龃 獨 而 愐

安者 已矣。 樂,可 樂未 無 蓋 其 中 哀 當 然 咸 見 成 有 後 通 者 》,則 發 樂之理, 所 無 宜 不 所 善 德 丽 感 乎? 一發之時 中 也 者 偏 者 乖 圃 以 即此 無 性 有 戾 節 不 夫喜 言 者 不及 未 和 又 而 中 必 皆有自 [之,渾 以 而 因 此 口 丽 有 미 情 也 也 喜 乎? 中 至 怒、哀、樂,於 於喜怒哀樂之則 情 以 Œ 存 其 以 也 節 於 有 未 以 可 事 焉 喜 衆 然 夫 者 乖 然之節, 必 此 顯 以 有 人 者 善 而 面 \_\_\_ 性 戾 口 怒 其 可 其自然之能。 見性 也 不 具 善 具 無 者 以 生 念 以 皆有 當喜、當怒、當 美, 所 有必 怒,可 其 可 而 情 而 而 見性之幾 在 倚 其 相 不 情 面 背 以 存 情 其 者 미 良, 渾 中 交 倚 世 其 無 喜、 中 以 發 於 相 於 爲 是 過 性 性 有必 之實 哀, 而 於喜 此 則 怒、 也 融 隨 也 也 故 始 善 端 心之 可 自 感 所 會 哀、 哀 也 發 謂 怒 以 寂 蓋 以 以 而 imi 其 而

情 天 爲 以 天下 足。 所 不 然之則 自 於一心, 其 其 也 患 喜 當 遷,非 可可 樂。 有 官 下 功 易之經,是 此 用 體 其 其 司 之事 之 獨 喜 大順之美,故 亦大矣。 流 有 融 面 面 「樂,不 譍 行 用 肆 餘 故 其 率 會 而 天 加 理, 矣。 譍 感 其 與 過 性 命 於 相 可 或 於 禮 是 天 礙 衆 苟 以 荷 之 與 也 之 喜 喜 則 善矣。 即即 通 於怒哀,當其怒哀,不 非 和 樂 生天下 非 中 用 體 流 理, 所 或 可 至 也 至 也 著 怒、哀、樂, 也 存 、刑、政之原 其不及也。 謂 怒、 情 者,天下之達 性 者, 以 焉。 焉 則 異 之動 和 利 之所 之所固 蓋 推之於天下, 或哀、 天下之大 而 者, 天下 情 此 情 相 本 之未 中 之 無 丽 加 與 也。 安, 或樂 之用, 有, 既 和 往 惟 件 作 不 者 生, 得 道 性 本 丽 患 則 其 則 而 也 而 非 也。 性 有 隨 存 性 性 不 其 妨 也 而 加 之 定 當 之 著 成 惟 感 道 效 見 不 不 於 物

密,而 之心 原,則 職,以之變会易 者,達之於 養於 子之 一之爲 也 古 以 乎 無 平焉,天 慎獨者省詧於 存 動 ,性情 口 爲 至静之中, 能 皆 往 然之節,存之於未起念之前 養之熟, 無 無 心之正 得 虚 致 承 功 不 有 一念之不通羣 之也。 IIII 而 天下之理,而 於 適之宜,是人倫 故有 既起念之後 地位矣。 不 情 正 無 也, 順 而 物 也。 者 而喜、 、奠水土 焉 其德必有 無 者, 君子以其戒慎 方 無 亦盛矣。 矣。 以 動 一時之不涵 有 何 君子以 怒、哀、樂 之秩 之 不 道之爲 也 情 吾之心正 ௱ 圃 頃 正 其業, 物理 ? 以 不 会易不忒 惟 者 百 ,而喜、 違 各 爲 矣。 神 吾 吾之性 體 一之歸 實 得, 未 則 萬 性 恐 mi 而 爲 發 而 一之爲 怒、哀、 懼 m 而 理 但 百 則 省詧之 君子以 用 之際, 也, 可 者存 本受 於一 水 神 不 天 氣 在 皆 守, 紊 兴 地 之 君 + 不 静 而 也 行 物 嘼 以 右 在 自 即 何 能 H

則

離

爲

性

乎

其

乎? 吾情 之於天, 一,而功 乎萬 也? 人中 成 之性 明 在 天地之正 而 之養民 也。 行 天 之至和 1-吾之氣 之者, 物。 下 及艸 化 性 則 吾之情 則 ·, 而 此 圃 日 贵 萬 天 爲 中 推 理,故盡 澤 木、 非 在 順 而 有 物 地 庸 致 萬 徧 豈易言 其 心 本因天地生物 憾 有 亦此理也, 物 恩 之德 夫道之所 而萬 遠 人 中 乎? 是 之託 施 邇 道日 不 其性 情 物之氣可 鳥 所 能體 哉 也 以 命,故 | 書焉 然 以 之蕃 耐 備 在性情之中 盛 則 而 吾 也 德建 也。 吾性 性 之情 功 慎 Mi 萬 艸 得 化 其 原 吾 知 乎 物 木 而 之大 豈 將 德 情 有 加 而 天地 育 順 之所 天 以成 馴 求 是 有 而 也 中 日 夫 德 鳥 異

道之本 加 第一 不 可 章,子 離、次言存養省察之要,終 原 出 於天 思 述 ൬ 所 不 傳之意 미 易,其 以 實 立 言。 體 言聖 備 於 首 神 己 明

咸

順

蓋子思引夫子之言,以終此章之義。察當楊氏所謂「一篇之體要」是也。其下十章,得之,以去夫外誘之私,而充其本然之善。功化之極。蓋欲學者於此反求諸身而自

仲尼 子爲能體之,小人反 理 中 ,乃天命所當然, 庸者,不偏不倚,無 日 「君子中庸,小人反中 精微之極致 是。 過 微、當作散 不及,而 庸 也 平 -常之 唯 君

要,本作要。

也,小人而無忌憚也。」王肅本作「小人之反中庸也,小人而無忌憚也。」王肅本作「小人之反中庸「君子之中庸也,君子而時中。小人之中庸

蓋 庸 而 君子之所 子 中 者 又 能隨 知 無定 一,以其 其 體 在我,故 時 以 有小 隨 以 爲 處 中 時 人之心 中也。 庸 能 丽 者, 戒謹 在 是 以其有君子之德 而 小人之所以 不睹,恐懼不 乃平常 又 無 所 之理 忌 憚 反中 聞 也 也

而無所忌憚矣。而無時不中。小人不知有此,則肆欲妄行

若 矣而 其 仁、勇之德,而與不可 也。 之焉 訓義 則 而 不 者,君子也。明 及,自以爲不離 小人,不知有道 離 必不離之者,則存 非聖 請 唯聖人乎! 變其守,以 夫從人者 者 行焉 道 次弟言之,中庸之理 不能保其不 而終離之者爲賢智之過 ,蓋亦難矣。 人不 原於天,率於 前 能體 Ē 道因 必明必行者,勇也。 故中 焉 而 丽 而 離者爲半塗 之,故 乎其· 其自入於邪而 以 離 離之者爲隱怪,能 克 庸者, 性 明者 之者爲 離之道 用 行其 人。 而 其 不 存 仁也。 盡 所 存養省詧之功 乃天下 所以 口 乎其 凡 人之 體 、愚不肖之不 由存 圃 離。 民、欲 相 廢之君子 離之者 知者,知 所 人 爲 盡 亡於天 正其志 之能 然 可至, 乎知 IIII 符 不離 不 而 合, 離 爲 不 能

閒,固 實矣。 之差 之道 詧之嚴以 修之之功矣。 理,人人 所以存亡,在君子小人而已矣。 夫中庸之 德於心,而 至邪? 尼曰 ·, 則 福 因 焉。 .君子矣。若小人者,於中庸之道 之所自 盡 君 中中 反。 又從 而 蓋 性 子小人之大别也,仲尼嘗言之矣。 時 人 此 於譍 自慎 ·庸者,天下之定 君 皆 之譍 中之所 修中庸之道於天下, 然則人心之所以邪 分也。 其 IIII 子之能與中庸 可 所 事 爲 其 既 與 然 接 (德,則 邪 以 知道之不可 者以 焉 同 唯君 成 物之際,又能 説 得, 乎 詖 而 知 處 其爲 行, 子 自 何 加 之, 也 理,善惡 以 顯 盡 以 君子, 合也,實有其 則 離 爲 著 而 其 與 而 正,斯道 於 無 (爲君子之 君 則 棋 君 體 子 中 過 酌 日 m 子 中 、得失、 存 之 庸之 用 中 不 庸 體 不 理 養滑 能 之 獨 備 及 之 之 庸 之 言 觀 不足恤 則爲 矣。 能 和。 右 與 譍 庸 人之與 中 事 反

庸之大防於此辨矣。 以喪失其本心 同得,而 之,則 之, 庸 接 妄以其 之哉? 中 物 相 無所 、斯道之存亡,在人品之邪 謂天命 日用之所必資, 反, 庸 之際,唯其 動 可離之爲 而 忌 而何 則既 面 終爲 帽以 不足畏,前王不足法, 相 小人之獨 違 小人也 快其 私智小有才之所 成乎小人之品, 道 者 ,而任其 則 固 私 雖 有 悖邪? 焉,此其 有 由 以 智 夫子 私欲 成 力, E 平 一,而 之發 夫 之言 所 人 其 能 ៣ 亦 言 小 悪 以 贵 爲 於 中

統

在

也

治

亂

仲

下

之義、文雖 」之「中」,實兼 第二章。 庸」者,游氏 以 德 行言 不屬 此下十章,皆論 之,則 曰「以 中 而 意 和 日 二之義 實 中 性 相 庸 情 承 言 中 是 也 庸 之, 也 以 則日 變 釋 首 中 中 章

所宜

夫

中

庸

也

夫

中

庸

之理,既

人人性

中之所

子曰:「中庸其至矣乎 1 民鮮能久矣。」鮮當

至。 调 語》無「能」字。 衰,民不興行,故鮮能之,今已久矣。 則失 然亦 中,不及則 人所 同 得, 未至,故惟 初 無 難 事 中庸之德 但 《論 世 教 爲

心皆其 天 訓義夫唯君子爲能中庸,而小人反之。乃 而 夫子曰,道之至者,人之不可違者也,則中 下皆習 而 誰不有 君子不易見,而小人不恒 下 是已。 後各得 俗 後 美者 皆 萬 亦安能離之哉? 而行之。 世 司 可 可知 此也。 以 以 其所安。 得者也。 中 必遵者乎 寡 可能之理? 庸之爲德也 過。 乃世教衰於上,而民 顧必上之教明,而 其爲 履常 面 人倫 乃夫子嘗言之矣。 道之極 **譍變必奉此爲準** 古昔之民所 則凡民雖不能體 有,凡天下之民, 人皆有 物 理 致, 必 其 至 丽 工於是, 心,則 後 以 無 通 天 化 諸 圃

> 不明不行,在有志者之修之矣。 言觀之,則凡民 成乎其爲無 常者,其尟也久 起爲善之心,則能遵 道也,可 了亦無一 矣。 此德而以成乎人道之 미 是 勝 離道之理。 歎 天 哉 下皆 迷其 由 夫子之 而教之 性, 而

過之,不肖者不及也。「知者」之「知」,本作虧,今省愚者不及也。道之不明也,我知之矣,賢者子曰:「道之不行也,我知之矣,知者過之,

右第三章。

作智。

不明 也。 肖之過不及,則 者不及行,又不求所以知。 知,又不知 者知之過,既 道者,天理之當然,中而 賢者行之過 也。 所 以 以道爲不足行。 生稟之異而失其 行。 既 以 此道 道爲不足 已矣。 之所 此道之所以常 知 愚者不 以 知 中 愚、賢不 常 也 不肖 及 行 知

四書訓義卷二上

中庸卷一

「人莫不飲食也。鮮能知味也。」飲,本作飲。食

道不可離,人自不察,是作食,俗文。鮮、當作尟。

以

有

過不及之獎

察,當作詧。

獘,俗作獘

後斯 也? 行,而 明,而 其 以 不能 日 爲之者? 由 相 下 思 義夫民之所以 之於 者 悖 用 不盡皆凡民,則 致 明之矣。 ,此豈人之不欲 人皆共守爲 也 事物之常,豈難行者哉? 人無 夫子嘗言之矣。 人 無實 之 無 乃終 所 所 以 而 通 過之矣。 遵 其識 知 終不足 無 有 其 以 所 尟能中庸者,惟斯道之不 有 其 從 道 理之宜然,惟 見 必 推 閒 事 本 行 之慧 不 行 以明之 其識 豈 於 子曰 止 哉 其 可越之矩,而 、理之必 無 於 ? 實 mi 欲 見之樸 道 此 爲智者, 我 行 知 而 唯 古 斯道 偂 知 然。 使 之, 此 行之,而 其 不 理 mi 窮 天 之不 則 則 故 越 乃天 爲 不 出 下 而 愚 共 致 平 何 觔 唯 在 渺

之,以 者,則 矣。 氣 也。 以 爲 不 미 才力有 不 無 其 閒,豈難明者哉? 其 矩 淺 所以 之,道固 及之矣。 能之力,雖以道之所 欲明哉? 近以 蕃 以 爲 有 有非 其才力不 發 變, 限 理 而 唯 立 明 成乎人之理,而 其 更 孰 無 餘 道 法 而不必致夫精 有 其 行 所 能 丽 端之偶 淺 之所 則哉? 其過 義,而 也。 高深 可 以 爲 我 近 逮 通,不及之矣。 其 賢 知 丽 宜 也 而 其 者 **慢**,有 者, 其 審 使天 不 二**,** 而 則 爲不肖者 然, 不 唯明之,而 道 故在 詧 足 及 則 昭 必 已 以 不至 無 圃 下 明 道不 也, 任 著 密之極 然, 不能 盡之宜, 事 爲 好 與 也 其 於 唯 終 則 守 爲 知 僅 而 人倫 一往英鋭 則 後 以 此 吾 行之矣。 迷 荷難 者, 其 其 於 甘 以 因其 也。 所 人 爲 尋 不及也, 過 於 此 、皆自 舉 難 豈 物 理 常之 可 過 自 也 爲而 僅 人 理 於 本 乃 而 丽 其 然 之 之 之 終 措 行 無 規 知 則 安

之味 矣。 彼。 彼者 易 道之本然求之耳。 不行,實 用 著 則 合德,必有所待矣。 合而卒離之。 觀之,則道不 下,吾不能不 亦與於斯道之事 食之,而味乃知。 飲食之中也。 Ź, 明 以 也。 孰嘗 面 ,或不及於此,不及於此者,或 也 爲 可勉,又未嘗無意於道,而道之不 以 或 擇 因 喻 過 其 己 而 不 此 一焉,或 天 所能 條 孰 明 離 爲 然則 丽 下 知其味而後安於飲食、飲之 能 理 不行,而 於 斯 甚 矣。 爲 平 以 乃 丽 人,而 人 不 焉。 君 ? 今夫飲食之有 其 而 八致惜 知此 實辨 及 莫不飲食 爲之,道固深遠 子 躬行自得之實 夫 焉 之體 何哉? 或 使 智愚、 也 其 四者之資, 尟 過 此 得 中 或 道 能 由夫子之言 失, 位,而 賢 庸 不及者,求 遂亡 蓋 知 味 也 不肖者, 未 則 此 即即 一於天 過 知 嘗 或 過 明 本 顯 丽 之 於 於 明 伙 行 即 在 可 不 面

右第四章。

子曰:「道其不行矣夫」」」夫,音扶

由不明,故不行。

丽 非 施 則修之己者,自 師 也,乃自今觀之,道其不行矣夫! 矣,曰,道者,君子之與天下共 訓義道之由 使其 其理 之天下也,欲 心以自用,而 (必行 一,而 事 乎 不明 亦非 1 以 謂 不詧夫人情物理之當 加 其 得之, 治之,而 事矣。 不行 而 也, 夫子嘗歎 安得 適 適 以 以 由 失之。 亂 而 明道 之。 蓋 寡 一人各 调 其 者 之 理 者

右第五章。此章承上章而舉其不行之端

以起下章之意。端,宜作耑。

言 斯以 子曰:「舜其大知 好 隱 當作政。 爲 悪 舜 而 乎 兩當作 揚 ! 善執 网 知、當作 也 端、當作耑 其 與 兩 智。 端 與、平 舜 用 好 其 聲。 問 中 而 察,當作祭 於 好 民 察 其 濔

則 其 也。 善可 舜之所以爲大知者 善善 人 孰 者 知 邇言 則 不 者,淺 樂 播 然於其言之未善 告 而 以 不 近之言,猶必察焉,其 善 匿 一,其 哉? 以 其不 (廣大 兩端 者 自 光 則 用 明 隱 謂 面 又 而 衆 取 如 不 論 諸 無 此 宣 不 遺 人

此 取 薄 司 知 非 之 之 中 ,然後 類。 極 之所以 在 致 我 之權 於 用之,則其擇之審而行之至矣。 無過 善 蓋 之中 凡 度 不 物 精 及,而道之所 又 皆 切 執 有 不差,何 其 兩 兩 端 端 如 以 以 而 小大、厚 行 與 量 也。 度 此 ? U

厚作厚,俗誤。

孰

同

鲫。

宣作宣

,俗誤

與,去聲

知,而 訓義 道 理 知 舜 之 之推 日 其 夫 盛 大知 智者 有虞氏 行訖 道 者, 由 亦 也 則 於 不 之治隆 非 與 唯 蓮 明 果 其 海 能 面 夫 矣。 知 矣,建 知 不 人 足 也 行 自 乃 以 中於天下, 則 有 我 故 杰 以 其 推 夫子 道 愚 聰 其 之 者 明 所 仰 宜 固 加 由 而 思 也 自 備 化 大 不

能

聽

能

行

丽

揚之。

夫揚之則

人皆

思

善

之。 問,而 用之,工 惡言 則言 旨 爲 明 皆 善 必 雖 且 必 物 而 審,而 巾 不 取 弗 間 大 所 於 我 而 ,善私 行, 者 問 焉 所 善言既善, 雖惡,而 知 口 倫 而 必 聖人 面 共詧 雜 資 而對以 也。 而 詳 聖人 苟有 不 止矣,舜不矜己之能 取 進, 因 以 其 知 於己,而 非 ௱ 乎人 爲 以 立言之故,其 言者,其説 則好之不 則 斯 不行 將 推 有 其所知者 明 觀 無 理之在 有 丽 其 疑 所可 者,非 於舜, 不 在我,未 (所言 焉, 自 悪 善隱、 明 我行 者 共 天下, 厭 而 也 焉,有 一之情。 矣,舜 大 問問 亦 明,詧於 則 亦 焉 之, 知 有 無 説 無 好 不 前 所及耳。 也。 損 不詧也 高遠之論 恐彼 亦無 間 審 自 善者焉。 則 問之詧之, 皆 也,知其 問 焉。 能 信 不 物 大 自 與 甚深 之 斷 自 而 也 ,斯以 知 審 知 居 不 疑 而 而 因 也 見 悪 夫 之 間 其 隱 舜 則 平 則

之所 乃 詧之 則 言 褊 思之 道 乃 者,在聖心 是 以 是 也,無不及者 口 致 小之見 行 凝 人心之同 立之爲教,施 者,天下 爲 其 而 Imi 而 内 於己。 精 於 以 非 研 天 Á 則 事 端 有 洵 或或 下 見 爲 求 知 理之當 丽 其 虞。 舜 矣。 之言日 哉其 ·共知 隱 以 舜  $\overline{\mathbf{V}}$ 已 聖功 然, 者 則 也 爲疑 不 惟 詳 矣。 彼 衆 然者 一,得 其 即 · 足 大 人 集 其 之爲 智 及 辨 進 論 知 天 可。 不憚 是 以 天 在 物 者 舜 事 其 於 不 理之 出 也 行 下 斯 而 理之中 政, 則 舜之前 矜 可 同 矣。 圃 1 在 之 於未 道 T. 非 執 天下 化 極 1 而 知 而 得之長, 故聖 明矣。 則 此 或 致,而 在聖 行 用 以 或 善 而 必 由 所 兩 以 於天下 加 爲 德 之 以 m 可 其 端 夫子之言 共 爲 1/2 舜 於 知 辨 爲 不 行 在 愚 無 而 見 見 ൬ 疑 益 躬 之 民 者 是 中 者 非 過 其 而 以 酌 取 明 焉 也 舜 庸 守 道 m 者 爲 量 或 可 而 而 於

> 之道 務 益 一,必待 其 知 必 大 有 知 其 如 功 舜 面 後 行, 則 君 子 所

> > 以

右第六章。

之中而 切。 當作 庸 子曰:「人皆 而 辟 内 不 當作 音同 能 莫之知 期 避。 納。 月 日 期 罟, 守 辟 『予知』, 當作棋 从网 也 也。 。」「予知」之「知」,皆當作 讀 人皆曰『予 居 如 之切 古。 驅 而 擭 納 胡 諸 知一, 化反。 罟 擇 擭 阱 智。 平 陷 疾 中 阱 Œ

作院。 也。 罟, 以 理 所 況 以 網 以 从土 能 期 揜 求 也。 擇 月 取 俗 所 而 文。 禽 擭, 市 謂 不 潤 中 匝,本作 能 機 者 月 庸 守, 檻 也。 也 也 即 市 皆 0 上 擇 加 不 言 陷 章 <u>\_</u>, 平 得 知 阱, 好 中 爲 祒 俗 問 坑 庸 知 而 用 坎 也 不 辨 中 也 知 别 坑 避 衆 事 本

矣,曰 訓義 能 知 也 道 今 之由 夫 丽 利 非 不 害 但 行 之 知之爲貴 而 機 不 善善 明 也, 不 也,身試 善之辨 夫子 嘗 其中 貴於 言 之

焉,亦 中,而 茫然不得 乃 不慎 惑哉 理 之於道,亦又 有 激 知」之人 時,皆知其 罟擭焉 安之日 吉,從逆則凶,亦豈有難辨者哉? 圃 此 心 亦皆曰 納之者而 後得 M 度之 而 勢 ? 爲 不 易 遂成 爲 成,則莫 而論利 失判矣。 大過 也。 辨 乃天下 知 夫理之所安。 而 予既 不 陷 也。 引身以 明 若或納之,以趨入罟擭陷阱 大迷, 豈但 此 미 阱 然 有然者。 害,誰 明 利 焉。 入焉,及乎利 則 知 有 學 今以 有 爲 之所趨,即 斯 明 驅之者而 者 不 辟之,皆即 理 當其未入罟擭陷阱 不曰予能知之而 道之所在 於 之可 ·及,如 荷 利害言之, 前 今夫 利 嘗致 故 害 而 信 擇乎衆善之中, 是 若 暗 者 爲 誘 害之所隱 事 辨 mi 總者 1或驅 於後 加 然? 加 事 於 身 滴 其 爲 欲 物 可 人當 歷 得 惠 行,行 日一予 知矣。 之,莫 動 學者 之而 否 物之 其 不 油 爲 > 之 中 之 事 之 可 W. 則

> 其所歸 知 乃 之,私欲乘之,未 不 初 守,而嚮之所知者 圃 固 以 純,執之不 則 得 循其 不 爲 夫 矣。 可恃以 天 知 之實 所 理 然則 知 至 · 固,至 者 爲真知矣 门則 當之宜 知 有 而行之尚不遠 亦隨其情之偏 甚 雖 能 於期月之閒 哉 可 守之 口 力 以 執 行 爲行之資 也。 者之難 之 爲 也 倚 至 而 中 而 於 私 而 前 也 庸 不 不 意 心之 矣 行 知 能 圖 愐

曰:「回之爲人也,擇 端 右 以以 第七章,承上章大知而言, 起下章 也。 端,宜 乎 作 耑 中 庸,得 又舉 不明 善 之 則

子 拳拳服膺而 服 能 口 之閒、言能 猶 守 孔 如 子 此 也。 弟 弗失之矣。 守 此 子 也 膺, 行 顔 之 淵 胸 所 顔 名。 也 以 子 無過 蓋 拳拳, 奉 真 持 不 知之,故能 而著之心 及, 奉 持 而道 之 貌 之 擇 胸

所

以

明

也

胸

本作

依 專 之難 知之 訓義 欲 自 大 以 則 能 不行 不 引於大過 欲之所溺必 足,不肖者 之 固 中 復 知 也 存 夫子所望以 與 行 心 難,而 夫知 惑 爲 其 之 道 之,自信 而 擇 而弗失之難 相終始 私 久安 心,不使妄 極 者 以 不 乎 明道 也 明 而 意復 乃以 理 能 心 見 白 不能 若 0 行之難 未 欲之際、公私之閒 之,以此 於 則 也。 畵 明斯道之傳,而 者 夫子嘗 審夫 動 服 盡 日 以 於不 ,其惟仁者乎 守,則終歸於不知 也,其 以以 動,拳拳然據之爲已得 丽 於 用 夫如 賢 也,乃其行之,非 行 匈 者 天理自然之則, 者 洣 及,私意之所馳 俑 善爲 因之以 膺 是 失 唯 行 之矣,曰 既 閒 其存諸 其 有 不可 得 者 所 平 餘 致力於克 不 1 得, :忘也。 m 而 而 勉 善焉 夫顏子, 學 心 不 回之 中者皆 而 知 使 者 德 道 使 所 必 夫 能 然 爲 由 理 私 遂 則 爲 妄 人 非 復 則 得 不

> 道 力, 後 之,而夫子望之以 於大中之矩者矣。 可措 鋭 顔 而 子惟 明。 ,明矣。 於 不 則 之行, 味,故聖人之道可 始於 往 純 君 其 而 子 圃 有 而視、聽、言、動之交無 心於仁,故所知者常默 不繼 所 中庸之道,必 知, 以 不 終於大惑 修 務 由夫子之言思之, 明 肖者 存 斯 以 乎 道之 其 倦 待 小厂 其 於 1 統 得 亦 持 不 加 者 必 足 有 顔 守 彼 而 識 有 不 子 以 而 賢 發 於 則 當 者 其 明 不 知 而 明 10

功矣。

右

第八章。

子 可 均,平 能 能 之至 蹈 日 勉 也 然非 天下 難 治也 中 也 皆 庸 義 足 精仁 或 不 然皆 以 可 家 能之。 能 熟而無一毫人欲之私者不 者 可 倚 也。」爵 均 亦知、 於 也, 至於 偏, 爵 仁、勇之事,天 本作愈。 禄 中庸 故資之近 可 辭 解 也 雖 若 而 白 下 力 刃

能及 之所 以 也。 鮮 能 三者難 也。 熟,本作飘。 Mi 易,中 庸 鮮、當作尟。 易 而 難 此 民

勇矣。 遂足以 遂足 訓義 非勇不能果 不 以 而 後能 審於分合之大數, 民,使之均平而各 下國家之大也, 之矣,曰,中庸之德,非智不知,非仁不守, 次決擇 無 欲 以 勇 自 乃學者 體 夫中 於理 中庸以 勝 體 者 乃天 勉 之 中 庸之德,必智如 也 於 乎? 於行。 下不 欲公私之交而 庸 知 智 丽 乎? 盡 未 行 而 苟 君子之實,而無過不及之 無知 能 l得,蓋· 則 吾嘗 則 經 成乎知、仁、勇之一德, 而智、仁、勇一德之成 如 固 而 必有 畵 者也,不無仁者 舜,仁未能 取 미 尚 其 亦 均 舜,仁 未 ៣ 土地,分理其 執持 難 奮 也。 也。 衡之矣。 矣, 發 之,則 白彊 如 若 而 夫子嘗言 顔 如顔子, 智者 爵 之力 子 在乎 以 禄 也 能 人 天 圃 之

> 子所以 也與! 不息, 之而 者, 事 則 以得夫大中至和之理,而修凝成孰 之則,非灼見夫性天之藏,密審動 疑,此已難矣,而 無容再 心之安,則 可蹈也。 亦不 孤高之行,凶 不居, 則 不易得 計, ·可能 雖智周乎 進 口 此 唯 舜 又 退 也。 ,而過不及之所以不能 夫中庸者,不必有繁難之 難矣,而 決 也。 危之境, 勇者志之決 物、仁去乎私 於 而 孰 俄 至若白 頃,乃 其 仁者淡 而就 能 之哉? 刃臨 而 必 此 勇 氣 蹈之 於欲 H 前 静之幾 無所餒 以 伸 用 當 而 生 無 純 此 乎 而 差 伙 不 死 君 乎 求

子路問 子 右第九章, 路, 强。 孔子 强、當作彊 亦承上 弟子 仲 强从弘 章 由 以 也。 起下章 蟲名。 子路

好勇,

故

問

子曰:「南方之强與? 北方之强與? 抑而

至

了,學術以之利見,功業以之有成,乃

顧

舜

强

好

玻

强與?與,平聲。

抑,語辭。而,汝也。

「寬柔以教,不報無道,南方之强也,君子居

之。居、當作尻。

南 不 子之道也。 報 柔 方風氣 無道 以 教, 柔弱,故以含忍之力勝人爲强 謂横 謂 含容異順 逆之來,直 以誨 受之 人之不 面 不 及 報 也 也。

之。外作死,俗文。厭,當作賦。居,當作凥。「衽金革,外而不厭,北方之强也,而强者

居

强 北 方風 者之事 席也。 氣 也 剛 金,戈兵之屬 勁,故以果敢之力勝 革, 甲 人 胄 爲 之屬 强

强哉 故君子和 矯 或 而 有 不 道 流 不 强 變 哉 塞 矯 焉 中 强 立 哉 而 矯 不 倚 或

此四者,汝之所當强也。矯,强貌、《詩》曰

無

道

至死

不

變,强

哉

矯

也。 以德義之勇也。 是告子路者,所以 不 而守也。 可能者, 矯 變平生之所守也。 矯虎臣」是 或 有道 非有以自勝 君子之强,孰 ,不變未 也。 私、當作厶。 抑 倚,偏 其 達之所 其人欲之私 此 血 大於是? 則所 著也。 孰,亦即借用鲰字。 氣 之剛, 守。 謂 中 或 塞、未達 夫 不 庸 而 無道 子以 之不 進 能 之 擇

彊 亦必中 差,而 氣 任道之心與! 夫子之論 勇於任氣者,理有所不 勇亦有辨矣。 皆不足恃,而 訓義夫學者而欲體中庸,知、仁、 則自 ,有以性之剛正者而作其氣 離 溫 和爲德本,而後可 道 耳 彊 愈遠,道之不 矣。 何問 勉於爲者亦 勇於任 子曰 子路, 之 温 有? 意者,道 順 出 勇者也, 明 以 必 於 意者,其 不 任 則亦過不及之 藉於勇焉。 性 道 行 有 也 焉。 滋甚。 勇之一 所不 圃 有 面 有 間 以氣 説 生 勇 伸。 乎 於 德 蓋 在

之偏

至

一<del>,</del>則

因乎地矣,若吾性

中

剛

E

所生之氣

m

受者, 之難 肖者 教,而 此 貞 相習 北 也。 口 面 則 天 议 以 外 任 以 方 之彊 教 所 柔,遂相習而 道 無 **遂人,而變化氣質之自能全吾** 而 務 而 物 下 不能 困 之資,學者所 所 爲 將問南方之彊 M 所 而 之 矣。 北 與? 屈, 之所 忍 難 我 頑 方之彊矣。 受夫 能 彊 爲 冥 寬以 當 學者 北 忍 制 與 爲南方之彊矣。 者, 勉與? 方之 無 也 設 其 、尚,而 任 知 與? 横 科, 吾之心 道 以 無 氣 逆者 抑 作發 柔 之 能之材,則 之全功 有 圃 地 南方之氣 譍 以立 爲 也 也。 不 知習俗之不 物 而 彊 足 法,任 難 之説 以 mi 所 而 性之堅 以 而 制 爲 之 難 將 中 限 不 將 能 遂 之 人 不 容 者 知 間 剧 施

勝

夫

非

情

非

理之加,

則

亦與

無

禮

者

司

類

習俗之不可

陷

而

意氣之不

可

恃

也

以以

爲

然則

而

之所

當

彊

者

其

唯

君

子

平

君

子

知

有然者。 又有 是爲 其彊 嘗如此,雖其感化造就之别有道,而 爲彊之説者曰,天下最不 不 者以 聽彼施之,吾不報焉,惟 也。 미 斯道 處 柔之至爲剛之極,遂 此南方之人,因其風土之柔, 也。 也,在君子厚德容物 然而 君子非 人之難堪 可 以 相 試 此 習 爲 者 之度 亦 而 一, 区 彊 成 不 也 以 危 固 俗 而 而

習而 之事。 是出 争之爲,雖或名義 有餘 其危 氣之剛,而 不 可伸之志矣。 之焉。 成 ,物其能屈 ,不畏夫死, 而最 俗 有 其 若夫 不能 然者。 彊 我乎? 者全乎 君 金 則 忘 節 子 斯 革 天下無 者,死生之際。 志之因 則 道 以 剛 此北 爲 固 也 而 唯 衽 不 不 以 不 方之人因 雖 可任之事 如 成,而 知 温 有柔, 此 者 死 爲 吾不 亦 負 而 彊 其 勇 必 氣 遂 也 懼 以 風 好 相 尚 無

見

而

無

疑。

其

歷

試

於

身

世

之交,抑

根

本

性

以

起

用

斯

則

而

性

中

固

有之能,

而

可

資

心

於任

道

其

有

見

於

中

和

之理

則

隨

在

發

素。 或 乎無 萬 性 性 此 富貴易其 此 獨 怒、哀、樂之平而與 有 其 道 有 行 物 和 īF. 情之正 永 之中自有卓然不撓之理,而 常度、物 世, 焉 此 道 其 其 過 而 貞 身 直 和 中 焉 不 其 此 是 一非隨 也,此 素履、物莫淫 及之 致之, 彊哉矯矣。 心 心之守,非 守之能。 其 中 是 丽 莫屈 立 遂 其 果行之, 彊哉 則 也 志 中立也,推 物 利 而 也 意以 之日 見之 物 坦 自 其 倚 彊 而 皆 立 也, 遷流 與 也 事 日 哉矯矣。 任之,而 順 其 物以 物 彊哉矯矣。 也 則 其持 丽 準; 和 矯矣。 也 也。 守生 矣, 行之,而 則 一,固 吾學之正 成能 中 三也 仍 不以 以 蓋君 而 平之節 本吾 立矣,而 未 由是 此 自 也。 其 死生 子之 達 固 不 通 率 或 以 之 īfii 以 審 平 其 自

> 庸。 道。 矣, 彼 以 庸之所以不爲易能與! 德 固 顔 均天下矣,而 失,又非但 子同舍藏之志,可 人道者 而但 固 非 明 乃或過或不及,則 則中 但恃其仁也。 智仁之基,而 矣。 恃 庸之難,不 也。 其 如 由 勇, 用 知 夫子 而 行之過 中之智精,非 則 知 之言 能 未 所 益信 子路 辭 乎 當 免流: 爵 不 亦意氣 中庸者 觀 彊 哉 死 禄 故舜 及 之, 倚, 於其事 矣,而 則在 ITTI 但 底平 則 有 而 己 之所 恃 終 知 權 此 守中之仁 也 其 蹈蹈 成之治 遠 藉 勇 而 而 (智也 乎 白 此 性 以 之 不 中 愈 爲 在 中

右第十章。

矣。 子 或有 之行 Ė: 索 素,朱子云: 隱 「素隱 稱 也 行 怪 述之者,此 然以 言 一按 行怪,後 深 其足 《漢書》,當作索 求 隱 知之過 以 世 僻 欺 有 之理, # 述 而 而 ,蓋字之誤也 焉, 不擇 盗 m 名, 吾 调 乎善 弗爲 故 爲 後 詭 行,行 111 之 異

豈爲之哉? 僻,本音普擊切。 之過而不用其中,不當强而强者也。聖人

君子遵道而 遵道 所不能 於此,非勉 不逮,當强 力之不足也。 而 止 行, 也。 焉 行,半塗 而 則 而 此 能 不强者 不 擇 其 敢廢,蓋 乎 知 而 也。 善矣。 廢,吾 雖足以及之,而行 已,止也。 至 弗能已矣。 半塗而 誠 無 息 ||廢,則 聖人 自有 有

能之。」「君子依乎中庸,遯世不見知而不悔,唯聖者

者,正 庸之成德,知之盡,仁之至,不 不爲索隱行怪,則依乎中 唯聖者能之」 m 廢,是以 吾夫子之事,而 遯世不見知 一而已。 居,當作 猶 不 庸 而 自 而已。 不 居 賴 悔 也。 也。 勇 不能 mi 故 此 裕 中  $\Box$ 如 半

賢智 訓義 中庸之難能 過 焉 加 不能 也 抑抑 唯 其任 將 孰 聰 其 明才力 能 之者 以 平 自 ?

理 道 用 中,乃從 性命之旨甚隱 焉,然後知中庸之理爲至極,而 者之難也。非聖人其孰 及,而全乎天理之當然,以 及,抑知道之不可離, 賢智之過 及焉 離乎日用以得之也。 不易,作聖之功有 子嘗言之矣。 過,自以 能倣道以求至其 不肖雖能及而 而 ~,遂 而要不敢 而 爲情所不安、理 大 不能,惟 而索之焉。 爲不離乎道 而 而過更大。 行之,其爲 信 不及亦均。 子 丽 道之遂在 其淺 域。 E, 不 在 若别 知至 也。 近卑小之是圖 所不 於是 吾 既 而適 乃有 而終且離之, 行 從 能 不若 隱 乎己。 也 有 世之爲道者,以 有之事,其 與 則 以 事 示 而 無 者即 其隱之藏,而 甚 成 於斯乎? 僅爲 離 於 知者 須 愚不肖之不 乎離 哉 道 臾 平 君子之實 在 愚 之離 賢 既 而 人 顯著 無 則 不 一<del>,</del> 而 , 則 智之 自 行怪 倫 非 渦 視 肖 之 物 常 擇 夫 道 不 愚 較 不

知、爲 矣。 情 也 乎 能 君 故 居 道之所當然而 於 也 無奇 知知 之 怪 功 有 子 其 體 又 IIII 安 吾 無 化 道 平 平 爲 無 爲君子 如 其 隱 人所 ? 奇而 是者, 與 然 女 矣。 教 1 知 者之自 不 贵 之 妙 亦 道 已 而 不 可 吾 可 而 者焉 成之不易也,於是乎 共 之 而 相 平 者 無卓異之爲 能 決 不 亦 爲 勥 盡 解 斯 沿 ? 學 尟, 有 知 爲 君 索 若 及 其 足 道 焉 而 其 焉 知其不可過 其 子 而 有 夫 而 而 心 也 以 未 不 非 見 者 亦 得 力之 君 圃 後 驚 己 可 新 其 m 未 乎? 於道 子 念非 世 其 也也 足以 又未 耳 及 弗 理 所 嘗 則 有 能 也 目。 爲 根 焉, 不 至 偁 有 道 知 易 之矣。 行 吾 越 而 既 極 亦亦 及 述之者 君 之 若 人 嘗 半 其 言 也 尋 亦 乎 爲之, 也 不 子 所 淦 事 庶 未 聞 已 常 面 也 性 ·之實 易 備 嘗 不 成 幾 循 其 其 可 而 命 而 成 其 平 Ŧ. 渦 吾 唯 X 説 能 乎 廢 極

夫不睹 斯 喜、 非 則 爲 此 或 心 地 斯 也 不 也 也 亦 能 純 非 遯 惟 焉 能 0 也 不 而 於 怒、哀 方半 而 加 仁 能 君 反求 慎 於 既 不 世 性 非 動 不 已者 不聞 擇 之 其 則 喻 子 性 中 而 待 ·塗而 以 而 於己。 所 不 樂 乎 不 外 天 力 不 而 奮 依 爲 乎? 隱 追, 能 理 以 天 於 面 知 有 發 IE 名。 者 未 安 體 微之理。 之流 理 慥 有 任 其 其 缺 於 何 發之中 己 吾性之綿 中 增 之 志 道 然 存養省詧 陷 斯 容 即 至 庸 慥 行, Œ 加 氣 而 而 焉 使素位 怪 乎 之實 者 以 持 難言之矣。 大 養之 而 道 也? 無 而 自 於是 交争於天 之 中 不舍 學, 日 可 知 密 進 之功。 而 堅 之 用 而 不 無 而 修 静 而 而 IIII 尤 固 者 之常, 節 貧 已,無 及 可 功 敦 Щ 可 吾 而 賤 如 者 過 是 守 著 依 即 理 非 之 何 闇 不 斯 患 人欲 大 所 悔 然者 息之 於 者 庸 皆 在 大 也 難 智 天 不 勇 如 決 於 索 載 吾 人

也。子路,勇也。三者廢其一,則無以造意之義者止此。蓋此篇大旨以知、仁、勇言之義者止此。蓋此篇大旨以知、仁、勇若第十一章,子思所引夫子之言,以明首

七世孫世全半溪謹刊

四

道而

成德矣。餘見第二十章。

書訓義卷二上終

## 刀 書訓義卷二中 中庸卷二

宋朱熹集註 明衡陽王夫之訓義

祥

之不

得其正

君子之道,費 (而隱。 費,符未切。

費,用之廣也。 隱,體之微也。 微、當作 散。

夫婦之愚,可

以與

知焉,及其至

也

雖

聖人亦

焉,語. 其至 有所 也 一人猶 也,雖聖人亦有所不能焉。天地之大 不知焉。 小,天下莫能破焉。 有所 憾。 夫婦之不肖,可以 故君子語大,天下莫能 與, 芋茹切 能行焉,及 載

内,可 莫之見也。 君子之道,近自夫婦居室之閒,遠 聖人天地之所不能 '謂費 矣。 蓋 可 然其 知 盡 可能者,道中之一事, 理之所 其大 無 以 然, 外, 則 其 而 至於 隱 小 無 面

> 聖人固 所憾於天地, 孔 不 及其至而聖人不知不能。 子不得位,堯、舜 知 如如 有所不 孔子 問問 如覆載 者。 能 禮、 盡 也。 間 病 生成之偏,及寒暑災 官之 博施之類。」愚謂 侯氏 則舉全體 ~類,所 日 「聖人所 不 能, 而言 人 如

察也。負作魚,俗文。察,唯此則爲正文,其餘皆當作詧。 詩》云:「鳶飛戾天,魚躍于淵。」言其上下

至也。 詩》、《大雅 察,著也。子思引此詩 旱麓》之篇。 鳶、鴟類。 以明化 育流 戾,

也。 行,上下昭著,莫非 隱」也。 然其所以然者 故 程 子曰:「 此理之用,所謂 則 此 非 見 節 闡 子 所及,所謂 思 喫 費 緊

地。 君子之道,造端乎 爲人處,活潑潑地。」讀者其致思焉 端。當作耑 夫婦, 及其至也, 察乎天

結上文。

明之, 有其 訓義 今夫 見之 之費 不 至 物 所至 之不 後能 以人之意見測之,根於性而 偂 君子之道 一,理 有 缺 無 mi 斯道 小小 、事焉。 中庸 數求 也 之者 隱 其 無 之德,必先明乎君子所修之道 口 至 必 則凡體 皆 離 聲 中 則 至 而 則 一蓋其 之。 也 者,不 焉 不 之大 其 焉。近而 有 不 無所 固 有其 미 力費 忽,豈 聖者而 所 不 中 則 不 能, 易言 用。 德之至者,不 而 爲 庸 以然之理,本乎 可 睹之中 事 其 隱乎 丽 而 馬 之君 不至 以言索者矣。 費 故 不略,遠 不 後能者 無 推 也 君 .! 離 則必有其 调 致 有 費 子 子 也 皆 不 其 (矣乎 其 夫 ·, 皆 不可 ,之道 及, 也 極 有 有 易至 形 而 故 隱 有 焉 ? 不 其 而 天 必 以 則 理 欲 事 ·遺、大 所 者存 不 丽 請 君 聖 乃 無 焉。 習 m 而 推 事 實,道 言 子 詳 者 之 所 則必 聞 聞 不 其 君 矣。 修 其 所 之 習 口 用 IIII 爲 子 無 言 IIII

之, 子 者 以 明此 者 用 夫 費, 兀 無 君 也 能 口 面 詳之,有至焉者矣。 一夫匹 修,而 使其爲 餘,而 也。 之細 之所必爲擇 知 有 與 子之道不然 亦多矣,非 則 而 知 人倫 所 者 言之當 天下 所 者,皆 婦之不 微 將 乃 不 在 以然之隱, 後之君 明 即 道 非 能 焉 聖人 之可 此 其 爲 知 有 明此 費 亦 道 執者 肖 也 君子 著 所 者 善言, 窮 功化之遠大,非 也 子 也,皆君 備 可 有 明 焉。 乎? 又 物 者 自 之所 也。 以 之理 事 即 抑 理,匹 有 雖聖人 盡 其 也 能 故 在 使 日 之矣, 可 獨修, 行之得 乃 行 自 前之 精 子 其 其 則 新之義 即 者 知 其 之所 夫 中, 爲 天 無 而 此 皆 者 所 聖人 兀 非 道 下 而 所 審 亦 擇 道 亦 能 而言之, 婦之 其 必 費 爲 之 於凡 不明乎 之,推 口 執 也 善 己 者 爲 然 所 君 可 也 之 行 知 愚 難 而 則 開 著 子 約 民 也 也 言 所 其 亦 明 全 略 日 而 明 口 m

理 地 以 原出 其 之廣 乎? 規 天 自 之大,其化 廣 盡 宜 尚 地 子 無 人心之所 至費者, ,衍之而 平 因 乎 人言之, 而 而 於天, 之道 mi 乎 所 其全,充乎 也 古今之變, 則君 天 有 天 有 時 不 地 不 衍 地 如 能 天 以 則 育 則 使詳 子之道 丽 幾 合 之 分 安爲 此 建 乎 地 之功 猶 至 違之。 君 之。 者。 而 , 其 之道 大 子 有 而 其 然 世 使 費 人道之所 則 一,其 缺 不 而 有 (類,有 者, 寒 昭示之理 之 覆 者,在 詳 則 是 能 所不 陷 無 則 極 暑 載 費 其 也。 離 非 以 遺 不足之憾焉。 合 災 生 也 必 道 至 君子 能 復 也 而 天 人而 宜,而 固 祥 成 使 行 矣。 焉 君 加 行 地 無 如 有 有 其 者 者矣。 矣。 故 子 者 今夫道 有人之心。 與 不 此 順 擴 又 미 蓋 擴 貞 求之於天 焉 盡 夫 乎 以 道 之 焉 以 之 平 矣, 合 之 而 有 人 蓋 天 實 m 常 故 雖 而 之 之 本 竟 後 在 而 地 有 使 使 夫 以 聖 聖

淵 之也 道 實 則 成 達 氣 能 此 之理,非 物之分爲 心 通 括容受,而謂 也 面 之所 其 于 也。 乎古今, 破 理 力以舉之,莫 況 之量以 也 語 無 0 淵 矣。 之有 量 乎天地之已然者 非 其 然而 也 矣。 流 此 詩 大者, 於所分之後 斯 足。 行, 是 殊 詩 仰 学不 而 道之體 曲 天下之理,無 以 也 鳶 也 而 耳 皆 此理之外無 是天地之未然而 者而 魚 云 極 亦 觀 其 能 目 盡 蓋 平 就 其 乎, 鳶飛 之, 之 言道 所 所 天 載 事 物 兩 節言之也。 下之 或有 自 所 徹 矣。 哉? 俛 理 也 閒 具,斯 可 也。 之 而 之 有 及, 聰 閒 餘 晉之, 飛 則 語 而 所 可 故 斷 也, 躍 戾 皆 其 形 明 昭 心 受 君子 道 理 之所 天矣,魚 小者 其 其 以 止 道 之用 思之 然 M 盡天 者 皆 焉 機 所 辨 息 且. 徹 固 m 而 之 可 之, 也 昭 麗 存 及 所 下 有 所 mi 天 亦 以 統 語 示 也 焉 者 之 之 躍 自 莫 謂 下 就 該 言 道 天 미

功化。 之極 子即 道本 於是而 明博 達因 也,而 婦之 外者哉? 地之廣生。 盡 動 而 网 也 前 不 躍 閒 破之乎? 厚而 乎下 於此 也 愚不 流行 之淵 上則察乎鳶所戾之天矣,下則察乎 有人之大用。人所不能 可舉其大者以 可 散 可 非 然則有小之可 執 而 肖與 於萬 以 以成其至大,故自聖人之知 矣,而自天以下,自 學也 而 皆道 故擴 天地 爲 爲 知君子之道 造 然則道之本然,天 百 事 端 知 也, 而 物, 人 理,未嘗遺 與 萬 焉,王道本乎人情,而 及其務道之全 廣 則皆 所 能 物 之也 起 載之乎? 不能 而 閒 者,道之見端 而 非 不 者 不遺夫至小,故夫 有 故 哉 可 盡 道 乎 萬 淵 衍 須 ? , 本極 事,變 盡 而詳 臾離者也。 以 於其 而 地 有大之可 於物見其 端, **师** 上,充 所 爲 也。 致 之也。 能 功 小 皆 蕃 平 有 不 以 化 者 道 高 1 君 天 能 流 滿 魚

> 能 乎? 魚 費 知,聖人之行生而無言,天地 而 必察焉,定其位而 及上下之宣著者,皆道之所察也。 也,不 也。 輔裁 而 故 不 成之不足。 丽 益信 E 見 即 其所 費 此思之,則夫 哉 加 以 隱 補形象之不平, 化育之迹,則 故 日,君子之道費,誠 然則非 婦之日 之 聖人 見 又 岢 幾 用 贊其化 而 君 於為 非 面 不 子 隱 不 亦 叮

言以明之。 不可離」之意也。其下八章,雜引孔子之右第十二章,子思之言,蓋以申明首章「道

以爲道。子曰:「道不遠人。人之爲道而遠人,不可子曰:「道不遠人。人之爲道而遠人,不可

以 非所以 也,故常不遠 道者,率 爲不 爲道矣。 足 性 爲, 而已,固 而 於 人。 厭 反 務 。當作猒 衆人之所能知 若爲 爲 高 遠 道者 難 行 厭 之事 其 能 (卑近 行者 則

柯,睨而視之,猶以爲遠。故君子以人治人,「《詩》云"「伐柯伐柯,其則不遠。」執柯以伐

改

而

止

睨

研計切。

者,彼 法也。 首 蓋 道 彼 之别,故伐者視之猶以爲遠 人,則所以爲人之道,各在當人之身,初無 還治 此 一責之以其所能知能行,非欲其遠人以爲 也 之别。 桐 張 睨 稇 其 長 子 ,邪視也。 風 人之身,其人 短 故君子之治人也,即以其 所 伐柯》之篇。 之法 謂 以 在 言人執柯伐木以 衆人望人則易從 此 柯 能 耳 改,即 柯,斧柄。 也。 然猶 若以 止不 有 人治 人之 彼 爲 治。 是是 則, 此 柯

於人。「忠恕違道不遠,施諸己而不願,亦勿施

字絶句。」

也

邪

當作家。

如《春秋傳》「齊師違穀七里」之「違」,言自盡己之心爲忠,推己及人爲恕。違,去也,

道 此 故己之所不欲,則勿以施之於人,亦不遠 亦勿 人則盡仁」是也。愛,當作悉。 人以爲道之事。 之心,未嘗不同 即 至彼相去不遠,非背 施於人,忠恕之事 其不遠人者是 一,則道之不遠於人者可見 張 子所 也 也。 謂「以愛己之心 而去之之謂 施 以己之心度人 諸己 而 不 願 也

足,不敢 之,未能 求乎弟,以事兄,未能也。 父,未能也。 言,君子胡 君子之道四,丘未能一焉。所求乎子,以 不 也。庸德之行,庸言之謹,有所 不慥 勉,有餘不敢 所求乎臣, 慥 爾 ! 」朱子曰:「子、臣 以 盡 事君 所求乎朋 言顧 未能 行,行 友、先 也 弟、友四 不 施 事 顧 所

修焉。 求,猶 者,皆道之所 責 庸,平常也。 也。 當 道 然 不 也,故一 遠 行者,踐其實。 人,凡 反之以 己之 自 所 責 以 謹者, IĮĮ 責 自

也。 擇 謂「以責人之心責己則 君子之言 行之力, 而 其 訒 凡此皆不遠人以 可 則 則 謹 德 行 行 益 不 如 顧言 至。 足 此,豈不 而 矣。 謹 勉 之至 則 爲道之事。 盡 慥慥 慥慥,篤 道」是也 行 ,則言 益 乎 力。 實 顧 言有 張 贊 貌 行 美 子 矣。 之 言 所 餘

矣,何 道 據 嘗言之矣。 訓義道之費 能 面 意成其詖行。 心矣,於人己 己皆人也,於人 知之,何所 一**,** 加 者 備言之。 而行之? 也,抑 遠 道 之有 因 取 人之所 人 子曰,道者,人之所 其盡天下之人而 也,入於至小 則 法 相 生 不於人 亦 形之 而 則 若 則 就 必 知之? 有 夫 道 知 人 際則 其 m 人 不 而 而 理矣, 之 詧 遠 得之矣。 必行 心 而 其 爲 欲行之, 人矣。 道 無 理 道 於己 理 者 閒 者 在 有 山 即 也 焉, 知 司 則 則 以 夫 何 不 足 以 夫子 其 焉 有 人 所 乃 請 圃 者 與 以 私 其 載 依 欲 可 得

貴 所執者 之爾 之得 之廣 我 盡 睨 當 服 夫 制 治 則 爲道,明矣。 其 伐柯伐柯」,言制 之法 也 同 百 者 不肖,其亦參差不齊之致矣。 施 天下之理。 天下之心。 m 則 狹, 矣。 精 爲 與 失,則論 教法於人者是已。 不遠」, 所欲 以 加 在 乃 柯 以 山木之曲 賢 之 以 詧之,則 我 所 而 治 於 此 之 則 成 執 説 言 何 者 人。 不於 而 固 不於 制 者 不 雖繁 即 以 肖 爲 不 有 直 未 長 此 而 以 剙 遠 司 見 己 柯 相 而 所 成 m 短 柯 貴 法立 矣, 於 理 而 而 形 也 所爲 之材 伐 不肖不 大 以 治 盡其 也 夫以貴 之際 人 猶 亦 者 所 小 知 賤 教之比 而 心皆妄。 以 就 之閒 在彼 伐 彼 而 加 心, 爲 有 而 其 而 能 者 (治賤 使 有 柯 遠 而《詩 其 賤 大 譜 則 之材 之 適 如 不 則 而 大 概 理 不 其 不 不 賢 然 柯 則 用 斧 能 是 不 圃 以 也 口 司 足 者 也 也 也  $\forall$ 如 以 能 空 言 所 云 督 ? 以 伙 以 使

革其 之所 袀 於伐 使 沘 待 君 但 之,其能 就 亦 有 口 也 法 一、然後 天 鐸之合 難 其 能 m 於 子之教 納之於飲 有 著 勥 百 習俗之非,以 下 惡 心 者 之 柯之猶 所不安,教 咸 不 也 秊 教之也。 也 所 即 施 行 乃 宜 齊 ,未嘗以君 止 ,導之以 之以 可 治人 偂 而 於此 自 遠 知 而 則 射、 贵 不 有 也, 法。 欲 行 者 之道 有 成 遠 行 由 矣。 讀 其 去 孝弟 好惡於人者是已。 盡 使 所不行矣。 平 乎哉? 也 而 此 相 法 其 就 知 均 子自 其 以 仁. 觀之,則夫人之可 是盡 之中 違 然後督之以 所 人之所能 之, (愚賤 平 力田 推之於治人之道 期 不 惡,全其所 博 盡 於 其 遠 天下 何 一之爲, 濟 之 之學修 申之以 心 可 者 以 故 之道 所 世 見於 之人 知 行 君子有 可 9 威。 而 而 者使 愐 爲 縣 也 好 夫人 皆 吾 己 取 禮 人能 不 ,斯 法 之 則 故 m 道 知 愚 樂 行 知

忠行 之能 之而 過 是 理 理 豈 即 吾之與 之大公, 與 施 願 私 苦之自 心 之同 一,爲 高 己。 遠 焉。 斯 人 則 有 則 或有 不 乎 同 人 無 恕 可 人倫 以 天下之情 及之行,而 夫使君子之 哉 大 人 乎 以 所 盡 者道 知 即 此絜彼, 而 ? 共 其 我 吝, 相 所難均 也 之不 以 天理之至 恕 情 之情,爲 酬 自愛之心,而 即 何 爲 思慮之所至,憂 乃 乃 也 酢者,即 以 在 取 容 雖 恩 則 行 面 見 也 味 自 丽 吾之 或 威 道 知人之必 焉。 ? 人己 亦 道 相 反 Œ 有 之 而 而 同 違亦不遠 之 人人 未 矣。 不 極 所 人之 有 則 言 相 乎 能 所 易 爲愛人之理, 則 可 甚 夫人 行 形 其 各 悉, 推者 焉 見 由 不 患之所 深 施 之 推 之際, 道 得 端 此 難 願 所 可 諸 則 也。 矣。 之 mi 思之, 之理,是 者 也 明之旨 自 共 己 是人之 吾 而 如 也 同, 圃 喻之 者 故 其 盡 亦 成 無 欲 則 我 勿 不 以 物 甘 圃 所 盡

可 知 不 可 能 者 也 一,尚 可 諉 也。

人之能 之道 所 不 有 杰 四 者 者 也 焉 君子以之自 君子以之望人之盡 盡 也 即即 乃 也 以 君 即 望 子

能 人人知 一焉,則自勉又鳥容已乎? 爲 必 盡 丽 以 望君子者也。 所謂 面 四者 丘 未

子、 思之,我能 必求之以善於事父矣,乃 臣、弟、友是 以之事父,而不愧於明發之懷 己。 夫 有 即 爲 我 子 所 者於此,我 求 於子 者

乎?

未能

也。

有爲

臣

者

於

此

我

必

求之

能 忠 於 以 之事 事君矣, 君, 乃 而 即 無 我 歉 所 於致身之誼 求 於臣 者思之, 乎?

能 矣, 也。 乃即 有爲弟者 我 所 求 於此,我必求之以 於 弟 者 思之,我能 善於 以

未

我

以

之事兄,而 事兄 矣 友與 乃 我交馬 即 我 不爽 所 我 於 求 且求其 友恭之節乎? 於 朋 友 施 者 於我者之盡 思 之,我 未能 能 也 先 友

求

以

所

求於彼者施之,

而

無

負

《於同

學

同

志之

也

不

道

朋

者,其 之爲子臣、爲弟 素乎 且 示 擬 以 尤 非 ? 人, 同然之理 相 其 何 求 未 理之不 能 在 亦 必有 也。 丽 也。 友者 非 曉然在於吾心 此 同 道 則 其 非 之所 心 爲吾之君、父、兄、友 丘 也。以人形己,以 或能或 之不 著 ? 思能 不能,亦 也。 圃 丘 之也 之未 且 明

能 已,實致其身於君、父、兄、友之前 己 夫子、臣、弟、友,庸 者,正 在 於 此 然則 德也,德則 於此 IIII 可 在 乎 不 而 行 勉 之 哉 所 而 可

爲言,庸言也,言則 共 喻者必踐之焉。 惟 以子、臣、弟、友 其謹 而 可也,審 之道 其 端 而

焉。 以 爲 其行之也,則 所求之方, 而 惟 即 不 所 足之是念也。 可 共 喻 者 乃 言 於所 之

下之爲子、臣、 者 m 參 /觀焉, 弟、 知 友 所 交 已 責 至 我 加 之隱 行不足,是 微 而 敢 天

勉乎? ,視我所當 其言之 行 者 也 而 脚 則 酌 惟 焉 恐 行 有 所 餘 不 之 及 無 益 而

友之所 心 者 由 而 勉 君子篤實之道,人無不 友 以之自 盡 其能者,在君子行之,豈不慥慥乎篤實以 必 求行以合言,則盡行之力,以副所言之理, 行之心,必顧 之行 知 道不遠人」,而遠人以爲道者之非道也。 也。 日 顧 有餘 愛人者,己之所知所能,亦與夫婦之愚 ,道在夫婦 夫子之言觀之,則 不易能之德在焉,夫豈遠乎哉? 心、理之當然者乎! 相與處之人,而子、臣、弟、友之道,即 m 1勉哉? 亦且 心之同然,即 也。 期, 即 言 而 斯道 以 之可 行也。 何 事吾 求行 由 敢 也,君子之以 知可能者也。 此 盡 心以 理之共著,人己相形, 思之,則即 其行也,念吾之言 乎? 則 以 知求也,亦無不宜 方 盡道於君、父、兄、 而丘之未能,敢不 衆 言之頃 故其言也,顧 人望 盡 君、父、兄、 人而 以 其 分而 愛己之 道 故 易從 丽 有 吾 致 而 心

君

子素其位而

行,不願乎其外。

之所當. 者也。 盡 所致慎者,是聖人之不知不能 不肖同焉者也。 人皆爲道之所著而不可略,道之費也, 在夫子 知當能,即君子之所以自攷其言 雖曰 以責人之心責己者,夫婦 自謙之辤,而實聖 且 在 此 心之

其所以然者,則 右第十三章。「道不遠人」者,夫婦 丘未能一二者,聖人所不能。 至隱 存焉。 下章放此 皆費也。 所 能 mi

不可

見乎?

見,胡甸切 位 素 小猶見 一,而 爲 其 在 也。 所當爲 言君子但因見在 ,無慕乎其外之心也。 所居之

夷狄 無人而 素富貴,行乎富貴。 行 不自得焉。 乎夷 狄。 素 賽作貴,俗文。 患 素貧 難 行 (賤,行 乎 難,今讀去聲 患 乎貧 難 賤。 君 子

此言「素其位而行」也。

於人,則無怨。 在 Ŀ 位 不 陵 下, 上不怨天,下不尤人。 在 下 位不 援 上,正己 而 不 求

此言「不願乎其外」也。

懷。幸,本作香,从夭从屰,讀胡耿切。 作凥。易,讀去聲。俟,當作後,本作樂,俟,大也。徼,當作故君子居易以俟命,小人行險以徼幸。居,當

得者。 願乎外也。徼,求也。幸,謂所不當得而易,平地也。居易,素位而行也。俟命,不

境則 訓義 也。 畵 布 境之順 子思 道之費 有 順 正, 棲皮 引 逆矣,人之行乎境者則有 此 而 也 道 孔 ,盡天下之境 日 行 子之言,以結上文之意 乎 鵠,皆侯之中,射之的 順 ,境之逆 mi 道皆在焉。 M 道 得 行 失 V.

逆,行之得

而

處

得

者

有

道,行之失

而

處

失

其 曠其 不 狄也,則以吾現在夷狄之邦,亦必 道 現 民,有其道矣,行之矣。其貧 現在之素位在進而 子何願之有乎? 之心,作越分之事,此道之所不許 定之位,則 之,無所不 必行之道,則可行者斯行之,當行 冀 不同之位。 道是已。 者 幸 ,有其道矣,行之矣。 後 俗 有 在之素位在 (所宜 道 而 此 而 不 可 罹 夫人各有一定之位 於患 無 失乎己者, 行者多矣。 居 盡 在我 之位 念前此所居之位 不 其 退 周 難 在己之實也。 職分之外者也,而 而 一,先 也, 也 故當其 白修 有爲之時,以事 列則 爲其 無 有道矣,行 君子知 不 之時 以 即 富 宜 事,則當 吾 不 (賤也) 貴 以以 前 也 若夫 現 幸 現 ,滯而不忘, 也 在 丽 在 之 求 抑 則 者, 患難 君 則 生歆 者必 之位 有以 之於 矣。 君 則 非 前之位 有 志 以 以 我 子 而 而 而 化 之 羨 抑 夷 明 吾 吾 君 有 時

焉。 已在 逆而 天 無 能 得 有爲之志, 守之道,思 而 而 功 皆道之正 盡 中,亦自有以 介而 名 於 所 焉 譍 | 乎此,而使君子人之焉,則終身 不 與 所 欲 也 其 ,此君子「素其位 爲 援 倘其在下位 上位矣,而以下位之事 君子知理數之不齊,其固 此陵下也,君子則以任 不不 而 貧賤、 焉 行,始 權 柄 求 求 怨起 而 則 若夫身 此 夫然, 人矣,而 夷 遠其 天 終 理 人以濟己之志欲,乃人固 矣。 不與 易 狄、患難。 援 得 也,而以 (害而 而 境 上也, 君子則 以之順 處不足之中, 我 君子則介然獨 心 加 又 而 以 亦 各 不失其貞者,有 何 行」之實也 上位 得, 得爲之時, 怨之 盡 而 人 可 所 爲 世 之下 一之事 ·恃才 無 行 然者,而 富 有? 所歷 唯 人 無 所 貴 一境 安 順 而 而 圃 可 7 若 操 貞 之 以 則 乎 附 不 奪 不 行 F 自 境 道 怨 大 心 自 F 勢 陵 其 既 者 之 不 而

化之未 失在 也。 俟命 無所 天之或然、人之可 遂以 末如 得 不怨也。 憂其無 以處,而 加 之所居者恒平易也 起之情,以希冀 其外」之心也。夫唯素位 可盡心力之正,以備 不 行之權 事 其 往 自 抑或道之無不 生非望之心。 何者,而下不尤 べ道也。 ,而理 盡 致,其爲順爲逆之命,則 而 以道之正,而 行違其理,以 ,則尤人,而 處待人而 不與道相 面 固 有 夫子嘗言之矣。子曰,夫射 失焉 乎位 在己,亦仍 求 若夫小人者,不知 成之勢,而人且 ·正,而 離矣。 者矣。 外,亦 也。 而 道於位 犯 坦然於所當行,而 君 所 燩 天下之凶危,乃 子 行 時 其 此君子「不 Щ 知物 求之於己,而 唯 乃 乃君子以 皆得者,其 幸得 行,則 勢之未 中,故君 不 君子之居 情 俟其自 願 川則 乎 之不 自 制 宜,變 静 子 願 我以 爲 宜 無 易 其 冀 直 心 妄 乎 得 常 則 不 正

八七

以 至直 境之逆也、吾之行乎境也、或得也、或失 子之行亦 仍有未正,身之直而仍有未直,求其至正 尤乎勝己者,亦反求諸身,恐其志之正 志,必直其身者,君子正己之常也。 之爲道,蓋 也,君子之道,皆於己求之而道在焉,不可 也,反禮也,反忠也,反智也,道無盡,而君 而猶念其未得,已正而猶念其未正,反仁 理之變也。 有得有失,皆又有道以處之,君子所 見道之費,人於至小而無閒也乎? 者而已。 無 有 夫射者 盡 故君子行焉 似乎君子焉。 也。 而 由是言之,境之順 失諸 而 正鵠矣,不以 有 射之必 失,自 以 正其 已得 而 也, 盡 而 怨 其 音洛。

卑。辟,本作譬,傳寫之省。《詩》曰:「妻子好合,君子之道,辟如行遠必自邇,辟如登高必自曰」字者放此。

家,樂爾妻帑。」好,當作政。耽,當依此作耽。樂,如鼓瑟琴。兄弟既翕,和樂且耽。宜爾室

翕,亦合也。耽,亦樂也。帑,子孫也。 《詩》、《小雅·棠棣》之篇。鼓瑟琴,和也。

子曰:「父母其 卑之言者乎? 必自卑矣。 君子之道,蓋譬如 而 推而行之之謂也,亦 之理本無閒也,天下之勢本無閒也。 訓義道之費也,人於至小而 詩及此語,以明行遠自邇、登高自卑之意。 於兄弟如此,則父母其安樂之矣。子思引 夫子誦此詩 也,亦非發乎己 運乎無 窮之謂也。凡彼皆有閒者也。 有能 而贊之曰,人能和於妻子、宜 順矣乎! 有能作行遠不自邇、 而 爲 行遠必自邇、譬 即至乎天下、操之一心 行 非但 遠 不 自 感 無閒。 邇 而 登 通之之謂 如 蓋天下 登 登 非但 不 自

業。 矣,其 樂且 情 其 事之積漸 有 微 離 夕之式好 且耽」,則「宜爾室家」矣,其宜之也,非 而 至於高遠 念之得,即有一事之宜。 不自卑之想者 〈意矣。 之 一事之效。 口 者 遠 也 合,每在 耽, 閒 和 漸 矣 治、教、政、刑、積 、樂之也 卑 而 斷之處 蓋 著 《詩》云「妻子好合,如鼓瑟琴」, 也 矣。 愛之治而無一念之忤也。 行 無 而德之成以 也。 漸 細 無 微 非 而 念念之積漸而 「如鼓瑟琴」,則 ,其極 乎? 事 有不積,登無有不 吾嘗聞夫子之説《詩》 家、國、天下,積人而 高矣,故積小者漸 曲 之戾 偶 折之中。 然之調 無可 理之必然也,勢之必 盛 也。 事而成大功。 一<del>,</del>馴 **麦越之**節。 有一 「兄弟既 治也。 至其 天性之休嘉 善量以充,事 樂 事之功, 漸。 極 大也 阚 閨 而 翕, 妻帑 門之 和樂 其 成 而 遂 邇 有 中 大 日 和 得 即 積 以 積

> 以哉 斯豈非 斯時 也。 必自 至 登高者無一 美以爲大德之成乎? 和 生之樂,其順 父母者,不已 緜 不容有毫髮參差之隙。 見之哉? 之氣 小 密於尊卑,無所 邇、 而 也,一家之中,和氣充 君 積漸 無 流 登高之必自卑者 子 閒 行 然則行遠者 級之可 之 以養其中和之德,而 於 矣乎! 相安於慈和之中,大慰 理 道,造 誠 家 拂焉,無 無 疏也。 者, 可 夫至於父母 端 則所謂 閒 無 至 而夫子偁之曰,於 乎 也, 極 盈 所 故道之費 不 步之可 夫 於 而 逆 勢誠 於此 譬如 婦 内外, 無 焉 即 以 順,而大 無 ௱ 行 小行之 脯 曠 加 誠 入於 遠之 其 口 口 爲 至 也 有 閒 想 性 之

右第十五章。

子曰:「鬼神之爲德,其盛矣乎!

程子曰:「鬼神,天地之功用,而造化之迹

也

90

張子

曰:「鬼

神者,二氣之良

能

也。」

之著 也。」正謂此 爾

 $\sim$ 詩》曰: 一神 之格思 不 可 '度思, 矧 口 射

思。」度 《詩》、《大雅 也。 ,待洛切。 射, 厭 也,言 射、羊益切 抑》之篇。 厭 怠 丽 格, 不 敬 來 也。 也。 思, 矧,

語

況

辭。 厭,當作猒

夫微之顯,誠之不可揜,如此夫! 」夫,皆音

微、當作激

者,故: 誠 者, 真 其發見之不可揜 實 無 妄之謂 如 陰陽 此。 合 陰陽,當作会易 散 無 非 實

散,當作椒

在其上,如在

其

左

右。

齊

側

皆

切

齊之爲

言齊

也,所

以

齊不齊

而

致其

齊

也。

明,猶潔

也。

洋洋,流

動

充

滿之意。

能使

畏

敬

奉

承

而

發

見

昭

著

加

此

乃其

體

物

於上爲昭明,煮蒿悽愴,此

百物之精也,神

而

不

可

遺

之驗

也。

孔

子

日

其氣

發

揚

者 費 溯費隱之一致而言之焉。 訓義夫道之費 可 小以成 了,又可 得 則 而言矣。 其 乎大,則其 爲 得 無 而 言 閒 也,人 道兼 之所 矣。 極 乎小大, 於至 則請 以 於 然,而 至 大 小 合 夫用之費 小 而 丽 而 見 大於 無 無 見 夫 閒, 外 其 體 也 用之 之隱 而 一,必 源 亦 積

使天下之人齊明盛 視之而 陽、當作会易。 散之所爲,是其爲物之體,而 性 之靈 愚謂 也 鬼神無 而 情功效。氣,本作气。 歸 其言 也。 以二 者 弗見,聽之而 形與聲。 爲 鬼,其實一 以 氣 體物」,猶《易》 散、當作椒 言 氣 則 然物之終始,莫非 言, 服,以承祭祀 鬼 弗聞 物 陰、當作会。 則 者陰之靈 體 至 īfīi 所謂 己。 而 物 伸 物 而 陽,當作易 洋 也 爲 者 幹事 所 不 一种者 德,猶 爲 可 不能 洋 陰 神 遺。 乎如 陽 · , 反 遺 合 言 陽 陰

98

乎? 天地 無 鬼 也 小 ? 之合,即 爲 者 以 物之消長亦已 也 是 夫婦之知能 有 中中 门則 神 無 德 也 此 本 天之道也,性之德也,静存動 其 加 迹, 者 樞。 物 之 而 之化育 若此 自 而 則 和之實用 與 焉 爲依、詧乎天地 司 M 以 虚 有 於夫子之論 言 m 也 無 也。 者 徴 其 固 無 非 亦以 其 有 所謂鬼神者 以 誠 靈 有 寂 ]著矣, 其所 體 樞 其 蔽 夫 也、智、仁、勇之所 其 爲 爽 滅之託 此 川則 之隱 其 體 之日 盛 成 寓 而非 則 與 、爲德, 矣, 而 能 鬼 德之原焉。 也 也 有 功 不有 誠 面 妄而 神 妄,聖人之成德 而 則 性 無 也 流 利 必 者 則 不 有 情 其微 權 且 行於至極之中 有 著 失真者 有 贵 其往 矣。 處 功 姑 術 其 其 答之真 不 費 效 之殉 焉 焉 未 實 子曰 由 其 用 隱小大 盛 矣。 者乎 來 言 而 同 成 焉 牛 也 非 平 誠 無 末 萬 也 也。 理 ? 殺 無 者 ? 之 亦 其 是 其 丽

見者形 得。 之 之際,而 者矣。蓋視之不見,而 無 體 焉 所 之不聞 死,無物 之能體之也,無物 不 有 無聲之時,而皆其性 時之可揣 可 方之變化,皆鬼 可 大小,各有其 見者形也, 至 在 而居於體之中 見 人所可 夫聲 盛 也 前 盡 不 者 此 不有 無 焉。 可 有 於可見之中,可 與 非 之不遺者,則 聞 聞 喧 不能 時 其 而 者聲 此天下之至隱 寂, 者 就 量, 所 何 焉 一,以 爲 古 形 神 各因 成 不 以 丽 也 而 以視 聲 非 之體 之功 情 有 言 非 使成 矣。 無 非 無 而 其 其 其 乎 功效之實 盡 形者無 聞 之而 不 也。 循 之也 能 生, 時 所 其 天 物 能爲 聲 者 然則 之體 下 者乎 盛 行 無物 聲 無 萬物 以 而 不得。 無 焉 也 形矣。 無 物 無 聽 止 量之可 天下之可 有者 形之境 1 聲 於 有遺 不 不 則 各 之 則 者 口 有 有 鬼 有 乃 而 夫 天 聞 下 焉 其 其 神 其 其 無 測 形 所 不

之。 能 不 警 於 極 本 動 夫仁人孝子雖仁愛之心不容已, 盛 木 矣 乎 乎? 其 然之事剙 心 則 而 請 使之不得不然者 此不經之典 於仁人孝子之祭 乎? 待時, 未有

m

贵

IIII

徵

則

豊

焉,流 齊馬, 焉。 意,不 也乎 於是 蓋 於皇尸, 美於衣裳, 也,不肖者 M 可見之中,若 實 與 ? 有 此 相 而 動 敢 齊 豈 祭 實 陟 於 雜 而 承 降 祀之禮 有 不 亂 不 兩 其 承 祭者之生其 焉 敢 敢怠 其 有 閒 祭 心思,不 若 褻 形焉,不 及 使之者也。 祀 而 達於 越 期 充 也。 在 ,乃以薦之几筵,奉 IIII 滿 於 其 或 天下,賢 乎 敢 先 斯 可聞 左 私 廟 冕焉,或弁焉, 他 期 時 右 意 不 用 中, 一之中 也 面 而 而 然 一洋洋 散 者不 明 與 爲 如 齊馬 潔 則 此 相 在 若 敢 其 乎 其 天 妄 酬 有 木 之 下 F 聲 略 情 酢 致 志 致

之乎?

蓋其生

生

丽

不

息,

昭

昭

而

不

爽

不不

災祥

猶

恐

不

足

以

昭示之,況

口

得

而

射

忘

亦

可

以

徵鬼神之無

時

不

行

矣。

夫然,則

鬼

神之德

無

所不

盛、不

信

然

哉

夫

鬼

神

本

見,

而

聞

也

而

其

可見

聞

而

體

於

無

聲

無

臭

之内

有

如

斯

也

然, 古 其爲 者,則其至 《詩》詠 可 則 詘 隨 祀 時 加 爲信,爲 之矣。 之前、 機 懷 後 圃 敬 也 成 畏 動 可 平 既 ^ 測矣。 消爲息,取給於至足之中, 形 詩 以 其 有 聲 W 凝 格 祀之後 日 以 承 也 蓋 來 其 天 不 力有 集。 下 明 可 而 命 揣 唯 遂 窮 若 有 無 度 面 則 夫神 形 也 戒 也 必 慎 息 有 哉 以 聲 其 夫

實 實 於人 無 微 有 物 也 有 其 其 心 一,故 不 理。 氣 不 則 可 則 無 莫 實 得 必 有 處 有 實 而 顕 不 其 有 於 流 理 其 此 動 者, 不 機, 者 充 可 誠 滿 實 得 也。 蓋 有 無 会易合散 其 時 Imi 人機 不 氣 則 降 機 必

處

在

矣,

則

又豈特

存其

心

以

承

祀

而

有,

之

也

亦已久

矣。

斯

亦

口

徵

鬼

神

之

無

蕰

口

進

加

爲達 之理 得 雖 見聞者,隱也。 不使有遺焉而已。 樂刑政,建之爲位天地、育萬物者,其又孰 無 而 不容已成者,誠之不可揜也。然則天下 道 誠 揜之哉? 無 成之節 有 於中, 須臾之離於人心,而修之爲 體物不遺,而洋洋如在,不 幽 而 未 發 冥 自 由夫子之言觀之,不可 雖 初 然 無 無 立之爲大本,行之 發見之形,已 二理,在 善善 體 禮 一發 者

不託 所以 德 必顯焉,則唯誠 可度 子之道費 在、無時不格者、極於至大 入於至小而 乃 有 在君子而費有其隱 於虚 加 其 格者,費也。 道 而隱,豈 而 明矣。 ,故於此言德言 無閒 費之 加 也。 所以不侈於博 不與 已矣。誠者,隱之所 物無 周乎萬 鬼神合德乎? 焉,在鬼神而微 大小 而 誠 物 無外也。 加 而 而 也 皆體者, 天人之 無 處不 唯 以 有 則 乃 君

> 言,此後三章 右第十六章。 在,則亦費矣。 以 此前一 不見不聞,隱 其 (費之大者而 三章以其費之小 也。 言,此一章 體 者 物 丽 如

子曰:「舜其大孝也與! 子,富有四 兼費隱、包小大而言。 海之内,宗廟饗之,子孫保之。 德爲聖人,尊爲天

故大德必得其位 子孫,謂 虞 思、陳 小必 胡公之屬。 得其禄,必得其名,必

讀平聲。

得其壽。

故天之生物,必因 舜秊百有十歲。 其 材 面 篤 焉。 故 裁者

培

息爲培,氣反 材,質也。 篤,厚也。 散 栽,植 覆。 散 也。 當作 氣 至 而 滋

圃

游

則

之,傾者覆之。篤,當作管。

「《詩》 人,受禄于天。 曰:『嘉 保佑命之,自天申之。」 樂 君 子, 憲· 憲 令德。 宜 民宜

嘉。 》、《大雅 憲,當依《詩》作顯。 • 假樂》之篇。 申 ,重也。 假,當 依 此 作

故大德者必受命。」

受命者,受天命爲天子也

惟 以 説 須臾 之順 大? 命,剙 矣,則 面 訓義道之人於至小 而 在 孝 雷 無 帝 其 天下 夫子之論舜矣。 偁 離 外 君子之道,合乎鬼神之德而本於父 亯 業而 則孝者,固君子率性之同 而 請 大孝也與 乎? 者 親以合幽 君 言 同 無 也。 子 成 其 其 可 數 之道 大者。 孝 面 加之至德 而 百季 吾皆得 而 其 則 明之理,斯 能 爲 而無閒者, 皆詧焉, 終 子曰,夫孝,庸德也 長治之隆,修 夫 以 德 身之慕,不離 爲 引夫子 大 也 也 偁 德 一,則 不 而 口 同 蓋 然,而 之言 亦道 已備 爲子 集 何 不 亦 如 謂 典 上 難 乎赤 言之 以 之 天 加 至 禮 哉 不 矣。 之 能 母 大 미 明 至 而

則 己降 貢。 以 尊, 深 後 仍版籍於堯封。 以言乎富, 乎德,德則爲聖人矣。 也 則 子之真。 極 生我者之理,以 有陳之封,至今而未替。 響之矣。 尊親 德 爲主。 Щ 미 則子 則 則 與 由是 面 以當大孝而 爲天子矣。 德 福皆大孝之以 奉 復修, 玄德之升,協功 孫保之也。 以 雖日 養 而 底豫之休,遂極於天下之化。 垂裳以 是全 則有四海之内矣。 以天子之禮上祀其先,則宗廟 E 由 奉堯 事 歸 前 是 十二州之平,遂受成 治, 下 美 無 曆 而 入於親。 爲 福 育之隆 歉 雖 圃 數 以 藝祖 事其親 亦 乎 有 在 江 日 於聖帝。 聖人之澤下延 以聖人之德 以 河 襌 躬, 苗 是備 以以 以天子之尊 禹 之量,備 亦 而虞幕之祀 者。 惟其孝之大 丽 格 以大位 五服之賦 備 岳 矣。 以 慰其志 以 牧 而 歸 言 道 以 唯 於馬 而 心 於 其 推 乎 於 而 全 而

噟 也。 得 尊 心 不 咸 望 德 所 命 物 所 之大也,就 通 自 先 資 平 以 得 能 歸 自 其 必 必 者 也 天 無 禄」, 必 之, 噟 有 天 物 永 焉 莫 至之性 無 不 图 必 觀 以 者 得 以 能 其 極 盛 焉 不信 得 不 於 天 矣。 生 者 固 外 而 之愛敬 口 德 其 此 可 舜 則 下 何 者, 四 也 生 命 則 壽 得 其必 已 人 甚 樂 故 海 m 之材 天之生 天 生 崇 子 • 則心 而 哉 岢 之奉 ? 推 無 必 理之所 無 然 面 而 可 有 1 其 極 擇 則 得 盡 不 乃 而 百 物 物,天 (美者, 爽 無 丽 得 孝 於 其 於 可 季之期 乘 之知 自 哉 無 口 不 其 用 物 此 培 名 必 其 莫 妄 ? 辭 可 之 位 之 者 可以見天 而 也 心 牛 能 能 也 焉 加 大 故 生 理 也 而 理 哉 頣 ,德能 尚 理之 之矣。 能 聖 面 也 觀 而 而 則 一徵焉, 而 也 於 人 極 孝 天 唯 有 其 生之, 同 心 舜 之 聖人 無 乃 容 下 其 夫 理 德 「必 之 受 舉 之 其 然 德 m 物 之 大 而 而 福

施之於 受,風 受禄 長 使 天 著之令德 凝 必 蓋 絫 動 固 不 既 而 詩》云, 意之 其 有 名適 秊 道 之 天 者 因 覆之矣。 有 所 德 於 加 日 則 其 由 也 而 ায় 清 羣 天 所 歸, 以 己。 己 是 以 彊 可 氣 至 歸 臣 明 也 也 可爲聖人之理 生之材,乃 以 故 嘉 諸福皆人所 損 丽 古 至 然則非 而 大 物 顯 命之 保 則 其 益 益 以 可 丽 人宜之矣。 哉德 之 實 也 樂培 之而 樂 增 天降之以 施之於百 不 C 植 面 能 之君 也 壽 有 乎 説 誕 之矣。 立 0 受, 使 就 其 滴 1 受 在 其 子, 丽 佑 미 (德,禄 其 實 以 風 萬 禄 《嘉 之者 受,特 栽 身 姓 天 生 命 人心之所 長 而 方。 雨 其 圃 於 者 彊 機 圃 於 其 樂》之詩 有 位 至 미 傾 是 日 古 民 人, 惡 而 是昭 在 則 受也 乃 滴 而 側 宜 而 新 厚 而 保 佑 有 氣 m 以 反 而 之矣, 之, 順 不 已矣 之 0 明 德 大位 之 以 至 而 重 本 矣。 違 者 即 者 而 其 其 摇 而 無

天下,身不失天下之顯名。

尊爲天子,富

武

王纘大

王、王季、文王之緒、壹戎衣

IIII

有

至,見道之用 右 道之費也 ൬ 孝,庸德 而 世 其 所謂令德者,即大德之謂 何 明 (寢門 第十七章。 福 益 卜世之曆 德之鴻 自鷹,赫赫天 不 啟 大德 定 爲 也。 也, 一、極 名 省 德 者 以 之 施 命 所 而其至也 於至 廣也。 此 之必 長。 誠 於天下,則 之者永高, 致者? 由 天 (命,且在日用對越之中。 廣 庸 受命,不 蓋虞、周一德、而天 圃 而 其 意。 行之常推之以 則爲大德。 無 以《詩》言觀之,則 其 聿 外 也。 微 所 追 而大 配 ,不可見乎 ,當作散 以然者, 益 來 天之業以 周之前王修 位 孝之理,而 信 益 哉 德自全 安 則爲 極 1 固 也 命 其 夫

喪,達 諸侯大夫及士庶人。父爲大夫,子 以 讀 四海之内。宗廟饗之,子孫保之。大讀 士,祭以 王季,上祀先公以天子之禮。 武王末受命,周 如 父也。 作業。 大夫,祭以 戎衣以伐紂 此言武 衣,甲胄之屬。 云:「至于大王,實始翦商。」緒,業也。 乎天子。 侯作侯,俗文。 葬作葬,俗文。 大夫。 《書》云:「大王肇 王之事。 士。 也。 期之喪,達乎大夫。 父母之喪,無賽賤 公成 壹戎衣,《武 父爲士,子爲 肇,當作庫。 續,繼也。 文、武之德,追 基 翦,本作病。 成》文,言一著 期 斯 大王,王季之 E 當作科。 大 禮 迹。」《 夫,葬 爲士、莽 也,達乎  $\pm$ 也。」大 三季之 大 王 戎

其所作亦積功象仁之事也 王爲子,父作之,子述之。憂,當作惠 文王 無憂者其 一之事。 惟文王乎! 《書》言「王季其勤 以 王季 王家」, 爲父, 貴,俗文

子曰

微

後二章

亦

此

以 武

蓋

此

降,而父母之喪上下同之,推己以及人也。 用生者之禄,喪服 制 禮,又推大王、王季之意以 組紺以上至后稷也。 此 文、武之意以 爲 言周公之事。 禮法,以 及天 及乎王 末,猶老 自 下,使葬 期以下,諸 迹之所 上祀先公以天子之 也。 用 外者之爵,祭 及於無窮也。 起 追王 矦 也。 絶,大夫 一、蓋推 先公,

隆焉。 治 則 之,武王定之,周公成之,而一代之治道 德 御 文教致治 乎時,或以動膺乎運,或以 訓義道之費 之不可緩。 憂天意之不 而見之矣。子曰,夫周之王也,文王始 變者盡合乎時宜,則於夫子論我周之世 請得 ,皆率其 而 也 可 備 開開 乃天命人心可 違。 言之。 家人父子之道 代之王業,或 典禮之未修,則憂人 夫當大業之未興, 武功撥 以静俟,而道 前 亂 以 ",或以 静 貞 常 極 俟

終者、奏永清 興、文王守其 人心欲定未 且 静以待後,文王但篤 述之矣,不必文王 者,父作之矣,不待文王之剙 之父矣。 也。 竟者,在 有 以其無 爲子,而文王 王 世之長待之於武 也 在 不 俟之焉。 季爲父,則 遵養以 其 大王 然 唯 憂體 者。 武王矣。 臨 文 翦 聽 斯以 汝 定之時,道固然也。 商之業授之於王 E 天人之自定者 時 Ŧ 所以 之績 IE 文王所以立奄 而 乎 中之道矣。至武 業 mi 處 王,而 無 1 開 一之爲 M 俟 開 爾,則三后之所 夫天 貳者,武王 篤 於 其 厚其德,而 武王纘之,聖德益 施 大 爲 慶 成,相 於孫 也。 命 王,而 文王 而 欲 則 錫 子之業者,子 季,而 則 承 有四 因 也。 一之子 也。 無 謹 光 未承之際, が所 之 王 武功文治 王 加 者 以 爲 緒 以武王 方之基 季 血 矣。 周家 用 文王即 爲 承先 其 益 道 而 所 文  $\pm$ 憂 未 未 又  $\pm$ 以 以 1

外作死,俗文。

爵,本作

愈

期

當作科

九八

矣。 之祀 來貢 失天 降 道 未 周 以 深 百 久 此 而 而 治 明 之鼎已定,傳子之法不更,而 命 有 在 定 武 建 厭 戎 或 而 之極 隆 斯 四 下 衣 天 敷 非 咸 也 E , 尊爲天子矣。 獨 道 天 一九獻 F 德 常 以 之顯 夫 以 夷,富有四 知 而 在 命 革 者 也 之 處 之 有 教 其 F 紹 益 1,在 名。 商之牛馬方 播 功 夫 天下,無 帝 以 纘 之禮 則 先 以 之簡 天 虐 齊 緒 以 武 法 緒 篤 爾 人心。 命 體 成 王矣。 海 文王 面 以 行 功 命 不 不 維 人 之内 待 凝 無 耆定 道 容 Щ 拔之業 新 心 再 一以盡· 篡 而 天 歸, 通 使 之道 宗廟 虚 矣。 益 丽 舉之師也。 弑 赴 命。 夷 ,負斧扆 武 法度 武 以 世 之疑 會 仁孝之心 / 蠻,賦 矣。 道 響 於是 王早受命 E 迫 朝 天下已定 德 之綱 之矣。 則末 子孫保之 焉。 之 又然也 不 夫天下 則 而 中 而 容 事 天 秊 維 身不 七 千 邦 分 」,建 廢 始 成 世 灰 下 則 III 粗 而 八

> 乃莫大 仁之絫 未受天 至,而 其 舉 天 之禮祀之,而文、武之德孚於 E 德之積絫,不忍私 非 莫大於孝,孝莫 之心,推 清之後,東 武 子 組 業之所 過 之德 面 者。 隆 紺 追王大王 武 《積,且 於 命之鑒眷 焉 以 所待成者 丽 王 夏、商 興,即 至 尊 而 陟 準 Ш 親, 后 念 矣。 其 之於 歸 稷,則 Ŧ F 以 無 大 旅 丽 在 則 八於尊親 本之淵 成 則 追 之時, 尊 昭文、武孝思之所 美於身,則 典 季焉 周公矣。 王 亦 不 王之事,而 親 身爲 禮 均 敢 以 者 而 周 焉 沖 追 有 先代之矣 人 源 明 者也 公體二 成 玉。 人 於是 心之所 先 大 成 則 特 其 嗣 文、武 世 Ŧ 其 剙 德 必 服 m 王 商、 者 尊親 后 以 其 周 焉 既 共 封 成 篤 則 公因 一季爲 天子 典 推 奄再 爲 矣。 文、 有 也 之 敬 功 世 而 德 面

受

<sup>0</sup> 夾」,啖柘山房本作「陝」。

實。 卑之降 也。 宜 閒 以先王先公追王上祀之宜,推之於葬祭之 矣。 終,祭以 不 m 可 也、大夫盡三月之修、士盡 達之於葬也 推文、武加 一,皆以 斟酌 之同,亦上祀並 미 抑 循 也,大夫有 而貴者 其達之於祭也,不但 達之於喪服 父爲· 没 其 而卑,子不可 其 殺 固 文、 大大夫 其隆 尊 士,子爲大夫,父不 有之文,祭以士 惠四海之德意, 而 行 武 ,則不但諸侯之五月以修其 也 殺。 各致 少牢之禮,士有 矣,及士 而 酌 也,則 則葬以 極 愛 父爲大夫,子爲士,父不 隆之意也 抗 其 其 敬 所 而尊也,則葬以 能 於 仁所 庶 得 盡 士 先 諸侯之有給 人,而 爲 之養。 踰月之制 即 ൬ 加 Ŧ 必 ,義所必裁者, 可冒 斯 安其 盡 先公者 達 至者,推 特 禮也,以 其 賤 於 牲之禮 夫尊,子 豐 得 可 者 諸 前 儉之 成之 致之 IE 大 有 亦 矦 心 之 夫 尊 又 具. 時 行 大

乎大夫 天命已 德,同 之王也,集三聖人之成能,以建一代之治 周 心,而王業之成,至此而 治,崇孝以立天下之本,其大用 先公者成之也。 也。 有 自 以 文,小人而分君子之澤,故 推 是哀戚之節文,一皆文、武 而 自庶人而達乎天子。 減。 絶 公乃以其成德體衆著之道矣, 天 下達上而 理之異,亦 至於父母之喪,則 子 而 此終天永憾之悲,則無 喪以 矣。 固、人心 不 有三季之喪 服 有 者 盡質,君 天子、諸 追王有窮之意 所裁。 可盡之日,道固 德之成 以義 子而 矦 制 期之喪,自庶人而達 庶人有三季之喪一, 一而 也。 有 大備焉 同 制 升 同 此 雖 永 我 自 三季之喪, 而 凡庶之情, 也。 昊 殊 周 思慕於先 上 貴賤 爲三季者 天 而 昭 達 則 然 斯 開 罔 均爲 著於 祭以 甚哉周 也 以 或 下 一矣。 極 處 之 mi 盛 之 則 盡 夫 重 故 而

時 食。 脩,當作修

民情 損益之則,道之費 聖人所可盡知盡 而 有 贵 前以 其 易 時 言 m 也 承祖宗久遠之休,後以 各盡 哉? 能者。 其道 也,斯不亦極於至大而 由夫子之言觀 ,則君子之道固 而上通天命,下協 之, V 聖人 白 有 世 非

第十八章。

無外乎?

子曰:「武王、周公,其達孝矣乎 達,通也。承上章而言武王、周公之孝,乃 天下之人通 謂之孝,猶孟子之言「達

夫孝者,善繼人之志,善述人之事者也 制 祖,此繼志述事之大者也。下文又以其所 天下,而周公成文、武之德,以 上章言

五王 祭祀之禮通於上下者言之。 纘大王、王季、文王之 追崇 其 以 先 有

春秋脩其祖

廟,陳其宗器,設其裳衣,薦

其 以逮賤 賤也。 愈,本从鬯从义,俗作爵,非。 宗廟之禮,所以序昭穆也。 序。 也。 各舉觶於其長,而衆相 酬 在,而不失其 宗廟之次,左爲昭,右爲穆,而子孫 導飲 事,宗祝有 有事 序事,所以辨賢也。 也。 爽毛, 所以 也。 於大廟,則子姓兄弟 旅酬之禮 倫 焉。 司之職 序齒 酬,與醻同。爽,从 爵、公、侯、卿、大夫 酬 , 賓弟子、兄弟之子 事也。 也。 旅酬 序裔,所以 蓋宗廟之中以 昭,當作侶 羣 下爲上,所 旅,衆也。 昭 …,非。 羣穆 亦以 音 咸 爲

類是也 時之食、各有其物、如春行羔豚、膳膏香之 之遺衣服,祭則設之以 刀、大訓、天球、河圖 師 祖 廟,天子七,諸侯五,大夫三,適士二,官 一。宗器,先世所藏之重器,若周之赤 之 授尸 屬 也 也。 裳衣,先祖 時 食, 四

00

辨貴

幼、爲 也 有 事 燕 爲 坐 榮, 毛 次 祭畢 故 也 逮 及賤 监, 丽 瀧 秊 者, 數 則 使亦 以 也 毛 大,讀 得 髪 之 以 如 色 申其 泰。 别 季 長 敬

俗作年,不成

子。

親,事 踐 既 先王之祖 踐,猶履 其 兩 葬 死 位 則日 節、皆繼志述事之意也。 如事生,事亡如事存,孝之至 ,行其禮 也。 反 考、子孫、臣庶 而亡焉,皆指 其,指先王 ,奏其樂,敬 也。 也。 先 其所尊, E 兩、當作网 始死 所尊、所親 也 謂之死 也 此 愛其 結上 所

祀乎其 或 郊社之禮 其 如 亦 先 諸 也 所 掌乎 以 明 事上帝 乎 郊 社之禮,禘嘗之義,治 也。 宗 廟 之禮 一, 所 以

也。 也 自 郊 出 祭天。 於大 稀,天子宗 四 時 皆 廟, 社,祭地。 祭, 丽 舉 以 廟 其 大 之 耳。 大 祖 不言 祭 配 之也。 ,追祭大祖之所 禮必有義,對 后土者, 嘗,秋 省文

> 略耳。 見 舉之,互文也。示 也。 「大祖」、「大廟」之「大」、皆讀如 此與《論 語 》文意 與 視 同。 大同 視諸 小 異 掌,言 行記 有 易

志,而 矣。 則 繼 則武王、周公之所以爲孝可 開之,周公成之,實有合於夫人天 世之天下,共服其錫 訓義道之大也,備典 之達孝,抑 已之真,而莫 心之所必盡、道之所 子曰,孝者,人子自 治,觀於夫子之尚 時之人心,無不 志 必有是志,我因體之,而「勿貳 由今思之,武 能體 乃 前 其 必 人未嘗 能 其 未 易 見 爲 也。 喻 論 之 達 王、周公其達孝 有此 盡之庸 類 其 武 孝 深 必通者,則存 禮之隆,而 報 王、周 夫孝之至 惟 衷 丽 志 則之 本反 以 後 行 思矣。 偂 自 可 公者 耳 使 隆。 始之篤。 偁 爲 爾心 其 通 加 加 爲孝者, 而 乎達 性 前人之 矣 幺 在 後 蓋 推 見矣。 明之 今日 不 乎 則 미 武 致 謂 容 則 後 其 E Ŧ

之,亦 乎? 公成 秋 者,以冀 尊親之盛也,將必有畢 祭以 心 善乎 則 未 其 其 也 IIII 爲 述 ·嘗 所 総 有 動 則 之, 宗器 丹 悽 盛 盡崇先之志,則 前 文、武之德以 有 行 志 夫王 何 推 之事 焉 雘 愴之感。 人之德, 此 也 莫 冥 夫 其 而 不 事 具藏,其 之不 一業定 武 非 所 漠之來 徂 以爲 雨 ٠, - 尤善乎 繼志 王 制 而 維 露 新 圃 圃 繼三后 使 祭 事 於斯 降 求定」,則 者 、述事 備 崇先 大典 在 忍 格 子,是 日 祀之禮 M 平 非 以其 不 今 生怵惕之 時 竭其孝養之忧 但 之緒 珍 行 祀 日 故 前 之大全者乎? 則 也 一荷舉 道 述 7、大典 是豈 重 則 四 其 通 修 事。 成 以 必 之 祖 時 而 沭 於上下者 之 其 前 廟 心 皆 成 成 將之也 事 事 以 乃前 非 典 行 人 祭, 其 具在 E 也 之 嚴 曲 而 而 面 業,周 不不 事 於 業者 神 禮 露 而 미 以 人 能 得 乎, 神 言 其 祀 侈 益 制 固 濡 春 夫 我 循

儼 之休 中,而 筵, 燕, 中 異 昭 抑 致 以 以 則 相 廟 同 定堂階之上 然 制 必有 而 姓 爲 姓 恪 充 授 陳之以 皆 即 而 之昭 異姓 俎 户,先王以衮,先公以 分 而 分 也 恭之齊 盡 禮皆行焉 明 祖考之臨 則 莅 王之所 合 萃 ,行各有牲,膳 德 其 穆序其 昭 也。 合乎 其 視 者 以 之馨 心以孚祖 # 下, 職 之 • 以 大宗之法 其於異 臨 守 職 子 也 多 也。 而 則同 也 也 孫、 世系, 儼 莫 士 同姓者以本支而 有崇卑, 則 馭 0 或 面 臣 澤 爵 食物 姓 姓 各 裳 蓋 考之心 僭 見 一合族 宫 之貴 庶之歡於衆者 也 有 衣 異 其 踰 作 然 、驚,庶 所 膏、庶 惟 而 在 姓之助 所 則 也。 人之美 選 賤 於 時 因 寢 者 以 以 本之所生 矣, 之士 廟中 聽 能 矣 有 Ŀ 其合同 班 幾 幾 以 命 祭於 奉 潔薦 昭 物 朝 皇 肅 如 先 乎几 尸 之制 其 篤 産 設 而 此 E 姓 之 之 大 廟 於 慶 廟 以 之 即

賓

無

其

孫

有

弟之耆老爲之主,而子弟侍 孫,壽考之不 矣。 引則 兄弟 省 於 如 一梯之攸盡,而恩尤治矣。 有 也 有 子 高 任 敢 隕 乎 此 孫 事 材 西 季,敦修齒序,既 其巨,小 之 執 猶 臣 践 逮乎祭之一 能 越 兄弟於東 可 以 既 事 有 於是 也 其 庶 以 致 不 無 厚焉者。 舉 位 分受其 忘,又以 及之 賢 不 於 而 而 鷥 者 而 畢 任 西 禮 推 刀 長 其 獻 肅 階 子 日,君於阼,夫人於房 其 制定矣, 以 朝 榮光矣。 者行 細,於以辨之, 之於一日 祭畢 穆 ,使夫賤 弟 一德以 明同 割 有 踐 至 以 以 於堂、獻尸 酬 對 前 血 推 姓之合以天倫 行 蓋 見 禮 毛 越 馬 燕、以 先王之德者 先 賓 酬 者 矣。 制定而 其所以下澤 乃 以 於 以 廟 而 王 則 其 薦, 神 致 諸 中 使 福 又 於 加 而 明,而 於寢, 於 以時 以 及 父 亦 舉 夫 冒 不 崇 子 幽 昆 與 阼 其 仴 人 姓 寢門 以 惟 惟 人 爲 升 秩 存 圃 上 後 和 疏 廢

重

也

於

階

然

荷

者,無 者,至此 越,文 時時 愛以 其 其 死矣,而 推 一承 則 平. 歌 墜 乎 灌 者 以《 情 恩 其 行 典禮之備行,益 視膳之情 以升降於穆清 也 ,上尊以酌,稽首以 不載 舉 之篤 行矣。 其 於同 所爲告虔於祖 (則玉 (清廟 歲 無 而敬以將矣。 禮 迎 我之歡 不 行之餘 事之如 摯,故 牲 者 姓、兄弟、賓臣、子弟者, 極 戚 》,下 凡先王之所爲眷 以《 也。 我 而 獻 依然 之靖 朱干, 生 心 制 舞 昭 酬 而 以 以 前人亡矣,而 , 袝廟祭行之後, 典 以《象》,質則朱 夏 以 廟、宗器、裳衣、 凡先王之所嚴 延至 在 恭 無 **》**,迎 禮 備 雝雝乎奏其 迎,奉 位 以 有 室 其 而 情 也。 祇 乖 户 罄 膽 儀 而 事 戾 以《 羞 無 文 依 顧 也。 此 思成以 也 之愛 以 不 事 岢 丽 肆 而 侑, (樂者 宜 之如 時 夫然 依 非 不 至 其 恪 絃 夏 無 也 忘 綏 抑 伙 前 此 所 以 食 而 有 秩

111

0

四

之原 姓受 公之祀 矣乎 之心 亦 無 祭 及 殫 届 不 跳 亦 丽 備 氏 乎 今其 降 其 ? 無 也 相 如 有 此 致其 圃 矣。 者 本 其 離 左 事 孝 爲前 遠 臺 非 極 乃 乎 禮 於是 也。 右 邇 親 思 髮 至 所 乎德厚流光之至者 實 昭 由 今其 所 具 矣。 賢愚之不 之 者 孝 尊 乎 人志事之所 格 口 其 於是而 而宗廟之 自 在 ? 不 者 不違之實者 孝 盡 實 則 禮 蓋 出 萬 竭 哉 之 所 孝子事 而 之 推 物 具 天子 推 則 誠 生之理 協,斯 祖 其 郊之禮 本 在 之, 天下 惟 禮行 一,則古 蓋 乎 注 所尊 無 以 親 其 天 存 則 遠 其 也 其 王 立 後 至 如 焉 以 與 濔 者 先 與 則 豈 也 而 所 事 世之人心, 焉,而 及 乾 崇 > 孝 天 但 以 加 推 而 上 纖 天 乎 爲 子 卑 父 帝 先 爲 大 通 悉 Ŧ 夫 所 坤 達 其 與 其 從 吾 推 社 之 則 明 王 而 理 始 從 先 老 公 禮 出 與 不 得 尊 之 母 與 事 備 不

我

IMI

天

以

口

時

以

若 習 敍 能 下 仁 既 以 爲 是 或 具 不 有 相 則 猶 刀 昭 爲 社 明 之,然皆其 在 違 昧 雝 延 率 至 而 有 於 親 乎郊社之禮 雝 祭 時 理 至 對 ,上達於天子之大社,皆可 示 則 則 經 道 各響, 天 人之所 諸 百 矣 敬 肅 而 ,皆晰之 嗣 之 丝 無 無文, 世 掌 上 肅 ൬ 緯 有 異 王 而 屬 乎 之必 之美 文而 鬼神、 當 行 致者 禘 可 之, 獨舉? 乎 ? 之,有一 秋 以 與 爲 而 大祖之 ? 因 條 已矣,未 圃 何 至於郊 Ŧī. 王 此 無 有 明 理 嘗,以 其 者 以 於 秊 特 也 疑 司 有 燦 則 爲 敬 自 是 之 牪 所 供 禮 然 何 社 事 精 所 大 之, 於 而 明 埽 樂 自 奉 有 以 禮樂 夫置 之忱 褅 特 禘 能 以 意 面 者 出 大 地 學 王者 能 嘗 修 嘗 之 治 廟 祭 明之者也 遐 此 於禮 必 之義 降 社 或 之昭 也 邇 制 也 體 率 則 而 加 諸 秩 盛 假 ? 如 之 者 禮 天 祖 何 與 而 講 之 不 以 以 其 因 郊 矦 而 何 天 面 無

揆,而王與公孝思之廣被,豈有涯哉? 天可加矣。道無不在,則幽明一致,天人合

言觀之,武王、周公以因心之孝,惟前人之中,則又安得不通喻其孝乎? 由夫子之下後世雖無能明之者,而沐浴於其至治之

志事是繼是述,而敬愛之廣被啟禮文之詳

道,自父母之順,以極鬼神之德,無有二備,郊禘之精意爲平治之本原,則君子之

所以然者則固隱也,其能然者則誠也。請致,其極乎至大而無外,益著明矣。然其

右第十九章。進而備論,以反之約焉

哀公問政。

哀公、魯君、名蔣。

子曰:「文武之政,布在方策。其人存則其

政舉,其人亡則其政息。

方,版也。策,簡也。息,猶滅也。有是

君,有是臣,則有是政矣。

「人道敏政,地道敏樹。夫政也者,蒲盧也

夫,音扶。

人立政,猶 敏,速也。 又易生之物,其 蒲 以 盧 地 沈括 成 種 尤 樹 速也。 其 以爲蒲 成 速矣。 言人存政舉 葦,是 而 也 蒲 葦 以

其易如此。

故爲政在人,取人以身,脩身以道,脩道以

仁'。脩'當作修。

此承上文「人道敏政」而言也。 爲政在人,

人,胃肾白。身,皆皆身。直皆,天下之幸《家語》作「爲政在於得人」,語意尤備

道。仁者,天地生物之心,而人得以生者,人,謂賢臣。身,指君身。道者,天下之達

得人,而取 所謂「元者善之長」也。 有 君 有臣 前 人之則 政 無 不舉矣。 又在脩身,能 言人 八君爲 仁其身則 政 在 於

「仁者人也,親親爲大。義者宜也,尊賢爲

大。親親之殺,尊賢之等,禮所生也。殺, 「

去聲。

己。 怛慈愛之意,深體味之可見。 事理,各有所宜也。 人,指人身而 然、當作账。 言。 傻作便, 具 禮,則節文斯二者 俗文。愛,當作悉。 此 生 理,自然 宜者 傻 分别 有 惻 而

作突。

鄭氏曰:「此句在下,誤重在此。」「在下位不獲乎上,民不可得而治矣。

理也 故又當知 不事親。 爲 脩身以 政 ,故又當知天。 在 道 人,取人以身」,故不可以 欲盡 人。 一,脩 親 親 道 親 親之仁,必由尊賢之義, 以仁」,故思脩身不 之殺,尊賢之等,皆天 脩,當作修。 殺,讀去聲。 不脩 可以 身。

> 也。 日徧明也。累,从眾从弟,衆目相及也。 天下之達道也。知、仁、勇,三者天下之達德 父子也,夫婦也,昆弟 天下之達道 所以行之者一也。 五,所以 行之者三。 也,朋友之交也,五 昆,當作累。 知,當作智 昆,从日从比 日 君 臣 忧

以彊此 作更者,俗文。 義,夫婦有别,長幼有序,朋友有信」是也 此三者,三者之外 其德矣。 所同得,然一有不 由,然無是三德,則 之理也。 知,所以知此也。 謂「五典」、《孟子》所謂 達道者,天下古今所共 也。 程子曰: ,則誠而已矣。 謂之達德者,天下古今所 仁,所以體此也。 ,夏別無誠。」然,當作 誠,則人欲閒 無以 所 「父子有親,君臣 謂 由之路,即《書》 行之。 誠 達道 者,止 之, 達 雖 德 是 而 人 勇, 所 所 誠 雖 德 同 共 有 所 實 人 得 变 非

或生而知之,或學而知之,或困而知之,及

勉强而行之,及其成功一也。」强,本作疆,或作其知之一也。或安而行之,或利而行之,或

勢。强字俗。

其等而 行者仁 資 同,此 仁也 當作智。 此 行 無 以其分而 知之者之所知,行之者之所行,謂達道 氏 道 道之所 爲不可 不 善而 有難 一,所以 E 所 也, 言, 番 一:「所入之塗 以 ,當作早。 以 言,則 幾及,輕困 易,然能 至 氣 爲 困 則 不 稟有 於知之成 生 中 知、勉行者 明 知、 庸。 所 强、當作 不 自强 不 以 行 安行 同 知 知者 若 雖異,而 也。」兩 勉 不 者 功 强。 乃 者 息,則 故 勇 而 知 企 行謂 也 知 也, 生 聞 「知也」、「知」字皆 所 也 者 知、安行之 不 其 道 一學知 至之域 所以行 蓋人性 勇 能有 有蚤 至 也。 也。 莫, 八利 成, 也。 則 雖 者 以

勇。朱子曰:「子曰」二字衍文。好,當作政。「近乎知」、子曰:「好學近乎知,力行近乎仁,知恥近乎

「知」字當作「智」。

作账。 懦 非仁,然足以忘 求,自私者徇人欲 者勇之次也。 文三「知」爲 40 面 此言未及 不辭。 。」「爲知」與「非知」,二「知」字皆當作 徇 當當 作 故好學 乎 殉。 達 知,三「行」爲 解 吕氏 德 私。 非 當 而 面 作 知,然足以 求 曰:「愚 舜。 知 忘返,懦者 以 恥 好, 人德 仁,則 非 當 勇 者自是 作 之 破 玻 智。 然足 甘 此 事。 愚。 爲 三「近 然, 私、當 以 人下 力行 而不 通上 皆 起 當 作

國家矣。脩、當作修。 知所以治人。 知斯三者,則 知 知 所 所 以 以 治 脩 人, 身。 則 知 知 所 所 以 以 脩 治 身, 天 下 則

身之意,起下文九經之端也。端,當作尚。天下國家,則盡乎人矣。言此以結上文脩斯三者,指三「近」而言。人者,對已之稱。

「凡爲天下國家有九經,曰脩身也,尊賢也,

親 白 Τ. 親 也 也 柔 敬 大 遠 人也, 臣 也, 懷 體 諸 羣 侯 臣 也。 也, 子 脩 庶 當作 民 修。 也 侯 來

本作矣。

昆

當作器。

矦作侯,俗

進,故 羣臣 别 猶 來百工次之。 親親次之。 經之本。 氏 謂 也。 經,常也。 、懷 也 無 次之。 一。」察,當作督。 四 志 : 子,如父母之愛其子也。 諸侯次之。 尊賢次之。 體 賓旅 「天下國 然必親 視 體,謂設以身處其 由 由 者 白 家以 朝 也。 由 姓 家之本 愛,當作悉。 廷 其 道之所 此 師 猶 及朝 此列 以 或 取 九 吾 及其國、故 經之序 以 友,然後脩身之道 子 在身,故 廷,故 九 及天 進,莫先其家 經 此 視 之目 地 也。 下, 柔遠人, 敬 臣 脩 而 子庶民、 大 故 視 視 身 察 也 、臣、體 民 羣 柔 爲 其 故故 之 遠 臣 所 九 吕 1

不怨,敬大臣則不眩 脩身 則 道 立 尊 賢 則 ,體羣臣則士之報禮重 不 惑 親 親 則 諸 父 昆 弟

> 則 子 四 庶 方歸 民 則 之,懷諸 百 姓勤, 矦 來 則 百 天下 I. 則 ·畏之。 財 用 足, 柔 遠 人

惑,謂 説 相資 事 大臣 德之所 미 此言九經之效也。 天下畏之。農,本作殷 爲 而 丽 故故 願 民 不眩也。 則 不 施 出 表,所謂「皇建 財 信 疑 於其 者博,而 任 用 於 足。 專 理。 來 塗, m 百工,則 威 柔 故 小 不 道立, 之所 四 遠 臣 眩 其 人, 方 不 謂 有 制 通 得 謂道 歸 則 不 者 功 以 極 天下之旅 迷 懷諸 易事 閒 廣矣,故 成於己, 於事 是 之,故 也。 農 敬 末 則 皆 E 臨 不 丽

色,賤 禄,同 薄斂,所 以 齊明 勤大臣 貨 盛服,非 其 以勸 好 圃 也 惡 貴 (德,所 百姓 忠信 所 禮 以 不 也。 勸 動 重 以 所 親 勸 禄 H 賢 親 省 所 以 也。 也 月 脩 以 試 勸 身也 尊其 官 土 既稟 盛 也。 位 任 去 「重 稱事 使, 時 讒 使 其 所 遠

所 所 讀去聲。 朝 亂,當作濁。 切。 以 聘 以 柔 勸 以 脩,當作修。 既 時 遠 百 厚, 人也。 Т. 朝 許 讀 氣 也。 往 切。 如 去,本从大从厶作去。 圃 潮。 送往 繼絶 稟,筆錦 薄來 厚,本作身,今概通用厚字,亦宜 世 迎 所 切。 舉 來,嘉善而 以 稱, 廢 懷諸 或 宜 好,當作 门,治 如 矦 字 也。 矜 蜀 讀 處 玻 不能, 持 齊,側 陵 危, 切 恶

聘,謂 豐其委 其 事 如 養之厚,蓋以 所以優之者如此。 此 食 ,如《周 此 小聘,三年一大聘,五 ,足任使令也。 言九經之事 也 是 諸 有 矦 也。 禮 既,讀 以 使 迎之。 》稟 大夫 往 身 也。 則 人職曰「考其弓弩,以上 體 日 來獻。 之, 爲之授 蓋大臣 忠信 朝,謂 餼, 官 而 餼 盛 重 知 年一朝。」 ^ 稟, 任 不當 諸 節 禄 其 E 使, 以 矦 稍 制 所 謂 見於天子。 送之,來則 親 謂 食 賴 待之誠 細 厚往 乎上 官 也 事 比 屬 故 薄 下 年 稱 者 衆 而

> 「凡爲天下國家有九經,所 文矣。 來, 本 一者,誠也。 如 謂燕 此,今誤。 此 賜 九 厚而 考,當作攷。 經之實 有不 納 貢 也 薄。 誠 年,俗字,當作季。 以行之者一 則是九者皆爲虚 慢,本作憂,「憂游」字 也

前,當作歬。 前定則 「凡事豫則立,不豫則廢。 凡事 ,指達道、達德、九經之屬。 不困 路,其劫反。 ,行前定則不疾,道前 行 即 讀户 言前定 庚切 定 則 豫, 則 不 跲 不 素 定 事

也。

路,躓也。

疚,病也。

此

承上文言凡

誠,如

下

文

也。

作厚,从子,俗誤

不明 有 友有道,不 上有道,不信 在下位 道 事 乎善 反諸 皆欲先立乎 不獲乎上 不誠 身 順 不 乎 乎朋 乎身矣。 誠 親 不順 友,不 不 民 信 不 乎親矣。 乎 獲 可 朋 所 乎 得 友 上 推 面 矣。 矣。 是 治 誠 矣。 身 信乎 順 有 乎親 獲 道 朋 乎

此 又以在 下位者推言素定之意。 反諸身

\_

不 而 誠 無妄也。 謂 反 求 不 諸 明 身, 乎 善 前 謂 所 存 未 所 能 察 發 於 未 人心 能 真 天 實

命之本然而真知至善之所在

也

容反。 誠之者,擇善 者,不勉而 誠者,天之道也。 中,不思而 丽 固 執之者也。 誠之者,人之道也。 得,從容中道 中,竝 去聲。 一、聖人 從,七 也。 誠

誠身。 聖,則 實。 勉,而 明 謂 聖人之德,渾 妄,而欲其真實無妄之謂,人事之當然也。 此 11,天 善。 承上文 故 從 不 理之本 未能 此 未 能 容 則所 能 誠 無 中 不 不 然 身 道,則 人欲之私,而 恵 然 謂 勉 面 也 人之道 而 天 而 言。 理,真 中 得 亦 誠之者,未 天 則 則 誠 也 之道 必 必擇善然 實無 者, 其 古 不思而 真 爲 執 也 派妄,不 德 能 實 然 未 真 無 後 後 不 得,生 待 能 至 實 妄 可 可 無 以 以 皆 於 思 之

> 下 知 之事 也。 不 固 勉 執 而 利 中, 行 安 以下之事 行 也。 擇 也 善 然 學 ,皆當作 知 以

嘫。私,當作山。

博學之,審問之,慎思之,明辨之, 仁,利而行也。 此誠之之目也。 而爲知,學而 知 程子曰:「五者 也。 學、問、思、辨 篤行,所 以 廢其 篤 古 所 行之。 執 以 一,非 擇 而 爲 善

學也。」

千之。 措 辨,辨之弗明弗 知弗措也。 有弗學,學之弗 也。 人一能之,己 有弗 措 思,思之弗得弗措 能弗措也。 也。 百之。 有弗行,行之弗篤 有 人十能之,己 弗 問 也 問 有 之 弗 弗 弗

事也。 君子之學,不爲則已,爲則 百倍其 要,本作婴 功。 此 困 圃 知、 勉 M 必 行者 要其 也,勇之 成、故常

果 能 此 道矣, 雖 愚 必明, 雖柔必强。」强,當

作

彊

不能 功不 質 或 也 Y 不 勝 明者擇善之功,强 君 甚 不 輟 所 所 能 氣 子所 美,非 勝之, 矣 足以 以 夫以 異 同 V 質 也 則 也 面 變其不美之質,及 以學者 、致之。 不 已矣。 强 :學所 則 愚 誠之者 美之質,求變而 香 當當 雖有 者 明 作 可 能變,是果於 今以 温。 蓋均 强 爲能 志 進 者 弱 於 所 於 稟、筆錦 固 鹵 善善 之稟 、學,亦 以 (明,柔 變化氣質 執之效。 莽 而 反其 不 滅 切 無惡者,性也, 不 美,非 自 能 裂之學,或 愚不能 者 齊 同 棄 變, 口 者,才 而 而 吕 小,其 進 百 變其 己。 則 氏 明、柔 於 倍倍 爲 日 日 也 强 天 作 異 德 不 其 :

訓義 乃 乃以 大 面 道之費 無 成 外 乎大。 也, 者, 既 唯不 其費 極 乎 遺 也, 至 平 大 小。 皆 者 有 ൬ :隱焉 小 言 而 之矣。 者以 無 閒

矣。 公論 率性之 之道 端 之費 所當 舉 將 費隱之以 以 故 異 爲 之體。 此 欲 於 則 蔽 非 而 述而見之施行, 其經畵 政 之日 其 行 政 知 也 無 也 布 託 E 之説 功 所 有 者 政之大綱 在 忌 IIII 虚 道 則 則請兼 能 誠 誠 方 圃 以 憚之小人。 行 寂 其 行 但 備 之大,條 言 爲一貫之理 策 爲 乎 以 於天 主 與 因 之,則 其 既於夫子言鬼神 費之主、隱之實者, 或 流 故 天命 修道之 無 八全矣。 與 小大 也 幻妄,而異 下, 則不在政 難 節 非 ? 理之密, 莫善於 以 攷 任 目 八費 面 體之隱 存主 見 也。 夫 也。 乎 哀公問 才智 隱 子孫 子 性 ? 而 而言之。 文、武之經 則 而 乃 日 無 八於索 以 然所言者 也,有 之世守者不 在人、審矣。 抑 一,若 在 前 政於夫子 侈功 可 夫子 欲 未嘗及 文、武 復 隱之 以 則 知 見 其 名 加 夫用 政 與 小 所 一,天 哀 異 之 之 以 夫 大 政 面

能 然 日

之具 焉。 之地 其 力者, 精 道 敏者 物 無 之本者,有 者,有其道 獘之後者 文、武之政,合乎人心,盡乎時 君 而 難行者,舉之而 加 意 人 則 1,殆猶 之有 備 舉 存,無關 以 有心 樹 存 有其 道 有 言 者 行 無 是 面 人道。 也 道 之所不容 有 有 智。 人受之天以 夫蒲 其 以 道 其 心以譍之, 以 不 其 於理 道 人 其 政 1-培 所 速 道 有 盧之易 誠 舉 入亡, 夫 其 榮者 一亂也。 以 勇。 所 矣。 速 人之道 人 根 味, È 斯道 舉 與 以悉達 所以 持 則 敏敏 日 矣,敏 爲 以 生 而 人 周 於 蓋 其 仁 滋 也 性 者 爲 H 樹 所 官 中 主 政 政 之體 其 平 倫 用 其 学 日 者 政 以 持 以 之所 息矣。 mi 宜 生 類 之 者 義 之 條 也 奮 其 爲 力尤 法 不 以 行 理 丽 也 建 必 發 以 mi 度 E Ź 之繁 其 況 方 政 行 必 有 可 道 則 諸 於 禮 待 易 生 積 策 平 猶 之 遺 出 而 載 請 事

乏,而 身則 也。 者, 之中 與 用 常 即 品品 侕 皇 故 宣 君 而 乃 厲 秉 人 「爲 率 君 躬立大之極,則 可 在 節 以貫 而 者 之性 心 則 類 得 以 身 精 之 履 吾 政 必 但在君之 之所自 力以 請 相 乃 道 圖 而 而 性 於 以 在 日 矣。 貞 爲 治 以 丽 言 咸 中 智、 仁矣。 人。 心 也。 以 次 發 一體者也 敏之於下, 矣。 宜 不 德 敏之於上者,亦 見 倫 Œ 丽 曰 ? 容 取 而爲性之實者 乃欲 仁、 序 於 物 而 仁. 已之 則 夫修 好 之也 則 言之。 道 爲 心 者 日 又 抑 惡 爲 制 所 存 勇。 以 惻 即 道 有 正 愐 相 天下之共由,何 行之原,必綱常 用 乎 行 怛 夫 以 所 面 取 後 夫 皆 爲 其 乃 仁;而 人 簡 政 以 人 賢 人 以 修 必 更有 之生 焉 修之者, 無不 道 擇 則 體 義 浹 之矣。 則 百 乃 故故 以 敏 仁之 治 皆 人才不 禮 爾 其 精 身矣。 舉 理 政 於 人 卿 於 相 也 也 敘 道 爲 以 + 倫 是 道 愛 愐 而

差。

殺

也

mi

尊賢之等出 親之仁,尊賢之義,行 之經,物之制 下,爲吾心不 尚德之誠,爲吾義發見之不 然,必有尊焉。 衡量 立人之道 之愛,皆是 恩,爲吾仁 一,推 「則親 修道 ,有友之者,而 若是者,蓋 而愛之所 而 mi 者之所必資者乎? 則 親之殺出 下之以及 於 一,則 等 心之所 發見之不 事 殺 焉。 容昧之品 皆 又有 物 之立 施,惟 天理 而尊之所 必有 酌 是 ( 乎 庶 有 馬。 義 南 其 理 臣 容已 自 矣。 何 也。 師之者,隆替必 宜 親 之所 焉 推 之者,而 支,厚 莫 裁 然之節 然者 親 而 者, 丽 施 義者,即 非 乃仁者人也 爲 而 又自 夫道 包 惟 上之以 吾心 可苟 薄 圃 大。 因 也 也 文,親 各有其 尊 民 以 抑 有 建 之固 者, 之仁, 賢 語心 有 其 生 乃 及乎遠 酌 而 (爲大。 本 (條 是 政成 其 友 其 疏 有 而 有, 前 則 其 之 理 親 事 乏 之 等 官 L 物 舉 古 可 交 而

者

祖

焉。

之夾 之人,而 策之典章,不能 厚薄、「不 尊賢之自有 得尊賢之義 愷,「不可以 「不可以不修身」矣。 敏可 人道之所存,則又有進焉者。 取人以身」也, 政則 然。 取, 杰 「道以仁 , 則 輔,「不 知 而惟仁、義 面 而 矣。 政之舉必由 勿 政 身 必盡 可以 徒 修」也, 無 無 等殺 미 丽 不 故君 言 不 不 不知 夫仁、義、禮,乃 以 益 事 、禮乃以 必子孫之長 舉。 修。 政 Πij 也,而 不 彰也,而 親 子 脯 也 推 知 天」矣。 知 必本 於人之存 身 是 矣。 化理 ,亦明矣。 抑念夫「修身以道」, 人」矣。 皆因 夫 人 無 修道 - 彝倫 必 「爲 道 不 抑念親親之仁, 於在躬之矩 治。 天 建 夫仁、義、禮之 修 之能敏 政 可 理 抑 英賢 於天 則 則則 ൬ 在 君 以修道 爲 念 政 文、武 然 人無 其 良之慈 自然之 夫 爲懿親 之所自 政 親 而 切 也 求 不 親 極 方 M 而

рq

著 者 達 敬 也 夫 古 中 道 則 道 經 天 忧 乎人之實 行 行 ,節文 行 婦 矣。 何 道 者 也 愛 理 今,人無 而 愐 有 有 之修 敬之所施 焉 , 德也。 也, 時 之在 也 也 更 不 朋 昆 父子 ? 推 流 (必有 等 無 友 而 弟 有 之。 用 人 於 賢 其 古今,位無 殺 日 IIII 而 Im 夫 者 也 而 薄 是 抑 君 不 Ħ 所 具 相 Ę 婦 夫 也 者 人 -肖,有 德 有 自 、焉,由 有 有 臣 交之信著矣。 修 幼 道 宜 面 心 面 體 也 行 五 父子 也 之 内 也 道 必 之 一天下 其 此 圃 尊 生 以 同 之則 序 外 有 有 目 仁、義、 不 而 卑 是 仁 m 具 著 之 所 君 踰 有 親 義、禮 之達 ·,有 即 道 治 矣。 别 臣 自 其 73 而 愛之情著矣。 得 也 著 致 面 禮 牛 愛 義 則 不 斯 乎 德 朋 矣。 尊卑之義 達道 而 於 所 天 心 而 夫 由 五 也 禮 友 達 下 不 以 即 請 有 者, 則 偕 之 昆 之五 以 時 道 成 與 之達 就 沈 所 亂 焉 交 弟 之 其 成 無 平 自

然

mi

人之道

,尤不僅

此

也。

有

行

乎智

於 之 其 使 强 以 決 逮,行之未 必 敬 理 施 也 加 通 行 達 果,而 作 之 者 件 此 行 人 ? 不 何 平 其等 者。 之而 德 用 有 雜 以 心 以 乃 古 等 之仁, 也 , 通 缺 則 明 無 既 發 今 殺 人心 斯三 殺, 後 固 陷 知 明 不 見 天 純 何 乎古 夫至於 者, 不 有 施 此 此 於 下 以 也, 固 則 以 者, 虚 此 ? 達 道 ر<u>ن</u>، 辨 而 乃 今 有 必 行 所 炯 mi 也 道 ? 必 等 天 性 皆 自 此 知 知 然 而 此 勉 矣, 遵 雷 所 奮 彊 殺 愛 下 則 不 理 成 盡 ൬ 何 者 而 有 以 發 於 何 平 昧 必 愛 者。 其 人 其 行 以 也 有 知 以 勇 同 知 之 何 大 愛, 心 得 成 吾 爲 行 無 之 知 盡 若 以 天 用 則 圃 作 者 能 達 之 不 而 其 下 無 者 而 古 足 人 勇, 必必 道 立? 也 起 後 知 敬 之 道 後 有 不 以 切矣。 其 可 之 足 天 實 知 此 盡 何 達 而 知 敬 未 下 純 以 道 有 勿 以 行 則 此

122

之所就 之盡 者 故 明 或 者 主 之,未必其真勇。 私 則 知之,天良之動 勇之中,而 言 真 也。 而 面 也 學而 極 欲 知 而交發者,一而 則 始 其 無 知 參之,未必 焉 未 或安而行之,因心之篤,自不容已於 而 絲 悟 或 不 唯其有是至一之理也,故智、仁、勇 也 知 致 而 有 發之於 之,品 同 毫之疑 其然也。 困 私 面 而 差也。 函之於至足。 意閒 而 以 學 而爲智爲仁爲勇之量不齊, 知 所 類 無 者 困 其真仁。 之,未必 之,情理不安,乃反 則有其 行之一成乎人道之大用 圃 已矣,是道之樞,而 之宜 故以 然知 餘 爲 者 倫物之紀自不紊 明 亦 · 以 知而 使 真 則皆知之矣,生 也 有行 爲智、仁、勇之具 其 無 知 勇焉 前修之美啟 真 言, 所 也 也 知。 乎智、仁、勇 同 以 加 則 行之者, 客 仁焉 或 以 以 求 生 德之 其 氣 行 也 知 其 其 而 昭 乘 m 而

行者真 矣。 則固 安於 於理 天 未 也 其 則 或 日 以 則 智、仁、 篤 行 列則 下之欲 即 好, 近 ,智、仁、勇,天下之達德 同 也。 不能使達德之本體昭 入德而行道哉? 而 矣,而 仁 自 也 乎知矣。 今夫人未 無 有 因 此好之心即 也,而 能,而 勇 或 廢 夫人必有之幾,爲三者見端之用 心 是 利 制行者衆矣,而獨 m 也 或 跡之違者爲行 或吾心之德未 以 交致乎知行 勉 而 有力行之心 利、勉者亦 天下之欲學者衆矣,而 求 然行 即 雾 行之,慕義之深, 知 知 丽 知有 之而 夫子抑又言之矣。 也,而 行之, 而 大 7,及其 真 著於知行之際者 皆 善 焉,則 明 能 也,一也。 有 望道之難 能 有 而 前 之覺 用 好 發 成 也,同以 不可不學者 知 見, 其 學之心焉, 拘蔽之餘, 近 功 因以 行 力,此力 乎仁矣。 不遠矣。 矣, 之已 則 獨 何 夫 其 不 求 則 致 子 以 由 至 敦 安 敢 全

之

之發 動 各 而 以 有 有 求 所 知 即 絶 恥 恥 乎不 而 之心 也 純 乎善 不 -善而 粹 焉 之 丽 矣, 奮以 則 理 不 近 丽 不 雜 乎 趨 獨 遠 其 ,勇矣。 善 矣。 知 行 者 者 所 也 恥, 未 也 蓋 即 此 則 則 天 勇 因 知 下之 因 也 之 是 之理 天下

在此矣。

知以

此三

者修

身以

治

人,

則

國家之大,學

無

不

可

通

也,行無

不

可

以

求

勇,而

剛

健

之能

不

遠

矣。

然

則

乘

此

i

所發之幾,

而

以

致

吾

全德之體

夫

人

孰

不

有

此

心,

而

何

莫

非

直

實之

所

昭著乎?

但

有

此

好學、力行

知恥之

心

丽

不知其

爲

至切者。 恥之心, 或 以 至也, 恥夫一夫之不獲 家,而 治 天下國 則人 政 揆其原 無 家又在此 所 不舉矣。 必有之善幾, 則 由一 矣。 乃 丽 此 真之所 澤及天下也,所 夫至於治天 好 而 學、力行、 爲 發 人道 究其 知 下

之一也。 極,乃爲 德行之有 此乃人道 實。 所存 則 之實, 莫 不載 而 夫 以 所 之 以 行

大法, 或 政,又豈 家, 則 而 别 著 固 有 繁 之 以 有 方 舉之哉? 其 策 政 者 矣。 不 文、 也 武 今夫 乃 集 以 爲 百 要 天 王

制行 九 之 日 理皆所 修 身」 必 巾 飭 身 焉 爲 出 尊賢」也 治之 原 賢 而 爲 居 1

矣。

知

以

此

者

丽

修

其

身,則

以之治人,

以

之

行

於

達

道

之

中

圃

修

身之

理

盡

在

此

日

固

就

所

知

以

必

去

其

恥

而

勇

Ħ

之,

則

所

以

盡

人

道之常

而

爲

之

綱

維

者

有

於學

而

知

日

生。

資其力以

不

已於

行

而

見端

則所

以修身之方,即

因

所

好

以

不

息

見端

力行者即仁之見端

知

恥

者

即

勇

之

終而

即

與

德遠矣。

若其知

好學

者

即

智之

勇

之見

湯地

則念

起

而

與

德

近,

念

遠, 焉。 也,坐 焉。 情 則 以 必 則 之,使無 身之輔 IE 口 人」也,賓旅之至,未有寧居, 必心志 親」也,親 子庶民」也,庶民 安其 得 爲 也。「來百 敦 則 焉。 而 天下國家之大經畢在 由 修 體 道 而 勤 言 身 居也 之相 身」矣 7 職 戒 羣 論 m 者。 爲立 m 自 貢 臣 無 道 師 家 是 恤 , 則 虞焉。 者其 工也, 承受教之禮 夫皇 愛之本,而 自 也,散在 而 丽 焉 師 以 以 國 是 卑 行 位 友 君 極 德 m 面 於 百 賤 自 尊 不 德 不 意 天下, 懷諸矣 及 T 視 朝 是 矣, 親 庶 爲 建 柔之,使相 於天 が僚 散處,招之來者 廷 而 坊 所 於此 則 如子者,以達 唯 則 本九族之誼 施 表 以 者 必 則 也 下, 邪 則 恩 臣 序 於 其 隆 敬 以 禮之是 説 而 民 而 則「柔 , 友邦之 情 圃 焉 柔 得 風 其 親 無 大 或 受 疏 (效有 道 以 俗 所 相 矣, 臣 遠 其 則 祟 親 撫 所 相 附 可 法

之勸 姓 勸以 消 熒。 器 生、用之所具 庶 士之報禮 相 誠 老 肉 審 III 而 體羣 成 矣。 懷恩 司 來, 用 報 以 不 民」矣, 則不惑矣。 供 繼 其 有 奉上之誠, 修 以 尊賢」矣, 且 臣」矣, 則 舊 於 興革之宜,安危之辨, 公爾 以 離 事 往 眩 一典,不 内 合,則 則 有 相 君 於四 於所 來 府 情 鞠 推 之禮 忘 也 則 百 戴 以 躬 ·眩焉 私 方者也,無 財 ,無與致之, 施 從。 就 Т. 而 怨 諸 者矣。 相 盡 之 體之愛, 用 由 IE 必 矣, 乎, 瘁 者 圃 足 丽 人以 我 父 敬 内 者矣。 必 矣。 隆 大 作。 則 加 先 昆 大臣」矣, 前 先 計 白 有 弟 講 泉 勞 休 與安之,則交生 我 遠 則 定 I 貨 不 道 以 以 柵 戚 以新 百 親 仰 矣。 人者 者, 感之。 有 怨, 之共 歸 不 之者 親 姓 面 給 倦, 以 於 財 欲 貞 心 進 於鄰 士欲 自 而 恤之。 矣, 或 必 之 其 膂 内 邪 以 百 四 中 至 封 所 姓 相 其 效 自 方 我 釁 骨

書 訓 義

八

違 忧 清 之 行 者 請 服 則 謎 家 衞 女 進 面 一,皆所 散 之 謁 所 退 明 此 備 無 凜 自 謗 矣。 職 貴 人之尊,合 息 而 亂 九 言 有 處 而 爲 歸 各 明 貢 於 者 則 以 經 不 相 其 以 萬 而 有 也 齊 夫九 之 孤 要言 īE. 者 治 叛 事 感 也 目 唯 動 弱 修 修 首 平 我 蒞 陳 則 而 經 身」也 而 伸 ? 之, 而 夫 九有之勢者也,無 恩 四 朝 柔 屏 文、 堯 行 無 盛 以要言之, 文、武之政 賄 夷 端 燕 除 遠 而 威 四 則 舜 武 服 賂 懼 居 嗜 其 居 方歸之矣。 内 之道 之 以 讒 「懷諸 誅 不 (效如 穆 好 外 各 政 矣, 居 討 行 佞 以 清 交 有 無 之至, 則 除 此 進 牖 以 而 何 所 矣 養 法 忠 則 有 著 莫 其 養 非 至 則天 服 言 不 炉 矣 與 諸 動 於 義 禮 非 心 其 而 而 聯之, 媚 舉 日 侯 步 方 静 志 所 下 天 偁 不 聰 則 進 消 者 不 動 趨 之 U 策 或 下  $\overline{H}$ 明 吾

與 之 老 狙 制 則 凡 以 德 以 上 而 而 而 輔 意 敬大 之 共 采 封 行, 此 田 勸 成 不 皆 輔 居 而 皆 而 者 嫌 之 其 爲 其 地 爵 君 中 喪 臣 所 分 不 所 而 尊 使 榮 牽 而 而 也 外 以 使 不 其 盡 田 以 報 制 X 尊 加 重 無 之 疑 不 我 職 勸 我 尊 下 之 其 歲 己 勸 其 以 分 其 所 憂 天 事 有 賢 田 禄 位 要 之 之 術。 也 身家 貧 欺 拘 親 性 之 所 之 役 0 0 言 使 己 也 礙 親 勞。 之 惡 之, 等 凡 公 我 未 附 之 0 凡 而 恩 也。 什 旬 此 有 可 恤 己 此 頒 得 則 口 官 而 則 者, 凡 有 以 也 所 皆 者 推 禄 行 以 有 興 好 陳 此 有 制 好 君 之 有 其 君 使 聯 起 惡 使 所 其 者 常 言 人者 典 志 爲 人 不 其 順 而 以 内 大 事 殷 則 者 除 親 推 皆 而 尤 圭 皆 親 明 不 體 聽 有 其 置 力 尤 弛 牛  $\blacksquare$ 小 睦 之 則 則 以 所 1 其 之 分 有 養 謗 有 諫 事 授 以 尚

則 大 行, 其 無 試 以 絶 之 之 所 者 庶 餘 加 而 入義 封 踊 大 興 Mi 面 不 行 以 所 其 民 而 而 ,定其 則 之。 厚 小 救 以治之。 躍 濫 重 憂 15 不 不 求 勸 而 而 於 之。 其 以 告 師 拙 再 加 圃 小宗 心志 勸之 不 白 效能 勞, 聘 君臣、父子之閒 勞 難 亦 以 詰 木 I. 乃 其 持 來。 餼 無 責。 於 使 以 ,皆所以「柔遠 其 財 惰 而 彊 朝 之。 其 所 嗣 所 相 給 有 鄰 成 聘 朝 其 其 吝。 凡 之。 往 且 勸 之 餘 四 其 譍 聘 五 儀 m 拙 此 也 既 而 夷 事 秊 來 m 節 對 凡 者 故 者 有 之侵, 稟 不 也 也 歸 五 之 而 此 有 國 委 亦 日 告 安 服 也 人 或 有 者 稱 争 積 黽 復 淪 則 匱 有 其 愆 禮 E 亂 以 其 勉 使 職 則 也 符 則 朝 身 者 危 者 以 事 所 焉 供 勤 勤 貢 勞 授 節 Ľ 其 求 之 惰 以 從 賜 比 閒 本 利 則 則 以 且 則 子子  $\Xi$ 焉 月 善 值 秊 支 邨 有 其 矜 嘉 利 15 IE  $\mathbf{H}$ 

凡 者 學 也。 乎? 期 其 武 此 其 於 而 能 九 或 序 愐 利 經 家 以 猶 決 也 事 面 之 求 薄 則 則 達 爲 於 之 者 之。 未 修 則 修 政 困 九 其 曲 所 德 之 九 有 規 也 盡 明 經 勉於同功, 以 以 遂 事 有 而 行 中 之,而 爲 松平 乎 舉 凡 之 此 其 爲 合 具 其 已 九 也 於 乎 大 此 詳 九 天 願 盡 舉 存 矣。 知、仁、 經 人亡 者 方 加 經括 皆 下 以 其 之 , 也 此 策之 成 或 加 道 至 效 而 恤 , 本 所 殆 政 乎 之矣。 盡 家 而 者 遂 其 以 吾 勇 無 以 請 其 息之後, 久 所 達 者 不 臻 敏 病 於 不 所 所 爲 者 必 留 道 懷諸 有 乎 舉 於 性 備 以 君 小必 智 救 之理 雖 所 德, 行 之 行 則 文、武之盛 矣。 盡 言 然, 而 其 矣 以 之者 必 1 凡 良 而 其 合生 急, 後 行 勇 能 其 爲 夫 無 也 圃 官 1,各有 之 明 之者 不 乎 天 以 後 以 效 不 侕 理 安 也 徹 1 其 苛 實 ? 後 行 如 可

焉

疆

以

不

其

\_

之,豫 之實, 豫與 之理,以 不恃氣之動 而 者 相 雖 則 M 愈 知 待 事 世, 失, 不 焉, 迫 無 不 夫 矣 不 則所 無 九 不 而 違 平 盡 豫 天 豫 跆 爲 經 欲 求 存 後 m 事 之辨 下 ? 而 其 則 也 言之理定 以 欲 彊 主 無 不 則 也 不 意 或 治 政 序 所 之 不 加 不 爲 欲 之所 迷 也 家 所言 事 之效, )實 因 蔽 而 愈 미 意 其 則皆 其 事 之 舉 也。 也 弛 知 所 立 處 存, 夫 丽 理 理 者 於 亂 先有 前 事 之 之之法 事 欲 無 定 未 未 皆 勇 有 豈 也。 不 斯 政 至 之始 於 事 言之前 有 知 不 有 其 至 欲 以 立 至,始 能 未 不 而 前 所 仁. 事 屬 矣。 盡 其 而 有事 行, 也 廢 愈 以 豈 則 辭 有 事 乎 而 廢 言雖 者 暗 彊 惟 至 之 以 待 思 藉 所 無 所 智 矣 之前 欲 矣, 焉 中 言 吾 我 其 以 有 所 以 0 之 難 以 先 容 則 行 政 不 行 行 所 不 而 乃 白 其 治 焉 下 斯 凝 本 唯 難 分之 不 行 面 理

而

事

治

乎

雖分殊 道之爲 媿乎? 九,序次 一,已發 分九 天 齊乎 則 所以行之者 位 矣 必 有 命 而 所 親 Mi F 圃 豫 之實 ? 太平 經爲 道 謂 觀 不 之 焉 相 不 而 則 ൬ 在 之理 豫 之, 得 疚 皆存於 使 ,有身焉 不 行 審 爲 成 一,合之 緯者,定 圃 乎爲 也。 窮 其 我 行 天 則 丽 夫 爲 者 心 之 也 下 得 事 爲 在 事 也。 理 君 之 幾 而 夫言、行、事各有其 行 皆 之 則 三,皆 之 下 則 所 於事 爲長者之心, 故 一之内, 豈至變化 道 定 其 達 未 繼 所 位 安,豈 乃 亦 析 於 發 志 起, 道 自 者 , 非 將 行 而 各一道之前 未 也 而 亦 立 有 而 以 所 乎 爲 行 欲 至追 爲天下之大 也。 惟 上 率 德 達 以 之前  $\overline{\mathcal{H}}$ 民 使 豫 道之中 焉 性 爲 爲 , 詳 之 事 請 則 也 之功 豫 本 聽 E 有 行 行 即 而 而 道 原 也 無 吾 在 爲 之 道 則 增 馬 雖

128

己。 親是 親 争,而 不白, 友之 朋 所 誠 其 起 於交友之信 則 而 道 存 動 也 出 友 信 不 上 於上 焉。 矣。 順馬 己。 知 者 交天下之化,其爲 閒,爲之大本, 乎友是已。 制 誠 不 爲 不獲乎上矣。 但於事上之忠 極 之, 萬 爲 乎 斯道 下 使養 然則順 則至 善始 義、 朋 民 朋 天 勇 ൬ 不 友之際,而 地 也,且居昊天罔極之先,是 志之未盡 友 禮 之大 有 性之天常有 基 口 所 萬 使 之 親 愜 之主,是 得 信, 物之理,而 而 乃信 素 用 全 者,所以 服 而 Щ 體 修之家 朋 行 有 則 事之豫者而 無 治 , 貽 友 之 感動 乎朋 先 黨 有 無 矣。 有 之實,則 所 玷 辱 行 同 有 不 庭之閒 也 之有 友者 疵,素 感 凝 上心之實 伐 乎君民 真。 丽 乃 不 ,則 通者 之者身。 異 獲 實 不信 5,不 愆 乎上 誠 更 之 心 則 順 親 前 有 之 所 以 朋 乎 但 交 身 是 乎

然則 皆 者 行 位 實 形 乎 其 辨 誠 身 缺 以 充 而 也 也。 平 達 者 色 善 未 充 又 於 有 至 因 誠 則 明善者,豫 之 矣。 道 天 審 實 善 其 矣 失 極 萬 則 mi 事 之光 之謂 之 性 實功焉, 爲 故 其 乎 其 ,體之於心,存之於静,發之於動 理 即 親 所 政, 毫釐 如 然 日 至 全歸 之 其 者亦 謂 周 煇,非 其 所 哉 微 真 也 所 人道 以 不然, 乎 ? 之理, 以 0 之疑 弗 不盡 之 然 不 此 萬 行 不 善之量 明 誠 極 能 而 爲 敏 圃 之者 知善 事 似, 也 之 也。 抑 踐 乎天性 而 天下 不 政 己 焉,不 有 處 有 矣 非 順 至 通 之 極 其道 爲 不 所 而 或 誠 乎 此 平 也 所 乎 一之真 誠 不 知 虚 親矣。 家 也。 而 萬 誠 至,而 至大, 身者 矣。 善 誠 假 豈 夫 而 極 物 乎身矣。 之區 之所詧 誠 舉 徒 則 有 也 而 一之 誠者 不 善之 未 所 九 在 夫 承 所 於 滿 下 誠 經 明 親 夫 何 以 欠

德,故 乎人, 健 内。 之 中 森 誠 天 新 生 世 미 八之有 道 之所 以 ()之有 一,性 然 發 爲 也 而 m 丽 則 ൬ 有 也。 人受 誠 天之道 之所 誠 確 於是有 成 天 順 理 性 體 道 依 爲 萬 口 誠 然 誠 之 之可 此 乎 有 也 誠 道 因 存 乎 因 PK 有 平 道 天 人 之未 故 理 圃 則 成。 平 也 也 其 善 誠之者 道 恃。 順 也。 於天, 不 道 天 有 之道 之 人 之誠 以 · 窮,誠 著 終 之用非 之 有 性 不 得 二氣 起 誠 於未 五 古 是 有 焉。 天 乃 也。 易。 之或 實 生人之大 行 則 7 而 命 以 固 有 之 之 道 有 其 以 天所 如 有是 夫 此 爲 其 有 虧 變 運 則 在 是 成 備 人 則 道 富 其道 於 性 性 化 誠 行 理 功 是 爲 以 心 用 命 不 之 有 又 之 之 道 功, 則 以 盡 生 其 之 健 體 也 以 矣 在 中 而 中 一,故 載 誠 所 善 誠 誠 天 爲 愐 爲 之 之 之 凝 誠 是 存 乃 唯 平 平 誠 而 事 而 H 而

善之中 之誠, 其 則 夫 矣, 則 與 其於 生 感 德, 誠 當 爲誠身之本 者,於是 而 出 道 未 不 以 所 而 行 也 其 是謂 斯 之 見 守 得 思 相 事 知 無 始 必 人 之,不 不 非 者 爲 物 乎 mi 而 能 事 誠 資 道 ൬ 宜 迫,從容中道,斯 之理 外, 勉 慎 之 擇 全 則 者。 學 而 人 也 焉, 以 平 得 而 其 有 思 則 合 故 知 之 恰 中 執 所 至 别 而 知、 於 以 安 利 乎 無 渞 之, 性 其 焉 以 善 無 不善之中 與 求 天 不 而 行 以 之 誠 所 或 事 乃 之事 者 行之, 中 知 盡 擇 身 思 勇 誠 所 失 物 以 也, 也。 其 爲 而 性 圃 也 之 全乎 即 中 已 起 以 道 不 之 所 得 而 知 而 理 得 夫 焉 求 以 爲 之,乃 求 如 誠 無 勉 中 以 擇 而 是 合 天 不 而 聖德之成 是者 之不 行 其 不 相 於 謂 勉 以 乎 之 力 即 而 之實 所 至 中 者 以 誠 天 德 以 明 天 因 也 也 之 執 之 性 其 之 得 於 善 所 爲

後

吾

始,未 之所 思 行 焉 學. 者 意 不 ,慎之而 問 0 問問 可 口 剖 矣 後 焉 而 度 面 固 知 得, 謂 以 必 析 口 而 所 也 執 此 同 善其 辨 之 之 2 求 得、欲 執 行 者 君 謂 善 功 恐 而 之 精 焉 意 博 子作 知 擇 不 (終,未 其 勿 其 有 必 則 無 行 古 而 裁 以 善 疑 失 功 尚 其 其 致 人 者 者 或 也 攷 聖 III 於惡,惡 之疏 不 道 贵 言之者,有 未 乃 切 其 之 有 事 也 得 可 有 杰 易 精 而 功 其 於 審 理之詳 其 也 其 道 人之良 略 竟 也 己 盡 是 , 名 以 善 必 可 哉 而 不疑 乎 未 其 勿 也 求 必 也 則 至之力 師 及其 ? 人 知 也。 失之荒 角 折 必 其行之者 知 有 者 則 者 學 於 於 善 衷之定 0 行 致 其 至 必致 是 善 有 不 也 所學者 實 7,夫 之, 其 能 知 也 唐 面 口 事 問 辨 博 其 夫 以 夫 伙 而 善 口 可 亦 也 然 能 其 以 思 思 亦 學 擇 知 極 詢 己 m 與

中

明

而

實 其 之 物 也 致 甚 思 則 益 起 而 也 其 日 審 矣。 之心 則 學 能 人 爾, 人 深 欲 不 重 有 能 如 一之道 學 之 之 之 問 求 與 知 而 思之 慎、 其 弗 文义 問 弗 蔽 自 弗 之 悉 古 志 擇 乃 擇 辨 思 知 措 所 能 擇 得 弗 而 杰 也 則 將 有 執 未 爾 辨 未 執 而 也 明 措 冒 其 0 必 如之 使之 焉 則 之 精 之功 無 道 逮 道 辨 也 而 求 能 復 而 有有 功 m 疑 學 0 擇 之 得 如 何 然 篤 思之 未 故 所未 未 弗 9 猶 學 執 其 則 如 其 弗 哉 者 者 能 日 盡 明 未 問 交致 其 意之 學 悟 ? 必 弗 唯 固 及, 9 面 可 即 無 爾, 解 有 未 求 則 措 此 人 即 人之良 則 其 所 所 弗 未 有 啟 力 其 也 道 學 道 則 盡 氣 功 發 存 悉 弗 行 而 辨 林 之 將 爲 困 也 稟之拘 明 爾, 問 弗 而 端 之 不 則 勉 隱 能 則 能 如 能 弗 爾 弗 行 之 得 其 有 必 之 於 善 敏 存 知 殊 事 夫 其 藴 弗 間 期 在 政 平 故 則

131

明矣。 不足而 修能 明自 事 道 難 則 則 白 面 無 而 ൬ 前 矣。 而 道 能千之志氣 彊 能 方 勉 不 不 必 啟 也。 已,庶 其 古 之 固 蓋 敢易視之也,人一 行 之,己千其 成功之一 艱 專 利 雖 則 自 之 篤 有之材, H 苦之所 於 畵 乎 生 執持之已定,則 心 柔 雖 弗 實 幾乎 於 耳 其 進 πi 愚 措 而 事 況 難 可 不 面 取 也 9 誠 迹 得 功 而 若 且將與聖 乎學 據 足 哉 不 而 0 則 若 T 者 始 m 其 足 ? 與 不 易 其 勇 紛 如 足 勇 於 不 敢 間 能 與 弗 而 襍 丽 其 此 據 於 輟, 而 不 之益 憚 措 知 也 能之,己 惰 之 業 不 雖 人同 也 有 旨 敏 也 其 徒 念不生, 也 歸之氣不乘, 未 庶 木 而 爲 趣 者終 其 難 任 成 幾 必 則 知 IIII 特 之日 焉 Mi 見 也 其 而 乎 准 勉 必 果 患 於 百 於敏 氣 聞 弗 進 其 行 乎 能 乎 道 益 其 蓋 面 篤 清 彊 能 之 乎 此 力 無 而 者 功 易 亦 而

> 進 下、 智 此 乃 敏 有 用 誠 不 事 則 日 m 政,而 已矣。 其 以 也, 歸原於 於是以 甚 而 之爲體,藏乎上天未 根極 辭 顔 君子之道 達道之修,極 詳 隱, 此存 哉 所 爵 子之仁, 誠之之説。 謂 於不 誠之之學,固 隱 禄 誠 一, 而 統夫子告君之言思之, 治,此費之包乎小大者 一君 不 之之德, 蹈 費 見不 終 政 道 子 白 君 而 以 之大 隱 中 乎 子 刃 隱 聞之内, 此 丽 之 庸」者 詳 者 舉 則 有 在 勇, 密 與 至 所 其 唯 擇執 命之先,誠 亦 天 此 謂 費。 所 此 而 誠 在 則 道 而 天下 以 也。 之顯 乎自 費 而 聖 4 其 異 故 已 不 者能 相 理 九 於 終 或 矣 而 功。 也 盡 盡 爲 之 均 舜 道 經 費 家 其 之 功 天 之 故 心 爲 之 道 請 而 無 丽

右 文、武、 第二十 周公之緒, 章。 此 引 明 孔 其 子 所傳 之言 之 以 致 総 舉 丽

四書訓義卷二中終

## JU 書訓義卷二下 中庸 卷三

宋 朱 真 集註 明衡 陽 王 夫之 訓 義

自 誠 明, 謂之性。 自明 誠, 謂 之教。 誠 則 明

矣,明

則

誠

自,由 於誠矣。 也,人道 而 之德,所性 後能實其 也 也。 而 德 善者,賢 誠 有者 無 則 不 實 無 也,天道 人之學,由 而明 不 明 矣,明 無 也。 不 照者, 先明 則 教 可 而 乎 以 聖 善 至 者 人

道,則 訓義 是賢人與聖而 誠之者人之道 誠者天之道 亦 日 誠 者, 同 一 而 德 9 是 擇善 也。 面 聖 聖 人 固 故分之 與 執 不 天 則 思 則 誠 而 不 有 乎 通 勉 異名, 其 理 而 身, 也 中

所自

成

也。

五

常之實焉。

既

性之固 道之所 故得 也? 故謂 所自 則 健 自 故所 自 言 備乎天所命之德,智則 不 而 随順 此 誠 合之則爲一 昧 其 ൬ 者 辨 由 能 聖人所性 勇 五常之理 申 喻, 惟 [然者也] 焉。 擇者 而 以 以 明 人能 因 則 之。 知 體 明 是 與 此 夫 行 而 道 以 天 而 一天道 以 性 理 致,故曰 言 夫 者, ൬ 虚 有諸 雖 命 焉。 命之人,故人得有其 則 自 則 安焉 靈 亦 相 同 何 其 F 也。 不 有 因 己者,條 實有之而實知之, 如 明 所 其 者也。 誠智,仁則誠仁, 昧之 先 而 也? 執 昭 也。 而聖人之全體 後 亦 德之所以 者 明,純乎性 各有 之序 知 而 理秩 夫教 惟 請即夫子之 以 言 天實 詧乎 其實矣。 則 序皆 何以立 而 知 虚 有 性 理 行 其 勇 能 此 教 此 靈

以發之爲禮、樂、刑、政, 而賢人之修道,能 知之而後能 體之,此 而 擇乎善之 盡 夫 教之 健 順

之道 之道 之本 其 精 勉焉 也 事,即其著見之條理秩敘,入天下之至 乃 相 故 實 而 而 所當彊 盡 開 不 誠 其 及之理 謂 m 知智之所當知,知仁之所當 而 原 一學、問、思、辨以 賢 則 厭。 有之, 秉 人之所 而 乃 無 而 中 明知之,則 人 妄 因 人之道 聖人不絶賢 不離。 由此言之, 故聖人自盡 真 ,而天人異道、聖賢異功也哉? 由 就其 則 則 是 必 教 無妄以爲德 誠知之,凡分爲衆理,散爲萬 而 由 杰 而 乃 所 聖 審 故賢 人者也。 以 則 既 其 喻以 教 復 則 賢 實 、起功, 人以作聖之功 宜 啟 其性 人敦行其教,而 (有之, 者,存 天之道 乎天之道 其 人 存中 非 可 實, 雖 前 學聖人 而未嘗自謂 發 其思 有 然,又豈有不 修 中發外,皆真 教必 所 外 事 道 行,知勇之 以 於明 焉 在 生乎人 學者 於 通 自聖人 矣。 教矣。 而 天 性 至 也 得 誠 命 誠 當 繁 亦

> 也。 性教之盛德大業,以見天人之合焉 之,自誠明之道著 也 極乎 至於聖,則 日 「君子中 明 故 由 此 夫 則 觀 子 庸 誠 由 之,中 重 一,自 明合致,而 明 言 善 明 人道之敏,示 庸 矣。 而 誠之道著矣。 不 誠身,故 唯聖者能之,而 可 天人交盡 能 前 日 人 唯 豫 聖 以 故 則 也。 者 聖 請 日 能 學 詳 又 已

思之言,以反覆推明此章之意。道之意而立言也。自此以下十二章,皆子右第二十一章,子思承上章夫子天道、人

盡 唯天下至誠,爲能 盡物之性 人之性 則 能 口 盡 以贊天地之化 人之性 盡 其 性。 门則 能 能 育。 盡 盡 物之 其 可 性 以 性 則 贊 能 天 能

地之化育,則可以與天地參矣。

也。 天下 而 天 命之在我者察之由之,巨細 盡 至 其 誠 性 謂 者 聖 ,德無不實,故 人之德之實,天 無 人欲之私 下 精 莫 粗 能 無毫 加

髮之 加 跙 所 明 天 無 賦 者 地 不 形 不 之事 冬 明 氣 盡 不 丽 也 謂 也 同 處 龃 而 之 人 天 私 有 物 無 地 常作 異 之 不 並 耳 性 Ä, 當 立 也 爲 巨、當 亦 能 我 盡 贊, 也 作 之 之者 猶 性 此 助 調 自 但 也 誠 知 以

動 訓義 則 也 也 亦 無 誠 尚 君 者 五 良 微 者 焉 子 真 焉 面 難 固 無 之不詧也 已 也 其 至 mi 常 覩 則 矣。 矣 妄 誠 執 唯 極 天 請 者 不 之 之與天同 聖 一真 萬 聞之 而 下 即 就 理 mi 人 善 其 其 之 天 形形 之理 天下 平 以 際 之 所 功 至 地 爲 致 固 形 具 化 之 誠 其 至 以 性 色 之 有 而 静 用 也 (德者 誠 健 誠 色 則 言之。 至 0 也 焉 面 身 順 於性 之中 足 無 故 特 而 有有 者 斯 之 而 天 承 其 理 天 即 之所 規 夫 即 皆有自然之 猶 之不 命 無 不 下 ·天 未 人 功 之 盡 能 窮 之莫 地 存 能 物 化 性 備 之也 之 至 之 即 各 面 也 理 也 能 體 無 至 載 見

受, 資 物 形 唯 處 之 且 全,辨人之 補 導 能 愚 功 爲 不 而 之當 明 分,而 之性 器之 人之 其 物 其 賢 用 能 信 至 以 丽 者 亦 不 不 自 誠 不 豈 諸 杰 使各 前 及。 善。 矣 所 益 自 能 效 肖 有 其 己 其 而 以 矣 有 性 古 盡 窮 後 性之 至 而 致 至於 唯 也。 有 有 其 性 其 其 哉 不 因 後 偏, 其 處 至 知 氣 性 ? 性 體 昧 各 人 之 IIII 之當 杰 之 誠 質 夫 知 乃 矣, 於 用 使 以 以 圃 夫 所 物 明 能 能 而 能 以 所 不 靈 人 各 制 杰 其 發 > 者 者 殊 杰 盡 極 能 取 則 成 物 所 馫 亦 者 性 人 其 其 夫 而 面 ៣ 以 而 能 之 之 利 良 各 無 其 性 性 後 後 其 妄 加 效 盡 宜 楛 有 體 性 不 m 氣 於 至 則 口 不 性 而 於 人之性 其 用 違 充 乃 質 則 以 誠 所 以 裁 揜 之 吾 人 性 其 其 其 之所 擇 舍。 則 以 我 之 其 其 知 性 矣, 所 量 形 功 中之 能 物 有 之 過 善 能 極 矣 矣 有 知 用 盡 夫 以 可 m mi 不

道

極 (用,有: 哉 矣, 則 化之者矣,自 人物之 由 是 而 有 思之,其 性 無 自 而 稺 有 有 丽 功 保保 壯 於 天 合 變 以 易 地 者 就 以 其

已

之化 中。 其 地之 成 岢 材 其 小 所 育,不 有有 至 不 誠 育之者矣,則天 能 由 能 變易者 盡 施 性 之習 而 及乎人物之性矣, 至 氣 誠 相 地 爲 染 是 成 材 也 其 質 用。 相 而 天地 則 限 天 地 天 之

能

之所 地 以 成 不 能 化 育 保 合 之功,在 1者,至 誠 至 誠 爲 矣。 就 其 夫天 材。 地 是 之所 轉 天

無 其 行 成 之運 乎 地 德 業 其 有 用 地 以 化 司 m 大者,唯 育 人 不 乎 物 口 人 之生 無 物 天,有 也。 成 天 則 至 地 有 誠 而 天 面 不 圃 能 口 不 誊

助

以

爲

兩

其

以

二氣之闔

闢

Ŧī.

之功 乎 無 田 中 至 化 誠 m 即 與 功 企 天 相 地 下 冬 之 並 也 功 尊 化 矣。 則 位 故 觀 亦 日 於 相 此 冬 誠 也 者 則 天 至 成 之 誠 位

> 右 第二十二章,言天 道 也

明,明 化。 次 致 則 形,从乡从幵,象形。著,本借用箸字,今別 曲 動 曲 動 則 能 變, 有 誠 變 則 誠 化 則 形 唯 形 天 則 下 著 至 誠 著 爲 則

性之全 外。 亦 不 不 見之偏 性 越之盛 致 其 而 次, 能 致 變。 不 無 推 著,則 了,則 異 己。 不 致 通 於 體 同, 化 而 也。 德 也 大賢 聖 積 悉 而 無 則 又加 加 人 推 盡 動 圃 不實 有 曲 氣 以 矣。 之。 致之,以 者 至 不 則 題 下 於 知 矣。 輝 有 誠 凡 其次 而形、 偏 能 其 、俗文 異 能 誠 也 化 各 所 明, 動 有 故 著、 本 則 造 以 則 物 未 形 則 惟 然者。 作 必 其 其 動、 至 者 煇。 聖人 又 自 極 變者 至誠之妙 者 有 變之功 其 積 也 而 能 光 善 蓋 中 當作账 言 端 舉 輝 曲 人 物 而 也 自 其 > 無 發 發 發

氣,本作气。 端、當作 耑

義 自 明 誠 者, 賢 人 之事 IIII 與 聖 同

四 訓

爲之; 修 事 中, 其 不 則 此 功 蓋 立 知 不 有績之可 自 爲 物之 真 者 而 曲 能 明 化之所自 以 誠 而 而 用 知 之 曲之 曲 有 以 誠 誠 有 則 其 推 至 直 所 之 其 之之 誠 口 者 擇 其 誠 功 致之,使皆 紀, 以 能 致 誠 誠 誠 皆本吾 則 乎衆 功 化 有 即 行矣。 介,無 而 之全也。 功 而 成 不異於至誠之實也。 形」矣。 其 亦 其 形 則 誠 而言之。 功, 善 即 不 加 次 無 又誠 則 其 可 誠 之以 L 也。 著 善而 因 妄 而 身, 者 知 如 至足 既 有其 矣。 也 其即次於至 加 所 其 之功化。 也 己 其次 至於 誠之之功 皆 諸 實 夫至誠, 實 發 之 用, 事 誠 遂 無 能 既 於於 知 見 理 物 誠 有 有 不 者 而 E 實能 者 於 至 於己,則 誠 口 以 以 顯 施 則 則 「皆顯 外 其 矣 能 誠 誠 乃其 發 執 因 於 著 請 成 矣 者 至 者 者 也 天 見 則 其 所 爲 推 功 焉。 矣。 下 誠 於 無 實 有 功 伙 遇 體 大 以 其 者

必待督 者,蓋 者哉 哉? 矣。 性 者流 歆動 無 於化,而 則 III 善之必去也,「動 之,既已動矣,自勉於善之可 禮樂文章之大備矣。 至於著, 明 一、故在 名 化」矣。 忘 則 也 行 其 自有不容已者,耳目一 用已達,而 夫既 動」矣。 焕 故 於天壤 責 mj 己者不 唯天下至 且 平 態,善 乃 而 至 明 以 人官 有 致 後 於變,而 順人 而 美 矣。 夫志 曲 改,既 日 思 光 物 物 之 者, 則變」矣。 誠 以 煇 之 不 心 曲 必 乃 未 遷 以 功 勉 於 已變矣, 見 譍 之 昭 自 以 動 則 盡 丽 化之成 於 也 固 乎 咸 E 今思之,化 由 其 無 則 天 其 然 宜 著 人心於當然,至 體 加 性者 待 習 矣,則 新 下,則 習 誠 爲,自力於 則 不 達 於 勸 於 者, 而 亦 而 至 明 善日 物 用之德 杰 舊染 進 心 於 如 不 存 人 矣。 豈易 將 者 也 人 志警 ·變,則 明 是 心心之 物 諸 己 無 何 而 焉 遠 之 變 如 全 言 安 蓋 迹 中 而

---

外之功 天 則 之道」,而 下 不 之至 得 謂 化 誠 之 即 人 矣。 致 聖 道 曲 人之功 即 觀 也 於 天道之誠 不 此 得謂 化 則 明 之其 故 也 誠 日 者 次 由 誠之者 也 中 達

右第二十三章,言人道也。

故 禍 禍 或 至 也 至 家 福 誠之道,可以前 胡 果切、今讀去聲者譌 將 誠 將 壁 至 如 當作醬 一,必 神。 善,必 有 ,从虫,禽胃 前 妖 當作 孼。 先知之。 知 歬。 過量蝗 國家 見 妖 乎 之怪也 當作祥 將 蓍 不善,必 龜 興, , 孼从子, 庶子也 妖从女。女子巧 動 必 先 有 乎 知 禎 四 之。 祥 體

閒 以 焉 禎 私 之先 如如 祥者 僞 統 神 留 執 福福 見 龜 於 謂 玉 者 心 之兆。 所 高 鬼 也。 目 卑, 以 神 之閒 100 然 其 妖 妖 唯 容 壁, 雙者, 者, 四 誠 俯仰 詳 體 之 乃 Ę 至 禍 能 之類 謂 俯 極 之 有 動 萌。 本 以 作 而 作 凡 察 威 無 頫 或 此 其 儀 皆 所 幾 毫 之 作

者 矣。 昧, 之誠 訓義 俛,俯 於 衡 則 度之而 道 者 所 知 至 之權,故人不 自天命之, 以 亦 又 可 誠 而 贵 爲得 至誠蓋 真 之知 乃俗 興之者, 有 以 見 有 唯 也 至 有 其 之。 前 誠 其 至 不 無 實 文。 爽乎? 爲 ·可,以 之, 與 變矣,以 知 妄 誠 也。 失、 丽 明 前 然、當作账。 夫 天 也 中 之道 及 其 而 則 即 知 可挽回不可 至 通 有 爲 知,而 司 理決之,而 矣。 神之不 天之明 今夫 故 誠 理 自 善 化者爲 曜 其 理 以 然之天 爲 自 又 所以 爲  $\overline{\mathbf{H}}$ 私、當 數 神 國家之將 悪、大 誠 可 爽者, 定 至 也 緯 測 有 神。 明 即 必 變, 然者, 0 作人。 者 挽回 之 其 以 則。 其 者 示 人事之吉 有 理 面 小 則 即 唯 合德 也 其 實 定之理 之機 察、當作 興 爲 不 輕 蓋 則 又 神 至誠之 禎 也 有 可 有 重 古 至 司吉 其 口 於 括 其常 之 其 Ш 以 萬 以 誠 誠 神 X 常常 之 有 前 權 變 乃 X 天 Ш 明

如

神

理,唯 之明 其 之利 必成 留 如 蓋 禍 乃 所 而 以 亡之者,而 可 動 於 相 是 以 如 福 至 能 統 植 静躁衰王動乎四 耳 也 違 得 是 害 之將至,大 誠 乎 而 爲 必 至誠實體之而 而吉 觀 一於其 孽。 既 一發其 禍 目 而 遇 面 也 言 唯 善 有 悉辨其 禍 也 皆天 凶悔吝見乎蓍龜矣,爲言爲動 艸木之反必成乎妖, 動 則 祥。 至 其 ,必先知之,蓋 其 至於夫人所 善 則 萬 而 司 誠 而 而 必 如 有 自 以 象 之誠 國家之將 不逭,固 可 至之情 是 其 國家之安危,小而一身 1體矣。 知 自 前 悉見之。 以 者。 而 實 知 著其 ,天之誠 得福 獲 理 之道 爲之休 形,唯 凡此者,非人之 福 故 不待見 如 而 一,固 (隱微。 也,必先知之, 至 著 是 矣 於其 其 也。 誠 其象者也。 而 咎 至 相 禽 則於夫人 人 妖 之 不善 符之條 天 誠 蟲 有 則 不 祥、 明 無 實 善善 之 私 以 所 天 間 産 私 不 覺 則 面 1 以 爲貴

誠 誠者自成也,而道自道也。 其體如 者 行 言 道 照, 右第二十四章, 言天道也 也。 誠 也 物 神 者 之終始,不 無 誠 物之所 則 私 以 佑、至 其 心 用 以 言,本也。 亦 一誠 誠 自成,而 如矣。 亦 無物, 無 是 「道也」之「道」,音 道以 道 故 是故 非 者 E 理 人之所 君 言,用 至 誠 誠 子誠之 者天之

當自

也

仁也。 誠 者 者 心能 亦如 無有 天下 後有是物。 非 亦 無 矣。 之物,皆實理之所爲, 無 成 無 自 物,知 不 有 不 成 行矣。 實,乃 ,而君子必以誠爲と 故人之心一有不 己 所得之理 面 也。 己 爲 然、當作嘫。 也,所以 性 有 之德 以 既 自 盡 成, 也,合外 則 故必 成 實, 物 是物 而 則 也 得 也 者 道 雖 是 俗誤 之在 内之道 蓋 有 亦 理, 成 人 所 盡 己, 我 之 爲 而 然

也,故時措之宜也。知,當作智。

物, 既 誠 用 之發, 得於己, 雖 而 所 道 以 是 亦 成 皆 則 行 己, 吾性 見 於 於 彼 然 之固 事 矣。 既 者 有 有 仁 以 以 者 自 而 時 體 成 無 措 之 内 之而 則 存 自 之殊。 皆 知 然 得得 者 及

其

官

也

然,當作嘫。

知

當

作智

之所 誠 萬 吾 心 先 訓義 以 mi 體 身之 事 則 明 則 誠 故 因 之原 平 用 能 有 由 以 自 則 自 形 是 亦 明 成 致 誠 IIII 有 極 實 無 原 誠 形 其 之 及其 後 道 乎 (理,有 本 色色, 不合焉。 者 所 擇 其 焉 誠 本, 以 執 成 大 之用 與 之功。 然, 皆 是 用 而 遠 誠 至 誠 理 無 口 有 而 與 誠 也 所 以 則 顯 不 此 合其 萬 誠 以 則 矣。 誠 成 有 之之 理 物 夫 然 請 之者 也 是 自 之生生化 德 者 言 則 物 誠 道 明 有 君 者 則 乃 也 盡 所 誠 子 所 人 有 乎 其 故 者 當 以 誠 所 唯 是 誠 成 近 一,必 化、 人 實 之 之 由 其 丽 德

焉。 至,其 則 者 物 誠 體 是 不 由 此 具 古 有 在 盡 而 終,而 者,道 之,則 之因 於君子之心 T 乎 非 物之固 有 自 者 誠 理 以實 道之而 者, ? 夫然, 始, 不 誠之之人道, 我之能 以 知之當 誠 也,道 夫 體 萬 理 践 由 則 圃 然, 而 象 止 能 則 此 必 形 有 丽 른 爲 <u>寸</u> 皆 明 於 色, 行 率 君 道 在 得 所 丽 則 無 因 此 之 子 而 以 由 面 是 誠 爲 處 而 以 在 則 物 誠 則 澊 其 誠 善 必 非 之宜 理 爲 誠者矣, 復其 乎 處 矣。 而 不 之之大用 必 我 此 道 由 形器 物之所 乃 自 萬 V 誠 之可 擇 理 吾 而 當 萬 物 道 有 乃 之精 者 自 之用 盡 者 物 矣。 其所 是 與至誠 但人於 是 用 道 平 以 自 皆 形。 由 人 豈 譍 誠 以誠 成 亦 執 是 備 故 萬 不 之 以 矣, 萬 止 之德 有 之 必守、 君 能 變 以 事 物 故 所 而 之, 一於此 事 物之 則 不 誠 子 盡 不 實 物 行 之 莫 合 體 故 知 其 1 率 之 誠 盡 恒

仁也。 乃純 得,而 矣, 以治萬物,莫不以一真無 誠 而 蓋 全天 形 成物之理 非 其能 形色色之大用已踐,則 自 理於一心, 成 成 己 物者, 在是矣。 而 已 乃周 而 也。 私 妄之理與之以各 知 蔽 夫 在 其 天 不 我 足 能 理之咸 以 者 以 磨萬 成己者, 既 閒 無 之, 備 事 不

而 變化 知 在己,此其 有 以 宜 之, 爲 德 知 何何 也 德 夫 也 物 ? 我 吾性 交成 中 固 而

之道 其行 馬 而 而 能 爲道 盡 其 一,何 道 道 則内 也? 外合一 物 我 圃 、譍事。 無 交致 不 同 也 原 有此仁知之德,而能全乎性,則全乎德也

夫德爲性之德,則

本

自然之理

以

道

汎磨而 變 爲合外内之道 而 m 行 盡 ,時所當 不窮。 乎 其 變, 止 一,則 由 而 己之所 是 止,時常 通 而 萬 措 事 爲 諸 於身 即 施 而 協 貞 行 心之固 之以 乎 時 物 所 之 常 當 然 理, 時 以 行

譍之於物皆順乎己之心,

丽

無

不宜矣。

至

如是 於時 而 措 已矣。 皆 宜 則 故 誠 日 者 誠 之從 之者人之道 容 中 道, \_, 而 亦 不 明 過

右 第二十五 章 - ? 言 人道 也

則誠

也

故 至 誠 無 息

既 無虚 假

自

無

閒

斷

不息則 久,久 則

久,常於中 也。 徴 驗 於外 也

者,俗譌,下同

徵則悠遠,悠遠

則

博

原,

博

|原則

高

明。

厚作

厚

之德著 積 則 此皆以 也 驗於外 廣 於四 博 其 者 而 驗於外者言之, **淡厚。** [方]者 益 悠 遠 是也。 博 而 厚、故 無 窮 鄭氏 存 矣。 其 諸 發 中 所 悠遠 也 者 謂 高 ,故其 既久 大 至 而 誠

久, 所 博 厚, 以 所 成 以 物 載 也 物 也。 高 明, 所 以 覆 物 也

悠

悠久,即悠遠,兼内外而言之也。本以悠

遠致高厚,而高厚又悠久也。此言聖人與

天地同用。

博厚配地,高明配天,悠久無疆。明,本从四得聲

今用古文,从日。

此言聖人與天地同體。

如此者,不見而章,不動而變,無爲而成。

不動 見,猶示 而 變,以 也。 配 不 天 見 而 而 言 章, 也 以 配 無 爲 地 而 而 成,以 言 也。

無疆而言也。

生物不測。天地之道,可一言而盡也,其爲物不貳,則其

貳,所 地之道,可一 此 以 下復 以 誠 以 也 天地 言 誠 而 明至 故 盡 不 不 誠 息 過 無息之功 而 日 生 誠 物之多 而 己。 用。 イ,有 不 天

莫知其所以然者。然,當作嘫。

天地之道:博也,厚也,高也,明也,悠也

久也。

有下文生物之功。 言天地之道誠一不貳,故能各極其盛,

而

市若切。 切。 焉。 焉。 繋焉 多,及其不 之,禽獸居之,寶藏 廣 今夫天,斯 厚,載華 草、當作艸、草與阜同。 夫,音扶。 今夫山,一卷石之多,及其 萬物覆 嶽 昭昭之多,及其 測, 華,本作 焉。今夫地,一撮 而 黿 不重 鼉 粤 王,振河 蛟 興 獸、當作嘼。 从山 焉。 龍 魚 从 無 海 等 鼈 今夫水,一勺之 窮 而 胡化 生 廣 土之多,及其 不 也,日月 居, 焉, 大,草 洩 切。 當作尻。 萬 貨 卷,巨 財 木 物 星 勺, 殖 生 辰 員

盛大而 也。 意, 之。 昭昭 蓋 猶耿 此 及其 舉 能 四 全 生物 條 無 耿,小明 體 皆 窮, 之意 而 以 猶 言 發明 + 也 也。 然 由 章「及其 天 振, 此 其 地 指 不 收 其一 貮 山 也 11 不 至 處而 實 息 也」之 卷, 非 以 言 由 致 品

積 俗 余 m 後 大 讀 者不 以 辭 害 意 口 也 作 累

所以 蓋 詩》云:「維 文 爲 E 天 一之所以 也。 天之命,於穆不已。」蓋 「於乎不顯 爲 文也,純 ,文王之德之 亦不 已。 於、音鳥、 日 天之 純。

子 詩》,《周 不雜 了深遠 則 Ė :「天道不 無 也。 也 無雜,不 頌 引 不 此 已,文王純 顯 維 以明 ·已則 天之命》篇。 猶言豈 至 無閒 誠 於天道亦不 不 斷 無息之意。 顯 先 也 後。」 於, 純 歎 已。 解。 純

成 終,物之已 之,夫人居之於 亦 始 同 理見端,物 也。 至誠 成 終, 之德,與天通 而 隱 無 體用之所以 至 乎 則 心 丽 不 實 以 實 理 至 爲 理 不 者 理 功 有 著 同 也 ,其 象, 用之本, 者, 前 體同 請 及夫念之已 則 心之所存 得 誠 也,其 念 而 之 起 極 至 亦 丽 言 而 用

愈篤

也

不

息

則

久矣。

至於久,

則

純

乎

具

已

成

前

其

心

不

異

乎

立

誠

之始,

蓋

愈

而

理,萬 息矣。 所 即 不 夫 斷 息不息, 不 則始之以閒 加 面 念 通 實理 所 以 窮 息 實 不 於 起 致之理不極其量 是 息 皆 則 理 息之所成 兩 而 丽 念而 性皆 者 實 者 閒 不昧於心,非如 吾 咋 此 以 一因乎誠之至不 即即 理 理 形吾色,天 始 有萬念之實 萬 在 斷 既 一用 如 不 理 非 物皆備之真 焉。 是者 者,終且至於倦忘。 者可思矣。 現, 閒 不 丽 其素,非 斷 通之, 又 决 則一念而 ,誠未至也。 於至 其 有 於 命皆凝 理,以 念 心 必 彼 則有 誠 隨 丽 常 至, 不 理 成 夫其 之心 此。 念 有 足 以 而 相 徹 有 焉 故 而 所 於 繼 終 有 續 然則 乎 實理 至 矣。 起。 息 之,萬 中 遂 閒 而 念之實 聖 故 爲 誠 也 衰 合一 斷 寂 心之 德 其 不 念 則 動 由 也 也 之 是 閒 止 爲 無 静 其 理

144

高

世

也

Im

爲

其

道

其

窮

理

行故 ~,故 悠然 黴 明 之所 之誠 言 不 悠 有 而 爲 之 裕 理 矣。 萬 萬 爲 德 口 含 遠 於 不 也 以 忽 動 幾 善 而 超 也 不 以 蓄 矣 備 發 1 行 動 盛 無 不 無 無 越 可 之美 以 爲 深 乎 者 哉 徴 不 不 迫 不 萬變咸 奮 以 端 卑 成 動 至 情 勝 矣。 具 而 미 此 近 然 平 哉? 者 盡 也 情 也 悠 徵 實 情 端 量 不 而 可 遠 以 故 非 理 其 自 息 通,遠 執 昭 厚 往 博 思 量 此 巍 決 之 不 誠 矣。 足 而 之 示 矣。 則 也 故 自 然 息 所 不 意 矣。 幽 也 久 誠 其 而 曉 充 責 於 而 自 之徵 獨 0 隱 徵 徵 歷 合 也 然 不 也 一,才 爲 久 者 夫 以 生 Imi 常 之 初 見 竭 端, 之徵 首 其 見 博 可 以 條 以 變 終 所 矣。 自 其 而 一微 出 乎 思 厚 此 之 該 力 理 無 爲 而 而 有 非 才 也 也 也 發 不 蔽 則 括 其 盡 有 不 不 其 使之安 以 悠 之者 徵 之成 所 誠 莫 物 實 日 大 而 謂 而 測 矣。 其 用 成 久 物 之 不 者 量 以 誠 出 則 用

徵

則

序

面

止

天

機

而

贵

爲

行

才

自

成

能

此

實

高 物 德 成 覆 博 何 者 能 杰 覆 焉 以 其 天之道 者 T. 此 教 物 明 於 處 厚 如 夫至誠之博 及 施 此 而 ∭ 矣。 遠 含 天 1 涵 者 也 哉 而 所 行 至 無 贵 矣。 大矣。 容 自 ? 濡 之大 乃 以 天 誠 涯 而 有 遂 也 而 萬 其 皆 成 所 至 物 以 載 至 類,使之昭 蓋 之者 則 使 以 誠 莫 用 而 用 其 德 厚、 誠 也 實 天 所 可 之 之 覆 之 不 必 之 無 備 地 理 覆 高 思 悠 以 漸 之 博 載 所 及 不 息 其 之覆 之中 明、 也 載 其 者 於 以 摩 久 厚 於 者 備 功 與天地 物 覺 悠久, 高 徧 司 也 地 物 而 該 焉 成 者 載 自 者 矣, 者 明 濟 永 mi 平 而 也 化 宏矣。 地 具 丽 羣 ? Œ 不 也 存 則 天 至 行 既 合 與 所 加 此 迷, 生 焉 天 地 則 誠 其 而 以 其 有 德 是 畢 之 之 皆 之 其 地 所 中 則 至 物 載 及 其 所 時 至

之 無 極 自 其 加 默 鼓 民 受 舞 物 其 胥 而 裁 惟 格 成 新 也 也 亦 非 天 以 至 之元 其 誠 善 自 感 氣 微 推 其 人 迻 高 而 使 圃 非 人 而 與 物 因

終, 也 惟 也 也 亦 非 觀 天 有 於此, 至誠 地 所以 之 自 緜 規 而 微 至 畵 百 其 誠 無 悠 m 之配 極 久, 爲 物 而 而 天 非 計 物 地 其 爲 自 者 物 深 各 果 以 遠 īF 其 勤 其 以 與 绺 始 圖

唯 所 其 以 至 能 誠 與 之 天 無 地 息 合 也 ·德者 丽 則 就 唯 天 其 地 思之, 誠 之至 又 也

也

而

至

誠

之

如

此

其

博

厚

如

此

其

高

明

也

無

思

也,

無

爲

世

自

成

其

體

而

用

自

行

如

此

其

悠

久,

與

天

地

無

殊

者

岢

待

積

之

盛

其

而

後

博

厚

擴

之

弘

m

後

高

明

持

之

固

而

後

誠

疆

矣。

然則

其

用之與

天

地

同

者,

唯

與

天

地

之

體

同

也

乃

天

地

之

博

厚

高

明、

悠

久

天

地

自

然

之

體

用

合

面

無

閒

矣。

乃

要

其

功

用

以

久

道

盡

化

成

之

美

則

與

天

地

之

無

運

行

而

不

倦

故

悠

久

極

焉。

而

至

誠

不

倦

之

明

開

知

覺之先,

則

配

乎天之高

明矣。

天

地

欲

故故

高

明

極

焉。

至

誠

無

欲

之功

用

以

大

物

以

相

歆

動

也

其

德

教

永

久

而

大

化

以

定

施

則

配

平

地

之博

厚

矣。

天昭

宣

大

化

m

焉

至

誠

無

私

之

功

用

以

大

公

爲

溥

徧

體

之

同

也

地

長

育

萬

類

而

無

私

故

博

厚

所 無 以 息 覆 而 載 有 成 自 物 然之徵,觀 者 有 異 理 哉 之 天 地 則 欲 面 信 可 見 至

焉, 之道 觀 面 其 體 已 其 之所 然之 爲 道 以 迹 也 立 實 固 用 求 不 之 其 可 所 合 以 以 名 一之 行 言 則 原 概 有 則 天 面 地 口

徵

其

博

厚

而

物

Á

著

其

밆

節

亦

地

之

쵘

實

示

人

面

使

人

知

其

情

深

而

文

明

也

至

誠

白

久

哉

其

德

普

而

天

下

共

見也

非

以

善

矣。

天

地

有天

地之體

焉

天

地

有

天

地

之

用

廣

敷

而

非

以

炫

人

之觀

覽

也

其

不

冒

羣

倫

審

運

不

也。 哉? 乎? 地之徵焉者乎 用 運運 極 其 行 所 知 則 夫 天 者 也 無 其 言 生 亦可 唯 有 不 人 地 統 行 乎 在 所 則 序 物也 其 冒 盡 涯 之 意 夫 乎 以 彼 其 神 不 然, 知矣。 m 也 主 也 也 其 量 體 明 不 竭 在 化 宰, 爲 道 測 萬 故 可 變 貮 此 而 體 成 明 厚 象 用 之 發 知 之殊 化 者 終始 不 則 者 而 忧 此 故 也 畢 者 矣 也 而 而 測 自 實 所 一,不 無 口 由是 具, 爲 也 常然,豈 無 無 也 彻 備 孰 以 有 而 非 以 大 所 測 不 平 所 用 加 非 無 其 此 一言 而想其見 用 則 盡 不 其 神 久 道之全。 以 也 直 前 物 甚 矣! 也 昭 藏 明 立其 則 言 有 古 矣。 而 則 哉 一,氣 妙 也 也 著 後 mi 開二之者 盡 而 用 合, 於生 、體、行 不 於體 其 是 盡 今之異 之。 無 不 者 悠 博 高 亦 貮 爲 責 非 之 妄 即 物。 也 也 也 7 撰 之 理 天 物 理 者 其 口 其

以

故

爲

也

也

以

體

中之廣 者哉? 想其 已 矣。 洩 峙 此 博 萬 日 體 此 則 多 面 耳。 物 月 功 理 厚 高 己 所 立,載之 也 形 萬物之繁生,載之而 演 一, 皆 耳 之著爲 今夫 在 星 明 生 視 用 不 下,而 厚,更有意外之 及 辰 無 物 毁 厚 此 今夫天,從一 而 無 其 及其 壞 地 窮 不測之大用,又豈 在 者 窮 理之著爲 m 博 泛覽之,而 也 上,而 真 亦 成 者 而 指 不重,海 擴 厚 此 形 亦與之爲 無妄之成 亦 博厚、 者 加 博 者 此 處 成 觀 無 厚 皆 高 象 高 而 隙 之, 之洪 閒 非 廣 明 高 覆 者 明 見 言 而 各安,不 者 厚 者 明 非 無 能 之 於 皆 其 加 視之, 積 也 矣。 窮矣。 非 流 無 也 其 廣 繫 見 而 悠 斯 有 閒 其 下 於 厚 其 久, 推 撮土 振 分 故 撮 測 者 斯 不 則 ·焉,不 其 也 致 無 之而 華 疆 矣。 土 貮 皆 也 昭 昭 因 閒 也 窮 嶽 者 則 之 而 昭 昭 之 是 無 也 多 測 之 不 之 此 意 故 殊 者 生 息 以

貢 [頂 鼈生 之體 之體 廣 而 測 流 也,乃至於不測,而 亦莫非水之體也。 矣。今夫水,天 地之 之多,亦水之體 藏之卝質皆已出 廣大,而艸木生其 天地之氣 其 大 己 者 通 丽 贵 也。 生 不 乎其中矣,貨泉財帛 生 自 矣,則生物 也,及其盡 撮 測 物 成 物 土 有 天地之結 所 其 不 不 與 他 則 結 貢 不 測 廣 哉 於 而 測, 圃 不 地 也,及其 也 厚 ? 乎一山之廣大,亦莫非 山 成 已矣, 測矣。 之氣 上矣,禽嘼居其 而 不貳 而 天 於 大而 爲 也 昭 利 然 所 水 山 昭 地 所 用矣,則 則 故 以 而 者 盡 盡乎淵流之不 黿 之融 者 夫其 之轉 融 已,卷 天 不 日 之矣。 鼉 不 卷石之多 與 而 其 貳者,唯 地之道,以 貮 蛟 無 爲 所 輸 成 龍、 也,及至 爲 水者不貳 生物不 石 窮 以 皆 也 今 中矣,寶 物 者 勺 Ē 小 生 一,亦 夫 一勺 此 水 不 物 聚 不 而 測 Ш 貢 漬 不 與 不 魚 測 於 111 m Ш

言 乎,豈 心 焉! 自 所 焉 所言 遠 生焉,故終 者,惟此 至誠 之實心,可以 言 天之有命 有 爾,言不已者 成 以 ,而《詩》所言 於善焉。 圃 乎,而無微 其 而 焉,故始 爲文者,唯 制 與 徵 者獨偁其不已焉,蓋 盡 不 夫天之爲 之真 行也,爲 天地合一之原矣。《詩》不云乎, 顯 無 加 以運 古 閒 所以 然 理。 夫文王之深仁大業, 知 終 斷,無 無 其 而 行 體 顯 此 動爲静,爲成己爲成物,純 天地,可以 而 以 者 共 不息者, 如 則 而 無 爲 ,無昔無今,有續而 化 獨 著 斯 先後 至 啟 致 用,物皆仰焉,而《詩 言 哉 偁 也。 誠 化也,於穆哉,其 也。 無襍,道 其 爾。 之德 (,時月 乃此 日 《詩》抑有云, 純 知至誠 文王之德以 天之所以 夫言純 心以 蓋 至 以 自 行馬,物 誠 不 運 可 行 物皆 者以 文 無 息 化 Ŧ 以 不 不 而 之 被 宅 於 白 天 己 深 心 知 至 自 而

實 有? 斷 化 者 心 即 恒存, 其 天之不貳,即文王之不息。 (心,其 以 真 丽 理貫之,真 何 無二無襍者,一以 息之有? (理不 其 殊 無 先 實 而 後 心體之, 然天 何 貮 無 唯 閒 之

以 此 一言可盡之道,故不貳 而 成 不測 之

化。 配天之業。 至誠 唯 天與 此 誠 至 誠 無 皆於無 妄之德,故不 息而 合德,故 息 加 成

「誠者天之道」也

右 第二十六章,言天道 也。

大哉聖人之道!

包下文兩節而 言。 兩當作网。

洋洋乎發育萬物,峻 極 于天。

峻, 高 大 也 0 此言 道之極 於 至 大 前 無

外也

淆譌,亦已久也 優 優優大哉 本倡優字、今寫憂爲憂戚之憂,遂寫憂游、憂裕作 1 禮 儀三百,威儀三千。 慢, 本 優 作 相沿

> 儀 優 優,充足有餘之意。 曲 禮 也 此言道之人於至 禮 儀 經經 禮 小 也 而

無

威

閒 也

待其 人 而 後行。

總結 F 兩節 兩 當作 羽

故 É : 苟不至 德,至道 不 凝 焉。 凝, 本 作冰, 今以

冰爲久凍字,因别冰作凝

至 德 謂 其人。 至道,指上

兩

節

圃

言

也

凝

也,成

也

故 君子尊德 性 丽 道 問學,致 廣 大 而 厚以崇禮 盡 精 微

微 當作散 温 當作品 敦、當作 悼

極

高

明

m

道

中庸,

温

故

而

知

新

敦

故學之矣,復時 天之正 尊者,恭敬奉持之意。 理。 道, 由 習 也。 之 也 德性者,吾所受於 温 猶 敦 燖 加 温之 厚 也。 温 謂 尊

學 德 ,所以致知 性 所 以 存 而 心 盡 而 乎道 極 乎道 體 之細 體之大也。 也 一者修 道 問

句 致 所 福 方 使 乎 以 德 也 7,莫詳 理 ,當作厶。 未謹 其 與 知 凝 有 大 音同義 (篤行之篤別 所 毫 道 毫 小 義 而 之大 已 私 釐 於此 相 存 此 則 **纍作累者**,俗誤。 别。 能,此皆存心之屬 之差, 欲 資 心 皆 H 端 自 ,首尾 者又不可以 致 , 篙, 厚 差,本作學,从垂从左。 知 也。 . 纍, 學 知 其 處 之屬 者 也。 所 涵 相 事 不 宜 未 泳 應 以 則 釐,當作氂,十氂爲分, 涵作涵者, 也 盡 知 乎 不 聖 不 其 心 毫 使 節 蓋 賢 也 致 焉。 所 私 有 知 非 文 俗謬。 所 應,當作 已 意 過 則 析 存 燖 示 知 自 日 不 理 人 故 心 篤,宜 徐 蔽 德 此 謹 及 則 敦 無 心 切 > 之 不 五 以 其 不 篤 作

明 以 是 倍 ,與背同 興。 日 故 哲 居 或 Ŀ 以 補 不 無 妹切 保 道 驕 其 、身。」其 爲 其 與 平聲 默 下 不 足 、此之謂 倍。 以 容。 或 與 有 詩 道 **>** 居 日 其 當作 言 凥 既 足

興,謂興起在位也。《詩》,《大雅·烝民》

者

與

聖

人

合德

則

所

體

者

皆

聖

人

之

道

之功 者 德言 德矣。 此 道。 道。 致 擇 爲 訓義 之篇 存 在 焉,以 聖,在 焉,以 以 可 善 道 天 合 之,而 以 者有所 乃道 人能 也 知 而 天 0 在天 致 烝,當作 己。 天者 以 得之於心者,非 爲衆 爲 誠之之君子 而 者 知, 誠 其 其體 天 誠 地 以 1, 天所 身以合乎天,故誠之者爲 夫 則 誠 蒸 善之主 理 固 也 爲天 自 與聖人, 同 而 夫聖人 ,衆也,烝火气上行也 之藏 執 則 明 也。 固然,而 命 以 聖 而 在 乎 有 存 則 請 誠 之天 則 人 人, 至 徒 所 心 無  $\Box$ 之道 就 誠 H 其 思 恃 以 大 人所當然者 故 道 自 而 至 之聖人有 明 道 爲 無 德 誠 明 德。 德 也 與 也 爲 君 也 音 之至 者 天 誠 子, 同 在 自 則 者 要 丽 蓋 爲 地 義 君 人之 天之 明 君 同 之 其 者 德 存 則 所 别 子 也 德 皆 自 平 體 以 誠 子 至 杰

有

而

行

乃

口

以

順

物

理

而

當

天

心

Iffi

爲

mi

有

之生

外

流

動

運

行

體

而

因

理

氣

mi

其

極。

登、降、 容之 德於天 纖之 其大者 遂 者 惟 人 人 備 必 用 何 而 誠 )精意, 不能 矣。 也 行 以 進 誠 咸 而 豊 其 미 之道 地 ? 生 反 明 聖人躬 備 僅 則 德 加 以以 盡 人有人之道 矣。 酬 則 唯 後 以 日 其 而 之 加 人之道 其德 唯 能 其 酢 心 侕 審 見 推 能 道 體 以 其 效 小 之文,則有三千焉,常 夫 之 量 行 凝 以 道 此 其 之至 德 法 面 之 大 昭 有 天 敷 也 ,則必待 道 大 於 也 無 所 經 垂 時 一皆可 行 施 、聖人。 而 閒 也 而 能 大 一於萬 人 夫 不 平 聖道 無 即 者 事 及 爲 行 法 外 其 建之爲 全 德 行 之攸 之異 功 世 以 學 必 其 人馬 道 者 己 大 者 於 術 有 治 至 ൬ 人 必 之 V. 也 宜 萬 之所 之 能 其 慎 天 則 道 而 能 天 用 物 重 下 道 畢 聖 存 下 之 M 而

四

於心 制 尊莫 天,而 其 致 道 之命,受萬物之全。 此 道之所 平 以 能 而 天 謂 其 體 不 德 審 德 時 凝 酌 尚 也 於 知 遺 性 措以 之 也 今之所 爲 未 矣。 至, 心 乎 必 者 於 欲 子 萬 如 有 事 也 通 心 咸 至 無 故 不 以 其 德 物 以 能 不 其 理之微者 者 宜 日 宜 得 必 至 資 道 則 變, 統 凝 道 與 不 道 任 之 至 苟 始 則 雖 間 平 焉 聖人 則 尊 之必待 意 敢 之 量。 焉, 量 其 與 學 物 者 吾之有學,以 必 德性 誉 自 理 不 聞 心 也。 焉 之 也 而修 尊莫 道 安近 爲 者 足 吾之有 乎 得 0 道 焉 而 欲循 焉 至德 以 聖 之 也 其 然 mi 面 尚 優 小, 持 人 未 德 則 必 相 而 故 矣。 優 之道 以 性 以 純 其 洋 以 其 遵 而 其 符 者 而 常常 承 ,受之於 凝 審 故其 洋 古 以 極 必 幾 得 以 以 也 夫天 大經 也 者 君 其 之 學 則 盡 其 不 m 盡 必 所 存 其 用 得 間 天 至 故 子 足 夫 不

新 必 知 庸 以 志, 隆 也。 以 尊 力 也 泳 處 析 丽 而 之也 禮儀 焉 之也 日 其 德 也 也 盡 私 故 M 加 知 T 去 其尊德性 已 意 性 三千、 發育 故 盡 私 其 其 其尊 其 三百 蔽 也 知 不 萬 不 威儀之準 去 欲 尊 所 私, 之, 者 其 之事 미 山 物之理 則 纍之,則 德性 德 Ξ 未 而 欲, 之繁,皆 使有 使 致 則 以 也 性 百 知 不 有 口 廣 限 吾 也 也 之委 極 則 昧 可 疑 積 大 大 性 面 於 皆 高 人 以 天 天之所 後 過 歷 纍 似 本 洽 也 近 曲 明 温 於 曲 之 吾 義 不及 合離 焉 īfii 小 并 合乎 盡 也 故 卑 性 所 有 杰 其 因 包 血 平 也 暗 本 以 以 之 之紊 功 得 時 即 道 擴 天 物 平 其 純乎 與 與 或 其 覺 間 則 萬 道 官 同 m 其 達 則 我 我 差 學 善 無 有 間 物 道 者 允 盡 H 者 則 前 天 面 之 也 之 窮 棋 理 間 道 吾之 敦 昭 精 有 日 有 吾 也 理 酌 之 之 學 篤 厚 涌 良 中 則 知

任

則

心

非

德性 妙 流 見 平 學 吾 可 峻 能 禮 日 禮 已 之 問問 前 以 ? 心 極 謹 聰 本 行 ,存吾心 儀 能 也 吾進 而 之道 聖 吾 學 矣。 與 無 道 其 者 明 其 非 威 之典 間 問 萬 私 而 所 之 夫 而 德修 口 至 儀 之 一、悉 君子 學 物 聖 以 未 之全 弗 用。 之品 以 德 而 章 所 之消 之 人三千、三百之道 去 謹 替 業 體 才 德 也 與 得 如 E 前 私 是 之全 體 智 而 節 性 爵 後 是 長,皆 審 而 去 故 任 得 , 則 之 有 後 厚 王之 以修之, 愈 欲 道 功,致 之矣。 見 其 能 節 而 所 德 也 進 乃 眷 聞 居 有 功 不 文 通 損 性 而 吾 以 而 上 古 動 名 咸 其 吾知 尊, 益 益 略 以 聰 凝 而 迫 也 然 有 備 道 皆 見 機 生利見之 則 矣。 其 明 德 IIII 7、又悉 之候 之大 所 其 間 其 미 見 聖人 官 有 有 明 彊 不 天 尊 學 以 天 本 理 推 固 而 不 居 用 則 嚴 也 德 吾 發 之 行 行 至 喻 制 旧 而 身,其 身者 之制 大業 因 哲 情 無 E 而 不 미 命 不 審 也 而 其 下 後 即 於 之 爲 口 敢 勢

則

事

育

知

者

必

其

以

妄之 不 而 身 白謂 不不 者 道 事 疑 以 時 物 行 作 行 此 倍 猶 理 興, 位 乃 所 忌 也 聖人 以 出 則 驕 面 也 而 不 流 容, 能 也 可 也。 進 抑 言 載 世 敢 蓋 處 行 有有 國 行, 之時 行 道 不 蓋 未 其 可 或 邨 治 ^ 不 也,因 無 違 道 效 미 有 其 詩 其 棋 行 道 故 亂 爽者 道 中 時 言 也 V 道 爲 君 涵 酌 也 無 皆 重 有之矣 也 也 矣 下 素 子 宜 養 夫 道 天 退 而 則 以 也 之静 者 甚 之 惟 經 位 道 不 則 陳 雖 君 身 深 常 之 時 重 謂 修 子 之 招 藏 不 其 未 無 謹 修 既 深, 學,樂天 時 乎 與 在 也 得 忌 其 道 之 居 口 足 其 明 下 於當時 其 行 車型 道 以 心 上之尊, 足 以 加 ·之節 於 當 凝 至 以 行 启一 以 亦 蓋 以 研 德 其 之 理 终 也 言 保 消 丽 身安 幾 也 位 代 真 保 其 既 H 未 知 物 IIII 而 愐 而

聖人之合天,又豈不以其德哉? 聖人之道備在君子矣。 子之與聖人合德者,道 一,而 行道之幾 在 焉。 也。 故 由此言之,德以 知 實德 德 爲 合 道本 也 前 君 凝

右第二十七章, 言人道也

子曰:「愚而好自用,賤而好自專,生乎今之 灾、災同、伐、傷也、與裁義別、傳寫者以貪茂美而譌 當作政,呼報切。 世,反古之道。 裁,本即作哉,从才从戈,裁,天火也,與 如此者,裁及其身者也。」好,

失熱切。

非天子,不議禮,不制度,不考文。考,當作改。 體 此以下子思之言也。 以 也 上孔子之言,子思引之。反,復也 度、品制。 文,書名。 禮,親疏貴賤相接之

行,去聲讀 今天下 車 同 軌, 書 同 文,行同 倫。 軌,居 洧 切

次序之體。 今,子思自 謂當 三者皆同、言天下 時 也。 軌, 轍 迹 一統也。 之定度。 倫,

> 雖有其位, 其德,苟 無其位 荷 無 一, 亦 其德,不 不 敢作禮 敢 作 樂馬 禮樂 焉 雖有

鄭 氏 曰 : 言 作禮 樂者,必聖人在天子

子曰:「吾説夏禮,杞不足徵 有宋存焉。 之位。」 吾學周 禮、今用之、吾從周。」説 也。

吾學殷禮

所用。 宋,殷之後。三代之禮,孔子皆嘗學之而 此又引孔子之言。杞、夏之後。 又非當世之法,惟 能言其意,但夏禮既不可攷證 孔子既不得位 周 禮 ,則從周 乃 時 王之制 而已。 ,殷禮雖存 徵,證也 今日

實德 其 訓義君子修德而 子之聖 制作者道 深 動之情,以 有 ,以損益 以 凝之。 也 而 違時 百王而有餘 必 而 道 因 後 以 中之理。 時 不 凝 位 以道之在己,遂生 則爲下不倍。 而 ,而安土樂天 後 故雖以吾夫 行 焉 者 則 蓋

聞

所

也

調

爲

改

道

不

用

權

乎

萬

身。

君

因

遵,則有三焉: 不但不足以行於天下,而 之所 前 一, 而 逆 也。 變之宜,不 焉,不足以 子本天治人之大業也。 學彊 革 在 夫欲 「乎爲下之理,斯 如此 物之理。 風氣之日 以私 不迷 位 己, 趨 今,即 尊則 者 定一王之大典 智 明哲之幾 賤 分 1, 豈不 相從,是生今之世 乘權 미 人 有 小慧妄立 而 有 不 開 德也、位 反 心 好 所 宰 然者,經 自以爲道 ,慕古先之大朴,而 之 而 之所安,但可 自 必 制 建 其 而 也 . 專 安, 萬 極矣。 所 矯性情之適 法 也、時 也。 物 Im 且以 以備聖人之道於 夫子 制,是 然不善爲 不 之權。 而 自 以 若夫時 知 爲天 所 德盛 我 m 也。 道 日 常 因之而 愚 文 知 而 反 制 不然者 所 三者 下 白纍 古 而 變 丽 則 之,則 作 之 一之道 能 不 則 好 不 周 以 미 者 共 其 U 所 伙 施 風 妄 自 知 知 缺 敝 焉。 定焉。 天人 不 章者 蓋 況 Œ. 乎 相 司 而 軌 沂 議 可 人

禮定焉。 文矣,其上行下奉之用 審、不攷 不易焉。 故, 違,人 常仰 此 而爲首出之天子者裁 心 也。 矣, 觀 理數,而 以 也 而 史册 微 明 當 在 其 變 器 也。 所 度 若其 夫親 車 行 革 前 世 輪 風 用 不 雖 符 服 斯 E 命 又 示 遵,天 俗 興崇卑之制 無 此 有 命 器 疏 道 非 何 膺天之 天下 俛 哉? 改 五 乎? 不 之形 用之品 貴 天 如 觀 一帝、 也 賤 偁, 子 所 哉 當 以 聲 之 乎, 乃 ? 三王 不 初, 不 此 端 世 以 一,故音 秩 有 式 既 順 成以 蓋 制 則 觀 凝重道之實 以 攷 有 敘 因 m 與 吾 也,文 已然之迹也 禮 其 觀 烖 患質 之者,而 制之者, 有 故 益 制 建一代之典 夫子斟 文, 其 雖 議之者, 且 畵 轍 知 作 度 有 及 雖 文之已 猶 則 洂 此 之 身, 不安, 有不 理之 文定 循 書 猶 則 丽 酌 理 也 車 度 其 同 於 因 m 愐 而

四七

德,而 唯 者 其 式 矣,其 位 而 聖人之德 而敢 也。 則 聖人在天子之位 法 而 生,人心 而 唯 遵王 「則 樂 廢 事 行 不 序次無殊 面 墜, 勢所 之, 敢 輕 然則 吉 法 與 無 用 習 以 以 言 日启,豈 無 凶等殺之儀 而 天子之位 衵 肄 其 學 寡 作 ,則守文之令主,但率 乎哉? 禮樂之作, 必 其 (音容, 不 樂 以 無 過 聰 也。 趨,即天 德者同。 敢 宜 而 明,亂 差 以 民。 定 故 夫 也 一,以 無 不 ,則學士之傳習,但 草 雖 之, 嗣 歷 可 剙 野 百姓之紀。 有天 理 君子 爲 乘 以 數 王之凝 爲 一,故 作 不 是 踰 所 乎 天 觀 百 損 也。 嗣 更 天澤 所 子之 人 不 革 其 秊 朝 益 作 王 以 氣 易,有必然者 命 命 以 野 禮 者 雖 之履 所 也 位矣, 居 由 數之大端, 改物之時 來,流 ,與君子之 哉 猶 有 禮行 則 以 其 乎舊章 ? 遵 保 聖 夫 行 德 以 人 而 其 無 奉 修 其 敝 百 而 行 之 位 其 禮 曲. 明 無 漸 無 倫

見之行 學殷禮 修 不 治定 於周 己。 存 其 禹 志 自 且不能 實,乃杞守夏制 凝 而吾所宜從者自有在 行 制 一之明 一, 其 順 也 而 審其所用之禮,則未嘗以酌三代之宜 道 於吉、 前 功 吾嘗 以 爲 願 博 矣,湯 成之天下也。 宗 爲 修其世守, 德 與 也 宋 事 攷 白 一等,則 小心 學 自 或 修 也。 季之制 N N 而 三王 明 之 周 可 之 非 喻 軍、 民,今 禮 者 夫子 循 宋 訓 是 以 其 圃 矣, 矣。 其 爲 作 (深,而 賓 則 求 典 而 淪 日 唯 故 殷 可可 吾 爲 天下 備 沉説之者乎? 也。 於 故一代之人心 嘉 ,三代之英,吾之有 乃既學之,既説之, 常,而 此 後 倍 居 道 夷,不足徵 詳論 者 必 爲 矣。 文、武、周 於 魯在三世之後 愐 吾嘗説夏禮矣, 有 尊。 唯 己者至矣, 行 我 所徵 其 故 周 其儀,今固 但學之 法 吾之所以 以夫子之 加 圃 以 也 已矣。 公所 攷 非 遵 吾 而 嘗 其 此 用 杞 而 而

欲反 其 之學之,而所從唯周 敢 一古以 日 灼 異 見三王之心, 今乎! 則 夫夫子於夏於殷 明昭二代之法, 夫子之時爲之,亦 説 丽

凝於己,亦與聖人時措之宜同其消息,不 然則君子修德之極功,以義 制,故道大而不足爲纍,德至 文、武之位爲之也。 唯 夫子 命自安, 亦從 m 道 益 時王之 以 而 凝。 道

亦人道也。 右第二十八章,承上章「爲下不倍」而言,

可見乎

吕氏曰:「『三重』,謂議禮、制度、考文。王天下有三重焉,其寡過矣乎!

而人得寡過矣。」考,當作攷。

惟天子得以行之,則國不異政,家不殊俗,

上焉者,謂時王以前,如夏、商之禮雖善,下焉者雖善不尊,不尊不信,不信民弗從。上焉者雖善無徵,無徵不信,不信民弗從。

子 而 皆 雖 善 不 於禮, 可 考。 而 下焉者,謂 不在尊位 也。 聖人 前 在 當作 下, , , 如 孔

當作攷。

故君子之道,本諸身,徵 槃,來矣行矣,斯可待也,故从來从彳,俟,大也,音同義別 世以俟聖人而不惑。考,當作致。俟,當作後,本作 不繆、建諸天地而 聖人復起,不易吾言者也 造化之迹也。百世以俟聖人而 此而 徵 制度、考文之事 此君子,指王天下者而言。 諸 參於彼也。 庶民,驗其所信從 不悖,質諸 也。本諸 天地者,道也。鬼神者, 諸 也。 庶 鬼 民 身,有其德 建,立也,立於 其道,即 考諸 神 不惑,所謂 而 無 三王 議 也 加 白

不惑,知人也。 質諸鬼神而無疑,知天也。百世以俟聖人而

知天、知人、知其理也

是故君子動而世爲天下道,行而世爲天下

法,言 不 厭 IIII 厭 世 當 爲 作歌 天 憎 下 棄也。 則 厭 遠 者 之 則 檢 有 於輒 望 二切 近 之 迫 則 窄

也。

法 動 度 兼言、 也 則 行 準 而言。 則 也 道, 兼 法、 則 加 言。 法,

者也。 也 永終譽! 《詩》曰 厭 也。 思,讀 夙,本作 「在彼無惡,在 君子未有 法聲。 妍。 射 蚤,當作早,蚤 音妒 不 非 如 此 《詩 無射。 此 而 作 , 齧人, 跳 , 對當讀 蚤 庶 有 幾 蟲名 譽於天 夙夜,以 羊益切 下

《詩 作猒。 謂此 》、《周頌 者, 指 本 諸 振 身以 鷺》之篇。 下六 事 射, 而 厭 言。 也 厭 所 當

以 訓義 1 輕於 而 居上 德 而 行 君 性 脚 矣, 也。 子 酌 間 道 則道 以 學 若 凝 、盡道、 極 其 而 行 深 爲 有 之致。 矣。 研 下 其 木 幾者爲 德, 乃德 倍, 故其 居 未 其 之已至, 深 可 行 位 謹 以 也, 慎 乘 行 亦 猶 重 其 面 必 之 必 時 不

者,雖有其德,而所作者

善矣,

乃世

遠

運

爲。 下 之經 而 而 俗,皆 制 其位,乘其時而 以正上下之等,小以利生民之用。 於天 其 而 音義通,大以合義理之安,小以 至,小以悉物則之宜。 至重者也 子亦聖人矣。 又當其 器用得,是文紀之而 凝 ,其寡過 以 專責之王天下者,何 一則議 人 故三者天下之至重者也。 也 行之天下,則 一以是禮行之而 遠 丽 時,無可 邇 矣 禮 禮明 平 也、 以 而 夫欲行道於天下 1 聖 不 王天下,能 制 圃 該 矦 人 驕 品品 民 度 也 或 者 之道待之以 節定,大以 也 過 也 流 愛敬 度審 行之, 無 之 、攷文也 彼 ? 傳 異 有 寡, E 審。 成 而 制 蓋 乃 此三者之定 焉 規 匪 以其德,居 · 而 既 是度 防 此日 民 以 盡 而 行 異 制 有 文正 庶 命令之 定 功 爲 人倫之 其 之天 爲之 者其 無殊 制 則 化 前 任 E 而 大 作 君 及

之,而 之君 足以 乎 意之歸 作 乃 重 IE. 道 Im 口 下 民 m `善矣,乃分卑權 間 德之君子,凝 君子之道,繫天下後世 二,以 焉 無 無待於詳審矣 無私 且 處 使 子 學之身 而 徵。 謂 事 士不 以 而 不不 制 ,弗從也。 天下之信 無 履其 者 季 猶 無 禮 其 無 世 建 能 不 未 作 位 徵 也 一之流 位、因 詧 天下 也 辭 操 上樂,爲 者, 至道 而 則 以 乎? 矣。 百 已, 夫前 獘 雖 民 合 之至公, 姓 車弧 其 不 其 且 譏 於 有 其 乎 民 面 其 足 之刑賞 無 時, 君子之身,尊德性 E 謂 淳 理, 信 躬 寡 其 不 以 欲 有 得 不 兀 樸 德, 過, 尊。 我 可 責,必 取 者 山 理 其 之略 能 夫 失之大者。 乎 以 信 以 秉 敢 責 無 而 治 之 不尊 則 ? 覃 天 於 推 不 以 在 僭踰 所作 後世之人 有 修 敷天下, 弗從 天下 下 驕心 明 民 行 E 明二 其 之至 天 者 其 於 則不 而 爲 道 也 承 皆 之 從 ıllı 下 私 制 當

之制 貞 此, 皆必 也。 之同 其 神 此 臨 攷之焉。 有其 本諸身者之德,行 之已至。 我 口 面 常 平 平 以 變化者也 奠 焉,吾之制作,將 而 而 我 然。 ? 決生殺之用 與 所 作 難 其 盡變之至 必 必 者有一 與 其 三王化民成俗之精 位 所以 與二氣之順者參也。 必 與 、慎之心焉。 所與三王同者 蓋 必 者 其 天地 其 王 抑 天 也 信 因 則 從 地 異 徵 理 其治 我, 之正 盡 我 也 則 諸 者 , 吾之制 不 其 心 前 必 以 庶 相 而 必其 徵 ௱ 於其 以質之。 前 者 建 秩 民 後 拂 後 諸 補 平 1參也。 ,必其不可不同 之焉 矣。 IE 知 悖 知 作,所 、陟降 不 其 庶民之道 我 意 其 所 忧 所 得 樊者也 者 不 於 作 明 皆 作 於其 相 不 有 立 以 是 立 者 可 禋 幽 心 者 異 差謬 三王 大 費 乃 至 爲 以 與 而 而 爲 ), 則 者 屈 中 其 和 以 信 感 天 ൬ 人 有 風 伸 也 也 化 者 心 平 鬼 地 於 必 吾 猶 其 興 於

書 訓 義

Ŧī.

以 妣 求, 而 我 面 昭 疑,君子知天之至也,既已參觀 乎 也 理 有 廢 地 之至 不不 質 遠 數以 낈 之 建 啟 以 鬼 有 垂 百 而 鬼神 宜 鬼 明 昭 而 使 世 神莫能 [三重]者,不已 憂吾之不及 何 而 俟之,不憂吾之大過 神,遠俟 以 也 不 可 之 也 示之理, 致之建之, 君子 抑 以 - 者無 心 可 而 総 聖 深 質之俟之哉? 合 既 違 通 抑 公留 無 人 悉夫陰陽之變合, 己。 形之可 也。 理 推 已攷之前, 焉 疑 來者,而 其 <del>,</del> 而 諸 於 有 吾 뗴 俟焉 夫三王有已然之迹,天 後 幽 百 極 使 餘 之 見,後聖者 而 世 丽 難 以 制 乎 君 而 而 不 莫 知 使 乎 作 不惑 子 乃 口 能 後 知 而 其 可 之深謹 其 以 將 易 往聖之道 格 使  $\pm$ 裁 損 者,君子 在 則有 此 於 矣。 之功 質 無 以 難 也 也 幽 也 法 而 焉 平 杰 迹 詳 如 象之 王天 自 之 其 其 則 其 遠 至 而 無 慎 明 待 於 道 我 知 無 口 惑 益 酌 當 而

典。 之一方 望 之過 作 也 準 天 其 所 之 能 人上下之理 下, 也 者 下 動 共 理 施 之道,苟不 故遠 願受 重」也,皆天下之所必 夫 之所 也, 也 積 及 則其以寡 由 由 而 如 乃 後世 而 矣。 是 皇躬之動 者 此 發諸 可 圃 必 唯 不 前 也 王之化 不得 以 則 淮 能 其 乃君 其 而國 盡 教 有 則 且 推 者 由 天下之過 廣 動 本身、徵 令以 = 與 有 延 之四 作 是 也 通 子之深 也。 也, 有異 吾 所 及 前 面 重 乎 且 政教 申 [海,或 從, 措 民 後 身 衆 政 唯 延 明 者 於 啟 民之實, 諸 先 世 遵者 謹 (家有 其 志 有 及 此三 者 己, 用 何 政 率 而 詳 行 引 所 丽 後 者, 如 事 無 由 慎 之 皆 無 不 世 丽 民 也 殊 哉 以 不 乎 以 聞 難 重 皆 從 加 道 於 無 俗, 共 格 也也 施 天 所 杰 時 達 不 無 風 由 不 由 倦 之 遵 是 行 下 制 制 而 或 乎 夫 而 m 不 天 且 此 者 之 作 民 不 制 行 HI 遥 IIII

終也。

之

心

必

歸

其

所

以

致

之於夙

其尚

示

民

之心

能

無

厚

攷

也。

之不易,使爲 《詩》云,吾賓客之來 責 夜 則 夫《詩》言譽而 望 決行之哉? 此 我 而 之益 君 吾道之可 久 風 (於夙 焉。 譽者 君子之世 者 垂 周 無 子之所 而 俗 仰 於 惡 行 也 民君師之令譽有 夜,是 益 在彼國 無 乎? 而 9 念 則 親 故 0 窮 無 唯 天 以 爲 以 近 民 則《詩 可 無 射 加 理之常 易 是 在 中 法 能 必言其永 之 丽 乎? 以 有 民 有 此 天 則 m 寡 寡 日 厭 知 志 下, 不 E 臨 ∭ . 天 習於吾之教 斁之 君 调 定。 臨 庭 驕之德, 庶 助祭者,吾 振 遠 民 下 子 以 而 也 言 幾 近 间 也 鷺》之篇 俯 後 任 永之 爲 情 情 爲客 丁其 歸 哉 斯 世 念 民 永 吾 理 也 盛 调 譽 而 人 尚 聰 之 通 也 1 謹 合 渦 其 寡 丽 克 不 明 矣 於 如 **\$** 口 乎,而 聖者 之道 率 由 至德 師 竭 俟後 質 其 至 誠 盡 鬼 之心 人道 深 性 道 道 者 君

才智以

者,豈恃

乎

乃

1 外,

無

而

是

則

法

者

愈

有

日

新

道凝於己而 無作於今古,而 德,矜吾甚大之道,不求無咎於天人,不 誠之合天,不抑可於其德 者之明 之譽於天下 「唯其 聖者 微諸 於天下 神者如 謹詳慎之心。 皆 以 而 思 師 合天 能 則 如 之譽乃歸之。 實 德之合也。 民 成 ', 非 不驕 此 然乎? 無 此 者 有 者 道 有 其 不 其 必 其 遽 如 也。 道之氣 通 誠 審 乃以 丽 致 德 馬 此 故 倫 幽明之理, 攷之 然則 静 之功, 其 性 其 行之,遽 由 必 得位 物之宜 存 理 推 達 此 象。 本 問 未有恃 動 君 爲 原 觀之, 情, 學 諸 m 俱 子 乘 詧 及 無 然 推之哉 所 之 時 可 建 身 可 以以 此 可 者 見矣。 後 以 功 則 以 其 而 諸 而 易, 體 治 後 而 道 體 君 蚤 天 如 行 天 至 教 以 所 自 合 備 聖 子 有 Ŧ 此 地 命 念 之 其 爲 明 平 夫 之 君 允 既 面 丽 而

五三

亦 右 人 第 道  $\equiv$ 巾 + 九 章 承 上 章 居 E 不 驕 而 言

水土。仲尼祖述堯、舜,憲章文、武,上律天時,下襲

之錯 辟 如 其 律 祖 行 天 天 述 地 時 定之理。 者 如 之 者 日 遠宗 1,法其 無 月 不 之代明。 皆 其 持 自然、 兼 道 載 内 之運。 無 外、該 憲 辟、當作 不覆 章 者, 本 響。 幬 末 水 近 幬 辟 而 守 土 徒 言 如 者, 其 報 忧 四 反 法 時 因

111 萬 物 流 了,猶 大 並 育 德敦化 迭 而 也 不 相 此 此天 害 言 道 聖人之德 地 之所以 並 行 而 爲 不 大 相 也 悖, 小 德

悖。 悖 以 m 党之分。 並 不 育 所以不 相 背 害 並 也 大德者,萬殊之本。 行 害、不 几 者 天 時 ,大德之敦化。 覆 日 悖者,小 地 月, 載 錯 萬 行 德 物 代 之 並 川 小 明 Ш 育 流 德 而 於 流 者 者 不 其 相 閒 如 所

之大

法

而

修

明

其

剙

制

顯

庸

之精

則

憲

Ш 地之道 敦 厚 之 其 流 ,以見 化 脈 根 絡 上文取譬之意 本 分 盛 明 大 而 而 往 出 不 無 息 也 窮 也 也 此 化 言 天

之至。 焉。 大矣, 從 之實 矣, 道 訓義 執 如 萬 而合天之道 誠者 殊, 中 哉 容 ,天道也。唯 面 之 ? 中 則 君 丽 備 統 天之道 蓋 子而 道之聖 推 至 請 其 其 有 其 聖 及 理 觀 奉 萬 所 大 凝 之 於 人 ,又豈非 爲 殊、 也, 則 以 於 人 聖人之道 與 仲 德 大者存 祖 道之大宗,而 聖人之德,天德 也。 統 尼。 天 實 本。 述 丽 乎 通 天之德 堯 以 以 後 夫 理 其 既 本 今 猶 至 仲 乃 舜 者,爲 圃 德 存 圃 夫 誠 可 尼 矣。 忧 誠 哉 思 乎 盡 天 推 以 德 之至者, 其 至 性 地 也。 其 極 備 其 聖 誠 矣, 道 之能 之 守 其 所 其 聖 者 道 爲 精 以 大 之 故 人 聖 則 也 禮 著 大 大 於 道 何 日

其

行

時

乎

也

德

巾

文、 唯 一,夫不 之 有 也 其 理 常 無 該 以 統 盡 無 豊 其 武 錯 所 所 以 古 者 矣。 思 疑 變 滯 衆 德 矣。 如 不 矣。 以 有 括 今、合上 夫 乎 者 者 有 日 之 有 盛 皆 之而 ? 通 仲 蓋 於 月 其 有 其 所 哉? 則 則 其 古 兼 尼 持 平 明 以 則 以 盡 下 上 無 依 之 今、 帝 下, 致 載 效 也 運 唯 乎因 居 法 餘 平 德, 乃 王、参天地 之中 之, 徹 代 之 有 此 水 天 也,殆 節 萬 而 仲 上 道 土,如 焉 丽 又 其 時 時 序 皆 道 世 尼之能 下 德, 於 得 有 何 畫 覆 無 不 īfīi 而 如 譬 序 宜 夜 幬 如 所 易之常道 道 仲 而 衣之襲 律 如天 ௱ 心, 之妙 也 之, 之 哉 遺 之損 行 乃 後 尼之德 極 丽 相繼 ? 也 以 能 殆 焉 運 平 道 地 而 用 益 皆 咸 體 此 道 在 平 仲 唯 夫 如 乎 者 序 其 之 順 周 其 此 道 仲 躬 DЦ 尼 1 面 平 而 矣。 行 乎 矣。 今夫 仲 然 條 條 不 道 行 萬 覆 量 何 帝 於 物 載 焉 者 理 面 1 相 尼 以 理

道

於

衆

尼

矣

盛

者

所

以

守之

m

貞

音

而

行

馬

章

德之

兩

閒

行 寒 之中 之 能 於 非 東 天 不 悖 不 偂 暑 乎 而 無 則 害、 萬 北 就 地 德,不易言 與 以 損 也 常常 相 錯 順 不 宜 之遊、 矣。 天地 相 殊之別 大矣,有 此 持 其 不 錯 行之序 不 乎 妨, 求之, 物 由 悖 古 性 載 通 74 而 日 此 之 赤黄之道 乎 而 者 分合於衆 不 育 時 無 月之明 焉, 變, 各得 思 性 持 宜 丽 矣。 則 各 此 不 日 之, 道 乎今, 載 達 有 有 物 覆 固 月 不 乃 之 請 代 平 因 所 幬 而 不 有 Mi 相 矣。 以 道 功 東 就 其 合德 以 明 權 礙 天 害 其 得 即 日 之 焉 序 M 西 天 不 彼 不 地 所 之王 也 萬 成 而 非 相 地 害 物 也 定 恒 而 之 以 有 往 物 也 之生, 一焉,皆 以 代 以 哉 乎 有 不 德 四 大 覆 不 並 0 來 相左 徵 經 ? 恒 者 在 於 道 時 幬 得 育 使 之 之 之 是 並 於 在 大 夫 非 丽 此

已矣。 樞 悖 並 所 天 並 故 天 要。 育、 者 發 存 地 行 於 地 者,同 於大者 統 彼 之 並行 根 功 於此 則 則天地之所 之 德 本盛 化 以 以 行 者,運 此 之 此 , 爵厚其化, 脈 於 至 大 大 而 絡 小 仁,會之 相 而 者, 思 行之大,而 分 爲育、 而 出 仲 以爲大,在天地之德 明 如 小 無 尼 mi Ш 德 以 其 窮 唯 相 行 之流 乃 至 也 其 爲 不 備 大德 功 行 極 息 古今 化 故不 盛 之作用,而 唯 也 此 乃運行 之 故 故 其 天 上下之 害、不 秩 並 有 所 地 序。 本 之 ımi 存 之

> 寬 執 唯 天 也 裕 右 大 温 下 第 德 齊莊 柔 三十 至聖, 將 足 何 中正 章,言天道 如 以 爲能 哉 有 ? 足 容 聰 以 也 請 明 也 有 進 睿 敬 發 知 ៣ 强 也 言 足 剛 聖 人之 以 毅 文 理 有 足 臨 以 也 有

足 文章 也。 以 聰 當作强。 明 有 也。 其下 睿 别 知 察 也。 理,條 ·四者 當作督。 生知 乃仁、 理 之質。 别 也 彼 列 義、禮、 密 反 臨 詳 謂 細 智之德 居 也 圃 察 下 明

强

知

當作

智。

温

當作

昷

側

皆

溥 博 淵 泉, 而 時 出 之。

也。 溥 博 出 周 發 徧 見 mi 也 廣 闊 言 也  $\overline{f_1}$ 者 淵 之德 泉, 静 充 深 積 而 於 有 本

面 以 時 發見於外 也

溥 民 莫 博 不 如 信 天 行 淵 而 泉 民 如 莫不 淵 説 見 而 説,弋雪切 民 莫 不 敬 言 m

也。

以

要言之,

誠

而

己。

夫天

地

之

小

德

大

故

誠者

天之道

也,以

天德

凝

天

道

於萬

物

四

時

日

月

M

見

也

聖人

八之小

德

其

小

德

亦

Ш

流

矣,

則

亦

有

其

大

德

矣

其

大

德

亦

敦

化

矣,

而

所

以

配

天

地

之大者

在

此

道

於

心

散見

於事爲者、殊

塗

丽

致

也,

辨

也。

居

當作

不

有

其

所

以

大者

乎?

則

亦

有

其

小

·德矣,

言其充積極其盛,而發見當其可也。

照 是以 配 至 天。 聲 力 露 貊 名 所 所 本作貉 洋 隊 通 溢 凡 天 平 ,从豸各聲,今傳 之 有 中 血 所 或 氣 覆 施 者 地 及 寫 莫 之 者以 蠻 不 所 貊 貉作 尊 載 親 貈 舟 日 遂妄别 車 故 月 所 所

之所 舟 車 及 所 廣大如 至 以 下, 天 蓋 忧 極 言 之。 配 天,言 其 德

貉

作貊。

隊

徒對切

義與

(隊

通

己。 之 依 平 明 而 IIII 萬 衆 無 無 與 物 爲 義 之以 理 夫 不 盡 資之以 天 日 其 而 聖 之 地 仰 月 元亨利 之小 人 藏,發之不 所 焉 星 爲 生長 誠 宜 辰 天 之至 德 則 下 之 貞 因 收 以 -之至 Ш 久 乎 爲 IIII 藏 此 、照,爲 流 窮 春 時 自 思 聖 之運,故 其 而 夏秋冬之化, 凡 無 聖 行 則 不 此 口 萬 人之小 之 見 凡 明 諸 物 以 德,因 其 覆冒 者 也 生 爲 其 動 德 乃 以 德 羣 理 乎 而 之 以 可 其 一,存 生, 物 使 所 高 無 通 知

焉,而 之所 思之所 之上 見 焉 理 其 事 下之人望恩 足 以 能 不 不 如 至 其 必必 待決於我 是 聖 執 於己矣。 \_\_\_ 至 通,天下之情 聰 恩有 者 可 事 道 也。 爲 喻無理 焉 而 有 所 必必 親 人 臨 則 能 視 與 杰 别 而 無 統 治 寬 有 德亦 天下 面 也 之 所 於我 乃臨 之不 之以 我 微 之, 柔 焉 敬 意 得 聽 之 焉 大 各著其 也。 必 則 以 以得, 尚 容 失 昭 之 德之至, 不 天下者, 有 我 有 順 慈 天 有 無 綱 也 審 藏 我 以 必 臨 下 藹 餘 而 蔽 舉 也 否 之辨 而 執 有 能 之 之德 得 而 也。 0 如 M 無 居 之。 其 德 以 焉 而 其 物 温 是 爲 細 上 疑 人 容 事 焉 因 爲 心 依 焉 者 能 治物 目 仁 才 我之 之。 也 其 其 不 之以 能 智 受天下之 和 不 也 與 天 唯 居 加 睿 焉 背。 爲 緩 矣。 之大 下之 天下 其 待 至 乎 乎 爲 焉 能 審 物 聖 君 物 而 面 而 命 權 裕 唯 與 之 志 物 物 天 明 爲 民 者 心 丽

焉,奮 之至 足矣。 焉,貞 焉,有 矣。 焉 必 則 情 襍 裁 逆 循 寡 也 斷 m 丽 面 丽 大事 唒 其 不 mi 如 莊 持 執 谪 消 (其可 羣 其 起以 (序。 是 之 别 而 有 焉 面 天下 得 其 情 情 天 者 之大 嚴 唯 有 益 其 意, 久而 整 任 則 偂 下 以 密 有 至 剛 之德, 田 宜。 事 躬 必 難 無 焉 者 丽 聖 用 翼 焉 達之,處天下之至變而 無 有 常 議 所 無 而 容 爲 足 ,持其至 詳 智 E 面 大 其 不 肅 論 所 不 能 於 保 義 也 攝 焉 萬 小 析 儀 息 而 襍 怠 齊 己 也。 斯 事 天 而 起 矣。 不 焉 準 民 下 而 丽 正 如 理 無 丽 如 彊 褻。 平 之 唯 用 唯 於 無 而 是者 是 焉 怠 敬 焉 守 至 理 至 心恒一 至 所 無 者 中焉 之益 無 天下 愛足 治 而 聖 心 堅 聖 吹 所 荒,人 事 其 者 忍 爲 爲 極 屈 疏 之德, 堅, 依 而 幾 於 事 以 能 有 天 能 無 酌 以 無 下 則 乎 平 不 圃 百 任 發 己 詧 文 不 毅

**涵之心** 審之, 之。 淵 積 外 智則 之勞 聞 其 時 容 吾 忘 自 而 亦 於中 泉乎 所以 而 乎 心 也 如 有 飾 之 則 見爲 無 益 敬 Ш 也 偂 是 誠 而 而 容 臨 者 者將 流 智 足 也 也 體 多之或 通 智 則 以 天下 至足 之小 密 焉 也。 皆 敬 唯 其 非 天 臨 則 睿 何 下 原 其 以臨 而 溥 聰 者, 逐 之。 德 智 之大用 仁 誠 如 於 顧 積 遺 明 以 而 物 미 則 非 哉 在天下 性 之 之。 於 也 皆 周 則 也 以 時 誠 ? 市 義 用者 中 其 照 徧 誠 用 譍 平 而 恩,義 顯 則 者, 時 者 誠 乎 皆 矣 天 睿 執 矣。 博 誠 而 如 不 念 之 乎 聰 TI 下 根 智 IIII 無 無不 義 則 是 輕 如 至 非 明 别 之 於 也 我 廣 不 其 執 其 是 者 也 用 示 禮 心 思 足。 無 非 足矣。 則 鱪 盛 也, 以 斷 聖之至 也 則 其 遠 别 其 静 矣 待 非 一,而 臨 誠 禮 資 萬 積 時 之 以 則 有 深 平 思 或 非 其 慮 見 夫 於 盟 而 在 而 本

乎上 以 上 民 政 民 誥 民 其 乎 天 中 如 動之以 威 之奉 誠 不 教 之聞之者 合之示民 之見之者 儀 至 蓋 乎 者 是 1 如 之示 之示 也? 譍 知 ௱ 極其深焉。 也 古今晝夜 又 是 之,一 神 所 行 德 之 何 四 則 蓋 而 之者 民 以 民 以此 時 以 感 不 1,自莫 警之以 自 體其 以 以言也,德音 以 爲 自然之理矣。 百 測 乎 特 1,自莫 行 見 而 [莫敢 唯 物 容、執、敬、 其 加 見 則 全馬 爲, 也 也, 敢 藏 震 其 性 此 其 無 不 不生其 也 民 敢 德 德 動 ,德足於己 發 淵 見、 非 信爲 ? 容 也 不 不 施 乎 之 其 天 闡 無 知 説 無 無 之功 别 淵 外 不 其 即 夫其敬 恭肅之心。 不易之理。 其 事 事 所 其 事 者 竭 泉 溥 而 其 言 獲 乎裁 乎潤色, 了又何 乎 以 臨 化 也, 殆如 博 德之所 詧 而 ,矜莊 己 感 乎民 所 也 遵 で、信、 天下 乎 之 飾 及 而 其 以 下 殆 心。 感 皆 未 行 説 而 其 而 其 其 量 淵 詧 而 如 IIII

隊,能 親 其下 焉。 之 遠 夫 名之美,尊親 之爲而爲之,而 車 長 頌 及 有 極 而 而 然,而天下之至聖,其 ,莫不親 尊,莫不 於至僻。 域 所 但 人 中 至 述 而 又其 洋洋 有 爲 民 國 乎 不 滋潤 日 聲 舟車 可居之土,地之所 也。 南 可 月 蠻 名 溢 人 至 蠻 至 尊 以 所 貊 E 凡其 而 跡 所可至之地 即 北 之報 一聖爲 照 益 至聖 之區 至 無 而 所罕及者,但 至 貊 德之備乎小 其 能 矣。 人力所 開 不 一於荒 焉,若是 生、大 天 終身之所慕。 以 域 徧 有 受 猜 干 矣。 凡 下 明 血 遠 古之一人,苟 川 此 德 自 氣 面 以 ,有聚落焉。其舟 之地、 是 乎 載,其上有 其 通 中 天 無 而 安 極 者 政 德 爲 之 無 所 或 能 爲 於 其 無遺。 教 處,有 (身,霜 天之所 幽 遠 人 無 延 也 遺 皆 所 此 者, 其 僻 及 之者也 涯 不 蓋 仰 及之君 小小 之所 達 故聲 積 有 知 荷 露 可 盧 望 覆 也 莫 有 覤 舍 於 知 而 所 H 而

已矣。 德。 天。 中者天之藏 通 天 有 而 之 生之類者亦 至 所 聖 以 也 之 ,其 爲 所 天 發於外者天之化 以 猶 者 爲 人之戴 此 聖 不害、 者, 天 也 亦 不 ), 故 如 悖 也 是 之 日 小 丽 配 其

亦天道也。 右第三十一章,承上章而言小德之川流,

如扶。 之大 唯 天 本 下 至 知 誠 天地之化育。 爲 能 經綸天下之大經,立 夫焉有所倚? 天下 夫、讀

者,五 經綸 僞 綸之也。 然之實, 惟聖人之德極 以 "皆治 雜 밂 比 之, 之人 其 而 其 絲 皆 類 而 於 之事。 倫。 可 而 天 所 誠 以 下之道 合之也 性 無 大本者,所性之全體 爲天下 之全 妄,故於人倫各盡 經者, 體 F 後世 經 變萬 理其緒而 無 常常 法 化 毫 也 皆 所 人 分之。 由 欲 其 謂 大 也 之 當 如 此 松平

> 所 己。 其 H, 倚 極 所 著 誠 此 謂 皆 於 無妄者有默 立之也。 物物 至 而 誠 後 無 能哉? 妄 其 契 自 於天地之化 焉 然之功 然 非但 當作账。 闡 用 見之 育 夫 豈 知 則 有 丽 亦

純 肫 切。 肫 其 1-淵 淵 其 淵 1 浩浩 其天 ! 肫 Ż

苟 肫肫; 不 貌 知」之「知」,當作智。 ൬ 以以 古 言 也。 聰 V 懇至貌, 明 本而 其 聖 淵、 知 言 以 其 達 也 孰 經 天 當 天 綸 (,則非 浩浩, 德 作飘 而 者 言 特 廣大 也。 其 如 孰 之而 貌 淵 能 淵, 知 以知化 己。 之? 静 深

又 者 萬 訓義天地之大德敦化,定羣 以 物 何 之 如 之 哉 丽 性 ? 不 命, 相害 夫 全 在 覆 悖 天 載 丽 之 以 爲 功 此 理 能 思 者,在 生之品 聖人之大德 故 並 人 育 類 而 並 爲 行 Œ

者 理 焉 情 其 之 誠 後 倫 下 其 至 有 有 不 而 一, 所 萬 無 類 各 尊 散 具 德 己 而 則 極 之 得 生 者 矣。 則 以 卑 不 一誠 有 在 即 吾 平 以 生 天 合 其 其 天 親 通 誠 性 則 並 所 天之大 之, 於 下 品 故 能 面 疏 而 而 X 爲 類 以 行 IMI 之大 心 「誠 者 節 之等, 爲 綸 無 面 之 於 聚 倫 並 口 命 以 妄 後 則 者 在 羣 德 以 大 萬 爲 育 經皆 皆 者 (,故 合, 交 純 天之 人 分 效 本 事 則 之 於 也 至 成 贊 乎 在 矣。 夫 必 大 兩 情 其 理 盡 不 而 其 道 化 與 人 唯 衆 理 松平 閒 無 所 至 於 足 相 天爲 敬 也 育 而 此 天 其 動 矣 經 不 理 己 以 害 愛。 丽 爲 IIII 者 序 下 大 綸 辨 之 mi 發 也。 足 有 性 而 本 司 以 此 至 矣 圃 爲 理。 必 見 唯 以 0 天 其 分之, 於於 也 經以 大 誠 卓 天 相 天 天 則 下 IIII 知 在 經 下 下 當 下 是 必 故 然 不 維 純 至 天 也 IE 之 比 常 其 窮 mi 法 至 而 天 誠 主 平

悖 於 以 誠 者 下 中 功 乎 長 不 以 建 者 誠 至 在 然, 其 皆 天 則 害 是 爲 能 育 相 立 静 至 而 體 而 之。 之 其 誠, 發 悖 者 不 也 而 而 地 存 乎 耐 成 矣。 失 化 體 時 無 也。 而 乎化。 誠 其 不 實 必 미 育行 也 夫 物 天 而 悖 静 妙用 得 與 於 而 確 至 之 下 至 害。 於 天 而 有 面 不 其 乎 誠 嘈 之道 當 誠 是 F 不 常 而 者, 有 私 見 之大 當 可 其 會 之知 然 面 之 離 四 其 之。 不 然 行 故 守 方 通 人不 唯 散 生, 時 其 成 聞 德 於 焉 動 動 , 而 天 見 百 用 知 以 蓋 之 所 之 唯 調 有 m Imi 不 得 之 地 物 天 誠 中 以 天 際, 變 其 不 如 而 忘 理 默 而 交 天 地 遂 之中 地 是 知 即 離 消 運 與 以 下 而 而 之 之, 之 其 也 體 其 所 唯 之。 於 喻 著 之大本 固 化 化 終 生 本 以 體 契 其 以 天 無 有 其 天 育 育 萬 起 無 其 真 唯 象 地 則 善 下 涵 而 用 > 存 其 有 有 所 理 天 至 於 用

淵 焉。 哉? 之相 也 V 乃 故 化 以 其 於 也 也 其 本 其 其 也 經 無 性 知 而 乃其 分合 天 者 淵 天下 也 以 惟 經綸者極 譍 綸、立本、知化者,其内之所以 化 循 倚於 極 極 微 育也 則浩浩矣, 則 無窮者 存持之哉? 乎静 平 誠之相印合而 仁 平 無 淵 而 信、 因 天 丽 己。 . 則 」,豈倚 窮 淵 爵 乎 理, 存之之心亦詧於 深, 1,果何 乎敦篤 倚 肫肫矣,心之所至 厚 矣, 其愛, 而愛之之 於 其 而 而 也 於理、倚 天之所 志之既 法 立 無私 無 如 也。 以 一誠之相 本 圃 己。 乎 人 其 秩 無 ? 也 爲 知 欲 理 其 運 静 序 於 私 然則 化 以 以 亦 豊 V. 其 之 數 意 心 擬 者 浮 至 氣 體 倚 與 本 經 哉 以 以 至 唯 即 之 一 議 微 動 綸 於 亦 者 備 爵厚: 阳 誠 測 之也 運 之也 静 無 有 而 其 必 故 唯 隔 之 度 窮, 焉 己。 天 其 至 所 其 唯 其 > 倚 之 誠

苟 必 者,言之詳矣。 此 運 天,誠之所 孰 至 者 此 誠 化 ൬ 而 地 義、禮、智之天德之聖人乎 一,在明 而無殊 由 其 仁 之體 能 非 ][ 其以天之大德 爲 敦 育 豈 流 淵 之藏 天。 化 知 固 小德以知 不 易知哉? 有此聰 淵 不息者 息, 之 **立** 倫 而 唯 如如 哉 也 以 故 面 至 而 其 ? 爲 日 爲 誠 此 冥 其 純 明聖智而 ,可即用以見體。 合天之妙 大德, 誠 仁,在盡 亦 丽 其 合之 夫 愛 誠者天之道 在 其 爲 敦其 實 肫 聖之 至 而 乎 必 德,以天之至 求 心 誠 肫 而 夫 誠 聰 所 其 亦 也 所 後 盡 之 ~, 如 性 之 則 明 知 所 與 以 道 達 而 見 用 自 也 聖 之 以 此 至 平 爲 也 爲 天之 行。 然 則 智 然之實, 其 深 聖 淵 不 天德者 合 全其 極 然後知 (浩浩 之原 mi 息, 乎天 所 道 推 果 嗚 乎 在 誠 達 爲 以 小 而 其 嘘 深 知 之 故 也。 其 道 道 言 其 化 所 爲 則 如 而 天

性,則 之,自 誠 誠 之用 矣。 性皆 天 也。 中 有 爲 命 其 費者皆其 大 誠 本, 則 矣。 即 誠 誠以爲命矣。 率 之體 誠,非增 性 爲 也 道 益於一真之 和 則 爲 道 命以 達 本 道 於 爲

易及 外 F 以至之。 之者人之道 誠 人合天以誠 也。 學者得 者天之道 誠 隱者 則 以 則 口 而 前 依 **师** 請 唯 以 中 要 其誠 功化即 智、仁、勇之大用 智、仁、勇之真 自 歸 庸 盡 而 於人道之所致 非 ,下學者又 無過不及之差,又豈 與天合。 託 於 虚 體 無之表 將 圃 以 斯 功,而 天不 起。 有 在 所 也。 聖 誠 使 循 可

之道 之德,非至 亦天道也。 右 言 第三十二章,承 聖人天道之極致,至 然至 誠 前章言 誠 不 之道 能 爲。 Ė 非 至聖之德,此章言至 章 至聖 則 而言大德之敦化 亦 此 非二 不 加 能 無 物矣。 知。 以 加矣。 至 此 聖 誠

有

天人之

異

乎?

敦,當作悼。前、當作寿。然,當作嘫。

之道 微 的,本从日作的。 之近,知風之自, 君子之道,淡 詩》作聚,古無絅字,讀去穎 詩》 此 宜作微,凡與顯對者 一、闇然一 》曰「衣 錦 加 日 尚 然, 而 章。 絅 不厭,簡而文,温 知微 當 作 ,皆宜从彳。 小人之道,的 惡 账。 切。 之 其文之著 )顯,可 厭, 思,讀 當 作 去聲。 與人 猒。 也 然 而 、德矣。 温, 闇 理, 而 故 當 鳥 日亡。 知遠 作 組 絅, 切。 子 昷

絅, 也。 實 錦 簡 加 皆作「衣錦 立 前章言聖人之德、極其盛 之美 温 也。 以繼之,是以 心之始言之,而下文又推之以 故 《 詩 • 古之學者爲己,故其立心如此。 鬙 在 絅 然。 中 之 或 褧衣」。 也 襲 風 衣 於 . 的然而日亡也。遠之近 小 錦 外 衞 故故 **褧**、絅 人反 也 碩 有 不 是, 同,禪 矣。 人》、《鄭》之《丰 H 厭 則 章 而 暴 此 之實。 文 衣 於外 復 且 也。 至 自 理 其 而 下 焉 淡 尚 尚 學 無 極

乎内也。 爲己之心,而又知此三者,則知所謹 見於彼者由於 人德矣。故下文引《詩》言謹獨之事。 微之顯,有諸内者形諸 此 也。 風之自, 著乎外 外 也。 者 前、當 而 可 有 本

作歬。

盛切。惡,去聲。愧,與媳同。 猶言無愧於心,此君子謹獨之事也。正,之乎隱、莫顯乎微也。疾,病也。無惡於志,乎隱、莫顯乎微也。疾,病也。無惡於志,

子不動而敬,不言而信。相,正音息良切。《詩》云:「相在爾室,尚不愧于屋漏。」故君

懼,無時不然,不待言動而後敬信,則其爲室西北隅也。承上文又言君子之戒謹恐室西北隅也。承上文又言君子之戒謹恐

效。然,當作嘫。 己之功益加密矣。故下文引《詩》并言其

不賞而 《詩》曰:「奏假 从彳,正音古雅切。 切,車鑾聲。 民勸,不 鈇, 怒 無言,時靡有争。」是故君子 讀 丽 如 民 夫。 威 鉞,當作戊 於鈇鉞。 ,鉞本音呼 假、當作

威,畏 際,極 如剉。 上文而遂及其效,言進 詩》,《商頌· 斫,之若切,讀如酌。 也。 其誠敬,無有言説 鈇, 莝斫 烈祖》之篇。 刀也。 而感格於神明之 而人自化之也 鉞,斧也。 奏,進 也。 莝,讀 承

君子篤恭而天下平。篤,當作篙。《詩》曰:「不顯惟德! 百辟其刑之。」是故

德愈深而效愈遠矣。篤,厚也。篤恭,言文言天子有不顯之德,而諸矦法之,則其十六章,此借引以爲幽深玄遠之意。承上《詩》,《周頌‧烈文》之篇。不顯,説見二

毛」,毛猶 聲色之於以化 詩》云: 淵 不 微 顯 其 「子懷 八敬也。 有 然之 倫 應,中 明 民,末也。」《 篤 「上天之載, 德,不 恭 庸 而 之極 天下 大聲以 功 平, 詩》 無聲 也。 色。」子 乃 日 無 聖 應 臭 德 人 當 輶 9 至 作 膺。 德 至 如 .

矣!

輶,讀如

由

所言 所謂 載 盡 又自 未足 聲臭有氣 今但言 又引孔子之言,以 詩》、《大雅·皇矣》之篇。 無 其 故 以爲 以 妙。 不 德輶 唯 聲 形 示 顯 此 無臭」,然後乃 之德 無 謂之毛,則 容 大之而 不若《文王》 如毛」, 可 派形,在 不 以 治者,正 顯 形 之妙。 已,則 則 物 容 爲 庶 猶 最 聲 以 不 爲 之詩 乎 色乃: 猶 顯 爲 有 其 不 可 不顯之至 有聲 微 可 不 若《 篤 引之以 以形容矣。 所 妙, 比 化 大 恭之 言 烝 者 色者 聲 民 而 一是亦 民》之 之 與 妙 上 明上文 猶 耳 存 末 色 天 H 務 也 詩 是 之 未 非 無 蓋 m

「微妙」之「微」,當作散。然,當作嘫。此德之外,又別有是三等,然後爲至

也

若 外尚 爲 其 古 其實 既 欲 體 以 聖 訓義中庸之道,至矣極 尚之以 而 m 從 同 文著於 近 能 學 自 與天道而 德 有 修之,則爲至 之以 者 學 事 然 功。 而 無 丽 所 乎道者 敦之, 過,不 絅 切 自 者 미 者亦 外, 則 循。 言之。 聖人體 絅 同 歸乎 慮其 以文積 丽 知 將 則 誠 其 錦 必以 一德,而 其 所 何 爲 之, 有 功,德之大亦與 ^ 在 德。 中 詩 不及 人,而 以 天 所 中, 德爲 與 於 不 得至 德 存 道 不 中, 天 미 則 矣。 圃 故 而 以 後智、仁、 云 面 本 同 得 實 自 其 自 凝。 m 可 乎, 道 矣。 理。 體 有 盛 明 君 M 無 外 以 子 不防 間 其 誠 衣 不 乎 自 自 天 而道 盛 乃 (文, 而 依 ? 錦 及 者 焉 誠 不 要其 勇 載 之, 於内 明者 可揜 則 皆 之大 其 斯文 知 夫 而 則 必 渦 有 德 所 同 與

六六

之無恒 者也。 盛,其 者也。 迹,的 焉。 之,而 厭 不淡 也。 率吾性以 亦 予人以 子爲己之道 人之異,則 乎 而 ? 簡 其文矣,故 也 而 無 藏 然 闇 君子小人 則疑 一,其 忻説 所 誠 天下之久而 所 之。 然之内 非 其 明之, 知 修 淡 忌 爲 的 有 印 淡矣。 乎不 則 則 者妄,所 者,求之於不見 惲 m 名 然之外飾 己爲 表 H 何 存 以 之 法之他 美 誠 不欲其文之著 見 習 如 備乎善 諸 爲 辨 也。 日 人之大辨, 行 覺其 哉? 之 淡 中 有 之,而 行者妄,而 章 在 m 則 者,徒 者厚, 日亡焉。 端 也。 此 而 旨 H 也。 疑乎 非 矣。 引 居 增 趣 其 有 人 之 小 不聞之地 其 之徒然者, 徇 則 圃 其 道 明 功 也。 人, 以 無 君 未 乎 發 矣。 自 天下之求 建 不可 知君 名之可 旁求 本, 子 得 諸 事 以 反 焉 以 夫 子 物 外 與 則 爲 乎 體 此 又 何 簡 唯 侈 君 小 之 者 閣 久 道 道 所 道 思 行

言行, 争者, 其 之美哉 窮, 非 緒, 不别 之規 約 備 切 者如此, 則 爲,淡矣。 審於從 不遠人而易從之理 遠 矣。 不 也 而 而 理 且禮樂於此 厭也、文也 模 特苟 也 l(II) 道 則 何 唯 ? 唯 拒 忘其 夫道 盡 入之端,以 圃 自 如 不 内 以 人 其 而 當其 夫既 乎? 温 止 以 盡 天下 以 緣 漸 推 經 也。 此 爲 其 難 飾者,唯 行 緯 漬以遠之由, 圃 知君子之道其原 人 大 不 理 誠 至,温 夫 之好: 於天下, 德 温 以 專 經 厭 文何 也 唯 然之實, 温矣。 行,人 則 之始 之必 也、 致 外 分别 何 近 矣。 不 其 求之事 如 文也、 平 簡 非 功 事 盡 乎? 物受治而 非 終身由之而 情 而 止 温 也 不 ,則遠 簡 致 則 則 爲 此 則 而 遠 理 物 知 必 本之 矣。 日用 彼 己 自 疑 非 簡 也, 也 終 者 幾 有 此 致 喻 平 有 則 各正 内内 而 不 所 之常 之 M 之 在 止 飾 其 有 嚴 理 交 學 致 足 此 實 可 見 中 不 於 條 雖 所 岭

故

荷

有

繒

往

此

可

以

知

獨

覺

也

前

自

知

魚之在

潛

者

雖

而言之,則復詧之功 所從人矣。 之明 見 在 自以謹之。 夫 而 也 有 其 忽其表見之大,則 而 於 之境,善惡分 伏 隱 於遠 闍 夫既 發乎 則 君 諸 起化以 行 天理之志 矣,人 即 而不易見 然之内乎? 子 之速 不 内者之必形諸 者 循其 起焉。 寶有 知 外者皆自 可 皆 所 行之本, 也, 昧 不 近以求之。 由 德在 以 諸 而 見 也 《詩》不云乎 有 此 亦 明 己之德, 入德,而 其 如 以 孔 微也 而 則 游 内 自其 微 則 致 風 之 念之發 有 固 止 外 以 風 之乎 似 矣。 昭矣。 即即 其 微 一之迹 達之 以終不 方動 미 德 平 미 人 辨。 矣。 從 德 不 有 1 不 丽 乎? 養之功 子所 意,一 與道 也, 所不 故 起,乃君子存 其心也,無待 於已發之時,而 成 無 自 忽 在爾之室也。 乎 非 悪 圃 純一 見而 以自 相合,而 天 其 遂其素 此 尚 公安矣。 在 理之流 言 能 之德, 馬。 己 意 爽 使 所獨 而 加 息 此

之功

党贵不

即

妄於

其微以治之。

謹

丁,其

唯

知

夫

乎

道

根

於

幽

而

如

以

爲

微

而

可

著

其

唯

知

知

其

如

風

而

迷

道

加

被

乎

萬

物

自

也

水其

如

此

則

德

在

近

示 自 持 以 入 不成 必於此 於 非 乎過 幾, 而 失之疾,則以志 則 内 反求之本 復之,復之而 皆 亦

至,其

唯

知

夫

進更有其存養者矣。 君子之存養其 於出 室則 《詩》不 理之密, 行,而 發於事物,無 正情以順性之德者也 無 而 之際, 心者、嚴謹 心 知之地乎 惡。 人不可及者,其惟 有 而 之 人欲 與物 自其静而言之,則 屋漏 云乎,夫人之欲自 理 誠 不 事 守 於 無 不足以亂之。 然,則意之所 相見之地也 矣, 正 圃 此 所 無 是幽 不 斯 念之邪,以 涉, 而 邪 使 則 或忘 此 念 以 隱 體 心之 無 不 之地 此 至 起 也 君 所 媿 相 觀 存 抑 和 人

六八

之德盛 中於未 者自然各修其職於進 祀 於物 斯 者,又豈 旨 夫 則天 此 矣。 賓承 或 合於冥漠,時 盡 德,是慎 也,而 事 矣。 淡 、動既 懈 不 者 者 亦 也 真實 理之誠 祭之肅 動 一,其 進 平 無 而 乃 詧之也 發之時, 於其 不 不言之際常有是非可 而 ? 功 由 遠 而 而 功 即 敬 化及民 不使此 穆 弗 感 然 此 不待 簡 微 者 乃《詩》言之矣。 在 則 至 不可 於 密,静亦存之也 也,其 而 謹 而 此 此 神 發焉,其成 言説 天理之森然 風 也 闇 養性以凝天之命者也。 ,善者勸 其 心之有僞,言焉 明之際、盡 妄者存矣。 行 然之中 反獻饋 心 所 丽 以語 甚 温 自 不 速, 「修其 也 動之 馬, 戒 乎? 一,而 平日 也 而大化顯著 不 而 固 否之定 其 惡 詩》 斯 際若 靡 可 闍 至 以以此 誠 者 章之用 然之道 則 夫 有 而 假 近 面 敬 E 威 參差 君 建 常 者 執 焉 理 大 事 修 子 其 爲 者 存 見 以

君子不

顯之德,豈

但

無

刑賞之迹

哉?

非

風,無待勸

也

無待

威

也

而

天

下平矣。

乃

其

德

焉

夫百

辟

皆

化

則

四

海

之

内

德

同

德,而 已也。 民沐 此。 賞以 著於 臨 非 相 諫 而 詧,修之於心 下,自生其畏懼, 詩》言之矣。 之 無 競 亦保之密 不忒者矣。 之容。 内 戒之於先乎? 怒也,而不待怒 於至德之中,自 白 故君子之於民, 德不在 境。 君子 執 功。 此言 而 之德, 以 顯 意者。自 ^ 百 乃君子之民,不但 此 詩》 也。 清 爾 誠 威 思 諸 廟之端凝,惟 敬 日 不 之, 於鈇 也。 生其 非 而 深宫之祗 ,天子之臨 盡 矦 ·但在 有 無賞 以 既 於 其 鉞 志意感孚不 民 欣 無 無 矣。 、慕, 勸 動 震 刑 不 也,不待賞 言矣, 人, 物 惕於至德之 法 賞 敬 諸 之 此静 效 在 勸 而 之 於善矣。 豈 止 理 焉 以 不 矦 肅 閒 存 爽 此 也 威 誠 有 各 聞 雝 也 也 慎 如 以 動 刑 自 亦 焉 伙 不

不

文

則

請

也

而

即

誠

學之所 己獨 其風 厚其 德至於篤 者祇存肅穆之容,念之相因,心之相續,篤 天理 至焉,則闇 君子之功化極矣。乃君子唯 ·顯之篤恭乎,而未也。 王之明 言 謹之德亦極乎 化、天下平矣。 言其與天合德之妙矣。《詩》曰,子懷 恭 德容之静,不大色也。 矣 教 ,則存諸内者不見修爲之迹,徵 以治之,不在政 也。 可 聲 而已矣。 德 馴 色,言聲色而 聖 恭 然之章爲極盛 是故 也 ,其及民者,德音之微,不大聲 至者? 則君子 圃 君 天矣,誠者 而百辟奉爲 至而 子 夫至於天下之平, 也 而豈 也 惟 圃 云不大,此可以 不可易,抑豈非 此 夫子讀是《詩》而 非無 聖 有 丽 無 夫《詩》不 即 他 人矣,誠之者 不 典 動 一篤恭 天之道矣。 道哉? 夫 可 (型,五服 教以化之, 無 加 静 純純 而 諸 言 而 見 政 下 外 爲 德 易 平 而 形者 以知 之? 也。 矣。 則 也。 而 而以 微

不

在

無

政

毛矣。 者,於無聲之中 之可似。 夫篤恭之德,則豈有一象之可 之先,不有其本焉者在乎,而《詩》未之及 者使民 有之矣,上天之所以運其品物流 愛敬之志,此則末 論之曰、《詩》言明德,其未 天之所以爲天者在此,而篤恭者亦即於 運 非 識 《詩》又有之曰,德之在 觀夫子之言,則 象求之? 夫毛至輶矣,而以之擬 是尚未足以窺篤恭之真 其 聞 形 此 測也,不可以志力持 氣者 其聲 也。 可 以 非 而 無臭之中 見 有 有一迹之可 氣也。 動 不 載 也。 啟 焉, 顯之篤 未 迪之情,見其 夫聲未聞、 夫至於無聲無臭 聲 足 有 依 至乎 以 載 恭 人心 德 也,其輕 形 循 窺 焉 也。 乎, 猶 ! ,而妙合其 篤 而 也,不 臭依氣 行之化 恭之本 《詩》又 以 有 而 色未 夫化 色 也 迹 倫 猶 而 執 見 求 如 可 類 牛 民

明者 之爵 矣。 以之而爲聖,而下學者但從闇然之中 此 且如此。 之,以幾乎存養復詧之至 M 1,明此 化者,在 大哉,此 純 其 小德之川流者,在此 德 丽 焉 篤 己。 此 恭 斯 丽 平 可 是 己。 以 何 1 著 也? 天以之而爲天, 誠者,誠此而 不 一密,則 顯 君子中 而已。 篤 其心 恭之極 庸 大德 量 前 己。 之 聖 亦 人 至

所行 此 道本之於性 下之大本,中節之和 無聲無臭之真理。 則見爲仁,因所恒恃則見爲勇。 一,而性 即天。 爲天下之達道,無非 因 [所知 故未發之中 則見爲 爲 乃 以 天 因

發見於所修之道,極於至 功 無 化 閒 加 者,皆以 君子所依之道,下學者亦 此 爲隱 矣。 大而 唯 聖者爲 無外、至 必 能 於 小 恭

其

面

此

mi

人德。

此合生安、學利、困勉於一塗,

而

内

聖

外

Ē

之無

二理。

不明

不行,民尟久

吾唯

敬

述其傳,以

俟君子云爾

溪,當作深 學者其可不 約言之,其反復丁寧示 於無 其本,復自下學爲己 馴至乎篤恭而天下平之盛,又贊其妙至 第三十三章,子 聲 無 臭而 盡 心乎? 後已焉。 思 因 謹 人之意,至深切矣。 前 前、當作寿。 獨之事 蓋舉 章 極 致之言反 推 篇之要 要,本作要。 而 言之, 而 求

以

右

七 世 孫世全半溪謹 刊

書訓 義卷二下終

四

### 論語序説

老子。 平鄉 滴 問政二事。 申,孔子年三十五 養犧牲之所。此官即《孟子》所謂乘田。 云:一本作「委吏」,與《孟子》合。今從之。 及長、爲委吏、料量平。委吏、本作季氏史。《索隱 十二年庚戌之歲十一月庚子,生孔子於魯昌 其先宋人。父叔梁紇,母顔氏。 畜蕃息。 齊 爲 陬 史記 既反,而弟子益進。 邑。 高 公欲封以尼 職,見《周禮·牛人》,讀爲機、義與代 昭子家臣,以 世家》曰:孔子名 爲兒 嬉戲 <del>一,</del> 而 昭 谿之田,晏嬰不可,公 常陳 公奔齊,魯亂 通乎景公。 昭公二十五 俎 適 以魯襄公二 豆、設禮 丘,字仲 爲司職 周,問 有聞《韶》 同 年甲 禮於 於是 蓋繁 吏, 容。 尼。

之。 爲陽虎而拘之。有「顏淵後」及「文王既没」之語 濁 公以孔子爲中都宰,一年,四方則之,遂爲 以此以上皆爲十二年 魯國大治。 六,攝行相事,誅 墮成,圍之不克。 由爲季氏宰,墮三都,收其甲兵。 孟氏 于夾谷,齊人歸魯侵地。 空,又爲大司寇。十年辛丑,相定公會齊 召孔子,欲往,而卒不行。有荅子路「東周 子,孔子年五十一。公山不狃以費 退 强 魯。定公元年壬 惑之。有「季孟」、「吾老」之語。孔子遂行,反 鄒 脩《詩》、《書》、禮、樂,弟子彌衆。 僭,其臣 郊又不致膰俎於大夫,孔子行。《魯世家 家。《孟子》作顔 陽虎作亂 齊人 事。 歸 辰,孔子年四十三,而 少正卯,與 十四年乙巳,孔子年五十 離由。 女樂以沮之,季 適衛,主於子路 專政。 適 十二年癸卯,使仲 陳,過匡,匡 故 聞 孔 或 政。 子 不仕, 畔季氏 九年庚 桓子受 妻兄顔 語。 三月, 人以 不肯 季 定 侯 既 司 而 氏 乎

七二

家。 蔡臣服於楚 陳、蔡之閒。」有 子,孔子將往拜禮,而 湖耦耕、荷蓧丈人等事。 則絕糧當在此時。 成」之語。 家。 一德」語 同 語 子欲 (與)之歎爲在此時,又以《孟子》所記歎詞爲主司城貞子 耳。 其 還 ,疑不然。 將 靈公問 居 衛, 臣 西見 及微 孔子 往 三歲 糧當在去 止 晉趙氏家臣佛肸以中牟畔,召孔 若 主 ,亦不果。 服 之,康子乃召冉求。 蓋《語》、《孟》所記,本皆此 趙 楚王來聘 [陳,不對而行,復如陳。 「愠見」及告子貢「一 如 而反于衛,靈公不能用。 去適宋 遽 過 簡 宋事。 蔡 伯 季桓子卒,遺言謂康子必 衛 子, 陳、蔡大夫發徒圍之、故孔子 及葉。 玉 如陳之時 《史記》云。「於是楚昭王使人聘孔 孔子,陳 司 家, 有 至 又 苔子 去 河 見 馬 有葉公問苔、子路不對 南子。 適 路 桓 蔡大夫安敢圍之? 而 貫」之語。 楚 陳 反, 「堅白 魋 昭 欲殺之。 《史記》以 一時 Ŧ 主司 又主蘧 有矢子路及「未 語 將以書社 語,而 及荷賣過門 據《論語 有「三年 城 是 所記有 絶糧於 《論 召孔 有「天 伯 貞 時 且據 子, 沮 陳、 語 子 玉 有 葬魯城 + 之數。 矣。 語。 六

異 時 子

事。 孔 生

解

言》。有「假我數年」之語。弟子蓋三千焉,身通六 兄弟」及荅子貢「夷齊」、子路「正名」之語。 地七百里」、恐無此理。 藝者七十二人。 子亦不求仕,乃敘《書傳》、《禮 魯,實哀公之十一年丁巳,而孔子年六 地封孔子,令尹子西不可,乃止。 語》請討陳 孔子之道。 氏將,與齊戰有功,康子乃召孔子,而 時靈公已卒,衛 「損益」、「從周」等語。 序《易 有對哀公及康子語。 年 孔子作《春秋》。 北 £ 际恒事亦 十四四 泗上, 戌 . 彖》、《繫》、《象》、 四 在是年。 年 弟子 月 君 庚申 弟子顏回 删《 己 輒 時則有接與之歌。 丑,孔 皆服心喪三年 明 詩》正樂,有語太師及樂正 欲 然魯終不能用 有「知我」、「罪 魯 得孔子爲 年辛酉,子 最賢,蚤 西 子卒,年 狩 獲麟, 死,後唯曾參得 記》,有「紀宋」、 説 政。 IIII 《史記》云「書社 我 路 又反乎 冉 等語。 有「莫我知 桂 孔子, 七 而 办 孔 有「魯、衛 求 》、《文 去,惟 + 於 十八 子 爲 衛 孔 歸 季

180

L

於曾子,而孟子受業子思之門人。 先卒。伯魚生伋,字子思,作《中庸》。子思學子貢廬於冢上凡六年。孔子生鯉,字伯魚,

論》同。」 「假氏曰:「《魯論語》二十篇、《齊》、《魯明有《問王》、《知道》,凡二十二篇,有兩《子中,分《堯曰》下章子張問以爲一篇,有兩《子中,分《堯曰》下章子張問以爲一篇,其二十篇,《齊論語》同氏曰:「《魯論語》二十篇,《齊論語》

蹈之者。」 知好之者,有讀了後直有不知手之舞之足之 者,有讀了後其 之門人,故其書獨二子以子稱。」 程子曰:「讀《論 程子曰:「《論語》之書,成於有子、曾子 八中得一 語》,有讀了 兩句喜者,有 全 然 讀 1 無 後 事

》,未讀時是此等人,讀了後又只是此等程子曰:「今人不會讀書。如讀《論

語

### 人,便是不曾讀。」

已曉文義。讀之愈久,但覺意味深長。」程子曰:「頤自十七八讀《論語》,當

時

後覺者必效先覺之所爲,乃可以明善

而

復

## 四書訓義卷三 論語卷一

宋朱熹集註 明衡陽王夫之訓義

論語

#### 學而第一

道之門、積德之基、學者之先務也。凡十此爲書之首篇、故所記多務本之意。乃入

學之爲言效也。人性皆善,而覺有先後,子曰:「學而時習之,不亦説乎! 説,弋雪反。

之也。 作 時習也。 數 氏曰:「時習者,無時 浹洽於中,則説 已矣。程子曰:「習,重習也。 之,則所學者熟, 其初也。 孰 飛 也。 齊,莊皆反 時習之,則所學 立如齊,立時習也。」熟,本作飘,或省 説,喜 習,鳥數 也。」又曰:「學者,將以行 而中 意 飛也。 也。 心 而 者 不習。 喜 既 學之不已,如 在我,故 説 學 ,其進自 加 時復思繹, 坐如尸,坐 又時 説。」謝 不能 時 鳥 習

也。樂,音洛。 也。樂,音洛。 不亦樂乎! 來,當作來,來,小麥

又曰: 子曰:「以善及人,而 朋, 同 類也。 「説在 心,樂 自遠方來,則 主 信從者衆,故 發 散 在 近 外。」散 者 口 可 知。 本當作 樂。」 程

人性皆善,而覺有先後,「人不知而不愠,不亦君子乎!」愠,舒問切。

椒。

散乃散字之俗文。数

雜肉也。

焉 愠 君 日 愠 學 耳 成 者逆 子 在 含 0 雖 己, . 怒意。 亦 愚 而 樂 日 難 謂 知不. 程 於及 學之正 故 子 及人而 君子, 知在 日 人, 惟 成 不見 習之熟 樂 人, 成 德者能之。 樂 者 德之名。 由 何 是 順 説 愠 、説之深 而 而 之 面 易,不 無 有?! 後 悶 然德 尹 得 mi 知 73 氏 非 不 之 而 所 程 所 E 子 樂 不 謂 .

之, 者,誠 能 諸 他 則 頒 m 訓 義 所 日 求 求 有 心 知 孰 遇 效 乎 以 夫 有 H 則 ? 自 焉 子 而 面 所 進 有 成 涣 於於 不 日 得 所 以 面 其 然 失 於 未 大得 不 是 君 德 無 也 學 己 知 子 mi 疑 而 者 也 乎 之終身 有 則 於 不容 H 而 情 學。 奴 斯 用 求 於 身 時 1已焉。 之事 覺 外 所 天 於 於學 也 焉 效 焉 學 所 天 而 而 覺 隨 所 而 内 而 下 徵 服 mi 所 未 不 又 也 之 習之, 諸 爲 涵 能 自 安 而 理 行 泳 事 者 而 信 已

表,而 之自 外 已定 之情 心 之情 mj 立 勸 趣 阻 願 已 滴 圃 未 T 博 物 不 然皆 不 相 求 而 而 争近 ·古無 矣。 遠 嘗 矣。 以 有 斯 引 切 有 於己 能 志 相 來 學 遷 不 深 順 同 而 磋 阻 操之正 就 憾。 也。 乎 天下 小之功 德 亦 領 0 也 流 益 之益, 無 之也 以 於 長,鼓 於 斯 悠然相 可 疑 學 學未嘗 人不 道 之未 和 幽 不 斯 以 焉。 有 豫 而 亦 口 獨 不 譍 利,守性 於 誠 舞 知 以 感於道 樂 以 自 者 知 者 亦卓然 君 若 斯 之機, 時習 天下之既 焉 成 利民物之用 乎 有 自 乎 與 相 時 是 信 學 其 1 同 之求,名不必成 無 也 也 情 也 者自 品品 者 義之中,而 學焉。 獨 氣 於是 以 於 之正 講 以 行 立 志 未 自 生 是 知 遠 習之下, 慰 者 於流 相 足 信 而學之志 其 而 有學者 平 ,功不必 大爲期 資 道之云 以 而 學之業 興 面 而 俗 致 起之 不 欣 而 或 獨 愠 朋 隨 畼 益 得 故

不足以

語

君子。」然,當作嘫。

深,宜

作突。

矣,固 也。 故 其志於學焉,不容已也, 之立、名之著者爲君子乎? 便者 事,則即 將見吾心之他 也 个也,待 君子之學,有終身焉耳。 則不知學之可 爲 乃一其志於學之中, 亦成乎其君子矣。 説乎? 此學之中,而固 人之知以 有可 志之 説 立 説也。 所 可 德 樂 得 立 則 而盡 亦 實則不自己 者 而決爲君子, 天下之自有 功 何必 説矣, 誠 爲樂乎? 而 其 知此 後 以情 心 固 於學之 爲 亦樂 圃 之所 君 也。 功 子 口 抑

也,音同義別。 作政。鮮,當作別,鮮,魚名,義無可假。亂,當作為,亂,治矣。不好犯上,而好作亂者,未之有也。好,當矣。不好犯上,而好作亂者,而好犯上者,鮮有子曰:「其爲人也孝弟,而好犯上者,鮮

事 有 少少 兄 子,孔子 長 也。 爲 弟。 作亂, 弟子,名若。 犯 則爲悖 Ŀ, 謂 善事父母 Ŧ 逆争鬭之事矣。 犯 在上 爲 之人。 孝,善

孝弟是仁之一事,謂之行仁之本則可,

君子務 不好作亂 此言人能孝弟,則其 本,本立 也。 長,上聲。 而 道 生。 心和順,少好犯上 嗣 孝弟也者,其 ,當作鬥 週 爲 小必

之本與!」與,平聲。

自此 謙退 至仁 或問 後仁 故不好犯上,豈 謂 務,專力也。本,猶根 有 根本,根本既立,則其道自生。若上文 心之德也。 仁以孝弟爲本,論性則以仁爲孝弟之本。」 本,本立則 孝弟,乃是爲仁之本,學者務此 愛及於物,所謂親 不敢質言也。言 否?」曰: 而生也。 「孝弟爲 爲仁,猶 其 「非 仁. 道 復有逆理亂常之事 程子曰:「孝弟,順 之本 充大。 也。 君子凡 也。仁者,愛之理, 親 行 謂 此 而 孝弟 行 是 仁民 仁自孝弟始, 由 事專 與 行 孝弟 者 也。 於 則 用 家, 德 疑 故 力於 仁道 叮 也 德 以 而 所 爲

與! 愛 曷嘗有 也 是仁 親, 之本 』」愛,當作悉,凡愛字皆同 性 故 孝 中 則不 弟 只 曰:『孝弟 來? 有 可。 箇 然仁主於愛,愛莫大於 蓋仁是性 義、 也 者, 禮 其 智 也,孝弟 爲仁之本 四 者 而 是 已 用

矣,且 孝 非 所 所 夫盡天下之大,古今之遠,人之所 爲萬 訓義 與君子 m ,弟者 孝弟 行,唯 氣 待於外,心之所切, 心也,志之所自定也,氣 則 隨 行之原,蓋嘗 有子曰, 有 風 之流 德業之自, 也 何足以 好犯 俗 此一心而 之不 如 莫能 上、 君 使 善,有 當之? 子之道大矣, 好作 其 禁也 已矣。心之始發,而 曠 而 爲人也, 觀 知 蜀 犯 而 引,然其 果 於天下善惡之幾, 者矣。 今極 上 不容已於中 之所 無 者矣,有 以 因 平 人必 而 加 志 自 其 其 必 於 順 性 下 不 志 以 作 妄動 此 也 之所 知 而 與 孝弟 亂 則 矣。 有 者 言 其 此 無 而

之,而 中,而 近,而 其 所 情 事 無 成天下之務,以通天下之志,及於民 圃 之良,有 者,不必深 悖逆之爲,未 好犯上者鮮矣。 口 言之,則盍觀 而 務 遺 兄長 情之所發,遂忘 非 忘。 自 一發,而 者,非 技於流 道者也。 者 情 於犯上之事, 成乎情之不 也。 非 圃 以 自 調修 能 必 静 明於名義之正,自處 激 順 俗 弟焉 乃吾嘗見君子之所 之君 調 卻 焉。 成 有 有 其爲道也,推 夫 萬 其 乎 然者 事 猶 則 迷, 子 物 萬物,而 血 蓋 逆 亂 固 而 樂爲之者也。 乎? 耳。 雖 雖 而 氣 荷 期 有 之所自 則豈非不失其本心 習 在 孤 效 也 拂 事 習 乎? 不 俗 守此一 於 君 然 父 但 此 氣 好 移 衆 作 母 子 而 此 之,時 者,無 交染之中 犯 心之德 理 而 於寡 不願者, 極 務 唯 一念之 念,而 E 前 能 若 矣。 乎 犯 孝焉 過 當其 物 E Ŀ 丽 則 勢 所 之 其 不 mi 於 之 泊 其 則 而 往

之氣 理。 養其 實。 失其 此 君子 推 治。 不 之本,而此心又爲吾身之本。 志之所 矣,果以 性者,又 起 事 而行之者漸 孩提 之道 不恣 ,而以長養萬彙之道,因之以 父 心於敦愛敦敬之中,則薄 於 蓋 静其氣於爲子爲弟之内,則夌 此 日 其 依 無 爲 皆自 <del>一,</del> 而 稍長之心,以極致乎盡 而 所務者 而 歉 唯 萬 盡 思 以 於性者成乎德 勤 念之本。 丽 此 之,其 其 包容庶物之道, 「,本 而 廣 孝,事兄長 事 生矣, 焉 也 , 因 所 而 務其 以 以 吾身 則孝弟是已。 類 爲 端 丽 行矣, 面 此心 本 待 仁之本 達焉。 衆 爲 盡 丽 生人 誠 因 理 天 其弟,不 之以 生其 厲 盡 則 本 乏 地 之 凡 之意 道之 所 因 天 與? 既 所 民 牛 下 條 即 爲 以 於 立 物 自

> 兄長 智之大 未之前聞 日 不 中 有 善 法 事 而 内 禁 成 者 必 顧 有 其 以 存 也 而 德,不 焉 治 以事之者焉,反之吾心 有 亦亦 父 小人,有 母 盡 可 焉,有兄長 諸 驟 此 求 功 之於 而 德 已矣。 以 功 焉, 成君子,吾 名 舍是 有 而 志 父 不 願 而 容 13:

子 學者 巧,好。 矣。 日 色之非仁,則 於外,務以説人,則 : 「巧言令色,鮮 所當 聖人辭 令,善也。 湙 戒也 不迫切 知仁矣。」説、弋雪切。演、宜作突、 矣仁。」鮮 好其 人欲肆 專 程子 言鮮 言,善其 Ė 而本心之德 則 作尟。 「知巧言今 絶 色, 無 可 致 知 飾

者,修德之功 訓義夫子曰,爲學之道,有 有 可 外者,成德之騐 以 吾安能 不 知 所 遽謂 省 也。 也。 也。 故 人之獨鮮 夫仁者,人心 人之有言有色,誠 有 治 乎 存 哉? 外 V 以 中 之 養 以 而 所 其 於 著 司 不 中 平

其

含

弘。

故君子之務本,亦務

諸

此

IIII

己

成

則

其

哉

孝弟之不

미

Ë

愚

不

肖

之

其身,不待遏之於情動

氣隨

之日

賢

焉,而 之善 賏 論 欺 色 其 心,而心猶 也 一徵之,則有 善 所言者不 不 唯 善 如其 也 有 信其仁之泯絕者。 盡 即 心之所見而質言之, 存者。 於 其 此 未 焉。 善 乃所知者 恃其 而 尚 口 有 言且 博 正 Œ 於此 則 之 辯 之 以 無

心,必 此 謂 能 其 於 才可 言、色,使一出 莊 論 類 蕩 爲 心 其 巧 可 也 色也 者 於 莊 以 言 以 心盡於言、色之中,而言、色引其 無求美於言、色之理 而 蓋 外, 動 唯 不 動 也,令色也。 心 人之視,而 ,則若有 如 莊 人之聽,而 鮮矣 猶 無 其形 也 所 有 於誠 其 存者。 愧 即 之固 可觀 能 其未 作, 然,則爲 仁也。 遂 遂任意以 心之用, 然 則 矯情 焉。 莊 乃 而 亦 内 前 坦 恃其有矜飾 而尚 無 故 以 存 無 出 言之。 所 所 人 唯 爲 其 心之始 之, 可開之使 以 荷 怵 色。 言、 (實馬 則 有 惕 防 色無 心 色 閑 事 是 色 事 其 於 若 以 而 所 之 愐 根

,外内交養,君子之所以自省其身心者,

此

乎? 與朋友交而不信乎? 傳習子曰:「吾日三省吾身:爲

傳不習乎?」省

人

謀

而

不

忠

悉井反。

傳於世 思、孟 忠。 盡 出 故 爲 得爲學之本矣。 則 謂 曾子,孔子弟子,名参,字子興。 之學,專 心乎! 於聖人,其後愈遠 動 傳習之本 改之,無則 熟之於己。 必 以實之謂信。 子可 也。 求 用 諸身。」謝 熟,本作飘。 見矣。 心 其幸存 也。 加 於 曾子 勉,其自 内, 而三者之序 惜 以此 加 傳,謂 故 氏 尹 幸、當作奇。 而 乎其 未 傳 氏 曰:「諸子之學,皆 愈 治 三者日 泯者,學者其 之 失 日 受之於師 嘉言善行,不 誠 無 : 其 切 一曾 獘。 真。 則又以忠信 省其 如 盡己之謂 子 此 獨曾 觀 身, 守 可 可 於 約 不 子 子 有

八〇

訓義 曾 子 力 行 誠 身 之 學,而 自 立 之 程

其 與? 也。 省之, 者,非 之能 而 承 信 所 吾 盡 多矣,尚日省之乎 於吾身者有 吾 也。 身 5今而 當 吾 自 吾 必 信信 忠 盡 也 慮之及以詳 ,此之謂 之已能 有 吾日省之。 盡吾心 吾身所有之 前之能然,勿謂後之不 知 如 爲 IIII 即 顧 吾 人 功 Œ 三,而 既 吾今日之所 身之甚 乎? 也,必 有 之 不 恐 已 誠。 知 所 其 其 知 心之所 理 以 謀 信 念其 三者之中, 不 理 其 重 也。 不 詔 爲 能 當 省之者,勿 也 而 之學。 誠 吾之已 庶其 則 忠 有 未得 如 就 則 而 喻 事 也 此 自 吾 見 不 自 忠乎? 而 所 失 勿 今 爲 可 將 謀 丽 能 事 盡 自 皆吾 計 口 也 謂 以 當 不 謀 而 有 將 求 自 身 往 然 求 其 事 而 所 之克 謀 今切 0 之理 身之 之於 吾 其 實 與 疑 遂 E 礙 日 未 知 消 诵 得 者 吾 口

既 多矣。 乎? 在 勿 不 交。 省 是 有 也 ൬ 加 有 不忠,而 見見 習乎 受所 所 義 日 或 必 行 之,則己之未 未 忽乎 與有 乃 已信,從不信 遂 違 能 也 吾知 爲 ? 精 傳 違 以 夫 心 能 難 因 而 ? 言 誠 其 吾安可 所 而 勿勉 吾 其 也 IIII 心 處 始 是 業 可 爲 姑 當 亚 以 小小 乎? 人 乎? 盡 吾 未 行 任 有 已習之, 信 行 也。 能 者 所 以 意 白 者 以 所 增增 於言 傳 以 不 省之, 以 而 而 不少矣。 是 憚 我與友交,而 勿 所 誠 信, 發 E 行 未 平 修之而 而 盡 乎 恐 合 能 已 而 可 則 猶 而 ? 學 其 於 以 知 言 忠 能 見 恐 己之未實者 夫 也 心, 不 誠 德乃 者 雖 如 其 爲 勿 吾 從 待 能 其 不 尚 易 未 尋繹 警 有 安 勿 不 (固,不 信 友 執 心 之習 其 m 平 所 口 忠 也 也 之 已 或 ? 以 與 以 以

而

言

姑

止

平

情

有

所

難

丽

意

且

沮

乎

?

<sup>0</sup> 今」,原誤作「念」,今據啖柘山

子曰:「道千乘之國, 事於斯 習,從 專。 身也 果能 ,使民以時。」乘,本作藥,今作去聲讀。 所自 也。 信者 習也,吾身爲之而已矣。 千乘者也。 道,治也。 誠身之學也,所爲守之約而行之篤 夫安可 不能我責 一、敬其 言治國 致者身也。 此, 亦 不 一而 以不 程子 唯是操不自信之心,日復一 耳目 習以 亦 千乘,諸侯之國,其地 尚 事而 足以 敬者,主一無適之謂。 習,而容自怠乎? Ė. 之要,在 也,友不能 盡 其 省之, 則 信 加 所可知者理,而 治 「此言至淺 警乎! 心思盡,行業 於民 其 敬 此 則學之未 (國矣。 事 五者 我必也,師不能 也。 而 所 嗚呼! 信, 然當 一,亦務 時,謂農 與 聖人言 至 酬者 凡此三者, 專 節 可 愛,當作悉。 所 者多 也。 則志 用 時 本之 必 敬 出 此 日 雖 隙 兵 曾 以 行 事 圃 之 子 從 者 我 意 車 愛 至 矦 Mi 氣 面

> 之。 謂五 胡氏 及爲 時,則力本者不獲自盡,雖 身先之也。《易》曰:『節以制 下疑 人不被其澤矣。然此特論其所存而已,未 民,故愛民 已矣。」楊氏曰:「上不敬則 之治亦不過此。 近,上下皆通 不害民。」蓋侈用則傷財 **煦作農者**,隸省。 政也。 者反復相因,各有次第,讀 日 : ,下慢而 「凡此數者,又皆以敬爲 必先 苟無 疑, 此三言者,若推 若常人之言近,則 於 事不 是 要,本作宴。 心 節 則 立矣。 用。 雖 有愛人之心, 然使之不 傷 有 下慢,不 敬 財 ,當作账 度,不傷財 政 其極 必至於 者宜 不 而 一行焉。」 主。」愚 淺 信, 信 以 細 堯 近 其 害 以 則 推 而 而

乘之國,大國也,事繁而人衆,而欲使之各以行之者,則在人君之力行者耳。今以千焉,有庶政之必修者焉。然政具在,而所焉,有庶政之必修者焉。然政具在,而所

於儉約 節者 以盡 有要焉 面 令不 就 焉,亦有 誠 則何以爲施令之準哉? 其必信矣。 以出令言之,在常者不一,而在變者 之主哉? 理、達其情者,所以道之也。 巨,而慎其始,尤戒其終。 大者必修, 物自 示之也。 其 無 ,以始以終,而下所遵,必上所 事之宜者,皆此不 條 同而所以示民之從者,皆此不 足以 有不 ···; 則 理 不 事 其 足 而 不 以 給吾之用 裁 各有 用 催敬 口 而 小 政 損 亦 者 節 不 無 理也 多端矣,有有餘 平 亦不 者且 容已於用 不 唯 1 舉 也 不 ,人各有情 敢 有 可 而 以 廢,何 忽之心盡 其 民 人亦 則事 事之至,無 奢侈之心用物, 者, 漸 以政事言之, 無 次 不 不齊矣,有 不同 而 以 也 順 -相欺 而 念 丽 爲 、守,則 I無恒 之也 \_ 令 常 用 荷 而 微 制 因 則 在 者 之 其 口 所 無 事 古

令之也。 君事焉, 動 以治天下, 人自從也,於千乘 此一心,臨乎萬民 隙,事自有期,勿曰 矣,勿不待期 勿待事至,而 民之道,亦多端矣。 人,而人自有以信吾之仁。 治道於斯盡矣。 邑,倣之而 而要之不可不以其時也。 可愛者 於 惻 必致其懷保。 隱 以 以此數者 推之 分義言之,皆使 無異 則 至,而 迫之 不 桁 可 Щ 而皆此 愛 亦 於一旦。 而 吾所使者正 無 分職 急 則 何難之有哉? 者 治 唯不 異 求 能道 .國,行 且 理。 其 任 有 一理,事 前此者有時 成。 民 以 功,或繁或 有國事焉, 千乘之國者 其 小 後 威嚴之氣 乎 爲之耳。 <del>"</del> 矜容 <del>M</del> 此 蓋 萬 自 者 以 農 唯 事 大而 集也 治一 吾之 自 有 而 而 簡 使 有 有 皆 時 苟 加

衆,而 子曰:「弟子入則 親仁。 行 有 餘 孝,出 力, 則 則 以學文。」「則弟」之 弟 謹 而 信, 汎

口

用

吾

愛者

焉

有不

可

用

吾愛者

前

情常

汎,廣 野。」 《詩》、《書》六藝之文。 仁者。 非但 成法,識事 以入德矣。」洪氏 也。 謹 則文滅其質。 文,非爲己之學 子之職,力有餘 者, 失之於野 文藝,末也。 愚謂力行 也。 行之有 餘 力,猶言暇日。 理之當然,而 衆,謂 常常 有餘 而不學文,則無以考聖賢之 而 也。 則學文。不修其 也。 己。 衆 曰:「未有餘力而學文, 窮其本末,知所先後,可 力 人。 而 尹 藝, 信者,言之有 氏 所行或出於私意, 不學文,則質 親,近也。 本用 以 程 日 介用 子 埶,加 : E 也。 「德 艸 職 「爲 加 行, 文, 實 勝 而 云、俗 也。 本 先 謂 謂 而 弟

訓義夫子曰,學者之所以學,教者之所 教,皆有其當務焉 生平之志行矣。 前 引之以流俗之習尚, 於始 教之日,早已 則 定 以

Д 書訓義

我卷二

論

語

卷

私

、當作ム。

學乎? 乎? 常也 微 愛弟子,而弟子無容其有擇 若其言也,自有其可言之實也,唯必信焉 其敬之實焉。 爲弟,侍乎几杖而不敢亢,則 事之爲孝,依乎膝 之心,因必修之事,盡可爲之力,而教者 弟子親仁,仁者亦樂與之親也。 有仁者矣, 而 其職可約略而言之矣。人而 此教,學 日 不任其情 生其愛之誠焉。 趨於卑下而 則 無 妄據爲高 唯加謹 怨 者 教弟子者而欲 而 可 無 亦 以爲 則 以 惡 焉,不任其意 如其有 無 可 此學而已矣。 明 而 辯 所 效,而足以爲 加 下而 出 不容生忮 論 咋 無其實。 事 而 不忍違, 正其所學乎? 也 有 與 推 自 長 相 之 而愛也。其 加 焉,善以 有親焉,善以 於性 接 無 忌之心。 今弟子 有 夫 以 因依之主。 者 所 則 操此 其 亦 爲 不有 待 命 無 執 就 作輟 事 之 事之 加 所 前 固 中 衆 致 > 以 精 待 則 欲 有

191

於學, 將 之事 之爲 學但 IE 且 而 詞 必 孩 古之人有遺文矣,先生長 則 以 日之以 "; 7,其 則 發 提 無 遷 力之餘 衰 爲 一》、《象》、《勺》之氣不 物。 前 氣盛 亦易 此 安 而 心, 心 與 固 ൬ 而 明 者 絃 知愛,稍 直 智 但 所 勿 然 ൬ 倫 以 亦 也,而弟 計 操 相 族 行 敢 m 者 内 與 察物 易 見 憚。 敬 縵、 黨之人,所 生 怠 止 竭 相 功。 則 恐 庭 長 荒 何 而 其 狎 而 離 物 自 闡 焉。 子不 而 時 行 所 進 乃情 誠 經、釋詁之功, 欲 則 H 此 憚 之 知 平 德 相 情 外 節 敬 可 其 無 Mi 以 慕但 而 者 乎。 且 易 誘 者之 修 恒 弛 此 以 未 不 也 動 所 相 數者 修? 戲 其 脚 則 慈厚之士,所 因 甚 而 言 是弟子之必 物 則 離 所傳 職, 渝 相 且 其 慮 愛 態 IL 以 加 與《 承 酬 、情之所 其 譍 行 賢 惑 恐 則弟子 而 其 思之, 之也 也 酢 詩 對 之必 者 性 Á 教 致力 則 他 也 之 此 者 之 以 言 能

進 之道 爲 與 亦教者之所必慎也 而 流 此 俗 亦 也 非 宜 同乎陷 難 虚 嚴 慕以亡實 又 以 鳥 溺 立 容 防。 ൬ 不 高 矣。 勉 遵 明之德業亦 以 此 此學者之經, 自 道 也 盡 ? 下 循序 之必 而 教 漸 不 者 而

子夏 吾必謂之學矣。」 致其 日 身, 「賢賢易色,事 與朋友交言 文 m 母 有 信 能 竭 雖 其力,事 日 未學, 君

矣。 皆 必謂 己。 也。 子夏,孔子弟子, 美,必其 愐 倫之大者,而行之必盡其誠,學 所 易其好色之心,好善 故子夏言有能 學 以 之已學 委致其身,謂 之爲 明人 務學之至, 道 倫 也 也。 一,何 姓卜,名 不 以 雖 如 能 游 有其 加 是 是 或 氏 有 此 四 之人,苟非 以 曰 : 身也。 ? 者 誠 商。 爲 也 未 子 「三代之學, 則 賢 嘗 夏 求 於 四者皆 致,猶 爲 人之賢, 以 人 生質之 如 學,我 倫 文學 是 厚 委 而

閒 氏 抑 曰:「子夏之言, 而 故《學 上章夫子之言,然後爲無獘也 揚 其 大過,其流之獎,將或至於 言 而 如 此,則古人之所謂 篇,大抵 其意善矣。 皆在 於 然 學 務 詞 者 本。」 廢學。 氣之 好,當 可 旲 知

作政。

「大過」之「大」,音泰。然,當作嘫

文乎? 者,固 逮,而 也哉? 既 聞 訓 三者之理未明,故 賢賢易色」也。 得 事 習之非 盡 發不自禁而 子夏日,夫人之必 將 願 焉 之,心之所不可昧 今使有 情之所 以 與 唯恐其 力行 親 虚,乃學之實也,而 馬。 人於此,所以 之也。 必 爲好色者盡 知 遐棄我 動 其賢 慕 學 丽 之溪,唯 以 能 務於學, 閑之,性之所 而賢 求 也。 力 而 知之。 行焉 不欺之,恐 之,自以 忘之,而一 正其情者, 於是極凡 恐 豈 將 其 求 但 而 以 或 以 知 爲不 後 不 何 疏 用 人 則 之 其 見 此 容 爲

之所可 友交言 蓋 者? 既事 父母 母能 其貞 奪其 身者有 若人者,既以身而 功,亦足以文其兩全之隱,不能致矣。 而 其專事之忱,不能 之於賢, 或分之妻子。 本無可 能致 身受其辱,則 君 者 竭 者 好 乃 ;諉,而 如此 也。 爲, 唯 其力,事 有 色。 而 榮 以 則身爲 此 有信」也。 如 即 而 好色之情 則 此。 則 力 即立 身 事之所 或諉之兄弟。 其 所以 其 耳, 心或憚之。 受其 君之身矣,孰 君能 因 所 發 許君,則 竭 孰 其 |身揚名之説,亦足以 不欺 以 乎情, (榮,則 必盡 好賢, 與 矣。 致其身」也。 不 性全其愛敬 盡 朋友交者,非 知 X 其心 其 蓋 其 止 圃 不 性 情 而 即 當當 若人者,但 本 乎 知己之有身, 者, 能 不 或 者,則「 以 委 禮 無 竭 ·知其當 曲 好 迷 竭 則「與 可 者? 前 「求濟之 吾之事 賢 之。 也。 分, 之情 但 忘 事 而 致 朋 其 吾 奪 以 ௱ 力 乃 父 得 而

之至? 其大 之内 已不 言 無事 力行 説 親 以 時 交者有 以求合。 之,皆實 之,日就古人之迹而摹放之,而 有 實 而 師友之閒 也 一之真。 無不 用 信於心 於學焉,亦 使 者皆學之實 所 可信諸 ൬ 而 前 其 如 未 吾固 有其信,而 相 終 更進 窮之理。 此 則其根乎心以立 詳 盡經之緯之之變。 之以 與 無 心者,猶或不信於其 不 則 有以深信 往 而 而 不 使當吾 然, 無 來 無 有 求 盡之道,則 必 也, 望其 或其 議 唯 所 H 詳 踐。 非 其 非 之 讓於先學,而 取 世 於學焉 偶 信之於後。 言 其 知 者 聞 古 乃從 丽 然之不 所 之 日 見 人 有 乎誠,而 唯於性情 當 得, 明 未 之書 有 斯 其 即 言 亦 學 所未博, 人也 而 終其 始 爽 **\$** 而 後。 之 不 乎 與 當言 守 末 而 爲 謂 過 何 無 時 ', 乃 身於 始之 其 心術 於君 妄於 誦 窮 此 以 勉 而 以 而 攷 學 勥 習 理 廣 行 所 論 之 早 mi

覺,即天下雖許之爲學者,而又何足

八六

不

美哉?

子曰:「君子 所學亦不 者必不能堅乎 重 厚重。 堅 不 威, 固 重則不 也。 威 内, 嚴。 故 威,學則 不 固 厚 堅 重 古 不 則 也 固 無 威 輕 嚴 乎 外 愐

「主忠信。

莫知 道惟· 物乎?」 難,故學者必 人不忠信, 其 在忠 鄉 者,人 信 則 事 以 不 皆 心 誠 是 也。 無實,爲惡則易, 爲 則 無 主 若 物。 焉。 無 忠 且 程 信 子 出 贵 人無 日 爲 復有 時

「無友不如己者。

己, 無、 則 毋 無 通 益 m 止 有 辭 損 也。 友 所 以 輔 仁

不

如

「過則勿憚改。」

勿,亦禁止之辭。憚,畏難也。自治不勇,

必 或 道 其 荷 子之道, 則 君子自 樂告 一必以 各於改 安 惡 善 也 H 以 長, 忠信 以 則 修之 善 過 程 威 速 故 道 子 改 則 有 爲 重 道 日 以 終 過 爲 主 當 故 前 從 無 質 則 如 以 以 善 學 當 是 過 以 丽 問 而 速 人 也 勿憚 學 勝 德 己 改, 之 己 以 道 游 \_ 改 成之。 不 而 者 無 氏 終 賢 輔 可 程 他 E 馬。」 者 之。 畏 子 也 學 亦 難  $\Box$ 長 之 未 然 君 知 侕

終 得。 心 其 其 也 訓 相 事 中 而 蓋内 0 夫子 乃學之 成 乃 非 學 所 其 仴 始 外 焉 學 日 動 求 當 交養 者 而 m ,君子之 静 諸 謹 既 有 得 語 所 内 於 有 其 而 學之道矣。 默 中 事 得 終 之際,言若不 有 所 尤 主 而 面 而 由 慎 而 必 必 必 以 開 本 防 外 致 要 之於 故 之 亦 其 於道者, 以 君 於 不 失 欲 求 外 子 邨 以 10 言 之 以 保 以 而 身 既 始 其 制 養 學

於吾 變, 各 焉 於 見之言 之於外 亦 所 與之相流 威 且 有 爲 吾 動 而 事 有 不 得 學 也 冒 威 君 荷 蓋 若 丽 皆 其 能 彼彼 4 之 者 於 焉 子 邮 不 所主 甚 焉。 理 於 於 行 以 古 欲 何 彼 流 此 而 則 重 守 ,被之民 養 ,於是 嚬 偂 心 矣, 事 動 者 非 俗 所 主 焉 於中。 或不相 其 笑 心 者 乎? 焉 不 彼 以 以 小 而 中 周 有 大 變。 之所 異 而 人 則君 爲 有 何 也。 旋 其 事 物者 志 於 衆 之 言 威 貫通,必有主焉。 故 可 以 得 流 貞之己,加之民 或怠焉,氣 則 善之 動 得 子 之 有 乃君 君子之 盡 遷 也 相 俗 物 之必 於 狎 動, 有 親 得 統 才 我 ? 而 子 丽 異於小人者, 而 而 附 宗,則 而 必 情 如 失 也 有 道 所 且 確 也 狎 其 所 重 意 或 此 散 學 我 非 乎 之。 素, 佚 者 不 所 於 者 氣 必 不 但 其 不 盡 之 焉 萬 求 譍 道 皆 爲 則 覺 其 重 夫 以 不 閒 事 之 之 以 閑 學 吾 既 則 可 不 心 爲 多 Щ 面

上聲。

樂,音

洛

則且 則謂 於此 必以 夫道 物 用其 於身 論 如是 以 至實 雖 而 心 勿 御 而 爲 之不 心 爲 妨 而 圃 mi ,天下將莫己若焉,君子正 而 ,内外交相爲養,而 忠信爲主也,所爲 無違 不 以己致之乎道矣。 萬 世之實效。 其事,而 之損 自謂 與友 以 講道者必嚴 如 自 行 或不以 於物。 窮 己 戒 窮 之殊 矣。 贵 门以 者可 也。 已得,遂不慮其或失 理而 無 差,此 有 實 以 使天下之不憚有君 即 夫苟 無 求合 故 以容蓄之, 成一事之始終。 所 焉 不 所 君 則 止 尤 有 往 必 於 子 雖 乎? 君 本之心以 自信 德 過 而 理 於 君子之德成矣,所 可見功,而 乃若 子立 成 絶夫 一,必因 不本此心之德, 所學所 可 望 無 爲 君 以節 重 本之大要, 人 與 君子之心, 一以此 子則 也 [其誠以 前 制 , 吾身將 爲之益 行者 非爲 心有 取之, 子 事 莫己 未 所 德成 也。 也 龃 當 循 功 其 極

> 其爲 其得 爲 者, 也。 無大 者,念之哉! 尚爲從人之塗,而 乃以實 則大德爲 夫德之必修,豈容有閒乎? **憚於見過而** 日 可借所學以 君 也 新 荷有自信爲君子之心,則 過 體 其 子 焉,君子正 欲 矣。 諸 之纍矣。 德者必決焉,此 改,以 爲 心 得, 君子者,必於此 所 通之,可 可 非自修之本。 力盡 使天下之且 以此 即 勉者學,學 可 其 恃 以 無 所爲 躬 免夫 此 大過者 行,而 細 心 防 偶 而 議 所致者道 指 行 以 欲爲君子 馬 其失以 克全焉 之不 摘,而 君子也 諒 後允矣 而 而 之, 自 有 謹 保 過 省 所 而

曾子曰:「慎終追 慎 升也,音同 民 德 終 者 歸 厚,謂 誼異。 喪 杰 惟《左傳》「王德翟人」作德。 下 其 遠 民 禮。 民 化 德 之,其 追 歸 遠者, 厚 德 矣。」 祭 亦 德 歸 杰 當作 於 其 厚。 誠

蓋

終者,人之所易忽也,而能謹之,遠者

以 亦 人之所易 此 自 爲 則 也 忘也,而 己之德厚,下民化之,則 能追之,厚之道 也。 其 德 故

歸

於

厚

享之日 之。 其文 訓義 至者 見其 至而 謂 有 事,迨其没 諸己而 之逐易,此必然之理也,然非教 杰 其 所 也 忘乎事 必 不 (形者,有不 忘, 、備 曾子曰,君子以孝治天下, 誠 ",若 誠 於斯 無往 而上之盡孝以 ,則孝 徒 其物之謂 必 於其 儀盛 也 將 信 ,則附於身、附於棺者,有所 時 不致者焉。 亦 而 追 ,勿之有 也,孝之至者,哀不得而 心有所 能 衰 之矣。 文 而多其情,則若聞其聲、若 格 也,必實 矣。 而 修之。 焉。 感人心者,亦 悔,蓋 略, 故殯葬之際, 養生不足以當 如 於斯 是而 迨其 有不忍之 求会求易, 其 時 後 民 久也 慎 而 也,孝 君子 非 以 風 矣。 心 孝 俗 哀 面 但 之 俱 之 紁 爱 戚 大 盡 修 之 爲 不 心

> 恥。 故曰孝之至者通乎神明 上者之一念,而感愚不肖之天性於 自所不 孝,果孝也。 氣者,皆生其惻怛之心,而以背生 民之性情 忍,而孝友婣睦之化 風之所感,心之所通,凡 動於此 ,豈有爽哉? 則 1成矣。 刻 薄 殘 忍之 棄 生於在 、無形。 死 有 事 爲 血

其政。 貢者,省也。「之與」之「與」,平聲,下同 子 ,禽問 於子 求之與? 貢 曰:「夫子 抑 與之與?」頁,本作贛, 至 於是邦也, 必 聞

皆孔子弟子。 知孰是。 子 禽 姓陳,名亢。 抑,反語 或曰: 解。 子貢, 「亢,子貢 孰,本作飘。 姓 端 木, 弟子。」未 名 賜

子貢 作 子之求之也,其諸 温。 曰:「夫子温 異 良、恭、儉、讓以 乎人之求之與?」温 得之。 夫

儉, 温 節 和 制 厚 也 也。 讓,謙 良,易 遜 直 也 也。 五者,夫子之盛 恭,莊 敬 也

八九

九()

若他 是,故 是以終 之妙 他 德 干 觀 儀 恭 告之者,秉 或 日 : m 人也。 聖人 而 興 五. 之閒,亦 勉 而 灮 「夫子至是 學 ,未易窺測,然即此 不 人必求之而 授之以 起, 百 輝 時 不能 季, 矣, 願 也 接 君敬 乎外, ៣ 言夫子 於人者 秦好德 亦 以 可 況 政者。 用 信, 以 可 此 於 耳。」輝,當作煇。 謝 進 邦 謂 亦可 五 自 親 氏 後 也。 一德矣。 未嘗求 必 之良心 善言德行矣。 者 日 以 得 蓋 見矣。 炙之者乎?」 聞 想 其 見 也 其 其政 見其 學 以 政 聖 諸, 若子貢 之, 也 觀 就 人之 聖 者 學 形容,尚 語 而 好 而 但 人 而 觀 者 則 問 辭 私 其 當 儀 未 過 今去 其 亦 於 所 之耳 也。 欲 作 張 德 有 化 徳盛 刑 聖 當 口 玻 害之, 敬 容 能 存 能 聖 謂 潛 人 而 人 威 樂 委 夫 使 善 110 禮 神 非 如

訓義聖人之德感天下之人心者,不易 知 當作人。

危,而 之形 也, 之用 亢也 夫子 聖人感孚天 亦夫 聖 之名,而 屈 也,無問 者有矣, 之,乃問 而 也 則 一,則 邦 也 人 雖 而 容,而 之前 党 贵 前 人 以 君 非 實 丽 所 度量 不 求 必 智足 姑問 於子 其 杰 以 辱 試 mj 無 以 能知聖人之湙 所以 喻其 加 Ē 待 間 謙 大 唯 不 或 相 下之盛 以試之與? 以 自然爲之感動 貢曰,今天 以 夫子 可 以 以 夫子 小之國,賢 政求教於夫子,此 越之大致矣。 治其 所以感通乎天下之故。 知 知 干 動 下 者 聖者,不能名言其 間 也。 上 之 有 國 哉? 者? 者? 與 異。 一者焉。 也,必 ? 唯 而用 下 愚之君, 其 使其 苟 ·之歷 而 將 乃 將 無 其 夫 之者,一至於 子 夫 邦 以 夫 以 唯 不 歷 能 禽 至 子 君 夫 以 其 游 豈 其 與 可 遊 時 於 猶 求 慕 子 邦 政 於 足 不 列 知 也 之 此 然 盛 夫 之 邦 君 聞 列 以 易 或 此 也 子 君 之 於 安 邦 疑 盡 德 知 則 或

198

慢簡。 子與 之美備 愻之度,又有然者。 之,若有美而 以 以自居,肅 者,人莫能疵 也。 際 君 之故、蓋亦宜矣。 易言夫子哉? 不 何 色,示人以 夫子之接邦君者,則心 平人之嫉忌。 有可 固 屈 以 坦白之情,與 邦 未 者,未必其果不屈 終於不用 想見者。 之深 約 君 於 以 相接之時 一時,其 然若 可親 自持,飲 知 不敢居,宜受而 也。 前 也? % 始如 未嘗 有 就其容貌 就其 夫子德之盛,道之大,邦 就 人以易見,殆 温 所 亦安 而 吾見夫子之於此 一侍 然若 臨 其 也 如 時 言之,其言動 與 疑其所以深動邦 人威 也? 其 即 涖 之方 能 於夫子之前 邦君晉 儀 其 者,而 未 有 與 而言之,和愉 良也,其恭 所 (哉? 也 不即 而言之,端 温 子貢曰,子 節 ,人各自 日接者 如物 以消 則 承,其 制 但就 威 夫 者 而 人之 之 儀 子 而 Ŧi. 者 莊 良 之 之 之 彻 退 言 mi 滴 何 夫 君 見

之屈 之事 見 事 聞 其 君即 時 者 若 圃 酢 古 必 即 夫子之歷 ···, 則 而 有 與,情也,而夫子得之,所必然 情 相 其 以 而 而 其 也 唯 然者。 盛 疑,而 邦 妨者 身 自 儉 不 政 而 不覺其敬愛。 夫 知夫子者深 以 慰其 可 以 也 德之至,即 生其不容已之情者乎? 坦 君 子 其 謂 擇 求 聘於邦君,豈漫然哉? 然 不知疑之何以 即 非 而 乃心欲求之,而 無 行義達 可 者 夫子 讓 順 驕 此 求 利 與 也 其 耐 之情 見 而 即 互見而 衰 喻之,不知夫 盛德之恒 生 而 道 蓋正己以受天下之來 加 不 其温 世 彼。 子 夫子 之素志 試之,則 知 之君 何 驕之何 忘。 、良、恭、 不相妨。 子 疑 終無 不 . 度 試 無 焉? ,其諸異乎人 忍 未 贵 思之, 不 子 以 矣。 所往 屈 忘 嘗 則 有 感者,此 儉者也 若相 嗚呼 者 與 固 邦 世 有 己 不 之情 - 迻易 亦 以 欲 夫以 君之 於 相 求之 驟 子 求 得 斯 邦 因

智不足以知之,而子禽何足與 得,於一見邦 神,與不忘世之情,不屈己之道,交至而 聖人之易知者也。 君之 頃 而 IIII 德容之美,感孚之 盡 之,則 論 非子 此 貢 之 各

無 子曰:「父在,觀其志。 之心 改於父之道,可謂孝矣。」季,寫作年者 非道 氏 不然 後其 父在,子不得自專,而志 又 曰:「如 ~必能 何何 有 行可見、故觀 則所 所不 .待三 其 行 秊 忍 季? 道 雖 無 故 ,雖終身無 善,亦 改於父之道, 也。」游 此足以 然 父没,觀 則三季 不 則 得 氏 知其人之善惡。 可 改 爲 日 無 知。 孝矣。 其 可 乃見 改者 也。 行。 父没,然 ,隸變。 孝子 其 秊 如 三秊 孝。 無 其 尹

訓義夫子 親之念爲 忝於所 生 天性之真。 日,爲人子 古 其 大者 之道 也, 其唯於居 m ,立身制 要 必 心 以 行, 制 不 行 忍 以 之 違 無

改,亦

謂

在

所當改而

可以未改者耳。」

之守。 然後 之, 宜? 於此 爲不 也。 行焉。 乎 中, 也。 際觀之焉,則所自命以不媿爲人子者可見 有 季之中不 容不改者,獨不能待 發見之機。 圖觀之焉 志 1 曲 加 詭 知其 也。 而 雖然,人各有志,行各有端,即 迨父之没矣,任 丽 不復 全其 夫子而當父在 蓄 於道,而 於其承所未竟之緒 行必有始, 要亦 則 志 久蕰之志,決 忍 心之大不忍者,真 念吾之有 大順之理者,爲能 於讀書懷古之中、 不可 志 人子之所不 其爲克家而 其 因 見,而 親 時 而 也,不 志,不 而 既 制 始 之三季乎? 如 所 在 有 宜,不能無 忍也。 以 旦之行, 行, 己, 其 復知 得 與 成 日, 志 自 有 即 盡 王 先 而 動 專 吾之可 事 則 所 爲 則 即 德 不 作 人子之心 死 因 改。 未逮之 其 容 如 其 豊 者 威 必 父之所 而 終 如 其 必 日 可 己 儀 有 自 IIII 倘 非 身 事 仍 不 見 於 所 口

行,而 生, 何 患美之不 而 無 不 恤 容利害得失參之者也。 有 其思慕之誠 著 志 ? 丽 何 汲汲然以 患事之不成 者,抑 行其 非吾之所 斯 志、 有 則 成 行 可 其 謂 而

美,小大由之。界作貴者,隸變。 先王之道斯爲有子曰:「禮之用,和爲貴。先王之道斯爲

知

也

行也。」 有所不 從容不迫之意。 於自然之理,故其爲 禮者,天理之節文、人事之儀 大事 可 貴。 行 無 知知 不 先王之道 由之也。 和 而 蓋禮之爲 和,不 此 用 從,書容切。 以禮節之,亦不可 其 必 從 所 體 以 容 雖 則 然、當作账。 爲 而 嚴 也。 美,而 不迫, 然皆 和 者, 乃  $\overline{\mathbb{H}}$ 小

承上 徒 則 知 亦 非 文 和 復 之 而 禮之本 爲 言, 貴 如 而 此 然矣,所以 脯 於 復 和, 有 不 所 流 復 不 蕩 以 行 忘 禮 者 反,而 節 以 之, 其

> 貴。 釐 可行均矣。 泰,和而節,此理之自然,禮之全體 也,若有子可謂達禮樂之本矣。」愚謂 和 小大由之。 禮之用 亦 有 而 不 「凡禮之體 差 和,不 可 敬者禮之所以 ,則失其中正,而各倚於 行也 和 和 以禮 爲 然,當作嘫。 樂 貴。 勝 主 節之, 則 程子 於敬, 先王 立也,和者樂之 流,故 釐 Ĭ. 一之道 常作驚 亦 而 有 不 其 禮 所 以 可 用 勝 不 斯 行。」范 則 偏,其不 行 爲 則 所 以 也 者, 美 離 由 和 嚴 氏 故 生 爲 知 而 而

之外 有之節 訓義 者 心 人 舍禮 所 固 心 有子曰 其 有 古 Mi 謂 之節 有 文,禮因之以 何 有之節 和 所 由 也 ,君子之内 文 哉? 勥 文, 增 也 抑惟 必 則 未 無 其爲 待禮 生。 有 行 所 以 之 禮 **劈增** 人心 也,不 治身,外 圃 之先,則 既 定。 有禮之後, 固 而 使 容 惟 有之節文 以 於 其爲 人心 人安之 治 古 世 有 則 固

貴 紀 用 易 備 爲 循 用 節 所 心 也 俗 之 有 冊 貴 之 之 之者無不 其分,因 也 乎 或 則 多寡 也 寡 所 此 者 也 也,有分焉 今夫禮 有 而 加 求 必 繁 不 繁 不 名 不 其 安而 倦 繁簡之數,以 無 縟 勥 蓋 簡 知 其 物 口 無 和 適 禮 文 之數 所 之 世 兩 度 時 由 不 而 也 得 行 順 具 或 文 焉 者 數 安焉 者 人皆 其 之者爲 人 有 在 忽 哉 以 稱 亦 之 則 也 心 一,皆使 粲 和 時 而 ? 其 不 行 相 者,洵 歡 不 固 焉, 也 使 伙 之, 情 容 聽天下 倚 故 足 欣 前 通 有 道 具 事 於 有 人 以 乎 先 以 順 則 順 之節 備 得 爲 固 此 凡 情 用 古今, 成 Ŧ 爲 畼 其 備 其 之者 荷 大 美 後 有 其 (勢,而 之 禮 用 之 文, 以 宜 之 世 有 也 所 Iffi 制 行 也 有 者 則 達 原非 中 自 而 緇 以 欲 也 禮 焉 無 勢 皆 乎 蓋 以 由 常 多 大 亦 所 而 也 難 朝 之 倫 使 風 其 何 以 斯 酌 其 失 謂 有

焉 之 禮 爲 其 必 過 則 行 於 贵 野 丽 行 而 則 時 之節 敬 勢 用 和 也 非 於 更 各 以 所 若 而 賢 無 而 世之拘 有 不 禮 而 他 無 得 和 難 而 不 者 大 用 已矣。 矣, 荷 爲 可 彼 知 日 所 所 用 以 可 而 此 亦 前 禮 拂 蓋 ,一人爲之,而不 禮 礙。 口 不 禮 任 備 則 就 唯 將 方 意之過, 可 日 苦 物 有 情 而 順 求 使吾 先 用 以言禮者,執 焉 行者,在 不 而 難 禮 盡 迫 之 和 禮 抑 肖 而 必 東 儀 流 於  $\pm$ 心 而 有 而 有不 者 廢者 禁制 行 之 而 我 之 焉 之所樂爲 已 其 和 可 矣, 紛 自 制 無 愛 矣。 然者。 則 及 紜 則 謂 之憂哉? 勞 禮 時 道 能 唯 而 情 其 也 用 深 爲 皆 焉 人 斯 荷 行 不 有 唯 禮 知 末 者, 之, 情 美矣, 得 於 知 田 彼 於 餘 以 禮 節 大 可 衆人,此 其 伸 不 和 不 者 物 求 意 而 可 也 以 不 可 者 夫 焉 和 知 未 以 無 X 者 不 以 勥 違 也 褿 410 2 能 用 大 人 必 損 有 不 通 面

心之和 其 和 知 矣,又安可行哉 燕享之文廢,而 + 也,是以 心之和, 能 激 者 和 了,其失 餘,情 而 而 究以 爲 圃 和 叛 不足 以 (更甚。 使 巾 失 道之教 行 無 其 ? 者且 父子、君 其 先 和 往 非 而 王 兴此 蓋 則 終不足。 禮之禮 知 抑 而 禮之有節 君子 校之拘於禮文 知 和 盡之憂,則 臣、實 不 而 所 善善 全 故 爲大懼 主之道 衣冠、玉帛、 ", 用 其 使 禮者 和 高 唯 以 也。 而 明 彼 其 養 亦 之 違 節 不 乃 人 毁

也。 也。 信 必 司 約信 宗,猶 恭, 踐 所依者不失其可親之人,則 矣。 致 也 主 敬 0 致 也。 義 也 恭 7者,事 而 言 禮, 中 約 其 之宜 節 信 節 文 丽 合其 也。 也 則 能 亦 因 復, 宜 遠 可 踐 以 恥 猶 則 宗 言 犀 言 依

> 閒 於 而 始 主之矣。 將 而 有不 慮 其 勝 此言人之言行 所 其 終。 自失之悔者矣。 不 然, 交際,皆當謹 則 因 仍 荷 且 之 之

身世得 其 艱 許 不 許 交而 必 訓義有子曰,夫人秉 唯 相 相 而 用 可,荷 前 之 遊其 於當 於其進接也 背 者 辱 期 與 乎? 有 日 許 相 人 非 亦 失之所 與 塗者亦 有 世 而 顧 義 所 可 加 爲 不 所 哉 則 失 之所當許 納 早 勉 能 成 期 ? 義 後 審 交 行 踐 由 可 也,亦必然之勢矣。 許 非 此 平 而 乃 丽 而 其 以 而孰念之也 也, 禮 言 之欲 終 義 體 無 言,有所晉 爲 耳。 有 不能 之 失 有 其 道 悔 寡 所 所 復 是 以 所晉接 過之術 全 也 欲 可 其 非 復, 恃 者 磨物,豈 言 復 施 言, 爲 ? 則 其 則 接 者 口 而 也 立 今夫 耳。 則 復 雖 亦 言 唯 m 不 德之實, 但 曷 胡 也 時 至 其 不 乃 有 m 能 八人之 求 與 於 所 自 勢 與 義 所 不 取 利 期 遠 納 抑 義 有 期 X 或

遠

恥

唇

也。

因不失其親,亦可宗也。」義,當

作

誼。

7、義貌

也

有

子

Ė

信

近

心於義,

言可

復也。

恭近

於禮

相遠 宜 他 偶 納之始,●早辨其人之可否,而 信,乍與之親 親,義之可親者耳。 也 儀 疑 修卑柔之節,侈廣交之名,謂可 子立身之道,初未嘗計效於後日,望 夫言必以義 可託者乎? 人。 遠 其 ·變,而亦可終與之相得 不失,雖 稱 僞。 庶幾 恥 加 而 丽 唇 不 人且 即 則亦 可 至與 也。 人 ,行必以禮,所與者必 欲求勉於悔吝,亦必於道 情 以 則他日依之爲宗主 而久固不可保, 厭 曷 寡過。 多亢, 禮 抑 其 於晉接之下,反念夫禮 相 唯其納交也, 煩 貌與之親而心 違乎? 圃 不然,矜慷慨之氣 自 即 盡 也,亦可宗也。 欲 其 則 則 相 不至失 恭 以 亦曷 非 在 侮 雖 E 遊 固 情 我之 丽 丽 乃 於末 物情 德 其 而 於 不 之 不 人 不 於 君 威 之 所 交 山 口 得 且

之也

九六

子 當作凥。 慎於言,就有道 日 :「君子食無 好,當作政 而 求 IE 飽 焉 ,可謂好學也已。」居 居 無求安,敏 於事 而

無君, 尹氏 皆謂 以正 有餘也。 力行者矣。 者,勉其 不求安飽者,志有 如楊、墨學仁義 曰:「君子之學,能是四者,可謂篤 事 其 謂之好 物當然之理,人之所共 是 所不足。 非, 然猶不 然不取 則 學, 而 可謂 敢自是,而必就有道之人 可 差者 慎於言者,不敢 在 正於有 乎?」 而 好學矣。 不暇 也,其 然 道,未免有差。 及 當 流 也。 由者也。 凡言道者 作 至 於 盡 敏 無父 其 於 志 所 事

訓義夫子 日 君 子 之所 以 爲君子者, 學 而

作學。

0 曷」"啖柘山房本作「益」。 俗

而

無咎

1,亦終

不

可

得。

甚哉

道之不

口

違

而

人特

未

小嘗取

身

世之始終

丽

飘

念

者,而 也,非 於其 也。 業,所修之行,所居之心,而 之有功也。 其 役 用 也 無 也,無求安焉,未嘗有見於不安之難,未嘗 不飽之憂,非但節於自奉之謂也。 飽 孜孜求益 已矣。學不以其名而 八於所 意焉。 m ,恐其行之偏 容心於此 意於可安之樂,非 焉,未嘗先計 心。 急於自 其無求安飽者,自有所求也。 不欲 但欲言之無咎也。 當爲之事 有其 今使爲君子者,其於食 之實,則吾以此 以一事淹吾日月也,非 者,而 即 正,亦非但 其所 不 夫可 也,恐其 容已者, ,則敏 唯 可出之言猶 恐以 但 飽之道,未嘗 以 好賢之情篤 焉,若有 勉於習勞之謂 其實,不於其 心之妄也 驗欲 則 一言洩吾之志 乃於其 無 恐其言之疏 爲君子 往 慎 迫諸 而 活,若 若 也,無求 就就 其於居 所習之 但 動 其 至 不 介所 者之 欲 其 念 ıfıj 見 事 有 也。 求 道 後 於 己 氣 有 事 其 而 子貢 樂

曰:「可 閒 也。 者 謂 誠 正 且 者切,故 所修者君子之道 於行皆專一以總於學 凡皆以爲學而 而 ,已隨 好學也 一,唯 中心好之, 曰:「貧而 規 以 望道之情 其就 規 浮 也。 恐 游 於法效之迹,則 處 不 無 未若貧 己。 有 其 而見其 敏 暇 道 志 無涯 無 Ш 而 以 已矣。 不然,徒 而 氣 諂, 富 無往 抑將 不 居食 一、故樂 故深 (而樂, 八紛 正者,既 能 馳傲忽之心,乃曰 不 更 如 而於身 爲 何以 而 致其 勤 進 此。 於 居 謹之意見 懷 富 無 勤 於 得 食言行 己 也 而 驕, 爲君子哉? 無 於 孜孜者 有道 則其爲學也 、於人、於言 Œ 好禮者也。」 誦 窮, 何如?」子 而 其 説 之益 益 交際之 於 敏 不 也,可 之末 求 言 慎 且 也 其 吾 慎 而

諂,卑屈也。驕,矜肆也。常人溺於貧富<sup>(\*,音洛)</sup>。好,當作政,下同。

之中,而

不知

所以自守,故必有二者之病

一九七

殖,蓋 此 處 辭 之外 爲問。 也 諂 也 無 先 樂循禮 驕 貧後富 則 凡 Mi 則 心 日 夫子荅之如 ,亦不自 知 廣 「可」者 自 體 守矣, 常用 胖 僅 而 知其 忘其 力於自守者,故 而 미 此, 富 未 而 (貧,好 蓋 矣。 能 有 許 所 超 子 其 禮 未 乎 貢 所 貧 則 盡 E 以 貨 安 之 富

子貢 其 斯之謂 日  $\overline{ }$ 與?」磋、七多反。 詩》云: 一如 切 與,平 如 磋 如 琢 如 磨。」

能,而

勉其所未至

也

諂 無 之,治之已精 切之而 詩》、《衞 窮, 無驕爲至矣, 以 雖有得焉 明之。 復 風 磋之,治 而 淇 益 聞夫子之言, 澳》之篇。言治 而 求其 未可 玉 石者既 (精也。 遽自足 又 琢 子 也 知 之 責 骨 義 角 故 自 而 禮 復 者 引 以 是 之 無 磨 既

> 己之實 求造道 往 磨 辯 無 説 愚 者, 所 而 按 其 病 措。 之極致 明 所 矣。 此 也 已言 章 故學者雖 然不 問 亦不 荅,其 者。 切 可 則 來 鶩於虚 不 淺 磋 者, 可 深 無 安 高 其 所 於 遠 所 下 施 小 而 未 不 不 成 固 言 琢 察 而 不 待 切 則 不

遷 子 不 學 以 訓義 境 不 修 教者之意 所 引之 流 遇 虚 焉 徒 者 以 貧 此 之 寄 之 致 道 者多矣。 有 之之 無 無 情 事 於遠大之域者,教者之事 其 富者 則 窮, 恒 於所 而 聞 也 學馬 思之,以 功。 也, 而 丽 若 貧 無 未 而 所 V 吾 定 至,聞 其 加 故 以 身之必 無 見 之境 志 不 推學者之見 往 求 反求於致此之由 於 自 屈 至 不 子 也 限 則 得其益 乎 有守也 理 貢 , 而 於 諂 無 即 焉 諂 所 窮者 隨 退 言 能 加 也。 貧 子 審 面 聞 「, 必 廣 其 富 乎 於 貢 教 而 之, 有 以 夫 引 志 以 躬 抑 而

之當 若 爲 賜 乎 得 滴 貧 貧 以 貧 貧 無 愈 也 知 一。志 吾 ? 者 有 富 處 富 以 何 以 能 伙 而 屈 且 樂乎? 之道 爲 節 亦 能 富 加 如 爲 於 不 而 以 不 示 者 制 於 ? 富 深 當 順 處 貧 志 之 自謂 卑 氣 亦大矣。 於 貧 矣。 諂 此 不 而 迻 夫 杰 固 而 而 不 矣。 貧之中, 富 屈 也 情 者 子 欣 不 富 未 吾 淫 人 富 0 之 然有 面 蕩 貢 爲 驕 何 盡 莫 情 गां 道 無 吾 而 而 賢 固 則 也 能 於 文 能 人 諂 以 樂 夫子 將 無 1自得 將 驕 矣。 損 不 此 莫 辱 二者相 吾 驕 圃 在 以 吾 ? 知 於 之 有 驕 樂, 於貧 富 日 是 爲 好 貧 有 富 無 何 忮 也 舌 此 而 矣, Œ 處 吾 口 而 不 若 諂 之 而 然其 其 形, 之外 禮 可 貧 諂 無 蕩 亦 以 富 居 也 而 無 情 用 富之道 諂 也 而 驕 可 視 夫 貧 而 而 不 而 者 益 無 子以 之 夫 心 唯 好 且 亦 以 盡 敢 何 而 蕩 驕 量 所 隋 富 驕 以 禮 不 乃 若 處 可 處

好 於己 之大 略 自 磨 如 也 也 於 諂 無 既 必 者 者 日 9 0 禮 何 治 貧 好 有 何 有 是 無 諂 已 乃能於貧於富 之 其 既 如 富 驕 0 有 者 所 以 小, 志行 所 欲 詩 而 미 得 好 樂 切 琢 乃 心 得 以 在 之 可 隨 ? ? 樂之實,自 如 也 推 於 而 云 mi 盡 於貧富持 密 而 遇 高 復 磨」,言乎去 其 即 其 贵 如 贵 也 夫子未之及 皆 之高 賜 磋 明篤 所 能 所 因 以 切 成 忽 · 擇 樂之實, 則 以 樂 富 貧 而 其德, 卑,不 如 念 致 純 實之境, 無 也。 而 加 理之精 推 見 磋」,言 及《 乎理 此 非 始 謂 禮 無 私 之 詩》 贵 亦 樂 道 好 可 驕 之 也 而 之密 之存 易言 故 乎? 與 見 也 乎 樂 可 乎 之 丽 實 面 好 而 ? 乎 平 好 學 志 體 也。 念 乃 既 有 於 禮 言 ? 哉 ? 道 夫 非 子 則 丽 見 而 此 琢 中 之 禮 非 無 不 必 於 即 旧 貢 道 好 夫 而 諂 미 復 其 斯 能 擴 則 之 則 足 禮 樂 無 mi 可

往 進 進 身 於 所 推 則 磨 心, 子 以 有 無 詩 之功 所 樂 也 以 12 學 夫 與 見 自 無 期 驕 而 而 之實 可 理 諂 之 修 廣 人 也 於 治 之 進 者 吾 微 之 學 已。 好 之 要 而 之 遠 平 mi 日 非 所 善 示 以 大之 矣。 於 樂 知 功 中 進 欲 之 其 告 爲 人 賜 ^ 其 必 虚 之 和 乎 進 好 所 詩》之爲 自 也 貧 以 也 通 於此 理 賜 貧 謂 之 道 無 禮 守 推 富 静 以以 而 於 富 德 與 者 驕 而 之 欲 言 而 及 求 天 見 是 此 而 必 實 志 其《 IIII 之益 必 樂 者 也 教 及 可 盡 下之道 依 好 言 致 於 操 以 必 無 ",興 此 不 面 詩 其 平 禮 其 是 而 切 以 竟 者 詩 平 虚 道 涵 學 反 從 夫 起 之 磋 切 得 也 漸 吾 泳 盡 求之 事 始 子 磋 引 所 三百 X 琢 退 一理 所 Im 於 有 於 深 無 미 磨 而 切 以 琢 而 告 達 此 得 思 學 體 磨 篇 伸 已 與 喜 言 在 磋 圃 矣 矣。 焉 焉 修 己 褿 得 更 皆 之 之 74 琢 其 君

子

Ħ 以 己 尹 子 所 學 雖 以 不 **\$** 者 爲 知 氏 :「不患 告 者 之深許子貢 進 文 能 賜 有 患 之, 曰 之善 飾 樂 也 功 面 也 不 益 TÍTÍ 見 必 亦 後 知 其 爲 人之不 以 反 君 將 其 而 矜 未 怠 求 子 何 進 教 可 若 張 荒 焉 則 求 益 之之 之 爲 己知,患 成 是 在 則 哉 而 來 益 學 乎 非 我 ? 並 不 也 功 大。 者 卑 者 邪 所 思 法 在 故 賜 故故 不 屈 E 得 所 教 人 善 則 知 深 或 者 以若之, 者 不 之 教 不 知 人 切 不 而 能 但 之矣 患 自 者 也 著 能 失之矣 好 能 必 悟 人之不 明 辨 示 有 禮 則 矣 故 以 善 m Ħ. 藉 夫

訓義 心 乃 知 面 思 適 生 所 之, 於於 夫子 以 口 此 則 患之則 得 日 有 面 之道 爲 凡 其 己 不 必 爲 之 印 鬱 思 患者, 人之别 情 抑 所 有 IIII 以 不 求 求 勿 存 能 而 去 容 焉 其 自 不 患 安 得 患 自 也 君 則 MI 而 有 子 情 患 不

勝 道

哉

?

七

世

孫 世 全半

溪 謹 刊

其真

可患者,不容不

者,己有德

൬

人

不

知

所

訓 義卷三 終

書

實學。 詧也。 世。 則 者在 不己知者,反 然於身世之際, 可 爲其所惑。 爲 處 能 知所用,於是視 人無媿之中,不患 無所自容,此不必患者也。 而 奪 求之不得其術,裁之不 疑,將何所鑒 不肖,則信用之而爲其所欺, 不患知人之不明, 無 前 我志,能 不然,患己 疑之而又見其 所 而 可 不知爲賢, 而賢不肖之情形,非 效法。 困 而 自 我於境 而自見其 别 天下若 知之不早, 也。 患 圃 有不肖者在 其 則 不 可信,信之而 遇 乃若 知 至 出 無 則親 而 可憂者 知 自失其 所容身,而 媊 斯 不能 能奪我 其要,所 無 所 小人而 則 亦 所 患 交遊 前 屈 爲 也。 可 困 (身? 者 미 學 爲 又有 以 名 而 我 任用, 遠 爲 有賢 於天 身亦 以 己 以 焉 不 而 患 端 君 之 其 知 惘 此 阳 而 不

# 四書訓義卷四 論語卷二

宋朱熹集註 明衡陽王夫之訓義

#### 爲政第一

凡二十四章。

共之。」共,音拱,亦作拱。 子曰:「爲政以德,譬如北辰,居其所而衆星

也,言 子 德 爲言得也,行道 政之爲言正也,所以 極,天之 爲 則 政 以 衆 無 德 爲 爲 星 樞 四 政 而 也。 則 面 以 天 不 德,然 下 旋 面 居 動 繞 歸之,其象如 有得於心 其 而 正人之不正 而 所, 化,不 後 歸 無 嚮之也。 不 爲。」 言 動 也。 而 也 此 范氏 也。 信 北 爲 共, 辰,北 德之 政 無 日 爲 以 鄉 程 :

IE

人之不正之要道

也。

則

請譬之於天象

字,即用鄉字爲之。 而 而 能 成 制 所 動 守者 所務 至 者 簡 至 Mi 寡 能 丽 御 能 煩 服 所 衆。」古無響 處 者 至 静

簡 無欲 皆 欲 IE 心、見之於事者,以 亦且 訓義 發,上無 而 何所以哉? 日 已起,古帝王修己治人之道將 矣,不 I有爲: 一、人君 民 Ĩ 天 好, 散而 清主心, 其 下 當 且 惡 春秋時,功利之習 善之本 而心 尚 以 而 亂 無紀。 而 放之 苟 刑 益 吾刑,導之以 法成而天下且 得者見之施 而 有 而 則 心,上無 相 躬 刑 志於爲政,則 夫子乃正言治 違 從 行 静 爲 也, 違 者皆其 矣。 經世之大 不 則 以 行。 審 此 善 方興,名 唯 倡 竊 乃 心 以 而 之則 必 不恃法 唯 得, (用, 而 泯 以己之正 吾 莫 德 有 理 爲 法,刑 平 我 志 以 操 以 法 政 而 繒 之學 而 善 者 氣 之 示 天 抑 也 法 立 下 教 不 民 於

邪

』。」思,本从囟

寫从田

非。

邪

當作家

子

日 者。 矣。 治 民 導之以 也。 逐 如 逐 有 П 亦 三百 然 於 共 衆 逐 北 宥 轉 繁多 天下 此 星 故爲 ~ 然 辰 密 與 六十 密 人 圃 之共矣。 龃 善 之 衆 運之微,而天下不見其 君 北 詩 獨 環 ·, 政 心。 争得 而 居 政 星  $\dot{\overline{\pi}}$ 以 運 辰之統天何如乎? 》三百 運 繒 所 者 即 之 争 度 一人 へ愈繁 北 動 也 不 失、争善惡,而 經 亦 亦 從,止之於惡 德,修之於深宫 辰 之 蓋 循 統 第患德之未 緯、争出 廣遠矣, 而 則 以 天與 面 其 天下, 民 因民之性,順 言 動, 使 理 愈 周 以 人同 一,不感 而 叛,惡足 蔽之, 没 猶之乎 П  $\equiv$ 莫 於天 垣 面 也 此 民 V 有 動。 居其 以 即 静 、二十八 無 相 而 而 尚 日 ıĽ, 改,不 者, 北 理 民 處 不 背 衆 未 己。 所 哉 之情, 君 之 順 辰 思 以 嘗 星 而 而 北 時 也 待 誠 之 次 與 行 無 求 逐 已 辰

以

蔽,猶 言足 者可 性情之正 凡《詩》之言 學者必務知要,知 詩 言以 盡 盡 程 而 博矣。 以 者 發, 子 以懲創人之逸志 三百十一 蓋 蔽之, 盡 日 也。 求其直 蓋 故夫子言《詩》三百篇 而已。然其言微婉,且 經 其 善善 日『毋 思無邪。《 思 禮 (義,其示人之意 篇,言三百者, 者 無 指全體 三百 可 邪 不 要 敬 者 以 其 則 魯 曲 感 誠 』。」要,本用 能 則 用 頌 禮 發 守 未 歸 也。」范 ·駉》篇 三千, 約, 人之善 有 於使 亦深 舉 若 守 而 或 大 要 亦 各因 此 人得 約 惟 氏 切 之 數 心 之 則 口 此 日 辭 也 明 足 其 惡 以

且

事

賦 焉 有三百,有 起於善 訓義夫子曰, 有 以 生其 悪 者 則在於《詩》矣。 喜、 可 E 怒、哀、 學者以 以 焉, 鑒焉。 有 變馬, 之感 樂之情, 學 《詩》之爲 者 動 有 其 於 善者 將 此 性 有 情 可 忽 將 彼 天 以 丽 所 勸 凡 忽 興

室家 皆如 有得 節 出 其 起 此 以之思事可 人以從入之塗也,其以迻易人之性情 三百矣。 詩 之 妄 衰 其 Œ 加 》者,於此 是以 功用 也。 事 則 亂 可 也 有之曰: 以 ,而後凡《詩 不定者矣。 欲 也 之變遷無 亦 不 品 不能誘之以 坦 思之, 《詩》非授人以必遵之矩 ,以之思 者,思而 而 特淫 且 別其貞淫 然 也, 請 偏 言 「思無邪。」斯言也,可 用 共 即如是以爲之。 慝 託 以之思君 一言以蔽之,《魯 乃學《詩》者固 不可 》皆一理,凡《詩》皆 已矣。 古昔之 由 而 者日陷 而 一,爲興 有得焉,舉 去。 之理,直用 不 也。 免 人之善惡得 於惡, 法則 父可 以之思理可也, 觀之本 於 若舍其 譏 也,以之思 可 凡 之而 乃思自 必 矣 即 心也,非 也,以 」, 則 頌 忠孝 三百 正 有 以蔽 善 加 無 可 有 自 而 失, 駉 廉 從 之 之 學 旁 有 發 示 以 蔽 正

所羞

愧

蓋

雖

不敢爲惡,而爲惡之心

亡

也

道 子曰:「道之以政、齊之以 ,當作導,去聲,下同 也。 諷 道 欲學夫《詩》者,尚於此 好,惡之可 刑以一之也。 詠, 猶引導,謂 齊,所以一之也。 皆以 悪 無邪 免而 先 面 之思臨 之也。 無 無恥 往 而 不 道之而 之,自見夫善之可 ,謂苟 刑, 加之意乎 得 政, 夫《詩》之益 民 謂 免刑 免 不從 法 而 制 罰 者, 無 前 禁 恥 有 **今** 無

道之以德、齊之以禮、有恥且格。」 禮, 於不善, 率之,則 治之具,刑者輔治之法,德、禮 也 深厚薄之不一者,又有 ? 謂 書 制 日 而又 民 度 古 品品 有以 有 節 格 所 也。 其 至 觀 非 於 感 格, 心。 善 禮以 而 至 也。 興 也。 之, 起 則 愚 矣, 言 所 謂 説 以 則民 躬 政 而 者 出 其 治 Œ 恥 淺 爲

未

之本, 故 雖 、禮之效 治 不 可 民 丽 以偏 者 德 不 則 又禮之本 廢 可 有 徒 然政 议 恃 使 其 也。 刑 民 末, 能 H 此 遷 使 又 其 民 善 當 相 遠 而 深 爲 罪 不 探 終始, 自 而 其 知 已 本

遷作遷

換

作

探

,皆俗誤

之所 己。 俗之邪 其 善 也。 必 無 訓 日 順 由 m 義 至 則 以 所 爲 去 必 如 夫子 其 惡 戴 也 自 善 有 爲 必 是 於 哉 加 容 以 而 也 正 有 而 齊之。 斯 恶 其 成 日 ,責之於一人。 以道之。 則 後 難 乃 乎治耳。 也 若 恃 胥 雖 可 無 未 亦 有 萬 非 不 以 道之齊之,皆以 愧 嘗 何 其 民 利 幸 寡 於 不 憚 恥 民情 於 免 而 作 過 乃民之爲惡 道 而 心 其 戴 也 君 之也, 不 而 則 私 不 作 民 任其情 已 防 其 心 — 而 君, 師 愚 矣。 八於善 其姦,禁 亦 而 蓋 使民之爲 丽 而 也甚 無 **\$** 不 自 欲 俛 天 爲 也 所 於 不 以 下 仰 知 天 利 裁 其 民 下 有 容 惟 岩 所 風

禮 之所 僞: 納民 之親 行者 文其 之可 於政 下 是 齊之以 德 則 其 [IX 爲 (心,則 於 乎 惡之後 也 Œ 之,流放之, 德 而 鄉 裁 親 以 姦 愧 於飲、射、冠、昏, ,皆孝、友、慈、良之實, -而 則天 則 科 長長, 定 假 畏 禮 道之齊之者亂之也 榮 未嘗不 但 條 無 者, 刑 曰 乎 有 前 子有 於 知 密 恥 禮者 刑 有求免於惡者矣。 吾有 酌 有 矣。 焉。 而 無 丽 德於 以 感其 有教令之施 刑 大 未 德 威 互 中 嘗 法 未嘗 至 政 人敬之,而 則 令行 相 之 天良。 於 Ŀ, 至 不 面 辱 丽 計 可 ĪĒ. 有 無 奈 不 焉 公卿 咸 懼 之 畫 恥 何 齊 觀 而 使 即 規 有 若 其 也 禮 皆 大 率 無 則 面 則 以 而 之法 不 不 於邦 其 是 禮 夫 從。 乃 唯 然求 託 不 則 上 此 齊 從, 者 所 者 有 以 之 道 知 督 於 丽 焉 或 可爲 人 德 誠 此 而 所 之 政 爲 之於 之 喻 則 民 行行 慢 若 以 悪 於 於 而 F 躬 以 割 則 民 東

既恥 習、則爲善之樂自生。 無以 而 不講,乃曰 之言治者,競 者,可以無負於天作元后之任矣。 而 皆 不可也。 於是而 對君長 格 焉,則勉其力之不及,抑其情之甚便, 於善矣。 른 民愚 使其修德明禮,而天下不從, 丽 自念善之不勉而惡之不去,出 以政 使其 人無以 丽 至於格,而 刑 不可化,非嚴爲之督責 修政 爲尚,而置德、禮於 對間里,有恥 居其上而 刑,而天 爲 善之實已 奈何今 爲之 必矣。 下能 君

民 也

尚

政、

刑

也又如此,則奈之何其徒求之

順

们則

其説是已。

未嘗從事於德、禮,而其

則

非

説

是

明

子 日:「吾十有 念在 此 古 者十五 所謂學,即 此,而 而 爲之不厭矣。厭,當作財 人大學。 五而志于學, 大學 ·之道 心之所之謂之志。 也。 志 乎 此 則念

三十而立

有以自立,則守之固,而無所事志矣。

四十而不惑,

於事物之所當 1然,皆 無所 疑, 則 知之明

丽

「五十而知天命,

無所事守矣。

惑又不足言矣。 所以當然之故也。 天命,即天道之流 行 知 而 此 賦 則 於 知 物 極 者, 其 乃 <del>前</del> 事 物 不

六十而耳 順,

聲人心通,無 所 違 逆,知之之至,不 思 而

得也。

今省作矩。 七十而從心所欲,不 從,隨 也。 矩, 法度之器,所以 踰矩。」矩,本作巨, 爲 方者 或 作 也

之,不勉而中

也。

程

子

日

:「孔子生

而

隨其心之所欲,而

自

不

過

於

法

度,安

而

然,但 學者當優 心 之閒,本心瑩然,隨 至於 然其要,使人不失其本心而已。欲得此心 而 從心所欲 知 立,能自立 知 而身爲度矣。」又 孔子自言其進德之序 天命 即 後達耳。」胡氏 者也,言 生 體 志乎聖人 爲學者立 疵不存、 知 日 欲 窮 至此 游 不 安 就 即 理 於 亦 月 涵 踰 行 用 斯 由 盡 將,不 泳,不 矩,則 也 所 學而 法,使之盈 道 萬 性 古 體 日 曰:「聖人之教亦多術、 示之學,循 也。 也 無 理 是 即 所 可 可 至,所以 不 積 明盡之後, 其 道 意 半 躝 不惑 聖 勉 耳 如 絫之漸 日 欲,莫非 等而 用 塗 順 人 而 此 用之閒,必有 科 即 而 言 中矣。」又曰 者,聖人未必 其 所 而 則 勉 進。 廢 義 此 進 序 後進,成章 聞 無 然 則 至理。 也 ,聲爲 而 皆 後 所 其 \_ 其 一以示 進 通 疑 人 以示 愚 日 心 一焉。 矣。 也。 也 촒 未 用 謂

> 名 覺其進 面 姑爲是退 ,欲學者以是爲 Mi 人不及知 託 也 則 後 者。 丽 N. 自 言 故 勉, 謙 因 辭 非 其 之屬 近 心 實 似 自 意 以 聖 自

放此。

所 若有 矣。 所 迹焉 可恃 其於學有然者 之序,其終也有可考之成。 則見 訓義夫子曰,自吾之從事 知所行者,以至今日之所 人人大學之時,而 成者,亦必有然 志 未學, 當其 夫其始 也。 而 且 定之則,而必效之以 示其 要以 丽 時 所以 要不 也有 則 期 通 有 ,則意天下之爲學而欲底 因 焉。 赴乎 也。 舍所志以 豫立之志,其 志焉,凡 吾 知 性 所 所學者若 吾自 夫 志。 性 面 吾 成 之 能 + 於學者而言之, 爲學。 所志 既 之者,其 吾之不 成 必 知 有 |不足 學以 中 能,且 盡 能 五 者 也 也,而 行者, 季,當古 後 由 或 以 有 敏 在 循其 今 之所 尚 盡 漸 學 而 有 吾 不 於 面 進

一〇八

焉,至

也,

則

皆

者在

行

以

吾之所以爲吾者 念,大凡吾今之所得,皆十 夫理之必 爲吾者,自定而不 於三十,昔者之立在 是而 矣。 事 乃 + 萬 理 當其 五 知 出 安焉 理 而 其 以 於此,而 而 不 來之 莫 至於四 時 不執 雜 隨 非 衆 事 迻 萬 所 理 理 但 而 也。 物 學 之當 理 以 各 見吾之必 干, 自 志,而三 也。 五 以 疑 IE 感物 動, 然矣。 以 疑 而昔 也。 於 來 而 衆理之不 理之不 必於此 丽 之所 是 IF. 吾 十之立 之 古 動 當 之所 所 於 不 面 口 其 以 此 暇 學 志 而 之屢 矣。 以 此, 此, 始, 也。 但 皆 而 盡 要於一 循 淫者 順 可以 往 受天 推 因 人 者 丽 乎 事 順 淫 理

爲 也 於七 而 無所推求,咸有以 任 師 十, 發,有言有聲,皆 吾 之 有欲 而遇之,因 矣。 或 則 健 下之 廣之,至 之當然,乃 理通之者,即 不 理之在 於 於 一無違。 而吾從之, 順化生、品物 故 以 此。 此 吾 古 情 有 爲 反 形 萬 於六十, 聲 聲有 通 則 師 心 而 物 有 凡 其 X 所 而 焉 無 循之,孰 而 者 天 逆 故 乎 貞 在 以 盈 所 必 , 吾可以 化 也。 順, 淫 耳 流行之實, 或以 萬 吾 爲 在 擇 有 之不 一而貞 物之所自變 而 前 萬 人事之當 而 焉 欲 唯 物 無 而嘗之, 者 逆者 物 然 齊,天機 爲則焉 所 任 無 者 之 不 或 逆億 貞 容 吾 非 逆 所 則 丽 古 1 至 道 於 於 自 然 遏 口 非

0 天 以」、啖柘山房本作「夫以」。 然也

m

實

天也

性

所

自

具

也

圃

實

命

也

天

於

五

+

而

始知

夫

理之必

於此者,

人所

當

IIII

但

見道之實

在

仁於

此

也

習是

而

通

焉

至

口

齊

也。

固不

敢

深計

夫理之何

以

此

爲

命

而

吾之所志、

所立

所

不惑者

古

以

此

理

III

爲

天

0

即

以

此

理

IIII

爲

命

天

以

時,

事

必

然者,

也。

通

也

萬

者 或 所 不 志 則 必以物 志 者 定之則,絜 庶 爲 幾其不爽 則 焉。乃於是 其合離 所志乎 皆 前 以 無 十五 有 立 者 踰 以 無 越

之所 往 有 志之學,而 也,有若是者。 今日之所得者蓋 天之所命 一從心之矩在吾規量之中,此吾之始之 而 通 不 不 7 乎 木 心 不敢期從心之獲,以 1 必 因 水合, 物, 三十以後之所進,不舍所 不 如此 惑者更無可 m 我已 而天即 也。 備 十五之所志,早 在 物 防其惑乎 漸 乎 我 ! 乎 通之,以 ţ 此 吾 物 1

學之大,知 從 而 外,吾之終有若是者。 心不踰, 成之,吾之中之也,有若是者。七十之 學乃以盡 與 盡 其性也。 行 協 乎吾 自 信 諸 志之所求, 吾之學 則誠 心,天與 哉性之不 如是,凡與 博 物 不 通 可恃 在 於 平 所 我

孟懿子問孝。子曰:「無違。」

共

學者,其

亦尚

如是乎

孟懿子,魯大夫仲孫氏,名何忌。無違,

謂

不背於理。

樊遅御,子告之可:「孟孫問孝於我,我對

日

無違」。

不能 也 樊遅,孔子弟子, 問 孟 孫,即 ,恐其失指,而 仲孫 名須。 也。 以從親之令爲孝,故 夫子以 御, 爲 懿 孔 子 子 未 御 達 mi 車

死,葬之以禮,祭之以禮。」樊遅曰:「何謂也?」子曰:「生,事之以語樊遅以發之。

之節 故 限。 爲 而 生事、葬、祭,事親之始終具矣。 日 三家發者,所以 夫子以是警之,然語意 不苟,其尊親也至矣。 文也。 「人之欲孝其 得爲而不爲,與不 人之事 親 爲 親 1 聖人之言也 自 ·得爲 雖 渾然。 是時 始 無 而 **、寫,而** 至終,一 三家 爲之,均於 又若不專 禮, 分 僭 於 則 即 胡 禮 氏 理 有

禮

不孝。所謂「以禮」者、爲其所得爲者而

已矣。」

警也。 盡,而 則固 乃同 教之也 有所恃,各有所 有 以 有 於爲人子 或 訓義聖人之教人,徹乎上下 忘,以求安於其 所 不 The 能盡 要之, 未 有人子之心也。特反求之心,而 此 理一 所 懿子早學禮於夫子,非於事親當盡之 凡有 故懿子、武伯、子游、子夏之問 ,有異詞 安,大約在有 之故。 心,而人之不能 事之可 者而問孝,孝之道,因心盡力,豈 而 愧於 無 進 事 退之,未嘗不 焉,學者合觀之而 爲 忘 心者爲教,不容不 口 且其人既 言哉? 歸於一心而已。 人子者,皆於此 ,則奪其 指 所恃 無 而 道 盡 知 所恃 協 有 口 者 mj 有孝而問矣, 所 於 言, 1,各有 無異理, 而 志。 世。 自 面 唯 分 警 悟 其 人各 覺其 别 其 知 心 耳。 其 所 所 雖 所 口 言 至

非

爲

樊遅言

也。

而

遅,亦夫人之子也。

在

然者。 求之事 有 無違 其 然而 辱親於没世,故於志有所未滿者。 非,以爲非義之養,而 請 菽飲水之忱,皆無違也。 實、上而 孝子之心,如 所以待事於我,我之所以上事其親 僭,或有 節 無違」之旨 所往 順 明,而夫子有未盡之蕴 有 不求諸心之安者,多矣。 焉可也。 而 未 親 後 故夫子告之曰,孝,順 悉者。 至於 非 而樊遅 미 之事,而未求在己所 所 未 嚴 其可致之心,與親 以 則 大哉夫子之言乎 暘 乃 事 御。 父配 亦 我君 生 稱吾 則 爲 天之典, 夫子之爲 取 將 世 圃 心之發,率 説 有 惜乎懿子之 族, 也。 致之親,見 於 大 習於 仍 下 德 以 其問孝也 日 懿子言者 夫子 乎 所 而 也 事親之當 者,乃 凡仁 適 世 循 極 可受之 一因 登 念 未 之而 爲 俗 親之 家 乎 車 夫 能 之 以 啜 固

乎? 苟 爲 出 違 中 爲 之,復深念之,天 爲人子也? 孫 因 而 逆於 。子有 Ė 、子固有之情不可過、不可 其 成之典,貴者 有 不 未 人 於順者也。 間 , 則 之子 是 違 必 有 以 孝 所 抑 亦 果 然,致於親 而 其不可違者,於樊遅 順 於 恐其 使 謂 미 違 能 面 德 我, 必 荷 爲 不 未 無 者亦多矣。 者 如 有 就 自 遅 我 意 違者 有 違」者, 也 其 是 賤 信 告矣。 對 下 以 懿 者 者 所 心 者皆 可爲人子,而 之欲 子 日 其 違 ,必有 宜 面 分不同, 見爲 面 爲 不自信 禮 用之情。 樊 無 子告之 愜 欲致 道 致孝者 將 而 違」。 遲 其 是可 者 違 已矣。 何 圃 不及 亦 1,乃盡 固 其孝,亦唯 則固 於 而 以 非必 深念之矣。 日 自 然 果 吾 能 伸其 終 故 出之心 者, 乎? 違矣,見 盡 先王 無 制 未 反 不 爲 人之子 比 之 之以 酌 覆 足 所 有 人 者 所 節 口 其 因 子 皆 有 思 以 子 不 孟 或

咎。 孝之心 也。 吾物 之所 之所 皆親 違 歌 此 此 生 俛 伸 而 喻 但一因其 之爲 訓詘 禮 葬 以 忍 也。 《雅》 而 之事 之所 者 不 侈 焉 至 心 爲懿子言也 文皆情 就 其所 之所自 舞佾 而 ,不但惟吾力 者 言 顧 夫子爲孟 無 與 即 死 常經 可 其 徒 可 殉 違 則 口 無 "; 備 爲 親。 就, 矣,不敢踰 吾 以之葬 忌 或 文也。 豫。 而已 而用之,皆吾心之所 與 親 親 無 儉 企 乃自一 孫之違 之所 之所 殉 賢者 惲 即 或 丽 事 矣。 遠 世 之所 미 奢 及 祭以 以 而 天 欲 俗 可受,即 爲 禮以 以 者 不肖者力 者,即 此 吾恐 但 下 有 之所失 而 可爲 樊遲 可 此 焉 之祭,故能孝者 後 不 有 苟 及。 事 祭 不 世 孟 Á 任 説 不忍 言 焉,不 自 親者言,則 一之事 安 與 己 孫之未嘗 而 也 但 不 也 此 用 其 意 殉 至於淫 唯 妄矣。 安,即 同 禮 自 即 親 以 親 但 世 吾 死 前 也 之 俗 口 鳴 以 意 IIII

219

大矣。 爲 天 下 後 世 爲 人 子 者 言 也 0 鳴 呼 !

當作息 孟 武伯問孝。 子曰:「父母唯其疾之憂。」曼

孝乎? 守其 亦通 無所 武伯,懿子之子,名彘。言父母愛子之心, 子 爲 ,體此, 身者,自 憂, 不至,唯恐 舊説 IIII 而 獨 人子能使父母不以 不容於不謹 以 以 父母 其有 其 疾 之心 疾 爲 病,常 憂, 矣,豈 爲 心 乃 以爲 其 不可 則 可 俗 凡 謂 憂 以 所 於不 也。 孝。 爲 以

求之己 訓義 信 亦 以 而使父母之有憂,尚 其 何 憂 孝,求之親 敢 孟 者,夫子知之深矣,乃告之曰,夫人子 武 遽言孝哉? 而怵然 伯問孝。 負疚者多矣。 IIII 拂 其舉動之不慎 然抱 求之親 言孝乎? 戚者多矣。 求之己而 而若見其 乃 IIII 爲 治親 以 孝, 心 人 自

> 有疾 其所 此 如 也。 以此思守身, 此,父母亡而安忍不念此? 也 丽 E 體 心此,而 如 已 而 父 無 此, 乎? 切 母 猶 而 凡父母而 疾 憂其不 之心 憂 切然不舍於懷者,唯子之疾也。 我 而 而 其 但 即 我 亦 自 更 戰 於此而念之,父母之 將 何 不 愈,會未疾而早憂其且病,疾 存之日, 復 戰 以 少 何 容 疾也,父母之心, 慄慄,無忘於夙夜,而 酬之乎? 以 而 不 慰之乎? 長 念此。 無非念子之情也 猶 是 以 父 父母 赤子之在 此 母 有 思事親 之憂 存 疾 我 果 面 丽 愛 何 未 敢 我 也 念 念 日 抱

侈言孝乎

子游 至於犬馬,皆能 問 孝。 子 E 有 養。 今之孝者, 不敬, 何 以 是 别 乎? 謂 能

0

子

未」、啖柘山房本作「夫」。 而 」、啖柘山房本作「生」。

親 罪 供 子 警發之也。」「子游名偃」之「偃」,本作从 不 必至此。 能養 至, 犬馬, 游 奉 也。 ,孔子弟子, 以 則 皆 則非小失也。 足 與 深 犬馬 聖人直恐 能 矣。 養 警之也 代犬馬 有 待 狎恩恃愛, 以養之、若能 人 姓 者 而 其 言,名偃。 何異? 愛 食,亦若 子游聖門高弟,未 踰 胡 氏 於敬 而 日 不 甚 養 養然。 養, 故 言 其 知 今譌作偃 其 世 不 謂 親 以 ·敬之 言 是 漸 俗 飲 面 深 流 事 敬 人 食

訓義子游之學,專於 而 之子,則 告子曰,夫孝者,人人之所 親,將有情致 人之所皆可 以凡今之爲人子者亦或謂之孝,問之親 親 不以爲不孝也,問之子而子亦自以爲 亦 無 盡 而文 不因 者 愛也 不 其 -逮者。 本 固 而 有之愛而 乃苟 遺 故 其 可 非 問 末。 自 孝而 安於不孝 盡者 致之矣。 以 夫子 此 也

也。 於備 者 謂 其 孝 有 愛之,則必養之。 所 故 此 不 也 理,不敢 行 取此養之時之心而思之,與凡所愛而 不不 唯敬 發因 事。 飲 也。 孩 犬 미 以 之能養而已矣。 且夷其親於犬馬 食, 若其不然,則 提 馬 物盡儀之數。 以己情之偶 異乎? 敢不 乎人情 遂將 之情 乎? 有生迨死 取悦 不 m 已矣。 生其恪 愛也。 可 미 所 於親 愐 而 用 謂 不 以 之孝 也, 之日, 昫 <del>前</del> 非 至 養 敬 恭 見天 生我之大德,我生之 其 專 夫養者,愛道也。 而尚 响之仁,沾沾之惠,試 順 而 而 之 犬 震 致其不二之忧 養 相與 乎? 乎天理也。 修、偶 養、又 馬 不 動之心, 覆 也,不敢不 唯 可 者, 一忘之。 敢言孝乎? 地載之下,唯 此一心。 恃 時 亦 篤 何 其 也 何 以 而 而 若 起 直情 懼 嘗 加 以 别 居,治 養 心苟 此 於親 其 愛之 平 不 厚 致 養 也 者 者 此 謹 Œ 徑

愛,當作悉

事

勞。 子 夏 者,以 也。 於敬,子 程 親 嘗 伍 子曰 也。 者 也 問 之際,惟 有 難 必 孝。 先生,父兄也。 酒 其人多可憂之事。 謂 ?有愉色,有愉色者必有婉容。 舊説 蓋孝子之有深愛者必 食,先生饌。 :「告懿子,告衆人者也。 夏能 事親之際,惟 子 色爲 承 日 直 , 順 義 難 父 而 耳。 色 母之色爲 饌,飲食之也。 曾是以 或少 難 色爲 服勞奉養,未 温 子游能 有 爲孝乎 潤 難 事 難,亦 有 之 也。 和 弟 色。 養而 氣 告 子 通 食, 武 足 故 各因 或 服 有 失 爲 飯 伯 事 和 猶 其

訓義 儀 其 百 ,豈不難哉 不 節 也 材 -至者。 子夏之 而 之 略 高 於 下 故 心 爲 間 得 人 與 孝 调 以 其 爲 而 以 於 所 夫子 不 此 剛 孝,而若 事 直 失 告之日 親 <del>前</del> 而 告之, 即 其 可 有 爲 一,夫 以 學 文 故 事 爲 具 謹 不 親 而 於

忘其

色

也

自

任

其

色也

以

嚴

恪

莊

厲者

爲

之

也

無

難

以

爲

孝

,其殆

可

乎

?

不

自

之而 乎? 也。 愛積 焉 忱, 以 日 喜 有 心安與不安,必於此 見,己之所不自 也 有 言 而 或 外物,必不能 而 與 言 訶 即 以爲 色 於 之 忻 孝 怒之下 忽然至於親之前 不能,不 不可,持之而 事親之下,有 自然有 朝 如 巽 ,戚有與 也。 夕, 不 孝, 是 而 也 足 於 其 此 唯 而 色如 不不 終 色 以 瞻 、戚,威儀之謹不足以攝之, 見也。 事 知 試 變之,自然根 日侍於親之下而 圃 依之態。 亦不能 亦難 有 親 自 是 色存焉。 求善 焉。 親 之 反 也 ൬ 己之所不自見,忘 求 乎? 而 所 色如是也,當親 ,任吾爲 也。 焉 夫 之於心, 不 以 將於 而 知 色無定矣, 忻 父母 難 所 然而父母之 不 有 於 難 也 憂 色 可。 身,不 之所 柔 者 爲 色如 而 古 順之 而 喜 非 求 何 不 是 知 至 難 出 或 可

之物。 乎? 長 養 有 有 君子之容, 人之子。 八而失其 也 酒 事 焉 食焉,爲先生饌 故名爲君子,而實媿野人,不可 服 夫吾 不求之心而求之力,不求之身而 曾是以爲孝,抑人子之所敢 初心,即若有異人焉, 其 而 孩 勞 以 提撫摩之下,其若 而 修 已矣,以 職 而已矣,以 致 養者爲弟子之職。 爲己 無 而 爲 餘 此 親 非 力 自 不 復 平 無 也 深 ? 信 求 爲 缺

其 子 私,當作人。 私, 曰:「吾 亦 足 與 以 回言終日,不違 發。 回 也 不 愚。」 退作 如愚。 退 者 退 而 俗 省

念也

於聖人體段 獨 不相背, 口 ,孔子弟子,姓顔,字子淵。 處 非 愚聞 有 進 見 聽 已具。 之師 請 受 問 而 日 之時。 無 其聞夫子之言,默 :「顔子深潛純 間 難 發,謂 也 私 不違者,意 發 明 謂 粹 識 所 燕 其 心 言 居

則 難 終日 人而 能 聞焉而不能思,思焉 其 執吾言而 辯,不能 吾言之,惟 深者有難悟者矣。 貌哉? 則吾於回有深取焉。 道,坦然由之而 融 大義,審其微言,以自成其德也,久矣。所 訓義夫子曰,吾之有教,願 日 **延通者** 俛 通,則 不違 用 觸 矣。 與之言也。 而 動 處 思,仰 矣。 如 静 疑,而 洞 言而 吾之教之也亦 無所疑,無 愚 語 然,自有條 彼聽之, 其未悟 人而 默之閒,皆足以 而 一唯 至於終 ·無疑,然後知其不愚也 辯 己。 雖然,愚 由同 無 必 吾言之是 而 所辯 而不能擇,擇焉 及 理 求 日 所 有 窮 退 m 由 違 悟 違 ,此愚者之固 故故 不愚,豈 故終 至於異,異者有 省 未 得 也 也 淺 其 發明 吾嘗與回言 甚 執者焉。 明 通 圃 日 私 睿 有 而 不 丽 至於深, 言, 者通 樂 夫子之 如 但 口 則 求通 而 不 也 以 有 見 但 夫 能 其 其 惟 愚 不 其 見

之妙。 也,實 時,凡 唯 之而 可與聞 以發者 實足以發見於云 際,動静語默,以至於或有所酬酢也,吾省 占 與回言 異,皆有以 所必顯 以深信之日,回也 即其或未嘗發也,亦神情志氣之閒有其足 不能辯者哉? 其不愚,是以 教者之所必不 深知之矣。 能 吾言之爲條 固 前 則當其 前 一, 而 終 以 有 日 領於謦咳之閒。 特事理之不相 悉其 以 天下之不如愚者皆愚者也。 口 而 之明 測 不違之際,凡吾言之爲 不倦 則 如愚 理之所必合,而 口 其或於吾言 爲, 可如 回退 爲 睿 矣。 不愚 者也。 也,實有 理,皆有以 也。 而非 何者 而吾省之於燕處之 夫 矣。 值 大道 偶與吾言合也。 口 也。 夫道非 此 也。 岢 而 當 吾之 以 孔昭,而 果 發之也,則 其足發 充其 徹 於是 而 回之明 不 愚 所 其 口 能 者 用 以 同 變 而 也 疑 人 之 樂 睿 化 之 之 П 如 爲 可

> 引, 也, 心自具,曾何 無非是者,而 而 得 之於心, 疑乎 奈何僅 曾 ? 何 曾 違 得之回 何 乎? 辯 平 也! ? 吾 之教人 言 爲之

子曰:「視其所以,

以,爲也。爲善者爲君子,爲惡者爲小人。

觀其

所由

者也。 矣。 觀,比視爲詳矣。 意之所從來者有 或 由 行 未善焉 由,從也。 也 謂 則 所 亦 事雖 以 不得 行 爲 其 爲 善 所 君

「察其所安,

察,則又加 而 心之所樂者不 詳 矣。 在於是,則 安, 所樂 也 亦 僞 所 耳, 由 雖 贵 能

久而不變哉?

得聲。 人馬 焉, 今譌变作叟,因並譌麼作廋也 廋哉 何也。 ? 麼, 匿 馬 廋哉 也。 重言 廋 本作 以 深 度,从广从安 外明之。

爲

子

面

子 如 日 一、「在 聖 人 也 己 者 察 能 當 知言 作 詧 窮 理 則 能 以 此

然,豈 於一 訓義 各有 其 焉,爲善者則爲君子, 益以 審 之學曰,知人之道,治人者所必 一、從其 中、行 所 君子 求知而已矣。 言一行, 理,而 趨 行以求合, 立身者之所必 夫子自言其知 信 患人之難 偶 者 嚮 從 偶 顯 則 之,則 自 然易 人以 有不合之可 善 必 而 有 自言、一 善焉, 其始 過求之深 丽 見者 知哉? 此 吾之爲君子也,則飾 日 置 疆 爲 審 人之道,以示天下 善 爲 其 彼 而 也 也。 志行學 爲惡者則 界 辨 疑,執一 行 情理以 小 一、從而視之。 亦唯一 也。 之可 人 其 之 蓋 殊 者 大 人 術 不 夫 八略,不 信,言 2明,而 則 各 相欺,吾 節 能 而 人人必 之 爲 必 有 纍。 而 流 盡 小人。 惡 視之 偶 有 局 吾 君 欲 品品 亦 知 以 不 概 有 定 局 心 子 取 人 雖 事

矣,則 以 已孰 焉。 倣 其動 君 歸 利。 以 不 篤 其 大貞者也。 義之迹遂無 而 IIII 子 也。 異 别 得 得 間 生平者 歆 而 然 説 則 静 而 焉 其所 名 不 其素志,不 舊習之未忘,則 澽 進 信信 面 之際而省其 爲 加 然 所以者 能 而 拂 非過 原本 時 善 其所契合,終有天理人欲之别 不以其 也。 其 安於 觀 然。 夫所 矣, 小 心也。 之。 所 人 誤 徒取 夫 **か**所修 抑 抑 尚 抑 之利 之中 由 名 勉 既 有同 觀 有 進 而 爲 神情 者 於所 仍 之者 果 雖 夫今所言行 曲 不 君子 圃 遂 而 便,殉所行 安 可 爲 樂 行異情 馬 察之。 能 既善矣,既 無 1,從其 以得 於 由 不徒取乎外 善矣,果 或爲 爲 或 ,則動之以 君子之悔 其 君 也 異 舊。 利 察之者, 子 之差,而 立 必 或 勢 丽 而 而 身之始 爲 有 以 則 修 所 遽 爲 遽 不 悟, 外 習 所 欲 信 信之 君 所 計 誘 迫 雖 安 其 子 依 爲 要 丽 其 田

求合者 視之而 於安 於視 不 已耳 哉? 慕 以 以 以 其界限。 而 丽 節 遷 可 再 夫善以 忘 視之,又如 心 所 無矜特達之知,無取 加 意 由 本 企 丽 思 取 防 假 後觀 及,今 不 信 殊 善者、獎 之,果 所 之可 不能廋 制 無 -辨其 彊 焉 則彼 其 好 託 之已 殉 制 之,觀之而 曲 是 圃 於 也, 日 外 由 非 不 其 以吾爲 以 能持之不失者也。 之已: 不 善 掖之以 ||今日 以 耳。 則 逃 所安之不善,將 偶 不但 於 觀之,又如 以 忘 所 於三者之中, 任 能 觀 讎 之未 以 所 内 一之可 君 問 棄其 其 後 爲 而 之不善者,峻 歆 由 子 其 以 所 察之,不 信 君 能 動之情 不 而 也 由 每 宿 由 其 子 是 爲 善 飾 而 之不 進 習可 安 以 君 爲 而 所 mi 不先 馬 察之, 而 無殉 子 誠 早計 又 君子 所 以嚴 終 安 廀 善 也,斥 加 不 以 焉 哉 於 如 拒 無 丽 詳。 善 浮 以 其 之 末 不 是 者 之 唐 分 所 紁 子

Ď. <sup>《學</sup> 乎 學在 得。 温 指 夫記問之學 相發也。 善 之 記 尋 以 我 言學能 温故 而 繹 革 譏其「不 何 而其 應、當作 也。 其 至 而 ,則 時 心 知 以 應不窮,故 故 習舊聞 新 術 ·足以 噟 纍吾之志行學術 無 者, 미 得 可 也。 爲 於 舊 以 人 心 所 爲 面 方 可 師。 聞 師 每 而 且 以 矣。」温 有 所知 與 爲 IE 新 新 與 也 天 人 者 有 得 哉 師 下 此 當作 限 意 今 則 mi 昷 若 故 所 所 同 百

誦習 見及 不 所 可不 訓義 議 丽 以 미 論 不 子 能 有 可 爲 學亦終於偏 即 達於義理之無 功 新 師 日 立爲 而 者有 者 ,爲人師 ,人樂聽之, 遽以 敦於 --説 V/ 哂 其 教 者 智 而 而 所 ,則誤學者 亦 辯 圃 不 自 窮,持之有 傳 難 使學 顧 有 喪其 習 言 其 餘 乃 矣。 者 者,偶 所學之本 德。 守 迷 不 不 小, 於所 故 其 夫人 自 然 自 有 審 IIII 説 守 恃 所 之 其 其

矣。 於道 也。 於學 必 所 吾 心 爲 師 益之數 知 以 寓 已得意而 平 得 乎? 如是以 有得 術 之 ? 非然,勿 ,而吾 丽 必 也 則 使 者也, 學者 可 故者 欲 可 之塗 勿 爲師 可以忘言也。 極 寧退 以 爲 日 深以 師 無可忘也,其 ,皆先覺之所 無所復 爲 意 以 則 者亦將 加 師 盡 既 自 所 研 , 於此 通。 學 而 知 以 幾者也 焉。 不 其所 自 者 新者 ௱ 以 開 審 如 温 示 不 誤 無無 其 學 温 其 是 之也, ,亦微言之 可 學 可 者 者 可 而 而 容止· 通 者 輕 以 納 吾 而 可 學 於 於 自 以 聰 勿 嘗 求 也 者 之 自 彼 誤 明 車 爲

子曰:「君子不器。」

信

哉

體 器者,各適 不 具, 故 其 用 用 無 而 不 不 能 周 相 非 通。 特 爲 成 德之士 材 藝

訓義夫子曰,人之欲爲君子者,當審於君

而

已

藝,本作埶

事之宜 之不 其心 通 於器 器二 志 己。 以 則 以器使天下 於此,情不屬 纍其神明,其學有本而 可 子之所務,抑 於修己治人之道未能 氣。 也。 以 必 加 廣 思 有 專 夫君子者,其心 不 奉器皆 脯 乃 所 而 故 其志以成其德。● 以 凡適一 可, 得 習 至 精於其 自 者在· 於器 其 有所 命者言之, 適, 必審於君子之所 也,力不 長 術 時之用 ,數者,所謂 也。 以 數 亦 미 不 也, 無 自 可 至 則 蓋 ·專焉。 所 命 亦亦 不以 虚 要非 力 致其 凡 而 丽 可 而 則請 爲 而 口 以器名 利 其 才力聰 不 器 之 其所 即 亦 或 遠大,而心有 也 爲 雖 以 也 就君子之所 必尚, 竭 可 及 可 以 學 亦其 小 者,必 也 致察也 物 以 之 m 紨 明 功 而 (自矜, 應 志爲 自 分其 所 君 應 小 可 而 子 偶 名 後 有 知

●「專」,啖柘山房本作「守」。

所 係 其 則 可 爲 以 澹泊 自 限 寧静之纍 哉 也 示 小。 欲 爲 君

子貢問君子。子曰:「先行其言而後從之。」 問氏曰:「先行其言者,行之於未言之前。 而後從之者,言之於既行之後。」 范氏 可。「子貢之患,非言之艱而行之艱,故告

者乎? 有 以 子之言,所以胥天下 而 ጠ 君子之道應天下者 訓義子貢之問君子,但欲知君子之爲君子 盡於己 用 君子之務此, 見於天下者,有言焉,有行焉。 其 焉,於心有會焉,可以信其必如 君子之行,所以自 志力 者 抑必求君子之所 何 其 若也? 研 則其 幾 也。 爲 輕 夫子 而使傚以爲君子也 甚 處於君子之實 重 二者皆成德之驗 審 緩急之序,斟酌 日 以爲君子,其致 也。 ,君子之立 君子於道 言爲君 此 而 身 m 以

> 必審。 用 昭 者。 行,則行自篤。 也,不益 其理之所必然,而後 行者必可行也,必不可不行也,益 行之而已矣。 日 理,而垂 爲君 今古不易之訓 已知之,而可以言之,則無 之數、皆有名可數、有理 心哉 垂 用之間,酬 於天 如是而言之,可以昭著於天人物我 子,雖未 唯 以昭 示天下以 下後 斂 其 言也,其 察 酢 # 志氣 與乎? 既已行之,則 以已行之道發爲言, 乎 可 法則 動静 試 欲 以 ൬ 爲 專 言乃從之。 或然或否、 蓋以欲言之心 矣。 不 攸宜之曲 君 可 於爲己 可 白,而 子者 而君子以 不 驗 久 可 也,則急於 尚尚 一,而 之於躬, 或 言之亡 行者也 折, 其爲 以深 道 審 取 則言 勉 而 爲吾 其 法 或 所 自 其 爲 可 疑 舍

子曰:「君子周而不比,小人比而不周。」此,必

二反。

於周 兩當作网 之,欲學者察 分 同 意 周 陰陽,當作会易。 八則 气但 如 暜 比 在 陰 周 徧 公而 公 陽 也。 和 私 書 同、驕泰之屬,常對舉 比 私,當作 平 之際,毫釐之差耳。 夜, 比, 私 兩 每 偏 耳 閒 4 每 黨 而 相 也。 釐,當作氂。 審 反。 君子 其 皆 取舍之幾 然 小 與 究 人 j 察、當作祭。 親 而 故 其 所 互 聖 所 爲 厚 也 X 以 不 之

之大公, 術 廣 之自 訓義 厚,分之所必 無 必 以 君 用 而 濟小人之惡。 行, 子之仁。 也 IE 無妄交 夫子辨 其 遂 而 信情 君子 以 無 君子 前 也, 隆 别 所 小人 無 理 矣。 日 示 吝 所 小 人與人相接, 受恩禮 Ž 於此 無 者 施 之所 君子之用 用 也。 所 愛 敬 情 施 必 而 於人 之 納 於 故 推 君 結 天 别 凡 但 子 情, 者, 以以 於 下, 情 小 而 미 天下 之 因 人之心 情 必 使 則 施 所 其 有 知 天 無 也 必 心 則 以 所 其 下

> 慎乎 非 矣。 之所 嘗 唯 審 辨於義利。 廣 則 則 厚,無有餘 所私,而 其 黨同伐異,而 有 其 從 且胥天下 汎愛曲 而於君 倚,利 蓋邪 周 所 而 不 也 偏及之,無 偏 相 比 則 正之分,分於公私。 繫 也,如 之所 與 必 子小人行 容, 不此之詧,則但以專己吝物 因 而奔騖於小人之中矣。 矣。 暱 相 以 趨 物 相 者 親 是者 雖 處 付 所 隨 也 小 相 遺 於 物,而各予以 人 以 附 謂 不 也,如 寬 濟 波靡,不能 故惟情 之用情,唯 之比 口 而 惡之實,未之能 厚, 施 至 也 其 是者謂之周 於 公私之辨 之所 唯其 不 失 應得 有 周 其 己 極 狎, 比 可 也 所 致 心 以 未 也 之 爲 必 推 其 勢 勿 葪

子 日 不 而 不 求 「學而 安。 諸 心 不 故 程 思 昏 子 則 而 日 罔 無 -: 得 思 博 而 不學 學、審問 不 習 則 其 殆 事 、慎思 \*,故危

明辨、篤行五者,廢其一,非學也。」

過 也 盡 於 事 則 於 古 心 思 「, 必 0 Ē 吾 言 則 則 口 理 思 而 而 甚, 據爲 乃 法則 者不 不恃己 心 昧 中 不 夫 不 自信 則 在 不 殉 以 其 容 子 平 學 我 愐 知 典 具 미 古 測 宜 ? 不 信 輕 不容不 而 常乎? 自 偏 之 在 度 人 致 審也。 古輕 審 抑 廢,而 而 顯 但古 其 之 聰 其 乃度之於吾 有 知之途 事 而 理, 陳 明 ·博矣。 從違。 但 未 迷其 人 人 迹, 乃 抑 必相資 乃印 於微, 有 丽 念 盡 純 未 其言, 而 慮 有二, 幾 而 可 古 之於 乃敏 任 唯 而 之 可 自 據 以爲功。 之士 爲 L, 率 吾 先 所 深 mj 常 而吾 警悟 覺 古 罔 然 日 斷之士 通 求 其 俟裁成 而 學 之 而 丽 效之,則 信 即 者 理 推 已矣。 之靈。 是 日 學於 其 古 即 效 果 於 也 效。 思。 信 者 道 其 欲 變 己 杰 ?

> 戾,不 已矣。 學非 爲 其 折 古 之所近, 有 面 已矣。 思 功 迹 以 而 於學, 求通 而 有 行 猶 如 礙 愈 者 而 其 不 於思 不 如是 ,則乍見爲是,而 不勞而 而思之困則學必 曲 思 無 得 成其 也。 思 以 通,不如其 而 獲 也 爲學 學 才, 且 愈博則 \*, 其 非 善 存 執 私 學 乎學者之自 無學 弗 之偏 旋 意 者 學 勤 思 疑 所 豈 愈 也 也 其 勥 若 不恃 而 遠 求, 非 反 是 如 且 以 爲 勉 其 思 平 是 拘 伽 成 性 Œ ? 以 於 曲 而

子 楊、 范氏 爲 氏 治 曰:「攻乎異端,斯 日 尤甚。 之言 攻。 圃 墨是 欲 日 精之, 0 異端,非聖人之道 也。 比之楊 學者當如淫 攻 事 其 爲 率天 墨 害甚矣。」 治 害也已。」端、當 也 元 下至於 聲 故故 爲 美 治 色以 近 而 木 無父 理 别 程 石 所 遠之,不 子 爲 金 無君, 日 以 玉之工 • 端 其 爾 害 佛 專 如

執

爲

是。

加

不知先我

而

得

者

已竭

其思, 倣

知

爲

不

知,是知也

一。」女,音汝

子 日 君 其 其 物 若 此 非 夫 其 風 訓 之使精 者,其言甚 有 急 子 理 其 端 道 俗 便 異端之不 爲 安,遂 乃世 夫子 任斯道之責,其 皆 所 端之中 自 也? 而 世 由 流蕩 見 미 已 本 道 於是 一變之所 矣。 誨 廢 日 mi 炳 而 産然 而不知歸 則 户 一,夫 女知 也。 而 通 心 猶 惟 加 mi 責 别 不 於 之害 不 道 文之使巧,其旨本粗 道之不 天命 起, 而從之,未幾 之乎 也 揣 愚 爲 末 敢自信 亦 明 由 不 其 能 可何 忽 甚 甚。 甚 人心皆可 端, 本,不 1 肖者喜其 容 一明矣,人心 近 明 其爲害之速,如 烈 已於歫之乎 日 也。 知之爲知之,不 遂 而 始 也, 而 丽 與 循 推 爲 不 成 亦 而 道 異 其 於 誣 是 新 乎邪 謂 甚 端 近 遠 徧 也,人 説 而 奇 亦 有 速 天 興 相 者 攻之 乃 本 止 m 而 淫 下 也 離 也 利 倫 鑿 亦 於 此 此 之 IE

理

乎

?

以 爲 雖 蓋 由 日 或 爲 ,我教女以知之之道 知 有 孔子 知, 不 彊 矣。 能 其 所 弟子 所 盡 況 不 知 不 由 知 知 姓 者 此 而 仲, 以 無 則 丽 爲 自 以 字子路。 求 知者。 欺之 爲 乎! 之, 不 蔽, 又 知。 但 故 子 有 亦不 夫子 所 路 如 可 知 好 此 告之 知 害 者 勇, 之 其 則 則

之 訓義 乎? 知 而 故 過 知之而 而 之學, 乎? 大子特 勇, 自 得 子路 志 遂 顧 非 不知 其不知 抑 則 不能 自 其 嘘 之於道 即 謂 信 所 得 而 今日 行 可 者 爲 以 也, 告之日,夫人 不 m 一,已得 多。 是, 能 自 而 務 而 知 見爲 唯 憬然悔悟之下, 所 況 之道 由 其 勉 以 行 也,女其自以 大端 於 行者少,不 乎 知 之 之乎? 行 不 ? 而 矣。 知 加 必 今誨 略 而 不 面 行 於 得 抑 爲 能 知 爾 自 知 者 行 即 以 欲 知 知 任

然,而 吾 妄 有 夫 明 不 口 任 知 乃 矣。 昧,則以正告天下而 日 可 從 信 如如 宗 所 理 人 知 遺 此 情 女 有 之可 之終 此 天 也 其 不 乃 開 久 未 也 m 而 吾所 即 一,通 不 見 下 獲 不 有 也。 不役意 不 則 可 名,有 於 昧 而 於 知 所 미 變無 於 面 知 是 決於行 是 不知 夫女固 不 始 者 易 不念不知者之固有其道 也 道 灼 則 知 無 而 於知 昭 一,條 也。 窮, 道之可信。 > 謂 然 乎? 行 覺 者 然 無 知 舉 有 必待於學之已徹 理分明,果因於心之不 焉, 焉 而 辨 於 行之,日 天 並 凡天下之事理,皆 窮 則 所 不念已 是 女特未覺耳。 是 下 退 E 不 日 知 謂 非 丽 之有 此 得 知 而 者 唯 若能 信 得 我 其 吾 省 此吾 矣, 吾 一知者之果 失 焉 此 涯 所 所 日 意 自審 可 此此 反 於 際 理 不 所 知 念之 以 八十心。 之 知 知 不復 特 則 吾 而 m 丽 自 丽 外, 也。 也 爲 10 不 以 所 不 可 念 有 所 信

> 已矣。 爽。 之, 任 也 其 也,戒之哉 之,而但決於行,吾未見所行之無 因 丽 加 是知之之實功 是 察之 於 不然,謂天下之可 以 所 求 己 也 其 知 無 知 者 難 也 極 前 致 即 則 在 其 未 所 女之一反求 知可 精 遑 不 勉 知 而 不知, 其 者 爲 之 所 己 悔 信 之 也 不 也 且 m 不 知 有

子張 學干禄

由

子張,孔子弟子, 禄,仕者之奉 也 姓 顓 孫 名 師。 干 求 也

禄 闕 子 Ė 殆 在 慎 其 中 多聞闕疑,慎言其 矣 其 餘 則寡 悔。 餘 言 寡尤,行 則 寡 尤。 寡 多見

擇 出 程 昌 之精 者 子 氏 也 日 日 : ,慎言行者守之約。 「尤,罪 愚謂 疑 者,所 名 自 聞 未信。 外至者 見 者學 之博 也。 殆者, 凡言「在 闕 悔, 所 未 疑 理 其 殆者 自 安。 中 内

干 不 至,君子言行 者,皆不求而 得 禄,故告之以此 而進之也 禄者,孔子蓋 顔 関 則 自 能 無 至之辭。 謹 程 此 一,得 日 使定 子 間 日 耕也 矣。 禄 其 之道 言此 心 餒 或 修 在 疑 而 也 天 以 其 不 救 如 爵 中一, 子張 爲 此 貝 子張之 利 亦 人 惟 有 禄 學 爵

理

口

爲者爲之而已矣。」爵,本作

受野 妄 尚 初 未 義 而 之學, 」; 則 也 必 但 而 非 人 激幸 能 言 於 士之必 人之養, 無 其 改,而 學者之不當以 君 所 顧先王以 立心之始已不正 大抵 於先 用。 子之塗。 仕 與 圃 飾 E 子 先王以禄獎君子之盛 食君之食 義 之典。 其言行 禄 張 也。 士人 待天下 學 禄爲 焉,夫子深 仕 世之不古,遂有 以 以 以事 之士 而 念,則 道 m 求合於時之 得 爲 所 君之事 禄,以 服 即 學 重 惡其 躬之則 者皆 禄 以獎進 心 君 利 亦亦 非 相 者 虚 所 干 子

行之不 戾,且 於所 於心 於身 言 恐 疑 於 不足 於此求之也詳, 有 故 有 之 可 有 ,於古不謬,於心不欺, 理 乎 聞 行。 述以明道則有言, 聞 即 損 E 一無暇 者 以以 之未 學 1 言 不疑之餘, 也 心之實者言之,以 也 成乎 - 臧,則 言之不 禄,亦但言學 ,亦不少矣。 詳之,必 聞之多,疑 焉 詧之人情物 而 恢,或 木 飾 或 丽 家 仕 虚 不 無 得 無義 設 多聞 以 用之也謹,故終身學 據之爲, 得 而慎 則 爲 爲 禄之至意將 禄 之闕 無 於所聞者謹之,闕 實,而 見焉 無 而 者之過。 理 乎 言之乎 實 雖 足矣。 攷之前 稽 者 1 之論, 於學 將 之説 則 口 而 則有 致咎於身 多 自 口 可 與言矣。 1 聞 今以 者 悔 酌以 以 言往 以 故 又 見, 人且 焉。 而 之 信 就 如 何 加 是以 不 制 聞 學之切 爲 行 禄 天下之 尤之。 謹 世也 學者 可 馬 事 焉 者 哉 而 行 而 爲 其 信 則 未 詔 尤 而 而 則

矣。 闕 者,人或未之鑒 就 雖 者,人或未之知 就 然無以 有 行之乎! 見 舍此則隨世主之喜怒,時俗之好惡,而 理,則可以信後此之心也,其 正之操,又加謹焉 於所見者謹之,闕其殆乎! 心 可 之言禄,則豈 也。 行 言 此 以苛核之習,尚不能指我 也 凡此者 寡 寡尤之日 行,而不容不極致其詳,極致其 以行矣。 其 多見 自主,君子小人之界於此别矣。 悔之日 (於尤 如是以爲行,於物得情,於事 ,皆學者有此身,即 丽 也 不能安於心者 IIII 遂與 而思之, 也。 也 而 寡矣。 思之,其多 猶 禄 殆至於 殆至於 於所不殆之餘, 恐事之不順,或 其多 而 於見 相左乎? 一語之非。 本 見之多,殆之 也詳之,必多 見而 聞 於 無 無 有 亦不少矣。 而 此 悔 可 미 闕 闕 尤 悔 言 也, 今試 以 以 而 爲 謹。 即即 茫 寡 得 面 慎 不 則 慎 試 則 慎

> 時 尚自念之。 王終始典學、擇賢任 世之道、别有學焉、將 中矣。子勿曰,君子之學,學 是也,人心猶是也,君子得 於學者如是。 不能不矜式我也。 雖 也 歷 險阻 ,世之知 之塗, 我而 今雖 而 先王 不 大行不加, 不 復 職 自 口 有 昧 復 詔 乖 致之心。 見 禄 所從,而 禄之理, 方之過 乎,而 之典,本 ·而已矣。用 不 知 我 並昧 即 國 師 在 所 而 典 於 也 其 猶 期 亦 斯

服。」在,當作 直 哀公問曰: 錯 諸 枉 挂 何 則 民 爲 服。 則 民服 舉 枉 錯 孔子 諸 直 對 日 則 民 不 舉

則服 日 程子曰:「舉錯 哀公,魯君, 曰」者,尊 一、「好 ,逆之則 直 君 而 名蔣。 也。 惡 去,必然之理 得 枉,天下之 錯, 義,則 凡 捨 君 問,皆 人 置 也 至 心 也 情 服 稱 諸 然 也 或 孔 衆 子 無 順 謝 也 對 之 道 氏

以 以 照 之, 君子大居 則 以直 敬 爲枉、以 而 貴 窮 理 枉 也。」好,當作政 一爲直 者多矣。

然,當作嘫。居,當作凥

若民 行,而 則民 達上之意者,百 不 枉 於 恒喜枉者之阿從其好, 世、言行 上之舉錯,不可 使服乎? 庶 訓義哀公以令之不能行也, 雾之以從, 家 相 民 ,徵上之爲 之交議,且有離 居未 而 ,則公是公非之不 信,久矣。 服,將求之民 是非 一錯之, 民曉然知上之指意 用之先。 夫子曰,上之與民,勢相 由 無 於 得 所 職 以不慎也。 通乎上下之交, 軌 曲 、爲失、爲 也。 乎? 則 撓 如 叛之憂 者,枉 者, 其於直 民於此徵 可 而憚 抑在 直 泯 貞、爲邪焉。 也。 也。 也 夫人之遵 直者之難 m 上 而 使親 有 早已 其 上之好 乃問 舉之於諸 顧上之人 非 黨邪 委 以 絶 鑒 曲 道 民 而 制 何 親 悪 故 之 m 别 殉 而 心 爲 而 而

> 爲乎? 之所好 害正 刑 用 施 政 若其枉者舉之, 焉 曰 則 無 ,英明之施 法, 此 爲 矣。 也,非 必 有 雖 重 者 而 失, 不 欲 民 爲 別 能 而 殉 民 使 既 殉 行 且 家 己而 不服, 損 之 上意 増其 自不妄也,帖 喻 而諸直 乎! 服, 丽 志 丽 苛爲之禁令,嚴 疑。 户 愈 民 不 疑 者錯 曉之,而 也。 以 念民隱 而 況 失民, 膀,亢 枉 焉,民以爲上 然順受之矣。 如 者盈 是 者 而 面 有 深信之 也。 廷,其 叛 安 所 爲 口 之 即

能 日 季 康 則 . 子問: 勸 臨之以 莊則敬,孝慈則忠, 使 民 敬、 忠 以 勸, 如 舉 之何?」 善 而 教

能 親 端 季 嚴 者教之,則民有 ,慈於衆 康子,魯大 也 臨 則 民 夫 民忠於己。 以 季 所勸 莊 孫 氏, 則 而樂於爲善。 名肥。 民 善者舉之,而 敬 於 莊, 己。 謂 孝 容 於 貌

敬 蓋 敬 、忠以 有 夫 日 不 : 期 勸 然 此 而 而 爲 皆 然者矣。」然,當 之 在 也 我 所 然 當 能 爲 如 非 是, 作 爲 峽。 則 欲 其 應 使 應 民

作唐。

焉。 德教 壞。 其 非 也 之然者,非 敬、忠以 有 公之遺 心 :所不能 則則 恪 能 而 此三 恭 當 而 務 或 民不敬則 使 何 意 臨 已矣。 此 以 玩 勸 一者,君一 者,而 敦仁 自 安者矣,潛逐其 民 尚 危 誠 褻於法宫令儀 可 有 而 之際,言 求之民也,亦 爲政者 存 民 無 生也 厚之心, 自孝於 使之敬者, 子導 猶 焉 禮 不 知 而 勸 民 無 以 使之 之 夫子正告之日, L 則 以 戲 此 下亂 所 荷 善之教 之下, 愚悍之氣, 忠者 言 求 爲問,魯 急 唯 且 也 圖 在 之子 偷 民 親 也,而 唯 有 薄 而 動 不 大夫 以 先 在 其 季 忠 無 丽 民之 不 則 示 使民 王 心 妄 康 有 風 之 知 之 先 動 以 必 子 俗 無

> 矣,日 躬行 於鼓 無遺 其 夫亦力行之而已矣 動之,化行俗美,先王先 使之忠,使之勸。 怠 在 情,自知親上之不可 於 也。 有 衆 心 於上 也 舞作人之世, 以導之也。 也 必 習於爲善之樂,不 蓋 ,不能者教之而 有 則 凡民 而教施 不 \$ 能 懷 有秉彝之性 自 慝 推樂 於下 容 上無以阻之,而 而其 以 者 貮 事 者,唯 善 心必 矣,密 敦 不棄 也。 之誠 公之以 知 本 自自 神 有 此 使之勸 也 篤 ,善者舉之 革 情 焉 不 則 可 忠 愛之主 其 之 能 耳。 使之敬 厚 入 變 詐 且 自己 欲 何 者, 開國 一有以 子大 以 自 不 棄 而 唯 圃

或 謂 政 定 也 公初 孔 子 秊 「子奚不 孔 子不 仕, 故

或

人

疑

其

不

爲

日

爲

政?

子曰 於有政」。 : 書》云『孝 是亦 爲政,奚其爲爲 平 1 惟 政? 友 于 兄 弟 施

也

自

慈

以告之。 蓋 則 廣 言《書》之言 書》言 此 孔子之不仕,有 是 亦 心以爲一家之政。 爲 君 周 要之,至理亦 陳 書 政 能 . 矣,何必 孝 孝 君 如 陳 於 難 親 此 》篇。 以 居 也。 ,友於兄弟,又能 不外是。 語 孔子引之,言如 位 或 《書》云孝乎 一乃爲 善 人者,故託 兄 爲 居 弟 當作 政 乎 友。 者, 凥 此 推 ? 此

之季 酌 未 始,天 在 削 而 意 訓義定公初季,孔 仕 之 以其 有 者以昭公不得正其終,定公不得 m 聖 可以 而 委 盡 倫 贄 意謂 有仕之道,不仕 心 其 之際 仕 之舉, 天理之當然, 自 矣,且子亦非 孔 有 有 子 難 不 則 日,子之學可 子遇彊仕之季而不仕, 奚 忍言者。 以 告 以 人 而 然 則 不欲 有不 者。 也? 有 乃 不 或人 仕之道,隨 仕者也,而 以仕矣,子 乃在聖人, 可 夫仕不 以 不 明言 正其 知 仕

學,而 弟。 乎? 禮、 者。 保 之於家,至和 消犯亂之本 加 德 患 書》以道 其 但 以 未 樂 孝友而 |勤孝友 命之日 而告或人曰 盡 其亦以是爲 正身率物之理 而 夫 詳 一之寡 政 道 言 一、唯汝 即可 之行 乎? 事,其所 加 耳 之也, 過 無 , 以任 一,夫 非 也 争, 君 何 君 人治之大,而 陳,能孝 略 陳之尹東郊也,稱 疑 爲 也,乃未嘗取 而 云 牧伯之責,則爲 至 且 1者,非 於事君治人,而 政 於 不 順 以 有爲政之道 見 出 而無逆,言皆 是孝友之德 於 其 處 窮 親 重言 之 定邦家 居 友 際 兵、農、 潔 夫 己之 牧 於 哉 老 亦 順 僅 伯 兄 其 以 施

求諸心,外而盡其事,道殊未盡也,盡之

而

而

已矣,是亦

爲

政矣。

則

我

今日

者,亦

内

古之君子所以

表

正

萬

方,

聯和

百

姓者,

此

兄、弟弟,教立

加

治

行矣。

由《書》言思之,

也,事皆成也

則

一堂之内,父父、子子、兄

古帝 仕 往 自與 鳴 有所 政之 初 冢 廢 已 而 人 呼 心 而 而 耳 E 事 孝、曰 合諸 精 有同異哉? 則 隱逸之士 爲 不 王 1 者,相 有 盡之而 意 所 也 亦 此或夫子以定公之故 具 墓,祀先公而 以治天 至理之咸具也。 友、 以 而後 於 孝 爲 日 廢大倫 天 縣 友治魯 爲 施、曰 室之中,奚必 秩 下之本,實不 絶。 政哉? 子 天 敘 以潔其身、務耕芸 有政,則 加 此聖人之言 登 之不 己。 一昭公於廟,孔 其後溝 加 又 豊 出 而 出 雖 與不 何 爲 而 即 於 不 昭 所 言。 疑 圖 禮 仕 此 仕之 公 以 也 樂 君 而 理。 子 之 以 然 無 ? 以 刑

音月。 小 子曰:「人而 車 無 軏 其 無信,不知其可 何以 行 之哉?」 也。 輗, 大車 五 兮 切。 無 輗, 軏

大 軶 車 以 謂 駕 牛 平 者 地 任 小 載之車。 車, 謂 田 輗, 車、兵 轅 端 車、 横 乘 木 車。 縛

繋車

牛相

合

爲

而

利

用

者

也

信

之

軏 作端,誤。乘,本作藥。 轅 則 不 端 印 L 以 曲 行 鉤 衡 人 以 而 駕 無 信 馬 者 亦 猶 車 是 無 也 此 耑

實, 法,在 於心, 者,在大車 馬牛之力效乎車 車 異也,其事本各有 行於天下之一術 處 異,行之無據則 恃,賢智者又以權 訓義夫子日 者,其唯 然。 而 ៣ 與馬 可 可 外 下 車 也。 以制 信 丽 而 自 則 乎 無 不 盡 車 乃 爲 人 ţ 成 定 也, 無 人而 輗 而 得 守。 也。 乎 乃 在 信 變 車 使 失 所 馬 其 愚不 之輪 服,誘 無恒。 者, 而 有 趨 與 言 乃己與人交,其 小車 所 無傷。 加 4 之無 且 - 肖者 事。 轂 必然之 不能 自 則爲 人 以 吾不 運 馬 加 爲 實 在 然内 以 合也。 轉繫乎 使從, 軏 4 於 上 則 知 譏 理 也 己 所 始 其 而 詐 m 不 馬 譬之 能 情 亦 雖 終 以 何 無 不 爲 可 維 使 本 利 未 定 歉 4 所 有 喻 口

無 平 務 行 力 何 無 以 丽 亦亦 我 以 以 則 人 輗 維 愚 行 馭 無 亦 而 繫人己 將 亦 不 馬 無 疑 益 何 如 肖 以 面 之, 於 用 無 是 者 陟 服 而 功 哉? 信 矣。 衆 平 使 不 4 業。 者 且 險 以 미 我之意 欺 不可 任 叛 違 故 則 人 而 乎 信 親 馬 丽 無 m 則 喻 重 4 者 且 信 X 平 賢 自 散 小 離 亦 人,人 喪 智 盡 逸以 車 則 矣 欺 其 者 人 之 如 之, 生平,不 之 亦 雖 之 無 大 去 所 所 有 疑 車 用 軏 而 心 必 智 人 之 效 車 m

子張 於 子 日 Ŧ 世 者 問 : 之事 . 易 殷 7 姓 因 受 111 可 於 命 可 前 夏 口 爲 知 知 禮 也 乎 ? 所 世 ? 損 前 陸 子 益 氏 當  $\exists$ 張 可 作 知 歬 問 也 自 也 此 作 乎。 周 以 H 因 後

據

也

世 殷 馬 口 禮 知 氏 也。 所 損 益字上本从水 所 益 因 知 謂  $\equiv$ 也 寫 綱 从分、 其 Ŧī. 或 非 繼 所 周 損 者 益 雖 謂

爲 下, 氏 蓋 益 爲 文質 乎 既 此 周 然之迹,今皆 體 統 三統,謂 由 智、信。 一,豈但 商 往 日 如 ,不過文章 子 禮 而 或 不 周 : (此,非 王者, 者 綱 \_\_\_\_ 大 可 代 之 正 所 「子張之問 以 統。」愚 過 本 十 文質 相 建 夏 謂 夫 明之也。 日 若 世 雖 子 E 則 也。 総 天 爲 消謂 後 百 皆 當 可 制 爲 建 丽 而 地 妻 按 世 世 損, 寅 商 已 見 度 天 無 之 綱 夏尚 因 . 之遠 讖 乎? 統。 小 爲 不 禮 常 蓋 之而 或不 夫 緯 能 過 則 人統,商 欲 忠 經 五 自 綱 桁 天敍 不  $\equiv$ 改 自 知 所 商 也 常 修 聖 足 不能 數之學 乎 謂 今 及之閒 綱 來, 因 身 人 則 尚 夏, 謂 君 天 以 五 所 若 變。 當 以 所 IE 質 而 秩, 常 爲 往 革 周 乃 以 至 建 益 聖 周 臣 制 不 人 於 人 知 亦 或 其 禮  $\mathcal{H}$ 義、 加 尚 綱 益 度 能 所 爲 言 來 有 其 所 之 爲 不 父 禮 之 文 共 其 者 已 損 大 改 天 胡 渦 地

此而 通 損 之, 義 已矣。」 也 與 時宜之, 因 往 推 m 來 所 雖 因 白 者不壞,是古今之 世之遠,不 過 如

所以 焉。 略。 統 所 亂 爲 而 面 命 必知後世 修 爲 而 極 其 成 而 世,而 爲 乎 三綱之相 明 則 有 故問 子張以聖人垂 爲 上 不 代之典 有 者 風 天 人 明 口 開 俗者, 於 巾 下,至於 人道之變遷, Щ. 之,下行之,則治。 知 非 Щ 夫子, 也 但 所 以 代之治者出焉,必 章 統 其 ? 當必 爲 反 必 也, 焉 道 以 人 因 十世,其 教以 有 五常之相安也 必 心 有 時 爲 也 萬 前 因,其 與王者所以定之之 於 從兹以 補 可 人剙 爲 世 大正 有 知 偏救弊之術 天下之經,將 (所以 不 也。 所 制 所 可易之常 不 後 以 本 宰制 因之道 圃 復前王 然 子曰 易 善 可 極 則 其 人之 姓 乎 承 萬 因 亂 之 道 革 無 大 則 何 方 俟  $\Box$ 

挽而 之數 者 益 閨 下 損 以 之遞 之所 必 相習 趨 敝。 天下,必 印 前代之所已有餘 菲 惑。 ·,必無 異 種 位 於獎矣。 益 也 於妄。 百 所益 也, 於 興 前 歸 流及後 不 也 季者 也,五 於中。 若 自 野 及 代之偏,以自立風尚而 無不 不 不因之理。 者, 其 人,諸 其 防 自 可 若復 世, 則 損 因之而 易 者 其 亂 . 損 以 德三統之相 於是 益 姓 因者 而 世 無 世 侯 上 不益 者而 者 因 革 加 有 也 之所 紀者 不 而 前 成 而 密焉 命 不可 其不能因者 而 之理。 能救之於早,下 知之, 閨 節 人 平 治定功成之主出 知 以 也 開 之法 極 位 去之日 日 之, 知者矣。 禪也,君 興 奉若天子也 亂 也 益 以 則 治治之, 其  $\equiv$ 極亂 則 理信 不可 爲一 撥 之治, 損 損 同 有 亂 ,亂世也 非 此 子之 世 之 忠 夫不 則 以 反 補 而 所 沿治之 而 質 人 日 世 前 而 不 見 天 所 文 裁 可 心 益 不 所 代 垂

者乎? 之所 大倫 遷流 雖 能 猶 日 不容 殷道 教者 夏 必知其不復。 夏之世可 H 殷之改 而 一今之 或 承 而 m 有 衰 不可 興 周 後知之乎? 紊 攷之,其知者皆實有 以 大法猶之殷乎? 可 以 ,非因殷人末代之遷 而 或亡 視 治 知者矣。 先 者 成 制 殷 亦既 昔。 以知 復行 乎敝 所以 E 少必 度 興,殷之大倫大法猶夫夏 以 之統 至於百 即 知 其 亂 豈待成湯革命、武 殷,在殷之世可 V 而必損益者乎? ,則夏道不可 夏之所以 其 者, 抑不見殷 或 政 以此準之,後之視今,亦 丽 不 有 教者,非 世 而 紊。 革 繼 周之改制 有 周 而 周 可 可 (流以 治與 其 後 所 衰 而 知 復 知 因 因 敝 代之敝 而 王 者也。 以 者 夏 行 | 者必 所 不 成乎 者乎,必其 周 知周 矣。 亦既 度 王殄殷之 后 而 可 以 興 以 末 必 因 復者, 敝 者 亂 周之 乎? 即 代 則 在 文 損 也, 者, 也。 其 在 今 殷 則 政 益 之 子曰:「非 知而 惑也。

妙 後者 之更可損以 損益 知不 者 所損益者必 用 也。 「唯此 之日,抑早知可損者之更可 因 無 之 於亂 憚 不 於詳 大 損其不得 順 可 世 經 関 人心。 以 之不 爲 定 參 位 天 一致,所 可 不 不損、益其不 故守先王 下。 貸, 能 因之日 於前 以 而 俟 棋 之道 白 酌 王 益 世 古 · 得 救 而 丽 今之 以 弊 早 不 益 而 待 者 益 不 口 而

非 其 鬼,謂 非 其所當祭之鬼。 諂,求媚 也。

其

鬼

而

祭之, 諂

也

見義不爲,無 勇也

不爲

是

無

勇也

養之以 之者焉,以爲忘分而上僭,可 趨 訓義夫子 面 於委 懦 怯 成德,中人率之以自立。 靡而 則 Ħ 必 不可 終陷 生 返,於是 於 而 下 有 愚 剛 圃 丽 直之 有 已 以鳴驕 矣。 非 氣焉, 若其 其 鬼 乃 殄物 柔 君 世 而 祭 教 媚 子

無媿。 於神明 情,則 剛 故 乃可以 焉,以中立求免,自許其智之深。 之,柔異卑屈之心不可問 勇矣而尚望其能有爲乎? 君子以正直交 充,苟且偷怠之念不堪策 而 加 不輕,自許其力之定。乃問其所以沮退之 修文, 直 尚 ,則求福 之氣 可以自明得意乎? 畏 有 ,無所求於鬼者,乃可以質鬼 以死生守其節義,不畏其難爲者, 禍 可 而 所不爲而保其貞。 以 已甚,志之不決,成 無厭,媚人不得, 已矣。 示 侈。 不然,吾亦未見其可以 乃攷其 也,無勇 也, 有見義 無他,唯全其 所 媚 諂 乎氣之不 以 鬼 也 以 不 淫 也。 而 神 持 爲 冀 祀之 諂 而 重 者 矣 朢 無

七世孫世全半溪謹刊

四

訓

義卷

四

终

邀

福

而

免禍

也

## 四書訓義卷五 論語卷三

宋朱熹集註 明衡陽王夫之訓義

## 八佾第三

凡二十六章。通前篇末二章,皆論禮樂

當作网

之事。

可忍也?」孰,當作翺。 孔子謂季氏:「八佾舞於庭,是可忍也,孰不

季氏 此 季氏,魯大夫季 其佾數。 八、諸侯六、大夫四、士二。 事 以大 尚 忍,容忍也。」蓋 忍 或曰 夫而 爲 之, 僭 :「每佾八人。」未詳 孫 用 則 氏 天子之禮樂,孔子言其 何 也。 突疾之之辭。 事 佾, 不 可 每 舞 忍爲? 佾 列 人 也 數 一天子 孰 ~; 如 是。 或 范

> 已,故 謝氏 氏 處,不忍故 爲政,先 與君,亦 日 . 日 兩之間,不 「樂舞之數,自上 何 IE. 所憚 君子 禮 也。 樂 於其 而 而 則 미 季 不 季氏 以 爲 氏 所不當 毫 乎?! 忍 圃 之 髪 此 下,降 罪 僭 矣, 爲, 殺,所 不 差 不 則 容 也 殺 貲 敢 雖 誅 以 切 弑 孔子 須 矣。」 兩 父 臾 而

時, 也, 之。 之能 即以 之。 訓義 亦 立桓公之廟 之禮,而樂用 猶人之心也, 自顧 Ħ 孔子論及此, 改。 祀其 季友以有功於僖公,遂與公室相亢, 成王以周 者盈 無論 乃其 先 庭,居 其 大夫,亦 於 理 八佾。 專 公有 私 丽 然 國逐君之惡,皆自 家,亦 問 丽 大勳勞, 一天子之廟 其後 備 謂季氏之八佾 其 爲 其 心。 因 何 魯 舞 ௱ 人也? 1祀羣 習 使魯 當 僭 祀 用 庭 爲 其 公皆僭用 祀 八佾 矣, 故 而 先 舞 此 以 於 П 其 天子 世 而 焉。 之 庭 莫 心 開 顧

不可 忍制 者。 之,則君乃安於君,而臣 設,由人心生者也。 不 此 氏之子孫有人之心也,則於此變之矣。 而 則人臣之所以事君者,非 可忍 已矣。 八佾爲 其 相脅也,唯此心之怵惕 乃但欲自侈自大,以 (不寧之心,而爲之於此,而 乎? 既忍矣,凡非所當 何人之舞,亦必有怵惕 禮樂 水者,非 心 動 乃安於臣。 加 由 力不 與公室相亢 不忍心 天 爲 不 降 之事,亦 寧,不可 可 相 能 非 丽 以勥爲 亢 忍 使季 由 心 則 也。 忍 地 孰 威 動

世俗譌文。 穆穆」,奚取於三家之堂?」雍、《詩》本作雝,雍乃 一家者以 天子宗廟之祭,則歌 三家、魯大夫孟孫、叔孫、季孫之家 雝》、《周 用之。 徹,直列反。 《雠》徹。 頌 相,助 名 相、去聲。 子 也。 Ė: 徹,祭畢 《雠》以 辟公、諸矦也。 『相維辟公,天子 徹。 前 收 是 其 時 俎 三家 也 也。 穆

> 《雝》徹,故仲尼譏之。」 取僭竊之罪。 其因襲之獘,遂使季 禮樂哉? 矣、皆臣子之分所當爲、魯安得獨用天子 取於此義 辭,孔子引之,言三家之堂非有此 穆,深遠之意,天子之容也。 而 成王之賜,伯禽之受,皆非 歌之乎? 程子曰: 氏 譏其 僭 周 八佾,三家僭 無 此《 公之功固 知妄: 事,亦 雝 作 一》詩 也。 大 何 之

恥也。 家 設以賓尸,所謂徹 子、大夫之禮於一堂,曾不知其荒謬 尸之祀,乃歌《雝》焉,其僭不待言,而 繹祭之禮。 功宗德之所治也。 曾孫之踐天 訓義周天子禘於大廟則歌《 而 欲 僭禮矣,亦將孰不可爲,而 夫子乃即 位 即 於祭之日 而 所歌 合萬國 也。 大夫少牢之祀 之 魯之三家於 1,有司 ,以喜先王 (詩 雕》,所 议 徹 詰之日 無 饌 抑自知 徹 以 明 爲祖 表 而 雜 而 而 天 實 更 日

者曾 矦乎? 其迷 狂 堂,爲天子之堂乎? 兩 而 **喜者實爲端衮冕而君天下者也。三家之** 贊禮者實爲 相維 天子穆穆」,非但言主祭者之穆穆也,敬 愧於 而 不 已矣。 相 謬 不 辟 涉 知 幽 而只爲天下笑者乎?《雝》之詩曰 公」,非 而 愧。 於此 則 羣 尚其俛而思之乎 受茅土而 執 歌 家者亦徒勞 事 詩 相 者自 聞 者 奚 取焉? 之而 而 奔走於其堂者,有諸 歌 君 即 也 愧 可 或 而 徹 謂之辟公也 於明,而三家 其 者也。 者 己 先 矣,亦爲 自 人 徹 聞 又曰 也, Z

樂 子 何? Ė 也。」 游氏曰: īF. 何 理 「人而 哉 則無 ? 程 人而 子 言 序 不 日 雖 仁,如禮 而 不仁,則人心亡矣,其 欲 不和。」李氏曰: 仁者,天下 用 之, 何? 而 禮樂 人而 之正 不 不仁, 禮樂 爲 理 之 如 待 禮 用 失 如

> 佾、《 鏗鏘 而 雝 亦 後行,苟非其人,則 》徹之後,疑 將 如之 何 哉 其 ? 爲 僭 禮 樂 者 發 雖 然記 玉帛交錯,鐘 者敘此 也。 於 鼓

必 衷。 以 以 數 交 於 樂 心 生 施 而 而 訓義夫子曰,人心有真愛真敬之誠 之所適 應其 理,則 於親 無 動 作 而 無 綏之意,而管弦干 昭著其中心之仁者也 有 真 禮行 其 乃人 焉。 序 止之際。 意者用 序 (厚薄等差之情,而 疏上下之交,則各如其心之不容 仁是矣。 以達其 徒 而 夫真 焉 而 能 不 竊 愛真 其和 仁 和。 哉? 禮 以 歡 矣, 故禮樂皆仁之所 圃 作 敬 忻 也,發之於咏歌 其 其 用 施 羽皆 樂, 序 者,人心 豫説之忱,則 能 之,禮 報 也,顯之於 則 幣 惟 如 仁以行禮 |效順 樂 玉 禮 其 豊 以 衣 惻 何? 私 於 爲 裳皆 宣 怛 訢 此 而 其 自 舞 儀 生, · 而 則 暘之 物 如 顛 厚 效 動 蹈 文 而 禮 之 度 倒 薄 我 節 而 其 以 而

其所 用, 和,自 哉? 竊樂 不仁 則 極也 矣,喜好 ∭ 將並 其 流 用之,樂豈爲 行 能 其 於 如 惟 儀 天 樂 其欲, 節 地 何 音 之際, ? 容 此 而 大禮 乖 而 物 面 戾 廢之矣。 我 人不能 之序, 丽 不 無 顧 真 其安, 大樂 吾未 使 情 爲 者 知 我 之 用 徒

林放問禮之本。

疑其本之不在是也,故以爲問。 林放,魯人。見世之爲禮者專事繁文,而

子曰:「大哉問!

其問。 孔 中 矣。 子 以 蓋 時 方 得 逐末, 其 本, 而 則 放 禮之全 獨 有志於本,故 體 無 不 在 其 大

易讀去聲。「禮,與其奢也,寧儉。喪,與其易也,寧戚。」

易 則節文習孰 ",治也 孟 子 而 無哀 日 痛慘怛之實者也 易 其 田 疇 在 喪 戚

汙尊而 之以 若儉 禮。 情 所以 故爲 質乃 皆不能反 也。 而 也,則其本 不 不足而 敬不足而禮有餘也,不若禮不足而敬 則 則 林 文之 渦 而直行,爲之衰麻、哭踊之數,所 此。 [禮之本。] 喪,與 禮之本 放 文之也,則 圃 於文,儉、戚則不及而質,二者皆未合 於哀,而文不足耳。 然凡物之理,必先 獨 抔飲, 不 愈 哀 備之 本 能 也。 有 戚 其哀不 問 加 餘 也 而 爲之簠 楊氏 隨其 愈也 禮之本,故夫子大之,而告 也。 儉 己。 其 者 本 足 末故也。 目 物 禮失之奢,喪失之易 范氏 周 儉 簋、 ጠ 之質, 喪易而 衰,世 而 禮 有 「禮 **籩**豆、 罍 禮貴 己。 티 : 有 質 戚者 始 餘 m 禮奢 方 文,不若戚 喪 得 諸 夫 也,不 後有文, 以 中, 不 祭,與 飲 心之誠 爵 文滅質 而備,不 以節之 口 食,故 之飾, - 若禮 以徑 有餘 其 而 則

然役 則 之有 從 易,一 之制 之爲 儉 知 勞 此 性 夫 口 訓 可 、神者· 一達於 禮 以 也。 子 易 義 X 唯 IIII 行,一 己勞 林放 之 易 以 以 知 禮 禮 不 之 日 心之所貫也。 侈 期 是百 本 之 爲 其 也 禮 實, 當當 者 百 ※ 雖非 於 其 禮 平 有 人 本 理之所推 物 不 皆 之 而 奢 心 莫知 一之道 雖 以 以 王之所 如 則 飾 所 禮 也。 也 然 能 治 通 分 是 與 虚 自 ,難言之矣。 乃 明於禮之深者,而 喪, 焉。 於 其 其 其 文 禮 必 有 爲 奉 生 情 萬 也。 莫知 奢 將 大矣哉! 莫 而 是 焉 有 本者,原 今夫人貿 以宰制 行。 也 加 以 心 大 情 爲 達之古今而 遂 其 何 不至, 不 於 則 之本 故 故 所 以 爲 知 喪,而 備 今 請 天 推之天 於 問 儉 以 是 也 者 貿 子之問 日 下 以 示 必然 天, 於夫子。 物 也 建 然役 者 則 子 而 爲 見 率 m 貿 唯 以 平 下 爲 先 天 萬 無 不 也 及 於 盛 欲 留 奢 己 所 格 可 iffi 不 Ŧ 下

其 無 心 耳。 命 離 但 必 亦 慎 未 制 所 不 物 天 加 其 悔 弛 爲 誠 唯 事 悔 情 能 於 禮 爲 足 不 性之所發,天下之所自 矣。 奢 是 以 愈 易 喪 故 足 本 也 以 必 而 亦 也。 口 惟 無 哀 也 益 也 備 因 丽 也。 心 必 唯 但求 . 豐也 心有 悔 恐 慕 愧 物 釋 則 信 則 則 是 者可 有 其 者 以 子 即 以 矣。 將 與 也 惟 易 是 餘 心 將 生 亦 此 可 於 謂 其 見矣。 情 也 之有 恐其敬 皆 敬 敬 於 則 愈哀之心怵然以 嗇 則 此 易 物 則 以 者 者 是 無 則 也,皆自 即 己 面 而 襄 悔 於於 此 미 將謂 怪 此 而 備 求之,喪 志 是 夫先王之制喪 之不 而 見 面 乎 有餘之心歉 思 此 以 而 事 戚 矣。 爲 終 致 事 之, 宰 可 萬萬 而 也 此 伸 之 盡 已治 日 以 求之,禮 制,人神之 而 也。 之耳。 之所 面 # 而 夫 爲 爲 酌之也 先 天 引 寧 爲 禮 事 而 敬 之 然若 若 爲 咎 不 戚 盡 王 m 可 所 其 具 之 之 之 愈 以 敬 故 心 IIII 而

三九

所由以孚格,皆自此而可知矣。

曰:「古亡、無字通用。」子曰:「夷狄之有君,不如諸夏之亡也。」吴氏

亂,反 之,不能盡其道爾。」亂,當作爲 傷時之亂 程子曰:「夷狄且有君長,不如諸 無上下之分也。」 而歎之也。 È, 非 尹氏 實 亡 티 : 也, :「孔子 夏之僭 雖 有

勢也 也。 面 知 兵甲 訓義夫子知世變之將極,而 則異是矣,唯夷狄之有 也,故天下統於一,而□ 以來、長有諸夏者、唯此君 有 更 賦 上下相臨 無 諸 不似諸夏之諸侯不知有天子,大夫不 侯,可 夫有君則一國之勢統於一,合心同 以 税未嘗私也,利 人 專則專之耳 宰天下,以 也,恩禮 歸 君 相洽也,威 之國 ,可竊則 矣,權未嘗分也, 君制 歎之曰,自帝王 臣 之分 面 禍必 竊之耳, 國之理 義 福 相救 乃今 相 而 制 已

> 與? 聲。 季氏 山 不如林放乎?」目作冉者,俗文。女,音汝。 力,可安可危,而不可亡。 □□□□人而統之矣,□□ 呼,當作嘑 旅於 對日 泰 :「不能。」子曰:「嗚呼 Щ 子謂 冄 有 曰 : 然則 平 女女 諸 夏 弗 曾 無 與,平 能 謂 泰 救

Щ 不可 厲 禮,欲季氏知 於僭 祭封内山川。 人,盡己之心,安知冄有之不能救、季氏之 子豈不知其不 子弟子,名求,時 旅,祭名。泰山,山 之不 心冉有 諫也? 竊之罪。 可 也 誣,是 既 其無益 可告也? 范 季氏祭之,僭 嗚呼,歎 亦 不 爲季氏 氏 教 能 目 名,在魯地。 誨 E 而自止,又進 之道 列則 辭。 宰。 然而 冉 美 也。」 有 救,謂 也。 言 林 聖人不 從季氏,夫 神 放 禮,諸 冉有, 林放 以 不 救 享 明 輕 其 以 侯 非 絶 陷 孔

訓義諸侯祭境内山川。泰山在魯之境内,

矣。 之也。 與? 不從,而徒取其咎,求不能 矣。 日 非 君 魯 其 魯 欲 E 1,若然 政之所 一,而 季 冉 自 Ш 旅 得 邀 縫其禍 冉有日 有爲之家臣 氏 嗚 祭焉 Ш 圃 恣 福 合 泰山之下皆有私 不不 之福 之 呼 女弗 於 則 羣 自 -罪 泰 ,是季氏之所 得 而 行之不忌, 然 季氏之禮視 也 也? 能 出,祭之所自 既 Ш 日 何習於 祀 唯 救 不 旅,而 之 女爲之 天 ,夫子乃謂之曰 而 ,其妄, 可 也 子之祭 不 逭 亂 林 況於大 知 而言之且 邑,乃 者之 放 乃 諸 公室 由 臣 以 神 也。 行, 其 侯 名 以 求 明 則當 迻 深 所 犯 僭 夫 興 之不 祭 Щ 秀 諫 免 子 人 (衰,當) 分 ? 大 旅 山 聞 於 從 以 王 一,旅 心 以 焉, ]1] Ш 季 之 可 之且 罪 爲 來 救 也 而 戾 自 久 欺 氏 無 救 其 泰 其 魯 升 子 揖 有 桓 歎 亦 則 林 其 鎮 誠 圃

Ш

也

意

無

專

祀

則

故

之是 之者 之子 也。 之所 爽 自 放 理 僭 非 東 哉 此 氣 歆 夏 安 祀 而 所 孫 了, 所 存魯者即 非 後 得 乃 也 不 發 而 應之,有 可 爲 ,百王之所 微 永 福 不 謂 而 者祭焉 乎 問 神 加 曾謂 禮 1 本 禍 其 明之不 行 也 以 必 當 其 夫子之言, 存季。 焉 泰 而 随之, 秩 然 神 曾 歆 Ш 正 可 與 則 謂 施 不 則 以奠方嶽 吉 之者 其 魯 欺 否 泰 如 是 必必 如 後 X 之 Ш 林 非 惟 是 必不爽焉 桓子囚 衰 以 放 泰 天 玉 也,季 乎 誠 聖言 爲 之 也 Ш 帛 季 所 不 牲 愐 豈 氏 然 如 有 受 以

曰:「君 降 堂 也。 讓 勝 而 丽 者乃揖 飲, 下 升 子 其 而 者 無 争 飲 不 大 所 調 也 射 争, 勝 君 之禮 射 者升 子。 必 畢 也 揖 射 耦 取 降 ,本作 射 進 觶 平 Ξ 以 立 俟 飲 揖 揖 衆 也 而 耦 讓 後 皆 升 而

1

庸

詒

伊

戚

加

不

知

夫

非

於

禮

Ħ

嘗

問

禮

之本

心所

可

及,

則

誠

發

焉

歎

其 君 m 争 子 若 也 恭 小人之争矣。 難 愻 不 容 與 揖 人 愻 争 乃 如 惟 此 於 則 射 面 其 後 争 有 ·也君 争。 子, 伙

争者 訓義 龃 挾 道 進 此 而 無 争者利。 之自得自失 非 示 罰 者 能 腎 所 任之天下,安其分定 非 耦 而 争矣。 自見 焉。 不務 能 爲 之辱,君子不 時之得失,遂 ,天下之公是公非 夫子曰 俱 於 所 升 之心 其 争者 若夫君子之道,修之於己而 升 君 也 實 ,人之好 子 試爲 也。 而 出之迫 之道 T. 而 射 射 1 所争者名,不 未見 也 思之,人己 畢 無 有選 而 乃 是競 争,皆 於 祈 也。 以 下 先 勝 土 而 也。 此 也, 王 能 升 與 利 於耦之心,必於 而争者 有 制 之 祭之榮 得失者,吾 害任其去來 兩 揖 是 循 所 爲 時 降 相 相 射禮 其 争 之閒 形 也 讓 形 也。 義 也 不不 之際 之 以 酌 毁 mi 而 際 使 舉 後 讓 避 爵 所 其 心 是

> 争也 之,肅 子 不 爲 非 自 飲 也 其 可 以 必自己出 升 不 面 一,而 争 至下 誰 立 安於 使 肅 異,道 與 之 尤 居 平 (歸? 地 謙 然 人 負 比 哉 名 抱 和 守 君 焉 於禮焉, 之度始 怨 其 不 子 之 之道 輯 必 從 正 情 人 自 容 面 終 發 己成 雝 心 以 非 也。 如 之 雝 以 行 丽 外 之,和 乎 正 陵 自 德喻 也。 也 比 此 風 物 於樂焉 俗 以 更 於 緩 則 取 非 何 心 於 以 觶 君 事 其 受 m 功 自

繁。 絢 子 兮」, 夏問 絢 許 何 日 椽 謂 切 : 也 ? 巧 笑倩 倩 t 兮, 練 切。 美 盼 目 DL 盼 莧 切。 素 素 以 當 爲 作

華采 之飾 分 其 此 反 也 逸《 謂 之飾 也。 詩》 素,粉 以 如如 言人有 也。 素 爲飾 有 地, 倩,好 素 此倩盼之美質,而 畫 ,故問之。 地 之質 圃 加采色也 輔 也 也 絢 盼 采 子 又 目 色, 夏 加 黑 疑 以 É 書

子 地 I 繪 記 事 爲質,而 w 日 ,繪畫之事 繪事 0 後素。」繪 後施 繪畫之事後 也。 五 采,猶人有美質,然後 ,黄外切 後 素、後於 素 音會。 功 心。」謂 素 素,本作 本也。 先 以 考 粉 可

與言《詩》已矣。」曰:「起予者商也! 始可曰:「禮後乎?」子曰:「起予者商也! 始可

加

文飾

之説 禮。 此。 謝 禮 日 起 之表者能 論《詩》 「禮後乎」, 氏曰 猶 必以 若夫玩心於章句之末,則其爲《詩》也 也。 苟 甘受 發 無 忠信爲質, 圃 也。 「子貢因 之乎? 其質 知學,故皆可 孔子 和 可 謂 ,白受采。 起 曰「繪 能 禮不虚 子, 繼 論 商、 猶 其 言 學 繪 事後素」, 賜 志 行。 與言《詩》。」 能 而 忠信之人,可 事 미 矣。 知《詩 起 必 與 此「繪事後 發 以 言《詩 非得之言 我 粉 而子夏 》,子夏因 之 素 志 爲 者 以 楊氏 先。 意 以 意 學

固而已矣。所謂「起予」,則亦相長之

義

也

訓義善 哉? 矜, 以爲 也。 比 之美也,皆可通於崇質之説也。 自然之巧也,「美目盼兮」,清明之美,自然 久矣,而《詩》有云「巧笑倩兮」,輔 之,乃稱 其 推理之本然而 動 廟 爲之教,託 其 本,言禮者 燕饗之雅 而 而 [絢兮],素者,比其天姿之靚 加 突 顧 必 則其與言倩、言盼之旨不相合, 學者, 感之 飾 求 以問 待於以 之華 其 事 歌, 加 理 不知 於夫子曰,質文之不相 物 隨 也。 反於樸。 一,則 動 素爲 以 所 可 漢焉。 感 興 引 動 士女容華之咏 然則 絢 人 之 起 而 之侈 而 人 皆 當文盛之世 自 而 丽 心 有 不 然 後 子夏於《詩》遇 7,尤其 於其 心 所 之巧 成 通 而 乎 也 歌 又 不 貞,則郊 頰之巧, 感 巧 美 而 八曰「素 一,禮 亦亦 絢者 知節 謀也 與 人者 不 面 詩 美 足 何 失 可

文,即 莫不 猶之絢 則禮 於是 然之美質,人事之修 言 有其 則 謂 之心,而 良於忠信,人事之修爲 即念及禮也。 加 者、蓋謂 曰 其 E 無 采 成 誠 ,夫吾因言素絢 亦不足以爲美乎? 於是夫子深許其 加 然哉 焉 擬 其 於是 此 然欲 則采 章 後 也 婦 素而欲 有其 商 而 焉。 容, ? 以 起 可 而 盡 禮 若幣玉未將 以 者愈明, 倩、盼之質而後爲 發之也。 夫子曰,言巧言美, 而 思夫禮 乃天然之美質在人心者莫 莫爲之先,而 之心,以格 從之,則禮因 得 爲繪,繪 謂 2崇本 繪 爲,其理 畫之 而 矣。 而 在事 親始之道 如 及於繪,亦但 絢乃 酬 亦 是以言《詩 神 事先 禮之有儀 不 物者莫盛 汲 忠 人 酢未 然而已矣,未 成 華矣。 汲 信 圃 施 也。 巧美,此 焉。 加 於儀文 以 接 行 以 必 上下, 之先 文者 行 白 子夏 不 》,方 於儀 謂 言 固 者 「, 乃 子 天 以 絢

> 子曰:「夏禮、吾能言之、杞不 純白 見道 以 達人之情,豈異意乎? 於實 之許子夏,可 善學如 心之不容已者,而 在 可 物、在 知學焉。 與之言《詩》矣。 也。 门,則 焉。 商, 情、在感者,皆以 極乎流連淫泆之思, 凡《詩》之教,即凡天下之在 三百篇之中, 而先 無他,求之於實而 以知《詩》焉, E 非但侈容觀之美以 以聲 因 物 詩 鳴 無 丽 因 E 往 可 呼 見 文獻不足故 其 人之性、大禮 以 而 理 1 已矣。 足徵也。 類 固 一焉 不遇之矣。 知禮焉, 以 然而 觀於夫子 動 因 失其 人真 反 也 之 殷 而 可

足,則吾能徵之矣。 禮,吾能言之,宋不足徵也。

故 典籍也。 杞,夏之後。宋,殷之後。 也。 而 三國 文獻 獻, 不 若 賢 足 足, 也。 取 以 則 言二代之禮 爲 我 證 能 以 徵,證 取 其文獻 之以 也。 我 證 能 不 义, 吾 足

言矣。

於杞 馬,而 訓義夫子曰 道 殷 也 乃 大 也 代 司 亦 唯 義 侕 圃 乃乃 以以 之 禮 其 義 傳 焉 欲 唯 之變,以 禮言之, 見 之 唐、虞之道,以 後 詳説之以 以夏禮言之,夏先王所 而徵之乎 緣 求大中之矩 精意必 則後之述 而 所立,精 之於品 陵 大義 遵 殷 遷 冀 建 先 因 一王之制 自 中 得 而 必著 俟 物 古帝 先 乎 王之所以 於 其 降 意之 後 度 典物 王 杞奉夏祀 九 遺 用 多場福 於官曲之 此 制 世 一之道 王 有 傳 夷 所 者,必 吾 者 一之所 丽 者 禮 於 尤必 託 而 所 以 割 見。 也 庶 不 有 吾 無 定 而 以 Œ 則 以 有 民 繁。 攷前 意 修其 故吾 知 足 如 乃 治 有 人 徵 能 肇修 者,吾知其 其 禮 徵 其 於 道 夏 教 言之矣。 也 代 大義之 不 歷 有 有 夏 之 事守者 天 m 也 人紀, 之 精 我 求 其 極 下 庶 通 異 大 夏 以 幾 慰 意 者 者

徵之矣 之於 所 老於 足 内 以 天 事 也 殘 IIII 而 而 有 循之,而 求 下 以 得 可 徵 亂 立 不 有 雖 傳, 大中 之大 使他 ,精意之所託 推 遷 其 者 頻 儀 易 其 斷 而 文 者 求 法 流 簡 猶 故 其 端 之矩 其意 官失其序 之 日 度 用 也 制 殘 口 宋守殷 府 君 忘 者, 後, 數 編 吾 恃 之 此 不 而 以 者, 之偶 其 無 使 遇 典 也 能 則 則 顯 垂 難 全 遺 舊 然 籍 修 必 因 口 於後 ,不足徵也。 則 體 取 在 事 文 而 乃 譜 即 明之,其 有 有 能言之矣。 不不 兩代聖王 於殘 文已散佚,獻 用 徵 時 之 物 m 遺 미 不 攷, 其 E 爲 以 有 足 民 也 難 禮樂者 印 其 缺之餘, 損 矣,故不能 野老之或 舊家 有 庶 矣。 此 益 合 初 幾 可 司 夫所 所 其 終, 者 之遺 予旦 以 不 於 乃 通 也 義 也 其 能 萬 齊 逢 復 謂 宋 傳 老 莫 物 故 徵 凋 率 不 乃 見 於 世 即 而

二四五

俟之矣。

禘,特計切。灌,當作课。 子曰:「禘,自既灌而往者,吾不欲觀之矣。」

禮矣。 宋,而 廟,以 散 趙 周公其衰矣。 傷之,吾舍魯 至此 無足觀矣。 以降神 公有大勳 於始祖之廟, 立始祖之廟,又推 之杞,而不足證也。 猶 伯 謝 氏 而 循 有可 文王爲所出之帝,而周公配之,然非 不 灌者,方祭之始,用鬱鬯之酒灌 曰:「夫子嘗曰,我欲 失禮之中又失禮焉 也。 日 足 勞,賜 觀。 證 蓋 「禘,王者之大祭也。 魯之君臣 何適矣? 而 也。 考之杞、宋已如彼,考之當 魯祭非禮,孔子本不欲 自此 以 魯 始祖配之也。 又曰 重祭,故 始祖所自出之帝,祀之 我 以後,則浸以懈 ,當此之時,誠 我 欲觀商道,是故之 魯之郊 ,故發此歎 觀 得締於周 觀夏道,是 周 禘 成王 道 非 E 禮也 灶 公之 者 也。 怠 意 以 一、厲 觀 地 故 未 周 既 而

乎? 之不 以 錯。 始也 足以 遠祖 訓義夫子觀 助祭者 矣,迎尸矣,侑食矣,三 若有髣髴追遠之情焉。 即愜合於人心,而猶恐其不能 之子孫而欲喜 禘,而其 朱干玉戚, 格? 速竟 於斯時也,不知主 愜合乎人心, ,豈易用 酌 乃 之將 禮 (爲禮) 吾 而 愈 觀 鬯以獻神於堂,爲 雜然在 重 以 於魯之禘 於禘, 繁 其 亦極大矣哉 其 累吾 何 而 孝 無 事 情 列,庶 面 敬 可 ? 加 心目者。蓋 愈 聞 曾望其勿 而 甚 祀者之將以 祀 酒 既 不 神 相 有 遞 無 籩 而 親 何 而 爲 所 酌 미 庶 歎 吾 以 迎 初獻之始, 感 以 不 見所 逮 Ė 豆,繁 綏? 牲矣,升首 欺於 安者。 亦 後 唯 也。 通 佾 何 有 恐 祭 者 世 自 具舞 然 幽 不 其 若 重 爲? 乎 無 出 忍 何 交 其 遠 之 於 事 猶 窮 不

禘 觀 乎? 、不樂 嗚 呼! 吾恐禘之義,終隱 觀者矣。 不王不禘,魯既 夫禘 也, 於 而 僭 僅 天 而 下 如 行之,又 是 而 以 H. 廢 爲

或問 於天下也,其 禘 之説。 如示諸 子曰: 斯 不 乎 知也。 1 指 其 知 学。 其 説者之

不以誠,固

宜夫子之重歎之也

敬之 也哉? 下 知禘 不 而 先 夫子言此 不 知 王 不 之説 荅之。 Ė 報本追遠之意,莫深於禘。 難 至 不禘之法,又魯之所當 ,不足 矣。 而 ,則理無不明, 示,與視同。 自指其掌,言其 聖 以 人 與 於 八此,非 此, 誠 贵 或人之所 指其 無 明且易 真 不 八掌,弟 ·格,而 諱 有 非仁孝誠 者 所 也 及也。 故故 不 了 治 記 知 以 天 蓋

訓義古之王 出 或 降 黄帝,殷、周 爲衆 者, 庶。 皆 有 至 所 出 舜、禹、湯、文始 自 自 帝嚳 出 之 『,其後 帝。 虞、 或 復 降 夏

禮之所 際 唯 物儀 不 湯 可行 名位,以 禘,唯天子可祭焉。 鬯,與郊並 以祖配之,其禮甚隆。 祀,復於五季制 出 興 世受姓者,皆出於古帝之苗裔 所可格者,誠 舞《大武》,八佾以 違,而 聖 ,爲上受帝祚以 而 無 文爲受命之祖,立爲 節 此。 人 受命,乃推 不 可 聲臭之閒,先 爲 孝子慈孫 爲 其可 行。 能 德 重焉。 與承天治人之精 深 之所 則 以 所自 達其義,而 爲禘禮 嗣 必 本先世 舞《大夏》,備 承天之始。 夫人之報本親 行之無 天 能 E 出 以爲位則仁孝非 子 至。 Ŧ 世 之帝遠 Ŀ 在 之 未 杏 大祖 元德顯 周 : 媿者 精 必 誠之所 一祀黄 茫 知 則朱干玉 理 意 有 之靈 行 矣。 百 既 非 前 相 九獻 有 其 帝及嚳,而 禮 世 功之所自 以 符, 德, 始, 獨 爽,降 可至者 奏 徒 不 古之命 不 舜 至焉 用 樂之 Ė 理之 遷之 在 偂 戚 而 假 . 品 不 古 皆 鬱 格 於 以

明以 也? 以禘 説。 乎 諸 固 臨 唯 推 以 也。 禮 體 其仁孝以行而遇之。 有 中 大 其 ,其情之可相及,雖遠 而 不 難 則 之説 也 於 褅 若 夫子以 達於無外, 理 於 上 隔 人皆 固有 條 之 及 能 顯 而 也 諸 理 雖 人,其 乎? 無 制 言 知 爲 ? 隱 無 有 用 不可知者 未可與深言 尚 其説 之, 問 者。 所 而 不 ,以之於天 曾孫 也? 也 明, 實 祭各 以 自 唯王 理 乎? 或人 ? 顯 出, 之 一人治 之在下, 面 也。 也, 可 則 有 者 若習其儀文,察其 夫 經 而 其 禘之 何 相 幽 以 上古之已 而 下也,其 而 緯 何 而 由治天下者之存 感,其 天 以 所 明 人 若 對之日,子 無 以 吾 , 説, 唯 德 也 下, 通 可 邇 而 唯王 亦 不著矣。 也, 乎至遠 行 居天 何 何 分 始 而 而 遥, 之 以 從 者之能 以 先 欲 雖 而 示 位 問問 能 諸 散 미 萬 知 何 何 而 國 以 乎 之 曲 能 其 斯 相 而 何 盡 澽 而

> 豈有B 然子 足以 之情 也。 何嘗不深切著明乎? 理皆 之情 指 知之乎? 王者之以 其 大掌而 在。 言「不知」, 通,誠不足以至,其不足與深言固 加 理各得,故 聖人之治天下也,有不勞察識 異 乎 一禘禮設 言也。 聖人之所以 ? 報本親 維時 而 焉。 豈可以空言從度數之末測 圃 以 夫子所謂 言其 始 又以爲 其 而合四海之治於王心 無其 視 一發明 近而易見、約 幽 (德,無 知其 「示諸 如 禘禮之理者, 明、 説則天下之 其 視 斯」者, 位 遠 而 丽 如 易 理 民 近 物 盡

祭如在,祭神如神在。

人記 也。 程 子 孔子祭祀之誠 祭先 **E** 「祭, 主於孝,祭神 祭先 意 祖 主 也 一於敬。」 祭 神 愚 祭 外 此 甲 神

又記孔子之言以明之。言己當祭之時,子曰:「吾不與祭,如不祭。」與,去聲。

則天 如 爲 謹乎? 三日 有 有 其 在 故 「齊,必 神 也 之 誠 不 也 格 誠 得 写 吾 則 與, 有 廟 見所 不 其 范 故 則 圃 與祭, 氏 神 雖 人鬼宫,皆由 祭者,誠之至也。 使他人 已祭, 日 無 :「君子之祭,七日 如 其 不祭」,誠爲實, 攝之,則不得 誠 加 則 此 無 心 己以 其 缺 神, 然, 致之也。 是故郊 可不 致 如 戒 禮 其 未

者,無 之者 訓義 從 孝養焉, 則若有 之於容 虔、禮儀之中度言之,則至 而 顯。 記 昭 不可以見聖人之心焉。 知夫 所慕 夫子之祭者, 色之閒者, 明悽愴之所集 如 欲於對越之下微 在 子 而 矣。 於此 不 能 則 有 如 違,若有所 侍祖 即 若 不 而 孝 僅 但 考於 餽食非虚設矣。 窺其志氣, 孫 發之容色之閒 於其 誠 精 格 見 其祭先 堂, 밆 氣 幽 聞 之 物之 一之實 而 相 有 而 順 也 噟 告 奉 承 發 無

之謂 祭而 聚之也 其物之 祭也。 其 故者 其形 躬親 心 喜 則 如 若 其 得有神之來 吾之祭也,必 不 即 與之 〈祭外 誰 奉 面 與 也。 以以 修祀 豈 盡 主 也 神明之式 奠 於斯 徒 於 不 如吾有他故,而 者理氣之可通者,爲三祀羣社之所 獻 神 饌 而 理 對 備 酢 也 之下, 愾乎若聞其聲, 儼 以 理合之,以 祭 非 本 其 而 格乎? 越之際, 也 孝敬之實, 吾 如 則若與之升降 爲 臨 隔 非非 實 文哉? 躬自主之,而 在 無 而 有 圃 其 據 通之, 其 祭神 將 則 矣。 氣已散 儀之不 事 一个 誠 使 誠 觀夫子之言, 者 所 如 敬 唯吾通之也。 人攝 故子嘗自言 動 深 神 馬, 之,非 而 虚 恪 圃 知 後 在 喻 聚之, 實有 無 也,然吾 行之焉, 如 夫 ご非 可 於 之中, 子 神 乎若 謂 妣 徒 於 其象, 在 孝敬 唯 自 夫 明 則 矣。 此 子 之 見 夫 吾 之 非 其 安 己

二四九

謂 Ŧ 也 孫 賈 問 日 . 與 其 媚 於 奥, 寧 媚 於竈 何

附 主於 附 竈 故 爲 E 祭於奥,略如祭宗 五 雖卑 奥。 權 時 孫 祀、皆先設 作州 賈, 臣 俗 竈 賤 竈者, 哑 之 也 衛大 凡附字同 語,因 祭畢, 圃 當 賈,衛之權臣 夫。 主 Ŧi. 時用 以 而 祀 恦 之 奥 祭於其 媚, 廟之儀。 事 更 有常 設 親 喻自結於君不如阿 饌 夏 順 尊 所, 故以 於 所 也 面 如 奥 然後 祭 祀 此諷 非 以 也 室 竈, 祭之主, 训 迎 西 孔子。 尸 則設 尸 凡 南 也 隅 m 祭

作嘫。子曰:「不然,獲罪於天,無所禱也。」然,當

天,即 逆理 不 而 免乎 可 媚 一, 則 理也 於 獲 、奥也。 言但 」,其尊無對,非奥、 罪 於天矣,豈 當 順 理,非 謝 氏 媚 日 於 特 . 奥、 不 竈之可比 聖 當 竈 人之言, 媚 所 竈 能 亦亦 也。 禱

> 益 愻 而 使其不知,亦非 不 追。 使 王 孫 所 賈 以 面 取 知 禍 此 意, 不 爲 無

其逆理 之工 祀統 訓義 言 祀 酌 於奧,寧媚於竈。」奧爲 則不容不致其媚矣,而 志,而問 者不祥,故春秋之君臣其自蹈 己者,相争於權 不顧己之當媚與否,而欲攘人之媚以專媚 者,則有望人之媚己者。 也。 也 量 竈 於乘 ,而較量之不爽與? 於此 · 豈 世之降 則 也甚矣。 王孫 於夫子曰 無 竈 時 主 見 者神 邀福 焉 賈 也 而 執衛之兵 勢之中,而名分有所 丽 然 之所 逆理者,逆天 人皆 之宜 ,人之事 乎 祭 ? 初 憑 以 則 之 世 迎 也, 媚 抑 當尊者絀 柄, 奠 尸 有 望人之媚 神 夫子曰,豈 必 爲 時 饌 言 致喜之所,五 將 遂 於危 孰 者 I 之 時 日 以 審 有 也 「與其 所專也。 求 攘 亡者 有 於 矣。 在 不 福 君之 其 媚 夏 逆天 媚 顧 也 斯 然 術 而 媚 則 人

容,即 道 得 奥且 之心 敬也 哉? 亂 所 I 諂 公至正 前 臣 禱 神邀 於媚者 而 庇之? 不媚 與神 賊 於 ,因乎理之所可 奚問 心所不安。 君子之祭,循乎分之不得不 子懼 神 福 ,發於怒而見於詞者。 1,獲罪 而 明 爲心,以 謫 其 ,於斯徵矣。 相 乎? 謂 竈 媚 對 加 又何 哉 於 越 此 ? 無功,禱 天 趨 故 求 格 斯 矣。 心此理,上 直 權 鳴 ? 道 言也。 忘 而 呼! 昭格 而 天所 分爲道,理 信斯言 而 行 不 君子之所 作《春秋》而 此聖人之大 也。 可,其 不佑 一帝 何 鑒 也 所 以 敬 觀 容 所不 將 竈 精 而 則 焉 媚 不 安 以 白 何 施

周。」郁,於六切,當作**鹹,音同義** 子 禮 監 日 面 \* 視 損 也。 周 之禮, 、益之。 監 二代,夏、 於二代, 至 郁 周 郁 大備, 夫子美其 文盛 郁 商 郁 也 别 貌 乎 言 文 其 哉 視二代之 尹 氏 文 吾 E 從 丽

從之。」

禮尚 躬 遵 焉。 郁 必且 失 禮者,而以 不 訓義夫子曰,生乎今之世, 其忠,而 意,又監 而 二代者矣。 攷定焉。 道,固君子從王之義也。 也。 乎, 前 行、定之以立教者,必從周 不 善 質, 存也。 然則 不得 得不 一,則 備 故 斟酌 於其後世子孫之流獎,於是 文 mi 物 吾 其 因 不 乃吾深攷於周 審吾之從焉 所 質之必 以 1雖能 乃其 革 也 周有同於二代者矣,抑 文 其 以 章 也 也,道之所必著,治之 得 敬 達 其 同 言二代之典 失,亦 且 其 既 異 者 盡儀 質。 文,抑以 監 者 非 於 非 相 之所 可聽 前 然使 以 故其 夏 襲 好 則 平 顯 焉。 章 剙 也 必 知 以 學 商 周 其 情,文莫 爲 監 也, 質 由 立 者之自 面 先 丽 立 文也 蓋夏、商 所 於 奉 監 乎今之 王 有 法 代之 一之以 所 忠之 一之精 其 代之 異 以 於 而 必 盛 郁 其 得 於 爲 昭 有

吾豈 近 、周公闡揚之於後也,以之俟百世 王 但以 非 故以 以 從王之義率由 文 尚忠尚質者舉其大端,而 爲 不 足 尚, 而 昭代也 天 氣 哉 未 開 可矣。 待 人情 文、

子人 禮 知禮乎? 也。」大,讀 大廟, 入大廟,每 每 如 泰。 事 問。 颗 ,側留 或 事問。」子聞之曰:「是 切 曰:「孰謂鄹人之子

已矣。 大廟 於 乃 因 爲 子哉? 而 所以 此 其 助 此 祭也。 而 邑大夫。 魯周 爲 譏 雖 謂 之。 知 禮 之不 公廟。 颗,魯 亦 也 孔子自少以知禮聞 間 孔 知 子言是禮者, 邑名。 此 謹之至 禮 尹氏 蓋 者, 孔子始仕之時, 孔子父叔梁紇嘗 日 也 豈 ,其爲敬 足 禮者,敬 敬謹之至, 故 以 知 莫 或 孔 大 mi 人

禮者 文物采之各得其宜 因 心 之 敬 而 以達其 節 文 具 敬。 焉 以 乃 其 備

事。 慎, 大 天 知 上 疑焉 其必有道存焉矣。 之所 設 敬 而 文物,而 之人大廟 日,孰謂 是豈聖人之不 下 其 下 廟 也 行 又以驕矜之氣臨之,故於聖人之慎也 登降奉持 IIII 不 不 之際,其 其始 昭 其 而 實不然。 也。 必 復 足 在聖人之自然中禮 禮 ൬ 不見禮於心,則以苟習其文爲禮 鄒人之子知禮 間 與 知 不 而 人 唯 辯 知 加 夫子初 每 者 有 不 之儀 無 挾 事 省 禮 審 敬莫 聖人之至慎, 非 面 所 問 視 意 而 吾 恐 不 自是之心,以 乃或 節, 仕於魯,有 也,於凡齍牲器 也 必 之蓄 其 大焉。 用 故 ? 藉 皆就 做慎 乎? 其 人不 自 問 蓋 疑 慎 宜 明 以 或 有 之心 夫子聞 知,退 而 其 胡 即 冀 若 人 助 而 司 待 意 者見 然 聖 臨 無 後 勿 祭 而 決 不 日 人 禮 而 失 所 乎 ılli 問己。 Ш 大 傳, 之, 夫 也 之位 廟 至敬 禮 鄉 誚 幽 哉 容 非 非 X 於 者 之 之 其 則 古 而 虚 明

禮也 吾之過 事 知 走 以 之 君之所 而 襄 節 遵 慎 事 禮 行 居 敬事,先公之所式 平 而 而 其 乃 ? 學 不 敢 在 敏也 焉 未 恃 焉。 也 出 一己之所 此 而 況乎大 初蒞事者入 審於物 行 焉 知 臨 廟 其 之宜 而 iffi 何 可 或 臣 地 以 廟之常 Imi 於 子 任 也 稱 先 奔 所 ? 其

此 哉 傲 行 以,以 怱 此 之行,是吾 謂問之爲不 嗚呼 其 矜雅博乎 所 以 爲 以聖人之無不 禮, 知 之深 此 禮 謂我之不知禮 其 ,則恐率天下 憂 所 也, 以 爲聖人 知 丽 恶 而慎猶 一,我不 容 mi 與 不 習 敢 辯 爲 如

王制

禮之精

意、當代用禮之時

宜

直

情

徑

?

子曰 革 子 射 解 不主皮、 者 於 「射不 射以 禮之 其 中 觀 意 主皮,爲力不同 以 德,但主於中 鄉射 如 爲 此 的, 也。 禮》文。 所 皮,革 謂 鵠 爲力不同科,孔 科,古之道也 而 也。 也。 不 主於貫革 科, 布 矦 等 而 也。 棲

> 謂此 蓋以 能,力不可以 故孔子歎之。 以正今之失。」散,當作椒。 武 王克 也。 人之力有 商 周衰 散 彊 禮 軍 彊 而 弱,不 廢 郊 楊氏 至。 射, 列 國兵 同 曰:「中可 而 聖人言古之道,所 「彊而」之「彊」、讀上聲 貫 等 争, 革之射 也 復尚 《記 ,以學 息 貫革 **>** 。 正 日 而

貫革。 不棄。 樂比禮 禮 少概 旨 視 射 力 軍 訓義夫子值兵争之世,而數古昔文治之不 一射 教樂, 也。 兼 者尟矣。 是以於較執角力之時, 見 至 皆 先王 但必欲主皮,則賢士大夫之得與於 體 也。 也。 乃《記》有之日 射 圃 也。 直 射 蓋 知 賓興之,登進之,亦明 喟 志正 亦 以 天下之風 然 射有五 不 人之力有 E, 而 廢 明王之治天下也,教 又能 射 一**,** 而 大射、 俗 温弱 不 白 貫 猶存 成 主皮 革 矢井儀 賓射、 于 者 尚 不 是 德修文 可 王之所 鄉射 義取 一之意 等 德 夫比 而 與

不使 意深 之心 道 和平之内, 已 还至,而 古 ,所以 有囂張之習, 矣,吾 模規 而 養天下之士 不使有兵戎之氣。 何 弘遠,有 不 亦所以納天下之民情 幸 而 氣 如 不躬逢其 于禮樂之中 斯 平 先王之命 盛 然 也 而 其 于 ൬ ?

子貢欲去告朔之餼羊。

吾能

無遐思哉

羊,故子貢欲去之。 也。 告朔之禮 二月之朔於諸侯,諸 則 魯自文公始不 以 特羊 古者天子常以季冬頒 告 廟, 視 請 **矦受而藏之祖** 朔, 而 行 而 之。 有 司 餼, 猶 來 廟 供 生 歲 牲 + 此 月

作悉。子曰:「賜也,爾愛其羊,我愛其禮。」愛,當

愛,猶 併 去其 雖廢,羊 惜 (羊,則 也。 存 子 此 猶 貢 禮 得 蓋 遂亡矣。 以 惜 識 其 之 無 而 實 孔 可 面 子 復 妄 所以 費。 焉 惜 若 然

> 君親 之。 告朔之名未泯,而 以惜之也。」 ,禮之大者。 楊氏 EI: 「告朔,諸 其實因 魯不 視朔矣, 可舉。 矦 所 然羊 此 以 夫 稟 子所 存 命 則 於

也 爲 名。 有司 事 也。 禮、絫世行之,文公以後乃廢之,君之怠 訓義朔之必告,崇天時以授民,以奉天也。 子貢議欲 魯所以爲秉禮之國,君 而 公,以敬祖 定天下於 一統, 丁則猶一 無 不君 ,愛此 之累 用 故有 夫子乃嘑 m 爾,非敢 미 一羊之費也、於事 時 去之、去之則竟不復知有告朔之 司 欲去之,爲 復於他日 也。 猶 有 具 子 裁冗 其 其 以 以 貢而 爲 爲 尊 羊,餼之於牢以 焉。 費 芻 禮 禮之可變者 王 告之日 雖 以 餼 也 也。 乃 無禮 省 節 便矣,而 大 歷 也 或 矣。 受成 百 賜 用 爲 ൬ 秊 也, 之 魯 命 丽 供 官 待。 我 圃 説 於 革 秉 以 意 不 徒 則 之 周 先 羊 廢 此 爲 異 丽

矣。 衰 也。 物之至 而 良 之道 晚 有 法 其 , 先公垂 美意, 舉 慕之 而 厚 斯 者 告 想 望 仁 不乏。 感盛 惜之, 羊 焉 朔之禮, 在 統 誠 治 焉 無 ௱ 國之臣 可 先王 而 窮之盛 魯 慕 情之不 而 故 賜 君 愛此 何 也 夫 也 臣 民 禮 子 德歸 實 乎? 上 忘,聖人之意念 何 以 極 道 下之際,其 羊 去 此 弗之思 欲 司 馬 以 名 而 用 風 E 奉若 存 存,誠可 魯 之 天 吾 此 也 精 對 君 而 禮 E 甚 可 以 意 時 者, 惜 惡 變 深 處 此 存 育

子 Ė 夫欲 如 黄 是 氏 必 人 言 變而之於苟 面 日 事 日 事 之, 後 君 我 君 盡 盡禮 孔 以 事 杰 爾。 子 君 明 褿 一人以 於事 盡 禮 且 當 時 禮 之 者 時 人不能,反 當然 君之禮,非 爲 也 小人以爲 以 諂 爲 也 也 諂 以 語,而 有 若 程 爲 所 他 子 諂 加 孔子 日 故 也, 言 :

可見。」 之言止於如此。聖人道大德弘,此

亦

爲 令我, 爲 使有 禮。 訓義 何 爲 有 皆 大 感 舉 有聖人之大義 飾 而 馬 心 何 諂 也 所 有 剛直之節 國之人 禮 魯之不 事 矣。 出 加 而 人之心者 夫子出 因 不 0 歎 焉 内 也 而 平其 敢 不可 ()懷利 É 盈 ,行乎其不 趨事之典,小 在 温 不共。 己 庭 知 温 而 事君 不容不然者 遂 非 無 無 一之恭 事 有 有 亦 不盡 禄 欲 可 君,其 君 者 譏夫子者。 必 但 以 效之 我 觀 久矣。 以 人,且謂 ()舍禮 得 於 趨 之 之對 感 不 此 乃 而 權 必 誠 度 然 而 而 無 其 拜稽 門 盡 何 君 則 無 則 己。 禮 m 知 能 禮 以 容 君 疑 疑 顧 而 己。 愧 而 不 盡 進 以 哉 容 夫子 其 以 愧之。 者 其 而 之 退 敢 事 之 所 不 乃當 必 所 非 X 之 矣, 君 不 多 則 操 致 有 君之 重 敬 於 閒 肅 福 非 者 者 以 所 有 君 時 然 無

以 流 夫 俗之譏 議 者如 斯 人 非 此 也,皆事 而易吾志哉 吾 何 望 君 哉 之人 也, 雖 然 而 又 所 豈 操 以 口

對曰:「君使臣以禮,臣事君以忠。」定公問:「君使臣,臣事君,如之何?」孔子

定公、魯君、名宋。 君使臣 之不足。」尹氏曰:「君臣 忠,患禮之不至。 自 ൬ 以 르 禮 則 吕 臣 事君 事 氏 二者皆禮之當然, 君以 日 不 忠。」 以義合者 患其 使 臣 無禮,患 不 患 也, 其 各欲 忠 不 故

姦於 法存 哉其 訓 盡之而 道 (爲問 此 ,以要言之,以 定公問 一事,以 已矣。 别 君心 焉 乎 君使臣 約言之,以忠而已矣。 之得 孔子對 雖 難言之矣。 然, 禮 失於此 ,臣事君,如之何? 亦但 而 曰,君之使臣,是不 已矣。 有其 辨 大倫在焉,大 焉 當然之理, 臣之事 臣節之賢 禮者, ·君, 大

禮焉。 勞而 無他 心。 君 之,有忠之事則必極忠之情以 臣之所以效於 君以 是而使之,任之專而 然者不可或 自 誼 之忠,隨 有大臣之忠,秉 效於君,故有 天下之君,而 君之所以 重. 加 自 夫忠固 唯知有 事 恭 不憂其心之怨。 ,故禮所必有者 問 於羣 君之術 肅 事 及 重 慎 此 而 過。 在 此 臣 臣 重之心行之爾。 固無不可使之臣也。 自 忠之情 次君,即 人心, 君,歷 而 也。 志 即 此 致 於大臣 體之,有體之之禮焉。 所 焉 愐 可 舍 事 所 以自 唯 不遂焉。 通 不 不疑其權之分,授之 夫禮自 則 此 數 人臣 以 以 可不及,禮之 古今天下之 圃 必 而 君 重 自效也。 此 敬之,有 有忠之事 謂 以 也。 而 而 在方策, 此可 别 小臣 出之。 旗 唯 爲 有 天 知 重 事 制 自 通 敬 履 有 臣 有 忠者 臣 以 效以 古 唯 之之 所 御 小 大 即 地 此 事 之 是 臣 將 今 以 必 以 臣

訓義

雎》之詩,

咏

文

Ŧ

后

妃

之事

丽

堂

以之爲

雅

夫

子

讀

其

詩

聞

其

樂

m

歎

美

、《詩》,所以正

性

情

者

也,於其詞

口

以

之

樂

用

之爲

弦

歌

自

邦

或

以

至

於

鄉

皆

天之經也,地之義也,人之性也,萬世安危法、功名之塗,非臣之所知也。嗚呼! 此

治亂之本也。至矣,無以加矣。

子曰: 「《關雎》,樂而不淫,哀而不傷。」樂:

音洛。

其 過 淫 而 反側之憂。 關 不 M 者,樂之過 雎 失其正 害於和 審其 小》,《周 配君子。 蓋 其 音 求而 憂 者 ,故夫子稱之如 南 而 雖 而有 也 求之未得,則 失 得之,則宜其 深 或 其 《關 以 而 風》,《詩》之首 IE 識 不 雎 者也。 其性 害於 》之詩,言后 此。 情 和 有 不 之正 傷者, 欲學者 能 琴瑟 其 樂 無 也 篇 哀之 雖 鐘 寤 妃 也 鼓 寐 之 玩 盛

之觀 音,其 辯 此 之和,而 故 至 任 者 有 E 唯 其 所 有 攷之,唯《關 哀,爲君子宫中之治言也, 所節, 其 以 用之而 不 以 而 其 發 哀 其 駶 情之必 貞邪,於其 誰 之 可 興 必 情 而 而 聲 雎 使 傷。 與 起 迻 不 而 爲 幽 輔 》也,琴 則 歸 蕩 以之興, 人 風 違 爲 情 之於 也 性 佚 之 夫因 易 其 雎 則 弦 之在情 發 則 而 性 。》其 俗 性 歌,其 此 、聲音 IE 無悽慘之響。 瑟鐘 者 流 爲 詩 情 一、美哉 也 而 學者以 則樂之極 樂 至 邶 於 以 中者也 可 一矣乎 亂 圃 鼓之樂,寤 \*/ \* 聲 淫 爲 起 以審其 樂 國之音驕以蕩,亡 使 頣 和 樂,於 哀, 鄘 之調 歆 丽 1 非 傷 也 無 皆 有所 於 而 而 男女之情 也 於以 則 夫 正 以其性之正 以 適 養 樂 下, 爲 必 無 人之 寐反側之 變。 明 加 止 善之 如 心 而 淫,哀之 曼衍之 矣。 矣。 君子以 養人心 氣, 其量。 用詩, 哀 有 以 也 其 而 此

國之音哀以思,爲有心世道者所不欲

聞

也

作彙。 松,殷 哀公問社 八以柏 於宰我。 一周人 以 宰 栗, 我 日 對 使民 日 • 「夏后 戰 栗。」 |栗,本 氏 以

與? 戰 如 古者立社, 宰我,孔子弟子,名予。 栗,恐懼貌。 此 附 豈 ,當作坿 一以古 各樹 者戮人於社 宰我 其 八土之所 又言周 三代之社 宜 所以 木 故 以 附 用 爲 不 會其説 栗之 主 同 也 者 意

不咎。」 不智。」 不智。」 「成事不説,遂事不諫,既往

宰我 遂事 者各以所宜木名其 深責之,欲 所 ,而其言已出,不可復救,故 謂 對 事 非 雖 使 未 謹 立 社 成 其 而 之本意,又啟 後 社 勢不 非 也 取 能 義 己 尹 於木 者。 氏 屜 時 曰 : 言 君 孔 也 此 殺 子 古 以 伐 以

之以

柏、當時

見是

柏者,若社

之威

赫

然

在

我不知而妄對,故夫子責之。」

之以 哀公問 天下。 尤難。 訓義 民 以 王者 何 以 説,確乎若有據 理。 樹之木而見矣。 先王爲民立社 不揆之以正,則有任其意以立言 即 患 奠民 松,當時見是松者,若社之神臨 若見聞 裁 無 君子之立言也難 於 木,使神憑 此言語之士 生 松 制天下之法在是矣。 詞 社 然持之以 ? 爲 一於此 而 雖博 不 而 室 一,以 敢 依 宰我 土也, 王者立社以 我 而 而 不 慎 之,則神 者 報 不 所 不 ·致其 則對 引 可 后 前 意甚 以 知 則 救 土 此 重 其 亦 虔 於其 曰,社之義,於所 長養 義 正, 要, 之 深, 見 無 肅 以 威 絶 示民之敬, 夏后 其害 往 進 曲 也 義甚大矣。 之德,而 IE 於 靈 説 而 而 説 在 告 其 有 殷 氏 必 不 成 於 口 上 之也 是, 道 樹 中 得 乎 君 通 也 樹 之 而 祈 於 其 其 也 IIII

據也 見 矣。 以 子 而 我 使 不 蓋 也 有 則 望 言之於人君 目. 佪 所 民 立 不不 之行 證 中 聞 以 焉 人 日 取 喬 記 是是 君 念此 栗有 予而 責 於 之, 焉 然 今,其言辯矣。 ,政不行。 如 民 間 乎 事 生 事 面 知其 即 柏 成 之雜 栗 以 民 焉 神 「戰栗」之義 而 在 於 之 事 之前 周 此 也。 治 而 望 柏 徒 儒者之言,言其必 嚴 是 也 用,一 悚 人 對 一,柏 民 誓民 鶩 圃 密 遂 是 然心 則 君 之道 遂斥絶之曰 不 君 則 也 事 以 也 偏之私 於此 得 給 敢 即 森 聞 也 焉。 栗, 戰 而 以以 失安危之機 不生其 成 然 之 事 唯 也。 周 栗 也 平 m 以 其 丽 導君 在 民 数 人 意,成 不 在 言 其 見 牛 殺 不 有 一,予也 何 如 祗 列 易 其 説 理 人 可 伐 知 於 是 以 松 承 於 悪 哉? 懼 惑 行 乎 心 乎 mi 其 之 取 也 此 曲 者 稽 吾 IIII 則 勁 代 將 非 言 平 則 也 也 説, 無 確 古 將 禍 夫 宰 法 ? 挺 心 松 以 目

> 辯 予言 受齊、吴之禍, 也 尚 乎 使 夫能言之士也。 ? 何 何 人 其 誅 深信 能 如 (害有了 尚 指數 此 哉 何 矣,吾尚 以 不 能 其 爲 可 蓋 矯 咎 固 而 勝 不 之 其 然, 而 衆 何 言 思 令人 以 後哀公卒以戮 散 者。 能 是 而言,務雜學 Œ 民 易 往 知 離, 面 此 其 mi 其 夫子 可 言 不 終 非 用 以 口 以 乎? 其 所 别 返 失國, 民 而 諫 立 以 也 逞志 尚 屢 於予 平 説 未 惡 巧 ? 丽

子曰:「管仲之器小哉!」必非宰我有以長其惡也

或 不 管仲 攝 日 規 小,言其 . 模卑狹,不 焉 「管仲 得 齊大夫,名夷吾,相 儉 不 儉 知 乎 、 聖賢· 能 ? IE 身修 大學之道 曰 : 德 管 以 桓公霸 氏 致 故 有 主 局 於 諸 歸 量 王 侯。 褊 道 官 淺

或 説 人蓋 苑 疑 器 攝 小 兼 之爲 也 儉。 家 臣 不 歸 能 具 臺 名 事 見

二五九

常兼數事,管仲不然。皆言其侈。

當作账 氏 氏 然 矣。 禮 其上 或人 亦 亦  $\Box$ 知 其 不 非 會。 蔽 則 禮 (所以 知 :儉。 也 也。 有 樹 IIII 管 **站**,在 禮 或 又 兩 而 反 塞 自 犯 仲 小者,於此 或 J 設 當 此 坫 門。 無 疑 修 禮 知 皆諸 不 作 又 蓋 愚 屏 此 身 儉 ,其器之小 林 M 禮 疑 謂 雖 知 管 於門,以 正 失 爲 邦 楹 乎 其 不 而 孔 好,當作 Æ 矣。」此言當 侯之禮 君 家 知 之閒 ? - 復明 知 疑 子譏管仲之器 禮。 爲 而 以 亦可見矣。 禮 其 知 兩 及於國 日 獻 蔽内 玻 儉, 故 可 言小器之所 屏, 禮 君 圃 個 知 孰 之好 故斥 又斥 邦 管 外 孰 謂 常當作 飲 深 1仲僭、 君 不 也。 之樹 則 蓋 畢 味 其 其 故程子 飘 知 有 樹 其本深,其 器 小,其旨 也 僭 奢 則 好,謂 之, 禮 大 以 0 反 塞 以 以 反 ? 門, 然 塞, 坫 蘇 則 明 明 不 爵 日 管 其 氏 白 而 其 深 知 於 好 猶 管

> 宗齊。」 其器 器。 矣。」 遇 以 爲 本  $\equiv$ 矩 及者遠, 一途。 固 爲 不 淮 歸、反站 爵,本作愈。 儉告之, 蓋 功, 不足 已淺矣。 繩 楊氏 非 是謂 先 而 稱 故聞管仲之器 王 自 不 也。 佐 曰 桓 則 治 大 知爲之範, : 斥,本作)。 之才,雖能 公内 管仲死,桓 又 器 「夫子大管仲之功而 而 道學不明, 父疑 後 嬖六人,而 其 楊雄 治 知 人』者是 小, 範,當作 禮 則 合諸 公薨,天下不 所 而 不 謂 則 E 矣、 正 蓋 一大器 悟 疑其 霸 世 霸之略 也 其 天 方以 八爲 小 天下 下 小其 管 猶 儉 詭 其 仲 規 宜

下 也。 其 能 訓義 王 非 得 行 救爲念,而 之,而 古之大人, 失之所 Ŧ 不以天下之安 道之不 愚 由 深見夫君 不 明 此 肖者 Œ 於天 己以 君子 危 愈惑於俗 下久 心爲萬化之原,修 IE 所 生民 君 以 矣。 重 之疾 Œ 論, 爲 賢 君 苦 斯 者 以 而 切 世 正 Ħ. 不 於 天 憂 知 不

此 所 明 也。 古 也 未 極 任 功 己 由今思之,其 之才也。 ൬ 一,存心 講 中外之大防 ,似矣。 歎之日 不 m 補 養之弘 天下之大者也 爲 施 管仲 能 於 用 者 而 治 無 旨深矣, 知 君 亦 人 定 外 以 也 ıĿ ,以管 子 夫子 之心 之本 時 規,未之圖 兀 IIII 辯 而 之大 此 之弊, 海 垂 器 禮 人禽 非 矣。 惜其 之則, 而 ,似矣。 及 小 匡天下之心,其才,治天下 之 仲 則 道 即 深 哉 無 己之紀 而 所 爲 :之志 以 就 惜哉 知 也 德之不立,功之不 E 1 疆 舒 經 功 也。 管 平 - 1 圃 既 念 2者目 與其 其 緯 者 大 不 仲之行事言之,唯 招 其 夫 盡 不成,伯 之大 求 學 正 攜 而 器 未之及 夫子之小 有救世之情 性以立 所 君 前之難,量 其 立 至 以 量 臣 用 善之理 禮 行,若可 即 百 之大 ,德之爲 「懷遠 之大分, 世 亦不 可 人倫 也。 之矩 爲 管 乃 高 之 U 仲 止 故 以 > 以 m

樂。 夫子 禮 夫子 乃 其 歸 聞 以 以 其 經 美 於 物之明 至 職,此儉 更言 觀 官 之臺矣。 用 器 節 約 於 有 知之者必 則道之不 之 則 官 日 物 於 此 荷 小之言 己自守者爲 者 且以就 爲 食其禄 事 自 騐 禮 以 居 而 則 矣。 禮 爲 處 嚴 然 室 服 易 大, 不 者 而 有 明 不 於 則 躬 無 迻 而 乃當 功名之心,故 治臺 爲 攝 問 侈 而 管 敢 君 謂 者之所 游 丽 易驕,此 小 矣,事 無 曰,管仲 以 成 踰 仲 臣 節 觀 以 而 春 禮 之 乎 自 之辯 慎 之 也 以 知 以崇奢逞志者爲大 秋 而 尊, 費 亂 美,家 則 守 禮 循 於 之世 以 亦 者 管仲 也,而 寡 自 分 乎 儉 焉 而 而 志 其 器 滋 者 ? 乎? 持 而 得 抑 著 臣 分備 不 甚。 止 人臣, 之非 者 流 儉 人 於 有 蓋 管 有 能 於此。 俗 則 爲 也? 遊 制 以 氏 兼 蓋 物 故 正 禮 衆 惑 小 度之 臺 圃 奢 有 攝 以 或 者 身 也 也 以 或 之 之 侈 爲 率 非 有 功

物,而 小,以 夫,居 則 其 唯忘分修文以鳴侈肆之爲禮 之堂亦有反 來朝 大夫之獻 邦 天下終莫之 於犯亂。 一,而 、樂,皆不儉者,皆 乎哉? 君 在 一而設 碩 故 赫 矣。 成 奢 非 以 膚 然立 爲 其 王道 清 乎 尊 此正 酢 面 大夫之門以簾 大,以 室、服 比站於 心 無道之世,久矣。 嗚 也, 一悟 不 站。 也,反 寡欲 廢 功立名之士,不知 呼 ·瑕 一夫子所以 也 於天下,而 而管氏之塞 兩 小,所 侈 子乃曰,管氏 非 爲 楹 爵 )肆爲 伊 可謂之知禮 其 齊 本,以 以 之閒 於 尹 制 俗之陋 開 が能 禮 嚴 邦 深惜管仲之心 Ŧ 行 以 始 辯 唯邦 業 君 以節省爲 門 乃其失之始, 非 反 也 於功名者,終 上 而 也 則 也, 之取 其 爵 而 下、定民 也 IE 建萬 君 樹 則今之大 而 亦 禮,奏非 知 以儉 己以 而 以 屏 禮也。 以 與 禮 世 不 管 鄰 以 一,而 樹 周 仲 Œ 爲 果 之 志 知 或 塞

> 成。」大,音泰。 也 語 弘 猷。 魯大 從之, 師 其 樂, 道 從,音縱 純 異 曰 : 也 如 也, 「樂其 其學異 皦 如 口 也 也 知 豈 也 繹 易言 如 始作, 哉 以

子

如

連,如 然豈 如。 清濁 足以 也。 孔 語,告也。 終也 子教之。 八爲樂。 皦,明 合而 高 宫自宫 貫 下, 珠 和矣、欲其 也。 可 大師,樂官名。 如 謝 翕如,言其合也 翕, 而 也 Ŧī. 氏 繹,相 一, 故 商 味之 合也。 曰:「五音六律 自 E 無 商 相 繹 續 相 乎 濟 如 不 從, 奪 ? m 也 絶 時音 倫, 後 放 也 不 以 五. 也 故 和 樂 相 成 音合矣, 不具,不 成,樂之 廢 日 故 反 純 缺 m 如 純 相 和 故

其器 音。 天地 訓義樂之用大矣,以之格神人,易風 得 精其數 之氣而養人心之和,乃 而 人 者存 能 審之者存 乎器, 審 乎 其 心 節 其 與 者 介用 耳 存 則 之閒。 在 於

矣,此

音之翕如者

然也。

知其翕

如與否,

者不可勢合也,則

相

閒

以

合之。

無

不合

而樂之得於始者可知矣。

於是而從矣,引

其本合者可以合也,則順而合之。

其

不合

者,必八音之合作矣,其合作也

何

如

哉

?

於始作想之,以

蕩

人之志

氣

而

使

專

於

聽

有可

心遇者乎?

其可

知

也

則試

與此

不覺其異

者,則爲純

如。

乃於純

如之

而

長之,舒徐以

任之,其先與

後

不相

院、彼

中,一音自爲一音,

而洪細高

下不相揜也

則

爲

皦

如

於皦

如

純

如

之中,

音

復生

音

而

抑

揚

唱

和

不

相

離

也,

則

爲

繹

如。

如

非

純

如

也

則

離

而

不

可

知

己。

非皦

如

此,如

是以

奏之,如是以詧之,則條理

之

之閒

有

難

言

者。

前

今與子

試

設

樂

於

樂之

和

不

和

也

,其

杪忽之失,在疾

徐

高

下

夫子以

魯大

師

固

可與語者,

而語之日,夫

患於喪乎? 天下之無道也久矣,天將以夫不得見也。」從者見之。 出曰:「二三子,何

二六三

子爲木鐸。」喪,去聲。

以 所得 自通 **濁。突,當作突** 以 亂  $\Box$ 失位也。封人一見夫子而 去國,《 見之,自言其平日 下位者也。 極當 袀 木舌,施 ,衛邑。 也。 於道 於觀感之閒 其教,如 (禮》曰「喪欲速貧」是也。 治,天必將使夫子得位設教,不 見之,謂 路,言天使夫子失位,周 封人,掌封疆之官,蓋賢 政 君子, 木鐸之狗於道路 教 時 者 謂當時賢者。 通 所 不見絶 突矣。 使 振,以警衆者也。 得 於賢 見。 或 遽以是稱之,其 日 喪,謂 者, 也。」亂、當作 至此 木鐸, 「木鐸 流 (而隱於 丽 失 皆得 四 求 久 位 所 方 金 以

之不齊 識者固 訓 子之道,其宜以繼 聖不易知者也, 者 可 「,則 以 知之。 但 能 信之以 五 天有 帝三王之盛 而光 可 理 煇之發見,苟 知 而 者 不 也 而 可 開 必。 M 氣數 代 夫 有

> 疑也。 以 念有以 之當然哉? 也。 日 默之閒者盛矣。 也,異於他 將命,而 棄我乎? 子者也。 我而不得見也,亦或謂吾之可 也,皆抱所至而來者也,吾皆請見焉,亦 見焉,不以 之治也不待言, 仰測夫子者,必有誠 一三子以夫子之歷 雖然,此 窺君子 而 夫子許見之。 則今之請見夫子,而夫子尚 告於將 於是從者念其誠,奇其語 封 君子。 人之賤 天治 其 之深一 適 封人 面 命者 盛德之容,見於動 衛 亂 世莫能 也。 而 愐 不 於是 其見之之時,其 曰,君子之至於 素未聞 至 미 列 心,而夫子之接之 彼君 於 知之 或 出 用,非 儀 面 ,乃告於 子 以 名 )數,而 儀 未有遇也 者未 於夫 與 人 封 知 也 爲 静 不遐 乎 嘗 子自 人 贵 請 理 所 君 絍 自 斯 天

盡美矣、未盡善也。」

子啟天 觀之天 將以爲 子其 天之木鐸也。 迪天下之百姓,而使之安於倫紀之恒,殆 德之不 終於生之不厚乎? 道者也 患之有 何 ĪĒ. (下,則 ? 抑抑 患 下之君 患乎? 乎? 焉 夫子之道,天下之所取法以 天之以昭示天下之一道也 無道久 臣,而 夫子之大行也 夫道不可息於天下, 天之必 揆之以禮,●度之以時,何 矣。 使 無以 心喻 不 忍 教之、民其終於 於其 無以治之,民 也, ,必矣。 治 則 理,將 將 而 以 聖 以 夫 其 爲 乃

子謂 者也 之所以爲賢, 可信 知之,則聖不 (之生非偶,則夫子之得大用,理也,天之 紹韶 者 天不 也。 盡 可 前 可知,而 美 而聖人之盛德, 知, 其言終不驗,則天之不 矣, 亦信其理 又 固 盡 有 善也。」 미 而 知 有識者 己。 者也 謂《 此 《武》: 自 封 可 能 知

> 其實有 伐紂 盛。 湯、武,其揆一也。 惟 舜之德,性之也, 王之德,反之也,又以 韶》,舜樂。《武》,武王樂。 有 慙 救 善者,美之實也。 德,武 不同者。 民,其功一 王亦 又以 也, 然,故 征伐非其所欲,所遇之 程 征 子 揖 故 舜紹 其 誅 未 日 愻 盡 樂皆盡 而 而 堯致 美者,聲容之 「成 善。 得天下。 有 天下。 治,武 湯放 堯、 美。 舜 桀, 故 武 然 Ŧ

也,而 也。 訓義 其升降之殊焉。 治 坦然以薦之鬼神,傳之天下後世,不待著 周 樂 蓋其心之所存,事之所建,功之所成 有《大武》以象燮伐之功,舜與武 自不可揜 以 象德,非 也。 虞 帝 有《韶》樂 後之聖人即 王之誇其 以 德 象 於 無 此 以 鳴 爲 丽 之 見 豫

「禮」、啖柘山房本作「理」。

時然爾。」

之震疊 各以 德、 焉。 亂 豫 盡 而 美矣,而 以 和 備 音 所 自 意若有 和 以 善 平 武功之皆以定天下 聖人之微 有 觀 有 育萬 賢 V 也 其謂《武》之爲 昭 極 漸 其 其 於 人 不如文德之涵 示 盛 舞 目遇 至善 德 極, 所 物,人之所以協 撥 嗚 其 而 而 杰 不静, 亂 呼 心 之而 不 1者焉, 論定之,謂《韶》之爲樂,聲 言。 Mi 美 1 而 而格神人者也。 誱 天 矣, 必 所 夫子 心若 理之順 蓋 而 樂、聲 於征 又無不盡 而 有 帝 濡 以 條 之 不 有 而 也。 可  $\pm$ 誅 所 合風 理 論 稱 容 人 之有 對 處 也 之安,節 全乎 不 微 其美者焉,未 心 越 君臣、父子之 變 也。 安, 矣 動,於此 E 之和,武 大美 聞 而 夫子 赫 哉 下 耳 樂 終 天之所 聞 於 感 而 宣 聞 而 之 底 見 動 不 知 功 文 之 盡 容 其

何以觀之哉?」居,當作紀。

本, 臨 居 而觀其所行之得失哉 上主於愛人,故以 喪以 哀 爲 本。 寬 既 爲 無 本。 其 本 爲 則 禮 以 以

敬

爲

何

者

卑瑣 視 亦以 人之 亦以 嚴 則 人與 訓義夫子曰,居其 有 人 無 有道者之旁觀 爲 刻 也 其 同 亦 事相 胡 自致 於遊 之能 下同 技 誠 束躬而 無足深 亦以養尊 越, 其 耳 戲、雖 其 稱 耳。 於有司 雖 陷 求 不 不 m 臨 於 襄事克具其文,而 失其 矣。 成一 忍之心 喪 爲 失 而 何 所 有 禮 也,或 自 也? 位 爲習儀 規模。 度 雖所綜覈 夫居上 情 有 處於大也。 加 也。 也。 本 非 無 協 迷 **冰**其道, 者 但 若其 若 非 有 於 如 不 合 其 以 其 但 得 體 理 自 之所宜 哀 乎 媟 以 其 不 知 心 亦巫 若其 臨 非 制 安 死 越 敬 理 相 其 但 而 ,亦優 色怡 m; 稱 者 傲 人 祝之 背 事 以 無 矣, 也 慢 也 亦 祭 容 則 而 如

子

E

居

上不寬,爲禮

不敬, 臨喪不

哀,

吾

几

方

者

則

面

已矣。

七世孫世全半溪謹刊

四

書訓義卷五終

## 四書訓義卷六 論語卷四

宋朱熹集註 明衡陽王夫之訓義

## 里仁第四

凡二十六章。

子曰:「里仁爲美。擇不處仁,焉得知?」知,

本作衙,今省,亦當作智。

則失其是非之本心,而不得爲知矣。居當里有仁厚之俗爲美。擇里而不居於是焉,

作尻,下同。

者必 之閒,皆 賴有是非之不 訓義夫子曰,人之所以能不失其本心者, 審 可 圃 ·驗焉。 處 其身者必 味而 而 己。 即 善於 擇居處之里言之, 是非 明,則擇於物 凡 動 静 居 處

> 昧乎? 當遠。 處於頑 矣。 必 既擇焉,而唯其 以化之,則利用遷。 惡,則身得安焉,子弟得效焉,豈 睦 命爲賢乎? 加 自非先世之廟在焉、無容去之、而但在 仁之别。 今以凡人習俗之易迻也,於是 審 擇里以居 也 不知不仁者之可惡,則 而 M 以身試於惡俗之中,而 訟之鄉,斯人也,吾有以知其不智 不相争, 隨 若其所居之里 在 則 故苟能不失其本心者,是非 皆 必於此 私利之便安,乃不處仁,而 有 相 以 勸 乃既可 白處。 以 加 善 而有仁厚之風,相 依 也 不 爲樂土矣。 以去此就彼 人其可 而不相 知 猶昏昏然自 而里有仁 不仁 不 美乎? 者之 黨 以 若 自 以 有 不

視而 也。」亂,當作 見則 所存 濫 才,謂之見道 忘,有所 之不同,然皆 然,知者則利於仁而不易所守,蓋 欲得之也。 約,窮困 曰:「仁 人爲不遠,不知 ,利仁則二。安仁 ,久樂必淫。 耳 可 而自不亡,非 謂 聽,手持而足 也。 .者心 理 之有 斯不 不仁之人,失其本 利,猶貪也,蓋深知篤 無 非 不 惟仁者則安其 此 所 内 亂 外 惑 味 得 有 外 物 則 一者非 未 行 則 也 遠 所 所 可, 能 未 也。 理 近 能奪矣。 無 顔 諸 可 精 ൬ 然 意 子雖 、閔以上,去聖 知者謂 粗之 自 未 也 仁 有 心 不 免於利 有卓 所 而 亂 閒 安仁 雖 之有 存 久 好 無 約 越之 非 湙 斯 如 謝 滴 而 之 氏 渗 則 不 所 Ħ 有 必 必 不

我也。 訓 而 夫子 不能不隨之以 心 無 Ė 所 外 境之 則 流 性 足 情 以 故學者因 奪 寄 心 於 外 非 其 物 境 (性之 之得 能 奪

身,雖 矣,不 静, 境,或 心 身涉 處 並 端之動 無 雖 久處 爲 者,其心本與理合也, 著見,樂爲之纍甚 E 所近,而 也。 一不存 如天下之嘗我 然,於約、樂 呕 而 而必以 而 世,非 長 呕 或 可 及久也,必忮求之交作,約 約 抑 君 處, 我 也 焉 暫爲斂 昧 專以其事求於心, 處 子 制 也。 心德制 其 矣。 則 ,即若身之無所容, 於本心之明,則 亦 今夫不仁 約 約 無 求 而 此 、樂之念,而 也,即 輯,而 或樂焉,即若 也。 其能 制之乎? 君 約、樂也。 圃 矣,不可處 子所以 不足 者,既 制之一 其樂也, 及其長也,必 而存之養之,又已極 爲 仁 以 者 其 自 以 無 不於 時 喪其 制之吾心,而 心德之成 自成 無 也。 不 生 而 而 雖 以 , 而 已矣。 復 皆 平 不可久 爲 或 守 約、 志行矣。 夫人 之困 驕 知 所 此 無 不 暫 其德之 樂 如 可 吝之 有 爲 歷 心之 以 長 則 制 多 以 其 其 恬 >

焉。 於是心之方 静,無 非天 理之凝

也。 於密 心之方動,無非天理之發也。 見吾 心

用 爲居仁之宅,則見天下 而皆仁,無不 安 也。 至於安仁,而 皆行仁之境,隨 其純 所

理也, 亦求爲 無閒之體爲何如乎? 而詧之誠之,極於明焉。 智者而已矣。 智者, 即其 其 本心灼見乎 未 於是 能安也, 而 知

而必依 心也。 吾心之不可暫離於天理,舍天理 乎天理 知 天理之實有大益於吾心, 也。 見吾仁可以 勝 ൬ 天 有吾 無 下 可 爲 1 之

情,則天下無可加於吾仁之美,專其事 仁而利爲之也。 至於利 仁,而其樂爲不 倦 於

長乎 之情 又何 不見 自 無 有 有 所 ? 爲 於約 何 處 不待 外之身也,不知 如 而不可矣。 乎? 樂乎 制 其 ? 夫誠安之矣,誠 身 於境 何有 故君子不於約而 遇 有仁外之情也, 於約之久、樂之 不齊之中, 利之矣, 矯 愐

> 詧識 仁焉。 智以 語志節,不於樂 入仁,無待制其 本 心 雖未能即使其 是非之正 圃 故尚 常常 心,而境自 心渾 持之 節 嗇 合乎理,而 圃 唯 不能奪 不 昧 其 心於 則 求 由 以

子曰: 惟仁者能 好人,能惡人。」好,當

惡,去聲。

日 : 其正者,心有 理,程子所謂「得其公正」是也。 惟之爲言獨 好善 m 也。 :所繫 惡惡,天下之同情,然 蓋無私心,然後好 而不能自克也 惟 人 惡當於 仁者 毎 游 氏 失

訓義 無私心,所以能好惡也。」私,當作人 夫子曰 ,仁者心之體 也 體 V/ 而 用 13

行焉。 以徵諸用 未 者也。 有 無其 今夫人之與人,其 體 而 미 乘 時 發 見 取 舍從 之情

情者 違之大用,皆因 也 則 善 之 於好惡。 口 好,惡之可惡, 夫人 而 苟 亦 有 能 人之 知

之,乃於所當好者好之,於所當惡者惡之,

惡之矣,而若或誘之,而終不 好之矣,而 情之本然 好 者 多 圃 矣, 若 發於不 或奪之, 知其 可 容已。 而 惡 與之相 終 Πij 與 然知 不 之 惡 舍者, 不 者 其 親 名 미 音別義 於仁; 茍 「荷志 誠 則

好

而

不

因

其

乎 其 亦多矣。 1 悖於理 存一 何也? 理 而 於 且 以 心 遂己之私 有自私之念, 而 無一念之私 也。 則 其 待 雖 唯 明 人 丽 知 者

欺 也 曲 所當惡之人,雖若 、無有能誘之者。 前 相 就。 必 與之相 故於其所當好之人,雖不 得 不必舍也 無 是以 有 在上 能奪之者。 而 m 必 取 合舍之 不 受其 易 於 權 其 親

之明 面 一,毅 從違 然行之, 之見定, 斯 體 立 而 而賢 斷 大 然 用 姦 自 行 無 守, 馬 並 立 1 而 邪 之 者之所 勢。 IE. 有 在 以 必 能 辨 下

子 字从羊从包省 Ė 茍 志 本訓 於 自急敕也 仁. 矣, 無 轉訓 惡 也。 誠 1 與 茍, 从艸从句之荷 當 讀 己 力 切

與天下

同仁

而仁天下

也

無矣。」 於仁 也。 必 志者, 無 未 爲 必 惡之事 心 無過舉也, 之 所 矣。 之也。 然 面 其 楊 爲 H 心 惡 誠 E 則 在

其 悖 非 人欲爲 仁,則 情 去惡 不 不 之以幾於得 繒 訓義夫子曰,夫 無惡 理妄行 見天下之有惡。 縦 往 無 則 而 者 不 既 且 則 司 所 惡自遠。 順 存 以 持 安 必 而 必 矣。 於 天理 其 矣。 至 任 則 遏 仁. 欲 拂 其 矣、欲 然 爲 焉, 必 人人而 而 於天 欲 由 人 而 所必 放 不縱。 耳。 即 是 之 M 未 於 之方 能 是 理 而 情 已有 易 存矣, 理 純於仁 山 放 孰 無不合矣,則 IIII 幾 而 動 理 夫人之有惡, 守之,雖 焉 見 可 也。 後行 理之未得,求 而 觀 恶 自 則 也, 行, 响 者。 茍 於 純 心 不 乎 人 持 IIII 則 則 之 能 既 志 善 哉 欲 覺 於 不 所 待 無 唯 其 以 於 人 而 ? Mi

七

惡之道,而務引學者以求仁之爲亟亟也。過,而自不陷入於惡而不返。故君子無弭

道得之,不去也。惡,去聲。之,不處也。貧與賤,是人之所惡也,不以其子曰:「富與貴,是人之所欲也,不以其道得

而安貧賤也如此。

曹則不處,於貧賤則不去,君子之審富貴不以其道得之,謂不當得而得之。然於富

君子去仁,惡乎成名? 惡,平聲。

矣,何所成其名乎? 厭,當作猒。而厭貧賤,則是自離其仁,而無君子之實言君子所以爲君子,以其仁也。若貪富貴

於是。」造、七到反。沛、音貝。「君子無終食之閒違仁、造次必於是、顛沛必

如此,不但富貴、貧賤取舍之閒而已也。顛沛,傾覆流離之際。蓋君子之不去乎仁慈食者,一飯之頃。造次,急遽苟且之時。

存

則辭而不受,不容不決也。

貧與賤,是

矣。 所當得者,得之而亦欲之,欲之而遂處之 密。 物之可欲 欲之矣。 定力焉。今夫富與貴,則是人之所欲矣。 分,因於欲惡之情,則求仁之大辨,於此有 也。待之孰者,爲存爲養之功也。 必待之於孰。審之早者,爲取爲舍之分 勿論希其利賴者欲之也 或去之幾必審之於早,而一存不復去之效 已矣。仁者,此心之存焉者也。 訓義夫子曰,君子之所以爲君子者,仁而 用其力也。 至於終食、造次、顛沛之頃、無時 言君子爲仁,自富貴、貧賤取舍之閒 於此 存養之功密,則其取舍之分益明矣。 乃其欲之也,因 審焉,吾心有確然見 而遂欲之,於是雖 然取舍之分明,然後 即即 物之可欲 有 因以有爲者亦 爲 非其分義之 無處 不 存 顧其或 取舍之 也。 養之功 可欲者 ൬ 大 存 不

其

也

以

미

不

於所欲 定也。 惡之 於吾 然不 之正,則 欲、爲公、爲私,於此而仁之存去決矣。 於人,莫大於不 之可惡 有志 人之所惡矣。勿論不安淡泊者惡之也 以 學,名爲君子 遠 境遷、性爲情易、念追於外 非 莫行 當 矣。 以 加 其 心惺然不昧之真體相背 不審之於早,以一其心於存養,而求 夫若此者何也? 其 而 此 思 也 名實之所當得者,得之而必惡 唯此 者亦 遂欲 名 則 爲 去之矣。 雖 而亡 因境之可惡而遂惡之,於是 惡者在 富貴貧賤之閒,其爲理、爲 有 惡之矣。 之,見可 面 殉欲惡之情, 才 媿 無 於此 mi 也乎? ,則安受無求,不容 以 非 異 悪 其 乃 以君子之所以 丽 一於衆 加 才,雖 審焉 其 故取 遂惡焉 而志 而 惡之也 而守其 人 迷,其去仁 ,吾心 有學 也 盡 舍之辨 則 其 因 惡 欲 而 有 焉 私 若 平 情 惡 里 不 招 有 境 即 心此 矣。 生與 欲惡 地 而 非 處 而 而

荷

定,而 身患之日,無可安之心 忘,而一 違之則一動而 養之,而 堅意以 之幾 猶 養之,此心此 即 但 ,猶是仁也,必不違 忽接之境,事 故君子静 理 俱 恃 不 以治情 是仁 君 生 期 面 其 決之於始,而忽然有 莫 乎 子 與 己。 IIII 有 丽 有 也 天 相 猶 乘之。 ",心以 動静 · 矯情 小必 切焉 理 依,不存 慮 即 即 有 理 其 也, 無足輕 不 與欲惡爲緣,而 存 至 不離之真體,則 之力 善物 而 者 夫君子 未 違 焉,動 於 雖 己。 也。 能 也 不養 也。 無 也。 終 mj 而 重 食 미 即 因 即 存 有 乃辨之明,守之 安常 所以貞欲惡者 圃 唯 避 君子之必如是 其 無 至 以 詧 而 忘之之念,則 而 可 之患而 於 於 心 辨物。 違 也 即 不 而 以 爲欲惡 心 以 意 也 性 龃 復 存之,此 忽略 瞬 實 不寧之 所 以 去也 相 從容 存之 息 統 有 不 淖 之 謀 不 爲 用 此

亂之者且至。 勿輕言取舍也,此心無主,則持之雖堅 也,義利不分,則所存所養者爲何物? 君子,乃於斯焉成矣。 妄動,取舍之辨,不待遲回,君子之所以 則性焉安焉於天理之中,欲惡之幾,必 也 ,然後存之養之,密 君子始終於仁之全功,其可 故學者勿輕言存 而 無 閒 以 孰 其仁, 養 而 亦 爲 無

者加乎其身。好,當作政。惡,去聲。無以尚之。惡不仁者,其爲仁矣,不使不仁子曰:「我未見好仁者、惡不仁者。好仁者,

有能一日用其力於仁矣乎? 其身。 者真 者,必能絶去不仁之事,而 惡不仁者真知不仁之可惡,故其所以爲仁 夫子自言未見好仁者、惡不仁者。蓋好仁 知仁之可 此皆成德之事,故難 好,故天下之物 不使少有 得 我 而 無 未見 見 以 之也。 加之。 及於 力不

足者。

易也。 能一旦奮然用力於仁,則我又未見其 所至,氣必至焉。 不足者。 言好仁、惡不仁者,雖不可見,然或有人果 蓋 爲 仁在己,欲之則 故仁雖 難 能,而 是, 至之亦 而 志之 (力有

蓋有之矣,我未之見也。」

也。 用 者苟能實用其力,則亦無不可至之理。但 甚、欲進而不能者,但 蓋人之氣質不同,故疑亦容或有此昏弱之 蓋,疑辭。 所以反 不敢終以爲易,而又歎人之莫肎用力於仁 力 而 覆而 不 此章言仁之成德,雖難 至者,今亦未 有之,謂有用 歎息之也。 我偶未之見耳。蓋 肎,本从肉从冎省,俗寫 見 力 其 ൬ 人焉,此 力不 其人, ·足者。 然學 夫子

訓義夫子曰,學者之於仁,其或存或去之

作肯,非

乎此 之輕 於 我 也。 後 相 不 好惡之決,我未見 惡 知之,而 心 力求之, 八則 信 焉 人 拒 未見惡不仁者焉。 舍,而於天理來復之幾,樂求 惡其害吾心焉。 之必以 念而又忘之矣,無 不仁者,以 乃於其 欲紛至之際,顰 其 ,其於仁 諒學者以不 矣,無有能 於 事 果 後見非此 而 其 好。 此 則 後 好 事 而 見天 也, 予驗其 驗其 真 惡驗之矣。 誠 安 嚴 知 能 好仁矣,勿 無 下 而 者之大不安於吾心, 其 用 之。 好仁者焉。一念而 故吾欲見一果能好仁、 心 以 好 蹙 之無 有 唯 志 力之幾, 雖不 ,於其志 尚 悪 能 而 是之爲 真知之, 氣 之矣。 也。 不 專其 蓋 有 以 與 -寧者。 論 如 毅 其於仁也 相 蓋 而 篤 志氣以 氣之閒 利 此 然 狎 而 心 使 不違 而後見 好 7,抑不 欲 事 自 不倦者 既 有 是 也 處 孜 験其 於仁 好 非 專 即 與 孜 而 吾 吾 真 必 而 而

生之時 舍,以 之不 者誰 非 真 不仁 其污染吾 僻 亂 時,唯決 仁 今 吾性之本 道 是何也? 勉之於 之,則 用 知 也 者 無 德之迹,功名之塗, 即 力 也 乎? 者。 口 以 也 求之於心。 尚 焉 使 非 於仁而 則 名有可 不使 日 之者 本心之皎然,必如 然,必如是 加 乃今爲仁 而 使 唯其 則信 用 必 身 不 有惡不仁 力 專其 不 面 誰 能 己。 後 焉 故 託 仁 不 矣其 平 審 過有了 者加 相 而 心 情 真 天理在 ? 加 其 八未見 決於仁 大 不 自 知 而 於 幾。 不 視之皆無所 能 乎 者 以 則 後 不 仁之無 1 使 미 争 其 焉, 果 漸 爲之切。 有惡 口 若存若忘之介 求之,而 人 避,絶之皆 不 其 是 身 而 矣 爲 至 當其 欲 仁之加 於孰 勝 耐 矣。 恐不 其 好 以 不仁者矣。 有 後 未 1 尚,不仁 忽 篤 仁 爲 增 用 而 可 見 勿 者 志不 之事 力者 至 欲 諸 爲 唯恐 論 加 有 有 忽 其 身 黑 非 好 於

嘗苦此 不堅。 乎? 亦或 果 聞 皆其甫欲 之,如其有用 加 仁、惡不 返,於是而 而 人之氣稟不齊 決之於一 存之而 而 不仁 愈失,昭然人欲之易 遠之而 有 不至之地,慎 有之而 何以 能 而 也,則 若用 心 然 無 日, 爲好惡? 之 即 即 即 者 不能 足 而 之 難 力焉 有 不 不 乎? 慮也。 振其怠,絶其非,密研之於 何當於仁? 吾 力者,我未見力不 「則明 能 據。 而 可 可 持 真 未 據。 旋 謂終無矣。 面 相 之於幾微 之 知 妨。 則 無 丽 已 非 明 天理本吾心之固有, 見 也,不能果 離之。 得 人欲一外至之無端 意 其 崩 有 制 也 者 離 夫仁,因 志之已定,氣即 力而 理之可得而求之 而 非 也 憂 難 嗚 然我 獨覺之中, 其 無 其即之也,未 何以 則實 呼 於 以 足也。 好 力之不 以 所見 尚 自 能 所 廢 不不 拔 真 志之 然 非 加 蓋 知 果 m 夫 隨 足 其 覩 使 好

> 吾所 者 其 無 ,用力而 知 以 世 尚 而 已 不 矣。 矣。 可 使 不 用 加 力 ? 而自 凡 吾 謂 所 不 求 足, 於 非 學

仁矣。」 子曰:「人之過也,各於其黨。觀過,斯

知

从行。 黨, 類。 謂觀 過於愛,小人過於忍。」尹氏 有 有 之,則人之仁 後漢吴祐謂 過 過 類 過知 君子常失於厚,小人常失 猶 也。 而 可 後 仁是也。」 即 程 賢 『掾 此 不仁 子 否 而 日 可 以 知 : 可 親 知 愚按:此亦但言人 人 其 知 也。 故,受汙 厚 矣。」 之 薄 爱, 過 曰:「於此 非 當作 於 也, 辱之名, 謂 旲氏 薄 无心。 各 必 俟 於 君 日 其 雖 所 觀 其 子

訓義 爲 也。 私 夫子 然 、爲厚、爲 而 E 心之所存,必見之於 仁 薄,隨其所行, 者 心 之德 也 mj 非 迹,故 皆 但 미 以 爲公、 以徵 其 迹

者矣。 則私 則君 成乎 不昧 不可 此 未至 其 不 事言之,君子 成 之所過,君子必有 子之過,小人反有 欲 過 心 m 乎 乎? 焉。 其 於薄,小人之過則薄而已矣。 過 掩。 而 子小人各成 ,識量之未周,以至於行 调 觀之,一 則天下 蓋仁在 已矣。 也。 本 若其爲仁 固 īE 立心不善, 於以 己。 然均之爲 之情 邪 悔 有 古 又以 心 乎? 辨 乃 公 得 一 吝之閒, 而 其 有 者之過 其 其 以 立 调 而 情言之, 類, 不 所 Á 心之所存, 心之失,愈見其 而 共見之,過且 圃 心 僅 爲 過也 全 而 重 所 在迹 無 善 正乎? 也 而 防 如 私 爲 邪 前 君子 mi 不 黨之分焉 而 過 亦非者, 則 丽 IF. 或 m 過 無 自 無 有 因 爲 善 過 小 心 调 也 無 失者 有 心之失 |學問 不足 人之 必 不 理 惡 故 於 也 别 小人 徵 之 誠 兩 口 乎 厚 則 「, 亦 矣。 以 之 ? 迹 调 之 難 知 於 以 君 必 而

翰 子 日 隸省作 掩 其 所藏,而 朝。 朝 聞 道 夕 況事功之 死 可 矣」。 昭 者 非。 者哉? 朝, 本 从 倝 从 舟

作

之近。 苟得聞 道者, 死安, 所得 人知 而 ,豈以夕死爲可 無 事 信 道 復遺 物 者 ,雖死可 程子曰: 當 爲 恨 然之理。 難。 矣。 也。」又曰: 死 「言人 乎? 朝 生亦大矣 Ŋ 苟 不 得 所 미 聞 以甚 以不. 皆 之, 實理 言 則 非 知 其 生 誠 道 也 有 時 順

受此 物 亦未 道 無 訓義夫子以人之爲學,將以 於道、或得 詞,寫欲 存 所 理 之所顯 爲 焉。 身於 聞, 得 聞 以 也 日 天 或失,亦視其立志 道者之心以 悠 著, 用 地 忽畢其 夫天地 不 而 知 聖先賢 以 則 行 法象之 警學 失 乎 生。 (之所 者 天 下者, 者 所 古 聞 乃 加 矣, 明 日 道, 昭 爲 一,夫 所 示 莫 決 加 而 7,人倫 蓋 人之 然 得 終 不 者 有 之 於

其於道 亦 生。 其 乎 與 丽 可 日 姑 也 而 愐 炒矣。 分 生 也 非 : 可 能 已 役 其 本 聞 誠 爲 以 可 平 朝 於 也 憂 聞 如 不 之,則天下 而 虚 聞 勤 蓋 可 是 聞 散 學道者之名以妄冀有聞者之能 而 生。 道 誠 乎? 得 乎 欲 , 詧之至精, 執之至一 以 不 夕 欲 聞 萬 而聞, 聞 爲 既 死 殊, 聞 道 心, 聞 無復 可 則 可矣。」 也 者 之, 面 以 皆 不 則 丁,其 聽 有 聞 可 日用之不 無 則 而 其 不 者 聞 志必 未 可 必 自 聞 或 恥 也 容其 聞 自 信 者矣 聞 矣。 丽 如此之決 之, 誓 其 合乎道 皆 或 一,庶幾 懈 以 雖 而 不 不 不 怠, 死 必 自 聞 如 易 易 者 是 T. 無 如 顧 聞 聞 聞 而

議 子 也 日 0 士 志 於道 9 而 恥 悪 衣惡 食者 未 足 與

識 心 趣 欲 之卑 求 道 两 mi 甚 以 矣, 口 何 體 之 足 與 奉 議 不 於 若 道 人 哉 爲 恥 其

> 也 子 ? 9 志 於 道 而 心 役 平 外, 何 足 與

議

程

之爲 訓義 惡 溺 議 之, 庸 如 志 焉 高 論 俛 其識 面 已矣。 已深 對 道 道 於 而 明 衣惡食,任有 斯 硒 則 夫子曰 焉 之 道 不自 廣 道 榮爲辱,曾 人者,自 大,其量 識 之得 曾 流 而 大之境。 彼 又 止 念其 非 不 所 以惡衣惡食爲 何 亦 於 苏 以 存 失 9 有 士之所 遠 將 卑 益 龃 道之不明不 者 既 道者安之耳。 其不愧 미 不 賤 乎 以 若 爲 爲 議 則 ? 足 以 何 士 其 也 知 量 以 耳 拔 以 聞 如 而 吾之 君子 極 不作者 實 爲 動 爲道 流 道 志、 自 於 不 士 其 恥 行爲 俗 命 而 於 所 狹 所 者, 足 者 心 之 説 爲 此 而 小 以 即 與 在 志者之 中 恥 之, 何 日 亦 則 仰 有 此 其 言 如 識 從 若 既 與 腦 心 質 未 面 而 面 也 之 能 絶 之 與 當 爲 丽 有 進 流 天 量 之 陷 之 既 志 講 夫 恥 世 何 平 俗 而 安

之,而 甚! 陷人深於嗜欲,爲 也,亦嗜欲之未忘,猶人情之常, 之也。 不此之恥, 以 口 體 至於 殉 圃 人之愛憎, 以之爲 士 恥彼焉, 者 可 恥 不急自 則甚 其 則 미 身 矣 미 擴 恥 雖 流 以 其 俗 也 能 道 識 之 孰 受 而

義之與比。」適,丁歷反。比,必二反。子曰:「君子之於天下也,無適也,無莫也,

量哉

可也。 莫,不 之閒 於聖 適 倚乎?」 學所以自謂 以主之,不幾於猖 ,專主也,《 人也。 有義 肯也。 莫,不 存 聖人 心 春 比,從 焉 可 無 秋 也 、之學不 所 傳 狂 然則君子之心 住 也。 自 無 而 E 态乎? 可 然,於無可 能 吾 鷹變, 無 謝 誰 不 氏 適 可 此 從 圃 日 、果有 老、 : 荷 無 卒 是 得 佛 不 無 適 也 所 罪 之 道 田

引義夫子曰,事之所宜然者曰義。義者,

其變 然。 以 己。 之所宜者 精,審之已定,知此 疑 而 所 則 行之,則專 窮,而君子 其 踰 行焉,抑或終止而 心、順 廢 焉 通 (所固 有 無適矣。 定不易之矩 於當然之定 義 而 若 時或傷 E 夫天下之事,欲 見爲不 小必有 莫, 隨 然之準 不擇而 於天理 其 在 意 何以 而 其若可行焉 然而 志在 變, 彼 適 以 君子則 則 義 則。 理。 行者 也 與 行 譍之哉? 於行, 者, 必 也 不行焉,若無 義 處 面 不 事之所宜 0 丽 天下 然。 何 行 其 不 相 無 無 行 乃萬 耐 也? 미 焉 依 常 ,抑或 莫矣。 所 事之當 之待於君 乃 則決 有時 行 丽 撓 夫見る 事之變遷,皆 則 無 君 焉 守其 者在 日 則 固 子終 之 好行之 或 意 志在 滴 前 唯 於於 有 意 爲 不 則 Ħ. 常 此, 酌 舌 閒 以 ĨŁ. 於 然 子 口 待 則 而 不行 彼 之已 合於 不 中 義 [[1]] 行 者 焉 丽 君 面 而 立 耳 當 無 者 後 子 心 無 因 不 可

曲以枉義,必有莫也。無適而何以立志

委

辟? 事 非 則 節 必宜。 有 私 而 他 利 成 而君 也,精 功業 既 其 盡萬事之變化, 子 所 乃 義 本 以無 無 圃 無 已矣。 莫 而 適 而 何 無 意 以 於 莫 氣 以 立 善 心 亦 定 操 成 無 其 守 、倚者 其 所 心之權 而 用 不 止 尚 者 於 淫

衡,此乃所以爲君子乎!

人懷惠。」子曰:「君子懷德,小人懷土。君子懷刑,小子曰:「君子懷德,小人懷土。君子懷刑,小

以 閒 惠 土 爲 謂 而 思念 謂 已矣。 君 貪 溺 子。 利 也。 其 所 荷 君子小人 懷 處 安 尹 德 之 氏 務 安。 得 日 謂 :「樂善惡 存 所 趣嚮 懷 其 以爲 刑 固 不 謂 有之 小人。」私 同 畏 、公私 不 善。 法。 之 所 懷 懷

訓義 同 丽 夫子 1 之所依 夫 人 而 不舍 外之所 者 行 無 者 論 其 雖 得 萬 與 不 不

乎? 則 於法 君子 其所 唯求 險 而 未 於性分,而 小人 爲安者同,而 力。 所懷者是也 得 於所懷者別焉。 境,所爲不一塗,而 唯 阳 無 著之於事爲 值 懷 之可 恐其所趨之不正 見 謀 ,雖不必有刑之我 以 其心之所 故君子小人之辨 司 與 者 自 有利之可 土 此 不值 畏,存 也 異 處 非是則 則 事,其 者 其所欲者異,則君子懷 君子 前 由 安, 而 然, 之於 君 同 其 耿 趨, 操存不可忘也。 子 因 立身行己 所趨 以 此 亦 所 耿 乎 即 中 懷 其心 , 則 何知 一念,其 懷 於 必 加 境之甚適,若 不於其 至幸之不可 刑 嚮 者在 心 循乎此 且 而 有德之 之所安, 而 而 能 而 違 皆無 是,則 小 爲 不 念念常 忘 於 欲必得 迹 謀 人 忘 以用 也 理 者 可 也 懷 不 小 乃得 所 而 據 徼, 同 惠 有 미 舍 Ĺ 德 之以 其 小 必 歷 面 則 也 心 罹 悖 是 則 即 之 丽 必 志 其 而

焉,而 慎 矣。 而 凶 而 土 遠 之於德 啚 一,其 ]乎尤悔,以保其身而永其譽。 小人之於 於立心哉! 危,以遂所欲而苟爲安。 迷日甚。 分 唯 焉。 夫唯 其 得也必戀之不舍,其 德 可 未 日 其 然則欲爲君子而 有獲者焉,且不知有刑之隨 進。 得 及其 所懷者 也 而 必 (涉乎世變者,且將不避夫 其 求 有如是之異 涉 得 之,既 乎世變者,皆 失也 不爲小人者,尚 蓋莫不於所懷 得也 八焉,故 且生 必 一怨焉 以 君 其後 無 豫 失 子

程子曰:「欲利於己,必害於人,故多怨。」孔氏曰:「放,依也。多怨,謂多取怨。」子曰:「放於利而行,多怨。」放,上聲。

爲 能 訓義世之衰也,天下日相尋於怨,大之爲 兵戎,小之爲 害 相 下也, 乃夫子 則 見 争 , 窮其 爲 訟。 氣 致 之不 迨其 怨之本 能平,而 怨之已成,而 丽 推言之日 機之相 不

> 所往 之曲 利焉。 然顧 氣之亢 哉 ? 裁 静 面 既身受其傷,未 圃 則 而 之得,人之失,雖假爲之名,巧爲之術,人 夫人亦何樂乎怨人,而亦何樂乎人之怨己 忘乎情,乃至本 或 天 惟 利 成 氣 行 名 放 乎 下之争以 不 折以求其必遂,則己之益,人之損 圃 而 乃上下 不 可 或 思 不 乃放於利者豫擬一 於 偂 義,酌 得怨焉 抑 IE 利 不 可 必必 相 解之忿者, 面 相 相 屈 反人心於和平, 行 有能 無 期便 怨 制 量乎人己之閒,亦未嘗 實自此 也,機之深 耳。 夙 相 而 淡然相忘者焉。 恨 於己 志 挾 行求其利, 自 乎分,親 而 何 始也。 機 而 利以 其 可 不 有 脯 多 以 無 可 獲者 爲 不 也 相 故君子 戚 準,因 他 測 不 可 ? 安 相 (之人, 乃 測 可 激 怨 則 也 也 欲 之 爲 是 不 果 無 m

子曰:「能以禮讓爲國乎? 何有? 不能以

禮讓爲國,如禮何?」

國乎 禮之實以 讓 文 者 雖 具 之實也 爲 亦 國 則 且 無 何難之有 何 如 有,言不 之 何 矣, ? 難也。 不然 而 況 於 言 則 其 爲 有

乎下 以 終不 不定 訓義 相 乃 由 不 所自 鬼神、治賓客,未 相 以 是 禮 睦 感 於是 治 也 競 夫子 丽 者 也 生 M 者 ,有爲則 孚於民 君 名不 既 争亂 則 知 讓 臣 臣 日 備 盍 禮之精 讓 上下之 作, 相 也 或 其文矣,而 反 善於 互相 掩, 之所 求 鄉 嘗 固已。 無 其 不修 閶 意 閒 位 君 成 禮 與 本 井 本在 一君讓 不 有 乎 相 立 成 則 里 相 乃班 修之於 敬 1 者 害則 之 法 L 辭 逼 能 也 中 以行之,而 下不辨, 朝、治 於 如 禮 利 即 於 互相 己 L 爲 相 也 臣 相 不 ൬ 以 或 愻 軍 恤 和 相 民 而 敬 風 者 禮 也 · 内 、事 擅 也 即 於 之 志 之 功 動 或

> E 肖矣。 爲 唯退 以 久 制 具 爲 猶 焉,氣相 無 心,則運之不 (安長治之本,言治者其可忽乎 禮 存,亦終不足以保 可 争府,則其於禮也,心異 禮 是 專 之精 知 以 也,未嘗 爲 怨, 不患 自 豈禮爲猜疑 國也 也 麦馬 而 意,感人 處 無位 威 未嘗 加 ,同堂之上 不 望 備 可容 ·勞。而 動 患所以立。 不 文 四 心 争競之人 其 修 餘 而 鄰 於 國 欲 謹 地 政 和 有 於 矣。 以 節 丽 合 平 異 國 而 讓 也 課 設哉 不患莫 心 迹 舞合, 何 蓋合 丽 人。 國之心 功 舉國 有 奠 也。 而 平 萬 此 志 先 或 或 乏中 雖 無所 猶是 相 5,則 知 於 爲 亢 若

以 所 加 見 以 已 矣。」 知之實 立 一,謂所 以 程子 立乎其 日 「君子求其在 位 者。 口 知 謂 口

求

子

訓義夫子曰,夫人之未能自得者,類皆有

厚,而 乎? 其所自 位 之學術 事 則 世 審也 所 而 容,不已陋 有 才全而 則 各得者 將於是 役 宣或不 之不我 我 俛 患。 吾 役 無 仰 所 爲 使 此 我用 在者 若可 性 以 當 邪 而有求焉。 無 患者,身心不寧,而若 任 於 之 身 日 加 情 應, 世必 愧怍之地 於我 計,不 得失之際,若天 乎? 正之分,爲 無 乎? 之内 而 無 ,患無益也。 者 所 民 我 患也, 己。 而 授 容 有 成求,可 患 斯人也,亦嘗 我 若 我 此其 所 日 矣。 以安我 無 若其未能免於患 無 未 救 望 以 可無 人 位 無 以 能 過 位 以 於 (爲己之界,不 爲情,乃欲身世之 患 理,則 一,君 免 之 我 此 即令無位, 而 求 身。 高 也。 於患 不 患 也,則 爲 丽 無以自處, 有 地 暇 所 患 我 如其 果 念 厚 所 才全 以 無 天 所 加 責 則 而 則 坦 (患之, 以 立 高 亦自 必 於 以 無 而 與 然 尚 反 可 酬 也 有 求 我 立 所 當 ? 患 地 行 不 抑

唯先自命 德,尚: 之能 心 位 則 誠 以 也。 而 言,不容以一得而 知否耳。 所可,不已憊乎? 之,將汲汲於表著之迹,若左圖 自處於疾惡不加之地 所求,吾爲計之,不患莫己 而 爲 但 尚 能 藏 天下 善 未能純也。 患,當莫己知之日 盡 實 中 德立 有可以立位之才,但有可以使人知之 非 吾 求,則必患吾學術性情之中無一念 僞 而 不 自足之境。 IIII 使有人焉,有知人之哲,致 則 性分之所固有,職分之所當爲, 概 我 而天下必我 尚 生平, 知 將左 患人之不己 患 然戢其躁 圖 蔽多失, 詧我之身, 不 詧我之心,不容以 無 斯 右惟以求之,已晚矣。 而 益 知,可 人也 丽 以 當 也 無 知 無 下, 正 可知 動 所 無 知,求爲 乎? 位 雖 憤激之心 傷。 未 患 一之日 不 爲 右 也。 知 求 我 夫學者 其 惟 如 知 其 外 我 德立 以 其 可 而 爲 而 立 飾 容 之 用 無 患 知 可 亦

生 不足道也矣。 者,苦心勞形,終日 子之道,尚 其愧 恥 庶 則 幾乎 因 此 圃 而不得須臾之和平,亦 知爲己之實,其 若區 區以名位爲 於 憂 君

子曰:「參乎! 唯。」參,所金反。唯,以水反。 吾道一以貫之。」曾子曰:

其用 並同。 即應之速 得,是以呼而告之。 其體之一爾。 然一理,而泛應曲當,用各不同。曾子於 唯者,應之速 乎者,呼曾子之名而告之。 處, 察、當作督。 蓋已 而無 随事 丽 夫子知其真 疑 無疑者也。 也。 精察而力行之,但未 曾子果能默契其指, 呼、當作嘑。 (積力久,將有所 聖人之心,渾 貫, 應。當作 通 唐,下 也 知

子出。 子之道,忠恕而 門人問曰:「何謂也?」曾子曰:「夫 已矣。」

盡己之謂忠,推己之謂恕。 而已矣者, 竭

命」,恕也。」又曰:「聖人教人,各因其材,

得其所 待於推 **廖曲** 遠』異者,動以天爾。」又曰:「『維天之命 道。 也。 物、仁也。 心爲恕。」於義亦通 貫之之實可見矣。或曰:「中心爲忠,如 也,一 所以 曉 學者盡 盡 於穆不已」,忠也。 也。 丽 恕者用、大本、達道也。 忠恕一以貫之。忠者天道,恕者人 忠者無妄,恕者所 一本 無餘 本之所以萬殊也。 蓋 矣。 也。 己、推己之目以著明之,欲人之易 ,譬則天地之至誠無 至誠 之辭也。 推己及物,恕也。 也。 曾子有見於此 自此之外, 無息者,道之體也,萬殊之 萬 物 夫子 「乾 各得其所者,道之用 以行乎忠也。 固 程子曰 之 道 以此觀之,一以 無 而 變化,各正性 此與『違 餘 息 難言之,故 違道 理渾 而 法, 一、以 不遠 圃 萬 然 道 忠者 己 物 亦 而 是 及 無 泛

庸》所 忠恕而已矣」,亦猶夫子之告曾子也 所以告之也。 「吾道 謂一忠恕違 以 貫 之」,唯曾子爲 曾子告門人曰『夫子之道, 道 不遠」,斯乃下學上 能 達 此, 孔子 達 中

天地民 物。 物萬 訓義 有其 謂之道。 行 知 則 m /,所 (),所 之不 別有 所 萬物 心。 存 妙合於人而 事 故 可 謂 理 物 疑 理 必 理 也。 者 皆有 固 則 實 自天而言之,則以会易 者 也。 行,非人之所不能 也。 人 「,則 體 然之用、當然之則 心之於理, 吾 心之實,而 具此 固 面 乃 所 心 爲情性,以 然之用 有 此 謂 本有 理於 其 理 心 理。 也, 也。 所從 萬物皆備之實, 中 萬 心 即 者即 唯 啟 事 以 面 H 其 知、不 此 人 皆有當然之 各 1 知 者 之所 会 知 天  $\overline{H}$ 之不 得 循 本非 行 易 理 行 焉 理 能 之 者 미 五. 成 前 昧 行 所 則 必 而 而 行 萬

略乎小 遂欲 彼,行 至 聞 不 開 但 窮 以爲天地萬物之全體 他,求之於此心而 其權,列之爲治教政刑,修之爲禮樂文章 矣,小者 教,博之以 口 極之於幽明法象,詧之於飲食男女。 雖 於變, 善 以 之德 拂人之情, 有 通之量 恐人之託 爲 即 擴 所 乎 歸 語 , 詧乎小者必忘乎大, 其 得 必 遂於變者反 即 前 以 心 于 曲 謹,大者必 文亦至 以 以 量,以 斯 道之 於 特 者不足以達乎 慎 而 備 道 虚 患 即 獨 之 位 加 包乎 已矣。 一賾矣,約之以禮 人之錮 爲 以 會 天 失之。 端, 要。 礙 順天之紀,存不睹 大用 地、 歸 盡 其 廣 也。 常有 脯 其 育萬物之功, 常 遠 顧 有 皆 吾 大全。 明 幾 所 人之求道也 曾 通 執 乎 則 心 而 未 其 若是者, 子之學 會於一心, 爲 此 本 務 隘 及 經,變有 常者 大者 亦至 聖人 者 之。 有 知 然 與 昧 必 慎 之 未 必 無 不 則 而 乎 物 而

乎小 此 譍 者 信 篤 無 不 也 無 欲 物 所 不 貫 揆。 礙 遺 之遠 有 乎 即 忽 得 知 行 而 至 逆 之而 變、變不失常、常變因 者 小 變者即 所 也 吾 使 所 變之幾 而 以 之道 也 以 大, 皆信 必 蓋 無 ,至大之體 於 以 小 幾 已矣。 實 致乎 真 疑矣,乃 天 大 貞 乎 ൬ 於物 有 所 乎? 知。 諸 地、 乎常者 不妄 可 弘 因 大, 以 包 心 無 乎 毅 理 於 貞 有 衆 民 呼而 疑。 而 所 事, 也。 無 夫 八乎常。 m 人 所 理、 物 蓋 實 以 吾 即 遺 無 情 未 子 將 而 告之日,參乎 體 行 所 通 道 雖 之爲道, 也,至常 及行, 不 無 達 以 擴 乎大者 然, 其 法 以譍 貫 萬 平 故 不 之者 充 爲 理 事者 時, 之 貫 也 小不 所 之 此 一, 故 丽 乎 一,貫 無 也 以 之 至 於 即 미 所 而 1,爲一 變, 窮 廢大,大 小小之 之而 貫 致。 盡 體 萬 致 行之 所 以 行 皆 所 曲 之 乎 不 決 事 者 以 至 者 小 幾 無 丽 以 常 以 詳 雜 其 萬 之 必 汝

爲 能 無 此, 唯 乃 求 與 下 行 言 乎 知 有 來者也 圃 也。 貫 天 疑 可 以 也 心 也 也 1 蔽 於 ൬ 而 矣。 地 不 自 也 也 自 是 可 亦 知 天下之理 不 待 反而 知 信 大 44 而 民 以 無 即 其 口 知 不 更端 其 哉 其 即 以 夫 貫 容 物 天 所 以 求之於 所 知 所 所學 子 往 裹 逐 者 自 所 相 真 篤 謂 所 以 乎 出 偂 物 信 酬 在 與 知 亦 謂 行 以 可 告之也。 之不 矣。 ! 而 即 此 酢 我 者 而 吾 至 歷 者 貫 表, 分 者 以 果 È 者 乎天 心 果 繁矣,將 者 順 譍 蓋 差 理 也 與 萬 疑 何 何 哉 萬 即 知 也。 也, 而 也, 天 物 乎 而 德 事 幾 體 以 精 無 曾 可 ? 地 之 之 王 貫 而 門 蓋 容 於 則 默 以 而 則 子之已 理 道 理 直 之 曾 人 異 我 民 貫 此 疑 即 疑 而 不 而 譍 者 則 念 所 者 不 子 至 其 運 物 粗 其. 無 信 之 聞 乎 奉 夫 存 異 違 何 何 不 而 相 平 能 E 者 以 天 此 此 旁 往 此 此 以

者乎? 矣,將 乃思 中, 其 盡 恕也 明 其 抑 别 知之、盡 無非吾心之所固 無 夫子之道,亦何異乎其平居所以告二三子 乃從曾子而問 於此 則 以 據 無 有 擇 得 語 所 不 而 忠恕 於 忠恕統 子, 一,則 謂 盡 見 至變之外,別立一 理 夫二三子所疑者 其 理 吾之行 此 於己 其 一者,而 以 以 偏 則 而 至 可 此 無 爲 爲宗乎? 即 己 變之中, 丽 日,何謂也 通。 乃 往 主乎? 矣。 失 以 夫子之所 有 心也。 可 而 欲 其 行 若思 特不 以 全, 之, 不可通之於 盡 以 守一 推 己 貫 吾 抑於此至繁之外, 則 蓋 所以貫 而 能 ? 所 ,疑夫一之謂 者 教,二三子之 夫不 一之道, 心以 人之心亦至 事 或 念 萬 杰 曾子告之日 忠也,推 推者 物 有 以 吾 事 者 之 其 爲要乎 萬 心 爲 )所遺 0 名 即 之 物 面 恒 其 今且 乎? 知 之 静 mi 也。 者 以 理 所 者 所 念 則 變 無

變矣。 多矣。 之實體,而不拂乎上下、前後、左右大 静 量 博 理 也、合萬物之欲者在也。 於常矣。 矣。 矣。 推 盡 事 如 欲者公而 理,而特 存 盡 吾所可知以 極乎禮樂 而 m 則 於喜 而 推之於常,而 盡之於大 理 盡之於 利 事 心既 推之於變, 萬物之欲自 亦 夫人 用 物 萬 夫吾之一 、怒、哀、樂之先,要以盡 盡 之閒 其 度數之詳,皆以盡吾知行之本 事 小, 盡 有理 老安、友信、少 之理 辨 矣, 以 隔 而 丽 乎物, 理御心, 常 大 小 外之心。 以 加 丽 得。 心心 自 生也。 變者 者 者 有 者 ĪĘ 如吾 無 私 無 不 合萬 貞 貞萬事之理, 有其 虚, 意 所 遺 故夫子之爲道 理 萬 所欲 天下 一, 可 懷各得之施 執 以 物之欲, 以 事 口 口 閒之, 則 心 之理 推 可 以 以 無 行以 循 吾 以 貫 而 可 貫 心 理 者 順 知行 則 以 貫 於 不 乎 心 外 施 所 則 在 貫 於 小 大 必 能 於

乃不 純,此 精粗 凡 貫 通 貫 夫豈 矩。 也 爲人之心,人即 夫學者忠恕之心 言者聖人之事,曾子 聖人之仁,學者之恕,有 所以得聖道之傳也。 面 m 於天 介而 理 通 已矣。 孤 則 持一 有 夫子 皆天之理,凡 於 知聖人而 一也,始終 盡者何所 後 之謂 下學, 學者而 微妙之藏 知其協 説者哉? 心 終日教 約 果 而 異於天道之誠則聖無 盡 盡 同 以 異於聖人之仁則聖又 於一 ,即聖人之心,即天心也。 何 無 矣, , 簡要之執, 與二三爲 而不離 ,推者何所推乎? 此 條 心 以云「一以 他 二三子亦於此 心體天之理。 ,而内外合德,此之謂 皆天之心,天以 姑以學者之心顯之。 也。 果推矣,則 於心 乃或有謂 其 乎是,表裹一 鳴 不 求 同 嘑 之而 貫之」哉 天道之誠 1 自 而夫子所 此曾 使 勉致之 無 已矣。 非 此 不 以 非 不 也, 貫 子 對 身 然 理 能 口

> 子曰:「君子喻於義,小人喻於利。」 氏曰: 惡、去聲。 之, 情之所欲 喻 不知利之爲利 孰肯舍生而 小人之於利也。唯其 體力行如曾子,而 猶 則人之所欲 「君子 曉 好,當作政。 也 0 取 有 義者,天 故 義 程子 無甚 舍 也。 哉? 孰、當作鄭 欲知此也,其必 生 於生, 小人反是。」演當作 湙 理之所宜 脯 :「君子之於 其 喻,是以篤好。」楊 取 所 所惡 義 喻 者。 者 無 難 義 甚 利 以 養,猶 於死 ൬ 者 利 己, 言

者而 IE 之而 非 訓義夫子曰,君子小人之分,義 之,而名義有所不 乃君子之於義,充 而 其 己。 所 不舍者 此心之所安所不安,自信於幽 恤。 夫 人未 也。 小人之於利 有 君子 顧。 類 不 至 喻 之立 則皆 盡 之 以 殫 丽 以 志 精 智 能 行 之, 利 早 竭 專 其 加 處 力 意 所 而 已矣。 獨 於 以 能 利 以 有 至 謀 爲 知

之理 有 미 於 因 不 誠 其 乃 邪 非 則 也 喪,操縱 見爲不宜焉。 非 旁引 之立心, 其 所 以 以 是 欲 中 以 IF. 喻之也,非浮擬一義之名而慕之也。 人之所 喪而 一,於是 宜於己。 之辨 機 有 皆詧其 而 爲,專求 偶 廣譬博 巧 愈 所 之有其權, 動 而 得,不 何 能 大有所得,苟有所得而 明 而 事 於 皆 田 夫人 知者。 引,而 意於 如 物 利 如 而 其 條 宜 以 此 如 得 得意忘言之下,情自不能 其 而 自 於 相 理 情之合離,事勢之變遷, 從欲 此 則 算。 失之幾 從之也。 便,有 卒無 之 理 亦 乘之機 因 見爲 則 井 不 乃 是 前 其 必至於 井然 以 可 以 面 不 宜焉, 於 於是 易。 紊 宜 皆 博 此 口 唯 利 諒 井 於事,宜 求 心之欲 審 有 其 以告人者。 也 其於義 於 之 不 其 井然諒 可不憂所 而 一,誠 所 喻之也, 其 如 於 所 如 喪,小 中 爲 於 古 此 喻 此 以 也, 小 與 之 則 於 人 則 今 廣 伙

己。 多矣。 哉 辨, 倦。 者 未 利 推 有 以 己、大小、常變以 則 行,何不利之有哉? 安,情無不順。 可勝言矣。 可禁其不爲 至矣。 有義 有 有能利者 所行者也。 之於天理之公, 不喻之而能專意以爲之,亦未 辨於其 小人之於利, 瘮寐以之而 爲。 其見既定, 要而 利於一時,則後之不利者多矣。 而 不利者矣。 夫所 故 論之,義之與 所習而已矣,而 利 也。 者 君 事 於一己, 謂 也。 子 彼小人者,智不 圃 酌其 得 利於一 義 之 則固 委 其 斯則 者 於 曲 所宜 乃 但 宜 義 而天下之不利 唯 事 詳 義 在 , 則 合 利 君 終 推 盡 也。 ,則他之不利 ,然則於事 或 政教衰亂之世 子小 , 其 塗 相 推之天下而 之致, 而 有 身 可 不 出 廣之,通 不 義者,正 不 由 人 忘。 有喻之而 咫尺, 利,而 之 才 端 義 反, 自 人未 利之 而 於己 所 無 不 習 足 不 人 者 利 以 丽 不 可

私。 喻可 天下之至巧。 筲之中,以精 以求之, 不 越 也。 日 欲 夕, 爲 加 故曰 之 他 而 警其 而 皆 心 義 乃自 之所 所 即 者 多少得喪之數,遂 不 謀 天理之公,利者人 君 欲, 顧 之也,斯爲 子觀之,謂之一 ,故役其 身之苟 安, 聰 小人 明 則 、欲之 無 自 於 汲 前 所 謂 斗 汲

省,悉井反。子曰:「見賢思齊焉,見不賢而内自省也。」

棄,不 亦有 司 思齊者,冀 inj 是惡。 徒 無 責 不反諸 己 加 亦有品 忘自 胡 身者,則不徒 氏 是 責矣。 日 善。 見見 内自 人之善惡 羨人而 省 者 甘 恐 自 不 己

乃既 邪正 之塗,自遠 訓義夫子 一、所行之得 見而知之明 日 於小人之類 一,夫 人日 失,皆有 矣, 加 與 終 則 人 無 不 爲 唯 以 口 **羣**,而 反 自 昧之辨 求諸己之 進 於君子 人 밆 焉。 之

賢也 廣 耳。 信 時 之, 曲 乎? 矣。 功有 彼之所 内自省焉,我亦時有所怠忘,時 加 如 力,同處此 日 也,必反 有其 其 是, 求所以齊之,而 其不然 可 躋 而無憚其難。 無 但見爲賢而 省之之術,無略 密致其省之之心 有如見賢耳,無徒稱道之尊獎之 於 未 即其 而 發 爲 善善 實 徒厭 而 事 耳。 ,乃情異 不自 不賢者, 乎? 所爲 人 思焉, 異 惡之譏非之而 倫 道 今學 知 賢者 物 司 則 徒浮慕之哉 之疾, 無疑 我 我既 思之思之,而 一迹同 理之際 固 者 則 在 亦 其 有 而 而 其 '; 則 亦 同 彼 已 而 隨 欲 不 、異。 無 與 此 知 可 如 自 足慮。 所 亦 而 恃 之齊 是,而 聰 其 已也,必 不 IE 見 猶之乎不 可 其 實求所以 明 不 省 有 尚恐不齊 其 不 而 己 如其見不 其 可 所馳 乎 趨 省 我 與 同 得 能 能 嚮 之省 退 不 一之齊 此 而 益 而 賢 m 必 推 己 者 即 才 口 以

之道 謹 之,已省 賢而徒鄙之也 一,而 學者進 不 而 可 尚 不爲 恐其 德寡過之切務 哉? 方人 有未 故君 之學。 子 也 不 而 其 可但 可 志念之深 不 見爲 有 觀 人 不

勞而不怨。」 子曰:「事父母幾諫,見志不從,又敬不違,

也。 母 此 所謂「與其 諫 人,起敬 怒不 章與《内則》之言相表裏。 ,所謂「父母有過,下氣怡色,柔聲以 見 説 志 起孝,説 不從,又敬 八得 圃 撻之流 罪 於 則 鄉 復 血,不敢 黨 不違,所 諫 州 也。 閶 幾,微 疾怨、起敬起 寧孰 謂 勞 「諫 而不 諫。 也。 若 怨 諫 父 不

忍責 持 訓義夫子曰,子之事父母 言矣。 其 善 īĒ 不 以 也 賊 忍 恩,則 陷親於不 故 事父 又不 母 義, 者 如 王 則 也 必 君 不 明 至於 規 容 乎諫之法 友 不 者 諫 諫 之可 而 不 難

失在 之已 焉。 也。 者尟矣。 加之父母。 進 加之慎。 者 諫 之故,不 也 圃 激,而父母 使 以 萌,父母之幾也。 一,則又從 無所 固 禍 以誠生, 也,不違其欲諫之初心也 不容已之情 盡 但其志則不從也,而見之矣。 福之至 理,則以事譬之,而不忍以刻薄之名 過之已成,則言之欲緩 有 激 其 責 則 然 既又敬矣,而 面 有其 之親 恒 而 而 善 未 有 迫吾父母。 失在事,則 誠 諫 不 能 所歆也,如是 由 意 而 焉 恐其 歸 必 而 辭之不 敬 此 而 親 必 其 顯。 唯 際 未行,不從之迹未 事之或 丽 矣。 即 後 以 以 使未 之 心不 從 迫,諫者之幾也 可 夙昔之不敢不 責己敬之未盡 益 理言之,而 然 也。 而 加 如 修 行 成 安。 思 前 不 父母之不從 如 其 加 之説 何 丽 吾之辭 是 口 敬 可 以 莫可 過之始 得。 M 見之, 者, 止也 不忍 不 不從 以 敬 從 著 復 挽 愈

設此 矣。 理 進 此 不 於 於勞者,愈爲 事 而 忍 斯 則 焉 有 Ľ, 獲 不 父母者進 雖 時 益 然 尤 能 然 怨親之心 世 一匙矣。 後 面 也。 成 以 誠 亦 極 親 人倫之變矣。 幾 至於此 諫 以 唯 意 之美,退又無 諫 而 之法 則 幾 敬 以言之, 猶 , 則 (諫,則 焉 不忍 未 前 也 而 不從 可 己, 事 以 亦 必 而 者 父母 人子不可 怨故 也 不 唯 以 父 亦 至 諫 母 順 之情 尟矣。 丽 如 於 或 焉 親 其 任 斯 之心。 怒矣。 m 其 以 終不 亦 己。 也 不 苦 違 至

子曰 之心 遠 更 忘 則 疏 ~適 遊 必 也 「父母 一,則 爲 至 西 惟己之思 心 欲 遊必 面 去親 無 在,不 則孝矣。」憂,當作恩 親 有 失 必知 遠 方, 也 親 而 遠 如 遊。 己之所在 爲 不 范 已告云之東,則 置 H 氏 一,亦 遊必有 久,定省曠 日 恐親之 子 而 方。」 無 能 憂, 念 以 而 父母 召 音 不 我 己 敢 間 不

欲遠 求,而 仕,非 不可 之方 於其 要必 訓義 近 而 心 曠 日 容已也。 事,皆無 ൬ 吾 也 聲 則 更 加 暫歸 其 我 在 遊 口 聞 期於兩全,蓋心 夫子 迹 拘 忍舍 時 康 固 是 他 固 而 矣。 能 미 寧苛 守丘里 時 可以易之者,即 有 E 適 相 而稟命 不得也。 ጠ 以 必 安 則 此 父 及也。 焉,乃 爲人子者於其 且 存 平 知 子 有 癢之必 丽 母 如 ? 一父母 父 之事 mj 又 所 乎 在 母, 求 可 業已告之父母, 他 召 ? 即 乃遊即不遠矣,或因 也。 念念存一父母 之所 者, 師 相 父 往 命,父母 欲 而 蓋常存 在前之象 聞 以 乎? 母 父 事 更 温 遊 訪 不 母 也者,於 也 問 有 清 固 分遊 道 忍 津 不 所 定 他 即 士君 舉 一父母之在 也, 忘 於 不 知我,人子 省 擇 於 吾 往 蝇 異 能 者 吾 在 是 之 則 子 主 此 生 而 地 遊 雖 所 E 則 不 必 之 以 非 之 而 也 之 念 有 亦 游 此 鲱 統 徒 相 而

其所 我 疑,而恐依親者廢吾生平之志業也 論事之可不 前 養, 則學問雖 而 人子 可。 於 以 善 此 不 事 但 忝 親 論 所 者,慎勿以 生,禄仕 心 之安不安,不 雖 此 以 爲 致

半也。」 胡氏曰:「已見首篇,此蓋複出而逸其子曰:「三年無改於父之道,可謂孝矣。」

## 訓義重出不釋。

一則以懼。」
子曰:「父母之季,不可不知也。一則以喜,

者。憶,即作意,加个,俗文。愛,當作悉。壽,又懼其衰,而於愛日之誠,自有不能已知,猶記憶也。常知父母之季,則既喜其

者哉? 訓義 其 稱吾親之眉壽,則從 可 夫子曰,人子於父母之季,孰 懼者在 加 試 則戀慕之意衰矣。 念之,孰有能知者哉? 而喜 焉,當其喜而 或見 有 吾親 不 忘 或 知

乎? 之衰 斯邁 親 貿貿然而喜之, 鰓鰓 也。 者在 至而慕之深,爲能盡人子之心乎! 之季,勿忍忘 固 不忍謂衰邁之難必也,特 此季矣,有不堪轉念之懼,而懼又何如矣, 憂欣幸之難必乎? 方喜之 而 則幸父母之有此季也,有不敢告人之喜, 母之季不時 在 喜 之季,而豈真如也哉 矣。 何 而 夫事父母者,念念存於父母, 則 邁, 故善事親者,必無一念而 月 時 如矣,非僅侈眉 和 則 見可 斯征,其季可 而 從 怡 懼 存於心中,雖知之而 也,勿敢 之 而 懼 者存矣。 情 懼 mj 焉 損 今能 知之則念父母之既 焉而 當 矣。 不加警也 以不知乎? 壽之足榮也,則其 今可喜 不 其懼 其 凡 懼之,亦自謂知 奉色笑以 方懼之時 此 愐 者, 一,庶 不在 而 忘 若 惡 而 皆 乎和之 其 不然 知之, 父母 能 況 不 承 唯 미 而 歡 H 知 父

子曰:「古者言之不出,恥躬之不逮也。」 得已 言古者,以 易矣。」 此故也。 行,行之如其所言, 人惟其不行也,是以輕言之。 及言,可 而 後 恥之甚。 出 見今之不然。 范氏曰:「君子之於言也,不 之,非言之難,而 古者所以 則出諸 逮,及也。 不出其言,爲 言之如其所 其口 行 之難 必不 行不 也。

物理以 之人以不能言爲恥,故百家争論 蓋人之所不能勥爲者,唯其 能出於古人之外者也。 能 訓義夫子曰,今世立言者之多 治之書,自明其 揚之, 殆唯恐其不盡。 不思古人矣。古者道未昭著之日,而古人 擇道 成治教之則。 心人心以 所得 立 性 而 凡今人之所言,未有 命之極,抑能 古者則未有言道言 以 而今人引伸之,發 詔人 所恥者 者, 也,吾不能 也。 何也 而不相 推 人 倫

> 恥之心 下。 亦姑 昧者 如是哉 則 成乎教衰治降之世。 有紀 不敢自蹈其 於心,自省不疾,行道於世,唯日不足,而 及乎吾之所言,反之幽 有未盡之修能、未竟之功業,曾 從之,後世法之,乃自 窮 事之書 古之人則不然,以爲吾立言 立 高 ,責人而人且有責己之愧。 猶存 説 極 幽,爲生人所必不可爲之事,而 無無 否 吾不問其言之得失,而 所恥以欺人也。 也。 論道之説,而 人之不可不 夫既不 反諸 獨,實有 躬, 故三代以上 以 繁言 則 知 不 是以 不足 明 丽 於 恥 日 逮 但問 知 所 使 爲 出 也 體 以 天下 丽 言 有 恥 其 道 明 企 者

子曰:「以約失之者鮮 訓義夫子曰,人之閱歷當 謝 曰:「凡 氏 日 事 不 約則鮮失,非 侈然以 矣。」鮮 自 止調 放 世,蓋有求人 之謂 當作 儉約 約 也。 尹 與 氏

爲,尤 之適 焉 暇 其 所 爲 得 物 怨之殊。 免於失之道 少 Imi 面 己之各 專 「, 則 其 也 不 也 致 勉 所 亦 其 心。 實。 者 其 必 暇 ? 以 姑俟之。 如 專 精 以 隨 是, , 雖 效。 所不 爲 成 得 則 爲 精 事 者 ൬ 前 則 多 乃多所營者, 乎 情 多所合, 見功, 則 亦 而 致 何 容不效。 若吾情之所 所 失, 乎 之偶動、勢之 則 冀 其 思 於吾情之所必致 盡 此 如 合 力行 雖 其 所 故 此 一事。 以 者 而 有 人之於事 無失者。 以 天 則遇 約乎 可 可見之功、 也篤 其 致 下 理。 至 無 失 於 感 其爲之也 之 物皆 不 ? 若吾力之所 疏 之也, 之 能 至於 相 所 易 在一事 乃 因 漏 也,以 由 及 致 親 寡 不 之咎。 吾力 其 《者,亦 可 盡盡 能 尤 所 過 得 圃 求 而 不能 者 致 立之名 而 杰 忱 之 貌 得 爲 思 可 無 不 以效 姑 所 粗 其 名 失 畢 所 其 無 所 而 何 爲 易 置 不 忱 恩 於 所 以 者 不 iffi 其 口

> 往 之 事 退 詘 失 勢 及,過亦可 미 之條 以 不 道 人 有 得 愛 敬 宜 加 變 也 自持乎 廣 理。 内失己也, 而 亦 加 即 其 難 免,恩所 嘗自 當 交雜,以 因 其 窮,人 其 此 用 守 反其失之非一 情 而 蓋 情 此 未加 能 也摯,在一人而 爲吾以經 亦尟矣。 有 丽 擴 險 勿貳 充之 ,怨亦不生。 而 難 之 以 營天 夫才 端 平, H 漸 下 乃 長 功 盡 而 古 亦 其 所 雖 而 無 人 而 盍 無 德 外 事 不 不

子 敏。」 謝 曰:「君子欲訥於言而敏 疑皆曾子門人所記 氏 日 . 胡 「放 氏 日 言易,故 \_; \_\_ 自吾道一 也。 欲 訥 於行。」 貫 力行 至 此 難 + 故 欲

訓義 言之便給 當 之 其 尟 之終,或 夫子 有言,如 日, 也 由 水之流 學者之病, 當其惰 於 惰。 也,于事徵之。 如 其 簧之鼓,不自 輕 莫 也, 患 于 于 輕 言 見之。 方其 知 ௱ 其 事

欲敏 能言 之爲君子者 也 行 退 有 之立志則 者 ,或捫其舌。 怯 行 之君子 抑知 焉,前 也。 ,以爲此 且 前 此 唯 殷然矣。 且 或 ,不當如是乎? 即 ·, 而 其 引 卻 才質之過人,而 君 無 便 聽君子之言者,以 之,後或推之。 子 欲 傍 給 矯 于言則欲訥 訥 徨 不如 欲 瞻 輕警情之心乎? 顧 人者也。 敏之心 不 得 自 焉,或 觀 自性生者 也 知 君子之 爲 于行 其 此 箝 行 君 世 不 其 子 之 而

子曰:「德不孤,必有鄰。」

德者 猶 居 必 親 當作 有 也。 其 類從之,如居之有 德 不 孤 立 一,必 以 類 鄰 應。 也。 故 應。當 有

往 面 子 古 相 述,既已有 通之幾,蓋 夫子曰 唐、虞、三代之隆、君 吾 如 同 今 是 聲之譍。 而 乎其 知 天 不 人 都 差也。 推 相 而 感 之於衰世, 臣 之際, 俞,父作 驗之於 理

> 之, 乎? 有德者 之先 鄰 交獎其 必 必 時 也 於己者,猶 有 獨 圃 君子出 有 有 信信 有 之也,不知其 其 與 行 則 和之。 或或 鄰 出 常數乎? 相 高 不孤 非 亦 焉。 所期 爲。 也, 師 寄 高 達 勉 之士 而 矣。 慎 功 蹈 於 曲 或 自我爲之,必有成之。 也 未有一 無衆正之合者矣。 蓋 垂 其 而 天 信其心。 行 德 其 然 非 其 於 不顧天下之非,疑於 當 X 人之德 不 焉 人 m 與 不 四 理 世 聖人興而 逮 海,其 之 可 自 爲鄰者之期 孤 氣 必 己者,即 相 也 無 何 或志合於 之 有 或 不然。 也? 爲 幾 與 處 首 感 者 爲 無 也,望重於當 動 出 企 友, 此 羣 自我倡之, 不足 其 也 有 而 (己者) 賢 及 或道 其 有 天 此 開 後 、孤矣。 故,非 之 其 一之生 以 常 德 天下 世 美 理 則 高 知 mi 必

矣。」數,色角 子 游 日 事 反 君 數 斯 唇 矣。 朋 友 數, 斯 疏

程子曰 於煩 不行 友,皆以義合,故其 反辱,求親 瀆,則言者輕、聽者厭 ,則當去。 . 「數,煩數也。」胡氏曰:「事君 而 反 導友,善 疏 也。」范氏 事同也。」納,當作 둪 納 矣,是以 曰 : 則 當 君臣 求榮 止 内。 諫 瀆 朋 至 丽

當作嬻。厭,當作猒

訓義子游曰 戮 以 與 勢之所及,遂有 不至以一 與友,而又易親 其言簡,非言不逮情 欲言,口即言之,乃至心 合之勢也。 然君子之陳善於 此 相 不改,而 事 加 君,爲 mi 發 已辱 數數然 若不 而 1,君臣 君 彼 矣。 所 如 ,則可以從容相喻於道,而 學無 此 君, 是,勿論 厭 調 一朋友, 相 以此交友,爲友所 ,不順於君,且 繁而言之不 也,以 規過 術 激 所未 以以 者 以道 於友,其 其聽 而 爲 致成 必 處 唯見重於君 相 與 如 此 Ė 乎不 王 不聽 是, 則 情 也。 口 者 以刑 心 미 深 圃 也。 厭 則 改 語 所 復 面

> 恩而 之大咎。 其數數以言, 可 且絶交。 再,必且 而 不信之友,且 勿慎 信 厚終 友哉? 與 一去國。 於吾 然後 也。 乃至 可謂道異則離 而 匡諫之初心相 知 君 既 必 臣朋 君 疏之後,則疏 於 欲 子言簡 既 其 友,人之大倫存焉 辱 從 者 之後,則 加 而必 展,而 意深、 豈 難復合,必 非 疏 矣。 成 辱 以 之能全 人道 不 忠 口 夫

七世

孫

世全半

溪

謹

刊

訓義卷六終

四書

## 四書訓義卷七 論語卷五

夫有

罪

無

罪

在

我

而

已

豈以

自外

至者爲

絏之中,

而

非

其

罪

則

古

無

害

於

可

也

宋朱熹集註 明衡陽王夫之訓義

戮。」以其兄之子妻之。

## 公冶長第五

之一端也。 子贛之徒 此篇皆論古 が所記 凡二十七章。 今人物賢否得 云 失、蓋 胡 氏 以 格物 爲 疑 窮 名 理

誤。絏,息列切。 罪也。」以其子妻之。縲,本作纍,力追切,寫作縲,俗子謂公冶長,「可妻也。雖在縲絏之中,非其

索也。 其 人。長之爲 公冶長,孔子弟子。 (必有以 絏, 孿也。 取之矣。 人無所 古者獄中以黑索拘攣罪 攷, 而 又言其人雖嘗陷於纍 妻,爲之妻也。 夫子 稱其 纍,黑 미

嫌則大不可。

避嫌之事,賢者且不爲,況

年之長幼、時之先後皆

不

可

知

唯

以爲

避

配,尤不當有

所

避

也。

若孔子之事,

則

其

子謂南容,「邦有道,不廢。邦無道,免於刑榮辱哉? 學,且員切。

見用 公, 也。 於己也。」程 其子妻長,而 朝,免禍於亂世也。 子容,謚敬叔,孟懿子之兄也。 或曰:「公冶長之賢不及 南容,孔子弟子,居南宫,名縚,又名适,字 何避嫌之有? 凡人避嫌者,皆内 也。 以其謹於言行,故能 子曰:「此以己之私 以兄 子妻容,蓋厚 況嫁女必量其 事又見第十 不足也。 南容,故聖人 不廢,言必 於 見 聖 心 一篇 用於治 才 人 窺 兄 而 自 聖人 而 求 至 薄 以

乎,而 忌。 容。 此 乃 於刑 其 既 以 行之美既足以爲時之所求,即無道 而 子之自反不媿,曾何傷乎? 正性,爲能正 中有取於公冶長 爲 義昔者夫子 m 子 雖 嫁 其取 在 也。 得 見 室家之儀刑見矣,不但可保乃 即 戮 前 乎其 非 夫 此 所從矣。 纍絏之中 焉 從 其 之也, 子 以 觀 夫, 罪 所 其兄之子妻之,得 之, 嫁子之道焉。 謹 身以 也。 配。 則 爲 慎 謂其 則其不放 一,而 於門人之中 所 其女子擇所歸 之至, 疑 末 刑 可 以 謂 其不足以衛 邦有道固 世之刑賞無 妻云者,其 於家室乎? 養 其可妻也。 亦 其 弛 不 德 蓋女子從夫 於 以其子妻之, 至 性 所 又有取 閨 不廢 也,於門人 爲 從 以 而 身 庭, 經, 躬以 乃 時 亦可 其 裁 矣。 而 蓋女子 也 之 於南 又 面 而 保 嚴 成 言 以 保 所 免 言 足 君 之 於 室 氣

> 子謂 取 後, 所以爲人倫之至,而 行,違俗 之吉凶,殉 常者已也 之道焉。 情得而 睽,不如 有賓主之道焉。 士以爲之矩 加,義命所安,無險夷之殊焉,固 斯? 子賤,「君子哉若人! 又無 道亦不狎。 m 擇之於未爲壻之先 所 固 蓋 逢尤。 施 俗 君子立身之節 範。 唯論 其 圃 教,教之者 幸免。 教之於既爲壻之後 而 則 素行之端 抑於此 舅 盡 事 壻 知 異 抑 之際,恩 人之哲也與! 而 魯無君子者, 夫 不 而 貞。 道 遇 以 也 以 見聖人取 原 不可 慎 孤 自合。 不 固 面 其 禮 高 以 榮 必 常, 始, 之 則 亂 辱之 擇端 奇 易 此 X 則 斯 世 可

君 其德者, 人,下斯 子賤,孔 子, 則 故 斯 此 子弟子,姓宓,名 此德。 人 夫 何 子 所 既 子賤 嘆 取 其 以 蓋能 賢 成 不 此 而 尊賢 齊。 德乎? 又言 取 上 岩 友 斯 魯 以 天 斯 無 以 成 此

焉

状同。 羲,古帝號,後因以爲氏。今别作宓者誤,房六切,音與必本其父兄師友,厚之至也。」宓,本作處。處 見魯之多賢也。 蘇氏曰:「稱人之善,

交,而 術,固 子抑謂若人之得爲 命於君子之塗,而 不屑俗吏計功謀利之所爲,則其所養可 單父而父事、兄事者若而 之爲人,尊賢取 得也,而於羣倫之中卓然其特出矣。子賤 齊,而《詩》、《書》、禮、樂之氣,正誼明 子之途,則固 君子之與小 訓義夫子以君子望天下士,而 故夫子謂之「君子哉若人!」 相扶以進於君子者也。 有 复然 自命者存, 則類相合也, 志 人異 叫 友, 許 道,其風範 能 君子也,實以 爲君子矣。 以自 盡 君子之修者 成 人,鳴琴而 其 矩則自居於君 德。 難其人。 則幸哉 蓋 樂與君子 一所造 此 觀 也 治, 則 其 道 若 之 相 不 然 乃 自 知 面 幸

> 矣。 矣。 子者,功利之習 而 者見矣。 志同方,其自拔於末俗 象,其異於末俗,而散散 子之塗者也。 也,其焉 人之在魯而魯多君子也。 君子之德乎? 求之乎 觀於子賤,而 雖不必皆盡君子之修,而 取此衆君子之相 吾願見君子久矣,庶於若 1 觀於魯 因若人而益信魯之多君子 一成,而 知 君子之所尊所 而 而 道 然 知 振 義之風 獎 藉令魯 成 君 振 相 其 子 然 亦自處 掖 風 之 自 息, 而 友之合 規 而 人與 爲 度 於君 者 斯 無 成 模 類 見 君 斯 人 氣

切 賢者字皆同。 子貢問曰:「 日 「何器 徐鉉曰:「今俗作璉 也?」曰 女,人渚切。 賜 也何如?」子曰 非 是。」 瑚,户 瑚 璉 吴切。 也。」頁,當作贛,凡 . 璉,本作槤 **女** 器 也。 稱

簠簋,皆宗廟盛黍稷之器而飾以玉,器之器者,有用之成材。夏曰瑚,商曰槤,周曰

子賤, 貴 則 子 重 贛雖 而 故 華 以己爲問 未 美 至於不 者 也。 而 器,其 子 贛 孔 子告之以 見 亦器之貴 孔 子 以 人者與 此 君 子 ? 伙 許

簠,方巨切。

簋,居洧切。

盛,讀

如成。

與,讀

今賜 亦有 敢 以當之矣。 告之日,取 自 m 也,乃問曰,人不自 以以 尤 用 益 恐 體具 用 而 也,有 也。 所 也 夫子於門人多 器 爲器之不 難 ൬ 僅 賜 論之,則女之爲 必加 於 至,殆 如 因 材於 也 甚 子贛 己 其 問 賤 重 器 圃 質 所生者質也,加 何 心 足 者 焉 益 ,則賜之所 利 之可 如 丽 也 重 者 自 知 用 有 也? 若 者 疑 則 於人,器 ,爲,即 取焉, 抑 有 器 而問 也 無 女之爲器亦美矣, 有 可 以 亦貴矣,人所不 子 成 非 自 自信, 何 日 圃 以 乃 者 所 許 ,器之爲天 也,女蓋 器 學 子 功 如 賤 有 也 贛 而 以 其 Ħ. 望 者焉。 ? 涯 自 善 成 밂 道 無 矣, 子 足 治 體 以 而 疑 而

> 微,以 所成 乎? 求益 則 學者其可自 貴重華美之器,則擴之於 何 殊尤者乎? 文,飾之以 古 始得爲貴重華美之器,則悠悠於歲 如? 瑚 自 屑 焉, 槤 有 嗚 不 乎 其 嘑 則勿 以子贛之才, 屑 限 文章 於 1 玉。 於器 廢 女可 卑 徒貴 以 以 而 而 薦 以 陋 可自 者 子贛之才, 見 郊 以自信者此 器言之,女不亦 其 丽 其 廟, 則 | 矜乎 不 所貴、美 而 華 從 足 僅 以 者 人 高 尚 得 盛 也 亦 明,盡 者,其 mj 馨 爲 其 也 始得 必 薌 其 所 有自矣。 於 ,彫之以 之於精 僅 É 月 美 女如 爲器之 爲器 以 得 視 而 也 無 口 爲 有 又

《孟》,荀簡日甚,後人安所取正邪?作上,省邕作乡,非乡非糸,殆不成字。用寫六經、《語》、或曰:「癰也仁而不佞。」廳,本从广从雕,今俗省广

廱, 仲弓爲人,重厚冉默, 孔子弟子 ·, 姓 冉 ,字仲弓。 m 時 人 以 佞, 佞 爲賢 口 才 故 也

美其優於德而病其短於才也。

子 不 ·知其 日 馬 焉 用 用 佞 佞 ? ? 禦 人 以 口 給 屢 於 人。

不足 也? 不足 言 禦。當也 雖 三月之後,況仲弓 得 未 取 何 知仲 辨 用 面 以當之。 以 日: 輕 或 而 佞 爲 ,猶譍荅也。 許之也。 疑仲弓之賢而 無 一仁 弓之仁,然其 平. 病 情 也 一道 實,徒 如 佞 至大, 顔 雖賢 再 人 子 言 多爲 所 給,辨 亞 焉 非全體 不 以 夫子 未 聖 人 用 佞 譍 及顔 猶 所憎 也 佞 乃 荅 不 不 所以 人者, 圃 子, 許 所 能 惡 憎 不 其 以 耳。 聖 無 爲賢, 息 仁,何 惡 深 但 人 違 者 也 固 我 於 曉 以

嚴 故 能 望 夫人 成 乃 學 士 1 者 習不 慎於言 者 之仁 之德, 謹 猶 緩, 徒 而 而 以辯 必 Щ 深惡 不 唯 説 可 恐 夫 與 相 其 佞 高, 佞 佞 人爲 不 也 學 則 知 者 徒 佞 其 即

之日 矣。 之爲 人 矯 非 唯 其 體 廱 不 也 爾 佞 無當於道 面 面 人或 窮。 也。 不 之,禦人而已矣。 期 不 恐 才 丽 也 用 一,則 , 夫人亦 以 見 不 惡 而 於是有觸 在 能 不 給 乍屈 辯 夫 才 有得於己 速,防之唯 達 佞 而 夫人苟有 屈 信 而 止 而 也,以之 佞 競 於 也, 乎其仁矣, 已 於其 於 不 則 者 尚 用 矣。 馬 非 於 審 有 乎? 之, 用 志 夫 抑 佞 所安,故繁 心 如 也, 考據之博、 若 恐 譍 放 佞 於 子 無 或 所 也 其 唯 非 事 爲 以 而 不 君 惡 ൬ X 以 固 間 禦人 人言 哉? 求 嚴,而焉用 爲 不 而 子之躬 惜 之 佞 噟 見 其 以 無 仁. 恤 之 其 稱 當 爲 心 ௱ 持 也, 有 所 如 補 素 有 不 仲 世 以之 然 不 而 當於 存, 是, 行, 於事 議 體 心 佞 弓 而 丽 非 節 心 之堅, 也, 者 而 辯 見 之爲 故 不 理 而 則 唯 而 道 也 無 其 遠之 有 於 出 可 勝 我 知 道 直 也 用 長 乃 是 能 問 丽 斥 其 而 IIII 有

説。 存其義而 漆雕 己。 疑 當作 説,弋雪切 - 泰彫 此 以 官 賜 氏 者 也,但 相 沿 E

姑

開 言。 漆 自 雕 言 信 開,孔子弟子,字子若。 調調 未 能 真 如 知 此,未 其 如 可 此 以 而 無 毫 斯,指 人,故夫子 髮之疑 此 理 説 而

非,以

力成

其

、説,則人屢憎之矣。

勿論

其

憎之,而

彼

猶

自

矜其

辯

抑

顛

倒

於公是

公

人心之是非

終

有

不

可

抑

者

則

憎之矣。

人

反之幽

獨

而

有

媿,放其良心

圃

不

知

求

而

即求合於當世,亦已

難

矣。

今廳

也,蓋

嘗

故夫子 其篤 志 説 之。」又 程子曰: 日 . 漆 古 人 雕 治 見 開 道 已見大意 分明 故

之微,則 聖人使之仕,必其材可以 其言 如 此。」謝 一毫不 自得, 氏 曰 : 不 開之學 害 仕 其 矣。 爲 無 未 至於心 可 信 攷。 術 此

乎! 仕,而其器 聖人所不 能 不安於小成 知, 而 開 自 他 知 日所 之。 就,其 其 材 미 口 量 以

惜,不

亦

惑乎

1

嗚

嘑

如

或

人者,

何

足

與言仁,固不必與之深辯。

而夫子惡

佞

之

夫子

,所以

、説之也

此

爲,

而

吾

亦

幸

其

不

用

也。

爾

以

是

爲

離

喪其

真,

以

趨

於

妄也

哉

廱

固

知

其

無

用

而

未

至自

絶

於仁

者,正賴

此

也

而

焉

用

虧

否也

至於不

佞

則

廱之不

敢自

信

以

爲

1

仁之純

疵

在

閒

而

有

得失,

吾不

知

其

仁.

焉

從

於仁,而仁之存去在一

一念而

有

淺 以 訓義學者之識 不深,志不深則 河則 浮 游 미 而 以 有 荷 得, 且 量,皆因 不大。 自 必 居 無 沈 必 『乎其· 蓋 潛之識 無 所 高 志。 斯 明 者 之量 志不 所求 則 大 者 止 則 口

子使 雕 開 仕 對 日 . 吾 斯之未 能

弓辯

也

以

世道

人心

慮者,

深

切

著

明

7,固

非

爲

仲

心

聞

言

面

不

覺

怒形

於

詞

氣之閒

則

所

三〇三

之,極 焉,或 不信 伙 之於 子使 子信之,信其 此勉學者之誠 信 爲其 之精微,而必 此理之廣大,而 使吾心據爲固 理之止於此也。 此 而 而 必 求 還 理 焉 本 也 規 如 爲 以 道 理 見 至之理 非 斯 者 彫 問之心 無 耳 淺 疑 開 以爲之者何故? 所 事之當前 而 徒以 似 焉 或 仕,在 枉 仕 求其驗於吾心。 可 材 不 對 見 有 求夙矣,而 於於 亦 理之名而信之也。 必 以 其 不如 也。 敢 日 大 水其 夫子 其 疑 則無窮之理 U 爲 功有可 焉 大端 開 似 ,必有一 小淺 加 爲 理之本量以 備 思 亦見其 聽 開 或 是。 天下 於吾 之。 也。 於漆 之 見 則 效, 小 不 所 見 事之理,其斷 心。 今也吾 事 可 唯 可 曲 子信之矣。 物之相接 自 謂 焉 彫 者 未 仕矣。 篤 以 見有 開遇之。 是也 水之, 一不足 聖人以 非 或 曲曲 有 知 志 自 此 者 果 見 可 材, 一,心 開 以 以 反 理 知 限 而 謂 深

者妄以 欣然而 學,可 事 以 以 望此 世焉 者竊 爲? 必有 果優也 之,而知開 而 而 不能審毫氂之無可妄者 可 ? 據 自 後之能信與否不可 體念之身心,以 學馬,尚覺所求者之未 信 理 不 有 者 以 故 雖 物之理 易,而 喜其可 门以 自 高 志 望其 愈以 使仕之命 或 矜, 志小 明之境,以 焉 仰對之下,實有沈潛以求理 知 何 (進而 增 於理 思 其 爲 躁 ,其 與 耐 所 當 面 所 定 有 見 悠無 不 未 疑 然 誠 不 體。 以 求 成 盈, 知其 求 迷於 敢 而 然 試之 確 也。 知, 而 得 聞 不 必 見 雖 所 則 之心。 得也。 不 能準 如 所止矣。 也。 以何爲至善。 天下 而 合。 志浮 夫 或 心,皆非 由此觀之,則 能 斯 篤 天 知 諸 覺 於 以 之故, 若 志 而 理之存 其 是夫子 使出 如 心 二三之不 **譍之者何** 固 開 如 不 故 其 是 以 實, 此 才之 則 以 譍 爲 而 學 今 之 故 爲 聞 諸 譍 退 則 雖 而 丽

廣 所 也 見 之 大 亦 可 知, 古 學 者 所 宜 取 以 自

我 子 與 个?」子 曰 無 : 所 道 取 路 材。 不 聞 行 之, 桴 乘 喜。 讀 桴 如 孚。 子 浮 於 從,慈用 : 海 由 從 切 也 我 好 者 好 本 作 勇 其 政 调 由

讀平

聲

材

當作裁

舊

注

云古字通

用

事 桴 曰:「今俗 與 機 假 理 以 設 君 己,故夫子美 也 適 之言 也 別作筏,非是。」从 於義 程 耳。 子路 子 也。」 日 子 勇 0 其 橃 路 於 竹 讀 勇 浮 以 義 从 如伐 海 爲 伐。 而 故 之歎 實 謎 海 義 謂 然 中大船名。 本 其 其 無 傷 不 愐 能從己, 取 能 喜 天下之 夫 裁 徐 7 度 鉉

爲 天 訓 則 治 義 絶 地 則 有 之,此 之 進 道 隱 1 閒 見 亂 人之任 之 大 則 斯 際 義 退 111 不不 也。 斯 大 則 民 미 義 知 而 有 爲 存 其 君臣 不 則 焉 不 容 不 之義 미 亦 棄置 爲 而 精 不 無 亦 之義 義 不 所 口 出 與 遽 兆 焉 白 於 處 緇

之, 之, 終 子 於 則 望 ## 日 事 果 邪 我 是 爾 以 相 交際乎 理之 遠 矣 其 路 進 從 之心,必其 相 不 焉,念天下之 爲 口 斯 義 可行 恶 見 子 亦 我 忘 以 退 離 能 之精 者其 之 義 乃 非果於忘世者,但 輕 者 絶 合 我 亦 行 謂 ŧ 也, 志 世 ПП 之 重 安 之。 尚 也。 面 之 由 必 初 乎 也 無 有 夫 能 則 有 不 與 ? 爲 日 終 補 可 可 吾 無 義之精 悲 義之大者 H 欲 -也,好 雖 而 決 則 也 抑 閔 勒 Ħ. 賢 由 浮 然, 審 進、否 之志 蓋 世 之 君 勒 乘 也 沈 處 亦 面 桴 者 勇 於 存 心 面 未 於 其 之 而 舉 子 浮 미 道 歎 此 田 則 而 非 不 也。 果 mi 決 子 率 路 尚 於 塗 念 絍 後 退 進 聖 決 於 由 路 聞 也, 海 平 而 無 意之 之士 從 不 使 旧 人 m 夫 以 無 之 ? 酌 所 殆 退 吾 子 無 守 我 遲 與 丽 示 遂 之, 復 是 絶 其 调 平 之 遲 時 與 道 偶 以 能 П 疑 閒 非 疑 斯 度 見 世 其 疾 於 ? 顧 君 面

乎天理人心之至順。 枉 聖人精義之至也。 未逮 之事,而亦無損其至堅至白。 存一浮海之心,則 而 於吾心之好惡,不知度之於天下之所待。● 下之治亂,不如審之於吾心之所安。 度之 一念之獨是,而 道 可不爲已甚乎? 也。 ,亦無所任氣,適如 由 曷 亦 無 進思之乎! 故周 不涅不磷,不必有浮海 容婞婞也 則義之所在,審之天 夫義,豈 流列 是 加 即 國,而終無所 此必裁制其 此 口 鳴 如 則 輕言哉? 是,以 嘑 由之所 1 合 此

能必其有無,故以不知告之。 子路之於仁,蓋日月至焉者,或在或亡,不孟武伯問:「子路仁乎?」子曰:「不知也。」

也,不知其仁也。」乘,去聲。 又問。子曰:「由也,千乘之國,可使治其賦

賦,兵也。古者以田賦出兵,故謂兵爲賦,

之才,可見者如此,仁則不能知也。 言子路《春秋傳》所謂「悉索敝賦」是也。 言子路

之家,可使爲之宰也,不知其仁也。」「求也何如?」子曰:「求也,千室之邑,百乘

千室,大邑。百乘,卿大夫之家。宰,邑

宰,家臣之通號。

赤,孔子弟子,姓公西,字子蕚。西,本作卤。使與賓客言也,不知其仁也。」朝,讀如潮。「赤也何如?」子曰:「赤也,束帶立於朝,可

萼,户瓜切。 赤,孔子弟子,姓公西,字子萼。 西,本作卤。

用。 仁,有離亦 成,則可恃爲終身之長, 合之矣,而不能保其不離。 訓義易成者才也,難純者仁也。 仁則非 不 必於離之,而 可以言仁也。 而足以 未 必 未合不 故聖人之取 其 **譍天下之** 能 才至於已 可 以 即

<sup>●「</sup>知」,啖柘山房本作「如」,是。

以 試 求 古 世 者 則 也 雜 存 用 1 之 於仁外,而 有 人,於材 蓋 之 易 國 終 平 法 者 事 由 乎 力 唯 必 度, 於仁 於仁 爲仁 未 不 於 乃 於仁矣,其 人之自得, ,以聖人之教人 成 也 既 吾不 兵 悟 适 而 輕 感之以 從 乎? 者篤 之事 其 事 也 伯 信 能 非 器 事 賦 以 H 知 其 於 使之道 m 難 夫子 他 月 恩信,齊之以 就 也。 則 功 學 於 重 則子 由 mi 純 日 至 由 亦 之已熟, 修之途, 天 兵 之 仁 日 而 焉 言 夫子非吝以 唯 久 理之來復, 唯仁;而 長 路之勇於 可 丽 也 子 又問 者以 由 矣。 人之自喻耳 見 不責 信 使 矣。 欲 也 則 則 則 爲 孟 其 其 由 知 0 刑 固 古 固 門 已 武 治 夫子 有 不備 威 干 有 由 輕 此 難 不 仁. 人之所 至。 伯 之, 於言 可 乘 爲 口 亦 遽 間 可 許 心之不 之國 知 日 使治 於仁 教 許 絶 或 蓋 何 子 子 由 仁 者 之 澽 之 之 路 當 其 學 路 才

仁,猶 矣,此 持 治繁者 者 爲 之嚴 有 言 冠,立於廷 赤 何 言求,則 乎公而 者 丽 嚴 令儀 小,亦 耳。 也 卿 守之端 武 E 如 内 大 厲 也 厲 伯 不 未 由 有 若 千室之邑爲 也 下 夫之采地。 焉 更問 失 赤 吾不 悟 其 之 功 所 恪,有 夫仁, 利乎 否 此 主 輕 可 也。 所 而 有 以 也 求 能 君 知 謹 於言仁, 過 赤 口 爲 0 民 之威 己。 子曰,夫求, 之於仁 知 則 甚 其 之 於 知 赤 夫 其 有成 於 可 進 克 治 者 者耳。 公家 使求 言 已精 圃 IE 退, 治之精 亂 也。 知 終 面 由 武 容者, 何 者 效 者 之下 未 外 也 使 伯 己 則 若 如 也 也 省 而 以 赤 束 吾不 更問 亦有 密 求 此此 也 大仁, 密 爲之宰, 邑, 施 也。 帶 也 吾不能 焉 口 若 友 m 以 功 求 其 能 赤之於仁 否 百 所 知 夫 子 邦 與 Œ 之可 以 輕 有 也。 乘 則 矣 知 之敬 E, 知 賓 其 深 爲 於 其 操 之 其 客 則 衣 夫 夫 於 知 利 求 存

往

知

中。 也 欲 有 候,則不得拒之於仁之外。 人與善之宏也。 深 未 以 之詣 顧 純 則抑從 才 已恪 以 不 則 限 三子之從事 미 輕 否 學者,於 無 其 輕 青 也。 寧一之心,抑 才 許 斯 者仁,而 而稱之,而論人者不 人, 甚 若其 哉, 於聖學,非 以 而 没 望 成 聖 固 其 人以同 其 人 而三子之内治 不 已各自成 所 之 志, 得 已 納之 慎 無 成 亦 仁,而 於言 見 深 於 則 得 其 心 切 不 又 以 才 之

子謂 女,當作汝。 子 貢 孰,本 日 : 作鲫,省作孰 女 與 回 也 非 孰 愈? 貢, 當作 贛

矣夫

勝 也

賜 對 也 日 聞 賜 一以知 也 何 敢 望 回? П 也 聞 以 知 +

也。 數之始。 顔子明睿所照, +, 數 即 之 始 而 見終。 二者, 子貢: 一之對 推

> 子曰:「弗如 與,許 之如 語 來 測 以 而 」,是其 何。 不暇,又問 知 也。 因 聞一知十,上智之資,生知之 、驗矣。 也! 此 胡 而 其 識 氏 吾與女弗如也。」 與 彼 曰:「子 口 . 孰 無 愈,以 贛 所 方 不 説 觀 其 夫

自

知

子

既

又不難 其 也。 訓義學者之詣 及,故喻之如此。 速,因乎生質。 克行之者也。 至,而躬行 之才也。 也 所 聞 以 終 於 子贛平日 自 知二,中 聞 心 屈,故 性與天道,不特聞一知二 體 知量 有不 皆 生而 以 既 夫子以其自知之明 人以上之資,學 以己 之大小、偏全、深淺、遲 所 然 逮者,未 知之者,未 知 之,又重許之。 方回,見其不可 爲 其 有不 量。 嘗 不 能 而 有 資 知 知 知 一而 此 之 平 丽 而 企

類

以

審

但

日

聞

以

達

進者, 之沈潛 之不遠,反求之心, 理之不 幾之相 乎,吾固 者,守焉 知之爲量,不 矣,乃極 域、欲勉焉 全而 未嘗 則 齊 矣, 於是 因 事 用備, 昧 迎 無 實 其 則 知 而 此 理 乃 也,早以 也,果有 所 之 不固 推 女之弗 夫 非 爲 試 而 而 夫安得 知 之 子 大 測 初 於 П 得 蓋 不 矣, 終 賜 覺 聞 之 明 呕 彼, 知 闡 得 異 非女之所可 於終 具 高 如 稱之曰 Ⅲ 至 而 於 亦 事 聞 ௱ 而 (於女, 八悉,修 以 僅 明。 也。 也 女非 是 理 非 女果 如 一以 通 始 0 知十二 丽 之 待 П 所 女之明慧, 回當 能 夫 不可 則 可 窮 聞 賜 知二 乎 有 則 聞 當 焉。 矣, 通 之次序皆明 m 其 及。 而 擇 也 得, 聞 也 知之至, 修 始 其 知 焉 圃 而 若賜 雖然, 之時 己。 能 知 不 難 雖 安 而 甫 占 而 資 即 如 敢 之可 所 不 或 斯 有 也 患 夫 其 聞 爲 稟 道 其 望 感 待 日 口

責

之。

母母

官

切

非 已,則 也。 生 所期 者。 知回 女之 不忍置之,子贛所以 而 知 益 執 知 一之所 習 矣,豈 不 因 不 於女者此 口 善以 是 之已 可學,而 之所 知 日 而 知 也 而 日天定而 白限 實 以求之,學至而 熟, 以 忽 1 女 能 有出 不可 通。 口 既 者之所 知,實有不用涉獵之才 而 知 安之而 學者 於女意想之表者。 終得 人不 知 女已知之, 其 及 有其不知 不 生也, 與 能 协 如 若性。 天將 聞 爲 功乎? 於 矣, 女亦 可 來 性 者, 求 學者 復。 則 天, 而 之 自 業 業 必 不 知 是 吾 而 蓋 已

牆 宰 作 彫。 字 不 也。 也 可 書 寢 與, 杇也。 杇, 鏝 寝。 哀都 謂 語 切。 當 子 詞 也。 書 於予 與 F 平 而 : 誅 言其 與 「朽 寐。 聲 責 何 木不 志 也 誅 朽, 氣 ?」朽, 昏 腐 可 言 也。 雕 惰 不 許 也, 足責 久切 教 彫 糞 無 主 刻 乃 所 當 之 所 施 書

子 吾於人也, 寧爲 焉? 己, 宰予也。 戒 以志帥氣,居 氏 宰予能言 日 羣 亦 而 人宜从言 亦但當讀所律 日 以 改此 之志 弟 非 日 深 惟 疑衍文,不然,則非 「始吾 懼 :「君子之於學, 子 緣 故夫 恐其 失,亦以重警之 此 惰 自戒宜从人,於此可 使 勤 聽其言而觀 而行 聽言 面 也。 謹 切。 勵 子責之。」胡氏 於 不 盡 於言 然 及 人也,聽 不息自彊,此 警、做一字、音同 不 疑 觀行,聖人不 古之聖賢 也。 丽 速,故 學者。 而 倦 其 敏 宰 其言 行。 惟 一日之言 也 孔子自言於予之事 見。 於行 予 特 是宴安之氣 未 日 畫 日 因 嘗 孔 於予與改是。」 而信 義 胡氏 1:「宰 耳。 - 待是 孜 寢 此 同 子 示 帥, 孜 立 亦有 所 自 以 也。 其行。 E 圃 教 子 斃 以 懈 棄 當作 勝 微别 後能 不 子 惰 旗 以 深 而 范 荒 能 責 其 後

之警 子驗 傳習 之怠 者,乃 失,在 之以 莫切 飭 之日,學者行 語 自謂 徒 其 稱 求 故夫子於宰予 遂 已知, 之言 學者 其 躬 然惟有不甘自廢之心 成 圃 而 於力行, 不行 心之 遂 則 (放心 使 書 求 其 見 以 其 益 寢 則 猶 器 之於道,知之非 於 去 自 於道 勤 ൬ 自 也 有未逮,而教者誅之,將 有 無 一侍,而 疵 身之偷。 不 怠 而言 1佚之不 予亦 非 也,若 知 復 以 而 飭 之牆,爲之杇之以 真 也 勤 得 以 己。 爲不足貴。 其 加 意學之可 知 於 醇 足於 爲 況 心 將 深責之。 加 力行,則君子甚惡 在夫子之門,廢 能言 此 乎 深 미 譬之木,爲之 而 使 力 何 因 艱,行之維 知 以言者。 知 釋 行 面 損 知 以 而 於道 力行 旦 遂 不逮者, 宰予以 而 也 能 不 乃 謂 有 而 勉 發 增 言 能 之得 致 故 以使 厚 而 明 美。 知 艱 則 其 彫 責 其 言 學 夫 心 之 而

斯 古 則 也 實 言 申 予之能言 肖,而畝能 責 欲杇之, 面 m 可 其達於理 知者矣。 棄,殆類是已,吾 但 (也,聽: 人以 已矣。 其所得者矣。 論之曰 人之情, 非 己 施 矣。 知 勉 也。 非 知, 之難,而 其 過 其言之合於理 而 ,夫人之於言,有既能 非 若 而 故始吾 行 信 雜 然聽 丽 IIII **劈之哉**? 不 之力 行必循 不 積 之也 然 行則存乎其人。 欲 可 欲 然 無 實行之難 有既知言之,而因 其言勿能 示學 於人 於予 自 圃 杇 彫 擇 以 理 得 之, 放 也。今也予之怠 IIII 者以言不貴之理, 爲 通 矣。 也 於是夫子有感於 也 無 而 圃 知 而 一,望其 何 堅 無 也。 不可 於事而 信 之 順 生氣, 乃 誅 理 也, 自 丽 於 乎? 己自 則 能 彫 則 事 後 今觀之,人 行之,而 必 雠 事必 有體 加 糞 則 能言之, 世 安於 行 亦 有 教 土 其 合道 其 者 則 之 朽 厚 道 而 非 望 信 故 室 不 能 自 木 所 後 不

之如 以道 專其 吾乎 之勤 而 土 而課人之得失,二三子其可以言而 下達矣。 , 況學者之尚未有知者乎? 此 平 斯征,如之何其 力於行,庶乎吾亦可以 面 其 自今以始,尚相勉於忘言之塗 後許其 於予也,予知改矣。 嚴。 嗚 嘑 在能言之士,且 1 上達,如 一畫寢也,而 悠悠以卒歲 其行 施其 之惰, 吾不 同 我日 也 乎 責 聖人之責 求當 朽 而 復 而 斯 木糞 相 以 終 邁 一,以 信 於 以

日 子 也。 剛 日 日 人有慾 棖 堅彊不屈之意,最人 吾 多嗜 未 副 也 · 見。 一一一一一一 與 未 則 慾 慾 見 則 無 申棖 IE 剛 得 剛, 不 相 剛 者。」 弟 得爲 ?! | 棖 反 剛 或 子 則 剛矣。 能 姓 所 對 不 ,宅耕切 勝 名。 難 屈 日 物 於慾。」謝 之 慾, 者 申根 程 謂 ,故夫子 多 子 剛 0 嗜慾 E 故 氏 子

常伸

於萬物之上。

爲

物揜之謂

慾,故常

屈

胡頂切 然不 得 宜 於萬 非 夫子之未見 知 婞 物 之下。 婞 此 其 自 好 也。 者乎? 自 古 根之慾不可 有 志 故或者 者 小 疑 知 無 其爲· 以 志 爲 者 剛

剛爲 之志 至有 足 面 能 日 能 之矣,乃一試 有志 訓義生死者 此有不得遂其 以 任道 行 剛 奪,見爲 疑,習 之别 近仁。 有 有 ,則苟志於仁,無不可成之天德,故 亦亦 爲 成 者 何 俗 足 其 非 有 不 則 命 然具不屈之氣以 乎利 迻 任 미 以 唯 而 有 也 剛者在 伸於天下哉? 之,終始 剛 天 道 有 欲 利 之 害生 者 下 守 無 害者 平 不 力,見爲 也。 欲 也。 能 死之塗 其 不能 無 誘 乃 故又 大 吾 恒 物 自保。 司 願 立志者 然 是 者 愐 至 介有能 矣。 有其 見 後 而 也。 遂柔 而 其 志 天 動 天 必 人 下 夫 剛 亦 有 丈 之 定 不 不 有 伸 夫 唯

之私。 然未 是 在 也 者 其 也。 者乎 其 日 以 申 事 也 ? 月 也 剛 自 棖 類 則 則 m 非 ? 矣, 然 以 幾 贵 命 有 如 不欲 不 聲色貨 唯 而 志摇 而 返 往之氣, 申 非 行, 不 此 試 介然之 待 人亦且 焉 去 矣。 情不 撓, 棖 剛 矣, 再 剛 得 欲 剛 而 而 者, 者乎? 試 利 而 剛 面 以 能 吾未 氣 也 雖 見其 亦遊 之未 志 亦將見萬 自 乎 或者信 全 安 日 忠 固 而 ? 求 亦亦 合 能 見有 其 裵 孝 矣 所 忘,全 於聖人之門, 夫子 乎 爲 剛 ,與物 廉 不 將謂 舌 П V 蓋 矣。 天 其 剛 節 獨 學者 一之志 有 而 物之不我亢也 德。 日 爲 之大節 之 軀 而 喪 行不 相往 吾終始之不 一,根 夫剛 剛 其 剛。 無 不 保 不 而 有剛之質 屈之 學 勝 妻 得 守。 棖 來而不 也 若 對 其 無 豈易 爲 其 子 也 蓋 世 日 氣 欲 之 若 將 到 剛 固 自 繫 夫 之 此 覺 渝 能 之 如 戀 念 揭 許 者 何

> 之極 尤必 致 遏 與 欲 以 保 其 初 心。 斯 以 爲 成 仁 取

> > 義

子貢 加 諸 人 日 ご子 : 我 日 不 欲 賜 人 之 也 加 非 諸 爾 我 所 也 及 吾 也 亦 爾 欲 無

作介。

子贛言 之别 子 施諸 不 故 以 自然而 欲人 夫子 贛 此 己 加 或 之加 然, 之於 能 以 我 面 爲 所不欲 勉之,仁則 不 勿者禁止 諸 願 非 人。 我 不 亦 ,吾亦 此 贛 人加於我之事 勿 仁 所 非 之謂 施 及。 者之事,不待勉勥, 欲 所及矣。」 於 無 人,恕 此 加 程子 所 諸 我 以 愚 也。 人, 日 爲 謂 亦 : 不欲 無 恕 也 我 恕 者 則

仁,而 訓義夫子嘗教子 也 心之大公者自 難。 子贛從 即 在 是。 事 能 贛 於 通 此 以 此, 天 其 恕矣。 下之 事 見 若 此 忠 甚 雾 心 恕 有 則 以 恕 口 mi 行 推 爲 以 之 之 求 愐

也,忘 也,試 下,而 疴蛘 忘乎 亦 未 此 加 面 己,而但見情理之不可 之順逆有可 吾嘗以 論受與不受,而 我之與人交也,而 言曰,道之在物 遂 無 我 心 事之所 我,如其理之所不宜,情之所不堪,我 己而 ,驗之一己而皆真而後可及 以 怨 順 反之心,果其能忘乎人, 乎人 將 何 我 教 加 其 謂 不 即 必然者乎? 爾 人, 歫 自然之情 順 因 而 加 念及於人 矣。 之有 視之若己 而吾心始適矣。 而 是 不 心有不欲者存焉。 我之閒者,豈其遠哉 我 以 可 雖然,何易言之哉? 大公之榘在是矣。 :哉? 心先已怵然其 順 加 理,若以之加 乎? 者乎? 施 果於人之加 加者爲 乎? 夫子 無 果 難 曰,是道 天下之疾 於 果其 而 焉 心之所 以此行乎天 也。 我之加 者。 但見情 不安,則 人,而 則 能 我 人之 不安 吾 志 即 故 也, 也, 痛 賜 人 亚 理 以 勿 心 人 即 自

> 故學者勿輕言仁,尤勿輕 也,則唯恕之不易行也。 大通之日 此 **譍感之閒** 人情 也。 之喜 恕可勥也 心之私日以遠,而大公之理尚待之廓 順 怒哀 丽 逆之至,力 我 一、仁不 ,勿自信 ,常反勘之己,以求無 知 樂, 爾之尚 可遽安也。 因 絶其 也。 乎人 未及 (自便 由夫子之言思之, 而 此 言 舍恕 順 恕。 仁之不可遽熟 也 之 譍 無 私 過 則 而 以 後 亦 漸 而 求仁 Ħ. H 可 而 於 用 及 使

之言性與天道,不可得而聞也。」 子貢曰:「夫子之文章,可得而聞也。夫子

門 文章 之本體。 則夫子罕言之, 見乎外, 性者,人所受之 教 不 ,德之見乎外 躐等,子贛 固學者 其 實一 圃 理 天 所 學 至 理。 者 共 也。 者 是 聞 威 有 始 天道 言夫子之文章 儀、 不 得 至於 得 聞之,而 者 文 聞者。 天 性 辭 與 皆 理 天 是 自 蓋 道 巾 其 H 伙

而歎美之言也。」儀,當作義。

斯矣。 有之理 吾 何 流之道 至哉? 告學者曰,凡夫子之教,將使吾黨 之可至,而 躐等,故以子贛之明達,必待其功之深、知 學者於豁然貫通之後。 育流 之至極,則人之所受於天,與天之所 學者固 性之 訓義聖人之道,見於威儀、 他與 而 所 行 乃今而 初 之理 非 可因之達於一原之理。 聞 蓋人各有宜盡之性,而 夫子 無 惟 天合其道者。 者, 後 件 異 ,抑必有窮 示之。 何 知 中 法 致 天之實? 固 不但在吾黨所聞之閒 ,夫子固欲學者之與 加 有之理,與 子 非 則 贛 教無吝也,而 本知化之教,以 夫 既 即 文辭者,無 子 然而 聞 此 率性 天 焉 然其 以 性 其 所 教, 之道 散 中 之 圃 敦 何 抑 以 非 殊 聞 化 有 以 會 而 也 者 ? 化 平 III 固 所 不 示 歸 所 IE. 善

則與? 也。 今而 爲道 得 也, 可 若未嘗聞,則於夫子之言性、言天道,終 子罕言之,而吾黨有不可 灼知乎人之所以爲人,而皆因乎必然之物 嘗日習之,而未 辭之美,何以 威 文辭也。 於夫子之文章未能篤信而 而 加 得 儀 而 順 未 見之於威 而 知 之 其序,而 聞之,聞之而 夫子之言性、言天道 圃 知夫子之文章莫非 )盛,何 其何以 聞 其言天道,自有灼知 一本於自然之天 矣。 動 容 儀 無盡之藏尚有俟 能 以 合也 中禮, 至哉,夫子 能 則 如 必 可 威 知。 是 如 法可則者在是矣。 是 則夫子 而 而言皆載 儀 雖 於 加 也,發之於 得而 性 之 載。 知 道 則 行 力行之,且聞 也 教 其所自 無 無 之言性 不 乎道之所 也。 聞者矣。 ,莫非天 若是者, 道, 乎 疑 不 但文章也 ? 順 吾 文 吾黨 生者 自自 ? 我 黨 辭 因 道 以 有 蓋 不 物 夫 文 乃 既 則 可 而

不勉乎哉!

子路 行 可謂 前所聞者既未及行,故恐復有所聞 不給也。 ,門人自以爲弗及也,故著之。 有 聞 能用其勇矣。」 ,未之能行,惟恐 范氏 曰:「子路聞 有 聞 善 若子 勇於 加 行之 路 必

當乎所 則惟 之也 行。 求合乎所 成者無幾 之,非所可至,而 訓義學者之患,莫大於貪於聞道而憚於 人且欣然以 未嘗有一事之稱乎所 恐復有所聞焉。 而 自居於好學之列,汲汲然向 如是 知 行 聞 聞之矩則 > 也 而 人機 之無 爲 後 吾聞 唯 宜 知行之不易矣,則 子路 益 知其 M 自此 而有不逮者 也。聞是言 有未安者。 道有異同, 則 聞,故終身學,而所 概,究其 而 異 增也 是。 日用之閒 一,以 门,则 其有 子路於 恐 而 師 其 以 不利於 必 子 友 聞 其 聞 思 路 以 也 是 求 行 則 問 行

> 以此 亦賢者之過與 然,是以見義必爲,崇實行 而 讓 得者,彼以多聞爲憂。 故 其行之果。 其 有 徒 勇與! 而無入室之深造,乃至於其失則野, 喜 一聞 於聞者,又 焉 理有多端,恐 夫樂聞道者,君子之虚衷。 必 有 一行焉,而 庸人之浮慕。 此吾黨之力行所以 以礙 加 絀 人以 其行 虚 子路 名。 多聞 之專 不

也。」好,當作政。
曰:「敏而好學,不恥下問,是以謂之『文』子貢問曰:「孔文子何以謂之『文』也?」子

妻之娣,文子怒,將攻之。 得謚 學好問」爲「文」者,蓋亦 好學,位 孔文子,衛大夫,名圉。 文子使大叔疾出其 爲「文」,以 高 者多 恥 此 下問。 而已。 妻而 妻之。 凡人性敏 人 故 訪於仲尼,仲尼 所 溢 蘇 難 法有 疾 氏 也。 日 通 者 以「勤 孔 於 多 初 孔 幸 不

室孔 如 贛之所以 此 姞 亦 駕 足 其 疑 而 以 而 爲 行。 問 爲 人 也。 「文」矣,非 如 疾 此 奔 孔子不 来, ௱ 謚 文子 曰「文」,此 没其善,言能 經 天緯 使 疾 地 弟 之 子 遺

文也

名,小 苟 世謚 荤 地 遠 贛 亦可以當令名,而 春秋而濫矣。 其 揜 固 邇 ,故聖人亦爲表著之,以見人苟 而 一而謚 周制 其 法 不 日 人行誼· 行受小名,無 勸 足以 一夫人 之甚乎? 善 以 日 警 益 與 是 「文」,其何 然公論雖不定,而 名實 本 惡之 於 何 易名,因 木 公論之不 斯 人益思自勉矣。 之不 足道 孔 文。 意 敢 文 亦 有 以使臣 子 一,而謚 相 聖 以 存 溢 内 稱 平至 善 稱 美者 焉 行不修,聞 周 焉 亦 曰「文」。 子得崇 此 ? 聞 大行 何至 亦有 焉 乎? 有 衛 經 抑 受 天 於 有 至 其 미 無 子 緯 孔 取 於 大 君 於 近 夫 以

> 乎? 問者 乎? 善 之, 恥焉 益 也, 夫謚 子 則君子取之而 其身,而 講習討 善善 日 好 則 雖不足與 學馬。 長 孔圉 益 其位 夫謚 亦 所 恥 、惡惡 論矣。 亦 以 可 不 一也 以「文」者, 非 法有 大夫也,不挾其 謂 益 知 以 短 過 於學問之深 之「文」, 見 mi 其才思則敏 敏 固 也。 圃 已,亦何過求之身後 聞、 勤 不 者 學 所 恥 君子 知 好問 亦 當今之世,有善可取 而學,其 取 問 是 典 節 其 者 ·之道 以 物 爲 取 有 矣,不 貴 求 衛 者 而 之耳。 大小 「文」者。 也 所 也。 益 而 人 亦 以 得 嘗 以 侍 也 之别 文子 之加 下 不 其 不 其 致 問 力於 已 更 爲 蓋 敏 焉 於 有 多 至 爲 而

其 子謂 事 恪 子 産 Ŀ 也。 子産,「有君子之道 也敬,其養民也惠 鄭大夫公孫 惠 愛利 也 僑 使民 四 恭 ,其使民 馬 義 謙 其行 如 愻 也義。 都 也 鄙 己 敬,謹 也 有

子之道 其事 事蓋 吴氏 也 F 一,臧 下 而 有 日 文仲 四 服、 時,皆非 稱之者,猶有所未至也,子産有 焉 末 仁 數  $\coprod$ 是 其 有 也。 也 事 者 封 ]。」稱, 而 洫 三、不智者三是 今或以一 一、盧 責之者, 當作偁 二井有 言蓋一人,一 伍 其 一之類 所 也。 善 者 君 數 名

也。 居位 所建立 矣。 其 也。 爲此 子産之功名盛矣,而守之以謙,持之以慎, 不矜,退然若不及,所以遠於囂 訓義子産之在當時,有 者矣,有 有 一者之法則。 皆 欲 丽 夫人出 君 子 爲 者,乃非 當 君子之所 稱 君子 世名 行己之道,才有 其 身事 (善謀 之心 卿 以觀 以 主, 大 丽 時荷致之功 爲 夫之所 樂殭 子 則固居 愐 君子 稱其博物 産,則有 循 大者 所 平 \*,有 能 不 道 於君子之林 矣。 名 道 尚 競 以 圃 四 m 存焉, 之俗 自立 致盛 未 氣 夫子 焉。 而 足 可 有 也。 所 者 取 蓋 爲 名 面

道,以 權,而 也,君 禮不敢 産重。 民上 以 矜其 其爲君 蓋其 無 是君子之恭也。 E 子産之於民也,正其 撫之,大不 有惠之逮下也。 民者尟也。 一,雖未 所 懲夫 忠 、志量之所規,不 殉 者皆以 定 求其酌乎宜以令民者尟也 子之惠 了子矣。 ,期於民之安其 僭逼之風 君子所取於子產者,尚在 智而 踰 能 理 ,事不敢怠,是君子之敬 曲 曠 制 養民 君子之道,以實 不 盡 也 而 世之稱子產者,皆 定 欲暴 君 小 法, 也。 子産之於民也,因其 爲名,而 君子 子之 居 不遺,期 其智, 殉 必其 分 子産之位望崇矣, 民 事上 平 職 高 以 上矣,則有使民 求 也,君子之義也。 流 義 裁 深 凜然 之道 於民之受其 其 之所 俗 之, 心行實政,必 而 實 忠 不 是與! 可 不足 固 有 加 當爲 敢 使守 也。 德 可 君子之 Mi 爲 不失 術之 敝 以 不 也。 之 居 mi 及 而 所 敢 mi

子曰:「晏平仲善與人交,久而敬之。」

則敬衰,久而能敬,所以爲善。」晏平仲,齊大夫,名嬰。程子曰:「人交久

難乎? 者乎 敬 友 敬 則 疑忌 又 之,不賢者亦不 平仲在國而 日 友 以 4,事 他者 〈深有 爲 ,天下之言交者衆矣,然求其善者 智 則 ! 當 掩 而 不 齊 情 相 ,儉以 生, 世 大夫晏平仲 蓋其 取焉,謂 不 近則 至 以 接 渝 賢 以 mi 情 而 不能不交其國之卿尹,在 大夫之所 也 交也,以 不 易狎 義 義 相 不 ·得而 中 乎, 交 其 得 以 情 禮 而 也,遠 可以 當當 事 相 斯 實 氣 忌 丽 敬爲道也。 熟 樂 好 誠 以 焉 失。 時之名卿 爲交道之極 誼 而 而 交。 則 交友之定理 義 ,有以也夫! 相 弛 不 易 相 夫子獨於其 得, 乃 合者。 敬 以 疏 以 情 則 也 也。 其敬 賢 深 誠 位 致 不 者 久 交 外 而 善 丽 加 也 也 mi 親 忘 交 而 皋 亦 蓋 而 忠 如

平仲者,可以法矣。

也?」棁、之説切。 子 Ė 臧 文 仲 知,本作 居 蔡, 智。 Щ 節 藻 棁, 何 如 其 知

智。 也。 之室、祀爰居之義、同歸 即 此、安得爲智?《春秋傳》 艸名。棁,梁上 臧 而 文仲 此 刻 事也 Щ 而 蔡,大龜 孔子言其不 智者 於 人 ., 魯 猶 節 臧孫辰者,工於機術,遂以智稱 大 稱 善惡是非灼然不昧之謂。 書 也。 夫 之。 張子 藻 一短柱 臧 務 節 於 魯人之浮夸變詐, 日 孫 柱 名 棁 也。 0 氏 義 也 山 於不智,宜矣。」 頭 蓋 名 所謂 4 丽 節 當 爲 辰。 <del>从</del> 諂 藻 時 藏 作 也 瀆 棁 以 龜 居, 鬼 爲 虚 文 之室 藻,水 藏 器 神 仲 猶 辰 辰 啟 龜 爲 如 藏

之專利 之也 身没 於 魯人之 訓義魯有 理 而 智之,爲 殉 能 時,失其 辨 於 事 其 者 明 是 於事 哉 非 ? 之心,不待論 也。 夫 子 天 即 下 事 ·豈有 而 論 迷 乃

子張問 三已之,無愠色。 乎? 我魯之有姦邪,自文仲始 之智者,巧而取 於理 踰 乎? 豈 之飾乎? 昏然於物理,更何 藻棁者,公宫之制 居 也,即事以 之,以破流俗之論曰 制 誠 以 蔡也,不 吾且無深求其心之明 . 曰:「令尹子文三仕爲令尹 ? 龜爲有神,崇奉之乃可以詔我以吉凶 以 信之至,假 徒爲 夫天地自然之理,因 崇 曾 假 智 僭 刻 觀之,夫文仲不嘗居蔡乎? 以龜爲實者,諸侯之守也,山 者 而 Щ 僭之朽 舊令尹之政,必以告新令 容於上,取媚於民 而 無利焉, 爲節、畫藻於棁 龜 如是乎? 也,而文仲冒 者 而 ,臧文仲之以智聞,久 而 質,有 決 疑。 謂之智也? 則事且不審 可 、味與 龜 益乎? 其 弗 此之不 圃 辯 靈 昧 ,以爲其室 見端。 理之得 與 非 而 而爲之, 已矣。 而 龜 其 無 也。 則 況 一節 謂 失 益 夫 其

> 尹。 之一邦,則 曰: 何如?」子曰:「清矣。」曰: 至於他邦,則曰:『猶吾大夫崔子也。』違之。 崔子 故子張疑其仁。 鬭,名穀於菟。其爲人也,喜怒不形,物 私 新令尹者,未知其皆出於天理而無人欲之 無閒,知有其 令尹,官名,楚上卿 「未知 也,是以夫子但許其忠,而未許 何如?」子曰:「忠矣。」曰:「仁矣乎?」 弑 齊君,陳 ,焉得仁? 又曰:『猶吾大夫崔子也。』違之。 國 文子有馬 而 然其 不知有其身,其忠盛矣, 執 所以三仕三已而告 政 十乘,棄而 「仁矣乎?」曰 者也。子文, 其 仁也。 違之。 姓

然未知其心果見義理之當然,而能脱然無也。違,去也。文子潔身去亂,可謂清矣。陳文子,亦齊大夫,名須無。十乘,四十匹崔子,齊大夫,名杼。齊君,莊公,名灮。

未知,焉得仁?」乘,讀去聲

今以 哉。 之高 賊 僭 事 篇「仁則吾不知」之語并與三仁、夷、齊之 難,遂以 而 所 則仁矣。」今以 於怨 亦 真 之義,又不數 王猾夏之事。 觀之,則 纍 可見矣。 他書攷之,子文之相楚,所 乎? 讀者於此, 若不可及,然皆未有以見其必當 無私心也。 悔 小者信 愚 也。 彼此 抑 聞 不 是而 之 交盡,而仁之爲義 歲 更以上章「不知其仁」、後 其大者,夫子 得 文子之事 故夫子 子張未識仁 師 加 已於 觀 曰 : 復反於 二子之事 特 利 當 許 害 齊 齊馬 之私 理 既失正 體, 其 之不 清 丽 謀者 而 雖 可 無 許 則 説 其 圃 而 識 私 其 君 無 也 於 於 制 不 猶 矣。 討 許 不 非 官 荷 理 未 行

訓義仁道之大也, 因 事 平 其 則忠,以之立身則清。 側 怛之不容已,而於物 萬美皆 於此 蓋 無 心 統 之 纍 因 必 以之 平 杰 其 者

> 愠 者 其 之外,而 之際 己 固 能 有 私 於色,而 得失人己之閒,公私之辨也, 拔之操,其於存養之本體、流行之大用,未 而 我棄, 無 乎 ,嘗三仕爲令尹矣,失而 私 得 事 私 欲之不復有 三已矣,得 也, 與 而 不 者尟矣。 而 物皆各 無愠 也。 存 矢奉公之志 可 彼 則其於仁亦未有合也。 天下之仁人 而 以 以 色。 其 得 天 爲 而 自 理 自然之致 已也 其 喜 以予所聞,令尹子文其 仕已者,國 屢失,而世 夫有自私之心 始 所 矣 関 無往 ,致令尹之政矣,而 安。 而 八多矣。 無喜 乎吉凶之故 也。 若但 圃 一疑不 家 復得, 不著,性 色。 問 用 乃仁之難 而 於 我知 ,則必徵之 於夫子 舍之權 三仕 出 丽 人之能 子張專 君 身 真 而 將 也 終 事 不 立 也 E 也 勿 夫 求 自 昧 而 不 主

●「猶」,原誤作「尤」,今據啖柘山房本改。

己,而 此,可 求 則 所 或 謂之忠乎? 或 爲 政 尹 其 也 則 如 際、人己之閒,處之皆有異 恩、 乎? 焉 濟 以 以 爾 家之利病,不知在 也 唯 舊 者之 力制 其 今子 事 忘家,而情 所 知 舍己 謂忠矣。 彼 彼 或 主 夫 行之便於國 有 子 以 無 有 其 而 文 ൬ 無 君 Ė 爲 爲 異 私 私 之 自 爲 私 ,其喜怒之不形 夫仁之所以不存,私害之也 怨。 爲 我 忠,爲 不 者至矣,其仁矣乎? 圃 忠 私 不爲之動,志不爲之分,是 存天 ൬ 舊 也。 行。 欲 乎? 之心, 其人己之無忌 子張 爲 其 加 仁 理 新 若 若忠者之 利 己之功名。 事 皆 我 者之忠 ௱ 日,夫子 之濟。 於民者,告之新 此 則 未 廓然見其 者 必 於恒 \$ 能 也 其 不 # 未必 知 乎? 文 於 利 所 不 情 也 人 也 不 而 得 人之 以 矣。 官 大 能仁, 子 臣 失 徒 僅 知 用 行 而 亦 Ė, 之 如 忠 焉 僅 得 如 有 何 之 今

其 者 恐其 崔 矣。 得 辨,皆有 其爲大夫者之不道, 曰此亦不 崔 位 之際,理欲之界也, 不 合於世。 所繫於其 猶 乘,貴則爲 如文子者,且 心。 子也 之不 杼爲 以 吾 而 以 仁 荷 當崔 大夫崔子 污己而 设安,何 道 不義 許之邪? 不 乘 以 若此 心。 以 子弑 故 又違之焉。 日 卿, 致 屢 去之不速也。 ,決然棄之,而 與同 暇 其 此 而 遷故, 也。 既 者 富 齊 留 精 其 擇焉,而 而 則 君 污 子張 其於義利之分、善惡 不 於 審 違之 始 之 而人之能 有家矣。 愐 加 逆 可 矣 則 而 自保 時 臣 安於流 又問日 與 而 棄 又之一 文子 何 一之側 同 其 至 違 又 陳 如 焉。 違 朝 所 於 齊 見其 文 ? 齊之臣 淡 俗之中 欲 前 可 邦矣,乃 難 他 以 猶 子 安危 乃文子以 於 子 與共立 邦 棄 出 爲 有 以自 吾 利 不 矣, 奔 大 富 者 欲 大 馬 義 而 -, 欲 夫 其 之 荷 見 失 唯 不 + 尟 利 無

楚以 天理而 養省 然其 不昧 天 未能 以 誠 之清乎? 清者之未 矣,其仁矣乎? 於外物 張 以 地 不 自潔其身。 蔑宗 之實 存, 之閒 、存之也熟,審之也密,學問 詧之無 流行之後,君父爲所性之真,善惡有 知 ,夫文子 仁,似矣。 也。 仁不徒清也。 因其至正 不 欲 (,則伊 有 周 必 亦僅 即 乘 閒,二子其何 而 能 本 於 之也。 而 焉 V. 仁; 、周、夷、齊之所 危 以遠 無 苟安,是所以澹 僅 則 仁者必 得 子曰,夫仁者之無欲,秉 身 亂 則 本之别,子張 得 以 如 以 而 於惡 惟 今文子之清,爲仁者 自 仁許 謂之清 此,可謂 治情一 執 知 遂其 忠,仁者必清也。 齊 疾 與馬 而 之乎? 政 而欲 悪, 志, 乎? 爲清乎? 清矣。 蓋 ? 以 之純,而 不 其 而 而 自 清忠也 其佐 有以 蓋子張 知 不必 欲 無 仁之所 遏。 者 所 而 也。 故 荆 存 我 心 若 繫 至 子

> 日 : 難 與並爲仁矣。

季文子三 矣。」 思 而後行。 子聞 之,曰:「再, 斯

可

事也。 理而 宜 嘗知 討,反爲之使齊 審,三則 後行,若使晉 季文子,魯大夫,名行父。 私意起而 無過舉 愚按: 有 貴果斷,不徒多思之爲尚 斯 思 私 季文子 語 矣。 ,有思則爲善矣。 反惑」之驗 意起而 辭。 圃 गा 而 求 慮事 宣公篡立,文子乃 納賂焉,豈非 反惑矣,故夫子譏之。」 程子曰:「爲惡之人,未 遭喪之禮以行,亦其 與? 如 此, 每 是以 然至於再則已 可 事必三 謂 程 君 詳審,而 子 子 不 所 思 務 謂 能 而 窮

之,過於思 而 訓義君子之内 而已矣。 亦 不 得。 理 而又失之。 有 乃 所 间 理 疑,不 立身,出 有 其 定, 季文子,魯之良大 思 圃 加 則 不 事 審 主 得 於 思 唯 思 不 其 而 得 審 理

也。 三思 斯時 哉? 行,故 聞 文子之不得 思之不已,則必有周旋委曲之術以可 面 則心所不安,不敢冒 相 夫 未安焉, 精 而 之 也, 濟其 吾心 也, 也 也。 而 事有幾,可否 事 行 其 追 己在 無大失,而 而決於行,不亦可乎,而 則再思之。 前思之已定者,至此而 爲人也,每 利 之則,是非 論 天下之理,邪 爲 者存 之 日, 清 純 濁 臣 則 之 一,其 有衡,不容不 夫 能自容於濁 前 昧以爲矣。 公忠 閒 事之至,必三思 而 在此 思 思 已矣, IE 而 也 直 之未 加 乎 事 一諒之情 已矣 圃 君 無 盡 何 如之何 之功 決 思 世 思之而 難 者,至此 必 無 也。 也。 辨 追矣。 夫子 飾於 罪 難 而 也。 乎 其 決 於 猶 思 後 不

子 有不當愚者,比干是也 無道 君,此其 深 力,不避 道,至於失國 仕衛 避 無 能 而 事 ,當文公、成公之時。 可見,此其智之可及也。 不肯爲者,而 沈 愚之不 艱 險。 晦 以 而武子周旋 可 凡 免 其 患 及 故故 所 也。 能 處 卒 日 皆智 保其身 文公有 不 其 程子曰:「邦 미 閒, 及 巧 道 以 盡 成 之 也

濟

其

1

所

公

無

而

武

心

竭

爲, 口 也。 慎 武 幸,則巧於自謀而 福 人臣 訓義夫子聞 以惟 子 動,不妄意功名 ൬ 而喜於自 不然。 決 於成敗生死之介,率志以 出身事 所爲 於 行 主 邦之有道 寧武子之已事 矣。 此 見而 一,於進 愚者之忱 而 不恤國者愈多矣。 不善全者多矣。 而 武 成 退 也 子 乎 行 慮深 或 過,此智者 止之際 丽 也。 不 深取 ௱ 危 行,不 乃 不輕 主 其 時 時 相 心日 有 有 恤 之事 幾 唯 所 禍 口 ПП

其

知

口

及

也,其

愚

不

·可及

也。」知,本作智

寧

武子,衛大夫,名俞。

按《春秋傳》,武子

子曰:「寧武

子

, 邦有

道

則

知,邦

無

道

則

愚。

免怨惡

爲

賢

是懷二心者之巧

術

而

亦惡

足

尚

之臣 及邦 見,故 無道 全 不 身 矣,國 爲 加 福 去, 先, 危 主 贵 前 辱, 不 亦 口 武 不 矜 子 爲 明 非 禍 哲 始, 當 之 或 智 保 用 矣。 身 事 敷 子 狂 尾切 簡 在

表

乎? 武 響敵之閒 子 前 圃 日 武 "瀕於死 之智,所 子 奮身從 ௱ 以 全身 不避,何 主 於 於 内 是 有 其愚 非 彊 臣、 也? 之外,故 外 夫 有

能外

不

爲

晉

人

所惡,内

不

爲

元

咺

所忌

知

必自 不可 果 尚 有 미 及 志 及 免其身之日 矣。 身致命之情,何 也 迨至 而熟審於利 一於上 囚 而 不 以其 不 害者 必 卹 能 訟 類能 免 往 其 而 不 不 君、下不 先知之, 顧 顧 之如 非

稷之寄 之? 是乎 而 不知逻、知 ? 蓋 人 是 若 臣 致 無 存 當 命 武子 而 無 遂 不 可 ,之愚, 志 知忘 如 之 何 誠 之 之 mi 也 心, H 唯 以 而 可 唯 避 啟 以 此 勳 託 能 知 社 進 及

> ,斐然成章 陳, 簡 日 當作簡 : 歸 不 與 知所以 1 歸 與 裁之。」與,平聲。 1 吾黨之小 斐

遠, 得 成就 吾黨 正 於是 欲 圃 此 中 略 孔 行其道於天下,至是 猶 而 有可 小子 始 於 子周 行 或陷 或 欲 之士 事 口 指 成 也。 流 觀 於異 與 就後學, 四 而 者。 門人 進 斐, 方, 端耳 思其次, 於道 裁,割 文 之 道 ·, 故 以 貌 在 不行 也 傳 魯 而 欲 以 正 道 知 成 歸 者。 而 也。 但 爲 於 思 其 章 圃 恐 狂 來 終不 言 裁 夫子 歸之歎 狂 其 土 # 之也 簡 過 志 其文理 初心, 用 中 又 意 志大 也。 也 失 高 不

名爲 規 不 當世之習見習聞 訓義學者之不 口 模 忽。 志力 爲 大 於是雖 高 而 M 謂 可 不 止 有 與 爲 口 此 好善惡惡之心, 風 人道 行 事 尚 爲之名 者,有二 以 m 目 謂 前 迹 古 之小 爲 人宏 患 馬 丽 必 殉 詳 遠之 功 時 m 小 以

陳,知 德也。 故才執 之猷 俗之毀 時,謹 不 下 在 歸 之所爲,而世俗之事功不屑學焉。 變,於是後進之士,卓然有以自異 也。 欲。 當 教於夫子之日 世 易 也 與 .吾黨也,吾黨之小子果有以 至 夫子之門,其賢者亦多所成就,而受 爲 此後世之人才所以 則 道 禮、 小慎微而 譽。 及夫 有聞,而 何 不 歸 不 而 其 異乎 樂 知 與 行 必以之爲自期也, (唯聖 雖 漸 子之莫年,以先王之《詩 有 有 而 千古,始於事業 漬乎人 心不虚、志不遠,未可與 即以 皆已先 人 致 吾行天下 思 其志之大,不以 知力 ,則斟酌百王 得 致遠。 人 心, 染乎卑陋之習 行之能 以 施之造就 而 而 共 外此者, 土 知 明之,乃曰 異乎今之天 有若狂 斯 風 者 而 而 (、恥當 夫子. 古人爲 紁 道之終 爲 而 不 勤 之 不 於 知 違 瑣 也 在 能 有 世 人 利 平 屑

哉? 者可 乎? 章矣。 其行 成一 世 簡,聖人豈以 吾 充其 簡 所 自 之學者, 不亦大異乎天下之士大夫,而可與有爲 有所營,情若專 目前之事爲可爲,而皆不 事 乎 當 也 不言、思人所不 善。 深則天機 使引而近。 吾黨之規模,蓋斐然矣。 世 1 ,彼實唯 殊於衆 嗚嫭 在裁之而 臭味既殊,而自爲一 记視之, 即不能狂,且學爲 吾 小子特未之知耳。 ! 歸 恐不 加 則果 圃 淺 引人於人情 夫子以道望人, 已矣。 有 耳 道其不喪,何 局局 實者不可虚,而 所尚· 思 目 狂 簡 量 也? 爲 也 也 卑者 也。 小 之 ·屑爲· 非 則 唯 其意之遠,不 物理之外 凡此 狂 簡 氣,類如此 心 簡 不 新,斐然者 裁之者其 必 也。 而 紨 m 聞 可 品 所 行 虚者 小子皆以 何 而 不 高, 其言,見 人見其 喜 於 品 意 以 IE. 哉 於尺 若 言 在 天 可 而 者 狂 知 後 下 唯 使 世 專 高 人

之利、求田問舍之區區乎?寸之閒,即忠孝廉節亦不足以尚,況錐刀

子曰:「伯夷、 其冠 伯夷、叔齊,孤竹君之二子。 即止,故人亦不甚怨之也。 如此,宜若無所容矣。 立於惡人之朝,不與惡人言」,「與鄉人立, 不念舊惡,此清者之量。」又曰: 不正 ,望望然去之,若將浼焉 叔 齊不念舊惡,怨是 然其 所惡之人能改 孟 子稱其「不 用 程 二子之 希。」 子曰 其介

傳者。 也。 訓義當夫子之世,伯夷、叔齊之遺事,猶有 惡之心 士生於亂世之末流,善少而 惡也,或略焉。 心,非夫子孰能知之?」 獨 立 而 不 而 m 觀之伯 惡惡之嚴,人競道之,其不 行 纖芥之惡 」, 且 夫子乃發其 一爲致 夷、 無所容 叔 怨 齊 之府。 乎? 悪 微 焉,宜乎取怨 多,則秉惡 而論之日 二子之 丽 固 念舊 不 介 然

> 亦無往 之。 濁世 以 惡惡者,取怨當世,而自以 釋,則不但能改者感之,即 蓋 於播虐之世、淫 亦 夷、齊,而 流俗,以爲 者,非也 理以治人,而亦順乎人情以自處,雖生當 知其惡止於惡 人 何 而能 望 惡 ,超然於北海 用是故 咎之有 人 而 改,則 爲 惡之也。 而 唯 善之心切 不自得矣。 以惡惡之足以 自全之術者,尤妄也。 哉 其大公至正 也,而人之怨之者希矣。 忘其 ,而初非於人有 酗之俗矣。 惡以其惡, 之濱、行歌 前之惡矣。 故 然則 惡 ,則怨自消 召 惡 不 爲 以 「怨,則 也 乃 於西 而 能 非己之自致 褊 所憎惡 惟 其 嚴 不 改者 1 思 然, 以 ,至於其 Щ 恶 而 且. 以其人。 一之下, 惡 合 託於 悪悪 恶 奉天 亦 而 則人 也, 諒 如 T. 不

鄰而與之。」孰,本作飘,省作孰,非。醯,呼雞切。與,子曰:「孰謂微生高直? 或乞醯焉,乞諸其

當作与。

是,非 謹也。」 焉。 醯,醋 高所 觀人於其一介之取予,而千駟萬鍾從 美市恩,不 家以與之。 生,姓。 故以 枉 也。 日非 雖 小,害直爲大。」范氏 微 -,有謂 得爲直也。 人來乞時,其家 夫子言此,譏其 高,名。魯人,素有直名者。 事斷之, 有, 無謂 所以教人不可不 無 無 程 子 曲 有,故乞諸 日 意 曰:「是 曰:「微 直。 殉 物, 聖人 可 牛 知 掠

微生 訓義直之義大矣,而徑情 之直者,亦爲所行皆一任其情 人情之所自著 示意 夫子慮其足以賊德,而取其直之心窮者以 任 高當之。高之自居於直也,以爲 曰,直,美德 情而行,任 也。 也,邪 氣 不謂 而 無所 正之所 人之言直者,乃以 以行者争託焉。 委曲 自分,天 矣。 伸其氣 风凡事 人謂 理

> 之哉? 者矣。 恩乎? Ē 小者 無説 得不爲曲意殉物乎? 無而 乎? 成名乎? 忍,心有 當然耳。 乞也,辭之可也。直道而行者自率 之轉乞可 則辭之,必矣。 而 無 即如 也。 以 以爲有,非己所有,而若己有之,高 所委曲 或乞醯焉,此 以高之直 處此矣。 所慎,有所不 īfīj 不然,則 也,無損於直 義立於有本,則 乞醯者, 高不足論,天下之好直者 高之直窮矣。 也 夫君子謹小慎微,不於其 圃 即 耐 情 圃 高 此 處之,則有則與之,無 亦 以 有 則 ·及慎 以 無當於直 也。 高且得不爲掠美市 之諸其 所可 養 求之, 老 人之稱 其 汎 若以 忍, 視疾 **唐者皆得其** 能 而 鄰 有 日 揭 不直之大 孰 乞也 高者, 而 所 乎 用 謂 与之, 一,尚慎 善以 理之 不 之需 其 一,爲 山 亦 且 直

子曰:「巧言、令色、足恭,左丘明恥之,丘亦

恥之。」 匿怨而友其人,左丘明恥之,丘亦

學者 言丘 也。左丘明恥之,其所養可知矣。 也。」謝氏 足,過也。 亦恥之,蓋竊 ,使詧乎此 日: 程 子 二一者 而立心以直也。」 日 比老彭之意。 一、「左 之 口 丘 恥 明, 有 其 古之聞 又以 夫子 於 深 穿 戒 自 窬 人

其均是 於柔 以 者 而 而 子非之而 之,因列數其可恥者曰,夫人之有過 訓義夫子以世風之流於詐懦也,而 猶 世 無 詐 全 借 以 以文詐、詐以 不謂 軀 其 者 人也,而 立 保 於 有 望其改。 於言則 今 天 天地 妻子之美術,而君子見之,念 可爲善之才而 何以至於此,有代爲之 之閒。 下之繁有其 成柔者,則自失其本心, 即其 巧也,以邀 有惡也,君子惡之 彼方自 自陷 人也。 人之樂聽 以爲得 也。 以 有 唯 則 恥 柔 媿 處 至 君 動

之矣。 矣。 則且與 之可怒 塵 者以 不可 友 彼之無以自容,而念我之何 於色則令也,以 人之氣矣,曾不如 不思報 以自安,抑思與友者之何以相待也,恥之 人有怨矣,念不能報之,始則姑欲忍之,繼 不復有丈夫之氣也,曾不如 讎與不讎 也,以媚 矣。 知雄守雌之説 鄙 爲容身之術,而 唯左丘明亦恥之矣。 惟左 也,當 也。 若此者 周 加 人之相容。 旋焉,終則安之而 不可慙也。 也、當其爲巧、爲令、爲足之時 嗚嫭 丘 其 明亦恥之矣。 ,丘見之,不念匿怨者之何 置 誘 以 過 怨 人之小喜。 若此者,丘見之,不 濟之。 直道 激 行怪之士且 而 有詐 而 友之時,不 喪,正氣亡,不 取禍者之可 勿論 以 丘 剛 怨隱 以自安也,恥 成柔者,與 勿論其詐之 願 過而取咎者 以 一爲合 其 與 矣,與之 恭 復 思 遺 直之 允 激 報 則 有 同 肖 其 生 與 卹 足 而

士同伸其正論,以留人心於既喪之餘也。

作命。 質淵、季路侍。子曰:「盍各言爾志?」爾,當

盍,何不也。

子路曰:「願車馬、衣輕裘,與朋友共,敝之

而

無憾。」

憾、古即

用

感

衣,服之也。裘,皮服。敝,壞也。憾,

顏淵曰:「願無伐善,無施勞。」

恨也。

曰:「勞,勞事也。勞事非己所欲,故亦不勞,謂有功,《易》曰「勞而不伐」是也。或代,誇也。善,謂有能。施,亦張大之意。

欲施之於人。」亦通。

以恩。一説"安之,安我也。信之,信我老者養之以安,朋友與之以信,少者懷之朋友信之,少者懷之。」

《論語 氣象。 言 馬。 羈 也。 也。 免出於有意也。 同於人,故 浴沂者也。 義者,觀其志,豈 也,但有 曰:「子路、顔淵、孔子之志,皆與 「夫子安仁,顔淵不違仁,子路 勒 ,付與萬 後觀聖人之言,分明 之作 聖人之化,亦 今夫羈勒以 懷之,懷我 学,非 小大之差爾。]又曰: 在乎人, 物而 但 無施勞。 顔子 欲理 至於夫子,則如天 己不勞焉,此 御 可以 也。 不自私 會文字,須 馬 由 丽 其 勢利 是 而 不 亦 志 知羈 己,故無伐善。 不以制牛,人 也。 通。 天 可謂 拘之哉? 地 先 勒之生 要識 聖人之所 氣 「子路 大矣,然未 觀二 象。 求仁。」又 程 物 得 地之化 子 一子之 聖賢 由 皆 亞 共 凡 勇 日 爲 於 於 知 於 知

以自信於生平。蓋期之有恒,念之不昧,訓義君子之有志,無以大白於天下,則無

Щ

輕

由

斯人者 志之可 之自矢也。 善、未有勞、念其 者,於己有善也 自信 車馬也,衣輕裘也,與朋友共,雖敝 之隱念。 聖人,不 而夫子曰,盍各言爾志 之立 不欲伐、本不 伐,不以勞自居 「裘焉,抑信 之酬酢 也 必 有 無 也。 言也 使由 憾,由之本 所 心 欲如天 即 於萬物者,皆秉此以行之。 專用之心思。 固 一,必其 使 而 子路對 在 如 其必與友共,而不以 有 賢者,不能 是 ,於人有勞也,不 欲 地之無心, 車 而 不 也 願 八自信 施,而 而 馬 目 口 曰,由所志者, 然 施也。 輕 伐、不 有 也。 顔 裘 於 故 善 必持以 淵 心焉,得 幽 如 即 顔淵、季路侍, 知二子之必 而 對 Ħ. 可 聖 獨 今回 自有所 未 日 施 有勞,念其 人之廣 以 能 朋 而 不失也。 敝爲憾, 且 而 善 口 之 願 可 有 友 未 不忘 自 所 而 其 質 故 古 車 而 大, 有 有 以 矜 志 有 之 雖 馬 其 無 去 懷。 之, 無心 於所 私

憾

而

以

聖人之盛德大業,皆以曲 之也,吾固 子之志。 不失,則 志,視二子廣矣,大矣,而念之不釋, 信、已懷 也,吾未嘗一日忘於心。 則朋友因 老者因以安焉。 矣,在少者矣。 子路日,夫子之存諸 二子之以自信 則 二子之志,視夫 隨 欲 存理之實。故君子之有 少者因 行, 盡生平之氣 也 子曰, 時 以信 一,吾可 汎 願終身於其事。 而 以 。磨而 志 焉。 而 懷焉。 老者當安也,而吾安之,則 吾之志在老者矣,在朋 量之所存,皆無有 自遂其 朋友必信也,而 可正告夫子者在是。 無 少者可 子 節 貞 中者,豈果普物 其未 學 固 所 其安之、信之、 成此萬物 問問 未 之情乎? 欲矣。 懷 了,要以 安、未信、未 如其已安、 逮 志,可信 也,而吾 與, 吾信之, 夫子 期 而 歉 赴 體之 物 持 則 願 於 其 舉 之 已 懷 懷 懷 友 誠 聞 而

者皆有本也。心,可白於天下,存諸中者誠,而見之施行

其所 明 理昭 焉。 過,成於惡矣。故吾欲 發有爲之幾也。 訓義夫子曰,人之有過也,正困心衡慮、憤 自恐終不得見而歎之,其警學者深矣。 内自訟,則其悔悟深切 知者尟矣,知 訟者,口不言而 已矣乎者,恐其終不得見而歎之也。 明 過與所以 然 當其過,不 有 此 矣, 是 心其能安乎? 而 無 何 過 難 致過者皆見矣。既見之矣, 以 自 面 心自咎 見 然仍而不改者,則始 非 能 知 也。 ? 内 其 也。 而能改必矣。 自 過,然得失是非之 每 則必自指自 明 與學者於此勉之 訟 行而自考焉 明 人有過 者爲尤 口 得 而 尟。 而 滴,自 何以 夫子 内自 能 則 於 自 能

> 之日。 業,亦何裨於身心乎? 欲兩不相下之勢以必争其 也。 見有 欲攻 人於修德之中乎 昧於爲己而終不可悛 置之,即其改也,亦徐聽之,而 内省之功,因無自知之明,即有發露之日 深望學者之以此爲心,則有過之日皆遷 而又無惡惡之誠。 加 貿貿而行之,得亦任之,失亦任之,無 能 而由 去之,如訟者然,不 見 者 其所行以詧其心,已矣乎,未 也。 即見之,未 미 改則改,不可 也 吾其 1 勝。 容已也。 有能 雖 終 非有 無 日 是何人之 自訟 進 天 改則 以 納 德 理 故 修 姑 者 斯 吾

丘之好學也。」好,當作政。 子曰:「十室之邑,必有忠信如丘者焉,不如

勉人。 也。 十室,小邑也。 夫子生知 言美質易得, 圃 忠信 未 嘗 至道難 如聖人,生質之美者 不 好學,故 聞,學之至 言 此 貝 以

下边战? 可以爲聖人,不學則不免爲鄉人而已。 可

此乎? 者矣。 也。 可得 盡 而 則 無所 無所 義,0 爲 也,即 唯忠信 之所得於天者 訓義夫子曰,今之學於丘者皆自謂 已矣。 何 之 (不如丘者,丘之得天者厚,而 乃以 誠 不 疚。 妄。 而 有不能 丘亦不得謂其 而 可 有其 而 亦 然而不如 心 此言之,則十室之邑,必有如 循 此 理 릲 可 不 可 心,則 也? 乃 有 失,皆不足恃也。 如 容 盡 ,聰明才力,可善而 得 不可違, 心有可盡,發之而 丘之動與道合者耳。 以 而 於天,而 何不 夫人 丘 虚 窮 者 如 妄之 乎 試 可盡也? 循物 則 理 丘 何也? 思之,孰 也。 乃 情 口 而 資 期 能 不違, 其可恃者, 雖 以 古 知 杰 然 有 亦 人道 妍 有 唯 其 其 不 其 可 之天 必 夫人 幾 好 則 則 彼 所 如 理 惡 學 丘 者 存 以 必 無 心 理 丘

> 惡在其不如丘 丘,而人見爲不如者,在是也。 存養省詧,而得幾微之不爽。 而 丘於此求之心而 之實,而不容以二三之見測 德。 天授,惜哉 得範圍之不過。 理可 循而 其抱忠信之質而終於妄也 哉! 純其心,乃能 不得,則求之先知 求之理 未嘗好學,而 而 知其所不可違 不得 事物之常經。 丘之所以爲 誠好學焉 ,則求之 推 先覺 我以

書訓義卷七終

四

●「妍」,啖柘山房本作「研」。

七世

孫世全半溪謹

刊

## 四 書訓義卷八 論語卷六

辭。

簡者,不煩之謂。

問伯

子

如

何。

可者,僅

可

而

有

所

未盡之

子桑户者是也。

仲弓以夫子許己

南

面

故

宋朱熹集註 明衡陽王夫之訓義

## 廱 也 第 六

凡二十八章。 篇内第十四章以前,大意與

子曰:「廱 前篇] 同 也 口 使南 面

。」廳,俗省作雜,不

成字。

省

广作一、省邕作乡、非乡非糸、荷簡之至,何可以寫六經與賢

南面者,人君聽治之位。 言仲弓寬洪簡 者之名乎?

重,有人君之度 也。

仲弓問子桑伯子。 子曰: 可 也簡。」簡 · 宜 作

子桑伯子,魯人。 胡氏以 爲疑即莊周 所稱 簡,不繁也,略也,易也。

簡,牒

也

乎? 仲弓 大,讀如泰。 Ď: □ 居簡 居 而 行簡,無乃大簡乎?」居 敬 而 行簡,以 臨 其 民, 不 ,當作尻 亦

可

矣 大簡者,而 夫子譏其欲 之可守乎? 口。 行簡以臨民,則 言自處 而所行又簡,豈不失之大簡,而 若先自 以 敬, 仲弓疑夫子之過許 同人道於牛馬。 處 《家語》記伯子不衣冠 則 以 事 中 簡 不 有主而自治嚴, 煩而民不擾, 則 中 無 然則 主 與? 而 自 所 如 伯子蓋 無 圃 治 以 是 法 度 疏 爲 而

子曰:「廱之言然。」然,當作嘫。

理, 日: 仲弓蓋 有默 「子桑伯子之簡,雖 未喻夫子可字之意,而 契 焉者,故夫子 可 取 然 而未盡善,故 之。 其 所言之 子

所 得 爲 夫子云 要直 其旨 行 自 簡 矣。」 口 内存 也 居簡 又 乎 仲 日 則 芎 簡 : 先有 因言 而 居 簡 敬 内主 心 則 則 於 爲 簡 心 一於敬 疏 中 略 而 無 圃 多 物 簡 可 簡 謂 故 則

故

É

一大簡

矣,未 體 敬 害 不知 者以 於事 喜 民 以 訓  $\Box$ 了者也。 敬, 敬 治 豫大」之説 廱 使 求 矜 功, 賊 治 也 有 則 而 之 理之得 民 其 才尚智 簡 不 不 體道者必簡 南 有寬 前 若夫任 矣。 簡 能 而 面 天 而 有 文其聲色貨利之私 簡 以 失, 而 故 而 敬 下 取 也。 容物 君 法者,則 聖 驕, 道 者 治 於 人 人 也。 簡 與 事 又 之量, 焉 帝 甚惡夫 然 焉 法 其 愈 可 水詳 王之 夫子 有 而 下 煩 也 簡 未 有 已 者 而 名 以 以 能 於政 矣。 静 īfij 則 心 不 法 治 此 敬 後 以 且 愈 必 桁 丽 刑 御 稱 미 世 凝 而 以 侈 有 數 心 求 動 仲 簡 而 而 道 其 之 者 其 之 放 豐 賢 弓 侈 治 也

誉,則 位, 意折 之心 伯子 者以 子之 以 桁 政 無 民 簡 夫子 己 處 功者,不 之 乎 功 者 者 自 者 不 而 焉。 方深 必 乎 可 衷之日 焉 爲 進之於道 鳴 名 在 也 使 固 ? 簡 之 其 擾 簡 何 ·尤賢 以之膺天下, 其 有 夫子之可 以 疾夫近 謂。 而 清 也 如 天下者固 簡 Œ 亦異 其 其 ,夫可者,於己 仲弓則固 以 静無爲 人 以 乎? 德 自廱 自 一,乃曰 己 行 爲吾之異 於 蓋 功 處 其 以 也 伯 流 有 已, 思 而 小 者 於 視多 文 ,於今天下 子 俗 自 之, 同乎 疑 利之所爲 不 是 而 而 坊 而 矣, 也 别 其 規 口 才多 仲 者 於 簡 抑 爲 於 而 未 以 ? 規 不 可 弓 ,必致 貴 政 不 固 簡 伯 可 可 隨 於 埶 也 知 者 能 有 與 而 ',於天 子之意 前 也, 之 當 俗 之 夫 亦 間 脱 簡 不 别 其 世 中 子 效 有其 矣。 且 尚 蓋 乃 欲 子 略 而 、嚴恪 下 之 之許 以 有 以 彼 而 得 桑伯 名 以 職 自 所 爲 裁 勤 能 有 簡 而 己 教 法 分

知其 過於簡 出治。 求之也 不可 也。 則 自 以 曰,吾之可伯子者,以其 子進伯子之心,仲弓見之矣。 而伯子之可,廱 不成,無乃爲 便,上下相承以趨於放佚,則道不立 此,則主德立 不侈於功名 而 居者 一言 簡 其行之簡也,非 不 不 而自 臨 敬 得 者 以簡 可 簡 民 一動之不苟。 也。 略 不 廱言之,以 也 也 静 於敬 簡 爲 月 且 不可 知 而 而爲政爲教之無 已甚之簡, 也, 廱之言,真善於言簡者乎? 主,則敬不 不敢以 民志定,不亦可乎? 民之可 以 大簡 誠 動 禮 以 有足 敬爲 而 善 教 畏民嚴 爲可 者 由 勿事數勞之也 養 爲 簡 之未 慮者 敬之未 不 主, 圃 天 繁 而 也。 可 未 下, 而 以 矣。 而 可 可 知 所 見其 任之自 慎動 進 乃深許之 而 可 自 於是 擾。 面 而 之於 有簡 資其自 知。 益 敬 無 可 者, m 如其 則 知 ПП 丽 事 敬 事 其 後 以 夫 如 带 其 乃 而

> 之大辨 足以 不可。 止,民不有 其任法也,無 異端之辨,有本 夫子之言,非 夫子之論,千古治亂之通 行。 也 道 道 失 其 居敬 凝 而後法 (生,何 有 寧 而 異 無本之大辨也。 絀 後 則 也。 知 法。 行 [興,此 一非多事之咎哉? 法之不足尚,此聖學 自 簡 簡 後 理也 則 居 王伯之分,治亂 世之天下亂 可, 簡 不 則 雖然, 簡 簡 則 亦 故 不 與 必 不

矣! 好,本作政。選作遷者,省譌。 顔回 哀公問:「弟子孰爲好學?」孔子對 者好學,不遷怒, 今也則亡,未聞 好學者也。」熟,本 不 貳 過,不 幸 曰:「有 短 作 命 死

遷, 追也。 者、蓋深惜之、又以见真好學者之難得也。 此,可謂 而 過於前者不復於後,顏子克己之功至於如 婡 也。 真 既 貳,復 好 云 學矣。 今也 也。 則 短 怒於甲者不追於乙 È, 命者,顏子三十二 又言 未 聞 好學

知之便 善,只 十子 不使 日: 也,可 遷。 動 本 日 妍 怒者也,不在 也 過 於中矣。 **媸在彼,隨物譍之** 程 以至 「天 真 非不習而 萌 也。 顔 子 有 怒在 如 是 智、 更不 而 子 於再。」或曰:「《詩》、《書》六執,七 不 曰:「顏子之怒,在物 地 乎聖人之道也。」「學之道奈何?」 顔 微 又曰: 静 之 善 信。 儲 彼 其 子 有 所 萌 未 精, . Ш 差失。 八中動 地 其 通 作。」 嘗 好 己何 氣 形 位 未 也,而夫子 「喜怒在 得 果 不 既 則 發也 而 五行 張子 知, 與 不遷。 豈 而 生矣,外 纔 何 七情出焉 焉? 已,何遷之有?」 差失 有不善? 知之未嘗復行, 五五 學與?」 之秀者爲 日 事, 性 獨 若舜之誅 便 如 不在己,故 則 物 具 稱 慊 鑑之 能 理之當 觸 程 日 焉 顔子爲 於己者, 知之,纔 所謂 其 。 曰 子 照 形 四 E 物 其 而 好 不 又 X 喜 不 不

學矣。」

其性 矣。 學者不過記 今人乃謂聖本 也,非化之也。 之得其道 言、動, 力行以求至焉。 哀、懼、愛、惡、欲。 丽 故 己。 學者 不遷怒、貳 也。 誦文辭之閒 然必 約 生 其 然其 假之以季,則不 若顔子之非禮 知 先 情 過 情既 非 明 使 未 者,則其好之篤 諸 合於 至 學 其 熾 心, 於聖人者,守之 可 而益 中 亦異 至,而 知 所 H 正 蕩 勿 乎 而 往 其 顔 視 其 所 一、然後 化矣。 以 性 子 而 之 鑿

性有其 之無 則見 其不 訓義聖人 知 mi 方, 理 情 口 夫人 終於不 踰 IE. m 圃 亦 之自信 而 不 而 居心也 見 善 情 何 得。 性 有 有 爲 而 其 其 與所望於學者, m 益 故 所 和。 情 必 廣。 博之以 必 亦 學哉? 不 至。 **唐乎天下者** 安, 約之以 文,以 率意 有不 得 唯 禮 於 Mi 使 善 好 1,理有 天者 爲之, 以使 見 學 而 禮 不 m

之不 不得 也。 在 如 情 非 無 好言 好學 之所 之閒 於怒徵之。 知 故學之難,好之者難 之理,以合於性之所安,則 也 其 也。 以 以吾心之不可迷而奚學邪? ,將謂 列機。 所 於時 必 ,此蓋深有 可 知 其人,乃對曰,丘之門皆學者,而若以 之有節 則昔 可 協 怒者 其 妄 且 以徵學之淺 也 好 則 加 顔子亡矣,孔子思其 者 勤 不循大中至正 怒一 止 則 奚學 也。 徒修度數,而苦其 勤 有 丽 也 不 善 所 於 顔 發 邪? 遷怒矣,怒如 其 在 文禮 得 П 情 而 所學者將以 也。 深焉。 於天 能 矣。 方 不 遷。 心之迷 之閒 可 動 哀公問弟子孰 地 止,性 蓋 一之矩 徒侈見聞, 不引 圃 故 萬 者,必有其 匪 即 於 與不 其怒, 物之通 人不 拘 嗣 非 不能 何爲 古 圃 性 有 起者,正 而 以吾身 閑 見 今民 情 學也 迷 不樂。 之者 乎? IĮĮ 閑 爲 而 事 理 也 即 其 人 爲 習 情 物 理

者,亡 善也。 非 也 役於名而已,殉 或近 聞 焉 今也,丘之門非 過 乃 而 在 過 使之約禮 推之以不 丽 一、徵之。 其 將 矣。 己 以 也,此 不 以 不 日新其 理, 耳, 幸 以 所好必矣。 以 至無過之未 一有也。 性或 何 而 回 而充 蓋深有所得 以 復 念閒 禮 爲, 短 過 也 文 相 德者也。 偶 爲 命 則 其 焉 П 且 而 近 者 也 動 死 不 於其 嘗 善者 已 自 無學者 生 逮 善學者惟日 也 矣, 而 貮 而 問問 耳 不 也。 其 理 不 過 治其 迹而已矣。 交於天下,而 故 斯 能 於天理人欲之大辨 未 情之 有 矣,過 自知,理不足以 身之妄與 以 也。 聞 由 差,而 喻 然 可 禮 情者 勉 許之以 也 也 而 和 而 即 孜 使之博文,文 丽 繼 者, 克其己之妄 未 即 此 能 孜 不 則 之安,自 不妄 間 聞 有正 一
亡
有 不不 能 其 者 知 好學矣 其 亦未之 也 (於學, 難 也 得 爲 一之者 充 而 也 學 其 於 則 可 而

當世 憤,得 心 相 闘 無 而樂,無古無今、無 其 切, 而自有 則 雖 難於 教之而 记者 不足 事無物之不 以 而 能 大 成 如 與身 此 者 鳴

秉。使,去聲。舉作粟,俗誤。與,當作与。 之釜。」請益。 曰:「與之庾。」 冉子與之粟五子華使於齊,冉子爲其母請粟。子曰:「與

呼

夫子没,天下之所以

無聖人也

1

斗四升。庾,十六斗。秉,十六斛。 子華,公西赤也。使,爲孔子使也。釜,六

之也,君子周急不繼富。」 子曰:「赤之適齊也,乘肥馬,衣輕裘。吾聞

周者,補不足。繼者,續有餘。乘肥馬、衣輕裘,言其富也。急,窮迫也。

原思爲之宰,與之粟九百,辭。

以 量 原 思 思 ,不可攷。 爲宰。 ,孔子弟子,名憲。 粟 宰之禄 也。 孔子 九百,不言其 爲 魯 司 寇 時

> 子曰:「毋,以 之請。 亦莫非 思 毋 聖人之用財矣。」 自周之,不待請矣。 矣,故夫子非之。 示不當益 所以示不當与也。 華,子華之爲夫子使,義也。 黨有相周之義。 當辭,有餘自可 ?,禁止? 解其 千五百家爲鄉,五 (多,故 聖人寬容,不欲直歫 義 解。 也。 也。 與 五家 又教 爾 張子 求未達 推之以周貧乏,蓋 鄰 爲 請 以 蓋 里鄉黨乎 程子曰: 日: 原思爲宰,則有常禄 百 鄰,二十五家爲里, 分諸 赤苟至乏,則夫子 丽 益 家 「於斯二 自与之多,則已 而与之亦少,所以 爲 鄰 黨。 人,故与之少 里 !」爾,當作介。 「夫子之使子 而冉子乃爲 之貧 言常 者, 鄰 (者,蓋 可 里 禄 見 必 渦 鄉 萬

物, 道 訓義聖人之譍天下 ,有志者見道 而 物皆 以 行 而不見物。 吾 道。 道 而 衆 已矣。 人見 不見 物 物 道 則 所 而 不 不 以 見 見

也,蓋 寡乎 其請 需 爲 豈其 行 無 非 粟 留 使其人,則 物之有 重,於物見 (之道 一,夫 曾曾 其 以 母 其 Ŧī. 之養 母 ? 然哉? 養 道 也 面 子不 有 ~,乘 存矣。 請 而 日 道 子因 m 不可 以 則 於吾, 聖 口 肥 與 必 輕,皆以 爲 爲 用 而 乎 爲 多益之道存 有 子 馬, 其 厚 之釜」, 疑 謀 五 冉 抑 ? 以 宜 處 非 請 華受夫子之命 於子 其 其 之請 秉 不 衣 道 道 多與 其使之道。 乃 而 當 養, 者 物 足 輕 處 之宜然者 赤之 華 日 至約矣, 與 益 一裘,其 亦 爲 道宜 以 物 也 加 一, 疑 重 與之 非 見 乎? 而 矣。 谪 未 而 輕 道 其 不 其 然 足於 齊 與乎 即 庾, 道 蓋 子華 知 也 也。 而 宜 而 也 而 物 爲吾使, 有 故 也 處 冉 多 非 養母 ? 使 以 於 吾 或者 子 子 抑 不 冉 於 而 出 於 盡 夫 華 道 物 與 未 與 可 子 子 加 不不 齊。 道 子 之 名 其 者 厚 之 因 乃 見 見 其 mi 母

禄焉。 之用 受, 里 如 子急 矣。 宜 其周 蓋 之, 所 養 問 分於不足者,亦道 也 原思當 以 非 周 必 鄉 九 而 而 則 財 爲 止 者 與 周 道 知 黨 而 百 道 是 可與 之日 之可 矣。 也,於國 多 思 與之粟,道宜 孔子爲大夫之日 冉 也。 則視 也 增 不 也,君 以 不 以 益 也。 亦 不 其 夫子 一毋。」 與 非 家 其 爾 口 多 其 可 不 臣 道 急 亦 子 家 乎? 財 吾 出 與之辭 圃 以 受 之所 辭 酌 固 而 有 聞 辭之,疑受之非 而 以 道 禄 乎 有 周 定制 與之也 與 君 母 而 繼 許 之耳 道 於 所 以 也。 非 圃 子之 待 富, 安 用 非 而 與 也 大 焉 夫子 養 爲 미 之也 急 夫, 其 以道, 君 用 宰,於是有 於 聽 於 矣 若 則 圃 粟九 子 之所 人, 財 固 師 道 其 固 富 以 不 也 有 則 弟 蓋 也 受 辭 道 無 唯 與 ៣ 白 爲 許 辭 定 乎 非 有 君 爾 禄 平 所 又 無 道 也 也 之 常 用 定 與 不 制 在 子 ? ? 以 鄰 而

苟 以 禮 仁,不取爲義,則猶於物見重輕, 而 可 以 與 焉 於事 也。 天下 、則與,可以受則受,斟酌得其宜 聖人之心視之皆道,而 相授受可 ,有定理焉,於情有定則焉。 也,小而 介之取 以 而非用物 好 · ,則大 施 與 爲 可 不

今省。用,山川其舍諸?」犂,郎兮切。騂,息營切,本作驛,用,山川其舍諸?」犂,郎兮切。騂,息營切,本作驛,子謂仲弓,曰:「犂牛之子騂且角,雖欲勿

以

盡

道者乎?

JIJ, 也。 舜,以鯀爲父而 仲弓言也 自當見用 言父之惡不能 犂,雜文。 Щ 角周正,中 仲弓父賤 川 之神也。 於 騂,赤色。周人尚赤,牲用 世 也。 范氏 廢 而 犠 有禹,古之聖賢不繫於世 牲也。 其子之善,如仲弓之賢, 行惡,故夫子以此譬之。 言人 然此 曰:「以 雖 用, 論仲弓云 不 瞽 用以祭也。 用,神必不舍 腰 爲 爾 父 非 而 騂。 Ш 有 與

可謂孝矣。」 類,尚矣。 子能改父之過,變惡以爲美,則

終不可 用 若 必 代之所尚, 舍之不決也。 予日望之矣。 面 而 舍之乎? 不可用也。 訓義仲弓以世 今有犂牛之子於此,生之者犂牛也 論之曰,吾於廱也 用 馬 其角 其簡重之度,正可以理今之天下。 一用焉 必必 矣。 也,得於天之正。 得 有以允合乎人心而莫能舍者矣。 雖世 流俗 而 則 而角又端 乃其子則 廢。 Щ 或 類故、當時 而不觀夫祀者之用牲 有苛求之説, 川 以 蓋其騂 ,而有感焉,感於當 之神必將 其 Œ 、解且 出 而合於法, 自 也,合於 疑 廱 犂 角矣,其色 加 歆之, 也道 牛 m 未 而 適 用。 盡 時 勿 則在 而 於用者 於己, 之宜。 使其 用者 豈 乎 則 犂 世 夫子 其 所 ? 用 4 昭

子曰:「回也,其心三月不違仁。其餘則日

月至焉而已矣。」

者,無 日 幾非 無纖 久也 主之辨,使 要,當知「三月 人則 言其久也 曰 : 至焉, 毫私 在我者。 渾 此 私 言其久。仁者,心 然 顔 欲 欲。 過過 程子 無 子 心 或 面 於聖人未達一閒者也。 閒 此 意 月 有 不 少 Ē 斷 則 勉 其 - 違」與 有 : 「三月,天道 矣。」 至 德 勉 聖人矣。 私 焉,能造其 循 也。 欲,便是不仁。」尹氏 日日 張 循 之德。 子 日月 丽 月 不違仁,只是 不能 日 至 : 「始學 馬 小變之節 至焉者, 心不違 域 已,過 内内 而 若 不 外 此 賓 之 能 或 仁 聖

見理 求仁 體 本 天 理 於 而 夫子曰,吾 體 流 事,無所 已矣,而 行之大用, 無 非 與 感則 1 之 1 有 與二三 無 而 見 不易言者。 所 理 相 思 於 依 子 則 心。 相 而 存 勉於學 後 吾 有 有 其仁 所 所 心 虚 思 感 者 則 静 則 純

從

政

也

與?

日

賜

也

達,於從

政

乎

何

由

也

果

於於

從

政

平

何有

?

日

賜

也

可

使

季康 乎! 之於香 密矣。 之真忱 前念後 能保 之何 者,其心無能 矣。 是以言仁,恐其 又有人欲之相誘 至焉,覺清明 而 三月之久而 縦 子 問 存 其 乃以 其 ௱ 也。 或月一 有 味。 念相 心 不 此 以 三子之於仁,非予之可 也。 仲 H 百爲 昧 續之際,未嘗離 省 之氣 如 逐 自 由 至 於私 一至者有之矣,遂 者 一也。若其餘之從 勉 回 不至者非仁, 可 也。 焉,亦以爲有 萬 '', 其 三子之用 象 於 也 使 感交集之下, 利。 有可馮 物交之蔽。 從 静 或動 加 也, 政 之存 如是者 也 面 則 心 者 此 至焉,其 與?」子 養, 而 又 其 所 圃 唯 不 至者之未 可 未嘗 知矣。 得 以 而 弛 П 動 其 事 以 其 矣。 知 爲 或 也 也 庶 於 天 惻 至 舍 功 静 心 之 此 幾 於 此 以 如 理 旧 則 則 而

埶,於從政乎何有?」與,讀平聲。執,加艸加云,俗有?」曰:「求也可使從政也與?」曰:「求也

不成字。

從政, 長。 三子之才可以從 執,多 用 非惟三子,人各有 謂爲大夫。 也 才能 政乎, 夫子荅以 果,有決斷。 程 所長。 子 日 : 能取 季 達, 各 康 其長, 有 通 子 所 問 事

待於 輕由 乎? 問子路之可使從政 況其 康子誠欲 晚之天下,蓋 印 惑之矣。 疑 也 在聖人教 士之自命也難, 道不 乎? ? 求 子 可 才於聖門,無 行,而 出 曰,但使之從政 由 於以 其 思之中 也果矣,定大事,決 緒 從政乎,何有於紛糾之 也 但 餘 與,何: 丽 出 以 丽 以 其 譍 有 譍當 以 才亦 其 之 不 自成 馬 而 重視從政 可用 世也 足以 足矣。 而 其 由 大疑 者,而 亦 材 也 易, 何 季 衰 者 m

辭

焉。

如有

復我者,則

吾必

在汶上矣。

季氏

使閔子

騫爲

費

幸。

閔子

騫

E

「善爲

我

嘑! 通矣。 疑邪 問 求也 也? 此者,則聖門教育之盛,亦可 於以從政乎, 子曰,但使之從 難 斷 從政之才哉? 埶矣,綜 ? 子 也? 三子者,學之有本,推 知賜抑可知求矣。 於以 日 賜 也 知 但 從政乎,何有於事 何有 達矣,國 由則知賜矣。 庶 使之從 政,而 政,治庶物,皆其能之矣。 而使之從 於經理之難 政, 有 求 體 則 也 康子又以 事 何待於疑乎? 賜 丽 想矣。 之 政,其易 也 康 可 有 杰 幾之難 子又以 亦 大, 變, 也? 何 水問 有 豈 無 待 旧 嗚 於 賜 如

関 汶 當去之齊。 季氏,令使者善爲 ,水名,在 子騫,孔子弟子,名損。 齊 程 南 子曰: 魯 己辭 北 境 ,言若再 「仲尼之門,能 上。 費,季氏 閔子不欲 來召我,則 邑。 臣

彼其 道而 閔子其賢 既 不能 以 氏 死,求也爲季氏附益 蓋居亂邦、見惡人,在聖人則可。 仕 而臣之, 豈其心哉? 日 下 大 無先見之智,又無克亂之才故也。 早見 忘人之勢。 夫 視季氏不義之富貴,不啻犬彘。 剛 「學者能 之家者 則 乎 闸 必 預 取 待之乎? 少知内外之分,皆可 禍 閔 況閔子得聖人爲之依歸 柔 子、曾子數人 ,夫豈其本心哉? 在聖人則有不然者, 則 必 如 取 由 辱 也 而 在聖 不 関 又從 然則 得 子豈 以 人 蓋 其 謝

於天子 而不能 訓義 如其 望 仕爲 IIII (舍是 使 仕者,君臣之大義也。 高 而 仕 行 必必 前 於國 於 矣。 且 其 難乎其仕焉 鄉 中。 家 舉 乃 則 里選 春 唯大夫以 秋 由 之時, 此 之法,爲 而 故 君子之不 與 其私意,采物 諸 士亦因之以 聞 大夫 矦 平 不 或 所 以 貢 政 制 + 不

不然。 求用, 閒,辨之審矣。 也。 擁之以 費,何邑也? 再 禮,則我之不受也必有 之宰? 私門,且視私門之命若浼己之深,而 而 而 文,將有復至者乎? 焉,足以動季孫之聽,而 孫之命也,吾籌之決矣。 辱且再至。 三違心之事也。 已矣。 聞 己。 之。 如其辭之不善, 圃 季氏 自彊 鳴 聖門 而 蓋秉大正以 子欲安我於衡門 嘑 故其告使者曰,吾之不能膺季 意有難言者。 聞其賢,使人將命,召爲費宰。 丽 之士亦不 是季友受非分之賜, 亢公室者。 此所以爲德行之選與! 若子騫者,不特 唯有舍魯 而季 自 吾不能 能免。 裁 曲盡 辭。 氏 丽 然言之不決 於於 乎? 閔子騫 加 且 彼之命我 我之心,在 其 東 堪 出 視 唯 、善爲 不 之於汶 此 爲謙 處 在 閔 肯 豈 至 子騫 義 而四 屑 仕 利 辭 再 讓 我 也 り則 E 於 爲 世 爲 以

伯 有 命 矣夫 牛有 斯 疾 疾,子 也 斯 牖 問問 人 與 之,自 也 九九切 而 有 讀 牖 斯 如 執其手,曰:「亡之, 酉。 疾 也 夫 讀 1 如扶 斯人 也 而

決也。 當,故 伯牛, 視己。 死 不能 以 而今乃 -,君 也 • 一,孔子 瀬也。 謹疾 「伯牛 視之, 不入其室,而 孔子弟子,姓 命,謂 時伯牛家 有之,是乃天之所命也。 而有以致之,亦可見矣。 以 尤 則 牖,南牖 德行 痛惜之。」稱,當作偁。 天 遷 命。 以 於 稱,亞於顏 自牖執 此 南牖 冉,名耕。 言 也。 禮尊孔子,孔 此 下 禮: 人 其 使 不 関。 手 君 病 **譍有** ,蓋與之永 有疾,先 者 然則 得 故 子 居 以 此 其 非 矦氏 不 北 南 疾, 將 其 敢 儒 牖 面

於室 牛遷 伯牛 於 於此, 亡可復爲者。 外視之, 南 牖 有奇疾,病革矣,夫子問之。 面 以 自 尊 牖 孔 執其 子。 手與之訣焉,曰, 夫何爲而 孔子 不敢當 至於此 乃乃 伯

> 省,而 斯人也 自非伯牛,則 矣。 則 斯 可知 哉? 身之不修而言 敬身重 伯 疾 人盡 牛之賢可 也 者存乎? 豈 我熟思之,此殆 圃 遺 ? 可 而 有 體之素尤不當有此 在 徒 後歸之天,性 斯 疾病凶折之至,方當以之自 迪 諉 後 知, 疾 不然, 古 之 命 也 而 逆 命 ,自棄而 1 君 X 哉? 則 天命 子之言命者亦可見 由夫子之言觀之, 之理 斯 盡 人 不 已矣。 修身以 而 固 也 齊之數,有 也。 後安之命。 不當 而 奈之何 何爲 俟 有, 有 在 不

巷。 子曰:「賢哉,回也 也!]食,宜作臥。瓤作瓢,俗誤。憂,當作息。 言「賢 如 節,竹器。 顔 此, 人不堪 子之樂,非 哉 圃 處 П 其 食、飯也。 之泰然,不 也 (憂,回 樂簞 以 1 深 也 瓢 歎 不改其樂。 以 飘,瓠也。 簞食,一瓢飲,在 美之。 害其樂 陋巷也,不 故夫 程 顔子之貧 賢 樂,音洛 以貧 子 哉, 子再 窶 陋 П

學者深 罷 學者但 學於周 纍其 何事?」愚按:程子之言,引而不發,蓋欲 其一字當 能 心而 館 |當從事於博文約禮之誨,以至於欲 思 茂叔,每令尋仲尼、顔 M 瓢 改其 竭其才,則庶乎有以得之矣。 而自得之。 玩 陋 味, 巷非 所樂: 自有深意。」 也 미 今亦不敢妄爲之説 ,故夫子稱其賢。」又 樂、蓋自 又 子樂處 有 曰:「昔受 其 (樂耳。 () 所樂

訓義 者乎 物之理 以 礙,即 也。 天地 而止 此思之,賢 ? 道 蓋 矣。 夫子 而 爲情之無礙。 者乎? 之 人心原有此 無 唯其賢也 而能 曰,人之有得於心也,至於樂 無 所 窮 疑 哉 有其樂者 其 也, 日 即 有灼 ,故其貧,食則 也,其有體 爲 浩然自得之意,曠 静 雖 觀之萬 心 然, 見 之 ,至於無可 乎 得之者亦尟矣。 無 天 窮。 備乎天 物 地 而 一館 萬 理 無 改 物 地 之 不 觀 丽 之 而 心 萬 無 順 之 焉 IF

> 知矣。 中」,曰 其所 中, 中, 所爲 也。 顔 以 乎身而忘乎世。 未嘗以 也乎? 憂也,吾見其樂 此人之所不堪其憂者也,乃回 矣,飲則 子 深信之日 亦此而 亦樂 發, 是其所 而 所 樂許 非 「樂以 好 以 何所得 而已矣。 天德 之學 已矣。 瓢 其所得想其 賢 爲樂者,全乎心 人, 加 志 王 (哉,回 已矣,所居 憂」,乃以 也。 圃 即 惟其自言, 道之必然者 則使其 夫豈見貧之可 非 即 聖人之學,亦 其樂 天 使處 也 理之固 所存,以 處乎富貴福澤之 信 也,不以貧而 者陋 於 則 顔 鳴 乎? 而忘乎身,全 憂 日、樂 然? 嘑 子之樂, 也,非直 巷之中 危 其 安 於 所 患 我故 mi 此 在 夫子 則 存 安之 難之 也 則 其 有 何 想 改

冉求曰 「力不足者,中 . 非 不 説 道 子之道 而 廢。 今女畵。」説, 弋雪切 力不 足 也 了子 

哉? 欲。 曰 : 之所以局於執也 芻豢,則 有是言。 力不足者,欲 「夫子稱 謂之畵者 畵 一而 必 然使求説夫子之道,誠如 將 不 進,則 顔 盡 進 如如 回不改其樂,冉求聞之,故 力以求之,何 面 畵 不 日 地 能。 退 以 而 自 畫者 已矣。 限 患力之 也 能 此 進 口之説 冉 不 胡 而 足 求 氏 不

於所 者,因 給。 亦何 也。 所 訓義 力之所不至者 而信其必然也。 不 有欲 天下 不 有 設 私 m 是 足之有 固 知其當然 而 力 以 何者而 矣。 終 則 錮 日 之, 哉 而 有 所可 之經 人所可知可行之外,道之 謂之道 是道, 爲 則力繫於欲,而 也。 道乎? 知 有私 誉 所 雖聖· 人之所能行者, 哉? 以 能 以 疲 且夫人之力 困 人,豈能 行者,人之力 於 人之所可 之,則 近 欲 小 力 以 前 而 窮 不 大 知 m

> 者,於中道而見之矣。 則有力不足者矣。 天下焉有力不足者哉? 不足以自見,而求不能至矣。 後,一埶不足以 也,知之力止此也。 抑因之以 因之以不能人於微焉 且卻,以安於固 乃於未知未行之前,畫 者道也,非知之不能知、行之不能行者也。 之不勝乎持行者殆有然乎 廢,耳目之窮於見聞者殆其然乎! 也,行之力止於此也。 子之道,●力不足 不能持 成名,衆善咸 陋。 於久 也。 乃就 知因之以不廣焉, 馬 行馬 知焉 非不知大 力不 行因之以 事 境焉, 曰, 此吾之 若就· 1 冉 而言之,力不足 而若有 面 宜之餘 求日 定 若 今爾河 夫子曰,夫 事 而 明 有 非 而言之, 不決焉 不容 阻 終 蔽之 所 之者 手足 始之 欲至 偏端 不説 不 者 抑

0 子」,原誤作「于」,今據啖柘山房本改。

Д 曹訓

論語卷六

所 可 至 於 以 也 有 ,道豈有不可知者哉? 可 私 難 濟 知 退 畵 其 而 故天下無力不足之人,而豈女子 無咎力也。 以 於 子且 欲 可 者 圃 成 埶 行者 哉 不欲 其 之 以 未嘗 ? 是 中 也。 私 至 力之所 利 爲 不 也 一焉耳。 蓋 妙 可公諸天 無大傷於義 不 冉 道 埶 能 求以 不足者 之歸 勉子之行焉 者 則 自 進 試 、執著, 決 下 可 盡 雖 「,道之 理 資 習 子之 而 有 道 則 終 而 高 ൬ 其 獨 所 道 知 不 安 之 明 抑

子 焉,此 謂 用,而 然乎 焉 損 財 義 不 岢 廣大之境, 天 儒,學者之稱。 之 理 與 儒 子 爲 夏日 者 謂 利之閒 其所以不 「, 皆 人。 一、「女爲君 以 利 而 私 也 己。 謝 得與聞 滅 程 氏 公,適 子 子 然 日 子儒 Ė 夏文學雖 所 :「君子小人之分, 乎 己 謂 聖道 「君 無爲小人儒 自 利 子 便 者 與 有 凡 儒 豈 餘、然 爲己,小 口 必 以 殖 害 意 貨

> 稱。當 其遠者大者 作 偁 或 昧 焉。 故 夫子語 之以 此

行之慙 之恥。 道 爲 也。 當爲 以 行以 於是有《詩》、《書》、禮、樂 訓義子夏氏 所修之, 今且爲二乎? 曰,女固 教之污隆、人心之邪 而已矣。 爲 君 道之不明不行 子 者, 閑之,而 見功之地 其學之博, 其 也 將爲 以盡其 則 先王欲君子之道明,以備 皆 行 君 若夫 將 之正 引 儒 天下 子 以 無無 面 矣,而 將 古之爲 性分之所 之 以 爲吾性中之缺 儒教當世,夫子 刻 ,將以善吾之行 以習其 所 以 明 青 儒 致吾 求 正 道 於 也。 亦 所 慊 教也,使人爲 知 爲 身 術者 1之知, 於 固 以習之、法言 繫也,故 心 女所 儒 求 幺 有、 之道 名 君子 爲 以陷,而 獨 之計 當 職 以 而 儒 本 之 爲 分 而 E 而 無 爲 用 者 之所 君 告之 乃常 所 無 必 此 但 不 以 也 以 此 求 法 不 世 知 而 失 以

之實 勿飾 知,而 立 不正,女尚戒之哉 儒 門 而 行 統不屬焉,聖人見之早矣。 女之志趨慎,而當世之學術不因 濟 庭 必不可 無務諛聞 以 其 而 自 小人 動 矜。 天 以 也 下 居 以 儒 女女 心而見之行,此貞邪 則 動 之不 慎 雖 衆 其後子夏教於 無 儒 ·可以 爲 而 寧有 也 實 不 小 ·居,而 所未行 寧有所 人 也 西 一女而 0 小 河 之 不 以 mi

則無邪媚之惑

子游 嘗至於偃之室也。」女,讀如汝。 曰:「有澹 而 爲 道 武 城宰。 臺 滅 明 、者,行 子曰:「女得人焉 不由 澹,徒甘切。 徑。 非 爾乎 公事 ? \*,

羽。 氏 以 法之類。 欲速之意可知。 武城、魯下邑。 自 守, 徑,路之小而 爲 面 不由 政 無 以 桂 徑,則 澹臺,姓。 己殉人之私可見 人才爲先,故 非公事不見邑宰,則 捷 者。 動 必 公事, 以 滅明,名。 Œ 孔子以 前 如 矣。 飲 無 射、讀 得 字子 見 其 人 有 楊 小

> 爲 爲法,則 徒,其孰 爲迂,不至其室,人必以 大之情可見 問 如 能 無 滅 荷賤 知 矣。 明者,觀 愐 之羞。 取之?」愚 後世有不 其 二事 取人以子游爲 爲 由徑者 謂 簡。 之小, 持 非孔 身 以 而 滅 氏 必以 其 之 明 IE.

訓義 之中, 唯能 之於 斿 夫子問之曰,女得 武 俗見以爲異焉,故知之者亦尟也。子游 不持,氣之不充,且以 一不當爲之事,無難決於不爲者,而 對 城 日 弦 宰, 不 士之所以 不苟同 ៣ 以以 誦之中, 喪其正 以 (偃所見 邑蒸 絃 於當世,非故爲奇行也 歌 氣, 爲 而 化 士者,不 ,斯邑之人士,唯 異 人焉 俗,將引之於從容弘 而志 繒 其 慕,樂 爲 有卓絶之行 爾 一定而安之,則 無 乎? 傷 苟 近 m 同 君子之允。 殉 於 蓋 乎 當 不但 也 有 流 一。子 志之 世 澹 明 俗 水 博 流 明 而

之

慎微 十,無 兩端, 憶其不 決於 行 深 此足以當夫子之問 心,而遂決於不至,不疑 事之外無至於偃室之禮,因 偃之室矣。 閒一至 由 滅 而人争傳之矣。 徑之不可 也。 「然而 也 明 者, ,以養其 則 不 與爲 加 蓋 焉,以公事也。 可 面 由, 不 由之者,且 其 由 滅 但此 由 以不至爲定。 倫也 由 志 而 謂偃之室唯公事之可至,謂 明 剛大之氣者也。 徑 而欲 可 終 之爲 二者, 唯 亦亦 矣。 尚, 不 偃 滅 無 乎 偃生平之未易見者也 固 由 明之不由 以 意 其 人,持志於不枉 由 ? 則 欲樂得與之遊 也。 爲 氣 然 示 非公事,未嘗至 已異 故偃 於可 無 可 夫子不言而 由 而由之者,不復 徑 不生 損 矜也 之,遂不由之, 矣。 至不 非 於君子。 亦 必不 君子之所 無從 來 武 可 偃 蓮 矣,而 由 文學 城 至之 至之 心 聞 知 也, 信 小 許 之 其 於 公 其

> 馬,日 子 Ĭ. 敗走 儒乎 日 還,以後 周 幸 然不知學者欲上人之心無時 其功也。 孟之反,魯大夫,名側。 「人能操 明,而凡可以 所 邑 也。 稱孟子反者是也。」伐,誇 非 而 孟之反 所 《爲功。 無欲上人之心 敢後 事在哀公十一季。 軍 得 後 不伐 者 也,馬 反 矜己誇人者,皆 質 殿。 介奔而 樸 奔 不進 勇 而 殿,故 策, ,則人欲 決 胡氏 殿。 也 之士, 鞭 將 而 日 也 以 」:「反 志 無 H 功 人 此 斯 謝 門, 也 消 也。 足道矣。 言 戰 氏 君 自숽 即 子 天理 敗 策 B 莊 而 其 :

爲道 之會 訓義 所固 一涉 有, 夫子 自 無 險阻 勝 日 以 所 ,德至者受萬善, 伐 之世,亦 虚 也。 而 於世 乃 術之得者也 未 無 逮 競 平 以 而皆 此 之取 而 其性 U 功 不 而 伐 名 孟

之反

可

以

爲法矣。」

置之議 焉。 也,而 之實 將推 以 此 敵不 於功名之外,亦未易及矣。 者之不策,咎其後以 若前者之亦如是策者然,而言曰, 國門之時,三軍全矣。之反之能著,而 之魯師 反蓋當危急之際,不難 而 則果於 此 或忘之,善其術 免 《有焉。 心 可禦,生死之際,蓋惴 ;其功矣。乃之反於此思所以揜 即 ,而故爲不俗殿之情,策其馬 奔潰之衆以 無如 其 而 論 而之反殿。 未 進於道,則君子望道未見之德在 以 之外,而且 唯其 馬之策而 也,於 不伐爲道,而工於不伐者也。 以 入國,其功也。 以 而有以處之,故於清、 敢於殿者,其能也。 不伐爲道,則存其意 揜前者之敢於後。 不 遠 巧 前 以衞衆全軍之苦心 怨於末 以 也。 成 故君子於之反 惴 其 以其 焉 流 愻 至於將 <del>前</del> 讓之情。 以馳 非 師 策 寄 揜 敢 其 奔 情 人 之 後 殿 殿 前 而 人 泗 而

而有取於此焉。

免於今之世矣。」子曰:「不有祝妪之佞,而有宋朝之美,難乎

祝,宗廟之官。鮀,衞大夫,字子魚,

有

乎! 世 也。 訓義夫子遊衞,見祝鮀之以言語 才。 祝鮀之佞、宋朝之美者,難乎免於今之世 令色,若非令色,而 言而 有受其傷者,乃歎 色,非此難免,蓋傷之也。 於巧言,若不巧言, 朝之以寵幸顯、當時翕然尚之、 而亦自有以免也。 朝,宋公子,有美色。 夫士之於世,非但 以色之不令而害,不可言 辱,不可言也。 以 巧言 加 梁,猶 曰,當今之世 害 而 以令色而 即 辱 可 求 今之世 言也。 中之。 即 免 及之。 言衰世 也。 也。 加 利, 以 而 然 而 即 果然乎 著 則 乃人 猶 遂 IE 不 欲 求 若 免於 爲 人 諛 不 而 可 爲 習 此 Ħ. 有 宋 説 15

抑 m 君 求 子 免 且 者 如之何哉 之心勝, 面 見 爲 不 得 不 然 乎?

子 遠 户 Ħ 言人不能 /, 而 爾 而 歎之之辭 誰 不 能 知 出 出 行 不 不 必 由 由 户,何 由 户 洪氏 ? 道。 故 何 日 非 乃 莫 道遠 不 由 「人知出 由 斯 此 道 道 巾 人 必 邪 ? 自 由 ?

事。 相敬 訓義 此 出 遵 倫 何爲 於身世之閒 行 有 也 心 不 此 一人且 夫不 由 以 而 |夫子指道之必由者以示人曰, 理 倫 非 户 不 生於 者, 則 ·猶人 爽 有 者 有 遵之 日 於 也。 意 人心、 ? 吾 以 出 情 必由 天下 盡 即 而 夫使 人 此 著於天下乎? 不 之有户 物 後 也,不 無 倫者,盡 之有 由 非 知 其 乎 道 明 能 理 理,有 道 矣乎? 而 處 不 故 故 , 而 能 之而 當 由 行 以 人亦 固 理 也 人之 善 後 夫 則 則 可 道 丁,其 孰 成 相 道 悠 之 有 有 自 生 愛 然 不 有 其 以 又

> 者,非 户 之由 之所自立, 然者也。 者必失,未見有能 者 以 倫 然者 者,其自然也。 了,實不 遂 以 而 馬,亦 所 逞 也。 「質勝 不患 其 欲 其 미 可 衆人修之,吉而悖之凶,其 志 ? 而 泯 其 而反問之心 文 徒 以 禁之何 ? 究 則 不 不然者 何 賢人審之,其能然者, 行 理 之倫 野,文 物 哉 離 自 矣, 有 人 ? 斯 畵 自 物之 (與人 也 則亦 勝 丽 聖 道 昭 質 得 人安之,其必 而 理, 垂 爲 人能 求之 而 矣。 則 미 得 倫, 史。 而 而 以行者。莫 者必得 知 人 欲 名 而 道 倫 文 不 舍 欲 質 物 之 不 其 定 可 廢 爲 伙 固 失 蔑 大 彬 理 理

彬,然後君子。」彬,本作份。 子曰:「質勝文則野,文勝質則史。文質彬

事,而 野, 至於成 ៣ 適 野 均 人,言 誠 《德,則 之 或不 貌。 鄙 足 不期 言學 略也。 也。 然而 者 彬 當 史, 然矣。 彬 損 猶 掌 有 文 斑 餘 書, 斑 楊 補 多 氏 物 不 聞 相 雜

質,則其本亡矣。雖有文,將安施乎? 然可以受和,白可以受采也。文勝而至於滅「文質不可以相勝。然質之勝文,猶之甘

則與其史也,寧野。」

情,自 過 有 此 以 訓義夫子曰,文質者,人治之大,而夫人動 忘中乎? 施之於人而必 勝文者,不且與彼 制 於人而不求其可歆,此質也。 則有其事,守之於己而不求其盡 静 以爲 之 以其事 功 行 云爲之際,莫不有文質之辨焉。 有 可 好之念,而 則 行 口 見 飾 質 疵 無 其 ,則文勝質矣。 夫苟其欲爲君子,則或失而 一勝 心,修之於己而 過 水其 文 文勝質者,不且同 可 矣。 不能 摘 相得,此文也。 同 而 其 夫 達其情,充其 八率情 野 不必功之有可 夫府史則但 人 必求 亦有愛敬 然但執此 IIII. 其飾 徑行乎? 美,施 其 然但 念。 有其 可 外而 求 觀, 野, 據 爲 之 務 質 以 之 心

> 心則必 者, 處 安,而使大過不及之有節。 情 欺 必 則 文,以求免於流俗之偏乎 果成乎其爲君子也。 有其文,不能以 或失而史。 於此 此 物 亦有盛德之光輝,不可 也保其忠信之誠 可不念彬彬之美,而思所 理 理之胥宜。 者。 有以善全此心,有此事則必有以 二者之閒 雖有 其質 質 可 其質,不足以成令儀。 其文也,必 也、盡乎天 幽 而 不 獨。 出 廣以學問 務 可 揜 兼 以追 加 然後其爲君子 也。 至 德之美, 미 推諸 以 而 風易 乎哉? 之益,有 自 欲 適宜 所 善 爲君 俗, 其 性 mj 平 節 子 之 不 此 雖 而 ?

者,幸而免爾。」程子曰:「人之生也直,罔之生也幸而免。」

訓義夫子曰,夫人有 乎天地之閒。 唯於心 無 日 所 之生, 違 則 則 於 理 日 無 行 所

邀乎? 有 幸 於一 也。 逆。 而 盡 安,下且成乎風俗,而天地好 而 行 過有所不避也。 者,直也。 傷 人之所不 危之所 媿於天,而 也。 或 前 斯 免 者 求 時而 有家者之不能令終, 人而 者多矣。 則可 以 君 於 非心之安也。 子無幸! 此 不 俛可質於人,而不憂刑戮之加,憂 理 吾深爲斯人危之矣。 容,不 以欺 絶之也,幸而 無 不 自 至 順乎理而 不犯会易之忌,鬼神之所不 所 可 也。 免 ·欺人於事後,神之所不佑 人而不可 疑 焉 蓋 能 若夫不直,則罔矣。其所 蓋 上無 若其 免 則 必 矣。 人之能全其 因乎心,功有所不邀, 其 於 不 已矣。 法 事 自附於君子之列, 所志 伙 以欺 面 紀,以 然而今之人以 無 矣。 矯 所 者 生之德,不 天,可以 幸者其 飾 況乎小人有 疚。 嗚 相蒙 非道之宜 生於天下 務名者之 嘑 仰 欺 可 而 口 能 此 能 廛 相 此 人 不

之者。」好,本作政。樂,讀如洛。子曰:「知之者不如好之者,好之者不如好之者,好之者不動而得咎,可不懼哉!

如

樂

者也。 學者所 尹氏 者 之而未及於樂,則是好之未至也 好 也 丽 張 未得 ,好者食 日 敬夫曰:「譬之五穀,知者 以 知而不能 自 也。 「知之者,知 强 而嗜之者 樂之者,有所得 而 好, 不 息 則是知之未至 者與 有 也,樂者嗜 此 道 也。 而 知其可 樂之也。 好之者 也。 之 此古之 而 食 飽

道 之乎 矣。 其始求 訓義夫子曰,夫人 之合離也,而先問其心。 有淺深, 止 於此, 求之而 道也, 則 而 其 則 未 知 心 且有 也。 未能 焉 之所 ,則且即 恐 爲學之功,且 得 知 得 其 其 也 者 大辨 日 心之於道 而 所 亦 吾 求 知 有 既 而 者 知 差 者 未盡其 矣。 而 無 知 遂 必 相 問 夫當 能 有 合 其 而 體 功 也 道 細

此

則

當

孰

詧

其

爲

知

爲

好、爲樂。

有

知

之

於

道

庶

不

負

其

所

知

焉

I

矣。

教

者

面

明

以

壹

其

心?

未

能

樂

何

以

恬

心

以

深

恐其 密。 也。 循 微 於 行,行矣 之不 其 之爲 也 於 因 好 但 好 舍 以 所 知 巾 益 而 之之 之, 知 而 此 弘 不 圃 求之必 思之, IIII 多 安能 必 信 時 必 乎? 能 其 欲 則 盡 有 而 親 無 得 必 但操 此 習 故 之, 不 則 既 循 知 得 唯 之不 知 循 一求 而 之乎? 之 其 矣, 好 日 者之不 不 倦 得之心 之 進 而 如 而 焉 抑 好 愈 致 未 好之, 之者 之益 必 則 人 也 則 愈 能 且

> 子曰 不 者, 口 使 者,必引 一中 以 知之而 必 語上 奪 人以 以 其 也。 已也 聞 體 Ŀ 見之恃 驗 之 可 其 於於 實 以 IIII Mi 道 語 興 自 也 上 起 尚 得 也。 其 所 庶 志 安 中人以下, 幾 平 抑 有 非 好 徒 之

質,驟 夫曰 之, 切 己 意 教 語 問 矣。 臘 則 則 告 等 近 :「聖人之道 而 其言易 必 也。 思 故 語 ൬ 因 ,而 就 之太高 有不切於身之獎,亦 言教 其 其 人而 漸 材 所 進 及 人 而 於 無 而 非 精 者 篤 高 腦 語 惟 粗 當 焉 遠 之,是 不 雖 隨 С 也 之 能 蓋 無二致, 其 憋 以 中 高 乃 也 į 終 下 所 以 但 於 而 以 Ħ. 下 告 使 將 下 其 張 施 敬 語 而 妄

訓義 + 其 不 齊 也 所 之 夫 以 然 訓 子 以 焉。 E, 人言之,始 窮 君子之教, 其 道 極 雖 致 則 以 致 視 究 因 ៣ 其 其 人而 推 質 必 其 然, 進之, 総 本 則 則 原 問 所 有 以 其 謂 明 其

斯之

無

閒

可

離

乎?

學

者

而

知

此

則

當

自

攷

其

爲

知

爲

好、

爲

樂。

未

能

好

何

以

絶

外

己。

但

好

之,

安

能

有

此

陶

然

白

遂

晨

斯

勺

爲

身

之所安,心與之

相

順

而

見

爲心

之

不

容

則

必

既

好

矣

大

൬

樂之,身

與之相

親

而

見

Ħ

有

冀

於

速

獲

而

務

於

外

求

者

以

此

思之,

三五五

可

謂

矣。

知

作

智

解,而 斯 其 罔覺 焉。 機 篤 中人以下矣。 篤,行之不力,且 E 有 志 口 造 妄 矣。 學也 者 而 以 志力 前 ()俟其 不 就 夫上智之不 可 語 進 疑 道, 行,克 人 ,勿論已。 於是 矣。 可 真 信 而 才之深 悟 固 妄 以 相參之 觀 而 如 不 丽 杰 語 不 其 如 其 語 未 狹之於近小之中。 矣。 别之 乎 所 是 浸 可 心 ()際,可 之以 質 得 下 有 勉 m 淫 名 猶 -學之 不 心,且 如 可 與 目. 乎 得 語 得 上, 中 其 與 其 納 之以 流 因 語 而 人 質 事 不 所 之於軌 俗之爲,則 所 雖 將 下 也, 出 者 上,不 則 至 疑 未 竊 則 愚 於 中 以 而 得 君 其 自 之必 而 人也 此 物之内 不 決所信 聞 特 志 子 直 中 分 之不 茫 言 因 成 以 IIII 可 不 量 豊 伙 平 其 文 龃 mi 而 而 知 殊 獲,

之,可 樊 遅 問 調 知 知 矣。」問 子 티 : 務 民之義,敬  $\mathbf{E}$ 一者先 鬼 難 神 而 圃 後 遠

以

概之

施

成乎

躐等之失

也

哉

之所 所 所 者 仁 事 民 難 者之 獲,仁也。」 又 也 程 亦 不 宜 知 子曰:「人多信 先 人 · 加 先 心 能 難,克己也。 也 力行 其 也 敬 不 事 惑於鬼 獲, 所知 之所 此 吕氏 能 謂 敬 必 不憚 難 得 因 曰:「當 能 神 鬼 以 也 遠 樊 之 神, 而 所 所 遲 不 後 難 口 惑 專 難 之失 務爲 其 可 爲 謂 爲 也 用 效 知 先 智 力 急,不 丽 之所得, ,智者之 矣。」 於 而 而 告之。 不信 人 不 道 求 又

心。 此 求 何 知之實。 德, 則有 訓 義智、 者 致 以 力 得 或 樊 遅 焉 非 智 方焉。 仁者,德之至者 仁之 間 所 則 夫民 智 知 必 用 蓋 智之用 知 則 之 甚 謂 智 非 所 大, 學 者 智 以 之 矣。 者 無 爲 也 IIII 方, 莫 所 民 仴 而 子 莫 以 不 間 而 學 爲 日 求 其 不有 必 者 夫 知 知 所 辨 欲 其 欲 義 成 而 而 所 存 於 所 其 知

之也

或

不

미

遅進

而

間

盡

於

所

必如

此

以

能

悉

其

情

如

是

則

以

極

不遠也,實見其必遠者之與 以求之,思以辨之,因心以推之,義之不 可邀也。 舉其要,止 仁,蓋 鬼神合德 不可 乃不 敬、安於 極 而 致 無 以 狀者存其不 不 云爲之致,若難知 之,有毫氂必審之則。 其 爲智,則 誣 民義盡矣,知其 有鬼神乎? 得仁, 此 謂學者必 丽 過之常。 也。 聰 彝倫綱紀之大,亦易 不 明者 也 所 可 則 以爲有,而 必 所以 不 盡 知其 遠,不 未易言仁也。 測之神, 於此 於求仁,而其求 敬 所 求知者勉於所 鬼 也 以 非 必 明 神異 容不審矣。 爲 務之,則 知 有 也 實見 睹 而 無 之理 一,而 可 而 幽 聞 理 謂 其 者 之 舉 不 而 會 也。 , 子 智 m 可 敬 見 泯 造 喻 學 其 知 而 焉。 難也。 遂與我 所 不 未 以 於動 覺之際,而 矣。 夫其獲也,至於廓然大公之後,則 制之而 爲之,而 日 一念之稍 一、夫欲 殉 得 利 濟天下而 吾有 不後也 自 而 知 消。 釋 心 不 其動 則 相 利

焉。

知

其

非

之者之與

迹不

者尟矣。

化之良能

效之加 何以 有 勉焉。 爲仁,則必知仁者之何 理 反 求之而 夫仁之爲 理 在 德 無 然 以 難 而

詳, 盡

乎

動

静

也

丽

推

而

歸

之,有

範

圍

則素所 然 親。 m 吾有情 昭 感之相 著之理 引 因 前 而 則 有欲 行 發 之 不 及 自 也

依之於無 且先於此勉之,則存之於静,詧之 也遂觸 閒,有不遑他 物 III 不自持。 計 者矣。 是 若 其

天下而無不受。至於物來順 不 吝。 吾方先 其 譍之後, 難 也 私 則 之 可

去,勿亟言大公,理之或逆,勿亟言 以爲容天下以 爲量,而 於道 將 無擇 一大順

天

下以

爲

功

而

於

事

將

有

者嚴敦其不息之誠,而不以 ,不得不後也。 如 是 則 日 以 月之或至者 終 食之 無 違

可

以

容

仁,則 故 鳴 所 樊遅之惑 姑 爲 嘑 必後,有 爲 此言,則非 所 事 以 此 於流俗之妄,專 功之美,可謂 聖 求仁者能 其 人 (先而 愚所敢 切言智、仁之全學。 俟其 勿先 知。 仁 後,不容不 矣。 於功利之私 其 所 必 必 如 先,後 此 慎矣。 而 以 其 謂 爲 ൬

教切,下一字讀如洛。静。知者樂,仁者壽。」知,當作智。樂,上二字並五一子曰:「知者樂水,仁者樂山。知者動,仁者

如此 壽。 壽 有 不遷,有似於山 喜 以 似於水,故樂水。 效言 形容之。 好 程 也。 也。 子 Ė 智者達於事 動 故樂山 而 非 不括 體仁、智之深者,不 仁者安於義 故 理 樂 動静 静 而 周 以體言 理 而 流 有常 而 無 厚重 樂 滯 能 故

底 訓 於 大 夫子 成, 日 則於土皆安而 學者 之 爲 學, 情 以 咸 成 自 得, 也 於 我 德

以

故

其

所

得

於天者

智者

無

不

樂

焉

無閒

侔。 皆真 隨 也。 情 或息而 也, 蓋 Ш 曠之懷,有適焉者 面 所 子之以 Ш 所近者充之以學,則智、仁各成 所 物 情 動, 焉。 智者則樂 功 固 而恬然自遂,其翕聚之情,有安焉 迎於 感 然 之所生 今夫天地之爲融 然皆天理之所固 效之閒 而 必 不 保性 人 矣。 以 動 物 與物 八心之 靈 遷 静 而 一,恒 也。 为 因 加 乃人之性,各 水 無 有 即 幾, 而 全命者, 也 違, 别焉, 乎 有觀 使 仁者 相 居 有動 於天 此 也 臨 鹰, 心之體 心之 ·則静 理之心 水 然,而 各 爲結者,有水焉, 或 則 1 焉, 皆 而 致 樂 不 者 有 退 悠 順 也, 斂於己 有 其 非 或壽 不 期 所 然 藏 則 侕 静 執 偂 樂 其德, 樂 近,而 自 而 身 而 使 焉。 智 偏 焉。 m 得 有 Ш 心 若 者 以 白樂。 者也 其 交泰 也, 主 念之 而 則 情 愐 表 不 而 即 也 昭 君 有 異 相 性 其

動 亦 乎 境 造之,各如其量 IÍII 命 性 分 者 ? 成 静 不 也 德。 命自 也。 成其 미 之 豊 仁者 必矣。 體 有 有 (德, 「然之效。 不然,情 圃 以 戕 必 則 Щ 則 害 其 会易合撰之 故學 境者,何 水之樂,皆造物 其 而可矣。 而 壽 信情 無固 不 也, 者順 則 殊 杰 爲仁 冒情 莫 往 也 其 其 非 ,其 期 而 能。 性 心 爲 命 者哉 不 之所 無定 智 體 悠然 也 自然之理 樂壽 異 要以 近 體 也 修 自 一其效 而 之效 夫 體道 其 適 智 效 俟 深 也

爲緩

急之序,亦略

可

見

矣。

子曰:「齊一變,至於魯。 其 餘習。 則 先 風 子之時, **(焉,但人亡政息,不** 加 王 温 之道 之道 魯則重禮教,崇 魯 齊俗 弱 也。 有 孰 難 急 言二 不 易 功 以 利 爲 或 喜 信 魯 之 能 齊 程 義,猶 夸詐 勝 政 無 子 變, 魯 俗 廢 日 也 墜 有 至於道。」 有 乃 美惡 ,然魯猶 爾。 夫子之 先王之 霸 政之 放故 道,

> 存 變之而不得試。 先王之道 能 功之治,大公之遺 至 周公之法制。 魯。 魯則修 也。」愚 齊由 然因其言以攷之,則 謂 舉 法變 廢 國之俗,唯 桓 墜 易盡 公之霸, 而 已 矣, 故 爲 夫 變 子 則 從 爲 至 變 簡 施 能 於 乃 出

之難 訓義 其 爲 未 皆 抑 之齊,其 後世之敝, 魯弱,疑魯之未可有爲。 而 醇 難 變 有先公之遺 則 己。 矣。 全 也 易 |天子有舍魯何適之歎,而當時 曲 也。 III 章之粗 則 流 習氣 魯 言之日 敝 而二 成 之未變,則僅爲今日之魯也 上之政,下之俗, 乎 又 深 澤焉, 具 今 或 將 m 海 者 日 其 何 道 之 則 岱 可 如 稍 盡 之國 爲 以 齊 也。 稍 泯,盡改其今日之 故爲 也, 矣。 先 爲 若欲變之, 王之道,革 修 齊、 能 且 較 雖 復焉 不 如今日之 然, 魯 知 國 以 未 爲 齊之 政治 他 齊 其 彊 而 日

也,而 之,則 밂 改其 且 ,不合於道者尟矣。 節 恐 相沿之失,則禮教之修 他 ,尚不勞乎 焉,不居 所以 魯 日之魯; 尤易 多 焉 易 然盛 矣。 其 彊 廢 齊 規 治 而 模 哉? 使君子得二國 未 順 存 知 治 而 何 魯者, 上之政, 明 精 如 也 意 也 事 可 古 致, 下 不 事 而 使 之 冒 爲 爲 能

子曰 道 也。 E 棱者也。 觚、棱也。 而 天 觚 下 觚 觚 之物莫 哉 不 而 不觚 觚 失其 觚 或曰 觚 哉 者, 形制 言 不皆然。 [酒器 哉 蓋 不 則 當 ,或曰木簡,皆器之有 得 觚 時 非 爲 故 哉 失 觚 觚 !」觚,古胡 君 其 也。 也 而 制 失 而 舉 其 不 切 君 程 爲 器, 之 子 棱

一。」范氏 一,則 爲不 日 君。 二仁 臣 而 而 不 失 1 其 則 臣 非 之 人, 職 或 則 丽 爲 不 虚 也,不可

宰我問 從之也?」子 以 得也 觚 其 非其 其所 非 也。 也。 制 必 此 觚 所 其 順 而 量 制 自攷焉, 器者必肖其 曰:「仁者雖告之曰 宜 則 其 其 陷 雖 不 而 果然 所 者,觚之式 理,行 ,酌之酒 也。 欲 似 尚 如 可 日 自 也 謂 是 受酒 其 以以 可 而 誣 得 而 其 爲 欺 因 以 之 醴 道 尚 何爲 反 醴 觚 形 也,不 以 欺 也。 成 則 觚 而 思 矣。 而 哉 自 人, 哉 乎 不 必 其 其 可 ? 媿 其 能 其 修 可 然 能 所 而 行 :『井有仁焉。』其 也 罔 所 容,以之 今 其 也 平 以 觚 使 獻 以 也 哉? 容 使 德,豈 ? 式 ? 爲 酢 較 者 有 非 者 觚 之天 君 吾 其太,量 觚 獻 子 願 而 不 觚 觚之量 不 於此 下之 酢 成 之實 猶 口 不 之 口 夫 逝 平 而

從之。 道 劉 聘君曰: 不 篤 從,謂 而 憂爲 「『有仁』之『仁』當作『人』。」今 隨之於井而 仁之陷害 救之也。 故有 此 問。 逝,

治則

不

或

矣

夫子

居

其

職

丽

修

其

業

爲

其

事

則

位

之以 易 於井 蓋 謂 曉 身 使之往 在 理 則不復能 仁者雖切於救人而 井 之 上 所 救 有 乃 陷 可 救之矣。 罔, 以 謂 救 謂 陷之於井。 井 昧 之以 中 此 不私其身, 理 之人,若從之 甚 理 欺,謂 明, 之所 然不 人所 無 誑

譍

如

此

之愚也

告之日 有感 機智 是 井 圃 無 無事於仁 習者已深,則 之理者,實以因 訓義聖人之教, 以 惻 私 則 救 情 怛 有 IIII 無 2餘,而 一之意, 之, 井有人焉,大公之情 即 欲其 以 通。 也。 爲仁。 雖 不容以 能愛,肫 疑仁者之必窮, 天 死 使信如 乃問 唯使學者之求仁 良 人不自己之心。 而 不 1 不 日,今言仁者 ·足,其心 者 稍待,其 恤 然静 是 一焉? 丽 而 必 爲 存 如是,竊 其 無 仁者也 而 中 遂 純 所疑 者 汲 以 於 以盡 乃宰 一,心 壹之體 不 而 汲 爲 於 恐其 然從 欲 不 則 人 我者 天下 物 其 如 雖 口 之

己,不 之事 欺也 者順 所以 極,則 所爲。 之,而 仁,豈若是哉? 慈閔 有仁 之安也,況乎其 而 爾之言仁,小人之愚而已矣。 未必能 無 其 諒 以 救之之方,可也。 故 而 抑 可 何 耐 職 心之則 困之,則 侕 愚 君父之際,則天性 然也。 也。 以 其 以見仁之不可爲, 图 非 分 貿貿以失君子之常 焉者乎? 必 歸 必 己 也 9 孳 道 不 所 焉。 也。 然則仁之爲 僅告之也? 所不可, 可 其 以 必 使 於 其仁 從, 心已逆。 救 井之有 井 從 求 夫忘身以 而 何爲 圃 而欲仁 事 仁. 者故 心 果 陷 可 也 人, 則 固 有 存焉。 焉, 面 爲 ? 圃 言 其情 不 度 告之者,非 人也,往 者 1-丽 情 君子 至 徒 殉 可,因 即 子 古 自 者 於 欲 欲 則 九憯, 不 物, 可 日 無 飢 設 從 窮 古 先 而 爲 ·傷生, 盡,仁 天 於 喪其 志 溺 難 其 哉 生 必 所 丽 救 之 徒 求 其 有 F 者 處 心 於 用 面

不仁也!

不行也!

畔矣夫!」子曰:「君子博學於文,約之以禮,亦可以弗子曰:「君子博學於文,約之以禮,亦可以弗

矣,又能守禮而由於規矩,則亦可以不畔學於文而不約之以禮,必至於汗漫。博學此,則可以不背於道矣。 程子曰:「博文無不攷。守欲其要,故其動必以禮。如約,要也。畔,背也。君子學欲其博,故於

文皆載道之文,不然,亦其可以攷道者也。離也。夫爲君子,則必從事於文與禮矣。能即合之時,且勿遽言合也,而必其不相則致之,將自得之,有其候焉。而當其未馴義夫子曰,君子之爲學,以求合於道也。訓義夫子曰,君子之爲學,以求合於道也。

思之。 實也。 而 然,守其虚 力,依乎道之所著,而 之所散見而徵諸實者也。 雖不足以盡道之高 息,其於道也,亦可 而 此而略之焉。 禮皆修道之事 離乎道者已多矣。爲君子者,其切 非其大焉者也。 則唯於文博之,勿疑乎道之不恃乎 寂,棄其 動必 ,於其切於身者,尤體 循循 以 以禮,勿疑爲道之一曲 深,而文與禮,則 防閑,即 弗 道 畔 而爲之,爲之而不 豈 日盡其身心之 矣。博之約之, 遠 或 有 乎哉? 所 見馬 固 道之 道

切, 管也, 合也, 與賦字音義兩別。 否者, 天厭之! 天厭之!」説, 弋雪切。否方为不。 天厭之!」説, 弋雪切。否, 方为

南子請見,孔子辭謝,不得已而見之。蓋南子,衞靈公之夫人,有婬行。孔子至衞,

誓也。 之類 古者仕 言以 棄絶 及,音姑 我 惡人,固謂 以夫子 何 誓之, 也。 與 (焉。 否,謂 見 於其 所,誓辭 聖人道大德全,無 此 在我有可見之禮,則彼之不善 欲其姑信 然此 國,有 婬 不合於禮,不由 亂之人 也, 豊 見 子 如云「所不與 其 此 路 爲 小 圃 所 辱,故不 君之禮。 深 能 可 思 測 其 不可。 以得 哉? 道 (崔、 . 説。 也。 而 慶者 之也。 故 子路 其 厭 重 見

衞,既 間 子 南 訓義聖人之自信,以 天,無不可 其爲 子 南子,而 者,皆 古者人國 子 見靈 路以 南子哉? 公,因 信, 殉 託古禮以 君子 靈公之私 有見 則 必 子路 見南子,見 見之行 將 小君 天也。 使見 異 不 而 焉 一之禮 事 者行 説 以 有 純 而 小村君 南 蓋 非 之。 不 平 子 當 衞 人 口 理 而 時 故 夫子 靈 所 爲 則 之 公 易 求 見 純 見 欲 媚 岢 至 測 乎 南

懼乎? 官闡者 者矣。 私者 哉? 防 其 以 内信諸心, 者,必棄 棄之矣。 於女謁 所爲,必 天,豈待言乎? 不合於道者乎? 厭」,謂 可 而 厭 則 自自 必援 以 爲 嗚 天 1,皆可 壓 見之道,則 將告以見小君之爲禮 者 絶 絶 嘑 無 天 亦 之鄙 雖生平 天以 於天 ௱ 將 也 集 此 必 實 0 執 作 註 理 墜 厭 也 説 夫子之與天 自質 詛 乃 而 此 釋「厭」 而 無不 要以 棄之矣。 亦 誓之詞 E 使 以 不可 唯 矢之日,予 壓己,尤爲 至於此,而 因之而 充 爲 有所否者 以 明 自 偂 以 詞 追 爲 矢 理 信 世之託 矣。 爲 有 爲 棄 之不 通 起 子 亦 音 丽 如 詛 絶 理 何 聞 之 可笑。 口畏厭 於 於 則 夫 駔 誓之 可 不 以 所 聖 子 蓋 於 則 凡 儈 而 此 是 違, 知 言 禮 此 天 爲 求 有 躁 見 可 有 而 矢 詞 溺 信 聖 必 爲 援 戾 厭 而 以 雖 不 而 欲 難 之 言 及 於 之 之 病 厭 有 則 惡 知 明 售

重託 則道 以 食」,亦贅餘厭憎之義也 知見小 也,如《詩》「矢詩不多」之「矢」。 南子爲 否而 天且 君之禮,故陳 匪 不行,不能與天同德,而 憎惡之矣。 人,遂廢常禮,以 以其義 他 以告之,謂 日 失際可之仕, 曰「繋而 緣子路不 負天之 使予 不

矣。」尟作鮮,俗誤。 子曰:「中庸之爲德也,其至矣乎! 民尟久

極也。 自世 中者,天下之正 中者,無過不及之名也。 程 |教衰,民不興於行,少有此德久矣。| 子曰:「不偏之謂 尟,少也。 道。 言民少此德,今已久矣。 庸者,天下之定理。 中,不易之謂 庸,平常 也。 庸。 至,

之修。在下學立心之始,而即全乎修己以治堯、舜,而備於三代之隆,雖帝王而必慎宥密實學,合於一致者,則中庸是也。其道傳於實學,合於一致者,則中庸是也。其道傳於一數義夫子曰,天之顯道、聖人之至教、君子之訓義

尟能之,欲明道者,惡容已哉! 婦與知之理,本人之所可至而 性之所固 非日用而不知,則遠人以爲道,而民皆離 異政,家不殊俗,民亦因以寡過。 唯在古者君子修道於上,而教立焉,而 不及之天則,而實徵之用者矣。 其見之行事者,子臣弟友,以放乎尊賢親 天下國家,盡人合天之大用。 其功,存養 極乎郊天禘祖制作之隆也。皆以合乎無 省詧也。 有,則 其德、智、仁、勇也。 其 一般也 久 矣。 嗚 必至者,而 其 其至矣乎 其在今也 嘑 本, 誠 以 或 親 也 也 世 夫 其 無 1 调

子贛 堯、舜其猶病諸 可謂仁乎?」子曰 日: 如 有 博 施 何 於民 事 於仁,必也 而能 濟 衆, 聖乎 何 如

辭。 言, 博, 則 廣 病,心有所不足也。 造 也 其 仁以 極 之名也。 理言 通 乎者,疑 乎上 言此何止於仁, 下。 加 聖 未定之 以 地

遠矣。 猶有 必 也 所 聖人能之乎 不 ·足於此 也。 則 以是求仁, 雖 堯、舜之聖,其 愈難 圃 愈 心

「夫仁者,己欲立而立人,己欲達而達人。夫,

見天理之周流而無閒矣。狀仁之體,莫切以己及人,仁者之心也。於此觀之,可以

能近取譬,可謂仁之方也已。」

於此

也。 所 地 足 全其 推 欲,譬之他人,知其所欲 痞 其 不 萬 喻 至? 天理之公矣。 於此 所欲 物 痺 也。 爲 爲 勉馬 不仁,此 以 若 方, 術 體 及 不 則 莫 於 屬 人, 也。 言 己,自與己不 非 有 最善名狀。 己也。 以 程 則 近 勝 子曰 恕之事 亦 取 其人欲之私 猶 諸 認 是 身, 得 相 面 醫書以 也 仁者以 爲己, 1-干。 以 之 然 己 後 何 天 手 而 術 所 如

州。 其 以 治 以 所 其 取 施 手足之不仁,氣 方 有 治 濟 聖人之心,非不欲少者亦衣帛、食肉 可 欲? 譬,可 於 志 已足,則 求修己以安百 有 衆者,豈非 養 猶 以得仁之體。」又曰 濟 雖 於 E 所不 聖人非不欲四海之外 病 己 有 衆,乃聖人之功 博 諸』者二。 取 所 欲立 施 然必五 謂 及爾 之, 不 濟衆,亦由 徒 便不是聖人。」吕氏 仁之方也已。』欲 贍 丽 事 聖人之所欲 庶 此 爾。 立人,己欲 十乃 已不 高 姓 近 病 遠、未 夫博 一則 而 其 此 ]: [《論 用。 衣帛, 此進。」 貫,皆不屬己。 可 爲 濟 病 施 人。 之不 知 病 其 ? 亦兼 者,豈非 達 其 可 施 七十乃食 令如是 至 語》言『堯、舜 丽 是乃 然治 方。 衆 知 之不 日: 達 難 濟也,顧 也 言 人 爲 不過 孔 聖人之 荷 博 之觀仁; 也 子 故 能 故 子 以 推 也 肉。 教 贛 九 近 止 吾 此 其 博

焉,則 情,皆 如此 道極 以證 此境。 此 有哉 可謂仁乎? 近小自 也 而 有其理之心,以 思,心之所願,極 面 非其心之實然。 訓義至難言者,仁之體也。 1,則天下之大,民物之衆,吉凶利 也 見 然乎? 乎 者 也。 天理 由其所 所 變化 唯從學者所以求入之方,而 局 平 而此 施 必 同 子 愐 而 有 何 ,而其用無方矣。 贛 流 子曰, 濟 發之周徧,知其所存之廣大, 則 能 事 而 止於仁? 間 濟 極至其量,使無念而不然, 猶 必 矣。 萬 濟衆,又皆 於心言之,則又唯 乎 曰,仁者,大公無私 未 物一 聖人之功 施者 而於衆無 不可至之事 必 如有 能也。 體之實,則仁 而 夫天下而 博施 欲 有以 用 於理言之, 博, 不 仁之量未及 堯、舜之德 至 ·, 而 能 於民,不 得其 何涯量之 乎 濟也 心之所 果有 即 心皆 其 所欲 病 之 可 此誠 極 則 以 得 能 之 理 有 則

何似? 焉,不立人而固 自而 也? 乎? 必 所私者也。 是己立己達、立人達人之同 以立人、可以達 動者也,原非 達人乎? 仁之爲仁, **譍關生之理**,又何 氣數不 心,則猶有所不逮,而 私不蔽之中, 被於天下萬世,蔑以加矣,而 能 濟也。 有 萬物之理,其在吾心者何 夫亦思夫吾心之與萬物相通 乎? 齊,情欲不定, 有感必通之際,其於我皆真者, 此不容不立、不容不達之情,奚 其 於己之欲 則聖且不遑,而言仁 是己與人所同受於天幾之必 其與 己有之而 唯 不可。 己 人之才,非我所 物不 欲 所 文 發 立 施 歉然於此,患民 人無之者也 於己之欲達 丽 隔者,清明之志 IIII ,而人之欲立 不易博 不 立人,己欲達 此 昧 以 於 若 前 一者奚 固 其 理 中 也 者何 事 有 濟 而 ? 非 乎? 此 事 之未 物之 想其 者 在 口 因 氣 幾 此 而 則

具存 則心 即 其情理,且更有甚於我而迷而 志力,且更甚於我 故求仁者於己欲立之際,能 時,情封私蔽,而人之立、達不著於心耳。 無不仁矣。 體 而不能自 之心而譬之,因以見人之攸行 而不惑矣。於己欲達之時,能即取 不能自固其生者,當亦如我之思以自成其 心而譬之,因以見人之并生於天地之閒 之欲達者在焉,不達人而固不能。 一念以求之,而己欲立之時,立人之理 此 固 念之發即有一念之真,一理之在即天下 前 無閒,心無閒 然 念以求之,而己欲達之時,達人之理 不昧矣。 也 通其志者,當亦如我之求以自遂 所患者,當己欲立、己欲達之 保 此 一情之起即有一情之用 而 則 而弱 不失, 事 亦 不 能 無閒 則 即取 植 仁 於天 也。 者。 不覺者。 在 此欲立之 我矣,我 心此欲達 理無閒 仁之爲 地之閒 則即 顯 則 著 此 而 四

> 也。 非心 繫吾心,而 也。 爲,知仁之體,識仁之用,無終食之閒 之理所自得,而仁之體可得而見矣。 想成乎理,學者烏可以不辨哉 仁者亦何事此哉? 窮,待吾博濟之功用者,且以實心循實理 敢自逸,因而立之達之,而事各盡其 無念非欲 仁以其方,而 而徐俟其成能。 則四海之大,兆民之衆,吉凶利病之無 聖人之仁,一實之理生於心,非一心之 也。 ,無欲非立、達,譬之譬之,而 如 反疏其當念,蓋徒 以 仁之爲仁,自深切而著 此爲心,則又心也,而 若德盛化神之所爲,早已 蓋 子贛之言, 有其 迹 虚 I明也<sup>°</sup> 也 願 此求 非 可違 所 心不 而 理 미 而

七世孫世全半溪謹刊

書訓義卷八終

三六七

## 四書訓義卷九 論語卷七

宋朱熹集註 明衡陽王夫之訓義

## 述而第七

事之實,凡三十七章。此篇多記聖人謙己誨人之辭及其容貌行

彭。」好,本作政。 子曰:「述而不作,信而好古,竊比於我老

述,傳舊 人不能, 詩 春 大戴禮 秋》、皆傳先王之舊,而未嘗有所作 我, 》,蓋 親 圃 而 之之 述則 已。作,則 定《禮》、《 益信古 辭。 賢 者 m 可 老彭, 傳述者也。 · 粉始 《樂》, 及。 也。 費《周 商 竊 賢大夫,見 比 故作非聖 孔子 尊之 也, 删 之

> 愈盛 又不可不 折衷之。 是時,作者略備,夫子蓋 而 故 其 亦 自言. 不 而心愈下, 敢 其 知 如 顯 事 此。 也 然 雖 自坿 不自知其 蓋 述,而 不 於古之賢人。 惟 功則 不 集羣聖之大成 解之謙也 敢當作 倍於作矣,此 者之聖 蓋 其 然當 德 而

也。 然觀 於古也,信之矣,以爲 作者,且 古 爲傳習者也。 己剙之也。有述者矣,前人之所已 之言者,則有作者矣,前人之所未有 不有所著以修之爲教。 所守以自 訓義夫子 未 於古人 乃吾觀於古之人,有唯 有殊異之迹,是 非 成 日 不能 其學。 垂世立教之事,與今之成 ,欲致道 乃作者之得失不 作,而 欲明 以 無可 以或作或 姑託 立 此我之所有事 道 身,則不 以 損益者,道 事 之 待後,則 於 於 述之 述 述 有 能 加 也 加 不 不 述 一家 不 固 無 而 圃 也 不 其 同 者 大 自 能 有 所

理,而 圃 哉? 損 ,帝王之典,所 實見古之無 益者也。 覺 確見古之不易,果可信也。 古之可 惟 我 老 窮,洵可好也。 以信之,故 好 彭 祖述者,先聖之心 爲 而 然。 無 以 知之深 而 易之者。 吾今者 是以所斟 求於心, 而 參 斯 志 雖 之 於 酌 有 何

乎? 者自明之,自行之,以待天下後世 舜 理,不敢作也, 見於天地民物之變,雖 相傳之心法、文、武 其猶 有待乎? 亦竊比於我老彭 我 爲 有得 不 憲 敢 之治 於潛 知 教,其 唯 而 識默 已。 以 加 所述 通之 在 己。 斯

子 有 Ė 於我哉 : 默 」、」、財作厭 而 識 之,學 誤 圃 不 ·厭,誨 人不 -倦,何

嗚

嘑

此

聖人所以

集羣聖之大成也

與

説: 識 何 有 記 識 :於我,言何者能有於我也。三者已非 也。 知 也,不 默 識 言 謂 而 不 心 言 解 而 也 存 諸 前 心 説 也。 近是。

聖人之極至,而猶不敢當,則謙而又謙之

辭也。

攷者。 也。 之在 信 默而 之不 哉? 也。 故 静 以形之言語文字, 以自信者益自勉也、未可以自信者常 訓義夫子 而天 人之塗,資於學者 而 ,必學之於古以證 存以終身不昧 後其 忘 地萬物之理 今我 誠 無 近 内 厭 有 ,以爲 無日不念其果得於己 m 而 乎? (識者 事 曰,學者作聖之功, 易 念之,我 吾身心之所自驗 於學,非欲其 略 知 切 也,又 倘 行 近所既通 者乎? 於己也。 其於學 而徒侈覺悟者 大矣。 之有 之於 其得 甚 據 於 、學,將 慮 若其 歷 而 失, 者 吾 而 其 則 平甘 既 道之無窮 哉? 與 心 而 學 非 有不 而 於 有得, 否, 者 有 以 之 苦淺 喻 求 己 也 所得, 何 而 夫 非 其 未 是 容 而 爲 則以 静 易 所 不 深 敢 蓋 必 自 後 不 從 識 也 自 厭 理 自 思 口 外 勉 必 口

此 哉? 聖之功。 不 難 所 之誨 盡,吾志之所可 是三者,吾才之所可企及,吾 之所可及也 聖 生以幾之,誠 杰 誨 No 人之所 人,以 誨 也,又甚 而 豈 我 得 乃 其 共明 於 以 自念之, 可 慮 誘 終日 其理, 有 自 自 其誨之至於倦 掖 圃 信爲 不容自己者矣。 矢, 乾乾, 人之不齊、教之多術 獎進之方 我 而 而吾 有 相 其 哉? 與天合德, 長 可 以 以引伸之益 不 是 而 心 也。 唯 自 之 庶 或 信 幾 所 日 鳴 倦 誠 嘑 念 平 爲 可 平 不 而 非 畢 作 ? -有 自 容 而

子 不 ·善不 Ė 尹 氏 「德之不修、學之 苟 能 日 能改、是吾憂也。」憂、本作 未 徙 能之、聖人猶 ,改過不吝,此 德 必 修 而 後 不 憂,況學者乎 成 講 學必 四 一者,日 聞 恩 義 講 不 圃 新 能 後 之 明 徙 要

夫子

日

學者

有

所

甚

憂

而

不

知

以

爲

憂,則 決。 矣, 異,必 學者 能中 矣。 無使 所得者 信 講 道 同 過之,無使過 面 孜孜於此, 而 哉? 憂者 矣。 不可 而 知 雖其 未 其 於 義在是而推 自 將無有倍理 不及也。 湯山 辨 盡 將 微 可 略者哉? 理 爲 豈 何 素 丽 無 據 其疑者乎? 也。 者 證 之閒 喻 不 也 m 知 有 乎? 而 也。 ? 於義,而 口 尚 其 不 得 不 合異 節 以 異 至之功 不 夫吾 諸 如 而 而不 可恃 其過,勉其 理必 相 也。 夫 能 夫 交 大之以 己 於 忘 既已 既 無 知之真 相 能信 而 所 也 司 夫學焉 如 面 哉? 辭 已 憂 不 憂 達 益 是,而 過 異 與 行 也 能 諸 理 盡 巾 也。 積 微 人 圃 心,任 不及,存乎 道 萬變之宜 不 本 贵 喻 豈 矣。 而 ൬ 共學矣, 於 理 丽 諸 如 1 事 非 未 如 所 不 微, 顯 是, 有得矣, 必 同 心而 切 其 聞 必 見 吾 如之, 於己 必 決 存 與 行 者 而 III 盡 終 之 乎 心 於 道 所 不 我 日

自 過 者,可 行之 鳴 講 H 不 自 守 而 必 如 m 心 審 牧 猶 言之失即 其 嘘 後 徙 非 己 而 以 是 失即 Ŧ. 吾 寡 也 恐 無 爲 故 人 也 而 憂也, 任於 所 不 平 不 善 平 進 不 Imi 此 足, ? 憂 前 知 善 以 ? 將 丽 聖 所行 圃 以一言 深之以 不 無 也 事 也 若夫 擇之不精,以 X 義 則 修 行 所 之非 山 乾 亦 亦 己 焉 耐 知 圃 憂 將 乾 精 德 孰 願 mi 前鑒之或忘 成 而通 者 極 也 不 無 夕惕 與 己 能 庶 而 乎 H 至 미 忽 學 成 吉 自 吾 幾 萬 乎羣言之必 理 以 於 飾 之功 者 信 不 M ൬ 之精, 無 成 新 行之必 所 "; 而 敢 而 則 之 功 乎行之有 不 擇 而 不 乎? 數 自 弗憂之也 人 善 豈 坦 而 所 唯 著, 或 謹 矣, 信 不 然 旧 他 行 有 憂之, 當,一 可 學日 凡 謙 不 端 唯 乃 者 聞 而 馮 缺 以 以 惟 此 之 改 或 猶 丽

唯

聖

人

便自

有

中

和之氣

子之燕居、申申如也、夭夭如也。居、當作尼。

其 字 時,不怠惰 燕 兀 日 字不得 説 : 容 居 不盡 舒 此 閒 也。 弟 暇 故 子 怠 放 無 「夭 善形容聖人 更著「夭夭」字。 惰 肆 事之時。 放 ,必大嚴 夭」, 肆 時 其 楊 亦 色愉 厲。 處 氏 著 也 日 此 嚴 也 \* 四 厲 爲 字 燕居之 時 申 不 申 著此 程 申 申 得 子

之容, 則 暢 也。 德於 之存 矣, 訓義記聖人盛德之容,其 殆 圉 喜 夭 然 其 而 夭 者 理 形 發 怒哀樂之未 其殆視聽 燕 則 形 也 如 有 미 居 申 異 色色之中者也。 也 如 以 其 申 也。 是 和 隨 恒 如 言 乎 也。 愉 動 爽居者,夫子 也,安 動 發,而 1 之至 间 之未形, 於 出 動 舒之至 大中至 是 與 而 神 譍 静 於是 而 無 無 事 圃 待 無 窺 静 不 聰 接人者 和 於 夫 異 體 明 而 存 充 安排 存 子 理 從 無 窺 而 也。 之 其 恭 不 夫 凝 而 不 色, 其 其 各 子 適 天 10

循以庶幾于一得哉? 如是 而 子之心體 乃 至乎? 以 乎 無逆於心而一 而 無 嗚 非性 嘑 所以能 也,無 無所偏倚,其泰然者 由 然者,吾黨其 夫子之色容 非 天也,此 又何 m 豈 想夫 可 所 學 有

可 之甚也。 心,而 如 孔 m 存行周公之道。 以有爲矣。 行道者身,老則衰也。」 或見之。 子盛時,志欲行周公之道,故夢寐之閒 亦無復是夢矣。 至其老而 程子曰:「孔子盛時, 蓋存道者心,無老少之異。 及其老也, 不能行 故因此而自歎其衰 則志慮 也 則 寤寐常 衰 無 復是 而 不

也,未嘗言也。逮乎道不可行,而歸老於子之志與合焉,故嘗於夢見之。當其夢訓義周公兼三王之道,以定一代之治,夫

異,而 固當其夢而不言也,區 自言夢見文王與 恒情所可測者。 不存,而以衰爲歎,不忍忘世之情 無心外之夢,其誠 之不夢者已久矣,吾其終焉已矣。 吾之衰甚矣。吾往者蓋恒夢見周 魯,從事於删定,以明道於天下後世 三代之英,吾有志 其夢 亦異。 後世 孔子,妄而 而不欲終隱 至也。 乃歎曰,世未 如王通、許衡之流 區者能勿媳 道不可 已矣。 也。 可 行,志之 公,而 也,固非 乎! 蓋聖人 夫聖人 乃今者 了其志 忘也 今

子曰:「志於道,

適者正 閒所當行者是也。 志者,心之所之之謂。 ,而無他歧之惑矣。 知 此 道 而 心必之焉 則 人 倫 日 則 用之 所

據於德,據,居御切。德,本作息

者也。得之於心而守之不失,則終始惟據者,執守之意。德,則行道而有得於心

而有日新之功矣。

依於仁,

依者,不違之謂。仁,則私欲盡去而 之孰,無適而非天理之流行矣。 德全也。功夫至此而無終食之違,則存養 心之

游於埶。」埶,俗寫作藝,不成字。

行。 之爲 隙 道 闕者也。 游者,玩物適情之謂。埶,則禮樂之文,射 則本末兼該,内外交養,日用之閒,無少閒 於此,有以不失其先後之序、輕重之倫焉, 心而不失。依仁,則德性常用 磨務有餘,而心亦無所放矣。 御書數之法,皆至理 而 ,則心存於正 學當 游埶,則小物 涵泳從容,忽不自知其入於聖賢之 如是 朝夕游焉,以博其義理之趣,則 也,蓋學莫先於 而 不遺 不他。 所寓,而 m 據德,則道得 動息有養。 日用之不 此章言人 而物欲不 文 志。 學者 於 志 可

域矣。

違。 以 即求盡,0而 也,不可踰乎道也。 也,必允合乎道 訓義夫子列爲學之全功以 者,尤必求其體驗焉。 吾身者也。 吾心,患其未 也,必求盡乎道 之於道。 之者此道。一事有一事之道,合萬事而 而可勿志於道乎? 所學者,道也。 體而驗之矣,則天下 苟非其道,則人失其 遵之以 道雖 一理之誠可 有德耳,有德則可 也。 也。 行, 一日由之者此道 不違,而此 始之立其 道在天下, 終之遂其 繼之貞其 IIII 雖有甚美之名,可 誠可 人道立,天道 自信 示 倫,物失其 以自信矣,可 人曰 即即 心之未能 志,勿 志,勿 志,勿自隘 據矣。 而得之於 可守之終 ,終身由 ,學者之 亦 自 自 理。 道 任 統

水」 啖柘山房本作「未」。

古之人 德之果 至虚 以 平 也。 亦與 執。 德 之果不 所自攷,深於其 之不含,天理於是 時,道不可以外求,執德之際,德 心之未 私之妄起,天理於是 可 見之功 離也。 一、徳即 知 ! 則唯吾心之仁 天 涵 至 静 依也,不使一念之廣生大生者有 與 地 有 明 與 動 以 而 日 吾 先 非道者等也,所必志 或 依 民 乃若事之未感,道 泳之,曲 發 新 德 勿 蔽 獲我 也 物之涌 起 而 不可 疑 也。 一,動 吾 理,而吾心之與古人符,合 心幾於化,而 焉 心 心之生理, 暘 而 亦與依 若夫道之所自著,德之 者然也 以 育於一 爲可依也。 而 行焉。 IIII , 雾求。 志 凝 旁 在 焉。 也,不 通 於 念之中 所必 之,乃 動 不 則 抑 道 所 也。 動 與依 可以 必 · 使 一 在 則 静 據 據 不 面 乃以 游 篤 以 可 者 據 而 m 也 無 豫擬 也 念之 於 志之 從 知 無 以 即 息 容 埶 物 力 73 知 道 静 在

> 之益。 始,即 以 四 學之道,止於至善。 微,合之而 廢 聖人之言深切著明 者循序而漸進,不亦異乎? 自 無 遇 無偏至之功。 學聖之功,全於是矣。 也 面 無 交至之功其 可 不依 緩,分之而 也 矣。 君子之教,中道而立。 成德之餘,不 故 用 用 而後之學者 此 則 心 四 之際 者 鳴 無 嘑! 舍交資 志學之 其 以 辯 面 爲 其 大 口

子曰:「自行束脩以上,吾未嘗無誨 脩,脯 則 但 具 以爲禮,束脩其 無 此 不 知 理,故聖人之於人,無不 不 也。 有以教之也 來學,則 無往 爲 至薄 東。 教之禮 者。 古者 蓋 故荷 人 相 欲 之有生,同 見 其人於善。 焉。」 以 必 禮 執

訓義 施 不容自已之心而 而 夫子曰,吾之與學者 安能已於吾心哉? 己。 道 無 相 始 미 接 來學者,執 吝 也 教 唯 無 因 不 吾 可

未能 吾 脩 圃 則 以 示 之行 因 見,則已有 行 其 m 活,其 所 勉之以 可 知 志於學, 未 而 行焉,未嘗無 能 示之 知 而引之以知焉,其 知 而 焉 願受教於吾矣。 因 有 其所 以 海之 可 行

子 一隅反 Ė 神 4 m 「不憤不 明之,下學而 則 不復 也。」憤 啟,不悱 上達,存乎其人而已矣。 ,房粉 不發。 切。 悱,芳匪 舉一隅 切 不以

也。

蓋

教

者之道固

然,

൬

吾

不

容

有

倦

也

者,還 辭。 告爾。」又曰: 言聖人誨人不倦之意,因并記 勉於用 m 憤者,心 而 憤、 後告之。 未能之貌。 悱 物 以相證之義。 誠 之有 力,以爲受教之地 求 意之見於色辭者也。 通 既告之,又 四 而 啟,謂 「不待憤 隅 未得 者 之意。 復,再告 開其意。 舉 悱 必 待其 也 丽 可 悱者, 發 也。 知其 發,謂 自得 此,欲學者 則知之不 待其 程 上章 = 子 乃 達 欲 誠 Ė 復 Ė 反 其 至 言

能堅固。得其憤悱而後發,則沛然矣。」

之僅一 訓義 告焉 由 不 然罔 若不 悱懣 必待其有深求之力,而心不能決之,中懷 矣,不啟也。 啟之,即 之於可知不可知之中,而悠悠自 之志,而 所啟焉,以 之公,而 示以方,而 偏 知 以 其 測 悱 而 夫子 事一 者, 若 得 所 ,雖與發之,即 難言,乃一達其情, 抑以 識 不 全 日 以 疑 不能 開 初 隅可 理,尚 教 然矣,不 有 有所發焉,以 欣然 則 示 無 以 流有若. 所不教以待人之悟 人者 爲 及之,自 其 推 不必 隅 所 有 請 以 固 未知,必待 無 元 發 知若不 事 能 以 2然,亦 窮者 也。 미 也。 隅 信 懷 無 反 達其 以 憤 而 則 有 若不 在 知 知之機,而 爲 憾 曉 必 且 不 一,待 隅 有 實 然 以 所可知者 視 有 教 (,然而 任 其 憤者,付 自 不 理可 更端 其 爲 而 爲 序, 蛮 信 雖 求 固 與 四 故 也 進 與 終 茫 伙 通 以 有 善 隅 而

得在 隅 之何徒吝此,而自反以自勵也與一 學者於不啟、不發、不復之下,亦當思 君子之所不屑,亦君子之所不忍也。 專、志不致之士,則徒以多言謝教者之責, 是者, 豈教者之有隱哉? 之越此之不知以求彼之知,則不復也。 益 端告之,彼 彼 求 一,則 舌 亦 夫 彼, 미 無 衆 必使之尋究于一理之始終,而 類 多 理 雖 一,於是 聞 推 以 徒 而 誨 貪 而 無實之患。 而 人不倦之情,而 未聞之新 不能以三隅反 復焉,我 <u>m</u> 若舉 無 蓋教在我,而 夌 不 也, 一隅矣,三 越之施,而 務 施之心不 又以 自 君子 然則 求 勿 自 使 若 他 之

子食於有喪者之側,未嘗飽也。

子於是日哭,則不歌。 臨喪哀,不能甘也。

哭謂 歌 也 弔 哭。 謝 氏 日之内,餘 E 學 者於此二者, 哀 未 忘 自自 可 不 見 能

聖人情性之正也。能識聖人之情性,然後

可以

學道

數,可 IIII 歌 之誠 見 也。 若其 禮成,不盡 吾嘗憶子於是 之外者。 容 怛之誠, 訓義哀樂之情, 加 而未嘗飽也。 夫子 念之,則 飽 不食也。 則當哭之下,其必 哭 倏 夫人孰不知哀樂之有定情,而求其 於哀,而 以 食於有喪者之側矣。 而 罷 歌 肫肫不已者,非聖人不能。 食且 哀、倏一 果之不安,而 也, 而 非在 日 歌 有 而 是夫子之誠於哀,而忘乎哀 不飽,況他事之分其念乎? m 日 吅 哀也。 不 餘 五服之中,不必不 是 面 樂者,必其 相 於 不 哭 日 爲 哀之 覺 哀 他人之喪矣。 則 非在不御琴瑟之 兼, 理 又 不 而 之不 後 印 歌 有 自 與之襄 知矣。 者。 哀之不 然 也 然之 順。 者。 終 是 食也 理 事,不 哭之 吾嘗 - 至者 夫 日 夫子 夫 而 也 食 子 不

何以如是其必中乎節也? 盛德之至,抑

豈易及哉?

子謂顏淵曰:「用之則行,舍之則藏,惟我與

爾有是夫!」爾,當作介。

命不足道也。顔子幾於聖人,故亦能之。」尹氏曰:「用舍無與於己,行藏安於所遇,

子路曰:「子行三軍,則誰與?」

夫子獨美顔淵,自負其勇,意夫子若行三萬二千五百人爲軍。大國三軍。子路見

軍

必與己同

必也臨 子曰:「暴虎馮 事 而 懼,好謀 河 死 而 丽 成者也。」馮,皮冰 無 悔者,吾不 切。 與 也。 好

本作

玻

謝 成 氏 行 師之要實 日 成 徒 其 搏。 「聖人 謀 馮 不 言 河, 於行藏之閒, 外 此 此,子路 徒 皆以 涉。 抑 懼, 蓋 其 不 無意 謂 勇 知 敬 而 也。 無 其 教 必。 之, 事。

> 不謀 子爲 其 益卑矣。 未 則 三軍乎?」 能 不 行 無 可 用 非 無成,不懼必敗,小事尚然,而 貪位 古 以 而 夫子之言, 與 必也,至 求 於此。 行 其 ,舍之而 藏 以 子 非 蓋因 行三軍 路 獨 不藏 善 雖 其失而救之。 也。 非 矣,是 爲 有 問 若有欲心, 欲 门,則其 心 況 以 於行 惟 夫 論 然 顔

其於出 於私 訓義聖人之道大矣,學於聖人而能合於 之念者,未見其人。 譍之,而幾乎聖者不易得已。 之以審一事之安危,唯聖人無不如其道 持之以慎。 無欲,成之以無私, 無事不中於道 人之道者 意 不存, 處之際 難 大之以 矣。 不 而 任乎 已矣。 以 要 譍 利 III 而 故或所見在仕, 天理之公,而 欲 乎天人之理數,而 進退存亡之樞 論之,聖人者 中道之功,始之以 爲 念者,有矣。 聖門諸 無 則有 機 亦 古 則 唯 聖 必 小

與? 於道 己私 決於進,有時 心 理 我之自然者矣。 吾心之必 我,則道宜藏也。 可 夫道之行 時 也,有可 必於是矣。 心、後無疑似之見、而當 面 不 行 ,爾與我 隱 不 而 - 違仁 者。 可 也 尤 如 子 仕 殆 因 卑 其 2然,以 獨 而安於其 而 乃 於聖乎 道之藏,必以 有 天下者在 矣 理 仕。 深 至 乃 加 同 以 以 哉 有 以 此 勇於退,己私 道也夫! 成 用 吾反 得其道者 所見在隱, 以 省 而 乎理 因乎天下之固然,而 理 也。 信 雖 也,不 間 於 若子路者, 而 顔子 然, 動必 爾, 日 之宜 天 其 自 舍也。 子 下之 思,先 繋於 時 即 鳴 有 · 而 中 則 亦自有 然,亦天 未盡 嘑 無不決之情, 以 行 可 禮 有 用 謂 天下 私 行 自  $\equiv$ 無取 古 時不宜 面 之日, 我, 不 前 信 三軍 此顔 軍 有 不 其 之 則 違 者 人 則 繫 必之 不 時 本。 言 於 子 於 在 物 舍 誰 丽 順 道 今 隱

不懼。 哉? 虎也。 者之一 之生 其死 聖人 情 之言,固以折子路尚 無行之之道乎? 不 IIII 敢之心,將之以不忍之意,慮其敗 是者,而 死 有 故 功 形 道 所 即 慎之事 党 演爲 焉。 可 死,吾身之輕 與 事 也,則亦以 吾所 必 不恤 往 者 審之於曲 以 而 可行三軍乎? ,臨之以 其 幸 , 抑 告之日,夫行 不 而 與者,當夫臨 謀 成,吾所與者在 而 險 能 可 非子之所 丽 不 難者,是馮 與 行 爲 多 死, 直之老壯 乎?  $\equiv$ 吾 必慎 義 方以 重 軍 又何 在 則 勇之心 丽 丽 之心 三軍 必 虎 知 不 求。 家國之安危,人民 事之際,持之以 口 河也。 並 往 敢 可 也 畏 ,詳之於 唯 是。 爲 暴, 邨 亦 而 以 M 吾意之欲 而 顔 何 可 子 自 與 一危者。 此行 河 二者皆有 行三 蓋 無 將 子 也 行 有 可 處 彊 而 悔 道 病 無 三軍 馮 軍 夫子 不得 不 是 弱 謂 軍 哉 容 不 爲 吾 勇

安,自 mi 軍 則 有 勝 偂 之道, 知此 抑 本 以 用 死 人 中 而 行 不 繼 夫 則 亦 不以意 舍藏之道 始 可 不 之 出 學,而 之以 外 處 哉 氣之私 乎此。 自 其 然之節 所 미 此 八難其 固 學者 顔 即 有 處 子之所 傾之心 此 不 何至失 道 而 以推之,持之 口 也 即 知 推 由 之理數 以 身 使子 之以 不 於 勉 路 可 衞 而 行

之。 子曰 以 求之 執鞭 求 取 爲 富 : 辱 明 富 賤 如 其 哉 可 役 不可 也 而 富 賤者之事。 一一豈問 得 不 决 而 求 求之, 求 不 也, 可 以以 從吾 可 其 蘇 則 求 求 其在 可 氏 安 亦 也 爾。 設言富若可求,則 所 不 於 E] 所 天,無可求之道 可 好。」好,本作 雖 義 不 楊 哉? 執 理 辭 聖 氏 鞭 而 一人未 之士, 已矣, 然 爲 有 政 此 嘗 君子 命 語 有 何 吾 也。」 焉 者 非 意 必 雖 亦 惡 特 於 徒 非 身 爲

之所以 道所可 擇 天理相 之爲 豈非 訓義 役 下 富 尤 盡 M 可 今人之 不審之於 日 無所 雖 哉? 惆 求 1 侕 求 而終身之圖 列則 以 決 思 若 夫子曰 乎 悵 爲 者,無 矣。 爲 負疚於神 求 動 固 違 ? 以 而 悔之。 道之所 執 一,求之 人,君 富 與 先 趨 有 不 鞭 如 IIII ,天下事 知 道 丽 而 巧 所避於勞辱 疏 之 使 然哉? 吾 僞 所 違 能 抑屈 子之所以 士 而 度 食 在 人生 明 **前** 所 悔。 持之於後者,未之 卒, 毁 飲 唯 不 矣, 好 理之所 與 在 亦 廉 水 抑其心之所不安, 退失其本 之得 者, 夫 吾 乃或至於辱 則又奚貴賤 人 論 恥 而 於求,求之 亦 亦 也 志 爲 情 其可 以 無 失莫 念富之可 爲 宜 君子, 不 相 媿 可 之。 如其 力 心之 憂, 降 拂 不 天 甚 也, 可 之 而 於 求 授 審 勞 見 人賤 何 有 好 而 所 之天 富 求 身不 不 則 之 乎 也 逸 爲 惡 己。 也 與 則 不 則 X 必 不 不 行 ? 口

及

也

昧,所必豫計之矣。 審之,富可求乎? 無慎於所 力制其心,但有求之之迹 是,決於從之而已。 辱 也,仰不 爲 媿也, 俛不怍也。 哉? 嗚嫭 則但 不可 有求之之心而必 求乎? 丽 人自思之,人自 必遠其迹,能 吾所好者 心之不 在

子之所慎。齊、戰、疾。齊,側皆切。

者,皆不可 之存亡繫焉。疾,又吾身之所以死生存亡 饗與不饗,皆決於此。 者,以交於神 齊之爲言齊也,將祭而 無所不謹,弟子記其大者耳。」 以 .明 不謹 也。 也 誠之至與 戰,則衆之死生、 齊其思慮之不 尹 氏 不至,神之 曰 : 「夫子 齊 或

者,未 事 訓義聖人從容中道,而法天之乾乾惕 丁,其 (事之無微或忽,益以知 心 當 與 不 事 慎 八馬。 而 交慎 乃 者 慎 一, 吾 存 心之專志而無他 乎 得 心 而 圃 記 之。 不 形 若 由 T.

> 如斯夫 焉。 也。 積,備已豫,道已盡,而於事尤不 易格,國家之安危、生民之生死不可 於無疾之先,静調之於有疾之後,若唯恐 之而若有所懼 恐其不肅者。 爲親之身,而命有天之正而 其輕生者。 輕,若唯恐其致敗者。其於疾也,謹 況吾黨之學聖而不至者哉? 其於齊也,居食之閒,言笑之際,若 雖聖人 將欲 其於戰 之自然合宜 有 也,未有其事, 事 則 不可 審之而 前 妄。 可 神 猶 忽,有 '忽,身 誠 持 則言 明 必 不 之 敢 己 懼 唯 不

樂之至於斯也!」子在齊聞《韶》,三月不知肉味,曰:「不圖爲

備,而不覺其歎息之深也。蓋 之作樂至於如此之美, 味,蓋心一於是而 史記》「三月」上有「學之」二字。 不及乎他 則 有 以 也。 非聖人不足 極 其 日 不 不 情文之 · 知 肉 意

味,而 樂之 以 及 此。 無 歎美之如 以 加 范 此 氏 此。 也 日 誠之至,感之深也 故學之三月,不 「《韶》盡 美 又 盡 知 善 肉

聲容 訓義 始 善矣,吾亦 見。 忘肉 有其 而 則在聖人亦必深心 地之化機、悉於此乎寓 韶》樂以象之,其以感人心之和平而體 揆,固自然而 洗 知 聞 矣,乃 馬, 乃歎 味 唯聖人能 其 心 由聲容 焉, 藏 不 其大端既已悉喻矣。 敬仲 日 密之功 盡 知舜之爲《韶》樂足以極古今之 未 面 也。 嘗 吾知樂之足以極乎天下之美 後 耐 奔 知聖 學之。 得樂理,蓋學之三月,至於 其 相 齊 也。 未 喻。 妙 前 潛 人。 樂 悉 體 齊有 也 夫舜 不 見,其 之。 其道之合符、心之 然其獨至之神化, 而 圖 後 乃 之。 治 陳修世守 度 得之,此則聖 至於斯乎 所 圃 定 今學之,而 以 夫子在 由器以 功成 妙 者 作 悉 得 齊 面 天

人

在是,不亦罔乎?

自信 凡 精 之於樂必學之,至於 成德、舍此其 者,皆於斯焉 而 於《韶》也。 廢、紹》之所以莫能 不可 微 天下之理 以易測,則學者之輕於言道 言 以清 也。 明言 廣大 無 至 誰 見 不盡於樂也,樂之理 於 與 矣。 也 而 斯, 歸 一精微 不可以 哉? 尚,舜之所以 忘味以學之, 王者之制治 而樂之所 曲 嗚 廣大言也 盡 嘑 何 以 抑 而 以 君 不可 必 無 丽 不 子之 日 且 聖 不 可 清 不 古 X 及 不 以 明 杰 可

吾將問之。」 冉有曰"「夫子爲衞君乎?」子贛曰"「詳

是晉納 以蒯 爲 疑 世子蒯瞶,公薨,而 猶 而 問 瞶 助 之。 蒯 得 也。 # 瞶 諾 於 而 衞 唐 解 父, 輒 君 拒之。 而 或 出 也 輒 人立 公 嫡 時 輒 孫 孔 蒯 也。 當 瞶 子 之子 立 居 靈公逐 故冉 衞 衞 有 人 於 其

怨?」出,曰:「夫子不爲也。」人也。」曰:「怨乎?」曰:「求仁而得仁,又何人,曰:「伯夷、叔齊何人也?」曰:「古之賢人,曰:「伯夷、叔齊何人也?」曰:「古之賢

此,則 於首 馬 伯夷、叔齊,孤竹君之二子。其父將死,遺 之,其不可同季而語,明矣。 而 所以合乎天理之正,而即乎人心之安。 爲尊、叔齊 怨之有? 不斥衞 居是邦,不非其大夫,況其君乎? 國人立其中子。 命立叔齊。 父命也。」遂逃去。 m 各得其 陽 諫。 其不 君, Щ 武王 志 爲 若 而 遂餓 以天倫爲 父卒,叔齊遜伯 焉 衛君 衞 以 則視 滅 夷、齊爲問。 輒 丽 其後武王伐紂,夷、齊扣 商,夷、齊恥食周粟,去隱 可知矣。 之據 死。 重。 棄 叔 其 齊 怨,猶悔 或 其遜 亦不立 或 歫 蓋 夷。 猶 父 夫子告之 伯夷以父 國也,皆求 加 也。 伯夷 程子曰: 而逃之, 故子 唯恐 爾, 君 E. 既 失 命 如 贛 子 何

> 悔。 伯 夷、叔齊遜 夫子以 爲 賢,故 或 加 逃,諫伐而餓,終 知 其 不 與 輒 也 無 怨

非也。 矣。 不懟,存乎已者也。 安能不懷怨懟於父? 如其逃去而 即不然,而亦可安處宗邦,爲衞之鎮公子。 也, 輒而 子郢不受,其處此 人之心而迎父則國人不聽,讓之公子郢 瞶挾晉以争國,而國人必不與焉。 訓義 志,或他日者 不孝之尤也。不如立乎其 寧者,實父之使我然。 使幸而 蒯瞪見 而或又疑之,以 果有人之心,則 身之安不安,存乎人者也。 無此,則 逐於父,國人奉 旅食他國、貧 尚有 亦難矣。 미 此可以自主,而仁不 輒 奉養之事 爲 唯有逃而 若曰我之飄 則有懟父之心,亦 固 輒 賤 他 位 者蒯 雖然 輒 日 以終其身,而 ,以聽國人 加 口 乎? 去之 瞶 立之。 ,無難也 以 摇而 心之懟 輒即 有 嫡 而 而 或 已 蒯 抑 不 而 有

夫子謂

其

何

人也?

必

推

致

其

爲

其

爲

而

也,或以爲行

贛直

取

夷

齊之心

丽

論

之必至,

而

問

E

無所

疑以

成

其

讓,在古

而抑

國,有

必

諱

也,而

而問

曰,伯夷、叔齊之事

惟然,吾亦

安能決之?

決乎?

子贛

**譍之日** 

子之經

唯

理之當

然,而

命,

而

又有

而

抑未

去,爲

衞

君

否

乎?

冉

有

疑

而

謂

子

贛

日,

夫子

也

則賢者

奉

疑

於情有

仁從

此

分焉。

而

心

日

子不

爲

於首陽

也

桂切。 其中 子曰 矣。不 樂、音洛 飯 疏 義 食,飲水,曲 而 富 且 貴 、於我 肱 加 如浮雲。」枕 枕之,樂 亦在 竟

貴,視之輕 動 視不義之富貴, 然天理,雖 飯 也,雖疏 於其中也 ,食之也。 食飲 如 處 浮 水不能改其 疏 困 食, 雲然。」又 如浮雲之無 極 程子曰:「非樂疏 麤 而 飯 樂亦 也。 樂 (日: 二 無不 也 有 聖人之心 ,漠然無 須 ·在焉。 不義 食飲 知 之富 所 二,渾 樂 水 所 其

者。 訓義 口 不有 者何事。 有之,處困窮而無不自得, 此其心體之安於仁而順於天,有不可名言 <u>而</u> 也,飲水可 其樂焉者在乎? 聖人之心,渾然 而以情言之,則謂之樂。 託 之境遇以自 也,無求飽也。 言曰,夫 天理,有天 以今言之,飯 蓋有真樂存焉 曲 人亦 夫子 肱 下 欲 安 而 而 枕 疏 往 以 若 之 示 食 m 固

> 聖人 富貴, 矣。 也。 貴,如大虚之中忽 豈樂之所能 之所以自得於心,而可以與天下共信 可也 全吾性之所 吾性之所無。 所有,而必不終有也,其於我何哉? 之不遠,而 何不遂? 盡 天不 嗚 則 無 嘑 性 求安 以 1 我 而 心之自得, 何 義 違,而 盡也 有 人能知吾性之所有, 所 其 也 然能知吾性之所無,或不能 爲 疑 哉? 心不易言。 取 性之所不全,而 何 而有浮雲焉,非 於道? 即 舍 不適? 此 矣。 而何自逆吾心 想之,樂亦 使不 誠 謂之曰 物皆 樂矣。若夫 義 情 我 大 則 而 在 樂,抑 以 ? 備 虚 其 能 之者 此吾 富 之 知 FI. 道 而 中

過矣。」 子曰:「加我數年,五十以學《易》,可以無大

劉 論》,「 聘 君 加」作「 見 元 城 假」,「五十」作「卒」。 劉 忠 定公,自 言 嘗 讀 他

也。 字 存亡之道,故可 記》作「 易》道之無窮,而 加 相 子 「加」正作「假」,而無「五十」字。 學《易》,則 似 季 已 假」聲相 假 而 我 誤 幾 數 分 七 季, 也 明 近 以 十矣,「五 乎吉凶 而 言 無 若是我 愚 誤 此 大 按 讀,「卒」與「五 以 過 消 教 此 於《易》則 十」字誤 長之理, 蓋 章之言,《 聖人沒 使知 進 其 無 蓋 彬 + 見 史 退 疑 是 彬 不

乎! 哉? 訓義夫子曰 順 者之成 下之無窮, 前 肾情 季 ·
乎,
而 今者吾學焉,而 不使 天之所 乎閒 於《易》。 載 而吾 可 天 斷 物者之或有未厚也。 以 以 也。 地 健,學其 心 卒 《易》道之無 無 萬物之理、天地 吾學《易》之事 地之所 窮之理 尚未 至健,而不 逮也。 以 出 順, 焉 窮 學其 使 使 豈 以 萬 六子之 則 假 有 易 譍 物 庶 之 至 怠 幾 我 學 天

不

可

得而

聞者

要

在

默

而

識

之也。」

氏

日

「此因學《易》之語

而

類記之。」

.

子所雅言、《詩》、《書》、執禮、皆雅 言,非 以道政事,禮以謹節文,皆 雅素之言,止於如此。 故常言 雅、常也。 《易》之理,聖人之學,豈易言哉 以吉凶悔吝,言幸免於過者,亦陋 得 而 無 流 變化,五十六卦之時位 其情 大過矣。 成 不 平 滯 獨 之。 各得 疏 誦 而 漏 執、守也。《詩》以 説 會 禮 而今尚 也 其 通 而 獨 (理,以 於易簡 已也 言 則 未之 以 執 隨 譍 者,以 道 若性與天道 逮 不 攸 乎 切 程 使 極 也 往 夫 子 於 其 理 而 道 地 E -情 言 ? 日用之實 全,學其 鳴 不 有 所 萬 矣哉 性, 也 惑,可以 嘑 所 執 彼區 物 未該 孔 則有 守 而 書 子 而 大 周 晶 各

訓義夫子之教人,皆以使人躬行而心得

之。

然必有所徵於古訓

以

示其當然,

三八五

可不學,而

又不

可

以易

而學也

焉,則 興起。 求其 而不 善其事 求其 己。 及者 使 而 此三者,皆人道之當然,而 雅言禮之當執 後 動 八性情 1,以時 可不及。 節文之當 미 於不容已。 夫子雅 性與 以以 與 雅 人德 言《 之正 使 警其 天道亦漸可與 言之,以 書》,以 知 以以 故雅 也。 而已。 而已,求其 (情而 必有節 學者之所以 別嫌 皆雅 言《詩》, 學者之必雅 酌 發其 故夫子有 明微 古治 而 言 聞, 不可 性 事 也,由是而 日用之必不容 以咏歎淫 圃 以以 今而 理之通 未 而 固守之。 過,必有 盡 :所言 信 夫子豈 效法之。 言於是, 於善者, 其 而已, 深求 供 理 而 凡 有 必 而 文 而

葉公問孔子於子路,子路 也。 故子路不 公,楚葉 葉公不 對。 縣 知 尹 抑 ŦL 沈諸梁, 亦以 子 必 聖人之德,實有未易 不對。 有 字子高, 非 所 葉、舒 問 涉切 而 僭 問 稱 者 公

所吝乎?

名言者與?

以忘憂,不知老之將至云爾。」」樂,讀如洛。憂,子曰:「女奚不曰:『其爲人也,發憤忘食,樂

當作恩。

致思焉 以 未得則發憤 能及者。 見其全體 足,但自言其好學之篤 是二者俛焉 至極純 蓋凡夫子之自言 而 日 忘食, 有孳 亦不已之妙,有非聖人不 已得則樂之而 孳 耳。 而 類 不 然深味之,則 如此,學者 知 季數之不 忘

矣。 全體 其 訓義聖人德成而大用章焉。 知 蓋有不易 人之體,而欲以言擬之。 不能見其妙焉。 至極之理 葉公問 ,則若可 知 孔 ,在聖人之心有 者。 以數言盡之,而 子 於子 然 故 而 欲 路,不能沈 人 知 猶 子路 聖而 得 其 其用之大也, 非聖人之自 mj 純 言之, 不對,固 潛以 見之。若 一不已之 窺 亦 以 聖 難

定也 之,固 之流 忘食 吾有 聞 達 雖 我 憤,於樂 心 聖人之大用 於今,老將至矣, 有所欲得,不 口 日 以告之曰 乎 語 豈 無 而 然 一心自 矣。 者 有 如 自言 聖心之藏 異。 行。 不 ,子路 無 哉 難 是,終身 可知者 有不 而 及其若 無理 知 子 日 樂,憤 順 能 ,夫其爲人也,當其有所欲 由由 如 Ifri 無方,不 可 也, 自 知 外 存 難 是 也 以 則 夫 弛 如 言 之心,則 而 加 不 樂 有 以 固 示 子 是。 乎? 也,不姑待也, 難 不 損 圃 馬 所 云, 人者。 有 神 可 以言 遂窮於言乎? 自 其 得,若無所 丽 難 有 以 化 加 知, 樂,樂不 忘憂矣。 言者。 無 亦豈有 言 生 足 不 虚乎? 女奚不如吾之 心外之身。 一之日 測 以 憤 盡 樂 杰 之 也 於是 所擇而 一,皆此 喪, 用 忘其 我 相 發 而 於憤 吾自 仍,今 歫之。 憤 爾 情 抑 夫 加 爲 憤 矣。 至 焉 後 自 思 以 7 未 心 mi

> 也。」好,本作政。 子曰:「我非生而知之者,好古,敏以求之者

實也 生而 勉人 名物,古今事 日 而 . 知 也、蓋生 知之者,氣 也。 孔子 敏, 以 生 而 變,亦必待學而後 速 知 質 可 也,謂 之 知 清 聖,每 者 明 義 汲 義 理 云 汲 理 爾。 好 昭著 也 學者 有 若夫禮 以 不 驗 非 尹 待 其 氏 惟

矣。 訓義 曲 也。 所知 不知 官 我 由,我知之矣。 知之矣。 之宜,我 ,我未嘗知之也。 夫子 其 夫我豈生 者 而古之聖人之所 所知 不 E 未嘗 知其 一吾聞 者 而 所 何 而 而 知 修之德 與 如 能 古之聖人,有 所 之 古 也。 蓋生之不 知哉? 也 由 知 之聖 之道 我 以我自思之,吾之 ,中乎高 德之不可 人 亦 道之不 盡 所 庶 能 生知者 知 乎人官物 明沈潛之 幾 盡 者 平 不成 知,吾 미 知 何 不 之 如

不 明 我 抑 所 好,求焉 不 知,明矣。特於古 夫子自謂 我之求者 也,不求可 使天下而 之,誠求之,求之誠有不已之功,而 亦 IIII 不及,於是而古之聖人之所知,我 者, 可謂 心 미 高 相 修 猶 學,不 明以 明 承 之安者 夫人也 唯敏 純 非 以 而 乎? 非生知,則天下之理不可 立 敏 粹之不可及。 天 果有 可學 也 如聖人之敏, 以求之而 3,然而 人 求 授之才。 口 極 而 好 不待 學者 而 不然,亦 者,我不知 後 也 終 而 固 得 能 能 所宜 求 田 況 乎? 後得 精微 學 知之。 好 而自. 孰有 此 則 好 也 ,於求而 自審矣。 已如天行之健, 也。 則 焉 廣 其 我 知者,洵生 如我之好、 大 聖 而 則 生 則古之聖人 故 人 如 而 見 而 能 知之矣。 可 聖 我 唯 以 鳴 理 其 能 融,亦 學 人之 生 嘑 恐 誠 日 # 乎? M 知 如 知 其 好 以 獲

> 所 德 也。 語 窮 怪 異、勇 神 而 理之至,有 不 0 語。 不 謝 語 力、 鬼神造化之迹,雖非 氏 力, 悖 日 未 語治 亂之事,非 易明 聖 M 者,故 人 不 語 語 常 理 亦 亂, 而 之 不 不語 不 E 語 輕 正 人 以 固 怪 而 語 然 聖 人 不 語 非 人

訓義學 之不 矣。 美, 説。 若聖 焉 異 或 面 夫聖人 聞 聞 我 或以 夫 天 論 始 賢智者 人之所 m 而 終計 之以 人 下之變異 不 相 愚 者欲學 爲惡,未有視之爲無足 告 議 不 有 之,則 者。 者矣,或疑 詔 矜 肖 不 矜 學者,精粗 其 語 聖人之所語, 者 勇 人荷 乎? 子則 博 惑 力 有 辩, 而 不 於 未嘗語 語 道 之,或信之,未 流 弗 丽 而 者焉。 之 俗, 語 如 小 不 者 不 大 焉, 自 有 m 也。 矣, 聞 重 無 難 知 相 則 夫人有 其 所 輕者,子 至 習 或 如 夫豈 可 擇 者 邪 以 不 有 以 不 矣。 也 淫 爲 見 置 侈 不 稱

子不

語

怪、力、亂、

神。

亂

當作濁

屑語 化,則 亂,況 乎? 不 以 語之。 言人 深意,終日言而 起禍 則 於氣之屈伸,物之變化,知若不知 不知夫子悲天閔人之心何如,而 述之,即 倦 弗之逮乎 明示焉。 未 也,不 事 而 釁之事,聞若未聞,未嘗驚以 嘗 本天以徵人,亦以 乎 Щ 吾不知夫子格 不及焉,乃學者不知學夫子不 則言神道、況 語 不 當 無 也。 忍語 世 喜亂,而以是爲 所 然則此 獎,無 之多亂 夫豈 不能舍,此亦何難杜口, 也,不易 派所懲 四者,誠 人亂 不知當 继 乎 明道 窮 所學之已窮神 語 焉。 政 微之 憂則 也。 不 丽 世之有其 則 言治 可語 智何如 非爲妄,則 夫子 聞 語 於蔑天倫 不未嘗 告人焉。 之。 之 則 也 語 誨 而 必 人 不 知 之 題 而 而 人 吾 遂 言

從之,其不善者而改之。」 子曰:「三人行,必有我師焉。擇其善者而

> 我 而 惡,則我 三人同行,其一 師 内 也。 自 省, 從 其 則 尹 善 善 氏 我也。彼二人者,一 而 思 日 改 皆 : 其 我之師,進善其 見 恶 賢 焉,是二人者 (思齊, 見 不 有 賢

窮乎

有不 焉。 俗 擇 也 如 訓義夫子曰,人 之閒,有 求人於道 已矣,見其行 故有二人與 其無所觀感乎? 是其 而 相染 皆 從 知 天理未忘於人,則 斯 之, 昭著 圃 爲 貞 道 不知, 一,則 善 擇 邪 無隱 我 也,人心之變動, 而 必有 焉。 焉 而易 並 天 而 則 而已矣。 行於此,人見其爲三人 之 機 我 有有意於不善者矣,有 相 自我言之,天理之得失, 有志於善, 知 藏, 之自 師 也,從 形 有欲 焉 而 相 動 矣。 可 我體道於人, 挍之中, 者 而 爲 善 如是 則 易能 善 夫一言 吾 而 亦 矣。 益 善者矣, 有 其 何 也。 者 是 我 無 一動 患 也 習 則 非 而 窮 平 m

道,而 自 擇而 用 何 斯 不 誠誠 患乎 人 意 省以求之,尚可爲學聖之階乎 爲 其不善 易知 未易及,而 日 無 羣,終日 與 所觀 也 道 ],改而[ 而不善者矣。 遇 感哉? 也。 而 由見賢思 易能也。 與 嗚 斯 此吾之以 嘑! 理 之存亡爲 齊、見 我則 夫人終日 此夫子之妙 擇而改之, 不遠 不 賢 昭 人爲 加 而 詧 内 崩

子曰:「天生德於予,桓魋其 桓魋 桓氏 天害己 是之德, 宋司 魋 則 欲害孔 馬 桓 魋 向 其 子,孔 魋 奈 也。 我何? 子言天既賦 出 (如予何?] 於 桓 言必不 公, 我 故 能 以 又 稱 違 如

子,而 子曰 兀 君子之自審已定。 訓義夫子 肼 1,是無 風 予即 雨之變,或興匹夫匹婦之怨尤,而 遇 庸憂 凝之爲德。 桓 魋之難, 也。 予之生也 夫天下之變無 予之德,天之德也。 或驚 以 ,天以其理 相 告, 常 面 生 夫 而

> 子曰: 二三子以 吾無行 在己 之遇變而 道足誠至 也,恒謙 桓 加 無 私 魋 害者,一念之狂。 而無所 而不與二三子者,是丘 其 順譍之常, 如 讓 一,坦然三 反求諸己, 予 而 讓,豈但以安從游者之心 何哉? 不居聖,至此 我爲隱乎? 示 自有不震不動之定體 人以 無 不能違者,自然之理。 嗚 爲禍 미 嘑 信 1 則直 福所 也 吾無 夫子之自言 抑 惑 以 任天德之 也 教 乎 學者 哉? 爾 欲

及,則 EI: 夫子 勉思企及,而才氣高邁者亦 教,常俛 及之,然後 有隱,而 諸弟子以夫子之道高深不可幾及,故疑 以此言 趨 聖人之 嚮 不知聖人作止語默,無非 而 知其 之心 就 曉之。 道 之 高 如 不 猶天然,門 且遠也。 此 幾 與, 於 非 怠 猶 獨 乎 不敢 弟 示 使資 使 也 子 誠 躝 質 故聖人之 親 以 教也,故 易 庸 爲 炙 而 而 下 不 進 口 冀 其

不詧。」 昭 也 然, 莫 吕 氏 非 至 曰:「聖人體道無隱, 教。 常 以示人, 而人 與 天 自 象

隱乎 乎? 訓義 非 力於 之所 吾又何容於 之情,乃語之曰,二三子以道 疑聖人之有簡要之道,可一言 行,實有其 宜而合乎天理。 而 理 顯 夫子於其學之不力,**●** 至也。 者既 教者之有言,亦止以示人語默動静之 者 行也,將 以 則以 道 能 夫 不可 以 我今者之未嘗相語,而 (作聖之功,非示人以塗,而 無 聖門諸子學聖 也 爾隱之乎? 其言爲 微 待吾明示道 盡 而 無 然言者示人以知 ,微者又不能及。 不彰者,道 學 法則者,唯其 而 不可 夫吾不有行乎? 而 要,而 而知其 爲 不至於聖, 至者,道 也 可學, 而 所從人, 有覬 心體 夫君 後 使人 無 以 從 事 我 而 即 也。 爲 朢 悟 因 使 力 子 而 事 不

> 間 矣。 之,而道無不在矣。 焉, 默 默 焉,二三子亦知我之且止 可言傳也,言無益 者得此 行,即吾 吾語焉,二三子不難知我之所必語 吾之所行者,非二三子之可知乎? 非二 三子之共 三子亦見 三子之可爲乎? 津,而 也。 m 憤樂 默,吾默焉,二三子不難 圃 何一 尚 者 所由以體道。學者學此者也,得 不知效先往者之循循以進,其能 加 謂 趨,則 也。 我作之也。 終身焉。 而不與二三子乎? 吾隱 此丘之所以 反 平 可 於道也。 以略 使吾必出 哉 作 二三子亦 圃 可 而 必作,吾作之,二 止 也。 嗚 荒二三子之志 行千里者終 爲丘 而 嘑 知 1 必 可 一言以 如 蓋吾之所 我之必 一,敏 止,吾止 語 是 道 也。 面 使一 以 非 加 日 求 於 不 求 미

「夫」,原誤作「至」,今據啖柘山房本改。

0

至乎?

子以四教:文、行、忠、信。

忠信,本也。」程子曰:「教人以學文修行而存忠信也。」

之以 者 以入聖,而未至者 理焉。其一曰行。子蓋使人修之於身,施 之,使人由繹之,識其言,因示以古人之心 四者立不易之軌,賢智者不 則,教者必以是教,學者必 之於天下,爵其 不得 其一曰忠。 勿生苟且自安之情。 聖人之所教,可以 不勉也。 實,因 人有心不知盡也,子則教 其一曰文。 亦不至於畔道。 示以 爲 以是學, 人有心而或 天下萬 天下得失之 得略,愚不肖 子蓋 蓋 世之法 使人 深 子以 之 習 思 歸 可

者,斯可矣。」 子曰:「聖人,吾不得而見之矣。 聖人之教人大中至正,不 ൬ ൬ 務薄者浮薄 不明,而 此教而教者之道 人人之所可知可行,而不能至者哉? 也,子則教之以 專求之心,則 求之文行,則 務實者固 而 爲記誦詞 順 虚 無 盡,學者之功全矣。 寂 物 本 陋 而 面 而 而 不適 無違其理。 日 爲鄉黨自好之士, 可 章之儒。 流 得 於僞。 於 而 用。 得 損 舍其 見 益 此豈 略 然後信 聖 也。 君 文行 子 心 教 非

者,斯 子曰:「善人,吾 EI : 子曰」字,疑衍 可矣。 「有恒者不貳其 恒、胡登切 一不得 文。 而 心,善人者志於仁 恒,常 見 之矣。 久 之 意。 得 見 有 張 而 子 恒

以

誠

丽

無

逆

其情。

物之情,人或能循

無惡。」

日

信

物

有

理,人不能

循

也,子則教

之

也,子則教之以

必求竭

盡

無

餘之忱

其

「亡而爲有、虚而爲盈、約而爲泰、難乎有恒

矣。」亡,讀爲無。

常也。 人,高 三者皆虚夸之事,凡 人人德之門,可謂深切 至於聖者也。 善人、有恒者以質言。」愚謂 下固 張 縣 敬夫曰:「聖人、君子以學言, 絶矣。 故章末申言有恒之義, 然未 若此者,必不能守其 而著明矣。 有 不自 有恒者之與聖 有 恒 其示 而 能

其 吾以 其不繼 其後不 訓義夫子朢人以作聖人實功曰,人皆 而早已知 至,或爲之而不至,唯 作聖,亦在 於 極 勉 X 而 秀。 能 皆 通 丽 平 総 미 其 後 於爲之而 然而 變化 也。 以作聖,朢 情之必遷 知之哉? 乃其 之無窮,皆 不可得 爲 其始有決爲之志,而 已矣。 而行之必爽矣。 天 即其爲之之初心, 之而 見矣。 下 一之有 順 不能繼,豈待 乃或爲 乎 則將 天 聖 一人行 理 之而 水水之 可 而 故 造 以 無

學 外 則信 不 以 萬行 令天 亦 焉,由勉 善 未 面 有 斯可矣。 君子乎? 於斯人也,尤切矣。 成,無所缺 傳矣。 可 之不 加 能純 又不 以 所 雖未遽聖其 下 使 私利閒之,徹終始而 不逮 同 守之不失,始 以爲善而志之不忘,行一善則終於其 學 沈 可得 原 疑聖人之終不可 於 而 精義 聖道 聖者 善 於 有君子者,成乎其德,而 者 至於安,由 失,則 也、未能安於善 而 惟 純 未極 成,而作聖之功必於是。 見矣。 本,然循其 不 入神之體 然於 其 至 雖 心 之 而聖學 一於功 未 然而今之學者,吾見 之不 以是者,卒之以是。 小而擴之使大,則 一善,因 能 夫不有有 學 不 盡 無惡者,善人也 常 極 無閒 芯 成、志不就 也。 乎 也,而 其 湙 加 神 也。 道 固 研 ,則聖學賴 則 恒 明 不 有 幾之用、 得見之 之用 吾 聞 者 全 之良 雜 所 善善 乎? 平大 朢 則 mi 而

遂據以 與 欲效 自無 爲本 然決志之日 心者 之名,而 之、輟之之日 作 其 於道之根 爲之,似其迹而遂以爲是。 則有故,蓋 而 相 離 偶 乍合焉,未 公之,而 本無 可 所 遇 然 一合、一 前 信、 爲 不 之 欲 幾 能 心而 盈 有 也 欲 心不 當 速 無可 加 知、不 得 恒 幾 作 而早已知其 成 其 ,而早已知其不 而 見其 發者本 遂 於德之僅見一端者本約也 也,其將 爲之效,力不 其 而 執 聞 有 自以 見 輟 能行而反求之寸心,又 (作聖之功,於是 爲之日,即 見之所得遂 遂 其 之 今日之所爲 虚 輟 爲 離 無 能 也,而外飾之可觀 焉。 泰 、難矣。 焉 定 乎? 於理之來復於 也 足 則 則 浮 能 吾 信以 哉 以 不待 歷 慕 又何 則當 恒 見 、勝,事 他日 乎躐 於學 試 矣。 其 、爲有。 其 之百 怪 其 至 勇 於 平 奮 聖 不 雖 離 而 此 於

> 求其 序而不浮。學者可不深戒哉 循 念作 勿求遠,必其真知。 終不免於小人, 循然爲之有序 廣 狂 一,亦固 大,庶幾有 一然矣。 雖 /,則 恒之可見, 有 可繼 行無求至,必其實行 故 可 吾 以 而 所 作 後 朢 聖 圃 古 之才, 於學者, 聖學以 執之以 而 漸 知 图

子釣而不綱、弋不射宿。

弋,如 訓義 如此 孔 然曲盡 綱 道之妙,有如 理,學者思求合焉 亦不爲也。此可 絲繫矢 ,以大繩 子 ,待人可知。 獵較是也。 少 其宜。 物之微, 丽 貧 射 屬 (賤,爲 此者。 也。 網,絶流 吾黨 見仁人之本心矣。 小 然盡 養 宿, 事之小, 而 深 者如此,大者可 與祭,或不 子之取 不 思之,而 宿 而漁者也。 物 得。 鳥 取之,出其 而皆有當然之 魚 至於聖人,自 始知 也 得 洪 约 己 其 氏 知 待物 不意 而 爲 丽 以 H 不 釣

無

恒

則

有

善

也

而

非其善,名爲君子

也

丽

之乎? 乎? 豈非 取。 事,及其 者,不損吾義。 者,不傷吾仁。不貪於多得而乘其易獲 釣也, 弋也, 不 今思之,以萬物養人者,天地自然之利,故 弋勞於得,而 取 理之不遺於微,而心之無 自 鳥 然 爲大夫 也 、中道 + 廢 曲 而 而 也。 如 全萬物,而 射宿可以 不 使人爲之,皆然 此,吾黨 射 釣不必 宿。 其 命中。不 亦 得 無 小 何從 必得之心, 往 而 丽 不 矣。 綱 親 安者 加 盡 則 執 學 取 其 竭 由

也 聞 子 一。」識,讀 擇 曰:「蓋 其 善 如 者 志 有 而 不 從 知 之,多見而識 而作之者,我 無 之, 是 知之次 也。 多

未嘗妄 惡 不知 知 皆當存之, 也 而 作 作,不 識 蓋 記 以 知 也。 亦 備 其 謙 參攷。 理 所 辭 一而妄作 從 然 不 亦可 如 可不 也。 此者雖 見其 擇 孔 無 記 未 子 能 則 所 自 實 善 不 言

知其理,亦可以次於知之者也

通,而 訓義 而 吾之知之,則有極詳 而 作。凡吾之所作,皆 知 自 理者 作 謂之作矣。乃吾之作,有不敢同於天 以 古者,吾聞之,吾不 不敢不知。 曰,吾兹者 衆論之不同,則因其顯見之是非以 不信諸己者乎? 謂 者在焉。 示天下之信從, 而實 而後爲之論定。 爲知, 而 夫子删 竊取其義,以定爲一致之教,則 有其 不 知 而固不 蓋 寧 以我 事 定已成,而 也。 力,蓋 有 知 圃 觀於百家異同之説 所 知也。 有不知 若 面 ·憚 不 述 極 吾可 曾 喻 辨異 我 作 博 矣。 慎 有 其 自言其 則 也 學以多聞之,於是 天下或不知 自信爲 而作者矣。 端 加 任 所 寧 ,必不敢不 所 後知者。 不作 以 意 曲 述者 然,辯其 學之非 立言之旨 而 知矣。 也 言 要 傳於 折 其 無 下之 以 殉 知 非 而 亦 也 衷 73 當 必 不 不 其 會 m 可

學者, 不知 之不 敢以 之顯 爲 而 之變化,以互 見之,於是 知 驗其必然。 耐 之次 遺於 於天 異説 也。 自 善者 尚 然之悟 無 不 故 者 坐照,天地之不隔於靈 地 出 而 定 以 因 矣。 萬 攷之,而實者審,因 彼 存 故吾 我 知 物 因 信 此 ···, 而 天下之作者,其 之不 者, 雖 從之而 之互 吾 一然,爲 所 吾言之可信。 吾 心 作 ·敏,而 一證,可 理之通 見 者,皆 以 之, 知之次 爲 輕 詳 吾 定 所 信 不 記 閱 論 所 而 知 明 邪妄之 有 知 謂 其 歷 以 面 也 授 古 者 要 則 識 始 法 m 吾 名 非 者 終 象 古 今 不 名

子 人 互 潔己 惑者 鄉 E 百 . 難 鄉 )以進 、與言。 與 疑 鄉 其 夫子不當見之也 名 與其潔也,不保其往 進 童 也,不 其 子見,門人惑。 人 習於不善, 與 其 退 也 也 難 唯 與 何 言 甚 1

教乎

ŧ

是心 也。 其能 許 當 疑 闕文,大 不善也。 聖人待物之洪 此 也 在 章有錯 自 至,斯受之耳。「唯」 但 與 許 潔 往, 抵 其 蓋 其 耳,固不能 前 亦 進 進 簡 不 不爲 H 也 追 而 如 也 「人潔」 其 來 之 此。 已甚之意。 見 既往,不 前。 保其前 言 耳, 人 至 潔,修 非 字 潔 許 日 往也」十 逆其 E 己 其 所爲之 下, 疑 m 治 既 程子 將 來 也 退 來, 四 又有 善 但 偂 字 與, 以 悪 許 爲

故 君 隘 或 必 之順 미 訓義道之至大者 當當 爲 出 以 子之道,漠然其 矣。 時 我 其 益 逆成 皆謂之難 魯 損 門者之有 物 之鄉 則 毁, 也 無能 已甚之爲,亦不 有 非 以 然者 與言焉 ,於物無所不容。 互 不 損 益 鄉者,其 能 益 我 知 則 於 教之美,而 悍 我 以 其 沈 然其 俗 立 覺 而 溺 至 教 其 我 於固 恶 爲 不 自 無 唯 唯 ·肯信 心 與 居 恐 往 知 硒 其 於 物 丽 不

無惡 言 習乎 彼童 乎? 容疑 亦非 有 無 因 之潔,即其可與言之幾也,與之可也,而吾 欲去其習俗之染,而 是門人惑焉,將無謂辱君子 而 三子又或 行 保 與之也。 夫子使之見,若 亦 未能 其往 君 見者今日之心、非前此之心。 者今日之進 信其前此之能 互鄉,則志 子者,猶 |子者,進見於夫子,未必其可與言也 也 夫子詔之日 子 調 自立 者 使 絶之已甚,而使不能自 夫二三子亦或謂,未見之前 ,既見之後,仍乎互鄉,則志 乎? 退 是人也,其 也乎 面 趣言行有 一吾亦 不 猶 夫不 ,二三子何疑 潔也。信之以今日 善善吾 在 思潔己也,則 吾亦非 與 可與言之列 可 (進而 其 不可信者矣。 保者其往,而 亦 進 加 不與 求 謂 爲 而已矣。 户, 於此 其 吾道之損 退者 之而 此 後 則 也。 新 乎? 此 哉 既 前 吾 他 E 之 念 於 趣 無 自

> 乎? 及聖人之廣大,而分别 嗚嘑 矣。 日 之界,亦未可 立門庭以弘待物之仁。 病,唯聖人之心 而 逆料 之事,非今日之事。 ! 吾唯 二三子可 其將來,雖惡惡之道 知童子之既往與將來不足爲吾道 不爲已 以苟訾也。 無 廓然大 甚 疑 者 於君子與人之道矣。 一<del>,</del>而 八公而 若必追究其既往, 若門人之惑, 流品,嚴 何 獨 無 有 於童子而 我,故 然, 君子 圃 小人 雖 己 不 甚 甚 口 不

子曰: 遠哉? 以爲遠者,反而求之,則即 至,何遠之有?」 仁者,心之德,非在外 「仁遠乎哉? 程 子 日 我欲仁,斯 「爲 也。 仁. 放 此 由 而 而 仁至矣。」 己,欲之則 在 不求,故 矣,夫豈 有

地 天地 訓義夫子灼然見 民 物 民 物之在 相 爲 買 吾前者,求之於吾心之與天 通者,道不在法象之高深, 心之全體 而 歎 日,求之於

其必 理不 之至 之不 則見 吾心之不可增其 於自安也,見吾心之不可 無妄之則,有其 也 盡 可 可 欲之不 也 在聖賢之論説。 者而 錮 加 遏 無 遠乎 者 而 留 順 公道之量自顯 可 圃 也,無待 事 拘 哉 含弘篤愛之情自 心即 恕施之用自行也,見此理 所無也。 ? 而 寧静之體自 以故見吾心之不可違 有此 有其心即有此一真 也, 於是而 損其所有也,見 廣生大生之幾。 何也? 也,見中心之有 存 生 也,見 欲仁 仁原不 也 私 仁.

之,使若宋

女子姓者然。

遠也。

求仁者尚念之哉?

孔子退,揖巫馬期而進之,曰:「吾聞 陳,國名。 故司 名稠。 敗以 司敗,官名,即司寇也。 習於威 爲問 ,而孔子荅之如 儀 之節 當 時 君子不 此。 以 昭公, 爲 知

> 孟子。 黨,君子亦黨乎? 姓,而魯與吴皆姬姓。 揖 巫 而進之也。 馬,姓。 君而知禮 期,字。 ,孰不知禮?」孰 相 君取於吴爲同姓,謂之吴 助 孔子弟子, 匿 非 謂之吴孟子者, . 黨。 名 本 禮 施。 娶 司 同 敗

若不 訓義聖人之以道膺天下,其静正 然其受以 子受以爲過,蓋夫子之盛德,無 其對之宜如此也。 爲知禮,故受以爲過而 孔子不可自謂諱 司敗又未嘗顯言其事,而遽 魯蓋夫子父母之國。 知 孟 子之事者, 爲 過 也,亦不 君之惡,又不可 及司 可以 昭公,魯之先君也 正言 不 敗 爲萬世之法矣。 辭。 以 其 爲 以 所 所不 知 有 以 吴氏 M 以 黨,而夫 禮 取 無違 過,初 可也 爲 同 問 姓

常。 其所 躇 於心 可。 也。 故 退 者多矣。 有 君子之道,是 忘 有 相見於廷,而 秉 而 乎 而 口 不 己。 親 而言 孔子 强 禮之國,公有習 大不知禮之定見, 司 可 而 以 子 臣子之詞 敗 昭 爲之辭 先君之失, 測 行 亦 而 沿者焉, 司 之問 坦然 曰,夫子之爲君子,允矣。 昭 公習 於人 黨 以 敗 公既没, 非 問 廢 乎 乃擇 乎? , 無 儀 倫 因 宜然而 天 昭公知 ? 丽 丽 疑 己 下之公是公非。 乎理,予奪忘乎私 物 口 不 要之各 在 心 而 哌 於是 理 疑 無 儀之稱,謂之知禮 陳 列 有 對 一之變, 而 禮 所 加 疑 司 之巫 然,夫子又何 所偏 之日 欲以 乎? 杏 順 圃 於言 敗 其 之非 孔子退, 所 馬 至 其 Mi 護,不恤 窮夫子之答 者, 「知禮 魯, 期 行 蓋其意中, 理 不 "<del>,</del>可 進 丽 乃 失 即 與 悖 已矣。 其 今觀 不 吾 亦 孔 乎 於 退 待 無 理 黨 聞 己 禮 大 則 且 躊 亦 魯 子 疑

之防。 也。 邪? 其理 馬 詧其 紀、 可 出 謂 魯 不 而 夫子「知禮」之對,天理之自然,司 昭公之失,人人具 姓,天下 知 期 訓 於宋乎? 之吴孟子,心不容昧,而 與吴同 通 唯 亂 禮 雖 言 於 所 謂 ,乃以告於夫子。 心,而挾以毀聖,此 謂 名 夫子其 司 不知聖人之心,而 同 好之是阿 不可 司 所不容誣者也。 欺 則 敗之言 出大王 姓 敗之言 世者、皆知 其 傳, 夫禮以 周 爲 窮乎? 禮 一之裔 爲 君 黨 (知,司 爲 也。 何 非 而 也 定分,即 是, 也 知禮 皆 則 而夫 禮 面 ? 何 乃 敗 亦 則 將 自 夫子之自 姬 乎? 若 乃 君 辭 則 言 何 猶 子 夫 以 譍 姓 諱 乎 加 足 矜 以 可 然 百 文 天下 蜀 深求之以 也。 ? 定 僞 姬 娶 道者? 以 面 何 世 不 人 飾、豈 不言, 爲獨 於吴矣。 名, 敗 夫 其爲 隱 以 敗 嗚 丽 杰 倫 不 子 常 其 或 荅 呼 事 昏 大 得 孰 其 同 期 姻 惡 得 孤 不 正 F 而

厚其 者,可 之日 隱 不至 之過 其 幸 道 料 以 心 其過,不自 然之道 而 人之大用 其 即 娶 亦 心 不 1,可以 一,自司 安 以 疑 者 知 同 無 在 窮, 而 、義著。 以 者, 媿乎 丘之過 此矣。 理 姓 生 者 Œ 於 人 告 矣。 得 爲 全君臣之義。 敗言之, 知 非 幸 香 又 以 、之過 ? 知 自悖 蓋 幸也 其 姻之禮。 也 何 若司 譍 夫人求免 而 禮者之過。 若 鳴 因 物物 调 所 開 於理,以 日 嘑 其 也。 之變, 得 不 幸而 敗之問 天下之過,公論存 則 一人知 今我 自然,此 免 可 丘 人若不知, 於 於 並 哉 人知 聖人之於此,其 调 誠 之苟 行 而今之自以 譏 娶同 譏 矣。 成 君 則 有 非, 不 之矣, 大過 非 於 亦 前 乃 悖 不 有 姓之非 雖 臣 可 之 IIII 而 坦 可 過 一然,丘 而 水 以 言 以 知 則 使 然 不 測 巾 不 > 因 見 順 爲 知 丽 天 自 馬 而 知 當 聖 调 禮 則 知 之 期 而 詞 子 我 下 譍 而

> 大不 雖 聖 人 亦 有 所 嫌 而 不 能 直 摘 之, 則 之

幸

也

戈切。 子 與 人 歌 而 善 必 一使反 之, M 後和 之。 和 17

微, 善也。 詳味 謙 也。 反, 愻 復 而衆善之集, 之。 此 審 也。 見 而 密 聖 ¬, 不 後 必 人氣 和 使復 掩 之者, 有 象從 人 歌 不可 善 者, 喜 又 容 勝既者 得 如 欲 誠 此 其 得 意 詳 其 焉, 懇 蓋 詳 而 至, 讀 崩 而 事 者 m 其 取 之 官 其 善 其

進 待 歌 歌 其不 己。 訓義聖人之取 之善 而 於 再 善 計 輕 而不 善,其誠 者 亦 焉 加 知 易 者 亦 可 其 可 決 知 善矣。 即 樂善之深 善 益 其 是 圃 甚 也 與 其 況 弘也 子 人歌 於是 善 子 以 之耳 者 而 爲 而 不 樂善 口 取善之審 見之矣。 善、尤果 容 信 順 已於 而 甚 而 篤 心 即 通, 和 也 與 更 有 重 人 有 固

取 長。 也。 偶 見 也 偂 杰 乃 平 之 深 其 孰 悉 子 弘。 自不 其更進 之合 爲偶 1 樂之深乃以爲樂之至,取之審 嘗其善,而 ,求之於音律之調,求之於義類之得 未 其善然者。 而令其 遽信 恃 得之長 聖 耐 其 偂 不 也,未即 人 善之以我之同 會 有善者 必 與人爲善之心,不於此 後和之焉。 於既 允。 聰之敏,而 丽 不 有以益之也。 ,於我之有 善之中,求之於清 必 可 使反之,若 繼,在我 乃以 唯 調 恐 異 而 信 也 不 在彼 乃 爲 有 恐 杰 面 我 可 知之 以 其 人 可 不 信 之 益 爲 丽 爲 和 能 者

莫,疑辭。猶人,言不能過人,而尚可以及之有得。」 之有得。」 子曰:「文,莫吾猶人也。躬行君子,則吾未

莫,疑辭。 而 足 未之 以 見言行之難易緩急,欲人之勉其 有 猶 得,則全未 人,言 不 能 有得,皆自 過 m 尚 謙 可 之辭。 以 會 及

> 故不 居。 也。 遜。 猶言 謝 君 能躬行君子, 氏 曰:「文,雖 子道 者三,我 斯 聖人 無 可 能 以 無 焉 人 不 聖,故不 與 人同

理? 理之 之深。 必 君 以 訓義夫子自言其聖功之密,以 事有序,以文顯道 夫吾之孜孜於終日,非有求於所得也乎? 廣 之實行 乃吾之所不敢自信者,不於文 今吾所得爲文焉,則可信 圃 遠,肆 慰 子有君子之文,尤必有君子之實。 自見者 以 當然, 省吾之所 其 明 體君子之深者,躬行之也 心? 也,知其爲君子之道, **譍於變通**,皆有君 明 ,吾亦將 此 實試之事 心之已喻 自 得 動 無 丽 則 道 與 有 爲, 之 作,以 不 ,發之 不 疑。 同 耳。 能 而 子之所 而 自已於心者。 鹰 何 至 則 夫人之立言 以文紀事 而 無 示 感 以 於 必 已 容 學者 必 以 推 明 體 也。 讓 IIII 爲 君子 何 稱 明 君 乎 於 以 其 此 子 夫 ? m

我,而 乎? 哉? 子者存 共勉之也 以吾自致,則未之有 吾之所 吾不敢 謂君 所不容 1,無 必 欲有 子之道 或 過 以文自信,學者無以 不 得 也,無或不及也。 求、不容不 於 在 斯也。 焉 心 而 吾其 施之不 此所 敏 何 者 欲 以 ·疑者 若此 與與 其 其 文 文 容 自 學 者, 也 信 者 忽 信

子 厭 海 曰:「若聖與仁, 能 不 此 仁,則心德之全而 厭 以 者 學 亦夫子之謙 人不 不倦, 進 聖之道。 也 天下之材,率天下之善,將使聖 故 倦 夫子辭 非己有之則不能 鼂氏 則 誨 辭 口 日: 人,亦謂以 則吾 之。 謂 人道 也。 云 當 豈 之備 荷 聖 爾 時 敢? 一者,大 辭 已 有 此 所 之 也。 矣。」公 誤 稱 教 面 抑 以 人也。 夫 而 已焉 爲之, 爲之 八子 聖 弟子 化之。 西 日 不 謂 不 與 則 然 華

存乎

心而

仁遂可

據

也。

故聖不自聖,仁不

自仁,聖人之心

所以

配

天行

之健

也。

子

皆

得

於物皆

順

則

以吾身自攷, 豈敢

夫聖

於

我皆

真,

於物

能

化。

與

夫

仁、於心

日

吾

所

欲

自

得

因

以

自

信

者

何

如

乎

訓義謂 也。 之所 居仁 也。 學者 公西 之,與能之,而終不能如聖人之爲,此非 之所授,尤非 其作聖之功 處 爲 也 無 華 聖 虚 仁者,心之純 知聖功 可及也。 前 不 仰 可可 聖人爲天之所授,非也。 器,而人終莫能至矣。 而歎之,其 極其盛,非 謂 必以「爲之不 ,非徒恃乎天也。 之不 也。 云 唯聖人 爾已矣」者 易學 聖人作聖之功,人 也。 亦深知夫子之意矣。」 能自具 焉。 不息之謂 至乎聖而 厭, 誨 無 聖 (聖功 謂 故夫子 者, 人不倦」自 他之辭也 聖 聖人自有 純 前 德 德 人 之 與 非 可 非 唯 雖 盛 執 知 善 天 不 之而

愈有

其不

能

忘言

者

我之有事

於聖

則

惟

H

是

西

華

聞

丽

適

合

其

朢

聖

愈遠,存

逮

之心

乃對

弟子

亦

何

敢

言聖仁

曲

乎

聖仁

之

塗

尚

可

謂

其

窮矣,

窮

則

必

倦

而

覺

其

此能

亡厭倦

而

知

不

易

知

而

無

由

知

其

下學

而

於

聖,

由

人皆固

有

之而

愈

有

其

日

新

者

也。

則

以

其

無奇

也

而

厭

而

覺

以聖功之不

離於日

至

其

然乎?

抑

吾

未嘗

求

安乎仁

也。

則念聖

有

脯

吾切於爲之矣。

之而

不

繼

不能

者

Œ

學,

丽

初

才所

不

者,

志

因之

事

詳

矣,詳

則

易

倦。

聖不

,以仁之存之也難,則以 其仁,則以吾之所爲誨人矣。 用,仁之不顯 念之合而求 不求至乎聖, 也。 以聖道之大 仁 孳 無 不 其 以 口 人皆可 若此 . 其難 妄 孳之心, 容 不仁, 誨 無 爲聖,仁 幾 倦 也 可 而 仁,誨 平 者 也 於 以 厭 也 人 作 也 事 而 不 愈誨 之機 以 未 丽 有 爲 厭 率 由 於 云 能 之 愈 不 以 嘗 中心 不厭 己。 哉? 口 之德受於天 子之爲誨。 者,氣因之而不充。 理 在 非 仁之分際 夫子之不 ጠ 所 不遂。 以 有 此 安仁 知 不 鳴 不足 也 不 正 人道 倦,則天之道也。 嘑 可 爲 未嘗不以 學者 厭 M ! 者, 性 哉 此 縱 亦非 至 所 不 ? ,心因 미 不 夫 於 而 倦。 不 以 厭 子之爲 抑 乃 聖 敢 不 能 達天德矣。 不 但 欲 或厭 可 者 爲 之而不永。 夫弟 負者,情因 量所不圅 學之, 倦者謂不可 無他, 及矣。 知 以 或倦, 誨 夫 與 子 所謂 而 子 誨 亦 即 丽 學者 之不 豊 終不 固

而

終

不

能

題

能

學夫

能

知

聖

與

曰 子 E :「有之。 疾 「丘之禱久矣。」誄, 病 子 路請 誄 E : 禱 子 禱 曰:「有 力軌 阚 于 切,字當作 下 諸 ?! 子 神 課。 祇 了了子 或 ,路對 省 作

미

學

而

人之道

也

生知安行

**讄,从纍者、纍功德以求福也。誄者,謚也。** 

故孔子 禮》,疾 於神 聖人 者,哀 禱 天日 所 有 之佑也。 調 事 不 未 能 禱 神 明 禱 之意 嘗 之於子 自己 病行禱 故 地 而 於 有 無其 述其 日 鬼 日: 過,無 者, 祇 神。 路,不 理 五祀,蓋 丘丘 行 初 則不必禱,既 善 之詞 禱者,悔 不 有 之禱 司 直 請 諸 遷 也 臣 於 間 久矣。」 病 子 過遷善,以祈 有 其素 L ,迫切 者 而 此 下 日有之,則 圃 但 理 又《士 行固已合 之至 後 謂 告以 否。 禱 天 也。 地。 邮 無 誄 神

訓義 禱 父之道事夫子 悔 之至,人事已盡 此,況聖人乎? 也。 過以求佑 疾病 惟 而 在 禱,於禮有之。 不能無隱 ',禱焉可 修身俟 不不 子 得已而 疾 思者 命之君子 而 爾。 至於病 則於 求之於神 然臣 ൬ 請 子 於夫子 固 神 子愛君 路 無 祇 之前 以 事 無 自 親 以 君 於

> 人乎? 也。 過 禱,如是 所 古之有 禱 而 之禱,則爲忠愛之忱。 人各有其道 日矣,皆以祈無過 而欲 天之神、下地之祇,是凡有可禱者 而 病 則率 行 必 以 對 而 悔 求 丘 日 可 夫子曰,誄 不 l,古有· 仰 禱, 之 而 禱 情 而 審 禱 焉, 不能後 不愧於天、俛 而 己 而 Mi ,禮無定而 乎? 矣 之 固 於 不 殉 知其 矣。 古 之言豈 知 命之事。 人 m 由 則 有 禮 八之請 無負 無自 之乎? 就 誄之言 何 矣。 因 夫子之禱, 丘 謂 無 請 者, 禱 人以行禮。 生死者也。 之自 慙 故 焉 此 不 也。 日 哉? 於 夫子詰 審 曷 夫子非 地者,非 禱 丽 亦 禱 子 道 思之,其 言, 觀 無 今由 則 無 阚 路 之 丘 於聖 不 爲 子路 定 不 於 不 不 E 禱 審 有 之 也 + 思 知 而

固。」孫 子 Ė 當作悉 奢 則 通叚 不 孫 作 儉 則 固 與 其 不 孫 也, 寧

之害 孫 也 順 Lo 大。 也。 古 鼂 陋 氏 也。 日 : 不不 儉 得 俱 已 失中, 加 救 時 而 之 奢

道之害 訓義 爲 焉 焉 觀 也。 從 情 以 以 繼 孫 但 初 矣。 亦亦 校 爲 能 以 理之各 示人日 將 則 其 然苟 侈 得 通 |夫子因時獎之甚,而酌乎獎之可 專 雖 無不可 不 若夫人之尚 得 者 乎 情 固有 期 欲奢焉, 時之觀 失。 事 情 也, 己之 所 皆 爲 必通,而 爲焉,將蔑上下之等 淺 因 不 儉 且 執 當習 私 者 取 於好尚之 足 深 己 美 而 矣。 其失 論 自 則 俗之 儉 則 而 古 以 理 者,但 有 歫 執 不 今夫人之欲奢也 所 爲 而 乃 相 所 物 期乎僭 矣。 即 不 不 校之,則人心 不 甚 激 也。 以 齊, 可 其獎而 踰 借 以 惜 夫 平 偏 然 而 愐 奢 亦 物 踰 理 之時 但 威 獘 者 不 ti 可 而 思之, 其 極 暇 欲 爲 以 犯 任 自 而 世 自 分 者 以 顧 儉 不 美 無 於 口

子

曰:「君子坦蕩

蕩,小

人長

戚

戚。

而救之早也。

情,勿失之理。 固 害。 雖 不 在儉,豈以拂 未 有 孫 於 則 得 則 則干名犯分,而人道之大經 物 與 也, 與 無 其 其 能 失 奢 不 達 人之情哉? 也 則 孫 君子之所 情 無 有 也 寧 甚 而 儉 無 有 不 也, 寧 至 不 甚惡 固 爲 酌 甚 明矣。 乎 大分 也 其 者 害 以 在 之 寧 得 大 不 奢 所 失 倫 則 孫 而 之 之 不 俱 寧 古 極

戚。」 循 坦 平 理, 也。 故 程 常 蕩 子 舒 蕩 E 泰。 : 寬 廣 小人役 君 貌 子 坦 程 於 子曰:「 蕩 物, 蕩 故 心 多 君 憂 廣 子

體胖。」

訓義 然從 然辨 窺 其 容若 矣。 子曰 容 而 今夫 自 夷 君子小人之別 然 肆 高 君 焉 朢 子 ,言則 而 境之順 遠 視 順 馬, 逆, 於 焉 其 行 觀 皆 氣 其儀若泰 口 則 象 受也 安 ൬ 焉 昭

於中, 於憂。 憂患。 也。 者,於此 自 其儀若有所迫而 信則危,求而 是,蓋長戚戚矣。 寧 所不利焉 廣 事之得失,皆有餘地以自居 小人哉? 無以自信 遠 處。 也 者, 今夫小人,言若 見於外,未 天理之當然,在吉凶 其 義 外物之得失,不能必 面 平易如 戚 也。 利 ,窺其容若有所失 審矣。 所以然者,人能自信則安,不自 理 戚 得 物之愛憎,皆莫能自必 欲 憂蹙者,一日 則 是,險 不能已焉。 有 之數,大小 斯不亦朢而知其爲 無 或 有 怨尤,欲而 《爽者。 阻如是,蓋 所 不 獲而自不能 萬變而 也。 舒焉,行若 安危之分,存 如是,終身 行之利鈍,皆 加 辨君子小人 不愉 不遂 其 坦 皆 蕩 馬 蕩 君 脯 有 則 蕩 已 子 加 以 名 不 窺 有 蕩 然

反覆

而

玩味也

厲,嚴肅也。人之德性,本無不備,而氣質子温而厲,威而不猛,恭而安。

密矣。 此。 所賦 不能記,故程子以爲曾子之言。 合德,故其中和之氣 門人熟詧而 尟有 抑非 不偏。 智足以 詳記之,亦可見 惟聖人全體渾 知聖人而善言德 見於容貌之閒 學者所 其 然, 用 者 行 会 心 宜 者 之 易 如

恭而 者,固 矣。 之正,理之全,神化之不測,無不順矣。 者,固有其 之可畏也。 温 其恒焉,其氣象有可言者,進前 訓義吾黨日侍夫子,習而 而 固 德之凝於 道之咸宜,於以自善而譍 不懈 可親也。 存於 無不安之恭焉。 也。 温 威之平焉。 於其威而 之中焉。 即其 中 就 前 其恭 温 見 而窺之,厲 於外 鳴 圃 視之,不猛之可依 詧之於自持之際, 敬 嘑 審之,安於其 侍 化焉,深 者, 而 氣之和 物,無不 仰窺之,威 容至斯,備 而 而不可 近瞻之, 思 而 恭 官 狎 得

四書訓義卷九終七世孫世全半溪謹刊則不容不於作聖之功勉求庶幾者也。

豈吾黨之所可學哉? 而夫子何以至此,

## 四書訓義卷十 論語卷八

宋朱熹集註 明衡陽王夫之訓義

## 泰伯第八

子曰 下 讓 凡二十一章 民 「泰伯 無 得 侕 其 稱 口 焉。」 謂 至 德 也 已矣! 以 天

道 稱 長 泰伯,周大王之長子。 "; 其 以 侵衰,而 泰伯,次 復加 愻 大 隱 者也。 Ŧ 仲 微 周 因 廱, 日 無 有 彊 二讓 迹可 剪 大。 次季 商 見 之志 謂 至德,謂 歷。 季 也 古 歷 愻 又 而 大 蓋 也。 生子 王之時,商 泰 大 德之至極 伯 王三子, 無 ,昌,有 不 得 從 而

> 《春秋傳》。扣,本作敏,扣乃俗文。 焉 王。 朝 文 與 夷、齊扣馬之心,而 威 夫子之歎息而贊美之也。 諸 王崩,子發立,遂 至 仲 則其德之至 昌 廱 侯有天下矣,乃棄不 夫以泰伯之德 逃之荆 ,而三分天 蠻 極 0 爲 下 當 克 事 於是大王乃立 之 何 商 有 商 難 如 其 而 哉 泰 處 周 有 取 二,是爲文 伯 之際,固 天下 有 而 不 甚 蓋 又 從,事 -,是爲 焉 季 其 泯 者 歷 心 其 足  $\pm$ 見 宜 即 迹 以 武

惟德也,而 心 天下之心則義 訓義君子之大辨,義利 已全。故夫子發微 曰,古之人以立 之實而 己。 或 有 以 吾 至 德 至,無求名 上 有 爲 闡 溯 尚 不 出出 周 名 至 之先 則 實 而 蓋 當世之 表 稱 丽 世 著 泰 己。 因 丽 於 伯 致 平 來 以 意 無 泰 其 滋 立 則 苟 伯 居 者 教 實 利

大王遂欲

傳

位

季

歷

以

及昌。

泰

伯

知

之,即

之,則 蓋求之於心者盡,信之於心者篤 泰伯 以 m 然其必嗣。 加 大王之隱志 丽 世 據以爲 道 之事,求之於 下之先,而 王欲授國 可不三,一因乎此心之實, 全其至性,德洵 一,道 不 必 以 返之形。 不受也。 亦 稱 開 決之吾心之義,而義以 周之有天下,非伯之讓 無 不 之也? 理之必然, 周 不 - 勞固 於王 且 允 而 季安之,天下忘之,又惡 丽 在大王未老之日,民 伯 也。 迨其: 乃其 德 季,而伯早知之。 悉之文。 王季終 忽爲采藥之行 無 則 而 乃 至矣哉 疑 後伯終於吴,而季若 讓 可謂 無 焉。 以求之於心 也 一念之不誠 全其則友之愛, 乃以嫡 至也矣。 非特在周 其讓 ൬ 面 曲 天下之有 未, 也 實無他念。 何 全。 長之理 王季可 忘 哉? 以 嘗 且 皆心 未 蓋 也 讓之 形 言 得 有 不 有 古 不 言 傳 洂 是 而 古 去 知 所 乎 面 天 讓 大 古無萬字。

者其取 利 盡 而 法於斯 義成,實全 則忠 一而名 孝廉 不 以 節 皆 動 其 至 念。 誠 立教 妄之

子 無 禮 曰:「恭 理矣。 則 亂 是不可以 而 直 無禮則勞,慎 而 無 禮則 爲萬 絞。」 世 法哉 加 恵 一。胥里 無 禮 切 則 ,疑當作 恵, 勇而

故有四者之獎。萬、畏懼貌。絞、急切也。無禮則無節文、

亂。當作

濁。

絞,古巧切

也。 矣。 亦非 調 性之高 以持己、 天資近道 訓義夫子曰,禮之不可已也,非 正、道之不當然者,必於禮以 其 乃恭 今夫恭也 禮則 志 明,而 氣 可以 而 惟 無 圃 能 以善成其德,而 和平者、禮有不過之則。 成 能自全其質,以 可 安,而後 ,慎也,此天性之沈潛,而 事者也。 以 無 欺 其 於世、不屈 直也,勇也 恭 且 也 譍 防 敝 可恒,所 事 特 之也。 將 接 於 心之不 有 此 物者 物物 恭其 所 雖 以 者 天 可 極

不以 論 直 不 而 有 者 至 非 惟 舒 者 所 命 無 而 1,雖義 一於萬二 要以 恤 其 禮 摧 必 而 恰 有 ,勞矣。 也 面 面 經 折其 得 禮 得 則 不 天 焉 不 而 (); 其 禮 者 諱 E 如 下之大 爲之,則 以禮 在 而 非 使 則 一大防 心 中 者 禮 無 其慎 可爲,而 至 也 後 拘 己 茫 禮 自 禮 雖 以 其 有 於 執 可 昧 而 焉 倫 居,則 理 適 溺 也 是 慎 勞 心 必 已 於 明大分。 施 圃 在 以敗矣。 則 於可不慎之理 無 其 以 盡 也 出之必 當 丽 以 而 是 必 迫 之數。 媿 雖 有 心本 然而 人 其 以 行 以 明 促 任 功 丽 口 其 恭 役 雖 其 事 ·厚而 若以 天 有其序,行之必 受。 IIII 不 所 必 於 言 若夫勇於有爲 不 筋 慎 非 下之不 敢 以 爲 미 非 天下所 骸 其 其 勇 物受其 不嫌 若 者, 任 者 審 繼 所 III 所 常,且有 任之,而 以 乎事 也 矣 恭 不 ·敢任 恵 慎, 於愻, 亂 直 不 之 得 矣。 薄 矣。 自 敢 幾 如 而 慎 暫 地

> 恃 於施 功 天理 矣。 且 餘於名教之樂。 其 也 有 行之大用 之 故禮 性 迫 正 天 之所 也。 者 下 所 於 近, 以 無 **無** 是 養 通 所 以 謂 不 剛 深 容 君 可 於 方 謹 而 子 禮 以 之體 之 以 自 退 焉學之, 1 快 威 寡 其 儀 面 面 過 議 話 使 使 論 而 丽 善 言 悠 者 進 不 以 行 然 有 敢 其 至 有 絞

偷。篤,當作賞。君子篤於親,則民興於仁,故舊不遺,則民不

勞、慎 吴説 矣。」 也。 君 章,乃曾子之言 不相蒙, 子 近 不恵、 謂 吴氏 是 張 愐 在 子 與 上之人也。 勇不 日 日 首 : 也。 篇「慎終追遠」之意 「人道 「君子」以 亂、直不 」 愚按: 知 興, 所 絞, 此 下 先 起 民 後 也。 當 節 化 與 自 則 而 相 偷 德 恭 爲 文 厚 不 蓮

訓義君子者,有化民成俗之責者也。而民

畝 於故 以 不偷 親 亦 心 有 愛,不忍 從 之安於苟 之無所 之習於不 m 且,則心藏 發,還成 自 其 有 耳。 富貴 其 矣 而警之使自生 而 舊 平生之好,不忍遽 親 矣。 勉 愛者,若非 民 則 以 能 歆 與 乃 雖 乎習。 亦 不推 不期 (共、過 竭 Ħ. 感 不 不 善 在 於隱 有執 不 其 也。 遺 也 期然 君 也, 能 於宗 忠者 民之仁, 矣, 子之篤 友 失 見善 如 此 乎 雖 荷 見 惟 而然者,君子有 有 則不 君子之加厚, 族。 若 ? 雖 其 恶 習 勸 丽 原之典,要以 追其 無 而 不 Щ 善懲惡之法 不 非 唯 忘於一旦。 親 丽 其 禁民之偷, 不 能 所 樂 不 但 此 夫爲君子者篤 民 不 能 歆 能 如 心。 也 而 遺故 自 遷 君 感 改 以 不安也。 興 者, 加 者 子 其 君 丽 IIII 於仁 点具,亦 之周 親 舊 子 相 自 唯 心 大 安 唯 面 也 本 有 之 盡 是 民 於 其 其 勸 而 矣。 恤 之 自 荷 故 以 民 其 而 但 於 何 荷 心 心 所

久,冰乃「凝」本字也

曾子 手 作启,古文作「誃予之足。」 漢, 溥 冰 ! 褙 不 TT. 如 0 是,則 《詩》云:『戦 미 讓 有 治 Mj 之 不 疾 天 今而 知 風 F 族黨之中,不競 召 本務 -,率此 成 門 後, 而干戈之氣 弟子 前 吾 ൬ 戰 治 知 已矣。 兢 日 教政 宜作突, 免 兢, 夫 於利 静。 刑之皆末也 1 如 啟 故 湙 臨 子 爲 小 ,水名。 古君子之以 足! 湙 不 凡君子者 子 淵 驚於争, ! 冰 如 啟 啟 當 履 子 當

《詩 其 謹。 启 小 J 如 不 车 子 此 所 敢毁傷 》、《小旻》之篇 開 保之全示門人,而言其 之意, 至 臨 門 也。 淵 一於將 X 故 恐墜。 曾子 也 其 死 於 警之也 平日 此 語 面 使弟 畢 後 履 戰 冰, 以 而 知 深 戰 子 其 爲身體受於父 又 矣。 恐 嘑 開 得 恐懼 陷 所以保之之難 之, 其 免 也。 於毁 衾 以 程 而 兢 曾 子 致 傷 兢 視 反 子 H 之。 日: 也 復 以 戒

子臨 道 氏 爲 也 君子 一,能 门、沉 終其 日 一、「父 終 Ė 如 虧 事也,故曾子以全歸 而 是乎 其 終,小人曰死。 启手足,爲是故 母 行 ?」范氏 以 全 辱其 丽 生之,子 親 曰:「身體 乎 君子保其身以 ! 全 也 爲 脯 免矣。」 非 猶 歸 不 有 之。 得 可 没, 曾 尹 虧 於

天也。 畏與 生,而 生我 化 訓 者天之事,生者人之事。 息之敬不容忽矣。 而 也。 生 已矣,人盡 愛, 息,蓋天地父母 言之,則天在 生 生 IIII 死之際, 以大化言之,則父母在 人之生也,父母 無 而 生 敬 可 不 貪, 身之學存焉。 口 而 輕 歸 君子不言。 最 父 之天,所 曾子有疾將終矣,乃召 最 可 之所 母 畏者 可 之中 生之,父母皆吾之 愛 臨 人所 以 者 此 也。 非不言 身 贊 此 知 天之中。 息 必 也。 身 天 故 此 未 盡 衆 而 也 而 者,人 死, 也, 人 善 異 有 貪 端 以 死 生 其 合

淵,如 手之閒 差,邪 有毁 至,而 免於 之何 門 無 所云者。 仌,恐其 堅守,則 可 敬 兢者,言 於 此身,而 慎。 知 心 念 弟子,以 己。 矣。 毁 傷以全歸 如 悪 履 因 傷。 無 敬 而 邪 吾心 其敬慎 溺之矣。 終身之慎, 以 陷 薄冰。」戰 《詩》不 追意自今已往, 慎 ? 如 不然,自 非此 其敬身之全功, 示 也 之心 臨 启 訓 一,於 何 於斯 深淵, 古 子 者。 也。 如 日 云 知 動 物 戰 子 手 哉? ,二三子試启予 乎, 予之手足可 俄頃墜之矣。 、驗矣。 静 不 恐其 以 懷 者,言 至於今日 恐懼之至,不 丽 云爲 能 此 恐懼 視 戰 嘗讀《詩》 慎 墜 之何 心 無 戰 自 其恐懼 以 夫自吾之知 誠誠 擇, 也 將 兢兢 明 至 一,於己 之, 日 如 启 則 其 有 而 於 而 邪 如 容已 而 足 用 而 如 後 舉 而 也。 如 不然, 驗 足 動 履 不 敬 臨 有 心 mi 可 詩 其 之 之 動 薄 恒 於 有 以 深 視 無

天性 之哉 司 此 歸 之真。 以以 身 也, 嗚 免於墜陷 則深 嘑 有 1 生之可 淵 順 在前 也。 親 以 畏,而 薄 夫小子同此生也, 誠 冰 身 不容不愛 在 爲 御 本 亦 ·, 形 尚 色 也 即 念

端生 所 吾知 於 唇 親 禽 疑 於 吾生 潤 死 非 事 天 道喪教衰,率天下以貪生從欲 而已。 人之 大之説,妄欲 朝一夕之故矣。 際 人理盡則化 哉? 知 觀 死,而 於此 聽於天,亦何 言, 虧 膚 而 而 髪 知 陷 以 異

曾子有疾,孟敬子問之。

死,其言也善。曾子言曰:「鳥

之將

死,其

鳴

也哀。

人之將

之善而識之也。故言善。此曾子之謙辭,欲敬子知其所言言,自言也。鳥畏死,故鳴哀。人窮反本,

**籩豆之事** 正顔 君子所貴乎道者三: 色, 斯近信矣。 則有司· 存。 出 動 辭 容貌,斯 氣 斯遠 遠 鄙 暴 、慢矣。 倍矣。

竹豆。 鄙,凡 子所 信, 氣 數之末,道之全體 也。 貴,猶重 斯遠矣。 有造次顛沛之違者也。 要,爲政之本,學者所當操存 司之守,而非君子之所重矣。 動容貌,舉一身而 E. 求,故曰 則 慢, 重者,在 非 由 豆,木豆。 陋 放肆 也。 也。 色莊 中 Œ 『籩豆之事則有司存』。」 出 顔 倍,與背 也。 容貌,舉一 也。 此 色則 斯 Ξ 遠 言道 信, 固 辭, 言也。 不忘 事 鄙 無 而 同,謂 實也。 言 倍 雖無 身而言。 不 若夫籩豆之事 己。 語 斯 晐,然其分則 周旋中禮, 三者 近信 所不在, 背 省詧,而 是 正顔 氣 理 皆 Œ 矣。 程子 聲 暴,粗 也。 修 身 色而 氣 尹氏 m 出 暴 身 然 不 E 籩, 也 > 辭 慢 有 口 君 近 厲 不

四三

爲 存 焉 政 之 養 本 於 中 若 則 乃 見 器 於 用 外 事 曾 物 子 之 蓋 細 以 則 修 有 己 爲 司

際,朋 嫌 之將 子問 遺 敢 1/ 所 不 不 不 爲 有 義 於 善 知 問 平 容 功 治 至 當之 之,所 死 前 博 也 所 不 大 稍 者 曾子之學, 而 友 也 末 U 以 踰 引 舍 之 忍 求之於身爲 矣。 者 理 生 卓 己 居 閒 Ţ 問 則 内 也 平 至 然 以 寧者 之情 甘 故 而 君 之 不 於 求 鳴 以 而 若 子 物 子 此 所 易 詳 也 在 修 誠 奉 有 人 將 面 者。 語 於 É 是 身 而 之 正 自 哀 曾 此 何 者 物 耳。 爲 内 己 將 子 外 III 以 以 治 故 大 顧 率 事 則 己, 告子 自 終 之 而 死 於 其 者 物 11 物 大 言 身 理 也 治 有 時 也。 知愛其 之本 此 뱜 本 可 哉 馬, 物 日 敬 疾 其 身 道 不 言 子 牛 而 所 任 俱 事 也 而 不 生 夫 死 有 孟 爲 則 不 物 人 鳥 身 敬 不 容 Ī 之 不 先 有 以 面 口 皆

之以 猶 莊 夫 翼 以 以 耳 之 則 譍 者 不 則 所 11-而 動動 顔 者 禮 舒 成 善 無 貴 此 是 有 萬 無 而 者 平 緩 善 則 道 肅 顔 事 不 事 乎 之以 道 所 則 行 先 情 而 不 善 丽 也 不 面 與 以 也 之 庶 有 闸 善矣。 色不 在 示人 善 不 存 矜 其 IE IE 而 無 終 善 吾身, 以 之者 善 上 持 身, 之 遠 情 此 不 能 不 則 以 道 |者乎 也 以 暴 皆 而 爲 脯 善 乃 爲 容 口 也 不 0 故 不 温 慢 中 求 之充 其 示 其 0 矣。 侮 得 善善 能 擇 以 1 禮 善 人 樞 則 善 乃 mi 间 離 乎 此 色 以 於 機 慢。 者 君 削 天 乃 貌 容 自 之 君 爲 君子 不 미 物 下 者 容 子 顔 其 以 有 失 須 貴 子 畏 能 似 君 亦 也 酌 無 善 矣 貌 之道 以 臾 則 焉 則 爲 子 中 所 乎 物 而 者 柔 雖 貴 者 今夫 貴 之 度, 色 所 暴 有 IIII 顔 猶 矣。 備 調 也 而 IIII 貴者 者 愉 非 其 非 亦 是 動 所 美 面 而 得 道 也 貴 能 嚴 動 汎 其 以 IE. 今 而

之以巽 也。 於道 故 墨 任 於 以 事 以 谪 者 辭 辭 誠 而 言 以理 之得 ,禮文所在,不容忽者。 君子無 則 或 不失其身者此 耳,出之以率直 者 當者, 出之成乎不善,則 居 一身以 心, 之,則無論其 内,則見 家之大事 修己治人之道, 有善 道 人, 順 養心 道也。 丽 世 内 念而 而 可 誠 不 温 執 而 於外 善 必 近 非 而理皆心 厲 ,若承祭, 簡 事 矣。 形外,凡 信 遠 道 之不宜則 也,所以 (爲見 以 以 者皆足 而次序之不 鄙 丽 也。 唯此 御 人 辭 乃 倍 顔 繁, 立 是 功 其 得,自 以 其 渾然一 若見賓,籩 而已矣。 而 丽 見 善 以 有 大 不拂於人者 色貴 倍。 然君子 所 氣 辭 名之末務 成 者言無 司 人 爲 有 非 以 文則鄙 乎 存 mi 身之周 君子 矣。 端 以從 也 至善 氣貴 焉,付 成 .但求 若 凝 非 事 猶是 豆 容 所 今夫 夫 m 即即 出出 矣。 理, 之 盡 以 此 所 旋 貴 之 仴 mi 和

以

處生

死

丽

不惑者也

意乎? 天。 於天 物 可 ጠ 以之敬 己 以 也 矣。 0 地 喪 人爲萬物之貴,君子爲 之間 身, 而 其 鳴 此吾所奉 君子豈使此心 所 嘑 以之治 耳 守哉 目 此 ? 口 曾 以 人, 體 誠 子 終 以 皆 審 身者 之外 立 之事 於 不 誠 媿 馳、此 人之貴,貴此 此 盡 也,而子 親 我 性之實學 則 以以 生之實 巍 心 之事 能 然立 之逐 無

曾子 若 於斯矣。」校、當作斠 無 演著 日 . 以 虚 犯 能 問 M 於不能 校 不校。 ,刑具 也 昔 以 者 多 吾 間 友當從 於 寡。 事 有

校,計 非 己,不足 閒,故能 子之心,唯 幾於 校 無 在 也。 如 我 人,不 知 此 者 義 友,馬 不能 理之 必 謝 也。 得 氏 無 氏 爲 以 窮, 日 在己、失爲在 爲 . 不 顔 不知 見 淵 物 是 有 我 也。 之有 在 顔

訓義曾子曰,以吾有志於直方剛大之學,

矣。 篤 矣。 之待 爲 誠 即 也 偶 者 爲 不 能 益 虚 庶 之有 弗 能 從 有 見 车 幾 無 而 及 静 其 有若 之 事 物 以 在 有其志,不必即有其事,有 可 也 果 猶 以 也。 之居 者。 我 功 明, 餘 以 於自信 恐 則 丽 多 謂 體 之 無 犯 其 不能 而 量 多 間 直 德 以之爲學 道 知之已至,而 而 不 急 實若 爲之不 己 者 於 可 不 者之疏 不念 遠 誠 於 則 弗 寡 而 恃 校 情 見 而 心 虚 體道之學, 逮 也 足者,或 功 其 無 志 以 ,則志以 無 無 無 也 者 也。 所 氣 虚 患 而 不 患 患 之淺 得 日 丽 其 篤, 不 知之不詳者,或 其 其 是 是故 也。 己 和 聞 見 故 一至之行,能 志 己 也 私 深 更 圃 見 爲 其 其 氣 私之未 有 其 猶 以能問 雖 日 IIII 之 미 事,不必 之 心 間 見 恐其 吾 聞 損 在 一窮 恃 不 爲 不 見 無 所 於 矣 唯 和 虚 不 不 忘 倦 於 未 H 中 以

之近 矣。 矣,雖 處之, 覺 學,以 隨之異教。 蓋 自 誠 體 存 大之學,吾亦循 吾友朢道 加 嘗從 其 見爲 發 寡 道 一可校 也,其 自 矣,雖 之極 吾 思降 愻 丽 可容, 友亡 事 甚 生。 志 可 ·焉,雖· 之情 哉 功 有 思抑 所得之深 氣 而 信 下焉者不 也。 前 末 誠 唯 居 以處之, 之實 也 斯 有 由之感,克己去有 從 其 欲 功之未純,而 吾之可 志以問之, 然 道 矣 德, 事 廣其容之心 斯 不 而 其 於 也 誠 禁其 難 以 道 ៣ 敢幾焉。 絶 斯 爲 一,故 實矣, 言 忘 也 難平之意 平 之 者 矣。 情 必 加 不 1 難 以 而 丽 流 於斯能 露 雖 不屑之念不 也。 也。 竭 已 雖 待 誠 故直 於空 思 才 矣, 然, 我之私 不 夫 不覺 誠 唯 虚 而 是 物,誠 能 不失 方 其 昔 犯 故 敢 虚 心 篤 侈 剛 性 者 其 我 以 詭 於 不

慕於彼哉!

曾子曰:「可以託六尺之孤,可以寄百里之

欲

去其恃之心也。

在彼之不

直不

可

容

也,

心。以注释。 命,臨大節而不可奪也,君子人與? 君子人

也。」與,平聲。

其 也,決辭 才 程子 可 m E 以 不 輔 可 設爲 節 幼 奪 君 操 問 可 如 答, 攝 謂 是 或 所以深著 可 君 政, 子 謂 矣。 其 君子矣。」 節 其必然 與, 至 於 疑 死生 也 辭。

疑,其 之,以 官,能 自 者 從 亦 學君子之學,則 者,君子之志所持 訓義曾子 外 也 有 本 無 庭 以 미 終也酬之而 白 成 信 以 保 識 里之命寄之,而 不 至 君 其 其本者。 事 用 一於宫 一,才 末 身 其 非 也。 於 者, 可 聞 調 彊 才也 無 也。 信 所 乃從 護 今夫以 固 君子 媿 其 以 誠 而 養 才 斯 其 其 假 之學所造 其 後 彌 君 與 口 才 才而言 始 以 縫 志君子之志 果 德 節 以 與 六 也 王 可 之 於 託 節 信 尺 救 以 清 備 而 之 之 智效 夫中 也。 미 託 明 觀之, 至 以 孤 而 一,此 也 寄 託 蓋 無 而 節

者也。 其 與? 命,乃 言, 以 措 爲 非 志所 也 所守 立其 才濟 미 安危,有奪之者 學 君 乘 不 至 社 危言 中, 盡 淡 外外 於 學 其 稷 子者而 其 者 長之才,一曲 乃 臨大節, 者 矛 主少 於 節 唯 其 武 泊 從 示 恤 侮 偂 之何如, 誠 經 不 備 此 其 以 將 所知者但 以 國疑 傾, 後能 如 白 所 明 高高 才 其 至 是 而 里之命。 其 節 與 丽 奠生 而 以 與 行 也 彊 如 志 變 後 節 而 善 不 思 君 之節, 不 是 鄰 ,志已 將 此 果 民於 但從 其 其 可 患 而 共 顧 也。 E 六尺 内 口 才, 奪, 推 節 其 預 斯 寇, 生 非 以 之, 才節 誠 各 存亡, 防 Œ 殆 是故 吾 則 之孤 斯 節 寄 危亡 遂,蓋 如 於 將 流 面 非 果 可 未 也 也 是 以 學 攝 言 爲 欲 寧 嘗 不 耳。 以 與 觀之, 已深, 也 相 風 理 君 見 可 知 静 臨 國 託 以 逼 雨 文事 君 子 其 内釁 以 以 奪 大 共 節 孤 信 其 其 節 洵 養 所 而 孤 寄 而 無

終不 志 者 才 其 節 可 能 所志,學其所學,則才 表見於天下,非 於才 <u>\</u> 與 人其可 節 而 觀 以 卓 其 無 然自 大受之實。 本 而 終 [命爲 幸 不 成 ·可大, 哉 君 乃欲 子 面 節 以 面

弘 曰:「士不 非 寬 毅 廣 無 也 以 可以 致 毅, 其 彊 不弘毅,任重 遠 忍 也。 非 弘不 而 道 能勝 遠。 其

遠乎!」「仁以爲己任,不亦重乎! 死而後已,不亦

遠到 之,可謂 仁者,人心之全德, 之。」又曰 規 口 謂 矩 遠 mi 矣。 難 重矣。 : 立 弘大 毅 程子 而 息尚 剛 不弘 曰:「弘 丽 毅, 必 存 然後 欲 則 ,此志不容少解, 以 隘 ௱ 能 身 炳 不 勝 體 丽 毅 重 無 而 任 則 力行 以 居 無 mi

之學,求仁盡之矣,而 示求 仁之方曰 所 學 以 求 者 1 有 者 志 固 於 有 治 道 心

矣,而 其所 與天 焉。 道 以 也。 以 重 不 重 處 也,安可 弘 E 可 古 變無 弘 而 哉 將以 以 息 其 勝 Mi 而 地同理, · · 所 所 蓋士之所任者重,而其道遠 ? 不 心 1 仁之體 任之實, 不弘焉, 非也。 善其成以克全其終始, (擾吾: 弘。 行之道 者,謂身心 任 方 不毅 非侈外 擴 而 於始 而 其 養以 託於柔以 神, 静 哉? 不 士不可 非 則 情 以 而 又遠,而 爲 物 好 從 無 不 丽 丽 mi 不 變多。 以 爲 可 其 疚 足 與 以 容 歷 能 失其 以不 用 廣遠之圖 以不毅。 媿 以 萬 外 養心 物 以 謂 以 不毅 於 盡 物 不 無 非 弘毅 其 是 居約之體。 和 所 同 宜 天 者 盡 故 所 可 柔。 人,故 焉 任之量 情 以 謂 而 爲 故 夫 以 任 也 也 紛 不 矜 也。 不 則 推 士 操 得 歷 大 吾 爲物屈 氣 可 雖 不 1 其 安 當 無 持之切 託 是 任 之守 成 任 可 之弘 理 可 於 以 於 窮 而 而 > 足 之 以 載 mi 不 約 1 車 而

毅,而

所

任

者

物各 之體 量 萬 不 物 存 以 體 之 得 即 則 其爲 之情。 備 命 廢 天 天地 IIII 地 痿 而 無遺 生 痹 可不謂重 之心 以此 生 不 無 則雖清 靈 一人情 思 盡 者 之理,吾心 所任者,天理 乎? 多 心寡欲 有一 也 之不 非 誠 之用 以 極 哉 水當 吾 得 有 之心 則 即 之 其 於 隋 萬

哉? 必 不 唐 可 之物 以 蓋 不弘 死 理,一日未死 而後 也。 己也。 受此 任 而 丽 日 有 行之,其 1未死 日日 必 而 道 有 之變 何 日 如

化。 欲 遂 起 以 而 此 思其 乘之,化一念之或息則怠 爲道也,理 一念之 不 荒 存 遂 則 因 私

以 而 不 可 勇 閒 之, 以不毅也 決 其 ൬ 爲 而 不 冰淵 可 志 不 謂 所 則 此 吾 陷 遠 欲 乎? 者 所 滷 多 以 泳 以 矣。 悠 非 養 游 持 勇 誠 以 吾之貞 爲初 哉 求 合 功, 其 夫

> 身 内 爲 永 迫 圖 而 不 而 容 庶 自已也 幾於仁者, 有 不 可

不

子曰:「興於《詩》,

易 興,起也。《詩》本性 之心,而不能自己者,必於此 既 人。 易 知,而吟詠 故學者之初,所以興 之閒 情, 抑 有邪 揚 反 起其好善惡 而得之。 復 有 其 Ē, 其 感 人 爲 言 恶 又

「立於禮,

禮以恭 奪 中 可 '者,必 以 所 固 以 敬 人肌膚之會、筋 於此 能 辭 卓 愻 而 然自立, 爲 得之。 本, 而 圃 骸之束。 有 不爲事物之所 節 文 度數 故學者之 之詳 摇

「成於樂。」

樂有 消 音之節 熟而 融 其 五 自 , 可 清 聲十二 滓。 和 以 順 養人之性 律, 於道德者、必於 故學者之終,所以至於義精 更 唱 情 迭 和 而 蕩 以 此 滌 爲 而 其 歌 得之, 邪 歲 八

成就。 以 也。 是以 乎? 養 對 今雖 里 難易、先後、淺深 者,非小學傳授之次,乃大學 是 才不爲少矣,特以道 以 其 養 童 學 寫作查 古之成 血 其 人 老 穉 之 古人之樂,聲音 是不 至冠 倫 夫古人之《詩 目 補《詩 成 衇 師 皆習聞 1,歌詠 非 不明,治 也 ·得興 宿 昏 今皆 材也 借 喪 儒 按《 用 (祭,莫 、於《詩》也。 所 之而 <u>二</u>十 也。 易,今之成 尚 淔 無 以 家 内 猶可。 之, 不 養 所 無 》,如今之歌 學不明,故不 則 不 知 程 而 能 是 其 以 法 有 子 滓 其 後 曉 性 不 養 禮。 日 説 是 學 阻 古人自灑 其 材 其 得 情 歲 史切 不得 終 禮 也 義 一天 成 舞 耳 今皆 故 學 身 難 , 采 曲 能 幼 於 況 下 所 蹈 得 則 立 樂 興 儀, 廢 色 學 得 此 所 於 埽 雖 有 之 消 也 壞 起 禮 者 間 所 英 之 以 噻 所 + 側

訓義夫子曰

,教者之所

以

教,

學者

之所

以

興,興 之也 其所 焉者 自 事 酌 乃 不能 心 以 教學之道、《詩》、禮、樂三者備之矣。教之 學 學,皆以因 天下之理 自善以益 詩》 有有 《詩 固 情 固 焉 者不可不盡 者 何 尊,愛其所親,人生固 實 **一有此不昧之理。** 自 動 〈於《詩 所不 馴 影而 情 得 有 也。 教 習焉 也? 皆 之以 ௱ 以 進 使 及 人心 所 事 於《詩 业。 於 興 吾心之情 詠 據 丽 自 以學者之立,立於禮 知 之 善者,皆勃然而 歌 心 樂 自 不 而 事 也。 一, 而 吾 善之可爲,惡之必去,人 焉者,何也? ൬ 有 依 能 有 面 無 使 之 已 自 教 乃理自理 教之 而 其 詠 肄習 能 幾 安, 定 者 情 歎 行 而 必 自 有此必盡之事 有 以 則 焉 而 也 納 馬 以 不 禮 禮 所 古 之於 是爲 者 不 善 淫 而 以學者之 實 過 人 於 而 自 以 泆 情 使率 已 禮 何 有 而 也 道 已 遷 焉 自 īE 有 也 以 不 mi 覺 情 也 能 敬 故 V 其 棋 由 則

學博 者,固 遇其 漸 以 樂 之近 治 起 而 度 用 以 心 (詩》、 一舞勺 功 進 定 之心而《 志 以 浹 示 立,終以成,若有序 而 學者之成,成於 7依即 於 (興起之心,於禮 焉 將熟之候, 鼓 純 人人心 以 得 功 禮 興、立 之 定, 高 其 舞 成 知 無 深, 後 學 樂之所自出 成 之樂 而 (詩 則樂實 固 德 能 雜 、成之所 功定治之敍,則 不 即 已 有 》作,有自 不 定 服 倦 而 而 以 合 假 此 也 有以 興、 樂 成 至 順 於 樂 雅 雜 公 劈勉, 章之德。 作。 善端 必資 於樂 而 暘 也 焉。 》、《頌》之所 立 也。 服 成之也。 正 立之志 而 即 是 其 成之大 也。 其自立之志 自 而 爲 而 後 丽 學 興、 始 得 天 善之樂, 自 ^ 人於《 心 操 乃 詩》、 教 始 而禮 者 幾 成 立、 自 縵。 古人有 德 用 童 以 通 威 極 氣 有 易 詩 禮、 興, 成 制 焉 以 當 其 儀 至 而 已 因 雜 於於 有 後, 者, 而 之 於 使 + 維 樂 圃 律 乎 人 性 m

> 浹洽 於房 則 身焉於此 揖 以 塗百致之差。 交格之大 尤 讓 立 於 中之樂。 興 樂 窮 神 加 以 理 也。 ,而樂比 明, 即 成 盡 有 若 即 性之所 舍是而 合《詩》、禮、樂於 弦 教者之教,學 以 歌 有 於《詩》,禮 合 ,弦歌 殊 司 不 異端 焉 妙 離 升 其化, 曲 而 m 者之學,誠 學 比 自 詩 必 且亂之矣 於樂,無 觀 一致,而 極 × 賦 以 鄉 至 之典, 興, 神 南 終 使 殊 人

其可勿審哉!

子曰:

「民可

'使由之,不可使知之。」

後 能 不 其 民可 莫,漠故切。 世 欲 所 使之由 人 以 朝 使之由 家 然 四 之爾。 加日 莫三 喻 也 於是理之當然, 而 作 之術 户 若 俗俗 曉 程 日 陋 也, 也 子 聖人 日 然 贵 聖人 不 不 而不能使之知 聖 能 使 之 使 人 民 之知, 設 心 知 則 教, 乎? 非 是 但

訓義子曰,先王之治,齊小人以禮,而出乎

亦此 既 亦足以導天下於中 而 未聞,長之所不信, 者,君之何以尊,父之何以親,人之何 以賢治不肖,而使之由者也。 飽煖 以 多易人心, 於同 可違天,情之何 分,行乎不得不然之塗,所可 天之生人也同,而 上,免於淫 小非貶 欲 即 爲民矣,其父兄之率,鄉黨之所狎,知 理 使知之,必 然皆得之真則。 逸居而已。 入乎刑 也。 世 道 有異 以 僻 先知先覺者 未嘗 殉 而 端端 而使之樂於爲善,而 不可 以不可悖性,則其幼之所 止 俗,則立 者 進之孝友婣睦,尊君 人之習以成性者異。 耳。 本 · 欲 正和平之中,而風 無静 也。 性 或疑 以 爲之禁其 命 顯其 意以驚 性 可存,無 由 以 不知 命 用 文 此 以以貴治賤 若其 之 教,以 於德 理 而 衆。 理 非, 動 行, 也 介所以 徧 非 미 行 言 俗 以 定 喻 喻 詧, 知, 也 然 有 之 美 則 其 親 夫 馬 不 無 民

> 之志而成其務,爲不可及也。 惑小人之狂迷。然後知先王之教,通天下諱下,及於猥瑣,適足以生君子之厭惡而

好勇而不安分,則必作亂。惡不仁之人而甚,亂也。」好,本作政。亂,宜作渴。子曰:「好勇疾貧,亂也。人而不仁,疾之已

利欲 小 者,不能安,不能待也。於貧 苦, 思所以 其上安之,其次不得已而 無 情之險,生於迫不能容之一意。 訓義夫子曰、已亂之道、在平人之情。人 則悖 可 則激 君 深 免貧 逆於家,大則寇攘 厭痛惡之事,而 子 mi 之情 成 而 亂 不得,若 ,所必然矣。小人之情在 在 意 氣。 疾 引爲 姑待之。 之切 於國、亂矣。 利欲之不能遂 m 疾 躬者,於是 厭之惡之, 痛 故天 難 有好勇 堪 下 之 本

乎? 豊 恣 置之。 之吏爲懲姦之治者,大亂之所自生,而 相若 無殘忍之族。 富庶之世,不無飢寒之民。盛治之國,不 在我思所以相報、亂矣。夫人之貧富不能 得,若疾之相害者,於是在彼既無以自容, 之惡之,至於已甚,思所以去其不仁而 氣之或相拂,其上化之,其次以爲妄人而 厚任官而 小人於利欲之塗,而任 , 仁不仁 故以技擊之術爲 倘 彼已不仁 刑罰簡 不能 以禮教正 此先 相若,皆自然之數也。 矣,不能 殭國之道,任 王所以安天下也。 俗而詐力革,以忠 化,不能置,厭 君子之意氣 人 酷 不

嗇也。 程子曰:「此甚言驕吝之不可才美,謂智能技埶之美。驕,矜夸。吝,鄙不足觀也已。」

不詧,悲夫

日: 也。 葉,吝者驕之本根。 盈歉之殊,然其勢常相因。蓋驕者吝之枝 周公之才, 未有驕而不吝、吝而 「驕,氣盈。 蓋有周公之德,則自無驕吝。 而 三騎吝 吝,氣歉。」愚謂驕吝雖有 馬, 不驕者也 故嘗驗之天下之人, 亦 不 足 觀 矣。」又 若但 有

美。 物之相求而後曆,則以一人之才歫天下之 於所不能 明之故。 變,可以 技之長,本無可矜惜者。 訓義夫子曰,君子以至虚之心受天下,而 之美乎,可以開不世之功, 下而實著其功。 集其益。 以至公之心譍天下,故天下利見之以成其 唯虚也,則天下之才,皆效其才以廣 盡 而使其 唯公也,則苟有其才,皆效於天 ,不能待物以公,而吝用之以待 人官物曲 而如其不然也 不能宅心 之宜 即 可, 於虚 可 如 以 以 有 前 定 通 周 則 禮 非常之 公之才 無 以 驕人 樂幽 論 曲

學多 不足 事之利 時 才,且 有 通 觀 所表見於功名之會,亦 必必 也 圃 才 已! 已矣。 以 於 身 君子之道先治其 是以 圃 攬之易盡,而 不 君 能 子 達 雖 其 生 才 一端之得 心, 資 推 於 之有 明 天 而 達 下 非 窮, 才 博 雖

去聲。 子曰:「三年學,不 至於穀,不 易得 也。 易,

之徒

尚

也

乎? 穀,禄 得也 求禄, 0 然 張 也。 如 則 之賢,猶以干 此 至,  $\equiv$ 之 季學 人不 疑當作志。 爲學之久, 易 而不至於穀,宜 得 ·禄爲 也。 問、況 楊氏 其 不易 下 而不 日 者

皆 勉其 訓義夫子 君子之學,則 吾身不容已之事耳。 所當 爲, 日, 即 以 禄 水盡 通天下之志,成天 者,先王 乎吾性之所固 古之人終身於學, 所以報君子。 下之 有,而 務 丽

> 乎? 季而 爲 不保 可 其 其 身心之事,不以其學期乎得 不易得矣。 之詣未 之學者,誰可與 用,而學之不倦也 期 心,則 小 視 人之儒。 其心之不 不易 以 出 是可 造 精 圃 心 平高 利 得。 歎也夫 漸清 苟能於三季之中,無名利以 學 見、 之境 乃當世之不至穀者,期之三 爲 道其 明 退 圃 語 利動,則白首窮經,而 廣 此乎? 道 而 未 如 大之域。 將隱,而 味 至,而 潛 故。 漸 修 出 由 即三季學耳,學 勤 禄, 今思之,當世 學其 也 由 若三季以 勤 是而之焉 如 焉 則 將 是 引 雖 廢 者 以 老 分 也 旧 内 亦 爲

子曰 「篤信 好學,守死 善道。 篤, 當 作 厚

篤,策馬

死 篤 篤,厚而 ,則不 信 也, 篤行, 則宜作篤。 M 不 能以善其 力也。 好 學,則 不篤信,則不 道 所 好,本作政 信 然守 或 非 死 能 其 捕 好學。 不 正 足以 不 善 守 然

其道,則亦徒死而已。蓋守死者篤信之

效,善道者好學之功。

「危邦不人,亂邦不居。天下有道則見,無道

則隱。居,當作尻。

言。 君子 紊矣,故潔其身而 在外則不 見危 無道 授命 則 可 隱 也。 其 則 身而不 去之。 仕 亂 危邦 邦 未 見也。 天下, 危 者 無 前 可 舉一 此惟 刑 去之義 政 篤 世 紀 信 而 緇

焉,恥也。」 「邦有道,貧且賤焉,恥也。邦無道,富且貴

好學、守死善道

者能之。

世治 碌 處之分明 碌 鼂 氏 庸 而 曰:「有學有 無 人,不足以爲士矣, ,然後爲君子之全德也 可行之道 世世 守,而· 亂 去就之義 而 미 無 恥 能 之甚 守 之 潔 · 出 也。 節

求無媿於心,而天下之理得矣。體不立,訓義夫子曰,君子之道,以立體達用,要以

見 知,可 之術 也。 其 必慤 者相 也。 特 於 己 也。 而 非 則 度,而不惑於物,載之終 全吾之正志,利 不忘,志之誠 者言之,則篤 知其學之未 王 非 心,求之先覺之所 雖 因 一救之功矣。 無道 求心之安而 因,而 好學也 而以全吾之本志。 ,無疑於心,而不 時 審幾度物, 以 制 爲 以 宜 治 必 終廢 善道 醇, 體 世 也。 交 以 信 立於己, 不爲動,害不爲撓,不 而道之未合也。 丽 盡 興 俛 進 非 而君子審幾之大用,不徒 也,守死 必 禮樂之用 以 也 仰 者 以固 可 不得時措之咸 爲 一,所 天 心爲準,而 也。 欺 以達 然後 人 心身而 前 誠 於物,載 執 以會 也 言之必 而 用 然,則 其 一,所 而 自 必因乎天下, 心 不忒,志之定 即 通 其 非 信, 古 之夙 以 通 不 無 退 自 口 通 誠 貞 學 敢 爲 口 乎 今 其 世 則 宜 其 自 行 亂 以 以 改 善 而 夜 立 亦 成 其 之 世 酬 以 任 志 體 乃 窮 而 以 四

升之日 廷 生 焉 君 無道 忍 我 也 廢 也 有 夕 有 則 目 而 無問 月 月 子 無無 道 視 所 何 我 侈 危之,而 ,無容朢其 道 必 而 议 心, 也 功 則我之有道非彼之所能道,是道之既 則 其 미 則 危 我 無 容 道之不 名 出 何 可 亂 消 見 邦 間 疑其不足 委 而 加 爲 ? 、無 ,保身名 處爲吾身心之大 因其道以求盡於道,是道之將行 也 不 能 Ш 世之 何 我 猶 勿 君 用 道 以 違 加 可 已 可 恥 昏 殉 能 不 則 與 時 亂 行 亂 而異 與有爲而姑爲 與大有爲 臣 乎 其 勿 同 以 可 隱 邦 者何如,但上 矣, 亢,非端 危? 恥 乎 棄 其 荷 不 乎? 流俗 1 者 安 寵 我 居 故 何 於 利 事 不 志 乎 敵 邦 也 如 隴 與 使 而 國 業 無 正 則 非 行,但 前可 畝 同 不正 邦 外 吝於出也 危 我 下 使 但 試 則 患,非 亂 無 矣, 衆 之 邦 同 則 殉 也 必 容也 道 自 香 變有 E 天 有 民 而 非 天 之 之 뱜 道 蓋 命 物 自 何 日 下

> 之操。 情自 之中 斯爲君子之全德與 盡此 口 通 ·, 而 然之節。 心之安,則窮 雖 以 因 本 存主之嚴 時 體 審 既 以 幾 立 研 神知化, 進 幾之密 昭 植 退 然 其 決 不 譍 成成 於 不外 昧 物 俄 於 其 不 頃,要 此 信 確 違之則 天 乎 守 亦 理 以 學 拔 求 道

子曰 程子 君大夫問 : 「不在其位 日 不 而告者,則有矣。」 在 一、不謀 其 位 其 則 政。 不 任 其 事 也 若

受任 之。 也。 訓義 共謀 必 失 面 功 授 行 之可 政。 罪 ,受任矣 即 在 子 之數, 非 其 Ė 君子之不爲 也 其 位 朝 或 獨 ,則政即其 廷命官之典,即君 家 而 而 若夫學矣而 任 因 各 不 · , 而 政 越 有 謀, 爲 而 分 所 官 、政矣。 設位 司 以 斷 屬 , 則 代 未仕 斷 爲 爲 如 雖 士 任之, 子素位 仕 籌 官 人 明 也 聯 畵 習 即 矣 斯 與 於 m 相 以 m 謀 得 聞 使 未 與 位

常 守 焉 在 焉 君 亂 此 則 則 子 道 而 心 但 即 士 也 知 告 爲 行 其 在 以 安 不 是 或 理 土敦仁 修, 非, 之常 家 處 不 面 士 之學。 開 但 圃 横 辯 潔 不 議 言 其 之風 擬 亂 此之 去就。 其 政 事 之 漸 不 不 之 講 風 來 間 口 官 而

哉!」擊,脂利切。睢,七余切。子曰:「師摯之始,《關雎》之亂,洋洋乎盈耳

長

洋洋,美盛 師 師 史記 在官之初,故樂之美盛 > 魯 目 樂 意。 師 ~ 毙 名 孔 雎 摰 子自 学之 也 衞 亂 亂 以以 反 如 樂之 魯 爲《 此 m 風 卒 IE. 》始。 樂 章 也。 谪

然,亦 莫遇 自 訓 定其章者, 義 節 也 夫 存乎其 子 聲 日 圃 者 以 禮 人而 後 八 聲 得 樂 音之所 爲 已矣。 其 必 主 人 一情 以任 深 自 八 有 音 裁 丽 明乎 之, 者 文 故 舞 乃 則 其 莫 蹈 明。 亦 理 之 可 以 於 所 日 釐 雖

終之以 之既 聲,而 升堂 足以 信 則 理 用 氣 IIII 心 心 乎 音 南》三終、《召 在堂上,易於徹 雖 樂之 盡 之鄉 各 兩 不 情 哉 丽 於 復 飭 得 階 清 而 IE. 動 盡 升 人,用 官展 爲 此 作 於 其 之上,其音 而 亂 奏房中之曲, 人情之興 歌 而先 夫子此歎 樂, (徳性 氣 矣。 詩 ,清瑟之弦獨 其 斯 不茶。 歌 其能 南》三 大 E 之 最 大 洋洋 嗚 聽 用 邦 樂 淫 和 尚 起 嘑 或或 閎 或 之 辟 洋 平 己。 發皇於尊俎 行 則 丽 終, 1 肆,其 间 所 之 平 充 矣。 白《 在 我魯大師 元音希微 無 奏, 充 升 得 以 心 先 盈 滿 師 所 其 關 之意, 之以 其 歌 與 興 不 耳 擎 韻 大師 不感者。 和 雎 唯 能 哉 適 廢 人 天 流 平。 之間 瑟 而 人,惰 摯者, 地 齊 在 連 歌 將 以 關 而 一之後, 與 盡 同 以 下, 耳 飽 賓 雎 乃 恐 宣昭 歌 和 其 和 樂之 之盈 慢 滿  $\leq$ 其 自 其 主 周 始 不 之 m 樂 不 雖 m

事 追 思之。 者。 道之行 雖聖人 不行,信 Œ 樂,而 有 天乎 不 能 不 聖於習 其

吾不 子 其 也。 日 有 吾 侗 是 中 不 知之矣。」狂,當作狂。 無知貌。 知之者 德。 材 狂 以 蘇 而 下, 故馬之蹏 氏 不 日: 有 愿,謹 直 甚 是 侗 絶之之辭, 德則 天之生 齧者必 厚也。 而 侗,音通。 不 有是病,有是病 愿, 悾悾 善走,其不 物,氣 悾悾 亦 控,音空。 不 屑之教 質不 無能 而 不 善善 齊。 貌 信 者 必 誨

者 狴 訓義 其 易見,而 失 ,吾於其 而 夫子 不 ൬ 質 直 裁 有 失之中 日 成之,知其 行之不掩,而 不 侗 人 馴 mi 之志 有 不 口 得 愿 因 量 焉 失之 材 悾 不 信 以 可 悴 齊, 中有 其 相 施 而 不 然 教 諒 不 屑枉道 得 失 也。 也 信 者 而 者。 乃 利 則 其 以 雅 有 導 知 失

才也。」

必

馴

有

是

病

而

無

是

德

則

天下

之棄

0

又欲 侗、爲 以 不 陷 自 之自然者也。 節 E 而 L 誣 陋 殉 於善則無可 物。 害 可 取 信 於 説 於 然者,以之嚮善則不求益,以之爲 也 而 施,而 求 之 其 人 起 以 不 悾悾者 心 偏 Ţ 日 足 不 侗 且 僞 欺 ·爲詭 者, 爲 也。 人。 不 遂 則 此 以 吾 至 如 直 爲 又 也, 或 能 邪 吾於其心之不 烈 其 何 行 焉, 悾 乃 棄人。 直、 惑 而 也 以 何 者,於惡又足以 質 則 悾 不 於 則 有 以 罔 之 曲 者,吾於其 愿 能 志 流 餘 世。 知之哉? 愿、能 焉, 諒 無 甚 言 俗 也。 之日,此 미 矣 乃不 雖 以 則 如 迻 信 若 慧 拙 高 何 其 者 此 信 材 於 巧僞 蓋 爲。 者 而 面 爲狂 之 性 也 者 焉 見 信 天 也 中 之風 不 理, 惡 資 或 則 情 因 其 因 爲 逮, 則 質 以 而 實 所 既 其 以 不 而

子曰:「學如不及,猶恐失之。」

言人之爲學,既如有所不及矣,而其心猶

過 竦 然, 程 子 纔 惟 日 説 恐 Ⅰ:「學. 姑 其 待 或失之, 如 明 不及,猶恐失之, 日 便 警學者當 不 可 也。」 如是 不 夃 作 得 也 姑 放

譌别。

訓義 圖 分其 求至 己 窮 難 IE 本 則 於自 而 知 者 至 其 學 日 唯 未 或 之 之 志 焉 ,若道執之迫 此 有 心 信 者 夫子 誠 Ħ 丽 易簡之理,愈求之而 所 氣 窮 將 不 若 喪之 則亦 學 知,始 ·白,甚 亂 者 也 何 得 有 其 其 又 如 所 知 奚當於 有 不 聰 乎? 起 日。 就 亦 矣 之以 得 能 明者又 矣 易 而 我 1 mi 守之終身。 學哉? 知 不 以 蓋 如 道執本 緩 可 從事 及 而 於 無 如 不 杰 以 者。 能 相 涯 不及焉,而 矣,既 及 自 於學者之難 愈見 亦 ·有序 求,而 , 而 據 夫 然以 而 簡 庶幾 乎 誠 終 能行 歲 其 能 ŧ 也,歲月 欲爲學, 終 身 月之有 高 此 也 及焉 之 之妄 猶 之而 乃業 遠 心 也 所 之 恐 而 乃

> (焉。」 日 以 序 失 及者之猶恐失乎 爲學而能 氣 則 : 也 易 而 有 與,讀去聲。 託 簡 巍巍乎 其 之從 爲 加 失也,豈 如 無 勉 不 容, 難 於 及者 知 無 以 ? 舜、 待 盡 時 有幾哉? 無 何聖其 言哉? 已耳。 禹 爲 難 之有天下也, 可 行 俟 而 得 如 鳴 面 待 當於學 況能 其以道 嘑 須 其 1 之 聰 知 異 邪? 世 如 明 爲 而 日 之 不 志 有 不

 與

子

訓義 物 以 以 高 其 榮 天 贊 物 而 夫子 辱, 之日 下 若是者,誠 ,皆吾性 爲之君,則 爲 丽 就舜、 憂 不 無 勞 之民 隨 欲 丽 天 必 禹 巍 然 慎持之之謂 下 物 舉天 巍 君天 後 之所崇 也 乎 可 識 下而 下之道,而 以 乃 言 超天下之上 高者 以 覆冒 王 也。 不 道 以 與 之,一民 見 民 首 推 非 爲 其 出 物 但 而 崇 庶 其 心 同

功著天 斯 命 淡 調 可忘 其 嘗有之,而道 量包天下 人 焉 己 燮之功。 規 日 以 代 心 相 也 恢 德盛化神而 之内。 天理 下而 無與 忘, ,吾事猶是,不可委也 而 世 圃 己 物之 為。 則當世之所謂崇高富貴者,自 非 喜 吾道 則 無 以 既 九 舜、 意 不可 得民。 職 故仁覆 有 也 州之貢,宅萬 焉。 而 天 禹之有 事吾事 及與 己。 下, 居 口 天 下 1 圃 禪 道 天下 日之 一,天下 吾道猶 至 可 而 也,天下即 非 繼 國 而 ·是已。 位, 以守位。 自 ,付之天 之尊,於 是,不 一待其 無 則 欲 在 未

爲 子 之德 大 不 也 唯 可 猶 唯 以言語形容也。 能 言 大 獨 堯 與 物之高 哉 則之。 也 之 堯之爲 準。 則,猶準也。 大,莫 蕩蕩乎 故其 君 也 有 德之廣遠,亦 1 1 過 於 民 蕩 巍 蕩,廣 無能 天 魏 者, 乎 名 如天之 遠 而 馬 之 唯 堯 偁 天

> 巍巍乎 法度 成 則之以治天下,故民 者,其功業文章巍然焕然而 功 尹氏 也 事 其 日 有成功 業也 一、「天 堯之德 道之大,無 也 焕,光明之貌。 不可 - 1 無得 焕乎其有 名 mi 其 己。 爲 名 口 而 焉 見 文章 文章 成 者 所 一,禮樂 此 唯 可 爾 名 堯

過,誠 之紀 之倫 將 巍 被其 所 訓義夫子曰,一 不 而 君,則必有以爲之者。 因 未 何 巍 道 乎其 其 德 而 神 有 咸 以 大哉 治 所 而 擬 被 不 徧爲 未盡 覆 m 其 之乎 大 擾 其 哉 冒 以 暗 其 爲 德。 爲 ? 萬 潤 性 君 人立 治 三代之聖人爲之,而 方, 動 也 今夫 自九族以 開 自 説 面 干 則 於天下之上 唐、虞以至商、周 之化, 以 無 上古之聖人爲之, 惟 載 堯之爲君,定生 理 有 其 之治 爲 至黎 御 能 以 氣 踰 之大也 生 面 民, 違 面 生 不 而 启 化 爲 不 有 無 則 無 之 測 其 有 生 不

乃

所

能

然圖 之所 生,皆 天成 之成 有以 足以 君之大業,則成 見之謂 之至,不以一德著, 之大而 者,唯天然也。 民民 未 得 氣 加 矣 盡 以 虚 之 功 建 利 心 一堯之所 無能爲 不不 之矣。 而 其 爲 之理,堯無 ,平章迄於 爲 巍巍也 巍 仁,智者見 知之性 自 用 天 巍 君之極 能 平 無 厚 以 盡 爲 之名焉。 夫堯之君德,於降衷以 不 其 其 情 故 性 功 也 而堯之運 備,後之帝王 有 生、 萬國 不 業之成名之,而 而 之謂 是也, 而 以 蕩蕩乎 而默受其 成功 盡,而 惟 著 錫 盡 E 矣。 堯 其 智, 極 人 雖欲名之,而 其德,不 矣 則文章 則之矣。 功效, 物 於民, 於一心, 施 人之所以爲人, 百 1 前之君天下者 之性 於民 裁成者,仁 姓 踵 堯之文 則 一是 其 待 以 日 者 者 地平 天 於 也 成 用 惟 以 事 屑 其 既 體 之 名 廣 其 盡 而 而 矣, 層 爲 所 無 堯 自 天 不 不 者 遠 爲 體 僅 其 雖 日 班 或

知

MI.

遠,而 徵。 堯 辨焉 不能 皆堯之爲之者启之也 七十載之庫造 爲君者之文,孰非 未 而 面 存 惟 其 前 費 班然尚之而自遠於陋,後之帝王 飾 ,乃得遂其 與天同其化也 莫 之化, 其 歎 以一端之美名之,而 論者 聖知聖, 奚 禮樂鷹乎 能 爲 典 千百之一二,故成 ,皆非玄德想像之詞。 增。 法 籍 君者之功, 不詧,乃以黄 哉? 堯 傳 焕 而 無 聞 風、易其 総 乎 爲君之實,猶 神人焉。 猶 不 蓋 0 其 天 飾 多 堯 夫 然則 孰非 M 有 有 所 子 俗 而 老微 V 文 存 飭 之 後之君 洵 以辨其 堯所 中國 人極 令己 前之君天下 功、 者。 正之文? 衣裳垂焉, 時 乎民之不可 妙淵 可 去 文章 開 之所 後 紀, 1 攷據 故 萬世 天下者, 堯 世《堯 剙之功 深之詞 堯之德 猶 漫 因 不 至 以 則 有君 堯 未 於 者 無 其 待 族 爲 典 名 極 其 以 4 敍 所 ? 於 姓 中 口

加之功文懋著之聖君,亦陋矣哉!

舜有臣五人而天下治。

五人,禹、稷、偰、皋陶、伯益。

武王曰:「子有亂臣十人。」

《書‧泰誓》之辭。馬氏曰:「亂本十人,謂周公旦、召公奭、太公聖、畢公、榮十人,謂周公旦、召公奭、太公聖、畢公、榮公、大顛、閎夭、散宜生、南宫适,其一人謂也。九人治外,邑姜治内。或曰:「亂,治也。作亂,古治字也。」

讀譌。 斯爲盛。有婦人焉,九人而已。婦,房九切,今俗机子曰:「才難,不其然乎? 唐、虞之際,於

會之閒。言周室人才之多,惟唐、虞之際,用也。唐、虞、堯、舜有天下之號。際,交才難,蓋古語,而孔子然之也。才者,德之偁孔子者,上係武王君臣之際,記者謹之。

謂至德也已矣。」「三分天下有其二,以服事殷。周之德,其可

揚 皆以至德偁之,其旨微矣。」或 之,乃不取 《春秋傳》曰:文王率商之畔 [三分]以下,别以[孔子曰]起之,而自爲 子因武王之言而及文王之德,且與泰伯 蓋天下歸文王者 曰:「文王之德,足以代商。 天與之,人歸 章。 也。 惟青、兖、冀,尚 圃 服 事焉 六州,荆、 所 屬 以 紂耳。 梁、 爲 至德也。 廱、 或 曰:「宜 以 豫、徐、 事紂。 范 斷 氏

訓義建一代之治以定天下者,存乎才。而 育才爲急。 者,存乎德。 立遠大之基,以合天心 而德未極其 人才難得,故 而 至,不可以言德 爲 人君不可 臣 民 之所 不以 咸 服

治

以

定,

戡

不

足

以

爲

功

以

撥

亂

而

反

 $\Box$ 

有

是

+

人

IIII

以

爲

之

臣

則

E

,子有

有

云

舜

有

臣

岳官

羣

之云 外,武 定。 亂 殷 謂 周 亂 之才, 牧 周 夫周之初 治 也 可 三才 五 之所 惟 臣 殄 賢 者 矣。 之德、 也。 不 人 殷 不然 能 王 未 + 才 濁 難 慎 加 以 之生, 人。 且 任 不 足 以 以 故 IIII \_ 修 天下治。 合 天下 見 以 則 建 紀 止 孔子 將 則 其 唐 是五 智 爲 任 誠多士矣, 本 1 舜 謂 觀 實 德 然後 於己 殷 不 治 世 有 虞 之成 合二 聖 易 於 也。 足 也 人而 之 天 而 周 武 人之以 易 周 足謂 長, 以 下 功 論 事 之際 不 初之 夫 而 也 E 外, 之功 之, 爲 信 一之誓 開 而 亦 非 子 則 之オ 治 贊 未 猶 适 濟 以 其 舊 觀 偶 兩 m 也 者 勇 之 可 足 舜 功 師 於 濟 論 義 然 4 論 信 然則 潤 言 人 自 信 則 婦 虞 宗 謂 觀 天 加 且 焉 然 爲 勿 九 而 禮 有 地 輔 人 亂 於 自 敷五教有 乎? 其 人, 論 以 臣 虞 於 弘 人 爲 人 所 盛矣。 君 濟 其 而 静 十人者 此 蓋 周 以 難 己。 雖 天 正 嗚 信 於 有 下 修

武、周

之

勝

多

1

且

將

爲

至

德

也

之,而

論

始

矣。

欲

知

周

周

事

而

知

故

君

子

尤

不

始

欲

知

未 有 唐、虞之際, 其 以嗣文考 人馬 才之盛衰,而 不易 之已 人,明 八遇合 嘑 盛 任 门以 然武 王 之才 此 誕 内 所以樂 事 之者 也 一定六 生, 九 治 而 伐 平 者 才  $\pm$ 刑 者, 人者, 不其 下 大 水 君 當 寓 嗣 有 脯 所謂 難 勅 · 以 佑 即 育之者 商 土 師 何 如 之大 且 以 是 如 法 武 然乎 其 非 以 有 於 如 此 無 十人 此 以 而 沖 王之所鄭 後,惟 人,教 此 志, 能 視 才 邪 荷 夫 分 奠 ? 當 者 爲 不 如 五 南 Щ 幸 何 面 中且 易 其 德 臣 以 則 或 武 稼 倘 如 而 而 求 者 數 何 虞 裁 繼 邪 語 以 E 驅 穡 不 有 若 也 也 成 有 修 所 幸 其 以 而 猛 有 周 不

四

治 西 民 武 論 乃 也 不 殷之暴主。 而 之天職, 江江 、周之 者 敢 恶 愚 志 之 夫 之根 者,大 之 方 賤 子 分計 天 漢 施 不 所 茂 之情 之言 弔伐 救民水火,是足 惟 及 以 夫 之日 於 能 日 而 之, 其 義 武 南 周 此 性 追, 非 居 解 皆 而 之 者 有 王 惟 之德 贵 德 但 退 乃 之 天 人 此 而 植 凤 難 \_\_ 歸 此 不 無 則 下 不 至 於 初 夜 州 於 化 也 + 以 尤 德 信 得 能 天。 載 傾 水 奄 爲 於 恢 有 也 與 已之世 五. 諸 心 以 其 有 勤 仍 約 大 幽 觀 E 深 於 心 E 無 哉 其 故 品 所 民 以 獨之志 其 之 有 西 順 媿 阳 者 1 田 此 侯 深 局 士, 積 所 帝 天 不 服 乃 自 則 非 面 焉 **下** 不忍 功絫 心 求 周 之 終 取 爲 謂 天 深 河 者 之 禮 洛 惟 有 下 莫 之 下 有 文 天 君 者 之 至 德 朢 所 事 考 以 下 當 者 慰 其 以

> t 尚 子 德 子 百 詹 服 之言 賢 任 不 姓 詹 天 其 易 命 天 口 之 無 而 觀之, 修 下 至 以 私 以 智 德 之 也 荷 曲 其 而 平 重 順 説 故 才 可 開 民 恃, 難 E 面 帝 數 情 也 統 思 命 百 煦 矣 絶 以 秊 故 口 煦 而 成 有 以 然 治 之 霸 功 幸 道 H 則 1 功 成 之 激 敬 11 其 不 允 平 長 而 無 足道 口 者 者 亂 其 矜 日 可 合 非 平 多 君 夫 偶 不 m

之洫 切。 乎 鬼 子 神 溝 日 黻 . 加 惡 分 禹 衣 勿 禹 切 服 吾 吾 而 無 洫 無 致 閒 況 閒 美 然 逼 切。 伙 乎 矣 黻 矣 1 成 冕, 閒 菲 廣 閒 卑 飲 八 宫 尺, 去 食 室 面 深 致 而 菲 八 尺。 盡 孝 芳 力 平 謂 尾

閒 祭 服 薄 服 也 雄 黻 也 隙 致 蔽 彻 溝 孝 膝 謂 洫 鬼 也 指 神 田 以 其 閒 謂 譃 韋 水 喜 爲 隙 道 祀 之。 Ш 豐 以 非 冕 潔 IE 議 疆 之 冠 界、 衣 也 也 服 備 早 常

心

爲

之鄭

重

而

不

褻

萬

方

樂

附

之志

爲

能

信

則

極

其

可

致

而

無

不

致也。

衣

隙 潦 者 之 也。 可 薄於自 議 或豐 也 奉 故 或 而 再 儉, 所 言 各適其宜,所 勤者民之事,所 以 深 美之。 以 致 楊 無 飾 氏 罅

也,夫

何

閒

然之有?」

者宗

廟朝廷之禮,所謂『有天下

而

不

與與

焉,而 也 非 是。當日者,操心 矣,天下之理 之未滿者,非 其用心之獨 訓義夫子曰,大以其 心至於是,而 王之治。 代之統。 天 加 理之當 無 致孝乎 不各 故 密以其 功成治定,而令尚 至,詳於此 然。 其修身、治人、事 得。 如 至 鬼 治 是 神者,天地之 則 極 隆 也。 心磨天下 而 於 乎至 殺 心覆天 禹之心 其 節 吾觀於禹 加 菲 略於 文 密 一、故後 下,乃 飲 之 ·, 乃 神之 即 論者 産,水 食 閒 彼 於其惡 如 可 ",若 世法 見 無閒 法 無 是 猶 以 可 土 其 即 有 定 得 以 之 儉 效 然 隙 如 其 開 窺 百 而

> 大矣哉 慎以 故曰 心 於作 於細 其 服 吾攷其事 於其卑宫室,見其 盡 無念之不衷於道 明 見 : 則。 微。 也。 立功,說 其樸 分 聖人洒 之 以仁 ,無事之不愜於天人也。吾詧其 以 以此定一 尊 也 簡 以勞 心 禮綏 略 則 面 圃 明 約 致 極 民 退 代之規,垂三王之法 淡 人神之聖, 義 也, 美 其 门則 藏 泊之志 乎黻 也。 可 於 圃 極盡 美 密。 盡 而 冕 而 力乎 民 則憂 則 何閒 者,昭德之 密之爲道 無 力 慎 溝 餘 然哉? 勤 间 修 洫 美 不 不 不 也 懈 忽 恤

七 世

孫

世

全半

溪

謹

刊

書 訓 義卷十 终

四

## 四書訓義卷十一 論語卷九

宋朱熹集註 明衡陽王夫之訓義

## 子罕第九

凡三十章。

子罕言利與命與仁。學,俗别作罕,謬。

微,仁之道大,皆夫子所罕言也。」罕,少也。程子曰:「計利則害義,命之理

訓義夫子之教,苟在 而屢言之,乃吾黨或聞 言之,而 不 頻 著 其 所必 説, 或 未 則 明者、言之不 聞 所 焉。 罕 言 夫子 者 也 偶 足

> 體。 之修持。 陷 矣, 夫子罕言之教哉 利,以修身而立命, 其何以存、何 道,而詳 所以安小人,而 何者爲仁、何者 言 天何 於小人之智 而自 吾黨即所罕言 以 其何以吉、何 非 仁者,存 制 因 命、 以 學. 術。 患其 日爲不 人何 去,則一 者問 心即 者 以 命者, 何以得、 以受命 求仁. 仁. 默 而 以 且 也。 以 識 思之,以 M 執滯 合天 之方 則 圃 人事 也 存仁, 蓋 何 其 且 利者, 列則 理 以 所 心 E 盡 子 失, 以 未 理 庶不 義 丽 廢 嘗 之全 ·嘗言 實 合 君 則 言仁 而 人 虚 言 子 遠 事 天 且

成名。」 達巷黨人曰:「大哉孔子! 博學而無所

名也。 名,蓋 達巷,黨名。 美其 學之博,而 其人姓 名 不 情其 傳。 不 博 成 學 無 執 所 之 成

子聞之,謂門弟子曰:「吾何執? 執御乎?

言命矣,

丽

自

非

因

進

退之定分所裁,

則

不

在

片則

不言

其

何

以

利、

何

以

不利

也

子

嘗

子亦或嘗言利

矣,

圃

自非

因

生人之大計

所

執射乎? 吾執御矣。」

也。 然則 執 蓋 其 以 所 何 所 偏 執 所 聖人 學 執 長 尤 吾 執 日之 卑。 者 而 尹 將 也 得 而 博 氏 執 也 爲 不 言 日 御 射、 而 名 知 欲 矣。 惜 乎? 者 達巷黨人 「聖人 使 御 其不 也 我 皆 聞 然則 何 道 人譽己, 以 故孔子曰 埶, 所 見孔 全 一善得名於世, 吾 執 丽 面 將 以 德備,不 御 子之大,意 執 承之以 成 欲 爲 御 名 人 矣。 使 乎 僕 我 謙 可 ?

偁 成 於無 III 而 得之名。 之 名 能 物 道 日 者 能 聖人 極 以 其大, 若若 無 , 士之立 名 名之大德 道 方 愐 其 有 聖不 全德備 以 高 則 慕 譍 也 行 天 焉 故故 自聖,不以 無 修業者 下 原原 窮 達 即 無 蓋 者, 巷 人 不 德 不 皆有 黨 之所 與 誠大矣哉, 可居之業,不待 愈 人若 道 才 至 智之 全 可 則 方之可 將知 德 立 心 備 1 愈 聖 業 争 而 自 虚 孔 以 居 mi

者,聖 之乎 基,不 大, 易 執 御 精 則 吾 論 也? 丽 子之博, 者 大以 子 當之。 得 m 亦 名亦未 誠 也 以 而謂 則 習 1 成 無 其 博 者以嘗試 博 欲 於時 量之 非 而 之乎 小馬 也。 名之道 所 之故,無 名不 射亦 辭 不 m 有 可 成 孔 孔 得已就 也。 專 弘 所 於識 不 名 ! 於 子之大,大以 成名之道也,吾 ·足成 子聞 於一 之, 執 成 乎? 也, 古 不 乃 夫 也。 不 所專 稽 欲 吾 其言以示居德之方。 也 吾嘗 之, 大者得 名 獨 業,於以 可。 馬, 執 哉 居 有 就 而 名之成 恐門 精 御 學焉,其 吾 也 口 其 於 吾 以 矣。 其 成 亦 成 今 其學。學之大 將 弟 蓋 成 成 大 學問 博 稽 名 嘗學馬, 下 何 則 子之據 吾 必 名,易易 焉。 其 者, 焉 而 將 學 取 所 其 因 名, 中 言 聖學 於識 其 執 執 而 乎業之 敢 夫以孔 人也 日 爲 則 上 侈 卑 其 哉 ൬ 也 將 達 精 夫 大 定 何 而

胥此 實之心,亦深切矣。 所以全,德之所以備 理 聖不自聖之心。 聖人之心,所 在 焉 不 自 見 爲 爲 至虚 ,天下之所以無能名 H 而 達者 示門弟子篤 而不自恃。 故 且 安 道之 志 於 務 下

子 麻冕, 緇布 省約 曰:「麻冕,禮也。 經二千 冠 緇 四 以三 布 百 冠 縷 十升 也。 矣。 布爲之,升八十縷 純 今也純,儉。 細密難成,不 絲 也。 儉, 吾從 ·如用 謂 省 衆。 則其 絲 約 之

從下。」 今拜乎上、泰也。雖違衆、吾

事之 成 不可 臣 拜 與 無 從矣。」 君 害 行 泰 於 禮, 義者,從俗 慢 當 也。 拜 於 程 堂 子 下。 口 也 君 害 君 辭 於 之, 子 義 處 乃升 世 則

訓義夫子曰、君子斟酌於古今而行典禮、

易

而

以

處

己則

矯

事

上

則

慢

是泰

然

而

無

靖

禮

之

慎

也

今

也

就

堂

Ł

而

拜

事

趨

便

可矣。 階 也。 其質 辨乎 其 任 爲 安而 非 古者君 尊貴之義不失,情 矣,人無過勞, 之慎也。 面 或以 荷 其 理。 以 而 拜 而 哉 簡 情 己。 吾 苟 等之乎密, 合乎 於 臣 所 背 之實異於古之慎 理之正 三十升之布用功多, 下,不 今也以純 答拜 情之 理,慎以 今之禮 爲 古之 衆 因 儉 而 順 之禮, 乎 恤 制 非 於情 道 而 時 守禮 而 較 所 登 冠 以 爲之。 於 也 絲 便也 古 而 降 君 禮 過 有 理 尤貴焉。 不 拜 者 圃 之 而 殉 如 必 無 密 絲 勞,以 一、未嘗非 於 必 或以 H 乎 安 是 嫌 以 也。 矯 1 增 以 之密,較麻 以崇元首, 麻 則 則 矯情 附 爲簡 矣 尊 簡 則 事 爲 守 近 因 於 理 冕。 以 主 臣 雖 面 理 情 情 古 從 所 可 近 必 而 儉 不 而 而 理 也 宜 弗 禮 情 之 麻 自 降 知 無 即 而

質而 者。 臣,而 喪其 衆而 之斁 忌 求之情 也 質 文 惟 或 理 以 必 夫天經地義 ,求之理,致 譏 如 賓禮 所 詳 其 是 誠 不 棋 ,今人謂之尚文,而實苟 諂乎,而 以 自 可 爲簡, 酌 居 也, 於從違,不可 焉 其慎 之不可 即 其 不敢不行古之道 尊卑 情 可從 前 所 廢,則古人盡 無 不能 未嘗不 乎? 别 以不 安。 而 正其 有 倫 審 簡 可 雖 紀 也 也 爲 以 其 簡 違 以

子 絶 必, 絶, 欲 前 而 我,私己 毋』字非 四 岩 固 留 私 毋 執 引, 於固 意 之 毋意,毋 我 古 也。 盡 也。 循 以 禁 常 者。 求 止 環 在 圃 四者相 異 之辭。 成於 必, 事 不 必,毋固,毋我 於今哉 後, 毋、《史記》 窮 期 我 矣。 爲終始, 至於我 必 聖人絶此 也。 也。 蓋 程 又生 起於意 意、必常 作 古 子 四四 無 執 日: 者, 逐於 滯 是 在 則 何 也 世 用 此 物 事

> 詳 不 禁止?」張子曰:「四者有 視 相 而 似 0 默 識之,不足以記此。 楊 氏 日 \_; \_\_ 非 智 \_\_ 足 焉 以 則 知 與天地

之私 四 乃 道有異而可 物之情乎 無之,爲之而 於變之不可 也,爲之於此 殆 意,而遂見爲是,即未必非 之初終以求其大用, 有,因其見諸 訓義聖人之心,渾然至善而 全者不相 其 由 而子皆絶焉。 無 ,待禁止之, 人之所不 隨 通 感 知者 以同、 也。 而 行事 志本 不必 而 能無, 期 生 加 ጠ 其 心 相 有定,執之不容 曲 成 意之起 以窺其心量, 夫子無之,意不孤行 以合乎大中 之機 强 必 則人之或爲 之,殆 而 以觀聖人 成,雖道 mi 可 難 乎 無 以全,以 理,而於理之大 其 就 方 已,安有 無 也 也 無 之所 功 求 至 心纍 因 不固 中廢,而 若 執 偶 其 得 īĒ 而 者 哉 可 偏倚 然 汎 必 於 夫 守 必 譍 事 子 不

他,渾 下。 人,而 獨立 與物 迹以驗夫子之心,有如是者。 己立,名不必自己成,以儋當任之,則 在己,固將引天下 變,德成業著,以代天理物 發,皆從心焉,由 心,而心全乎理,則有心而無意。 則 推追, 功之成否聽乎時數,道之屈伸因乎物 而不公。 II 若有一 然 行 即 一理之在中而已。 而 立 若 成 聽之天人者矣。 夫子無之,非 有 加 是 丽 無 不 而 嫌於推逐者矣。 信之我,而功不 廣。 順 夫子 吾黨合夫子之 而 乎 有 不自 理, ,無之, 嗚 蓋意 所 嘑 意之所 待 以 居 譍 生於 於天 絶 必 任 未 物 自 道 嘗 不 無 天

子畏於匡。 云: 畏 可及已。 者, 陽虎 有 匡,當作匩 戒 曾 暴於匡,夫子貌似陽 心之謂。 匡, 地 名。 虎, 《史記 故匡

人圍之。

曰:「文王既没,文不在兹乎!

道而曰文,亦謙辭也。兹,此也,孔子道之顯者謂之文,蓋禮樂制度之謂。不曰

自謂。

與,去聲。 天之未喪斯文也,匡人其如予何?」喪,去聲「天之將喪斯文也,後死者不得與於斯文也,

文也。 文。 何? 言天若欲喪此文,則必 馬氏曰:「文王既没,故孔子自謂 今我既 言必不能違天害己也。」 天既 未欲 得與於此文,則是 喪 此文,則 不使我 王 天 人其奈我 得 未 後死者。 與 欲 於此 喪 此

天以 中,故五帝、三王興,而《詩》、《書》、禮 爻、象、疇、範以次而立,至於文王而 於禽,君 訓義道不盡於文也 開 中國之天下,使立人極 子異 於野 一,而 人,則 用 於天下 唯 文足 ൬ 以 以 成 使 辨之。 大備。 位乎

身於

E

既

以

言哉? 我之吉 其任之重 治教 也。 一不作 之,殆有 日、星、雲、漢、風、雨、露、雷昭 , 篤生夫子, 修明之以教萬 没 畏也。 憂 信 以 夫吾之所述者,文而 後世之天下 統 (矣,存 N N 文 天下, ···**,** 而 患 夫子知其然, 以 上之聖人, 古之帝王 一蔑以 示 而 無 不測之勢。 誰 夫子曰,是 天之善敗,天下 從 之典 至 暴 與 以 加 游 於 君 傳之? 加 矣。 者 八章者 文存則 恶 文 因 矣,守之萬 皆見諸行事 焉。  $\pm$ 俗 天 而 是天之所以 無 而 所 將 何 古以 於遇 故於治統 王 已矣。 泰、文喪 能 大 與 題 傷 人不 後世 如 備 哉? 周 示 遇 難之際,顯 世 世 文 兵 9 道 丽 知孔 故 道 m E 而 而 垂於萬 、爲畏, 見之文, 而 爲天, 則 吉凶 之存 欲絶之 何。 文王終 文豈易 嗚 莫 以 俱 否 子 嘘 能 君 衰。 文 T 非 此 其 古 而 聖 道 m 1 易 之列 天之未 於 乎? 禽 坤 傷 可 如 未 於萬 攬 而 也。 其 使 俱

所自

者

與

立治

文

E

之謂

車

也。

絶於天下,存乎 天者,文 匡人之難,偶 下之庶人而 殄也 之備 心者,以文章 不毁,生人不 斯文矣。 也, 絶,嗣 世 大義、體 王 斯文 喪斯 且 嗚 者 人 則予 丽 而 不不 嘑 圃 喪, 能 將 己。 是以後 胥天下之君子而 1 爲 文 遂其 如 然之凶 俟 Ħ 其 在 禽 也 而文王之文且 一爲 其 盡 夫子 子 之後 終其 文 微 44 潤 慝, ,千萬世之 · 何 人 即 言 利名之捷徑, 斯 T. 危,且 詩 哉? 日 於 而已矣。 道 所 文 1 則 mi 以 天 》、《書》、禮、 患 有 不 也 天豈 必天 使文 予今者 , 道 難之際,所信 事 미 必假 故 不 如 王 而 喪,人類之不 其 爲野人,胥 生人,不 一之將 與 王之文 末世 即 後 商 然乎? 人 我 守 方 圃 天 終老焉。 雖 紂、崇虎 以 喪 府 有 詆 樂 也 人 季矣 暴 得 之 昭 毁 貌 斯 事 必 君 於 天 與 君 文 不 明 無 而 mi

74 四

哉? 若韓侂胄、京鐘、胡紘之禁道學是已。子之學,曾匡人之不若也。 有志者又何難

能也?」大,讀如泰。與,平聲。 大宰問於子贛曰:「夫子聖者與? 何其多

子贛曰:「固天縱之將聖,又多能也。」也。」與者,疑辭。大宰蓋以多能爲聖也。 孔氏曰:「大宰,官名。或吴或宋,未可知

若 事 縱 ,故言又以兼之。 不敢知之 肆也 一言不 解。 爲 聖 限 無 量 不 也。 通, 將,殆也, 多能乃其 餘 謙

多能鄙事。君子多乎哉? 不也多。」子聞之,曰:「大宰知我乎! 吾少也賤,故

言 言 聖 m 由 君子不必 無 少 賤 不 通 故 多能 也 多 能 以 且 、曉之。 而 多 所能 能 非 者 所 圖 以 事 率 爾 人 故故 非 又 以

牢,孔子弟子,姓琴,字子開,一字子牢曰:「子云:『吾不試,故埶』。」

張。

試, 近,故併記之。」 時,子牢因言昔之所 加 通之。 用 也 言 吴氏 由 不 日 爲 聞 世 「弟子記 有 用 如此者,其意 故 夫子 得 以 此 習 言 於 相 之 埶

子即 聖豈 隱矣。 道 能也 與? 無不 故問 末,而未能知聖人之因 訓義聖人之道,唯聖人自知之。 夫子之體 者,知聖之不以多能 執末而忘其本,其知者知聖人之立本 有 易知 是会易健順之理,任夫子出王 ,故以疑其 通, 於子贛曰,夫行焉而無 於人之所能 大宰之知夫子者, 是 聖之謂 哉? 立而 心。 自達於用。 夫子有其德,天不能 乃若夫子者,天有是理,夫 必聖也。 也。 者無不能, 爲 以 至,而 時 觀 子贛智足以 故對· 知 而 夫子 其 不至,明焉 體 聖且多 而 多 道 大 其 不 始 。 心, 故 宰 能 能 游 不 復 能 而 以 衍 竟 知 知 有 其 夫 則 聖 其 mi 統 者 於

賤

也

求

之

我

圃

多能

之故

見

吾之必

埶

也

以

訓

合

而

非

示

學者

可

斯

道

於天

八下者

雖

有

效,非

聖道

也。

求之

志

也

若

學聖

而

因

以

務

白

也。

夫大宰

知

我

大

面

多

能

是即

以

多

也

此

聖之時

唯

聖

自

言

F

聖則

吾

示

敢

居

乃

聖

有

多

能

者

有

不

必

能

異

(於往

聖

MI

非

以

道

全

丽

用

道

以

廣

故

地、

府

萬

物

者

兼

衆

埶

以

備

爲

者

在

馬,

得

之

所

不

廢

因

不

敢

言

聖

IIII

而

天縱

則

自多

能

夫子贛之言

本

以

有

名

能

者

矣

有

不

必

其

中,

賜

何

足

以

知

愐

由

此

觀

之,

殆

可

稱

四 四 É

盡

IIII

自

者

恐

學

者之

修

道

mi

用

舍

爲

自

謙

之

知

自

信

知

之

乎

鳴

字

萬

物

IIII

不

理

得

何

有

於

教,而 或倚 明 矣。 慨矣夫! ·於名法象數之末,或流爲清 因時之聖道、不息之聖功無能達焉 而 夫子 没, 微言 隱 七十子之 虚 簡 寂 之 徒

亦

可

子曰 於我,空空如也,我叩其兩端而 敏,今俗譌作叩,謬戾之甚。 不敢 則 降 恐衆人以爲高遠而不親也。聖人之道,必 頭。 孔 言,上下 子、孟子 引 子謙言己無知識 而 程子曰:「 不盡 「吾有知乎哉? 言終始、本末、上下、 自 而 卑, 自 則 兼 耳 高, 不 可見矣。」 盡 聖人之教人, 俛就之若此, 如 不 敂, 此 即 如 發動 則 兩,宜作网。 其 此 ,但其告人,雖於至愚, 人不 近, 則 無知 也。 尹氏 道 精 衆 親。 不 也。 粗 人 兩 耑 竭 曰:「聖人之 尊。 作端 皆 焉。 賢 端 無 有鄙 猶 口 人之言, 所不 觀 别 叩、當 與 於 言 夫問 知 盡 孔 猶 兩

極其至

則

雖聖人亦無以

加

焉。

是之謂兩

豈聖人之言哉?」 藴矣。 端。 如答樊遟之問 若夫 語 上 加 仁、智 遺下 語 兩 理 端 而 竭 遺 盡 物 無 餘 則

慧 馬, 受之機,乃自言其所以教者示人曰,不知者 物有 然則吾有知乎哉? 以從己,而道遂爲天下裂。 所問者之淺深,而一以私意爲成説,勥天下 爲道在於是,而秘相傳説,不論學者之高下、 訓義教人之術,莫患乎恃其 之以爲妙悟也。 無方,而譍之有窮, 理之無難 不能言,而吾且與人言 而恐學者疑其有獨得之解,以求之於密相 無所磨酬之時,不知 孤至之明也。 定理,信之明 知,而 則以 人之皆可 乃以譍人之問,言之而 圃 使有知焉,則心有定 而 歷事而思吾之所知 持之 吾 而 道 不倦。 則 知者,吾 之何所 審 譍 夫子教思無窮 一端之見,信以 也 羣心而 不知者問之 乃 無獨 可 據 吾 不 得 Á 而 困 不 之 執 反

覺也。 鄙夫亦 不 必讀,但在受成法以速獲,其必爲妄人所感 觀之,聖人之教,不過即物 事外無可執之理,理外無可用之心。 乎,似未可遽與詳言也,而所問者天下之事 而世之學者趨簡捷以偷安幸獲,謂書有所不 吾所不能,亦不忍以誤天下也。 而遺下,託於空虚明徹 忽,遂若先有知 竭之,而至當之理愈辯而 發即有存,有終即 則即天下之理,有是即有非,有得即有失,有 之所存也。 **憚詳言者**,則 亦愚乎? 即有 人 也。 鄙 彼鄙 我據天下之理,而不恃吾心之 問 夫 焉 必 而問於我乎,道不遠人,而 夫者,雖空空然 有始。 而 有謂 後 而 能竭 愈出。 ,而鄙夫之問,即 我就一 無實,謂之曰有知 窮理,即文見道。 也,而 而敏之,因以 吾唯不吝不 由夫子之言 實非也。 無 若語上 所 知 理

子曰:「鳳鳥不至,河不出圖,吾已矣夫!」

瑞也。 鳳,靈 文明之祥。 圖 之文章知其已矣。」 加 中 鳥 已,止也。 舜 龍 馬 處義、舜、文之瑞不至,則夫子 時 負 來 圖 儀 文 虚 張氏 羲 Ŧ 時 日 時 出 : 鳴 「鳳 於 皆 岐 至圖 聖 Ш 王之 出 河

爲。 治之隆,則鳳鳥至以譍之,人興 於天下之治亂 以老、故歎曰、吾之所有 之感有先見其端 羲、舜、文而比隆。 輔之以開一代之治,而 訓義聖人而在下位,則必有明王作, 文治,以傳道 羲、舜、文之主,而 道可行於 昔者舜敷 天 下。 法 文德 ,偶然也。 於 者 聖如· 但 無 矣。 使天 文王 窮, 有 夫子,則 能 建萬世之法, 而 時既 志於天下者, 必天欲開 而 演 用 有 後 文教, 意焉 聖 不 吾 - 然,而 人者 m 不 乃 天佑也 則 必 以 得 代之 有 備 以 其 夫 氣 與 即 m 文 有 歸 7 機 虑 虑 後 口

下矣。 道於先而佑其成於後也。 之,天動 虑 如 天下莫能宗予,吾之所有志終不 義定 天下何哉 夫能爲者人,而 卦 而 象以 隨 開 也。 文治之始, 今無 不能 然則 此 則 爲者天,吾其 也,是不启 河 明王不作 可見 出 圖 於天 以 其 启

切。少、去臀。作。過之,必趨。齌、音咨、今作齊、省譌。衰,初危子見齌衰者、冕衣裳者與瞽者,見之,雖少必

然而 尊有 當作 者。 服。 衰,喪服。 者也。」 作,起 一爵,矜 坐。」 冕 然者。」尹氏 而 衣裳,貴者之盛服 也。 不成人。 范氏 冕,冠 趨,疾行也。 日 曰:「此聖人之誠心,内 : 也。 其作 聖人之心,哀 衣, 與 趨、蓋有不期 也。 F 或 服。 曰:「少 瞽, 有喪, 裳,下 無 Ħ

> 其 有 乎 可 屢 圃 苟至夫子之前,雖少於子,不在宜作之列 瞽者之不成乎人也,或一見之,或數見之, 以 矣,而矜持之則禮在,習焉狎焉 動 者 喪也,見有爵者知其爲冕衣裳者也 且其矜持之下,早不能隨 哀 敬 觀 而 其 過之,但 可 必從坐 丽 哀矜 情 而 也,不期 必 夫子何如哉? 不 也。 則 自 能 哀。 而 之, 有 以 起。 其 夫聖人者亦 乎敬 經 禮 凡 (文,而 可 乎彼 達 其過之也,或 有 矜 圃 其 人 也, 子見 即 自 之前, 之 情 不 敬。 心 心 盡 也 齊 感 期 即 者 夫人必有 衰者 必 而 禮 乎 可 賢 莫 即 哀 改 暫 矜 而 者 不 是 知 譍 步 過 面 也,不期 或忘 知 以 觸 ,●與夫 其 也 之,或 自 而 之心 有 如是 有 焉 趨 重 禮 而 而

上, 青一年一。

遇

所當尊

敬者

而尊敬之,

遇

所當哀矜

耳。而動必中節,安焉性焉,斯亦足以見

聖人矣。

之在 切。顯 顔 淵 作彌者 喟 前 然歎 忽焉 ,俗誤。 日 在 : 歬作 後。 仰 -前者 之 喟 镾 俗 Œ 作 高 别 喟 鑽 Fr. 之 媿 切。 镾 堅。 歎, 他 膽

人。 喟 知夫子之道 歎 在前 聲。 在後,慌忽 仰 無 彌 窮 高 盡 不 無方 不可 口 及。 體 爲 象。 丽 鑽 歎之也 彌堅,不 此 顔 淵 深 可

夫子循循然善誘

人,博我以

文

約

我以

禮

物 循 有 禮,教之序 此 产也 循,有 也 顏子 約 偁 次 我 聖人 也。 序 以 矦 貌。 禮 氏 最 言 티 : 切當 克 夫子 誘 己 處, 復 引 博 道 禮 進 我 雖 聖人教人 也。 也。 以 高 文 妙 程子 博 致 圃 文、 惟 知 教 Ė 此 格 人 約 .

從之,末由 欲罷 不 能 ,既竭 也已。」卓、當作釋。 吾 才, 如 有 所 立 卓 酿。 雖 欲

事

而

文, 其 爲深 所以 也。 是 默 爾 所 使我尊 未領其 卓,立貌。 高、堅、前、後, 「無上事 IIII 自 峻 者。」程子 之求飽、是以 又無 至 使我 亦 可 知 未 大而 絶, 也 欲 在 (要也。 之故、 達 所 孔 所 而喟 乎日 知 之謂 又 化之, 用 聞、 子 蓋 古 末, 大 E 閒 其 説 加 後得 然歎 用 行 今、 善 段 惟 也 力 之 語 無 欲 善學之者 則 所 行 夫子 0 著 達 也 深 也 到 道 之由 罷 充 非 事 知 此 程 力 0 事 而 體 此 力行 而 而 之閒, 顔子學既 循 子 變, 不 此 力 地 不能, 也 至於大, 如 循 ITI 日 旲 得。」 之 顔 也。 位 行 所 然 善 歸 0 氏 仰 非 盡 子自言其 功 者 後 及 盡 誘 功 日 此 所 所 矣, 之 夫尤難 心盡 約 鑽、 有得, , 先博我 於 力 謂 顔 楊 胡 見益 赴 我 聖 膽、 行 此 窈 所 氏 子 氏 力,不 人也 以 故述 之積 學之 冥 所 顔 謂 日 直 禮 忽 以 卓 食 子 0

四四七

之,末 卓立之地也。 少 休 廢 由 也已。 然後 抑 見 是 斯 夫 蓋 歎也 子 不怠所從,必 所 立之 其 在請 ~卓然, 事 斯 求 雖 至 語 欲 之 乎 從

於情 者 禮是 之表 夫子 者果不 焉 而 違,故學焉 於文而文終多所隱,求之於禮 甚難矣,故曰:「知之匪 訓義聖人之道本易 後,三月不違之時乎?」 也 歎 mi 己。 見者 欲 之道,非 E 後 皆性之所 愐 知其 能 吾 而 何 知 盡 乃文之所以爲文,禮之所以 之 超 以 而允合於道之甚難也,非 、艱・非 也 於文,其 於 若 有 所 象器 是 窈 著,天之所秩。 請 顔淵 力行 其 冥 事 知 者 所 不 難 者 深 而 爲 焉者不能 可 合 艱,行之維 簡能 體 非 其 知、 不 也 而 夫子 高 踰之矩者, 知 孤 也 而 而合之者 之, 學者 以 危 之 禮 知 高 道 不 道 乃 終 、艱。」行 也 之 力 多 求 則 可 哉 喟 行 所 爲 離 行 然 之 爲 庶 則 道

乎

凡

方皆

其

方

前

後

之無

方

所

如

此

若 之志 忽焉 吾之準則,不 不 以 之各當其可, 破 大 密 知 又覺 於性 時之各 心之未可自 幾 平 端 者 其 是乎可 在 瞻 仰 ,守成則以爲用之咸宜 前 之, 倪之發,以 其 私 始 在後矣。 彌 1 而 有 高 欲 ,高者其 企 乃刻 堅 ൬ 不 盡 及之, 窮, 義 也 以 有 也 信, ൬ 也 意於 而 口 且 其 而 謂 以 不 鑽 詧 盡 也 信 堅 私 但 儀 在 而 能 其 道 刑 而 深 至 意反 是 則 如 且 前 卻 必 之 盡 後 求 乎 疑 之不可忘也,致 理 乃 庶 所 之 凡 在 極 高 喻 八爲之 其 之 口 所 幾 近 瞻 前 而 物 其彌 堅之無 通之於變, 心 見 由 鑚 之 而 覺 窮 而 抑 而 止 者 然,堅者 而 覆 思 得 理 寄 無定 堅也。 以 乎? 愈不 理易 前 蔽 焉 深 意 以 無二 窮 人之, 於 則 繒 仰 寄 盡 研 可也 其 丽 吾 以 遐 如 無 又 以 謂 而 幾 而 此 己 隨 其 知 道 得 後 爲 口 藏 心 而

者,正

於此

而

倍

覺

其

難

也

循

其

萬

殊

面

不

矣乎?

乃

所

謂

彌

高

彌

堅

在

前

m

忽

在

後

之焉

無中

止

之

幾

無傍

惑

之亂

口

以

由

焉

於當

前

卓

爾

其

不

易也。

則

以以爲

由

是

面

從

子之道

即

見

夫

子

之

道

在

吾

心

如

有

所

立

中,致

之

於

文

禮

之

所

自

出

於

吾

心

而

見

夫

也

漸

而

准

焉

體

圃

驗

焉, 詧之於

文禮

之

口

而

求

得

其

無

盡

無

方之理也。

於

斯

時

無

所

於

怠

則

所

爲

仰

之

鑽

之瞻之,

方

極

所

情自不容於已,

知

文與

禮之學修

在

己

丽

力

能

既

竭吾才矣。

知

文

與

禮之義

味

獲

心

而

而

引

之於

無

盡

無

方之域

也。

П

則

欲

罷

不

馮

則

所以

爲仰之鑽之瞻之,道

畢

以

相

詔

博

我

以

文

加

知之有序,約

我

以

禮

而行

之有

篤

於

操

修

也

夫子則

循

循

然

善

誘

人

也

平

故夫子之教,

非不

曲

盡

而

至

極

有

據

1

௱

口

尊

也

吾之學之,

非

不

盡

情

於

歆

者乎?

病 子 閒 夫子 疾病,子路使門 其 日 喪,其意實尊聖人, 時已去位,無家 :「久矣哉 人爲 由 臣。 一之行 臣 m 未 子路 詐 知 也 所 欲 以 以家臣 尊 無 巾 臣 治 丽

爲

有臣。

吾誰欺?

欺天乎?

之手 路 且子 乎? 天, 故言 也。 病 開 乎 與 莫大之罪 我之不當 而 ! 其 少差也。 爲 死 且 有 於臣之手 子 臣 有家臣,人皆 縱 引以 病 則 時 不 是 自 不 得 也 欺天而 歸 知 大葬,予 無 既 其 寧 知之, 責子 差乃 己。 死 於二三子 路 人而 死於道 知 不 深 其 П 矣。 事, 欺 欺

得 路 無寧 IE 范 謂 氏 间 棄 寧 티 斃 面 也。 馬 不葬。 曾子 斯已矣。一子路欲尊 大 葬 將 又曉 死 謂 君 之以 起 臣 面 禮 易 不必 葬。 簣 夫子 然之故 H 死 於 吾吾 mi 道

> 知 行其 氏 謹。 罪 不 也 至 E 知 所 夫子深懲子 欺 無 無事 其子路之謂 天。 臣 非 之 知 往 君 不 至 子 可 往 Mj 路, 之於 爲 自 意 平 有 陷 誠 所以警學者 ? 臣, 於行 則 言 動 是 用智自私 詐 以 雖 欺 陷 微 天 也。 於 面 不 行 可 莫之 不 知 楊 不

大 有之。 乎? 陷 之事 病。 衣,而 辭 於敬 以 訓義 於 非 唇 面 僭 理 子路欲尊孔 愛之至,欲極 聖人之言 切 也 圃 喪禮有 復於寢 夫子 矣。 喻 相 以 況 之。 加者, 臣 未爲 其 及 名之, 廟 小 病既 蓋 在 和 亦從容以 臣 愛君 以 司 子 平 死 其 以 寇之 抗 非 閒 9 生之 屬 情 丽 IĮĮ 子 禮 衾 纊而 乃聞 使門 以 俾 先 也 丽 ൬ 際、 譍 尊 偶 人 不 浴 丽 聖人, 其 夫子 人爲 以 大 分義 以 左 有 不激 道 事 自 右 夫 疾 臣,行 喻 不 之 則 扶 君 而 而 以 大者 子 責 以 危 獨 即 至 1 奉 > 子 臣 乃 其. 幾 於 有 至

甚矣。 欺天乎 名之 迎,故生而 分也,大法也 於詐 生於其 而 之詐 日 託 ? 乃以 擇 也 而 ,人之居 謂 臣 由其以 ? 妄作 人之手也 之手也。 扶之者、復之者、浴之者,以死於其 生以 唯 所可 也。 施之 ,而二三子以 由 由 我 爲擇負之者、食之者、保之者、 不 自 對於人,死 爲之即 自 心 託 是爲厚我乎? 於於 詐 人所 聞 處 以 之手也。 制 ,則 者 今所爲臣者,二三子也 吾 道 於 爲 共 事 必 乎 詐, 而 IE 無不可也,吾其 誠 知 -妄欲 有 詐 出 名之日 也 以 而 也,而 所 而 乎誠 夫吾之無臣,大 歸 死有所自送,故 使 欺。 有 爲 加 我欺欺 於化,吾 爲、久矣、於 不 臣 夫生有 二三子,以 則人乎 爲 欺 矣。 知 有臣 天, 其行 人之不 ;所自 與 辱 其 將 詐。 其 吾 將 誰 之 所辨。 賈 段字也。 先人之 子 韞 而 愛人,適以傷君子之心,有如是夫! 幸不 之不 縱不 手乎 而 沽 藏

欺

也

知

則

由

今而

爲

詐

不

知

路

日

聖人寬以容物,而 不知我之自有以 唇 可 得 1 大葬, 致,而全歸之不足爲榮邪? 寢 於 由 廟, 由 若 日 予 亦 ௱ 備官 死 義 未 徒於此 於道 也 嘗 死,更爲欺焉。 命 而大葬 不 路 深 也 加 乎 恨 厲 ? 爲 也。 幸 焉 榮也, 保 何 首 恤 細 嗚 是故吾 嘑 乎 且 愛 領 人 之 我 子 情 於

我待賈者也。」韞,於粉切。 子贛曰:「有 沽,當作及, 諸?」子 美玉 市買多得 曰 : 一於斯 「沽之哉 輼 爲及, 匵,徒谷切。 匵 沽,水名,今俗 而 藏 諸? 賈,當作價 沽 之 混 哉 求善 不 通 知

范氏 古 當當 有道不仕,故設 貴之,但當待價 曰:「君子未嘗不欲仕也, 也。 賣, 匱 也。 此 前 夃, 端 不 貴 以 當求 間 也 也 又惡 之耳 子 孔 贛 不 子 以 由 言 孔

所可

死

而

以

死

師

之禮相終始

也

無寧死於以道相友之

其 衒 湯、文王 之耕於 玉 道 愐 野 求 售 則 ,伯夷、 終 也。」古無售字 禮 焉 大公之居於 而 猶 已,必不 玉 之 ,即叚 待 價 讎字爲之。 枉 海 也 道 濱 以 # 若 從 無 伊 成 尹

必公諸 藻 求 之仕 訓 重 所 者,分仕隱 有 也 藉 玉 求 莫 其 於 仕 之 者 仕 世 無 ,以君臣之義 而 而 不 出 天下, 此 貴 一,以 也 意於仕 成 匱  $\Box$ 處 一道 大 者 囡 爲兩 美 俟 子贛 説 前 君子之大 之, 用者 天 在 而 玉 也 仕 塗,擇一而守之,以 特 命 爲 藏 玉 也 也。 疑 者 前 非 不 天 而 人 爲 焉 可 不 其 人 事 不 玉 用 義 不在 今 一廢,而 安於隱。 義、 效 以 而 而 而 玉 忧 且 其 者 美 寓 示 不 非 天 有 焉 言 妄 能 日 其 有 而 下 於 以 道 道 尤當 則 拘 美著 無 玉 斯 也 不 間 一,則 在己 終 於 不 矣。 君 知 非 日 子 其 所 於 韫 世 君 失 所 不 天 其 爲 之 天 IL 身 以 荷 見 則 子 以

之, 美於斯 此 待 以 以 天下 則 即 何 之,姑之哉 哉 玉 藏 顯 或 下 聖 馬 善 而 也 判 其 姑 不 不 不 待 而 價終 美。 藏 藏 ? 需 人 藏 焉 相 則 其 可 玉 也。 所 待 爲 值 爲 玉之理,以 必褻 决 將 我 尚 美之可 乃 不可 此又一 之 義 貴者乎? 以 未 何 則 則 念天 而 見 心 爲 用 惟 從 即 無 求 有 其 骋, 大也。 孰 姑, 乎? 玉 疑 之 日 説 何 見 心 美 下之待 思 不 待之, 也 而 用 日 丽 而 也 也。 丽 而 而 知 失 忘天 本 不 即 玉 使 夫 # 道公天下 無 其 以 玉 者 玉 爲 美 姑 子 均 玉 人 待 不 以 美。 褱 者之能 之 下 所 屈 也 之乎重 玉 以 日 疑 其 知 易 玉 理 可 天下 哉 爲 爲 必 要 可 耳 也。 不 者之心 美、惟 度之, 姑 特 用之貴, 有 韞 以 以 而 得 酬 匵之藏 玉,而 欲 善 然 豈 不 念 姑 必 嗚 已 而 求 價 藏 玉 省 而 而 無 嘘 日 而 面 待 之 有 姑 推 得 炊 m 美 而

志。 隱 之心 何 至 切 判 朢 仕 斯 隱 人而 爲 兩 欲 涂 遂 如 其 忘 行 世 義 之 達 逸民 道之

功名 之俗儒

子欲居九夷。 居,當作凥

東方之夷有 九 種。 欲 居之者,亦乘 桴 浮 海

哂 之有?」

或曰:「陋,

如之何?」子曰:「君子居之,何

君子所居則 化,何陋之有?

焉。 目 其 治,意彼之不自 爲 先 以 道 加 蓋中國 之夷 本 東 爲君子之道 小 方 無已之心 但益 有 國 其俗苟 九 也 雖 其 ,以貢幣不給,而行 夷之國。介葛、牟、萊之屬 日 所 命 在 禮 有 爲 不 簡 馬 樂 然者。 知,爲尚 君子者,不待損 ,則君子之道 無文,而夫子欲往居 具 存,而許利 而 可 或 教 日 夷禮 也 無 相 彼 其 能 遂 尚 夷 聖 所 相

> 悲 學,此道之所以終 無 其 嘑 染 惟 不 何 者,名教 面 夫! 陋者 哉 章 1 不 者 所 未嘗有君子居之耳。 ? 改者乎? 淺,而動之以 不 而 禮 知,勉 自 之陋 亂 是 不及,政 謂 徒 IIII 治 更 自 以 知 方 甚 謂 吾之欲 其 洒 刑 也。 且 禮 所 者 天性之安,豈 不 喪 一謂君子爲 樂淫 之爲 미 具、雖 夫子曰 间 居,非 行,則 使君子居之,示 曾 陋, IIII 夫子 夷之不若也 自 ,彼之陋 徒 功 而 莫殫莫究之 謂 有 利 伙 不 其 樂,政 怙 權 知 將 也 其 謀 自 如 也 刑 嗚 以 謂 之 陋 所

子曰:「吾自 各得其所。」 衞 反魯, 然後樂正、《雅》、《 頌

周 禮 終 魯哀公十一 不行 流 在 四 魯、然《詩》、樂 故 方,參互 歸 年冬, 而 正之。 一致訂 孔 亦 子 以 頗 自 知 碰 衞 其 缺 反 説。 失 魯。 次 晚知 是 孔 時 道 子 周

Д 五三

歷天下 哉 其 矣,而 成之 訓義 且 田 淫 之,蓋於樂之音容必於相得, 留 臣 頌 頌》之所,不相 朝朝 聲 往 亂 度 先王之遺意者,其 朝 所樂,而 乖 樂乃 者以 野 夫子 且 不 日 圖 而 以救 樂正 廟 -,辨五 Ŧ 於和平,此 亂 不 無 鄉 道 者, 得 自 日 紀 淫僻之人心,使存 導之以 矣 Œ 或 僭 爲 其 衞 必 方之 如 矣。 亂 人 則 미 而 所 反 於 雜 治 升 不 行, 雅 況 魯 正,通 也 相 之大, 有 歌 風 夫 容,然後六代之音各 世道人心治亂之本 無 知知 則釐定之者在治定功 樂之未正 稱者,一一爲正之, 氣,參 合樂之詩 在 文 有《雅》之所,《頌》有 ^ 字之聲、 可 正 鬼神 道 雅》各有 莫 · 攷、有 樂乎 終 以 盛 中 之德,以 無 律 聞 於 和 無 其 미 爲 吕 義 見 樂。 所 之意 聲 《雅 行 合用 明 必 而 以 口 之 吾 之 於 辩 明 棋 納 誘 》爲 以以 也 之 H 節 者 不 如 面 相 酌 越 君 之

> 答, 樂之不 誻 否 邪侈,而 面 配 雅 邪? 以 無失,天下 笙 辭 鐘 與 郊, 可 頌》 而 世 音 以禘, 不 相 教 各 叶, Ē, 雖 得 可 有 則 興。 所 不治 不 合 義 合 羣祀, 於此益 升歌 與 未知 用 解 而 之 以 下 人心 他日 宜 著 頌 管 燕 哉 而 I 之能 風 而 以 情 不 文 俗 與 相 龃 無 猶 使 一,以 義 越 失 不 守 情 比 也 隊 至 此 贈 相

子 不 勉,不 E 説 . 見 出出 第 爲 則 t 酒 事公卿, 困 篇 何有於 然 此 入則 則 我 其 哉 事父兄 事 愈 卑 喪 而 事 意 不 愈 敢

切矣。

訓義夫 得 俱 用 高 不 之閒 語 能 皇 性 無 子 媿 然 而 命 懼 莫 乎 侈 ? 能 也 談 學 ? 自 誠 治 者 信, 我 理,而 反 其 且 曾莫之念 面 可 自 不 以 反 釋 攷 不 之 日 於 自 躬 焉 心 出 念 行 者 Ŧ. 則 則 丽 不 亦 在 哉 能 其 安 H

臨

其

事

而

果

能

無

疚

?

則

未

能

臨

其

事

Im

果

信

爲

果

無

歉

平

? 平

如

自

疑

焉

而

何

以

Á

得

所固

一然者,

而

特

不

爲

酒

木

也。

凡此

何

至

爲

其

所

木

以

酒

養

和

而

酒

不干

吾

?

和

酒

成

禮

而

酒

不

亂

吾

禮

志

氣

定

而

自

不

勉

馬

以節

其

情

且

勿言天下之誘

我

圃

困

我

者

多

也

即

酒

耳,不必

不飲,

丽

恫

惻

但衰而

生倦,其何安乎?

則不

敢

且

傷

人子之心。

恐

有不信,且

貽

化者之

463

事

一,而

非

勉

則

必

遺

生

死

之憾。

恐

有

不

誠

口

矜

而

口

恤者

多也。

一喪事

耳, 既襄

其

謂

之事父兄耳。

以

盡

其

情

且勿言天下之

吾

不忘父兄,而

父兄

各

得

其

所

兄矣,且勿言孝弟也,

盡

其

我,此乃謂之事公卿

耳。

者

而

事之,

吾

無

負

於

公卿

不

事公卿

矣,

且

勿言

忠敬

人則 也 而 公 適 不能 卿 如 其 不 不 當 事 能 父 咎 事 有於我 信 意於學者 乎 ? ? 妄 其 自 我 尚 惟 信 引 日 焉 念之 以 而 自 果 問 而 口

不

敢

懈

者

也

有

以

自

信

乎?

何

必事者而 譍受,此 事之, 乃 子在 夫,音扶。 川 E 日 7:-逝者 如 、斯夫! 哉 不 舍晝

夜。

詧,而 又曰: 之,自 獨。 天德 乃道 爲 則 道 如 天地之化,往者過,來者續,無一 見聖人之心,純 暑 體 體 ÎII 體之本 也。 來, 也。 愚 流 彊 運 無 按 自 水流 不 乎 毫髮之閒 天運 故 有天 漢 息。 畫 於 然 自 以 夜, 而 此 德 此 也 而 不 來,儒 及其 亦 便 發以 至終篇 不已, 未嘗已也。 息 不 斷 然其 미 物物 至也, 已也。 也 示人, 語 者皆 日 皆勉 生 可 E 道,其 往 而 指 純 不 欲學者時 純 則 程 而 不 識 是 亦 子 亦 月 窮 易見 進 以 不 要只在 此 息之停, 不已, 來, E : 學不 已焉 君 皆 義 者, 子 與 寒 時 謹 乃 往 此 己 此 法 道 莫

之辭。

守之而 歎,見 已得 之日 理,而 道 者 而 今觀夫水,天之所以生水,水之所以 日 可 動 有 恒 Ш 訓義天地之化,在聖人視之,皆 一奠其 1皆陳 著乎 之體 之非 恃 所停 其 而 ",德 新 、功之已 無 聖心 爲吾所必效法焉 ", 前 無可 所 也。 瞬 迹, 不 者,有之而 不 於斯 息之停者 於 蓋水之逝也,不舍晝 加 此 可 之體 道有 推 其 有 之動不 息,吾 將 成 居 迻 而 静 來者莫 皆 道 顯 也 動 居 也 焉 無 静 平 也。 而 逝者 固 救 미 可 於 不 而 知 者。 能 後 終恃 天 其 以 子 滯 不 也 昨 此 則 自 地 乃 動 知 者 遷 H 之怠。 E 吾於子 道之用 一者,貞 也。 而 也, 道 以 歎 之是 無 之至 一夜,盡 道 無 日 與 以 미 瞬息之暫 Ш 以 凡 面 且 夫道 臨 吾 不 爲 以 萬 者,居 徽 IE. 自 流 畫 於此 已往 德之 爲 知 占 道 Ш 之。 生, 形 道 夜 今 不 而 而 通

> 者,即 聖者 夜之可 安。 非 道有其必 面 天 不 古 不逝,故 而 ៣ 教也。 且 終 미 示 可 歷 觀物 執,往 誠 不能 盈之績 乎 人以道之必然者乎? 不 有 舍也 使知 萬古 能 貞 逝 聖以天之化爲道 違,而 ൬ 逝,故成能 保 志以 者 者往 畫 之書 自 其 則 學 夜不 省,庶其 自立, 嗚 斯 不 矣 況 夜, 必 嘑 往 其 於 丽 舍者皆 與 1 明 不 不可 人乎? 必 經 豈有 道 、驗矣。 有 能 有來, 天 萬 得 而 據 恃,無 無無 以 浙 變 平 不 相 已 其 也 而 非 夫 斯 如 來 偁 盈 而 道 不 道 者 中止之可 學 則 非 斯 之 凡 示人, 愆其 也。 有 道 其 又 又 者 逝 科 往矣 何 有 不 者 昭 哉 爲 無 書 其 逝 之 伙 終

子 Ė 記 好 謝 : 色 氏 吾未 孔子 斯 :「好好色, 惡惡 誠 居衞 見好德如 好 德 ,靈公與 矣,然 好 色者也。」好 民 大人同 臭,誠 尟 能 也。 之。 車 本作 使 好 孔 德 政 子 中 如

爲次乘、招摇市過之、孔子醜之、故有

之有餘 德之心 己 則 用其 也。 情 訓 嘑 心安之,外物不能奪之如此,吾未之見 面 之心或至不 於色不必甚 今之人,下焉者知好色而 情,如其 不 ! 何 慕,慕之不 義夫子曰,人之有 則 信情 朢 乃性非 古之縱欲者 好色之念生焉。 終不. 者,一念以好德,一 乎 ,斯好德者之不能誠矣。 、情而安之爲性,故好 不 今之人好金 如 如好色之切。 一好,而於德亦不能 人固有之性乎? 失 忘,已得 好 其 色偶 1,好 性 m 德, 色 丽 動之真。 情者 德 帛 而 嗜,嗜 性 不好德矣。 念以 爲 其情 未 不 也 己有 知 粟,而喪德 色者,誠 人所 忘其 之不厭 好,而好德 德 之不深者, 好色,而 求 其 吾以 哉? 耳 其 人性 必 動 其情 未 其 是 好之 有 丽 而 也。 得 嗚 中 傷 再 妄 好 不 之 爲

> 可 多 甚,更何朢其 逐,人道 ൬ 好德, 其 則 善矣。 終絕哉 知 有 德哉? 好金帛尗粟之心終不 故 以 好色之心

譬如 子曰 平地 . 譬 雖 如 覆 爲 一簣,進,吾往也。」實,求位 Ш 未成 一簣,止, 吾 止 也 切

覆

,讀如字。

止其往 簣,其進者,吾自往 簣。」夫子之言,蓋出於此。 則積少成多。 簣,土籠也。《書》 簣,其止者,吾 皆在我 中道而止,則前 而 自 不在 曰:「爲 耳。 止 耳。 人也 蓋學者自 Ш 平地 言 九仞,功 功盡 Щ 而 成 溫不 方 而 覆 但 虧 息, 其 11>

訓義 志盈 非 自 已衰之氣 有 果有崇高特起之難,如欲爲山者之妄計 不能 而 夫子曰 不求益,則雖勸勉之而終不能 已之情。 志鋭 學 者亦視其立志之何 丽 不自 今夫學不遠 畵 則 不 待 以爲 鼓 如 起其 舞 耳。 道 而

何

哉

勞,原 昔者 立 學 地 進 簣 想也 果有 乎山 不倦,吾自 在 自 至 不 也 方 乎 一於止 進 也 於 止之, 爲 簣之初幾,未 而 君 爲 無 大 即 山 則 而 繒 不 不 即譬. 子之本 前 因 如其進,則 有爲之心,何至今而 後 譬 退 後無 則 待 而 加 待 而 如 如 一念之 進 不 心安於是,見其盈 人 孰 並 師 起 其爲之心。 如 爲 窮 恤 焉 獎 能獎之使成 之難 友之 其 平地 務 Ш 之業 可 平. 進 始 而 乎, 而 動 地 遽 情 也。 棄 如如 乎, 益 何 之勞。 怠 相 ,蓋自此 注 道 而 之。 一, 吾 待 且 勸 平 學因 於此,心 乃未 無 而 業 於 必有然者。 掖 地 荷欲 乎? 其 中 已 則 勸 則 也 懈 而欲爲山 性 爲 立 成者 能 而 不見其歉 志 之以 雖 而 之所 爲 得當之理 始, Щ 如 者 不 夫 所 遂 Щ 簣之暫 中 人 即 迫 前 丽 覆 則 止 簣耳, 近, 之 止 況乎 之幻 者 則 乎 也? 必 至 而 但 吾 自 者 平 ? 意 在 但 非 成

> 子曰:「 惰, **羣弟** 物 言 得 而 解 時 子 心 語之而 怠 所 雨 解 也 之潤, 不 力行 及 不 也 惰者,其 發榮滋 造 范 次 氏 顛 日 長,何 回 沛 . 也 未 顔 與 嘗遠之,如 有 子 1 於惰? 聞 」與,平 夫 子 萬 之 此

遷,唯 朢 言之皆 訓義 焉 不 不 允合乎吾言 志於行者亦有矣,若 凡吾之語 哉 足 未 可 夫子 不行 恃, 逮 其 미 而 無惰 學道 稱 而 行 二三子者,皆 不 也。 顔 篤 恤 也,行之必 心 子 志 求 也。 未 乃 以 之已 不 見 聞 見 其 以 可 丽 而 好 勞, 吾 竭 非 窮, 惟 不 説 學者 虚 口 憂力之不繼,行 語 者 才 念不 吾 以 言 爲 也 有 之難 以 非 必 矣,聞 求 與 舍 可行,必 至 明 П 而 也 道 其 明 而 而 也 日 敏 孰 有 後

子謂顔淵,曰:「惜乎! 吾見其進也,未見

其 IE 也。

進、止二字,説 惜之,言其方進 見上章。 而 未 已也 顏子既 死 III, 孔 子

其 乎其 則以 訓義夫子於顔淵既没之後而 也 以 從 則 安有止哉! 善不伐,不 盡 爲安也。未見其止也。 事 終 不終也 身不 在回 焉 至 吾 面 於聖,未 道 平 口 所守者又 自 其 1 違 1 終 以道 以 面 無可據者乎 圃 爲足 有 可量 終 奈之何進之未艾而 聞 則益· 純 食不 也而 也。 矣。 矣, 人而 可 吾見其 所發 使其存焉,吾道 在 唯 息 實若 回 益 追歎之曰 也 者 深 然 進 虚,不 又別矣, 也 也,以心 能 也。 而 如 遽没 學 據 惜 有

子曰:「 苗 M 不 秀 者 有矣夫! 秀而不 實者

學 穀之始 前 不至於成,有 生 苗 叶 如 華 此 日 秀,成 是 以 穀 君 E 子貴自 實。 蓋 有

矣夫

! 」夫,音

勉也

夫苗 信 見其 訓義夫子以苗 實者乎? 其實也。 馴習於《詩》、《書》之美,以 稊 而 之於後者 見者矣,所以貴其 殘之於早者可念也。 不秀者乎? 體果肖其所生,用 恃也,外著之美不可 夫不亦理之或然而 稗 不能立誠,始不實之比也。 可不念哉? 〈榮也。 ,種之美者矣,其美也, 而 鄙 秀之必實,所可 可畏 何以使其不能實也? 苗之必秀,所 洒 何 不 喻爲學者曰 也。 從事於君子之塗,以異於 以使其 能 秀者 果 自 事之必有乎? 苗 保也, 今夫苗 副 見,殆 面 不能 以以 其 不 冀 可 所 其惟 ,天質之良 有 秀,秀 其 也。 期 以 不 朢者乎? 秀也? 其 IIII 能 其 也 秀 名爲學者 文采,而忠 秀,榮之既 有 斂 能 夫 之類 其 而 則 觀 不 華 吐華 夫 實 不實 八隕落 於苗 有 則 不 不 圃 也 不 成 摧 有 而 而 可

四 五九

子 四 十、五 Ė 而 一「後 遂 可以 + 生可畏,焉 而 自矜乎? 無 聞焉 斯 知 吾爲之懼矣 亦不足畏也已。 來者之不如今也?

乎? 矣。 然或 則 此 孔 曰: 「五 其勢可畏,安知其將來不如我之今日乎? 意。 亦已矣。 子言後生季 言 不能 是可畏 此 + 尹 以警 自 而 自少 氏 勉,至 也。」 不 E 富力彊、足以積學而 人, 使及 以 圃 一於老 善聞,則 「少而 進 者,安知其不至於極 丽 時 不 無聞 勉 不聞 勉,老而 學 矣。」蓋 也 則不 有待, 無 曾 足 聞 述 畏 子

不量其 皆授 訓義 我 口 使人畏,而無 ,嗣之。 狎 以 也 夫子曰, 人而 所 可 不可 爲之資 至,伊可畏 則 實 使 成之功 口 人 而 有志 畏 狎。 歲月 也。 也。 業,自我成之。 於 不 無 凡爲 可 君 爲之先 涯 繼 子 之列, 後 之絶學, H 生長者, 生者,天 進 焉 而 則 則 恶 自 當

> 畏乎 非 聞 之時,皆利欲熏心、怠荒 然,則安知其不 容之,仁者閔之,而已有死之氣矣。 五十以前爲之已成, 而已矣,不足畏矣。 不力,人之偁之者,無善之可 四十矣,俄而 人莫悲於心死,而身死次之。 四 道 ?  $\mp$ 雖先於彼, 以 鳴 後 嘘 所 1 五十矣,知 可 如 加 人至於不 奮 我之今日 亦 興 若夫 而後 非一 於一 弛 焉 生其 髦 足畏,則 志之日,終於此 旦之得, 旦也。 而 名也 丽 哉 不 不 精 ? 好學者,必 息之志 唯 則 來 雖 而 故 又何 已 至 者 焉 往 於 能 而

巽 繹,從而不改,吾末如之何也已矣。」巽,當作然。 子曰:「法語之言, 繹, 然不改,則 與之言,能 法語者,正言之也。 尋其 緒 面從 無 也。 説 而已。 乎? 法 能 言 無 巽言者,婉 人所 繹 從 巽言: 乎? 之爲貴。 敬 無 憚 所 改之爲 面 3 6 故 道 説 件, 故 必 之 圃 從。 也。 不

政之類 别。 今俗譌作乖。 也 從且説矣, 可 類 在 必 己,雖 也。 是也 説。 也。 不審 其 是 其義 然不繹,則 聖 或 語 也 楊 人 而不改、繹焉,則是終不改、繹 ,調巫 乖乃举字之譌。举,背吕 喻 之 氏 其 焉,則尚 愐 巽言,若其 作乖,又譌乖作花,花 如 不 之何 又不足以 「法言 達,歫 庶 哉?」菲,本从干从北, 幾其能改、繹矣。 之 論 若孟 知 好貨、 偂 1也,與 其 不受,猶之 中戾之極 子 微 八菲音 好 論 意 色之 之所 行 可 同  $\pm$ 笑 義

誘之。 非但 自 蛘 其 訓義夫子窮不肖者之情 曰,君子之教無棄人, 之習, 有悟 奮 歫 則 唯彼容容苟安之士,成乎 諫 心 據 而 ), 則 者爲 法 君子之教乃 以 可危言以警之,亦 然 立言, 也 歫 而 使之 窮。 諫 有 以見教所 者惡矣,而 不 理 今夫 能不棄之人 詘 其 可 而 志 不能 不 不 因 不 得 足 痛 機 萬 不 以 施 不 IIII

貴其改 引癡 有可 從。 何也? 歆動 也。 斯君 已説 從逃 自 無 異言誘之,或法言不效則異言之,異言 而已。 可親 議,不能 則法言之,無非 限 心 乃非 於不 一而隨 已從 我 迷之至教也。 説者矣。 情不 子 而 mi 所 之 不知改者以 不 不 也 貴其 不 能, 能 法 得 以 可違,不能 彼之能 也。 語 從 不 貴有法言, 以 改 言 釋也。 以 則 斯君 也。 説 自 而 然而 但以 生敬愛, 興 斯 後 從 朢 乃貴 子 乃非 法言警之,不知繹者 君 從 不 也、法 人 其 不 説 繹 則 子之 所 説 也, 從 爲 説 繹 酬 丽 柔 知 以 其 彼之能 以 也。 震 且 之後 巽 謂 我之巽言,但 後 教 其 貴 言 從之者 改也。 迹 動 知其 而 之 愛我 人,止 有 一、從以 可 乃貴其 愚蒙之至教 憚 巽言, 與 不受教, 説 畏 口 語 也,巽 成 於行 乃有 何 M 此 ,使之 説 我,而 心 説 不 也 爲 矣。 以 者 更 ? 口 丽 以 身 不 # m

矣,曾 宰予在言語之科, 也。 名爲 不舍其 蛘之人,不如死之久矣。 嗚 君 不 嘑 子 舊之所習知,彊壯 如 1 而 力足 效細人之偷 顔 涿 歫 而擬之朽木糞土。 鄒 諫 盗 者 之猶 , 吾末如之何 也,而夫子教之。 而仍童稺之 미 施 吾 故不 權 也 陋 教

憚改。」 子 E 0 主 忠 信, 毋 友不 如己者, 過 則 勿

痛

不

重出 而 逸 其 半。

訓義 重 出 釋。

帥 子曰:「三 當作衛 宜讀如率,不宜别讀 軍 ·可奪 帥 也,匹 所貴切 夫不可 奪志. 也。」

故 矦氏 帥 可 曰:「三軍之勇在人,匹夫之志在己。 奪 而 志不 可 奪。 如可 奪,則亦不足

謂之志

矣。」

訓義 爲 馬 而 | 夫子曰, 今人挾一有爲有守之心, 乃 不成,守焉 m 不固,則 日人欲爲 而

> 君子唯 哉? 非我 助 能追,威武不能屈 而 如,處其變而 則豫定其 志,則志士仁人亦但 威,人不 天奪之,我欲爲而人奪之,無可 而執之,而三 三軍之衆,帥爲之主,而或襲 也 初心無不 志 夫天 尚志之爲 也。 一心,而 所以爲、 下 可遂,則富貴不能 夫使: 何若。 軍又已易主矣。 之可 事,而無憂天人之不 三軍 其 所以 奪者,權不 孰得 可 匹夫耳,乃苟正其志, 可 原無定主也 成 奪 守者,處其常 而奪之哉? 可敗,可 也 蓋藉衆以 而取之,或 而 自己 淫,貧 如 尚 生可 何, 謂 者。 是以 若 ·我佑 賤 之 而 前 死 夫 志 何 故 初

也。 狐善睡 者 子曰:「 其 與 平聲 由 黄褐色,可爲裘。 衣 也 敝 與 ? 緼 袍, 緼 貉, 於 與 云切 莫白切,北方狄名,北方豸種 衣 狐 貉 貉 者 7 貈 丽 不 切 恥 似

其心, 敝,壞也。 一衣之賤者。 ൬ 口 子路之志 以 緼,枲著也。 進於道矣,故夫子偁之。 狐 貈,以 如此 狐 袍,衣 ,則能不以貧 貈之皮爲裘,衣 有著者 富 也, 動

「『不忮不求,何用不臧?』」忮,之義切。

忮,害 不求, 之詩,孔子引之,以美子路也。 貧與 也。 富 則 何 交, 疆者必忮, 弱者必求。」 求, 爲 不善乎? 貪也。 臧,善也。言能 此《衞 風 占氏 日: . 雄 不忮 雉

以臧?」子路終身誦之。子曰:「是道也,何足

賢,宜 以 由 矣,故夫子復 終身誦 恥惡衣惡食,學者之大病。善心不存 於此。 人 不止 之, 而 子路之志 能 此 則 而 此, 自 言 喜 終身誦之, 則 此 其 可 如 以 能, 此,其 警 以 爲 之。 而 善 不 則 過人遠矣。 非所 矣。 復 謝 求進於道 子路 以進 氏 於 之

日新也、故激而進之。」

恥者存 無所用 訓義 見 苟 不 狐 子路已優爲之。 咎之府也。 之則彊者嫉忌、弱者卑屈 居,則不善之積,自此 固君子立身涉世之大端。 者,終身由之而 研幾之深,而推致於廣大,則日進 見有不善者焉 於不善之中 可 以 納者 見物,而 恥而致羨於人則 此 道 恥,而 而 極 爲 立 恥 於善 不以 相形 恥 前 命志之始,在先去此恥 獨 i 則 見 於此以 m 此爲 故夫子曰 生矣。 因 而 不盡 唯操 有善者 已矣,而 益 恥 恥 見 而 也。 有 而生。 一不自足之心, 者,其 相 其 乃 致忿 馬,即 求。 ,身辱 形 能 不 今夫貧富之際 ,衣敝緼 善豈易言 於此而無以 而有恥心。 足 庸人之心,他 不恥矣, 於 内不喪己,外 由 於善之 人則 而 也 無 與世 與! 可以 m 袍 必忮, 心, 未已 以 中 與 哉 不 衣 而 自 極 IÚI

與 也。 甚 終身誦之。 以 高 偁 免 欲 言 忮 中 口 是《 之中, 矣。 世 道 矣 者 室 欲 矣 衞 明 《詩》以 乎 則 (,不求 矣。 之思婦 則 一之各 自 之 其 亦百 詩》之言與 面 而立身之本 辱 無恥 域。 由 遂 而 由之不 子 贊 得 殆 自 不 見其立 矣。 謂 爾君子苟自 然則 之樂 無 由 與《 也。 逮, 之 所 而 天 者, 道 以 心 《詩》不 詩 不 下之道在 知 以子 而 不 者 己心 天知 也 願 謂 志之始 》言 原從流 臧 涉 植 之 忮 其 子 也 世之患 矣。 與 則 路之可 相 而 命 君 何 路 云 拔 能懲 ## 得 相 乎,「 面 子 用 能 是乎? 俗之士沈溺 夫不 之 於流 忿 波 得 安 自 樂 不 自 果 其 懲 與 忿 靡 乎 土 免 臧 誦 拔 不忮 於 則 俗之道 忮不求, 知 敦 於行 之而 山 不求 則 以 怨不 德, 自 夫子 由 漸 言 不求 見 夫 信 者 役 於 子 爲 期 繒 此 則 乎 而 日 起, 也 也 之 視 亦 富 之 道 僅 以 於 而 能 身

之始 恐其 即 乎殉 於世 患之世, 從 深 義 而 而 而 廣,乃以 口 伽 思者 豈 名 成 信 不 貧 以 何 朢 以 富 時 平 可 足 事 節 以 消 道 其 之學 偏 義 著 以 以 不 亦 之 富 固 知 安 莫 激 處 中 其 以 者 臧 It. 臧 而 進 不 士。 之意 能 術。 萬 乎? 研 哉? 與 終 功 而 之忌 足 退 成 名 世 幾 物之上。 也。 不 以 存 君 之深, 其 氣。 立 求 也 相 知 È 子 從 蓋 而 大 心已 馬 吾之言, 亢 其 而 終 不以 貧 則 不 以 Œ 也 所 不 富 H 乃 亦 可 可 功 吾 隘 至 失 貧 求 之 由 以 則 以 以 由 名 恐 其 也 之, 樂 爲 焉 中 免 平 以 亦 加 也 自 以 E 天 恥 朢 忮 富 憂患之來 天 任 道 而 m 丽 而 者,人 由 焉 貴 下 不 恃 義 見 功 非 以 m 之進 此,吾 之 之 忮 自 名 好 處 道 有 而 居 辱 情 焉 之 道 成 求 道 學

語。 子 日 彫 , 琢文也 歲 寒,然後 凋 ,黄落也 知 松柏 義本別 之後 凋 也 凋 作

范 臨 氏 利 害 小 遇 人 事 之在 變, 然 治 後 世 君 或 子 與 之 君 所 子 守 無 可 異 見

世 惟 謝 氏  $\Box$ 士 窮 見 節 義 世 蜀 識 忠

臣

欲學

者必

周

於

德

節 計 牛 惟 凋 不 專 也 乃 蔚 訓 而 可 義 凋 美 然 其 繒 V/ 始 理 而 本之學, 知 爲 者 茂 夫子 也 即 知 而 以 自 之不 耳 松 松柏 在 卉 矣 養 示 能 柏 今歲 木 當 林 而 其 知 不 夫子 卓 即 歲 方 侕 樹 不 凝 屈 可 人 寒自 有 面 微 榮 改 寒 定 於 任 而 以 此 或 寒 之 柯 見 落 之 歲 可 重 通 言 不能 矣 凋 之 時 易 松 寒。 質 以 之 天下 之時, 際, ,松柏 葉 柏 然後 者, 知 口 方 凋 者 而 者 以 特 松 吉 之, 有 Œ 可 知 表 知 柏 未 惟 面 X 非 所 不 以 之 則 能 志 不 松 百 亦 險 感 在 必 著 者 所 與 卉 與 + 未 柏 阻 日 歲 君 爲 衆 > 至 以 馮 見 也 之故 寒 子 争 人 歲 歲 保 其 哉 木 夫 m 也 畜 之 寒 寒 合 百 此 有 盛 此

> 感 物 而 衆 理 具 焉 存 乎 人 之 善 體 之

子 面 日 己。 智

者

不

惑,仁

者

不

憂

勇

者

不

懼

0

憂

當

序

忧

作 憂。 明 息 足 氣 以 燭 足 理 以 配 故 道 不 惑。 義, 故 理 足 不 以 懼 勝 0 私 此 故 之 不

之漸 於天 訓義 是 德 投 故 乎 意 論 非 雖 智 蔽 之 多 此學 矣。 不 清 其 下 夫 變 者 聰 也。 子 終 而 擴之 者 知 m 明, 日 既 也 善 不 其 所 天下 成 敗 漸 出 所 而 以 君 雖 乎 平 以 深 難 廣 不 子 衆 然, 此 非 智 之以學問 期 能 期 以 論 者 贵 必 於 其 劃 至 X 紛 有 患 德 可 然 於 紜 則 危 之 從 此 以 理 可 是 難 面 以 哉 心 成 折 否 得 無 者 免 求 之 之 耳 衷 失 不 知 mi 知 羣 兩 明 無 其 不 倉 無 也 i 據 塗 所 則 以 而 猝 所 議 澂 恐 以 成 私 相 世 患 愐

於其得 安,則 明 焉 立不 素志 避 撓 也。 不 而 後 也。 以 事 而 則 平 以 獲 物 私 理 m 一,直方 艱 持之既 守之漸定, 不 之 利 情 欲 自 不 鳴 成乎仁矣。 成 謀, 喪 難, 害 繁 之 牿 足 平 智 嘘 而 而特 皆 其 餒 異 者 以 1 面 而 退 勇 患 足 堅,充之益 有 其 生 使 矣。 但 安於其喪,粹 動 恃 以 難 非 盡 條 全 理 其 氣 潛 成 之 不 而 誠 者、 天 其性,其 而 心, 消 之漸 至直 既 鷩 既 仁、誠 何 下 而 圃 不 成 勇者 而 . 歉 乎 成 之可 配 此疑 養之以 紊, 自 付 生 乎 乎 純 平 之以 智、誠 化 視 死 之 1 勇 仁 可 夫 然自足之一心, 惑、 有 以 之, 田 者 者 何 以 道 和 不 彼 浩 至 夫 至 可 然 勇, 出 疑 其 義 於 平 因 口 然 於 何 則 則 憂、 人窮 焉 其 測 夫 情 得 土 以 必 進 以 慮 則 可 之 伸 養 無 求 佹 口 何 以 以 無 焉 而 古 通 然 神 懼 之 安 1 得 恢 獨 不 所 勇 ? 不 不

> 君 佹 子貴乎 失 於憂虞險 誠 阳 之 中 加 莫 能 必 也 是 以

子

日

可可

與共學,

未

可

與

適

道

可

與

適

道

未

可

與

立

可與立,未

可與

權

只 道 行 大 善 與權 所往 可可  $\sim$ 知 權 可 日 1, 尟不 (易))九 與者, 用。 是 爲 時措之宜, 然後 ·與共 稱 權 也。 經 知 謂 錘 未能 也 - 仆矣。」 學, 故 卦 言其 可 爲 也 能 可 ,終於 一,所 有權 與 己 權 知 與 立 自 適道。 可 然後 所 則 輕 Y 以 m 變、權 漢 程 與 異 以求之也 者,篤 可 重 言 稱 以 共 子 以 可 與 信 物 下 權 爲 使 日 術 行 與 共 而 道 此 合 志 之 猶 權 學矣。 無 權 篤 知 事 古 義 論 人 人 0 漢 輕 也 然 執 權 可 未 也。 皆 識 儒 重 者, 後 而 與 能 學 權 以 洪 者 非 程 不 適 可 足 字。 立 反 聖 也。 氏 也 子 變 與 道 經 楊 而 人 以 日 Y 也 之 合 愚 欲 明 氏 : 口 知

按: 章 先 然以 故 儒 有 誤 孟 反 子「嫂 以 經 此 合道 章 涿 連 援之以 之説 下文「 手」之義 偏 程 子 其 非 反 之,是 推 而 爲

則

權

與

經

亦

當

有

辨

學,即 以 訓義 遇 者 其 道 尚 面 之 得 失 之 示 人之大用, 天下, 豈不 徒 所 異 其 夫子 端 淺 測 其 爲 已 體 權者,進 Ė 深 之 彼 所 至, 宜 學 盡 順 機。 守 損 日 而 爲 先 與 古 道 哉 欲 聖人 無 王《詩 凡 亦 之 其 自 然 而 修 1 執 其 有 但 所 然 用 與 由 之益 之事 有學者,有 之 極 志 在 未 之同 也 序 》、《書》、 之 至, 於學 致 所 數 丽 本 而 獘 學 乎 學者 也 原 漸 則 無 IE 之中 者 哉 大 准 不 學 方 未 禮 ? 用 不 一, 抑 期 適 也。 者 皆 則 易 屑 之以 道 樂 方 使 尚 可 言 心 而 口 俗 者 與 事 非 吾 無 無 期 圃 矣 與 小 之 服 有 理 所 臘 以 道 有 调 成 共 之 習 不 相 神 期 V 許 等 明 合

學 措 以 焉 殊 要 未 方 得 要 可 與 但 與 而 而 立,未 之途 之咸 道 權 不 志 口 而 而 不 身 滴 而 日 此 之 者 可 無 知 不 無 體 道 以 可 用 吾 所必 之 而 宜 謂 所 也 爲 失 謂 道 之 可 黨 亦 遷 此 服 不 之 物 非 循 則 則 面 而 知 之士 豈 然, 其學 爲 非 躬 欲 適 乎 偁 則 能 言 導 真 也 典 道 所 此 文 物 有 道 雖 遽 而 也 者 由 有 、要之守 圃 亂, 者 者 物、行 學 輕 許 以 而 其 不 遂 否 未 也。 可 也。 之所 行, 施 之立 重 學 以 口 能 也 知 與 失宜 不 而 知 ', 以 其 因 有 則 許 乃 共 乃 乎? 미 保 未 思 之 能 之 時 恒 雖 既 既 及焉 學 隨 變 可 其 緩 見 權 或 而 以 矣。 無 無 立 所 遽 諸 化 所 消 急 動 得 平 審 者也 乎不 以 以 遇 許 哉? 適之正 ? 失 必 或 爲 行 見 信 乃 行 而 之 序 以 失, 必 易之 其 平 其 斯 引 夫 無 禮 也。 由 有 所 亦 口 萬 時 口 而 不 而 而

非

由

其

所

立

偂

擇義之精

取

舍

不

差於毫

功。 神 其 以 而 髮,存仁之孰,而 人,恐其趨嚮之未定,自守之未貞,且侈言 定 學者其可 妙 與於斯也。 志於學之初,而 至於義精仁孰之大用 而 流 於 以見許 無 故君子以人皆可 忌 從違一 於君子而 惲 即朢 之小 順 其 則 其 人, 有 遂足乎哉! 自 不 窮 誠 以 然,固 敢 神 慎 爲聖,於 輕 達 之也 以 化 未 許 定

其 但 此 唐 亦 何 當 以 逸 棣 師 起 詩 郁 所 指 下 翻 也 李 兩句 也 同 於 也 , 言華之摇 六義 之辭 偏,《 屬 耳。 晉 興。 動 書》 其 也。 上 所 作 兩 謂 翩。 ांगं, 旬 爾 無 語 然 亦 意 助 則 不 義 也 知 反

而。」唐。

,宜作棠。

棣,特計切。

爾

當作

介 爾

棣

之華,偏

其

反

前。

豈不

思,室是遠

子 夫子 日 未之思 程 其言 子曰 而 也 :「聖人未嘗言易以 反 夫 之、蓋 何 遠 一前篇 之有 ? 遠 乎哉」之 驕人之

> 之思 志, 思深遠 亦未嘗言 也 '夫何遠之有?」此言極 難 以 阳 人之進。 有 但 涵蓄 日 一未 意

訓義道 知 其 遠 其 言道 焉。古人之已知已能,今人可 因 自 不 棣之華,偏其反 及之勢,故夫子 有 之有思,因以見事物 其 不 阚 有 心 信 而 思 求 者 立 不可至之境,役 未之思矣,可 思之咎 其 」,則謂 思者 之所自建,原 分心與道 不得之情 ,故聖人之所知所 若遠 而 在 圃 自慰 人之疑其 思之 间 因 爲 日 以 因 一,覩 讀 耳。 室 兩 之有 景 因人之心思 而 人之心 無 詩 境 不思 一是遠 日 物 夫子 益 不思 而 遂若 理,非 豈 態 能 者 Œ 丽 以 M 夫 之留 之。 然。 日 也,是必 不 遂 有 以 求 吾 爾 天建地 婦 之也 謂 亦 寥 得 丽 夫 連,以 詩 思 廓 可 思 聊 焉 生。 於 室 日 云 乎 此 有 以 道 心 是 生 唐 相 丽 解 贵 而 與

堂。 經也。 哉? 乎? 所 詩也,未可以盡心理之致者也,删之可也 遠而人不遠,故古人可以尚友,千里可以 皆有可爲可守之常,而柰何云遠也! 忠孝,吾君父也。 思止矣,思而不 廣,老幼之積也。千古之遥,綱常倫理之所 中而求其緒,無實之境而求其實者,豈若是 未嘗忘之,而亦未嘗篤念之。思而幸得則 可用,以竭致於所求知求得之中,無緒之 人與人思,形而 若夫所欲思者則以實求之,何遠之有 色者,盈吾 思之而皆有如取如攜之利,思之而 ·得 目 信果,吾言行也。 而 也。 且然,而況道乎? 思 七世 亦止矣。 聲者,盈 孫世全半溪謹刊 極 吾耳 人心之 四海之 室雖 也。 同 是

四書訓義卷十一終

## 四書訓義卷十二 論語卷十

宋朱熹集註 明衡陽王夫之訓義

## 鄉黨第十

之閒 容周 楊 即 不 (,宜於此求焉。) 贵 其 . 謹 子之嗜學也 審 氏 旋, 拘 事 也。 書 視 日 了,宛 拘 丽 而 自 而 備 詳記之。」尹 故夫子之平 聖人之所謂 然於聖人之在目 中 爲之者哉? 録 乎禮耳。 之,以 於聖人之容色言動,無 貽 日 氏 後 道者,不 學 曰:「甚矣, 世。 蓋 者欲潛 動 盛德之至,動 也 今讀 離乎日用 静, 雖 心 然,聖 其 於聖 孔 門 書, 門 人

倫切。孔子於鄉黨,恂恂如也,似不能言者。恂,相

在 恂 不 ,故孔子居之,其容貌辭 以 恂,信實之貌。 賢智先人也。 似 鄉 不 黨,父兄宗 能言者,謙 氣 如此。 卑 族之所 愻 順

下同。 其 在 宗 便,房連切 廟、 朝 廷, 便便 言 唯 謹 爾。 朝 直 遥 切

辨,别 事 子在鄉黨、宗廟、朝廷言貌之不同。 便便,辡 而 極言 之所出。 之,但 也。 言 謹 宗廟,禮法之所在。 不 IIII 可 不 以 放 不明 爾 辩。 此 故 朝 節 必 廷, 辡寫作 詳 孔 間 政

訓義 之法也。 不 事者,尤必詳之。 可以徵天理之流 魯論》記聖人之言備矣,而其見諸 見聖於羹牆 夫辭 氣容色之酬酢於朝廷 蓋聖人盛德之光 亦 行, 可 圃 以 門 爲 弟 好 子 學 無 深 鄉 輝 思者 微 行 不 無

舊説凡一章,今分爲十七節。

則

不

以

能

能

之本乎 則,即 於循理 之所昭 聖人之可學 ,立其 觀 知、人 容 安行而 其 前 友 記 心 無 無 民 之, 夫 不 節 者 不 使 乎不 面 物,以 則 異 可 著 者, 子 所 動 大而忽其小,敬其 背 則 學 遠乎人 馬 學 於 有從容中道之樂。 口 適 其 不 者 謹 四 聖 前 而 者 鄉 免咎 得 及 體, 之事 能 未 不 人 至。 黨 容 以 其 此 夫 能 行 之神 情, 可學者矣, 益 當 勉學焉, 、衣服 哉? 而拘 所 知、未 也。 謹 朝 動一 然者 偶 也 謂 也。 小 廷之異 飲 迫 溥 而 渾 慎 静 能 而 順 矯 食之節,皆天 萬 然 所 小 微 亦人心之所 得 乃 合 行 情 劈之意勝, 物 施 而 取 八馬 學 其 聖 者多矣。 夫豈人所 正其 亦 而 理,從 精 而 者 忽其大, 者 水諸: 人 遂 用物, 無 異 Ш 之 無 分身以 於 乖 則 心 鄉 心 德 志 乎 作 平 也, 急 黨 自 聖 此 煇 不 不 天 其 不 所 養 理 有 朝 者皆 不昌 謹 焉 其 無 也 宜 也

譍

欲

其

而

君

大法昭 鄉矣。 宗廟、 在鄉言 出,言之必 窮,蓋 又不足與深言者也。 言,言者 言 其 馬 所 面 者。 懼 與 不 則 便便 容則 朝廷 無 鄉 馬, 表 聞 若宗廟之中,大禮 似 而 爲 無 其能 或 蓋鄉黨之閒 不 若 也。 恂 無得 貴言矣。 盡 也,其有所言焉, 正君子 不 政, 能 有 恂 而 盡 言 所 唯知之已明 如 失治 特 미 者 懼 也 圃 與 所 不旁及 無無 辭 夫子之所以 有 不以聖· 樸 論 亂之大故 知 本父 子弟之言焉 氣 得 修 焉 然 所 存焉, 之 失者 明 於 而 \_ 戒 而 則 閒 兄 子 之責,而 他 自 不 而 猶 所 , 弟之 也 之與 朝 居 任 若 而 則 亦 處 若 知 一於此 了,聖以 其 廷之上, 有 产 鄉 者 之 見 慎 處 容 知 所 與言 人 其 其 m, 思 斖 無 戒, 焉 者 咸 丽 居 Ħ 有 難 不 在 能 而

,與下大夫言 侃侃 如也。 與上大夫言, 턜

置如也。侃,空稈切。誾,語巾切。

直也。 卿,下大夫五 此 君 未 誾 視朝 誾 和 時 人。 也。 悦 而 許氏《説文》:  $\sim$ 諍 Ŧ. 也 制 × 諸侯上大 侃 侃 夫 剛

切。與,讀平聲,或如字。君在,踧踖如也,與與如也。踧,子六切。踖,資昔一

與,威 嚮 事 君 讀余吕切 與 在 君也。」亦通 上接下之不同 ,讀平聲,或 儀 視 中適之貌。 朝 也 7如字。 踧 也。 踖,恭敬 此一節記 張 與與 子 當 Ė 作思,趣步思思 不 : 孔子在 「與與,不 寧之貌 朝 也 廷 忘 與

訓義夫子在 也 辨 議 容,抑有 而 所當 無所 馬 則 侃侃然其直,而 行, 所 疑,昌言之矣,而 各 與 以 適 言者爲 朝 待 其 而 君 宜 與君大夫議 出 者。 下大夫,司 ൬ 無所避就 決行之, 秉其 當 特其 君 敬,其 未 解 寇 視 之 氣之閒 剛 朝 mi 同 詞 之 至 决 列 氣 時 是 於 者 有 儀

> 與與, 不然, 之閒 則誾 是言 與焉 面 厲之色也。 必 在與既 論於君之前 在 君在」,承 然也。 不 誾 切 也,而與同 則爲之異。 則 恒不忘乎 用張子説, 則 然 在之時,容貌異焉, 明 此 其 爲 不 議 章 及君 ",猶 諍 F 但 政 大夫, 當 與大夫同居 寅 總君 是 m 踧 出 方得貫串。 而 在 (之尊 侃 不 言,一章 踖 而 過 命 也。 苟從,必 侃 在 焉 卑 卿 位 而 御 詞 敬 其言之便便, 之執 誾 矣,雖 有 前 節 氣異焉。 乃 而若不寧。 誾 若朱註 和 如 之 相 平 或 上有 此者。 説 與 下, 承 政 而 大 而 不 者 君也 且 君 夫 則 容 無 亂 也 寬 言 猶 未 貌 矜 與 辯

刃 君召 切。 1使擯, 躩,上 縛 色勃 切 如 也, 足 躩 如 也 0 擯 與 僧 同

擯 主 盤 躄貌。 或 之君 皆敬 所 使 君命故 出 接 賓 也。 者。 勃 變色貌。

揖所與立,左右手。衣前後,襜如也。襜,處

如 所 上公 則 與 左其手,揖 立, 九 謂 命 同 則 爲 右 用 擯 人則右 五. 者 人。 也。 其手。 以 擯 次 用 傳 命 命 數 之半 揖 左

趨進,翼如也。翼,本作趣,音同、趨貌。

賓退,必復命曰:「賓不顧矣。」 疾趨而進,張拱端好,如鳥舒翼。

退 紆 一、必復 君 敬 也。 命 日 賓不 此 顧 節 矣。 記 孔 子 爲 君 擯 相

訓義 君 旅 君 m 擯 有 自 介, 立 M 傳 召 命。 使 人, 小國之君 面 堂 自 公擯之時 送之。 立於 下 門 傳 鴈 外 命 阼 立 鴈 夫子仕於 里, 來朝,大國之大夫來 念 階 於 立 兩國之好 之下 君 門 於 乃 左 門 延 魯 以 而 右 賓 待 下 當當 丽 而 事 乃國之大禮, Ŀ 以 爲 與 中 賓 擯 主 擯 末 聘, 出 者 君 介 設 當 則 隨 接 賓

矣。 則上 者。 外,若 皆 其 堂 君 内 傾 容 血 也 容 容 齊者矣, 乎 拱 時 不 焉 人 事 平 以 下 延 敬 ·, 如 ·背君 賓 右 ? 者 不容 擯 蓋 賓至矣,傳 亦 敬 而 達 神 其 事 以 以 也 右 繒 整 乃 色則 鳥之舒 於 其 情 丽 人,擯 外不 外外 之容然也 手 其 示 前 肅 視 手 踵 之 前 容 敬。 手,手容 也 則 其 而 勃 而 面 奮 後之兩 致 -背賓 隨 命 翼 末 衣 則 右 弦 形 如 發 禮 自 君 然者。 擯 加 之 則 斂於度,若 也, 張 傾 焉 承 於 (放其 於階 出 前 1動,而 也 傳 馬, 拱 旁 者 君 同 命 敬 人矣,所與 後, 以 面 與 揖 如 趨 列 則 盛 下 賓 行 出 見於 賓 而 其 縣 -, 其 , 使 身其 朝 衣 於 成 身 者 而 與 所 襜 之下 立 左 局 中 以 左其 禮 進 身 衣 言 不 帷 容 其 有 促 則 III 至 面 接 則 者 容 立 之 齊 足 於 舒 手 傾 氣 而 手 者,内 趨 如 正 凡 整 序 倚 躍 當 有 不 盈 而 ៣ 7, 傳 立 也 此 丰 爲 齊 左 之 舒 於 立 則 不 加

不復。 事。 愛,不以越位 也。 敬 擯有不達於禮者, 命 以俟賓之登車 曰「賓不顧矣」,所以紆君之敬 賓之事 故賓之回 聘禮,每 夫子位 畢,而敬愛專在於君。 爲 事 在 顧 而去,乃於方去之際,必復 嫌,故如此 中擯 與 畢, 而夫子代之盡 否, 而復之者,意其 則賓必 君或未知,而 出 而 君猶 禮以致敬 而 後 節 時 不容 更 其 拱 請 勞 上 V

人公門,鞠躬如也,如不容。

鞠躬,曲身也。公門高大,而若不容,敬之

至也。

形,寫作履,譌。閾,于逼切。 远不中門,行不履閾。履,以尸从孑从夊从舟,象履

容肅

也。

摳,口

[侯切。

攝,尼輒切。

當尊,行履 處 中門,中於門也。 也 由 闑 閾 右 閾則不恪。」根,宅耕切,門兩旁植木。 門 不踐 限 也 閾。 謂當帳闡之閒,君 禮 謝 : 氏 士 日 大 夫 V 出 中 出 君 人 則

闑,魚列切,門準的也

勃,本作艴,薄没切,上「勃」字同。過位,色勃如也,足躩如也,其言似不足者。

攝 齊 以 位,君之虚位 處,所謂宁也。 虚位 升堂,鞠 而 慢之也。 躬 如 君 謂門 也, 雖 言似不足,不敢肆 屏氣 不在,過之必敬,不敢 屏之閒,人君宁立之 似不息者。 也。

咨。屏,必郢切。

攝

一遍也

齊,衣下

縫

也。

禮:

將

升

堂,兩

屏,藏也。息,鼻息出入者也。近至尊,氣手摳衣,使去地尺,恐躡之而傾跌失容也。

翼 出 如 降 也。 等,逞 復其位, 踧踖 顔 色,怡怡 如 也。 如 也。 陸氏日 没 階 : 「趨」下本 趨 進,

解 等,階之級 顔。 怡怡, 也。 和悦 逞,放 也。 也。 没階 漸 下 遠 所 盡 尊 階 也

無『進』字、俗本有之、誤。』

此一節記孔子在朝之容。 趨, 走就位也。復位踧踖, 敬之餘也。

之節 之上,不 去,否則設 右 左 出 外 終 訓 ൬ 斂之度, 始,猶遠君也 扉 入亦由 朝之 義 門之際、設長 不 入門 丽 m 敬 之内, 敢 近乎正 君 闏 則 政 張 而 視 則 敢佻也。 未去,行 鞠 而 中 見 燕 敬之節 則 如 之。 躬 此 扉之帳 諸 而 朝 闔 則 此門之不足容其 如 門 行。臣之行 侯之門三、君於大門之外 而 於 以止門,而 左 右 也 君 則 爲 局 路 扉而 有殊 夫子 圃 方 禮 謹 越之,而 寝,而 曲 避君行立之位 近 在 法之所 自 焉 焉者。 立 於行 乎 持。 堂 而 闔扉之中。 柱 不同於實, 夫 加 不 不以 右 側 人之頃,偶 子人 閾 臨 見於身容者 當人公門之 敢 扉 之臬 入者, 焉,車 矣,其 足加 舒。 見 闔 禮 焉 左 行 局 出 其 俛 於 亦 君 也 始 立 閾 扉 則 則 由 之 聽 馬 收 仰

改矣。 躬,爲 然, 然。 持其 也。 則升堂 夫子 之度 則 阼 達 内 違 以 摳 所 之 ~,似 朝 焉 逞 與 階 須 則 之右 過之, 顔 之位 者。 静 於手,去 志,氣亦内斂,屏 夫 百 無 屏氣,胥視此 其 不足者也。 必 以 升 而 色矣,怡怡然和悦 乃 列 全 對 避左之中。 以 聽命。 降 也 人大門 俟 而 議 色則 蹙 見總 君 階 鞠躬, 命, 地 論 維 之時 於 mi 尺 ൬ 勃 時 閾 之篤 ıínj 圃 下 其 君 言 如 君 體 而 矣。 以 至 爲 神 。人門而 升 在 也 焉 或履 降 V 不 其 勃 無 於 階 凝 氣 内,而 於堂上 寧 敬 君將 足 隕 内 則 如 則 似 也, 見 等, 者爲 而 之,造次 越, 則 屏之外, 氣 氣 無 爲 行, 於 攝 氣 躩 退 此 之 而 於時 出 亦 躩 易 裳之下 户 闽 如 爲 近 丽 斂 勃 入之息 先 專 若 廳。 君也, 如 牖 也 出 虚 之閒 m 定 如 是 也 鞠 矣、於 之 ,或 位 之色 喜 爲 君 步 詞 乃 躬 閒 齊 者 乃 敬 有 視 趨 鞠 不 今 夫 如 無

外,大 寧 爲 於庭、没階矣、堂 臣 加 容 之得 見其容 踧 也, 踖 門 良會於今日 以内之位 如 丽 如 也 手 此 容 此 翼 下 吾 以 者。 如 布 黨 俟 武 也 或 君 階 而 幸 乏 有 趨 既 隨 退 復 無 等, 夫子 端端 乎 敢 中 緩 立 下 ,同升, 門 而 行 而 不 以 以 至

私

覿

偷偷

愉

如

忧

私

當

作

六切。 勃 執 圭 如 戰 鞠 色, 躬 足 如 蹜 也, 蹜 如 不 如 勝。 有 循 E 0 勝 如 揖 識 蒸 切。 F 如 縮 所

《記》 信。 色 心 至 主,諸侯命圭, 懼 齊, 也 所謂 如 也。 高 不勝,執主 上 不 如 蹜 過 舉 揖 蹜 揖 前 下 聘 曳 卑 間 舉 器, 如 踵 不 鄰 足 授 三,言 過 執 或 促 謂 授 輕 則 狹 行 執 如 也 使大夫 也。 不 圭 不 離 戰 克 平. 如 地 色, 衡 敬 執 有 如 戰 手 謹 以 循 緣 之 丽 與 通

盲

有

容

色。

**高作享者**、

譌

歸

或

執之

以

奉

歸

於君

皆

執

圭

之

時

也。

物也

容 高 色, 獻 和 也 也 既 聘 儀 面 禮》 自 日 : 乙 用 圭 發 壁, 氣 有 滿 庭 容。 實。 有

執圭 適 鼂 此 私 齊 氏 覿 兩條 節記孔 日 其 以 . 閒 私 ,但孔子嘗言其 孔子 絶 禮 子爲君 無 見 定 朝 也 公九 聘 聘 往 愉 於鄰 秊 來 愉 禮當如 之事 仕 或 則 魯, 之 又 此 禮 至十三 和 疑 耳 也 矣。 使 擯 秊

行,則 焉。 使、蓋 執 乃 弟 經傳 訓義 奉以 之 子 要之, 講 0 將 夫子仕於魯, 君 小聘 其禮, 命 出 或 授之主, 日 也。 爲 ൬ 使 或 奠 聖 而 或 事 史 設 於 人 畢 玉 其 曰,夫子 非 位 乘 敬 人 聘問 主君 卿 車 以 事 手授,而 習 則 以 之容 反主 列 其 行。 不 未 或 書, 儀, 嘗 也 之 使 使 至 奉 記 夫子 事 者 其 使, 者 受 者 不 國 執 授 命 之奉 因 與 見 則 甲目 於 Mi 沭

於心。 然。 也 也 此 腕 其手如天 相 圭乃天子所命以示信 而有竭 而君之誠 其手 齊, 其奉以行立,不 皆與 容則 揖 力奉 之當心,而 所 心 上下有恒 平。 ·持之度, 自達也。 其 上肘 Ŀ 面 度, 如 其 執 丽 容 不 身容 之則 下, 平 以 則 能 心 授 勃 則 勝 則 E 以 如 其 而 此 鞠 靈 受 也 手肘 腕 圭 躬 所 者 而 上 則 如 馮

步。 加嚴 如 面 舉 非他 前 其步 矣。 曳踵 勃如比 也 氣 一, 踵 益 蹜 蹜 也。 盈 不 離 而 然 慎益 地 行 其足容以行則不趨 如如 半於武, 至,如 緣 獨 木以 步 臨 不敢 戰 行,唯 之 遠 勃 m

行 也 恐失足焉 ,陳於庭者皮幣與 者。 命 圭 聘事畢, 已 授 馬 主 也 君 出 一,●所以 而 丽 待命, 所 將 通 復人 者 兩 君之 圭 壁 而

署 神 和 情專注 也。 志 也 君之和於使者傳之,則 於於 喜 禮 以 畢 見 兩 出 或 而 之無貳 請 事 一發氣 私 無 覿 虞 一,而 滿 行 焉。 容, 無

> 專篤 如 此 以 得當於交歡者爲 也 下 幣見於主 其敬 情得 盡歡 災既 以 以徼主君之好, 上交者也。 君,受命於君, 丽 和敬交焉 至也。 而 使 敬 終 其 而 事 雖 爲 展 而 使 唯 容 也 不 弛 則 臣 盡 m 之敬 其 愉 始 而 和 於 愉 以

各因 其宜 有 如 此者。

紺

,古暗

切。

緅

子

矣切

君 子不 緅,絳色。 君子 以 謂 紺 孔 緅 子。 三季之喪, 飾。 紺 深 以 青 飾 揚 練 赤 服 色, 也 齊 飾 服 也。 領

緣 也。

紅紫不以爲褻服

紅紫, 褻服 閒色不正, 居服 也。 且近於婦人女子之服 言此, 則 不以爲朝祭之 也。

服 미 知

當 暑 袗 絲 綌 必表而 出 之。 袗,之忍切

0 與 馬」 原作 輿馬」 今據啖柘 Ш 房本改

切 ?,讀 如隙。

也。 袗 欲其不見體也。 而 單 出之,謂先著裹衣, 縐, 側救 也。 切 葛之精者  $\wedge$ 詩》所謂 表絲 日 絲, 綌 廳 蒙彼縐絺 而 者 出 日 之於外, 絡。 一是 表

緇衣羔裘,素衣麑裘,黄衣狐裘。 魔、五雞切

緇

黑色。

羔

裘用黑羊皮。 麑,

鹿

子

9,

É 狐,色黄。 衣以裼裘,欲其相 稱

褻裘 長,欲其昷 長、短 活有袂。 短右袂,所以 褻,古本作緍。 便作 裘,古本作求

必有寢衣,長一身有半。

下。」愚謂 日 而 齊主於敬,不可 寢,故别 此 錯 如 簡, 有寢 此 則 當 衣,其半蓋 解 此 在『齊必 衣 條 圃 與 寢, 明 衣 有 又 以 不 變 覆 明 足。 可 食 衣 著 既 布』之 得 程 明 子 以 衣

作凥。

狐 貈 毛 深 昷 **旱** 私 居 取 其 適 體。 昷 作温

别

温 一、水名。

去喪,無所不 佩

君子無故,

玉

不

去

身。

觽

礪

之

屬,

亦

皆

佩

也。礪作礪,俗文。

非帷裳、必殺之。殺、去聲

朝 無殺縫。 祭之服,裳用 其餘若深衣,要半下 E 幅 如 帷 要有 齊 襞 倍 積 要, 丽 則 旁

無襞積而 有殺縫矣。 襞,必益切

羔裘玄冠,不 以弔。

喪主素,吉主玄。 弔必變服,所以

哀死

吉月,必 朝 服 而朝。

孔氏 此 吉月,月朔 遺 節記 書 雜 孔 也。 記 子 衣服 曲 孔子在魯致仕時 禮 非 之制 特 孔 子事 蘇 氏 也。 如 此 日 . 此

訓義衣裳以飾躬,非但適 體 加 已也 體 以

狐

貉

之厚以居。

貉,

宜作貈。

厚,宜

作身。

居,當

類

相

從,

而

褻裘、

狐

貈

亦得

以

類

相從矣。

爲

以

之飾

哉

?

白

彻

傷

於

佻

之

飾

也

一,以

表

哀

因

其

事

面

稱

其

衣

此此

禮

褻

裘

者

,所以

居

也

以

而

下

接

於

而

短

右

老

物

也

其

衣

則

黄。

衣

著

誠

也,

其

衣

則

素

以

表

敬

也,其

衣

則

緇

知之,以

昭裘之不

失

其

在

内,

衣

在外,

不

知

其

也。

古者

未

有

衣

先

有

服

之

飾

也

以

表

有

緣

以

致

飾

、堯、舜垂衣裳 也,采 下 順 一之儀 宜 褻衣 焉 野 揖 矯 誠焉,故 之於清 而 稱 紫 非 萬 天時,下以定民 不 焉 以 世 人之所 者 故淺之。 素各 求 世 而 亦有 修修 蕩天下之耳 莊 而 赤 異 法。 身習 理 焉 違 深之。 有 於 明 弦 閒  $\overline{\mathbb{H}}$ 其正 步步 丽 寒暄之度。 自 其 人也,盡人之所 誦 夫子之服 黑 節 其 其 天下治。」 辨 非 宜 之 趨 也 制 文 中 齊 事 以 緅者,練 傷 矣。 之 故 而 目 紅 志, 紺 , 皆 非 整 聖 中。 志 者 以 於 者, 練 焉 一男 處 衣 人 赤 君 以 即 以 而 麗 > 女 慎 閒 服 子 何 齊 故 輔 朝 於 目 寧 由 之色 聘享之 裘, 者 言 服 祭之服 裘 體 度 不 其 制 不 也 雖 而 之裘 貪其 其 也 或露矣,必内 而 制 簡 適 以 不 非 視其 故 典 如 繁。 之 制 體 朝 **袗之**,異於布 裘 ()好新 其 輕 裘以 則 服 狐 辱 朝 也 祭之服,亦 則 衣之色而 尚 然。 清 裘, 當暑 裘 魔 吾 服 長 己。 小以以 圃 襲衣,而上 裘, 葛 躬。 羔 者 過於衣 裘 若 Á 不 而 裘, 服 不雅 以 必 息 裘 夫 媟 登 服 暑

之服

也。

君子

亦

M

미

以

爲

天

之所

自

别,

君子

曰:「黄帝

入之 志

氣

而

納

淫

焉。

則上

以

廟之上,行

吉

X

視

其

色

而

情

以

人所

瞻

視

於

禮

服

燕

居

服

之,其

有楊五

焉,

禮

服

、尚之,

則

葛

寒

則

裘

以

順

時

其

有

衣裳

也

拱

之適

固

無

取

乎

何

用

服

此

哉

自

無

識

?

有

服之

者

焉

而

君

子

當

服

情

與

事

相

四 七九 中衣,表葛於外

mj

出之,

帛之有複

也。

乃袗之而

葛

或

絲

或

綌

欲

其

清

德,佩 之服 襞 朝 故 者 有 佩 或 袂 儉 倒 昷 冠 矣。 從 祭之 而 約 裁之、殺上而 積 唯 從 裘 而 等 衣 焉 之素 以以 之 弔 乎 覆 蚆 其 衣 以 宜 則 器 荷 口 服 宜 下 以 裳 爲 略 簡 謂 以 E 旧 便 言 簡 恒 其 簡 體 去 者。 同 待 無 拜 斂 欲 君 者 也 裳 而 蓋 其 色, 服 佩 用 取 其 起 面 子 物, 朝 如 不 之可 宜 豐下,不 耳 其 以 下 昷 哀敬 以 之 圃 簡 帷 祭之裘 而 文 便 朝 博 則 而 納 所 各 成 而 以 喪 於 服 或 耳。 則褻 E 之節 口 身 爲 有 儀 事 如 不 既 之羔 下 狐 必 恒 於 得 所 文, 觀 吾 而 免 若 用 裘 或 齊 軌 爲之襞 耳 宜 中 素 衣 無 裘、 度 其 貈 燕 與 物 則吉 面 也 褻 也 以 滯 以 居 所 或 衣 也 祭服 佩 而 裘 而 顯 尊, 之 敬 積 從 齊 亂於凶 有 之。 多 玉 則 致仕 不 無 其 以 服 其 之 爲 故 宜 以 朝 取 必 所 而 事 慎 之 玄 # 之 唯 象 文 昭 其 袂 稱 顛 不

> 以 中 矩 可 必 餘 而 適 率 朝 君 又何 以 體 乃 子 服 吾 聖 而 所 素 以 規 居之 人 姑 以 也 朝 規 何 任 盡 然擬 深 無 容 其 其 而 衣而 所 便, 質 君 心 議 簡 焉 文以 子 蓋 而 見 也 弔 用 因 如 君 必 養 其 其 此 者 觀 素 氣 節 固 平 於 體 其 謂 制 然 其 者,不 聖 衣 邪 有 而 人 冠, 老 自 不 之服 踰之 之 以 月 口 荷 朔 不

齊 必 也 齊 有 必 以 沐 明 布爲 衣, 浴 之。 浴竟 布。 齊,側 此 即 下脱 著 皆 明 切

前 衣 章 「寢 所 以 衣 明 潔 簡 其 體

齊 必 日: 也。 變食、居必 食, 齊 謂 此 所 不 以 飲 交神 遷 節 酒, 坐 記 故 不 孔 茹 致 子 葷 潔變常以 謹 齊 遷 之 坐, 事 盡 易

楊

氏

常

處

訓義 明 己 其 丽 聖 致 禮 人 齊 則 或 於 有 助 宫 典 祭 八之可 以 於 齊 公 守 m 也 其 散 齊 心 其 於家 志 用 心 而 則聖 交 或 敬 於 祭 神 於

胜 作 腥 者 别

之獨

至而

不易喻

也。

乃其

見

於衣

服

飲

食

如甚切。 之「食」,當作飤。 臭惡,不食。 食 饐 而 餲 魚 失飪 **饐**,乙冀切。 餒 而 不食。 肉 敗,不食。 餲,如 不時,不食。「食饐 介切,音同 色惡,不食。 義 别。 飪

故 成,果實 也 肉 饐 不食。 飯 腐 飪, 喜 日 傷 敗。 熱 未熟之類。 調 淫 色惡、 也。 生熟 餲,味 之節 臭 此數者 悪 也。 變也 未 敗 皆 不 足 時 而 魚 五. 色、 以傷人, 爛 日 穀 臭 餒。 變 不

割不正,不食。 宜,不得 蓋 陸績之母,切肉未嘗不方,斷 割 肉 其 、質美 不方正者不食,造次不離 則 與 不 此 不得其酱,不食。 食、惡 暗 合 也。 其 不 食 備 肉 也。 用 蔥 於正 醬,各有 以寸爲 此 二者 也。 度, 無 所 漢

肉 雖多,不使勝 害於人,但 不 食 以 嗜 氣 味 惟 而 酒 荷 無量 食耳 示 及 亂 0 食

誤。 食 不 飤,飯也。 切之爲 膾 厭精 ,古外切 不厭,言以 膾 膾 精, 不 飤 厭 鐅 精 是 細。 也 爲 則 食、當作飲 善 能 4 非 養 羊 人, 謂 與 祥吏切。 必欲 魚 膾 之 靡 如 胜 則 財作厭, 是 能 聶 也。 害 丽

四 八

者,以

輔

其

神。

其

居

也

必必

遷

於

恒

一之所

坐

卻之,以清

其

氣。

爲

特

豚、爲

少牢,必

新

殺

者

也

中

饋。

内

盡

其

誠,

而

外必謹

其

(節,有

如此

不

處

於外寢,以

絶

人事,不

處

於内

室,

以

遠

矣。

其

食

也

小必

變於恒之所

食,

酒

與

葷

則

身而

加

半,廣

長

端端

整,

而

與

常常

時

之寢

衣

别

焉

必必

預儲

之以待

用。

其

物

則

布

也,

簡

素

而

適

體

矣。

夜寢

有

衣

焉

必

别

爲之,

長

也

而

猶

以

爲

未

潔

也

沐

浴之餘、易

明

衣

居

處

之

節

者

必

謹

焉。

聖人之衣

無

不

潔

文·人父爲 E,女下 吏 引券 文· 贰。 酉 从 爲 人氣,古本作食既。量,當如字讀。亂,當作濁。

合歡,故不爲量,但以醉爲節而不及亂耳。食以穀爲主,故不使肉勝食氣。酒以爲人

氣亦不可使亂,但浹洽而已可也。」程子曰:「不及亂者,非惟不使亂志,雖血

沽酒市脯,不食。沽,當作酤。

不嘗康子之藥同意。

沽、市、皆買也。恐不精潔、或傷人也。與

則

氣

室

加

不通

,語言恐傷之也。」亦

通

不撤薑食。

薑,通神明,去歲惡,故不撤。

不多食。

適可而止,無貪心也。

祭於公,不宿肉。祭肉不出三日。出三日,

不食之矣。

助祭於公,所 H 宿者,不 ,皆以分賜 留 神 得 惠 蓋 胙 也 過 肉, -----家 歸 日,則 之 即 祭 頒 肉 肉 賜。 必 則 取,而 不 不 调 俟 人  $\equiv$ 經

不食之,是

褻

鬼

神

之餘

也

但

比

君

所

賜

荅述 也。」楊氏 心不他、當食而食、當寢 日 語。 曰:「肺爲氣主而聲出焉,寢 自 言日 言。 丽 范 寢,言 氏 日 : 語 聖人 非 其 食 時 從

曰:「《魯論》「瓜」作「必」。」齊,側皆切。雖疏食菜羹,瓜祭,必齊如也。食,當作飢。陸氏

嚴 古人飲食,每 丽 欲,蓋養氣 以祭先 之誠 之所 不暇 敬 謝 貌 氏 擇 不 代 E : 也。 也。 食,窮 孔 始爲: 體,不 子 聖人 種各出 雖 飲食之人,不忘本 此 П 薄 飲 腹 以 物必祭,其 節 少 食 者 傷 · 許,置之豆 記 生,當 或 如 孔 反 此 食之、欲 子 如 非 飲 祭 此 極 食 必 也。 閒之地 之 敬 腹之 心 然聖 節。 聖 齊, 勝

哉 食 敬 清 也。 養 訓義 天 m 以 之濁 時時 夫人 之 養 有 物 其 去 其 ? 子 而 與 大 之。 濁、 易。 不食 也 事 以 飲 氣 血 小 之已 小人 與 柔 氣 者 爲 氣 世 食之爲 人 禽 盡 貞 而 其 美 清 而 順 焉 也 養 之 過 食 人 與 之 儀 即 於飲 馬 使之 潔 会者 耳。 力 邪 君子之食, 而 同 同 度 濁 所 清 飤 馬 用 之不 性 也 也 亦 亂 以 君子 之德 非 有 食 而 飲食之道 情 大 而 行 養夫 餘 精 己。 矣 亦 平 如 相 但 君 食 慎 小 而 也 Œ 養 哉 此 人, 子 Ŧi. 膾 其 之。 Ĺ 而 清 人剛 矣。 非 乎 其 閒 穀 貪 而 養 又 不 小 自 倉 其 細 血 味 j 六 焉 饕 足 昜 旹 而 健 以 不 猝 故 以養 重 之所 者 者 也 牲 在 而 有 文 飲 與 非 夫 貧 也, 飤 聖 無 而 里 尼之中 之 明 食 皆 治 非 即 有 食, 擇 與 生 相 之 於 乃以 能 之 所 而 殄 仴 膾 德 於 人 得 則 遂 長 未 以 以 氣 君 生

不 矣。 精 焉 鄙 陳 已 故 尤 宜 失 而 誠 必 何 屑 不 食。 不 也 於 孰 其 外 久 精 厭 者 爲 則 口 奉之者不敬 穀 敗 爲 君 者 故 而 細 之 聖人日 淡 擇 印 精 有 而 味 哉 子 以 薄 不 而 有 天 嘗 不 臭已 時 藴 之前 孰 ? 凡 爲 飤 ? 以 産 亦 口 試 丽 酶 變。 則 飤 未 矯 之 細 也 非 登 不 不 夫 中 而 饐 嘗 哉? 與 内 世 焉、瓜 其 其 鮮 精 饋 宜 不 以 之 而 則 示 膾 者 美 常 枯 麋 與 之 之 食之也 失 食 膾 亦 食 或 稿悍戾 氣 爛 職 其 細 雖 細 果蔬 即 宜 之 則 精 也。 厭 未 則 則 黷 者 以 魚 矣。 哎 m 之 之, 以 去 增 至 所 茹 口 而 新 腐 傷 有 若 之氣 細 養 惡 必 日 物 濁 麋 有 於 於 損 而 IIII 之而 禽 夫爲之者 君 爛 壞 食矣,然 性 氣 也 時 非 中 溼 有 惡 子 則 亦 之 於 陳, 餒 而 時 其 而 或 自 奚 此 必 用 宜 燥 中 采 mi 色 宿 卻 此 是 難 炳 何 然 肉 者 也 爲 腐 > 不 不 ? 獻 己 屑 口 mi 而

四八三

馬,有 矣,酒 若 當 必 酌 不 常 割 理 焉,各有正 於 面 有 助 非 夫 飲 有 經 即 貴 不 焉 相 mi 氣 乖 其 IIII 使勝 酒 定 欹 賤 沙,不 而 得 E 無 成 時 則 酒 醢 而 必 衰 量 矣,而調之以 非 飲 變, 也 面 肉 體 任 뾾 以 有 家 者 於 無度,是 有 有 M ,養之豐者也 氣 意 食 焉 也 於 適 西襄 味 飤 損 之, 觥 顛 1 不 飦 爲 也 以以 氣 各 脯 下,貴者 觴 倒 E 重 或 殽 無 度 有 之,則 交錯 非 不 所 面 飤 矣。 天 雜 而 失。 夫 所 清 食也 内 醬,有卵醬焉,有芥 以 味 志 氣 飤 而 相 製、沽之市之、而 賜 亦 亦 之變 IIII 與 肉 前 登之於 而 亂 不 取 得 追也 非 小 内 雖 當 肉 敬 貴 其 加 者爲宜 濁 矣。 肉 人也,不食 也 其 不 雖 節 焉 甚矣,食之 於此 不不 則 也 妨 俎 割 於 矣 或 賤者取 傷 以 豆,失 之 於多 味 則 及 酒 尤 大 飤 也 無 爵[ 禮 和 養 有 爲 有 雖 食 改, 也。 也 不 骨 以 棋 īfii 有 醬 其 賤 强 不 主 IIII

矣,不 者 欲其 之早計 凡彼 食者 冰 自 歡 小 味 足 醉 不 食道爲宜 充 B 少,可 敗, j 也。 之 祭 心 與 飽 食 蓋 0 鮮 撤之可 爲 典 而 以 不 者 多食 念出 此 而 一 而 有餘 可食者不食, 抑 食 事 禮矣,不食 也。 以當 求 即 小 可 神者 不 之過 ,吾辛之中, 三日之後, 人喜 無 或 也 人 俟 然, 馬 或有爲 夕而 有 O 也。 貪 所  $\equiv$ 所 也, 而 饕 食之。 棄 餘 乃 棄 日 氣 餘 故 共 之可 肉 也。 也 以 薑 無 而 夫子 者多 享神貺、不 爲 面 之 祭 致 雖 厭 肉 頒 獨 閡 可 爾,未 於 祭 不 可 非 豆 者 IIII 猶 ,設者, 之 少,少 香烈焉,不 食者 公 肉 菹 陳 之迫 唯 可 食 其 月 食 者 祭肉 也 實 於 食, 牢 圃 肉乎 志 之。 嘗 未嘗留 公欲 之正 前 之 求 宿 鄙 頒 亦 屑 猶 期 禮 胙 不 , 有 印用 哉 不 合人之 爲 於 屑 可 mi 然, 之也 撤 出 所 之 而 人不 激 然 以 不 意 不 H 也 不 賜 頒 肉 爲 賜 於 於 必 即

之重 爲 嘑 不 雖 飲 亦 情 食對 有 食之矣。 而 二者皆静 其 流 人 1 以 血 寧 所 語 其 隨 也,不忍也。 心 也。 慎, 人 欲 是爲常 **飤菜羹而** 之惡 不 ,寢以息神,君子之頤 有 給 ,則俄頃之祭,即盡 外外 免。 而 言,君子之出 有 食 m 而 一而異 不食而棄之,是委祖考之餘於 食之有祭,不忘其 幾 有 不見爲 而 如 也 其 事 酬 也。 而 致 此 必祭,禮 荅, 寢 重 衆 而 夫子不然,其 謹 甚哉! 人道於禽獸,功 者。 當静 於 忽之也。 天 其 貪之, 食 容,如 理。 身 唯 獨 丽 也 也。 圃 處 其 俄 聖人之於飲食,其 動 聖人通 賢 加 亦 慎 大祭 丽 聖人之敬 生 頃 非 乎 而夫子見食道 始、蓋 至矣 人 儀 或 也 之誠,内 而善乎己也。 其時矣。 物 略 一, 故 有 之齊者然, 不 於天 也。 , 之, 哉 命令, 可泯 易茹 加 動 皆見 隨 其 作 地 而 食 也。 齊 故 用 毛 氣 以 溝 牛 鳴 面

> 者其 交感之妙 生之德、詧於形色天性之會 미 以 爲 用 以以 近而忽之乎 辨於取舍 1 而 謹 通 於 謹 細 微 於氣 至

席 不 正,不 坐。

者,雖 謝 氏 曰:「聖人心 小 不處。 安於正,故於位之不正

夫爲席 通 不敬 若任意布之而 之内,有 無 訓義物莫不有當然者,視之也 恒 之心拂矣,不待既 居之也不拂於躬,而心亦安矣。 忽於 目 不 責 安也,而 澈 所易,慎持者猶 者 圃 使改焉 奥 不論 豈 阼 有 境之不安者自纖 焉。 有未審則 其 微之不謹 未 何總,而皆有 坐 户 嘗荷 而 牖 時 悟 不正,不正 之下,有東 哉 焉 或 其 忘 丽 非 順 焉。 也。 E 芥而 不逆於目 聖人之心 之。 繒。 爲 而 西焉。 不容。 丈室 席者 蓋 君 子

鄉 人 飲 酒 i、杖者· 出 斯出

既 杖 者 H 不敢 老人也。 後 六十 杖於鄉 一、未出 不敢先,

鄉 人 儺 朝 服 而 <del>)</del>/ 於 阼 階 0 儺 諾 何 切 阼 昨

誤切。

其 臨 東 儺 驚 之者 階也 所 先祖 以 逐 無 儺 五 疫、 所 祀之神 雖 不 古 周 用 禮 "禮》方 其 · 、欲其 面 誠 近 敬 於 相 依 也。 戲 氏 己 掌之。 而安也 亦 或 必 님: 朝 阼 服 階 恐 IIII

之以 長之禮 訓義 以禁之。 然此二者之必 以 得 此一 而 其 不 節 妙 近 張 與 以 行情 記 君 視杖 用 百 乃夫 驰, 子而 焉。 孔 流 則 子 則 無 III] 者 子 至 鄉 居 與 無以 以 爲 鄉 以 於 鄉 於 人 導其 近情之事 之有 之事 爲 鄉 狎 人處, 作 人之 亂 度。 和。 其 飲 丽 非 肅 飲 若 酒 杖 易 MI 以 酒 狂 與 者 觀 非 易 和之者也 儺 未 則 先 於 也。 示之以 則 出 惟 聖 E 非予 而 修 亦 先 人 不 Ŧ 節 敬 無 mi

> 俗 諧 之有 之威 者 出 之而不合於俗 然於國家之大典,以 敬,朝服 後皆付之不見 而 间 之妙用 出 抑 不至於亂。 無 而無忌憚之情 他 主 不 亦 圃 妨 一,則 邦 能 全矣。 斯出, 以 於同 也。 亦 再 儺 自 在 飾 樂, 者 拜 不與 焉。 不不 夫然, 既 不聞 於 其 而 雖 以 圃 儺 送之。 容,立於阼階 可 有 子 形 鳴 自 吾 也。 則鄉 也, 獌 鄉 弟 不 有 嘘 處 以 雜狎 所 人 同 妨 者 則 敬老故 人謂 謂 之 惲 其 令君子之見之, 盡 示 不可及已。 戲之爲 君子之可 於君子之前 情 狎 善,而追風 以 我 以以 得, 或 以賢 則 留 典 0 示 而 自 也 與 之 神 智 君 此 而 當 杖 臨 Ĺ 子 凜 以

間 人於

拜送 使 者 如如 親 見 之、敬 11

康子 饋 藥,拜 而受之,曰:「丘未達,不敢嘗。」

矣。」 然則 也。 敢嘗 范 氏 一,受 未達 楊 日 可 氏 飲 m 而 不 日 凡 不 飲 敢 飲 賜 嘗,謹 則 食必嘗以拜。 大 不 虚 口 夫 子與人交之誠 人之賜 飲 有 疾 圃 也。 賜 不 拜 ,故告之如 飲 藥未達 必告之, 圃 皆 受之, 在 其 則 此 直 禮 不 中

之不 夫子 知,而 上 所問 也。 不 者,於使者之行,朢其 不 彼之不見,而我 訓義聖人之與 ·嘗勿告可 敢 大夫之賜 饋 服 敬 者 見 姑 之情 之, 拜 M 而 此 目 略之 以 親拜之也。 順之。 以 可念, 耳。 必 間 尊 拜 也 人,無往而 生也 有 或忽之。不以 而 故使人 禮 ௱ 夫子 對 其 也。 康 使者至 、去塵 文 其使者 雖 子非習 有 必 、致問 受之,納 不用 然 疾 有 而 ,既受之矣, 彼 其 再 曰,丘未達於 其誠。 而季 他 於醫 事 而 拜 可不 邦之 其 致 也 康 不 命日 者 忱 令彼 有 子 以 如 不 也。 也 饋 以 彼 見 交

> 樂之與 矣。 之。 之。 學者 聖人 不 嘗 病宜否也,不敢以 能 之 m 於人 誠 必 告, 以 所 待 不以 不 物, 見 所 彼 即 爲大夫纍 不 之不 此二 知 而 者 知 必 亦 圃 而 謹 미 姑 姑 尚 見 順 嘗

俗寫作威、 廄 焚。 子 脑 退 皆非。 朝 日 . 傷 人 乎? 不 問 馬。 廄

節記

孔

意

學聖之有

本

哉

蓋貴 人賤 畜 理 當 如 此

非

不

愛

馬

然

恐

傷

人之意

多

故

未

暇

問。

焚,退 於 傷 知 訓義 ៣ 不 有難乎審者。 紊, 者, 馬之生死,未嘗問 人 見諸言,此 子? 處變之際,事 乃有 朝 出之自 乃 人 知 時 不 之, 然。 不 焉 唯聖 미 傷 而 遽 極 强 人之重 若 人渾然 問 뻬 制者。 倉猝, 也。 見 夫 日 畜 子之心釋矣。 救 一之爲 於 夫馬有死者, IIII 子方人朝 火之際, 畜 理 輕 重, 重 亦 則 則 理 有 權 得 之 條 面 不 衡 易 則 無 廄 期 至 而

**肫摯而無所旁分,故如此。** 唯貨利之心澹泊而不擾其寧静,惻隱之情與否,雖必知之,而怵惕之仁,不能自己。 卑人必以告,而可無待問。至於人之或傷

皆別。 也。 之。 君賜食,必正席先嘗之。 腥 君賜生,必畜之。胜作腥 穌 佞 切 星見食豕,令肉中 君賜胜,必孰 生小 誤。 息 胜 肉 ,桑經切 也。 音與 而 不 薦 熟 義

肉。 君也。 食恐或餕 敦 言 m 先嘗, 薦之祖考,榮君賜 餘、故一 則 不 以 餘 薦。 當 以 頒 正 席 也。 賜 先嘗 矣。 畜之者 胜,生 如如 對

侍食於君,君祭,先飯。飯,符萬切。

仁

君之惠

,無故不敢

殺

也

王乃食。」故侍食者,君祭則己不祭而先《周禮》:「王日一舉,膳夫受祭品,嘗食,

疾,君視之,東首,加朝服,拖紳。拖,本作於,託

飯,若爲君嘗食然,不敢當客禮也

何切。古本作袉、音義皆同。

東首,以受生氣 大帶於上也 又不可以 褻服 見君 也。 故 病 加 臥 朝 不 服 能 於 著 身, 衣 束 又引

清別。 君命召,不俟駕行矣。俟,本作矣,或作後,今寫作:

篤於敬 訓義敬 食餘 賜之胜肉,必亯 禮必有 IE 不可及已。夫子之事君也,君賜之食, 至,無微不謹,在變如常, 而 衰。 席 於牖 以 頒 聖人爲 所未盡 而或不能詳於其禮。 君者,具 惠、依 下, 先 然 人 逐品 孰 其 禮之未至,則其 倫之至,唯 (禮而) 加 一食於君前 薦之寢 而嘗之,然後 或不能本之於敬 在迫益 廟,不 敬之未篤 敬 之禮 與 、敬亦由之 嚴,斯 禮 以 以 也 更 其 之 則 惠 交 所 必 以 君

敬

慎於中

故禮

無

不至。

非

聖人而

能

必其

之久需

而

不寧也

此

其

在

迫

而

益

嚴

者

也

行

,而恐駕者之

濡

滯,

且

行

而

駕

自

速

恐

君

命

即

行,駕者

追

及之可

也。

大夫

不

可

徒

君賜之羊 於人,及付之廚 豚之生 丽 者,必畜養之,待祭 不問,所 以 昭 君 貺 而 也 用

弗敢 也。 焉 而 若侍坐於君 之,不以 食 祭也。 夫子之有疾也,而 爲 爲君 君 褻 設 當 用 君食 非 弗俟 食之禮 丽 爲 榮 己 君 而 其 也。 行 食 使侍焉,當君祭之時 先者, 之, Щ 君視之,不能起 此 始 明不 其 食也,己先飯 以 無微 尊 敢當賓禮 其 不 君 謹 也 而 者

牖 見召,不必其 君 朝服,拖大帶之紳於衾上 之東, 焉。 此 首 其 即 在 近 有 變 迫事 君, 加 如常 而 也, 不敢 者 而 一,不 心 也 以 足 敢 則 以 鄉 君 迫 有 褻服 君。 也 命 在 聞 而 見 加

拜

迎,臥

於南

牖之下

前

東首

,君入自

卢

人太廟 不 失 如 每 此 事 哉

重 出

朋 友 死 無 所 歸,曰: 於我 殯。

朋 友以義合,死 無所歸,不得不殯。

朋 友之饋 雖 車 馬 非 祭肉 不 拜

朋

友

有

通

財

之義,

故

雖

車

馬

之

重,不

拜。

此

祭肉則 節記 孔 拜者,敬其祖考, 子交朋 友之義 同 於 己 親 也。

訓義 死 以交於朋 有 之心純 己之利 合,而一念計利,則義 1,則生 :「於我殯。」以 不 於 友道之喪也 則私之,在 乎 其 死 義,而 友 鄉 之 何 際 而 且 無 於 無 有 疑。 己之室爲朋 魯 私 人 唯 所忌。 者, 則 毫 利 遂 己之有 計 以 傷 隱 無 利 利 之也。 ൬ 夫子 所 之 爲 情 室,見 歸 心 友之室 重 於朋 亦 其 故 衰。 唯 友以 P 爲 聖人 友 坦 之 己 然 則 義 則 在

形骸 拜 如 見利之爲己利,而 於我,而 車 生 己之財, 馬 此 也 口 一,則 之重 之隔 以 處, 他 何拜之有? 在 而自 更 我 死 故 者 不 固 忘 拜 非 可 可 物 而 義 祭肉之敬其先人之賜 通 以 受之。 我 殯矣。 與 蓋聖人大道爲公,不 於彼,在彼 圃 己 以 司 以朋友之財 朋 義 者,尤不見 友之饋 相 者 成 即 者 山 有 有 通 即 必 雖

寢 不 户, 居不 容。 居 當 

祀見賓 儀。 尸 亦未 慢之 謂 范氏 當 偃 氣 客 肆 臥 日 m 耳 不 「寢 已,申 似 設 死 於 居 身 人 不 不尸,非 申、夭夭 容, 體 也。 非 雖 居 是 惰 舒 悪 也 也 布 其 居 家。 其 類 但 於 四 不 容, 死 體 若 也。 奉 而

見齊衰者, 雖 狎 必 變。 見冕 者 與 、瞽者, 雖

狎 謂 素親狎。 褻, 謂 燕見。 貌,謂 禮貌

以

貌

餘 見 前篇

M 服者,式之。 式 負 版 者。

版,持 **式**,車 況其 也。 民 数也。 故《周 下者, 前 邦 或 横 人 敢 圖籍 禮 木。 惟 不  $\leq$ 者。 敬 萬物之靈, 獻 有 乎? 民 所 大 數 敬 此二者,哀有喪, 於 則 Ŧ, 脯 俛  $\pm$  $\pm$ 而 者之所天 拜受之」。 馮 之。 重 負

有盛饌 ,必變色而 作

敬主人之禮,非 風烈,必變。 烈,當作雕。 以 其 饌 也 烈、火 八盛也

迅

雷

怒。 變,雖夜必 孔子容貌之變。 迅,疾也。 《記》 Ĕ: 烈,猛也。 興, 「若有 衣 服 冠 疾風、迅 必變者,所以 丽 坐。 雷、 此 甚 ায় 敬 節 則 天之 必

矣。 常而 訓義聖人之容有 安馬 臥不宜偃,形斂 因 其 變 常 而 也 M 動 更獲 而 焉 亦 天 其 有 理 安,寢不尸, 變 之節 也 文見 大 其

黨日 矜持 瞽 哀, 容 衰 固 居 然也 者 而 者 侍夫子, 而 爲之戚 雖非 情 不 非 容, 必 在 燕 弔 M 至 然。 朝 居 所 非 未 也 狂 以 固 哭, 嘗 有喪 養 然也 見 非 見 以其和 而 其 與 有 者 以 或 肄 爵 人 狎 此 莊 改 樂, 之大痛,不容 見乎 面 其 敬 也 有 而 常 存 ",必 服 若其 爲 丽 也 冕者, 褻 無 見 其 見 吾 待 之動 作 也。 以 神 爲 即 敬

常

齊

所

不

乎,必以

禮貌

施

敬。

蓋

尊者

之當敬

不

可

人之道,其遠人乎哉

與

其 坐 是與 服 以 不 籍之版 見 而 一敬 敢 忧 而 пV 者式之,哀其 式之,若鞠躬 媒, 當 玩 同 之也。 者 至 者式之,以其 類 主人 而 也 圃 瞽 物 爲 爲 則 者之易 微 在 天地 之設 然。 喪 變 車 面 色 丽 用 Œ 所貴之生也。 盛 而 爲 起 有 於 之也 立 之不 饌 夫子於車 敬 失 生民之名 而 禮, 而 誠 由 有 寧 作 誠 其 所 不 也。 禮 以 敬 中 П 則必 之隆, 待 姓 其與 大 見 見 則 在 陳 報之 其 負 有 馮 焉, X 不 若 民 知 IXI 抽

> 不測者,故爲之不寧也。 生乎心,發乎身, 幾、必 學 之悚 讯 也。 者即 發 雷聲, 至於天之風 慎以 氣 此 爲 圃 之莊 承 風 體 之, 之方 之, 推 雷 而 之而 蓋 所 起 雖 恐人物 凡此 燥 LI IIII 恒 氣之 成 貞 漸 也 平事 皆容之 常 總 之有 發 MI 猛 業 所 電 爲 烈 變者 罹 之方 以 天 聖 譍 其 地 則

升車,必正 7 執 綏。

車 中, 綏 君 執綏,則 子莊敬 輓 内 以 顧 心 F 無 體 車之索 不 所 無 疾 不 不 言 在 Œ 也 升 不 親 車 而 指 則 誠 范 見於 意 氏 肅 日 此 恭 . 也。 矣。 一 正 蓋 V

之容。 者皆失容, 内 顧 П 視 且惑人。 也。 《禮 **> H** 此 顧 節 不 記 過 孔 報。」 子 升車

訓義夫子之在車 中,有其常度 為。 非 安 車

定矣。 憂 斯 朢 之以 爲 情 也。 登 子 即 過 也 失 正 可 一,而 乃 指 遠 不 於 Œ 委 駕 也 丽 る難り 君 叡 綏不 也 遽 丽 人 而 逸老,兵車 車 立 傾 非 子 、之度。 之 有 車 中 以 ,則人之瞻 欹 而 於 使 之在 致危 四方 中 若 所 之 弛 路 之憂,乘 車 即 或 於 内 所 謂 人 中 7,亦無 心,抑不 安 車 手 有 顧 IIII 夫子 之以 以 亦 , 也 所 者 返 無 所 以 視 其 不 言, 顧 者 以 於 不 論 不 即 方 前 隨 印 駭 御 與 HI 惑 戎 馳 升 習 然 其 告 視 其 徐 則 也 者 有 也。 川 車 行 而 身 口 陟 爲 人 而 則 能 不 得 方 其 之 耳, 言 降 輕 身容亦 亦 遠 在國中 不 疾 失 乘 面 止, 始 之, 捷 盪 失 御 言 丽 無覆 而 焉 車 之容 援 其 者 御 左 V 立 而 以 也 肅 然 績之 右 綏 可 右 恒 必 既 車 馬 尊 忧 也 代 之 不 定 以 不 之 或 īF. 不 而 君

待二

哉

翅 驚 見, 音扄関反。 鼻从臭 日 也。 顧 嗅 . 言鳥 當 加 也 而 後 如 亦 Ш 鼻 竟以 然。 下 見人之顔 作。 此 吸 梁 止。 氣 雌 見爲 故 狊 共、居 也 然此 郭 雉 張 从 璞 施 人 翅 謂 目 于 竦 之見 時 F 色不 以人犬。 切。 張 雌 則 哉 下 兩 雉之 鳥之欲 翅 嗅, 幾 善 必 犬之視 作 見見然 古無嗅字, 而 有 時 飛 則 固 作 闕 哉 必 飛 頭 文矣。 謂 不 張 審 去 伏 可。 左右 音許 翅 而 子 擇 (fij 口 左 按 屢 路 所 救 E 右 此 翔 顧 視 翀 反者,从 處 共 愐 IE 審 舉 鳥 當 後 亦 視 奚 張 之 作

之。 執 雅 邢 啄 一一石 嗅 之義。 氏 得 當 經》 孔 其 H 愚 作 子不 . 時 按 嗅 狊 然此 作 食。三 梁二, 子 如 古 夏, 必 路 後 闃 橋 有 謂 不 嗅 M 反, 也 闕 雉 達 其 説 文,不 張 鳴 氣 以 則 時 也 M 而 爲 0 哉 起 共 翃 可 時 劉 0 强 也 字 物 言 聘 鼂 爲 當 IIII 雉 君 氏 之説 見 爲 共 之 ^ 拱 具 飲 爾 0

斯

舉

矣

翔

而

後

集

起

敬

畏

面

不

敢

狎

致之守 已矣。 其 失 訓義 所 天 利 晚 先 躊 其 頒 mi 有 以 之 道之 其 矣。 説 有 躇 時 物 11-M 也 型 曲 卻 至 臨 馬 時 用 凡 接之道 後 當 幾 所 成 故 而 所 也 焉 慮 見 而於事 圖 之 以 加 其 無 加 任 而 記 以 人之 無 ~妙,事 神, 謹 謹 心 可 觀 立 微 通 求 夫子之言 幾 以 事物 之功 之謂 於 誠 物 而 不慎者,不 顏 其不失,則早 物 而 救 乎 鷹 之 遊 以 色響於己 物 見之物 方至之頃 過 備 一,因 隼 理 豫 時, 之至 \_\_\_ 則 0 矣。 之 接 其 語 則 性 則 即 丽 屬 也 疏 化 IIII 息 合 不 可 IIII 時 以 容 圃 即 也 者 待 俄 之能 IIII 天 動 之誠,不 以 要言 已失之於 貌 擇善以 即 · 譍以 多 1,有 之道 得 事 救 頃之閒, 矣。 舉 而 機 過, 天 咸 之,時 居 靈 宜 無 聖 之 機 宜 處 若 精 恃 蠢 ௱ 隨 迫, 焉。 也 之 此 斯 得 幾 待 事 已 m 而 而 服

盛於 也 自 失 歎 雉 Ш 以 以 所 其 後 飛 舉 而 故 口 此 之 梁 1/ 可 矣 若 集 處 譍 神 而 斯 以 不亦晚乎 之雌 乎? 時 中 將 止 動 誠 集 ,不遽 欲 舉 駆 不倦,於可 無 時 也 一於梁 之 止 執 者 圃 加 也 而 所 哉 1,於此 雉 象, 不妄有 也 情 之, 即 集 遲 於 使 也 前 無 此 舉 焉,無 然 是 有 而 必 執 誠 已矣。 之能 時 人 也 後 聖人 子 懷 以 顯 П 所 滯 則 哉 至 相 路 其 集 翔下視, 集 或 者 必 1 而 蓋 之德 害 見 有 見 用 加 於此 倉 知 故夫子遊 故 其 恬 其 之 不 欲 焉 驚 III 尚 猝 之 心警, 後 處 凝 不 情 迫 舉 作 未 焉。 理 見 而 猶 見 集 於 能 者 於 而 而 П 可集之木 其 故 失措之情見 也。 Ⅲ 舉 己 集, 不 即 其 噫 蓋 以 雉 於 象馬 聖 巾 -也 乃 舉 力全,有 其 其 舉 Щ 圃 此 人之道 之志 慮 於得 審 其 試 何 乎 子 而 必 周 ? 作 乃 見 則 幾 共 慎 而 其 以

四九三

皆行 之數 矣。 雉 圃 悔 隼 乎 謹 豫 皆 居處 不全於己,而 能及遠,是以 已矣。 與 翔於千 也 則 爲 不能翔, 之制 乎! 也。 知 乎其 蓋 成乎時 海過 而聖 雉惟智 飲食 而 故曰: 仞, (所當 與 以 翔 終身 人 而 則 门以 能 此 方悟 動 者鷹盤空,不 中之大用,以 之 思 而 不 示 行,止 之, 思之, 夫子之 而 欲從 行 能 個 譍 下視雌 順 靈 其 得 酢於君 焉 舉 乎 丽 乎俄 而神 非。 ,時以 咎者多。 末 能 欲 而 乎其所當 七 翔, 學之 世 由 不 雉之頑鈍, 不王 頃之變。 然則吾黨其 孫 「誠末 得當, 友民物之閒者, 動翅 足以 視吾黨, 譍 世 圃 一言 全半 乎天 此 形 而 臧 終 止,在吾人 由 必 則 纍 飛 溪 不至者 已。 隨 乍 不 明 亦 其 而 而 謹 也 動, 驚 時 如 雌 可 夫 猶 愜 力 刊 是 譍 雉 以 得 道 不 乍 乎

四

訓

義卷十二終

## 四 書訓義卷十三 論語卷十

宋朱熹集註 明衡陽王夫之訓義

## 先進第十一

此篇 稱閔子,疑閔氏門人所記也。」 二、此 多評 篇 弟子賢否,凡二十五 記 関 子 騫 言行者四, 章。 加 其 胡 \_\_\_ 直 氏

君 子曰:「先進於禮樂、野人也。 子也 今反謂之彬彬, 先進、後進、猶言前輩、後輩。 而 外之民。君子,謂賢士大夫也。 先進於禮樂,文質得宜,今反 爲野人。 後進之於禮樂,文過其質, 洏 以爲君子。 後進於禮樂, 謂 野人,謂 蓋 程子曰 之質朴, 周末文 郊

> 勝,故時人之言 如此,不自 知 其 過

於

文也。」

如用之,則吾從先進。」

自言其如此,蓋欲損過以就中 用之,謂用禮樂。孔子既述時人之言,又 也

曰,此 之也。 樂也,雜亂先王之典,行非所行, 或 禮樂爾。 哉? 其序,循其分。今之人不復守矣,而 也,一遵先王之制,不敢過,不敢不及,因 以來,後未有能别剙爲禮樂者, 流俗以遷,而莫知所止。 而不顧其心之所安與身之所宜 訓義夫子曰,夫人之有禮樂,豈 尚 有留 於以服 野 而世之大患,莫甚於殉一時之名 人也。 乃在昔日之行之者,其於此 其遺徽者。 躬 若今之行之者,其 丽 酬 酢於天下,蓋 於是時 自三代盛 人舉 行, 則 但 止 於 亦 將 以 而 王 則將隨 非 此 野 猶 制 禮 以 其 名 所 禮 之 樂 是 作 用 名

譽,而 從先 當於 哉? 哉? 所 乃 先 以 所必 之列 間 無疑 推 心 面 11 水合其 辨 之所 順  $\pm$ 不 而 也 踰 之所 也。 不 尚之曰 進 必身心之利用, 者。 發 敬 實 而 面 而 其 必 安 可 IIII 也 有 有 如 恥 當 如 分 先 節,不敢不 而 所必然之和 乃抑 決 發之必 越之序 以用 所必 爲 其 世之君 其 此 王 吾身 易 矣。 野 納 等。 一之所 念禮 其 君 人, 躬 之也。 施 之可 有 達 先王 序。 子 子 於 丽 用 審 其 樂之不可 則 節 也。 無不 則 情於音 登 施之必有 一,必 以 行 和 其 一之所 ,則吾於此求之於吾 作 降 從 如 非 宣 焉 相 者 夫 ·然者。 用 如 後 儀 但 率 ௱ 吾 之 盡 其 以 人樂附 以 容律 進, 文 邀 無歉 廢 以 和 , 不 所 數。 將 殉 之地 其序 將 從 丽 亦奚 五日 以 流 於 時 敢 者 度之閒 後 情 先 敬 是 俗之 於君 然 何 之名, 情 不 進 乃 其 以 不 E m 爲 時 不 必 求 毁 適 之 口 有 心 也 古 子 X 復

> 失乎 爾。 肆 即 樂, 不容不 與爲君子者同之也 之褒貶 嘗於用之之時 也。 欲 面 譍 豈其 然則 以 當 用之禮樂, 世 謎 時 以 果有 今之貿 評 亦無有敢以野人非之者。 亦 違 者 不 心 譍 面 外 而 世 蓋 貿 而 乎 雾 之用 致 然 病 可 此。 與 嗚 思 以 狂 隨 (之合: 爲 嘘 乎 相 蚆 此 彼 ? 推 心 能 無 未嘗學 哉? 爲 丽 安有 與 夫子定 知 君 先 不 丽 子 足 進 妄 吾 吾身 者 禮 行 競 恤 是 所 者 者 得 知 Œ 願 所 M 亦

子 曰 . 從 我 於 陳、 蔡 者 皆 不 及 門 也 從 慈

用

切。

於患 時皆 孔 子 難 嘗 不 之中 在 阸 門 於 也 故 陳、 蔡之閒 孔 子 思之、蓋 弟 子多從 不 忘 之者 其 相 從 此

宰 德 我 行 子 顔 贛 淵 関 政 子 事 騫 冉 曲 有 伯 牛、 季 路 仲 弓 文 o 學. 言 子

族、子夏。 德本作息、 贛作頁、 族作游者, 俱俗譌。 先賢

之名。豊宜別誤?

道 蔡者 弟 口 長,分爲 見。 子因 imi 爾。 不與焉 孔子之言,記此十人,而 四 門人之賢 程子 科。 ,故知十 日 孔子教人,各 者 哲 四 」,世俗 固 科 不 乃從 止此。 論 因其 夫子 也。 并目 材 曾子 於此 於 其 陳 . 傳 所

於他國 唯 吾 徒,吾奚病哉? 遊 丘 而 曏 子 能 道 將 者 者 喻 贛聞 不進 夫子 勿 誰 阸 猶 而 而 與 眷 於 盛 尟 爲 陳、 之, 者乎? 於歸魯之 眷 也。 能 學者各歸 徒 子 蔡矣。 裁 而 懷 道 M 成 諸 乃今則夭者夭矣,仁者適 乎? 窮 嗚呼 其 子三 後, 以 於天下, 偏 其 子得 分教,皆不及門也。 年 遇 至之學,以 逮 思 築 其 雖 己 死 無 室 事 後 者 窮 而 有離 而 兩 已矣,其存 徒 不 而 楹 嘆 歸 依 窮 從 羣索 之癮, 日 於 依 於 我 一, 吾 美 於 居 吾 偕

者也。 子 《詩》、《書》之實學者,則有子斿、子夏, 弓, 大。 非 皆 者 敦 傷 於 之教,以 也。 所尚之詳略不同 我、子贛, 也 于行者 天下 時之 也。 無 以 長 則 亦爲諸 雖所造之深淺 言足 四 體 則夫子之歎,非 於 有 授以大政 盛 若陳、蔡之多賢 方 道之大全。 幹 德行爲本,而言語、 冉 雖 以 則不及門之歎 之事 焉 子傷也,宜矣。 濟 有、 則 居業之勤 論 有 者 傳 ,其 季 道 顔 聖 也。 ,皆深於經 而 路 所 有 淵 語 道 可 使夭者 差, 関 造 足 但 雖 任 怠 傳 而 志 自 就 以 有異 則 試 成 禮 加 子 夫子 [傷,亦 專 行 其 可 騫、 必 樂 皆 天假之季而 政 術 于小事 之進 (, 皆明 對 備記 德 I無於 之遺 能 實 事 者 者, 冉 爲二三子 爲 文學, 以 也。 伯 之,以 退 慎 斯 於 則 德 興 圃 文,集 牛、仲 不 修 夫 道 絶 不遺 辯 有 性 諸 雖 者 傷 無 子 説 室 THI

子 説。」説、弋雪切 : П 也 非 助 我 者 也 於 吾 言 無 所 不

以『助 也。 問,故夫子云然。 助 贊顔氏云爾。」 深喜之。 我,若子夏之起子, 顔子於聖人之言, 我」望之? 胡氏 曰:「夫子之於回,豈 其 蓋 聖 辭若有 因 默 人之謙德, 疑問 識 憾 心 而 馬,其 通 有 又 無 以 以 實 所 相 真 乃 深 疑 長

明, 也。 所用 也。 以引 訓義夫子曰、吾之與二三子相授受也 mj 唯 伸,而 推 若以其智體吾之所知,以其 有 吾言之,回説之, 歆然取 則 口 無 所 未 唯 而 所 知 吾 吾 姑 嘗 不 有 È 因之以 其 聽 説 之服 吾 心 助 而 能 也。 言之止 已 一旁通 膺, 有 矣。 言有所未赐, 所 丽 乎 用 二三子有 吾 不 理,是 則 足於吾言 更 亦 無 自 心 往 能 有 效 助 往 助 其 吾 我 他 理 觸 之 之 其 及 有 我 聰 者 類

> 心 説 也。 吾之言益足以 自 爲 益 之不越於此乎? 中,若深味 有如是夫 而我之言皆其 自 也。 聽吾言 丽 與其益 見其 者 盡 ൬ 無 自吾而言, 所身體力行之實, 無 我, 方之 言 窮 者 勿寧自益 唯 然。 理, 無 有助我者, 此 所 П 所 助 其 , [] 以 Mi 以 此 益 無 爲 其 我 道 不 愐

子曰:「孝哉閔子騫! 人不閒於其父母昆

弟之言。」昆、當作累。

著於外,故夫子歎而美之。」 胡氏 無異詞者, 日 ]:「父] 蓋 母兄 其 孝友之實,有 弟 稱 其 孝友, 以 人皆 積 於 信 中 之 丽

理,而但有 訓義夫子曰,人之有 弟之言也, 者、孝哉 不待質於羣言, 惟 而更驗之於人也。 関 同然之心。 子騫乎 而唯孝不然。 德也,皆 1 吾以 吾驗 此 之 孝 口 蓋 驗爲 於 無 以 惟 父 無 相 定之 母 人 信 所 子 不 间

畏也。 之心。 休,通於遠邇。 當於父母之心者,而後可謂之孝。服勞致 忌之府,而賢者爲責備之歸,人言亦 之有私焉,則必有可議者矣。 養之文,可以謝過於天下 夫而後信子騫之孝,果不可誣矣。 或父母諒之,昆弟以己之所不逮 乃子騫昆弟之言,猶父母 於隱微,則父母諒之,而無以服昆弟之心。 而鄉黨宗族從旁而窺之,或以其父母昆弟 父母謂之孝,則洵孝矣。 乃人之稱之,無殊於父母昆弟也 人心之同,感於至性。 也,洵孝矣。 而不能 且至德爲 而 而服之, 大順之 或未盡 愜 大可 父母 爲 疑 加

行矣。」

三復此言,事見《家語》,蓋深有意於謹言可磨也。斯言之玷,不可爲也。」南容一日《詩・大雅・抑》之篇曰:「白圭之玷,尚南容三復白圭,孔子以其兄之子妻之。

人子者,如閔子騫焉,可矣。

也。 於行者。 行之表,行者言之實,未有易其言 禍,故孔 此邦有道所以不廢,邦無 子以兄子妻之。 南容欲謹其言如此,則必能 范 氏 日 道 所以 加 言 謹其 能 者 免 謹

《象》曰:「君子以言有物, 訓義嫁子者必擇能齊其家者, 僻,而從違以壹,此修身齊家 聲,非但以隱忍求免於世,實恐一 所,可以唯吾言而 慎於人情險阻之地,而以門內 刑,聖人之所以爲法於天下也。 白圭之《詩》曰:「白圭之玷,尚可磨 吾身之玷。 威褻而教戒不嚴。唯君子知言爲吾心之 之内,言之不謹則喜怒溢 固在所謹,而言尤要焉。 惟 言無 無 關 玷,則家 於利 人之爲言, 圃 害。 圃 好惡不平 人之聞 行 致之理也。 爲便安之 有恒。」行 《家人》之 而使之觀 不知一家 發而 或 見 - , 恩 也。 不 致 成

子。 矣。 心, 刑于之化矣。 斯 家之樞機 言之 而終身 南容讀 故夫子 玷 也 不 不 是詩 亟 于是 以其兄之子妻之,可 救 可 取 爲 之,以 而三復之,其得 慚 也 加 屋 見修齊之理焉,于是 爲是修 漏 玷 者 不 可 身之 即 爲, 諸 無 以 要 心 以 内 觀 者 對 疚 Щ 其 至 妻 於 齊

季康 亡。」好,當作政。 有 顔 子 田 問 者 「弟子 好 **奈作幸者** 學 , 孰 不 爲 幸 俗誤 好學?」孔 短 命 死 矣。 子對 今 也 日 則

乎人

倫

而

得

其

理

巾

而

見嫁

子之道

焉

嗚

嘘

此

聖人所

以

-

能問 范氏曰:「哀公、康 臣之告君,不 乃告之,此教 可 不 誨之道也 杰 子問 若 同 康 而 子 對 者 有 詳略 必 待其 者

實,詳 訓義季康子問弟子孰 有 顔 回 於告哀公之詞。 者好學,今也 則亡。 爲 乃 好學,而 終 始 顔 唯 子 夫子對以 偁 好學之 顔 子,

> 其性 之言 以言學,不足以言好。 而 厚 而 情 歎 竊其 嗣 則 者之 雖 華, 通 無 亦奚足 六 人, 執者繁 則 姝 尚 非 哉? 姝 顔 有 暖 子之 其 暖 守 潛 而 一先生 心 不 以 足 治

始教 顔路 加 ,淵之父,名 受學焉。 無 椁,外 繇。 棺 少 也 孔 子 請 六 歲 爲 椁,欲 孔 子

貴

車

以買椁

也

子曰 夫之後,不可徒行也 棺 加 無 :「才不才,亦各言 椁。 吾不徒 行以爲之椁。 其子 也。 鯉 以 也 吾從 死, 有

才雖 之喪,當脱驂以 皆子也。 言「後」, 鯉,孔子之子伯 不及 謙 孔子 顔 詞 淵 然己 時已致仕 賻之矣。 魚 胡 氏 也 與 先 日 顔 : 尚 孔 今乃 路 孔 子 從大夫之列。 以 卒。 子 不 父視之,則 許 遇 言 舊 顔 路 鯉 館 之 之

以 鬻 求,大夫不 請 財,視義之可 君子行禮,視吾之有無 諸 副 何 其 市 邪 也 意 ? 可以 豊 且 葬 否, 豈獨 誠 爲 可 徒行,命車 心 所 以 與 識 無 直 視有無 窮 椁, 驂 丽 道 乏者得 己。 哉 不 ? 而 可 可 夫君子 已哉?」 我 以 以 或 者 脱 與 丽 之用 以 人 而 勉 爲 强 而 復

當作價。

寫作鬻者,誤。鬻本訓鬻也

之車 情, 宜 其 分位 吾之所宜爲者也。 禮 訓義顏子之喪,聖人之所甚哀者 所自安也。 極乎 厚 固 乎? 則 焉 有之、豈待顔 以 無 理之所必至。 易 不至,理 可 因 椁 施之子矣。 愛生於性,父子性也,父子豈 其 顔淵 貧 夫 必 富 死,貧 使 審 路之請 焉。 夫毀車馬 其 乎無 而 可 今爾其 若俱 而 聖人之理, 也 不當。 乎? 無椁,顔 不 以 則 謂 論 送 車 子 也。 回 蓋 死 馬 日 一之オ 路 即 丽 聖 是 賵 因 請 情 人之 但 뻬 m 致 其 非 子 之 情

> 之。 吾 可 也 吾既從大夫之後,不 去 才言哉 乎 輕 而 吾 ? 也。 鯉之 吾 盡 將 1 惜 即 死 吾道,而 徒 才不才,名之曰子,而 才者以 使爾 無 行 棹, 矣,貧 有車 道哀之, 而 吾 可徒 吾不 心未 ·, 而 無餘 行,分有定 尚 以 嘗 守禮 車 不 車爲之, 不 可 不 盡 者 用, 可 親 以 分分不 毀 以 爾 子 而 疏 也 例 況 車 之 定

喪,讀去聲。 天喪予! 天喪予!

請,於吾失,而於回

亦未爲

得

也。

之悠 聖人 以人 訓義 何, 噫,傷痛聲。 日 . 而 悠, 爲 之與共存没者 聖人之身,以 噫 又能如萬世之人心何哉 絶 而 續。 道 天 悼 將 喪 人者,道之所 道 無 子 無傳,若 道 所 1 也。 爲 託 天 興 也 故 喪 喪。 天喪 顔 子 自 聖 淵 己也 存。 聖 人 死, 無 顧 之道 道 千 如 而子 # 天

顏淵死,子哭之慟。從者曰:「子慟矣。」從,慈

功,正量,

用切。

慟,哀過也。

曰:「有慟乎?

非夫人之爲慟而誰爲?」夫,音扶。

當其可,皆情性之正也。」他人之比也。 胡氏曰:「痛惜之至,施夫人,謂顏淵。言其死可惜,哭之宜慟,非

之,則 乎?」 忘其爲過 哭之慟,非朋友之節,而幾 也。 訓義聖人之情,無非 知其過者,反而求之,而知爲理之表 朋友之死,哭之有節焉。 子慟 誠哉 其 矣。」 宜 也。 一疑其 慟 理 八過也。 而以情之必至者而 非 也。 夫人之爲慟,而 於 有若 子 志 顔淵 E 矣。 過 死 而 「有 從 有 面 自 度 慟 者 不 子 過

之有必致之哀者何爲哉?

聖人之過情

丽

亦

何

以

處我哉

夫回視予猶父

也

則

而

厚

焉,子乃深責之曰,二三子

無

以

處

回

故夫子止之。喪具,稱家之有無。貧而厚葬,不循理也類淵死,門人欲厚葬之,子曰:「不可。」

門人厚葬之。

蓋顔路聽之。

非我也,夫二三子也。」子曰:「回也視予猶父也,予不得視猶子也。

乎? 死,門 訓義 歎不 子非禮勿居之道也。 貞生死而 一於禮, 得如葬鯉之得宜,以 君子之愛人也以禮。 故子曰「不可」,詞之決也,所 人欲 厚葬之, 豈 即 所 顔 而門人乃各助 以 責門 子之以 在復禮之士,則 厚之也。 人也 禮 全 以 其 顔 體 歸 者 淵

違予, 乎 厚 所 且 雖 然, 恃以 不 葬 能制之。 鳴 子 不 得 善 嘑! 心其 · 能 非 其生、善其 其 如 以是爲 分, 此聖人所以 人各以其私意 回之不違也,吾其 予不得 可從 死者,予也。 視之如 慟 哉 顔子 爲 得,雖 二三子之 視 爲一天喪 如之何 而家貧 鯉 聖人 也

子」,而

歎

無好學者也。

季 鬼?」「敢 ,路問 知所 問 者,死生之道也。 等,故夫子 幽 誠 盡 明 敬 之所必 事 事人之道, 始終,初無二 以 足 鬼 事 問 生 以 神、蓋求所以奉祭祀之意。 鬼 一,則必 有,不 事人,則 死。」曰:「未知生,焉 神。 告之 則盡· 子曰:「未能 不能反終 可 如 理,但學之有序,不可 必 知生之道,則 不 此 事鬼之道。 不能 知, 皆切問 而 事 程 知 神 事人, 子曰 所 知死 死、生,人、 知 以 非 也 1:「晝 死之道。 原 ? 死。 焉 加 能 始 然 死 夜 躐 非 者 事 mi

**鬼**,一而二、二而一者也。或言夫子不告

訓義 隱,而 不詧也 中未嘗 致矣。 妣 明,而終者不可復始,何爲 持能行,别有挾以宅虚者之爲終。 者受之生,非 譍之,而謂之明。 見之聞之者 不知置之,而謂 面 而 行,私於己以爲用 一者,人之所不見不 順之,終者終其始,而始者始其終,無殊 仍返於大同之化,非 幽 明者 無 季路問 ,則固莫 明始终,初無二理。 从也,则 未易盡 也。 僅 事鬼神,將於事人之外, (明其分際,而 自昭著 之 一身之知 而 荷以 矣。 幽。 者之爲始。 可 聞 見 耳。 舍 其 心 於 明者,人之所 可 此 視 始 ൬ 兩 聞之理 其 而 閒 知 知 也 體之,幽 夫幽 人特 無 不 聽,能 一,天 視 人歸於天, 二理 而 見 一,實 知 者 以 以 人 荷 不 聽,能 一哉? 持能 者 苟 自 聞 未 於 大 名 特 全 謂 嘗 以 之 月 所 理 非

乎其有 之,而 若其未 無我 若其 不失其 存。 將於 鬼, 所事之 子曰,子亦思所以知生乎? 所 視之於 人 求 命 生而存者之爲可知 子? 之 親 事 而 未 則以之 所 者 鬼 知生之外, 不憂鬼之 何 人,則 (無形, 性 也, 形 受斯 也 神之道乎? 未 能 夫能事人者,非徒修事人之文也 者 以不 者,皆吾心之敬愛 能 則 則 事之哉? 知 爲性 親 所尊 以 唯此 聽之於無聲,而乃以 不 死,而 足爲 思 面 知 無可 别 親 者 事鬼,而 理之存 有 乃 也。 求 無 非 我 미 未能尊 子 依 以 所 尊 其 將 以 也 E 而 人之所爲無非天 不 以 親 了, 親 何 去 不 愾乎其 昧 知 將 敬愛,吾 亦 媿 進 而 加 以 M 知生者,非遽 於 亦 死 不 尊 不 無 於天,可 丽 思成之也。 生之 之方 鬼 盡 足 所 敢 非 有聲 得當 亦 所 問死 其 爲 差 知 所 非 乎? 以 一 而 也 尊, 有, 、僾 以 以 爲 其 於 事

> 憂死 何 能 之無 知 死 哉? 以 自 主 有 也。 無 存 此 去, 幽 此理 明 始 繫 終 焉 無 而 理 不

之實

也

篇。 閔子侍側,誾誾 有、子贛、侃 行,胡浪切。 侃 如 音洛 如 也。 也。 子 子路 樂。 行 誾 誾 侃 行 侃 如 音義 也。 見 冉 前

行行, 育之。 剛 彊 之貌。 子樂者, 樂得英才 丽 教

若由也,不得 其死

之誤。」 字。」 難。」 尹氏 因 以 洪 戒之。 日 或 氏 云 「子路 日 . 其 「《漢書》引 後子 上文『樂』 剛 彊,有不得其 路卒 此 死 字 句 於 即 死之理,故 衞 E 孔 有  $\Box$ 悝 字 之

天 以 訓義剛柔 理 通 不能 吉 X 个,皆道 自持。 一之故。 之用 故聖人之所嘉予者惟 面 柔 也。 之過 剛之 則 人欲 過 或 溺 不 剛, 足 mi

而

何

生

自

取焉。 也。 直 之矣。子路則行行如 色,而是非 之閒、故諸子侍側、夫子目擊而 而 方 聖教之裁 閔子則誾 而 志 不 正 屈 不撓 則 雖 成,必使卓然自拔於流俗, 氣伸 誾 之情,於辭 憂 如 患之不 , 氣不餒 也,其 也,雖氣之過 (志順) 免 氣之確然者 則 前 神 聖 則 知 . 傳 和 其 於 人 )厲,而 見 所 容 終 見 於 養 貌 有 以

回,率情無僞之色已形矣。夫子見之而樂子贛則侃侃如也,雖養之未和,而視聽不聞善必行,直前無懼之容已著矣。冉有、

改作?」

身體之也。 則於物無 也,樂諸子之性不失正,而 疑 嗜欲淺 吾黨之士所 則 天機 曲 自 服吾教之能 以 盛,於己 拔於流俗, 無 疚 以

夫剛 道 而足以任名教 日,二三子 而 者,可 非決於任志。 以 皆 自 是也 (者,其 持 而 志之任 加 不 在 於由 可 斯 以 平 ,其何以 加 不 1 能 物,決於任 乃既 無 盡 虞 而 屈 也。 伸 歎

> 餒,閹然求媚於世,誠不 古 剛 乎 進 雖爲之憂,而不易其喜 而 ? 不如行行者之死也。 退之理?剛 不得 又爲 之憂 其 死 蓋 然, 加 於物,而 亦 欲 有 有 如死之久矣。 見利 則 其徵 以 以靡 善 而 能不忤於 矣。 剛 歆 靡者之生, 之用 、遇難 夫 喜 其 物 加

魯人爲長府。

関 子 長府,藏名。 騫 E : 藏貨 仍 舊 財 貫 日 府。 如 之 爲、蓋改 何? 作之。 何 必

言不妄發,發必當理,惟有德者能之。子曰:「夫人不言,言必有中。」夫,音扶。 傷財,在於得已,則不如仍舊貫之善。」

不可已。持正之士執是非利害以辯之。財,始于一念之妄,遂執爲必然,而若見爲財義國家無故而興可已之役以勞民而傷

之加 乎? 之世 失,以 必於 之邪 然無 争其 勞而永逸也。 爲決於爲 我 思之,其於以聚財也,自今以 自其未改之前而思之,所以聚財者,先公 爲,將以爲舊之不可仍而必於改乎? 日小費而大益 明於立國之大而通計之,則妄動之爲,索 而改作之,若見爲不爲之必不可者,若見 以 一,豈嘗蓄之不 盈 心 利 改 味,不待與 爲 詰 而 乎? 非,彼 也? 亦可以止矣。 ,終無以 何 其 而不容已者。 有 一時妄動之心 豈能 愈 不 財之聚,不關 也。 而閔子騫則通數百秊之得 可 八之 固 折 辯 其妄 也? 爲 令藏 富乎? 語之以勞民,則 一争,而 是,我以 魯之有長府,舊矣。 而 之 語之以 就 \_, 而 正之。 無 其 贵 其可已而 於國之盛衰。 損 日 爲 始,豈能令財 既 嘗 乎? 一,夫長 傷 唯有 不善,彼 改之後 藏之不 財 且 則 不已 而 府 道 古 何 丽 乃 之 日 者 Ħ.

> 也。 矣。 静 識 之心,亦退然 衆論,而國因以受益,民因以受安,皆因 焉,則可以消妄逞之雄心,可以息争執 不屑爲争辯尺寸之説,常不言也。 當世之故,超然有見於事外,而通於大體 諫長府之役者 外,自有無容留 府之改, 人也,身不欲任當世之事,固 而君與大夫亦可喜宴安之福矣。夫子曰, 也 遠 中情也 使言國 而 理 愈不 自 事 即 通,此 關 m 者 中 ,無有如此言之中者也。 心之過計,不 於 自息矣。 m 理也,中 財之盈 皆 有 如此,雖 德之言所 事 歉。 蓋道全於中, 機也即 但民 有邪 利 以 亦 害 可小 一有 和 不欲 中 得 説 堅 大 失之 夫 則 怙 計 此 及 m

子曰:「由之瑟,奚爲於丘之門?」

《家語》云:「子路鼓瑟,有北鄙殺伐之程子曰:「言其聲之不和,與己不同也。」

聲。」蓋 發 於 聲者 其 如 氣 質 岡 勇, 而 不 足 於中 和 故 其

門人不敬子路。子曰:「由也升堂矣,未入

於

室

也

塗,而 理,人 **詧於微杪**,元聲膺乎天地,所以極 藏 訓義學者辯志之始,以超然於利私之外, 學,已造乎正大 門人以夫子之言,遂不敬子路,故夫子 而 之奥耳,未可以一事之失而遽忽之也 必文之以禮樂,而涵養其性情,以 而 **厥於密。** 研 决 m 升堂入室,喻入道之次第。 言子路之 節 幾 志於上達 、於無 由是以 高 於 故弦歌之教 動 明,至矣。 形之虚,而 静之介。 造道。 爲之基,則 高 明之域,特未 乃其志正 子路才果志剛 ",非 聖人之教 平 其 迁 自立於君子之 心 圖 氣。 ,其守定,尤 也。 所 深 道之深, 洒心 以 故律吕 聲音之 以以 精 達 沈 道 而 微 釋

乎生 哉? 之剛 爲 奮 夫 子 爲 樂 化 抗之,高者抑之,使養氣以養 某之門,固 爲 爲 而 故 喻乎人道之次第,乃以子路之不足與 之氣 志以 道有堂焉,有室焉,拔於私 何 根本不立之病。 學將必有終于文而 丽 之自然者也。 夫 樂 事 死 物之可 輕 子 直 順 不敬之,則所以 門人者,皆以夫子之教爲教,而 未能 大有爲者,堂也。 哉? 利害之情,心之果 由 責 人情 哉 之 以 盡 ? 日,由 升也。 調人之性,和人之情, 其 即 M 夫 彈 不 在某之門,而 忽 亦 故夫子正告之曰,二三 雅 瑟 之瑟 而 弦 未 待子路者非, 失其 丽 也 由 誦 明乎 俗 非 非志之剛 升矣。 加 非 爲迂遠之爲。 至 亦奚害於吾心 能 夫子之瑟 造道之序矣。 心,而 學者之瑟 利之卑下, 意、趨於空虚 奮 奚 其 藏之於 合乎天 爲 聞 而能 面 而卑者 、於禮 善 其 未 有 也 也 以 幺 必 忘 自 深 此

志尚 之所 以爲 理 也。 即 宜 盡 而 志 mi 而 故予欲其涵泳之於音容微忽之中,以 一室也 一,以 其性 失之毫氂。 以 不 氣 何 丽 雅 之靡 易 在 高 能 行 不急爲昭 故爲學必 進 前 道 輕 入室者矣,未 加 無 而愻志以入焉。 由 在 忽 由 不 後 於室 必 己, 善 治 哉? 御 不 人於室矣。 以 著,析之於細微 1,不知 心之學,以 振 其 圃 也 允 則習尚 蓋學者之病有二: 而 氣 不 明俊偉爲之基 有 趨 必 其 以 二三子或未 不升堂而 於 過 治 非 端 所爲責其瑟之非 由 偷 爲亢 爲 其 理 而 也,特未 僞。 秉 之幾 志, 修 而 激,不 Ī 迁 養 然 必 口 以以 M 之逮也, 謹之節 其 盡 人 有 行 入耳 室 知 升 不 知 心 其 其 審 則 室 以 條 堂 而

> 商 子 也 贛 後節 不及。」 問 註「已造乎正 師 與 商 也 孰賢?」子 大高 明」云云, 日 乃 師 合 也 過

子夏篤 子張 然則 才 信謹 高 師 意 愈 守, 與 廣, ? 而 而好爲 與 規 模 讀平 狹 苟難,故常 隘 故故 不 過中

愈 猶 勝 也 日

子曰: 肖之不及,然其失中則一也。 道 以 中 過猶 庸 爲至。 不 及。 賢 智之過, 雖 1 若

處 非 德, 訓義 之教,抑 及,均也。 中庸之爲 事待物而 聖人莫能 則 道 極 無 ,其過 於 可 至 差之毫氂, 繆以 德 言, 至之, 密 過 ,引其不及,歸於 也 也,不及 則 其 以 用情 m 達 至 況 王 一矣乎 之厚薄,容蓄之廣 有 而 道 過 T 己 之者 則 矣。 中道 里。 極 夫 勝 尹 於 以 加 過 故 氏 於 至備 體 聖 與 愚不 乃 日 自 不 天

伐

則

つ寇賊

Пij

已,何言升堂?

故訓

中不從。

所

撰,不足盡

信

使子

路

無一

念不在殺

註

中

北

温

殺

伐一之説

出《

家

語

×,

乃漢、

魏

易

用

故

情

行之或

過

如

是,

m

師

爲

不

田

者爲

必

用

故

情

淺深

則

優

未

可

並

論

而

不

齊,

不足學,而 易損,不 氣之勇怯,立意之奇庸 而子贛問 以 劣易見。 之 之 及 疏 欲 易 之不 學 之或 爲有餘 相 足 難 埭 無 如 丽 盡 丽 較 其孰 自樹 似 能 也 不 溢 而 是 间 及, 過 也。 其 得 者 難 自 者 爲 庸 ,不及者似爲不足, 病 賢。 以 乃師 聖 密 其 益 書 也 尚 以 \_ 能 夫 百 門子 然厚 於 其 兼 風 宜 丽 志行均 有 勇 子曰 歸 乃 標 物 也則 矩 商 自 容 恒 於 用 張、子夏志 則 而 也 爲 mi 喜,皆道之不 於 無 聖人 所 ,二子之賢, 過, 寡 則不及,以 大 作 用 心 非 故 此 而 過 所 ൬ 八之義 過之 則 於 所造 不 以 至 則 心 與,行 無 於所 所 怰 且 及 不 極 擇, 不 及 行 失 之 精 於 薄 有 見 有 多矣。 是,而 師者 造也 道 過 道 t 未測,一 及者,唯 自知其不及也。 道 之不及, 相授之中 而 日 미 者有 任 過 而 不 然則 「以以 丁,其 至 可 五 故 知 商 也。 里 過 餘 失 其 以 E 道 師 旧 I 均 非 無 留 於 爲 則 高 愈 如

理,彼

俱

未

孰

事

理

也,亦

終

不

於彼

廣

者

所

未

爲,奇

焉。

過

者

似

溢

任

餘似

意以誇張,其 如不及者之不知有至 一事之過,而事之所不及多矣。 於斯 夫師 易 调 如 也 道 有 是 道 真 與? 明 是 損 餘 五 有 廣 道 廣 而 一念之過,而念之所不 者 亦 而 + 不及者 無 以 遠 大之積 於廣遠 外有可 拘 可 何 自 也 子 里、百 聽 不 深密 所 過 以 愈哉? 日 口 他 習, ൬ 爲 子 師 及,故 |不足| 人之往 一之藏 過 之未 爲 於 里 過 贛 皆道 之也。 미 何 精 而 未 而 蓋 極 丽 逮,深 不 已,商 至之理 愈哉? 微 日 能 之 也。 所 子 丽 難 能至也 無 也 深 當至 不 贛之 循 益 堯、 不及。 密 果 造 序 止 本 則 者 之 及 使 於 舜 愈 不 以 於 以 乃 無 不 而

妄謂 學者 備。 民 不 息 物之性 心,乃以 無一私之不去, 過者終身而 師 也 其 以以 IŁ 能 贊天 於 過 至善,而 不及。 此 地之化、乾乾 乎? 無一 故子 反身之誠 不 理之不存, 及者 張 夕惕 難 可 與 萬 進,而 八爲仁, .物皆 自 以 盡 彊

附當作物。

其不

及更甚

於子夏。

其君 周 宰,又爲之急賦 公以 刻剥 季氏 E 室至親 以諸侯 其民 税以 有大 何 之卿, 以 益其富 得 八功,位 m 此? 富 過之,非攘 冢 冉 宰 有 ·, 其 爲季氏 富 奪 宜

子 可 也。」 日 . 非 吾 徒 也。 小 子 鳴 鼓 丽 攻 之,

非 民 也 聲 苔 如 其 徒 此 絶 罪 以 之也 然師嚴 責之也。 小 圃 子鳴 友親,故己絶之,而 聖人之惡 鼓 面 攻 黨惡 之, 使門 而 害

> 范氏 求諸 爲 猶使門人正之,又見其愛人之無 不善 身,而以 日 :「冉有 至 一於如 仕爲急故也。 此, 以 政事之才,施於季氏, 由 其 心 術 不明,不能 己 也 反 故

焉, 徒 闡 日,求 職也。 才焉 之宰,匡之以 上奪其君,下攘 王室懿親 殉 民 訓義吾儒之學,上以 出乎求富之塗,心 也。 而 時 生之命,故 而 ,門弟子亦未知其陷 以邀功名,君子之所不屑久矣。 也 不 貧寡之爲 乃更爲之急賦 心已邪 以 而 至 富 而 位家 IE 是 以 聞 而 **而** 競 其 明 非 所爲非 此 無欲富之情 宰,使可 (民,更 蓋 於 使 吾 格君心之非,下 正 義 末世功 税 革 徒 義 利 其欲富之邪 以 加富 也。 道,吾 於大惡也。 附 而 以富 爲 本。 不 利之徒, 益之,當 均 焉 也。 謀 『則富 安之 無 利 非 所 求 丽 心,其 是, 施 益 孔 時 也 莫 周 非 道 以 季 其 子 爲 氏 不 加 公 則 奠 偁

攻之可也。天下無棄人,在小子之責善而教。二三子而尚有救之之心乎? 鳴鼓而

之分,君子小人之大辨,天下治亂之大司,已。聖人之責弟子,無如此之甚者。義利

由也

%。

喭,五

日

切。

學聖人者,可弗慎哉!

柴也愚。

其爲人矣。 共爲人矣。 華不殺,方長不折。執親之喪,泣血三季, 整不殺,方長不折。執親之喪,泣血三季, と而厚有餘。《家語》記其「足不履影,啟 柴,孔子弟子,姓高,字子羔。愚者,智不

參也魯。

魯,鈍 之人爾。 聰明才辯,不爲不多,而卒傳其 又曰:「曾子之學,誠篤而已。 曾子之才魯,故其學也確,所以能深造平 也。 故學以 程子曰 誠 」:「參 實爲 也 貴 竟以魯得之。 也。」尹 聖門學者 道,乃質魯 氏 日

道也。

師也辟。辟,當作肆,省譌也

辟,便辟也。謂習於容止,少誠實也。

材矣。 之。 **嗳**,粗 明 訓義教思之無窮也 得或不得,則存乎其 其所偏,而 氏曰:「此章之首,脱『子曰』二字。 短,所以警之使自化也,亦明其所以 而偏端之所倚,亦二殊五實之正也。 下章『子曰』當在此章之首,而通爲一章。」 曰:「四者性之偏,語之使知 而利導之。尤必知其人氣質之偏,而變化 而 處之當,則教一。 蓋氣質之有偏也,雖不能即 俗 昔者夫子取 也。 致 傳偁喭者,謂俗論也。楊氏 曲 之 誠 ,必知其 四 人 可 子 而教之之序妙於因 之自勉。 通 也。 丽 評 人德性之長 若其終之或 自 之,專言 而聖人知 勵 合於道, 也 則即 。」吴 教之 或 其

之理 其 獎掖 達 專壹 所 以 任 則 爲 欲 不 立 仁而 者之因 在 四子之質,夫子 於行 是矣。 學,所 议 一而 能 之於 志 日 能 誠 由由 之 也 之、匡正之之道在矣。 不 反 敏 而 爲 言 其 一之也。 誠 而 所 能 循 未 於 有 也 以 動 實 積 他 循 即 不 ൬ 不 廣 行 %」。 無 之可 廣 學者 日 也。 疑, 知 而 通 之以學,故知 也。 於 其 而 語曾子 之以 也 求 於子羔則 斯 具 觀者、未 至 知 而 欲決 於子 力行之功 之, 於子張 Щ, 知 也。 於 流 於曾子 類 之。 廣 孳 俗之是非 然有爲於天下,故直 以「一貫」,而 路 故 故 孳 大 則 於子張則 務 盡 日 則 其 本 知 高 面 教之讓 行 則 於子羔則 爲 其 之明 日 之必於行, 明 不 所 柴 て實。 人 無旦 「師 己, 「參也 之域 未 知 也 之 能 斥 愚 所 不 夕 於 也 所 則 而 即 其 化 子 辟 譍 則 舍 可 以 勉之 所 不 不 魯 過 也。 路 易 能 道 其 杰 愻 以 面 好

賜不受命,而

貨

、殖馬,

億

則

屢

中。」

殖

當

作

植

法聲

三子 焉。 聖人之養也至矣,而 唯, 之未 故氣 何魯之有 速也 質 之偏 哉 ? 故曾子竟以魯得 無 抑在其 不 可 以 反求自勉之功 道 m 亚

子曰:「回也 言其近道,又能安貧 不 庶,近也。 以貧窶 動 言近 其庶乎 心 īfij 道 求 也 富 也 屢 屢 故 空, 屢 至 數 於 至 空 空 匱 責 也 也

億,當作惠。 也。 命, 道 志 識之明, 子贛之貨 財財 耳。 謂天命。 言子贛 不爲 中,讀 然 亦 此 植,非: 此 能 不 亦子 貨植 矣。」 如 料 顔 若後人之豐財,但 事 贛 貨 子之安貧 丽 小 范 財 多 時 氏 生 中 事 日 植 也 樂 也 至 屢 道 聞 程 (空者 億, 性 此 伙 子 與 心 其 意 F 未 7 度 天

飤

剽

飲屢絶而

不改其樂也。

天下之物,豈

嘗曰 多中 貨 有 植 口 者 爲 動 『賜不幸言 心 其 億 ,則是不能 中 而 - 者哉? 己, 而 非 中 窮理 安受天命矣。 貧 是使賜多言 富 樂 在 天者 一天,而 也 也。 其 子 言 夫子 贛 聖 以 Mi

人之不貴言也如

是。」

之由 訓義 於道 其 理 化 其 忘 不 心 道 推 己,合離 之來 庶乎 盡 利 相 也 顔 於 未能 異, 事 神 離 日 子 |明達之質,聖道之所 而 則 復 也 之妙尚 涉於利 相去遠矣。 其 用 П 合也。 澹 不 而 才 與 次 遠 忘之已久矣。 心 體 (賜,皆 也 則 矣。 有 以 者於義 道者 異 義與 無 慊 求之,寡欲以 有 如 志 斯道 而 夫子 可 利 遺事 子 焉 得 遂 以 不 贛。 之選 失 並 尚 相 盡 循 故 相 而 差矣。 論 遠 也 事 是 謀 時 專 乃 也 而 也 明明 養之, 於 以 有 也 二子 著 面 道 力行,天 而 於 唯 道 安 乃 其 聖 有 者 義 其 之 門 雖 事 與 得 口 時 變 彻 者 者 事 居 失 於 首

空 求之而 至於 足以 以 静 也。 在是 於 謂 無 在 義 者,惟其明睿相次也,故以見道 也,亦理之從違。 而 而 億事 命 天下 居 利之際,得失之幾,道 體於天理存亡之幾,未有當焉。 屢中矣。 而 其 杰 不 其 也 空,士之恒也。 無 心心 貨植 事 憂 而 於天下之故、萬物之情,億而 道 唯 舉 抑 中 皆 然, 用 用 以 其所億者,亦道之得失。其 非 ·乎事 焉 可 賜 其 其 聽之於天, 則以之處 昧 以 而 才 明 以爲可 昧 力致 欲 之閒 以 雖然,此道之用, 唯用 焉 若 如 計利,故 一, 不 口 以 而 賜 財 以 其 審 也 利用 而 無 則 利 明 通 於 不分其 不 爲 非 貨 乎 以 可 丽 而 廢 受 事 不 植 知 而 否 命 行 亦 人 可 之爲纍 命 庶乎道 亦不入 念。 而 矣。 夫二子 面 吾 以 事 而 度之, 故 如 妄 清 志 意 以 求 厘 1 中 者 委 以 屢

子 張 問 善 人之道。 子 日 「不踐 迹,

## 於室。」

由 故 不爲 如言 善人,質美而未學者也。 曰:「善人,欲仁而未志於學者也。 不 雖 學 惡,然亦不能 循途 不 故無自 踐 守轍。 成 法, 而 亦 善 人聖人之室也。」 入聖人之室也。 不蹈 人雖 於惡,有諸 不必 程子曰 踐 舊 : 迹 欲仁, 己 踐 張子 丽 也 迹 自

者,亦 訓義善 奉一道 疚、於世 是 下 有 樂文章 口 相 道 學 前 m 行, 官 미 丽 有 者,則 遵,而 ·, 而 以 以 至者 人以自然之美,与天下以可欲,非 於 無傷也 践 自居者,而 合乎道 之而 已成 前 也。 聖 亦成 得爲 終 制 ,則冥合乎道之當然,而 之軌 子張 也。 之、 不 乎 善人乎? 中 善人之道。 姑置 其任天而 後聖遵之者曰 問善人之道 乃有踐之而 乎道者。 勿講 子曰 動,以 道之在 而 善人 了,善人 善人 ,其以 於 盡乎道 迹,非 則 與天 身 非 不 因 禮 無 爲

乎

子

?:」篤 本者, 前之 所以 所可 之道 之定 可以 而由 日 在效法之閒也。 也 -: --學也 也 爲 之,精而研之,則 聖人得之於易簡之原 入室也。 而 當作管。 理以之窮,而性以之盡,而 已矣。 論 不 將 故修之己者無不善,而 篤 則 可 來之法。 以貽數世之安。 是 亦可 莊 世 天 與, 當作裝 無 理之由 雖然,道之必踐 無問 善人而吾思之,然 施之物者無 君 子 所以立 其道之何 來,人情之 者 ௱ 乎? 斯以 定 天德王 由 爲 不善,而 如 善人未之 其 夫 經 色莊 世 爲 道 緯 極 迹 道之 善人 面 者 則 者

取人 子者 言但 乎? 也 以 其 言論 爲 色莊者 篤實 而 乎? 與之, 言 則 不 未 미 知 以 其 爲 貌 君

乃欲 訓義 求人於篤實者,亦惟 夫 子 EI, 誠 僞 之分,君 其行而 子 小 已矣。 人之 别 但

之所説 論 知 果爲君子,而 者,乃以是 若以言論觀人,則非但其詞之便捷矜 止 於此 也。 不足信 而 丽 而 抑 其或於色莊 切 僞 讎 ···,即 於 未可 而 士故習 其 物 嘉與之,其遂足信乎? 與 所言者本其 欺, 之論 知 理,若皆 也。 爲 則言之不足以取人, 飾,而心之所藏 樸 道 蓋淺人急見其 ,誠之態,其動人者 而 所 心之所得,未 切於躬行, 已 行 而 必 異 其 與之 張 浮 其 可 者 加 誇 可 或 行 論

之何其 退寫作退 子 子路問 斯  $\Box$ i i 「求 諸」,子曰『有父兄在』。 子曰『聞 聞 聞 也 「聞斯行諸?」子曰:「有父兄在,如 斯行之?」冉有問:「聞 退 斯 行之。」公西 故進之。 斯行之』。 由也 華 赤 也 求也 兼 惑,敢問。」子 人,故退之。」 斯行 問問 由 二聞 也 諸? 間 斯 聞 行

觀人

爲要矣。

患也。」 縮二 若 當稟命 其不能爲矣,特患爲之之意或過, 聞,未之能行,惟 勇爲,然有 所以約之於義理之中,而使之無過不及之 不患其不稟命也,患其於所當爲者逡巡畏 人,謂 不 而爲之不勇耳。 稟命 者有闕 勝 丽 父兄 人也。 行, 耳。 在 恐 則 若冉求之資稟失之弱 張敬夫日 有 反 聖人一進之,一退之, 則 聞 傷 有 ,則於所當爲 於義 不 可 : 矣。 聞 得 而 子 義 而 專 於所 路 固 不 患 有 當

兼

訓義道 怯 肖者 大 或 、之聞 、勸之,乃以 疑 病以 則自喻其從容之節,知爲我所當行,必 怠之分,則不 不 善而 藥者,非也。 則一而已矣,賢智者不能亢,愚不 能 損 行,在 裁成其才情 故謂 口 容不因 聖人之論 唯夫人用心之際有勇 行 元 無 而 [其材 容疑 協 於 加 怠。 論 或抑之, 政, 決行 今夫 而

逮也。 問 其聞 者,理 過 也。 成 間 協 行之」,若是乎 之善,非一行之可竟 謹之情 善,豈一人之所能據? 而 自 有父兄在」,若是 也。 哉 聞 聞 人之任 無 理 斯 問 之用,於是而聖人若有異教焉 斯行諸。 斯 以 也。 也。 今也 徐酌 賢 以惟日孳孳之情酬 曰,昔者 行之,不 於是公平 才情 智 子曰 子 求 先 其條 不行 不行 也問 而不衷諸道者, 人之色,此 果 1,是更 何 西 由 幾 決 理,行 乎 華 也 於 而 爲 而 聞 無 聞 謙 間 兼 攘 何 何 其 何 斯 疑 謹 聞 聞 \_貴 美乎? 不愈善 有父兄在 貴 斯 疑 遽 行 之, 自 斯 行 吾傳習,行 於 行哉? 于聞 于聞? 面 諸, 致 持,而 之,猶 行 唯恐 行 而 則 之 子曰 諸, 1哉? 哉 不 以 不 理 ,如之 ? 其 子 天下 容 唯 恐 聞 能 而 聞 也 不 聞 恐 尚 其 弟 子 子 不 無 斯 冉 斯 知 及 其 何 路 斯 語 有 不 行 有 謙 之 其 窮 行 然

於苟且。 有之。 行,不 進,而 自 知 争可 即 幾。 所聞 裁之之道 善之理,且求勝於物 於近小而 心,而往 也 日 而 有父兄,所 有 不 不 此爲求與 緩 後 相 二者: 至競物而 者爲必讓之善,求之所聞者爲 非 但如其量以進, 中 不臨之以 時 由之行之即有掠美之嫌 爲 之别也。 往終於退。 撓之者 爲外誘 故 通矣。 也。 之懼。 分言之 迫 由 以退也,此 失 赴 求 而異也,非行之之節 節 敬 不 其 所 而 無 但 求 赤 引 忌 乘 聞 各 兼 言聞 不示之以 也之於善, 而 於斯惑矣,敢 其 所 成 由 而 或 則 且讓美於人而 無 1,但言 不 之 閒 因 且欲 成 以 亟 易之理 退縮之志 情 矣。 彼 平 於 進之也 之所 兼 剛 功 行,非 勇 則 求 有 人之 由 愎 名 決, 即 ,合言 也 欲 不 之 間 難 而 進 足 Ę 之於 緩之 姑 則 進 有 行 由 則 故 失 決 也 即 而 於 安 之 子 之 使 同 而 田 局

道 退 養之,則在用 差等,必 人之理, 協 也 於中 自 無 深 不 子 至 同 知 委 功之際有張弛 何 ....異 其 疑 (,能者從之耳。 靡 得 焉 失之所 ൬ 虚 所 蓋 罪 由 聖人之教 焉 以 斯 大 圃 進 以 材 以 人 爲 退 初 mi 教 調 治 無 而

矣。」 子畏 日 於 王 「子在 顔 淵 回 後。 何 敢 子 死? 日 : 吾 以 女 爲 死

思之無窮耳

後,謂 之如 也。 者 死 犯 告天子, 於孔子, 赴之矣。 也。 王 而 夫子 己。 相失在後。 、 之 鋒 胡 恩義兼盡,又非他 下告方伯 惟其 即 氏 捐 而 乎? 夫子 日 生 在 所 以 先 則 不 在 赴之, 何敢死 П 川則 幸 王之制 請 何 前 致 討 爲 幸 遇 死 以 丽 Щ 難 謂不 民 人之爲 焉 復 不 不 □ 愛其 讎 死 生於 赴 況 必 門 不 則 師 顔 捐 死, 但 淵 必 弟 圃 牛 以 以 E H 子 之 必

子死矣。 乎己。 嘑! 訓義 不死 以 時 曲 爲死矣。 免就 以從容 死 敢 天,忠孝殉 有 至,夫子憂釋,而 死 與 死 不 以 其 而 ൬ 、樂正 之誠 可 全身,道在生也。 死 平之氣, 道 必 此 死 鎮 子 焉 死 雖 人 顔 而 對曰 者。 之生 子春傷足之憂道通於 夫子不屑以 之道 静 畏 處 乎 淵 顔 斯 於匡 處之,而匡 有全身遠 亂 性 所 以 淵 有 有成仁 ,夫回也,而敢 死 ## 以善 與 後, 敢 使匡 一, 凶 因 言其念之之情曰,吾 9 臨 遇 死 横 乎 深 蓋 處 之志 人 凶 逆 其 害 遇 人之暴 取義之心, 履薄 迁 人不 П 其 者争 無故之災 生與 之道 П 其 生 丽 以 而 此 立 能 聖 也。 敢 則 而 暴 死 而 比 避 未 賢 平 輕以 如 死 可 乎 干之仁所 之 子 有 之 命 則 壽 口 人也,故 乎? ? 競 死 身任 何。 夭 己 生 也 以 可 在 加 以 以 死 則 死 死 不 有 不 平 嗚 心 夫 白 汝 既 子 子 而 不 存

五七

季子 然問:「仲由、冉求可謂大臣與?」與,讀

問之。 子然,季氏子弟。 自多其家得臣二子,故

子曰:「吾以子爲異之問 異,非常 也。 曾, 猶 乃 也。 ,曾由與 輕二子以抑 求之問 季

然也。

可免矣。」

所謂大臣者,以道事君,不可 以道 必行己之志 事君者, 不從君之欲。 則止。 不 可 則 止者,

今由與求也,可謂具臣矣。」

具臣,謂備臣數

而

禍至

而見節

斯

已晚矣。

然而終不失身以

曰:「然則從之者與?」與,讀平聲。

子曰:「弑父與君,亦不從也。」 意二子既非大臣,則從季氏之所爲 而已。

言二子雖不足於大臣之道,然君 聞之熟矣,弑逆大故必不從之。蓋深許二 臣之義則

> 臣之心 日: 心,故自多其得人,意其 止也,可謂具臣矣。 子以死難不可奪之節,而又以陰折季氏不 二子仕其家 『弑父與君,亦不從也。』其庶乎二子 也。 加 不能 尹 氏 正也, 是時 日 Ⅰ:「季 可 季氏已有 知其 使從 氏 不 專 己 可 權 也 無 而 君之 不能 故

訓義國有大臣, 惟其進退 不 一苟,而 則上下一於正 IE 己 率 物,一 而 於道 亂 不 也。 生

能正朝廷以正百官, 至於不擇君以仕,而急見其功名,則必不 而制治於未亂。及乎

哉? 獎亂 所由定,治之所由開,正百餘秊綱紀之原 大臣 冉有仕於季氏而才見焉,季子然遂 前 ,則所奉教於君子者有素也。 子而 問 有意於大臣,吾以子爲 於 夫子。 子 曰,子何易 念國之 以爲此 子路、 由言

與?

於是夫子怒其

有

不順之心,而

斥之

日

了,子

以爲從,奚從乎?

其從弑父與君者

則必合於所仕之主,因於一時之勢而從之

爲大臣,而才皆可用

也。

然則

但求自效,

曾大臣

而然乎

哉

子然日,二子之不足

才,效一官之用,可謂具一臣之數

而已。

適以害之。

諒其可不可,道不必其行不行,以一至之

莫敢 以全道 或 興先 君或畏難,下或旁撓,不可也,則大臣愛身 功無所苟見,名無所苟成,立人治之大,而 國,而以一心事一君,惟其道也。 於仕者之足問乎 所自貞邪,道之所 有其 而曾 不 E 典 ,有去而已矣。 率 先公禮法之守,必有 者 由 而君不行,君有其心而時不順, 也。 與求也,隨 君 ! 自 而能 興 夫所謂大臣 、廢也。 今由 其一至之長,以 行其道 與求也 異 以 人馬 ,則行矣。 一身任 道也者, 者,君之 ),仕不 以 當 規

乎? 節,則聖人之名教素明,有以使之然也 魯之亂。 魯而至道,非大臣不能,故二子之用 用二子者,亦無望其相助 二子雖不足以爲大臣,而何至從彼哉? 所不赦,在宫在官,黨惡之討 弑父與君者,天理之所必誅,王法之 而二子仕魯,亦使季氏不逞其逆 爲 慝 也 所不貸也。 蓋欲 不救 變

子路使子羔爲費宰。

丁曰:「賊夫人之子。」夫,音 持 子路爲季氏宰而舉之也。

賊,害也。言子羔質美而未學,遽使治民子曰:「賊夫人之子。」夫,音扶。下同。

然後爲學?」 子路曰:「有民人焉,有社稷焉。 何必讀書

子曰:「是故惡夫佞者。」惡,讀去聲。言治民、事神皆所以爲學。

治民、事神、固學者事、然必學之已成、然

五一九

身,而 政,未 特惡其 矣。 乃欲 取 矣。 佞也 仕 後 知之,然後 辨 以 可 90 於 仕以 不 使 子 爲 後及於治 聞 知 路 佞 П 子 學 以 之言 其 行 世 以禦人耳。 羔 能 政 其 過 其 以 行,何 學 學。 不 而 非 政 人,其説 者 至 以 范 其 爲 若 於 可 也 氏 學,失 本 以 給 初 故夫子不斥其非, 慢 曰:「古者學而 意 禦 不 未 蓋 神 具 嘗學, 讀書 先 但 人,故夫子惡其 道 而 於 理 之本 後 虐 方 屈 也? 本末 册 民 而 詞 在 者 使 窮 之 之 於 幾 後 子 讀 序 路 修 即 希 面 人 而 TH

所 事 害義 不可 訓 歷 義 以 見 世 收有用之士。 者 復 功 變 道 者,始 也 之 而 因 廢 得 肼 失明 以 丽 見節 於佞 學之 爲 事 即 其爲言 練 人之説。 絶,三代 求 口 達 其可 以 世 成 也 故 禮樂 在 功 佞 丽 似以 己之材 求 者 任 文章 其 以 抑 似 成 職 虚 之治 崇 乃 因 閱 而

之塗炭 《詩 爲也 未可仕 愚,且 政 必 治人 實 者之説 爾 欲 不 厚之姿可 且趨 加 人之子! 讀 期 面 哉 養 不 mi \*, « 、果決 敬 哉? 棄 \_\_\_ 書 決 於 合 一使事 也 彬 則 極 書 然 經 而 而 奔 時 甚矣,由 以收 矣。 ,此以綜覈 術 彬之 後 且. 競, 不 敬 加 之 以 賤 继 有 之説 爲 可 詘 自 已矣。 以 子羔之質 所 吏 而 宜 質 子路 度,可 於仕 學 生。 吏 事 室 道 , 一之害 效 也,此 則 ? 謂 治 神, 雜 而 使子 也 乎 夫人之才 使之治人, 爲 使之事 興,始 之 觀 規 不 不不 而 義 誠 治 以 非 規 爲 行 多 而 ·羔爲 也 ௱ 信 吏 知 而 不 於 可 端 子 義 鶩 牧 治 神 丽 其 道 古 學 夫子 可 H 費宰 路 於 而 已矣。 不學 民之長 爲 此 用 人 事 而 明 以 日 功 不 喪 以 師 之遺 事 日 赫 廢 益 名 何 夫學何 口 名 謂 而 而失之 I 矣,何 責 臨之, 其 必 專 明 絀 法 賤 其 生 而 乃 以 爲 以 夫 儒 篤 民 後 乃

立人作力文元、香港惠馬。 元子曰,吾惠其言之也,似乎近人情,似乎中事理,故後賦税刑名爲課最之説也。是可惡也。乃

言,其可惡不信然哉? 夫以柴之謹厚,不佞,而人或以爲其辯可取也。今觀於由之世以詐力取天下者樂聽焉。夫子曰,吾惡

禦人,而爲此言,則賊天下萬世而有餘,而學而仕,其失也愚,則賊柴者猶小,乃口給

奚容已於惡乎? 嗚專! 嬴政之焚書,韓

侂胄之禁僞學,張居正之革書院,三塗並

乃至下劣子矜以讀書明理爲干禄之具而進而吏食人,皆此言启之。其下流之委,

贼人之子,可不痛夫! 乃至下劣子矜以讀書明理爲干禄之具而

子曰:「以吾一日長乎爾,毋吾以也。長,讀上

皙,曾參父,名點。

聲。爾,當作介。

言我雖季少長於女,然女勿以我長而難

惠,令北下丁引令。 言。蓋誘之盡言以觀其志,而聖人和氣

謙

德,於此亦可見矣。

哉?」居,當作尻。爾,當作尒。「居則曰:『不吾知也。』如或知爾,則何

以

女,則女將何以爲用也?言女平居,則言人不知我。如或有人知

民 人爲 日 率爾,輕 饑,菜 繒 師,五 義 不 遽 則 之貌。 孰 百 能 人 日 親 、爲旅。 饉。 其 攝,管束也。 上、死其 方,嚮 因,仍 也,謂 長 也。 矣。 二千五 繒 穀 弞,微 義 不熟 也。 百

「求,爾何如?」對曰:「方六七十,如五六

笑也。

樂,以俟君子。」十,求也爲之,比及三季,可使足民。如其禮

宗廟 赤, 之禮 將言己· 冉有謙 宗 公西華志 里 小矣。足,富足也。 求爾何如,孔子問 日 同。 、廟之 爾 之事,如 者 何 ·國也 志,而 事 端、玄端 如? 退,又以子路見哂,故其詞 於禮樂之事,嫌以君子自居 言小」, 會 謂 先 同 對 如 祭 ,端章 服。 爲愻 祀。 猶 日 亦 也 : 或 謙 章甫, 俟君子,言非 詞,言未 諸 一甫,願 也。 非 詞。 下 侯 曰 放此。 時 禮 五 能之, 頫,疑覞字之譌 爲 見 冠。 能 六 小相 日 十里 而 方六 益 相,贊 會, 願 己 願 焉 愻 一,則又 學 學 所 衆 七十 故 能 也 君 頫 頫

日: 亦各言其志也。」曰: 點 爾 何 平 如 三子 者之 鼓瑟 )撰。」子 希 「莫春者、春服既成、冠 鏗 爾 日 舍 瑟 何 而 傷 作 平 對

俛之本文,於義無取

者 莖 詠 前。 m 五 歸 六 撰 人, 。」夫子喟然歎 雛 管切。 童子六七人, 莫 漢故 E 切。 : 浴 冠,古 吾 乎沂 與 玩 切。 點 風 也 沂 乎 魚 無 衣 , 口 切

雩

,羽俱

切。

歌也 今上 爲 即 天 志以 舞雩,祭天禱雨之處,有壇墠 鼓 74 上下 静之際,從容如 和煦之時。 希, 閒歇 人 其 理 瑟, 子侍 之意 所 同 已祓除 流 爲有昷泉焉,理或 故 流 行,隨 曾 居之位 坐, 也。 夫 ,各得其所之妙,隱然 點之學,蓋 以 子 而 是 春服,單給之衣。 處 作,起也。 监 先 其 也。 此。 樂其 充 爲 肖 問 滿 序, 沂,水名 次 求 無 有 日 悠然 而其言 則 然 用 以 赤, 撰, 少 也 點 之常 見 直 欠闕 當 而 志 夫 具 在魯 樹 風, 浴, 與 次 後 也。 人 不 自 則 對。 初 天 及 欲 也。 盤 乘 城 見 故 無 又 地 盡 莫 點 涼 濯 南 於言 其 萬 舍 不 以 詠 也 處 也 也 方 過 動 物

其本末獨加詳焉,蓋亦有以識此矣。 不侔矣,故夫子歎息而深許之。而門人記外。視三子之規規於事爲之末者,其氣象

音扶。言何如?」子曰:「亦各言其志也已矣。」夫,三子者出,曾皙後。曾皙曰:「夫三子者之

曰:「夫子何哂由也?」

點以子路之志,乃所優爲,而夫子哂之,故

請其説。

夫子蓋許其能,特弞其不悉。曰:「爲國以禮,其言不讓,是故哂之。」

十而非邦也者?」與,平聲。「唯求則非邦也與?」「安見方六七十如五六

之。而夫子之荅無貶詞,蓋亦許之。曾點以冉求亦欲爲國而不見弞,故微問

何? 赤也爲之小,孰能爲之大?」「唯赤則非邦也與?」「宗廟會同,非諸侯而

也。 之,少者懷之」,使萬物莫不遂其性。 不達『爲 以此自是實事。 路、冉有、公西赤言志如此,夫子許之。 此亦曾皙問 知之,故夫子喟然歎 所也。孔子之志,在於『老者安之,朋友信 『浴乎沂,風乎舞雩,詠而歸」,言樂而 能 而治之,故孔子不取。 卻便是這氣象也。」又曰:「三子皆欲得國 此所謂狂也。子路等所見者小,子路只爲 子與點,蓋與聖人之志同,便是堯、舜氣 千里之外,然自身卻只在此。]又曰:「孔 無能出其右者,亦許之之詞。 「古之學者,優柔 爲聖人之事,而能知夫子之志。 誠異三子者之撰,特行有不掩焉耳, 國以 而夫子荅也。 禮』道理,是以 後之學者好高,如人游 厭飫,有先後之序。如子 行:『吾與點也。』 又 曾點,狂者也,未必 孰能爲之大,言 哂之。 程子曰: 若達 曾點 得 故 其 E 心

曰:「曾點、漆雕開已見大意。」

則未 也,德 志。 之事 之理 然而 未嘗 功名 訓義 也, 曾皙、冉有、公西 官、才任 在 含弘之量, 夫子 而 則樂與 丁,爲其 不思 初 悠然 免 於 故 蓋 出也,規量遠大, 聖人之心, 施 從 肅 爲 知 萬 非 無 \_\_\_ 表 諸 容 廱 才所 物 自得之中,以 卻智名勇功於不用而不 則 有 能 虚 窮, 見者也,乃今者若 以 和 子者 以 者,未 也。 非 爲 誘 平 困 自 而常有 者共 以 狂 華 之下 之日,夫二三 見 萬 加 各 狂者得 者之所及矣。 侍 能 其 有賢 功名, 物之心爲 挾一懷 坐 而無急於見才之志。 見 歉 才能之意。 有 至 ,而夫子導之以言 然不足之情。 也 所 智先 而 虚之心,合至足 而 敬 見之, 才欲試之心, 無 子 無 其 忌 心, 人之病,特 虚 所 非 損 而 智效 ·可實試 其 故 可自見 澹 不能 圃 加 子路 沖 其 至 無 忘 É 漠 足 其 出 立

事 以 既 不 猶 Τ, 也。 者之各局束於一官一能,而 者 待於爾者 權 信之己,因 也。 不可 自 對 焉 何 即 是閑 摘 以 ,而豈不自 民 居 爾其 則 而 發 抑 也 今日 自 誠可 物 夫爾且 焉 以 何 其 諸 ? 居之爾 任 吾 能 嫌 無 則 以 何 怨 子 志 也 以 殊 日日 嗚 志 以 處 也 中 退 自 天 迫 ? 恤 責 其 嘑! 情 對 君 信 ? 所 尤人之隱。 動 也 而 (之君 其 乎? 退 長 天 吾 民 挾持之以 焉 之 有 懷 爾之所 下 而 乎 ൬ 願 閒 志 所 夫子之言, 相 則當長者之前 來乎? 對 爾之所 爾 者 阚 而 氣 難 則 師 乎? 對 之 古 以無 且 忘者矣。 授 友 而 我 哉 以 日,不 不 而 不 君 也 微 以 如 乎 對 可 足與 度 夫 遺 相 温 ? 旨 用天下者 或 其 我 引 以 君 憾於天下 天 誠 ·吾知 厚 所 知 晏居 用舍之 者 於 所 毋 爲 子 下之所 非 而 爾 和 寄 高 無 對 己 出 挾 又 山 也 婉 明 持 則 無 以 天 何 任 以 丽 於

時

以

族

而

忘

乎

對

也。

子

乃

顧

冉

有

而

問

日

求

何

静

涿

廣

遠

面

果

不

出

哂。

子

路

氣

由

而

由

所

 $\equiv$ 

秊

報

由

也

爲

而

起

於不

容

壯之餘,可 繁者之更難 三子 效之期 之矣。 敢 之 於 之 即 戢 而 亦 以 者 畏 敢 此。 聖 所 知 言 也。 加 見矣。 者 使 難 不 不 於 之 我 能 爲 在 力疆 則 有 也。 喻 任 以 給 者 理 以 爲,久已 因 有不 是 勇,且 曾 也 迫欲自見之衷,投之於 也。 用 之以 其 師 矣。 或 哲 於 其 0 也。 紛, 旅 及 此 當 食足之後 大 子 授 而 知方 饑 乎 哂 夫子聞 對 在夫子之意中 作 路 其 則 我 於 目. 饉 而 意, 其 釁 賦 尤 此 以 攝 乃 也。 平 哂 易 繁, 氣 不 而 乎 千 唯 哲 者 此 ,義 賦 起 審 知 乘 曾 鄰 大 方 焉。 比 事 如 由 既 鼓 或 或 之 申 及 彊 則 皙 也 而 乎, 瑟 知 於 於 果 則 之 或 率 而 知 度,明 與否 者 如 點 之君子,求 下 衣 可 民 量 少 + 知 與 如 足也。 一,慎其 恃 ? 猶 求 ? 食 無 丽 否 圃 有禮 其 足 慝 賦 爲子 者 未 於其 非 則 能 乎 情 對 而 樂焉 出 非 此求之所可 文教

求之爲 易給也 男之國乎, 則 或 人,比及三 夫 求, 足 六 子 則 七十 所 夫子 知求 無 能 土 所知 非 而 秊 者 信 時 狹 爲 報 使 也 之責斂,而 而 伯 求 政 加 之 冉 之 爲 或 求之有 之,竭 易 封 有 日 貧, 對 如 地 民 其 然 餘 墾 五 亦 計 賦 六 有 情 而

閒,由

不

乎

由

不

1

爾

而

對

日

而

廣

大之量

釁易

起

非 敢自 赤之能 命 夫子 也 赤 也 信情 亦 夫子 所 所信 爲其可 子 循其度,盡 明 以 乃 於 酬 也 所 其 顧 俟者 知 知, 義, 赤 者 公 其 存 而 而 加 西 面 情 乎 任 間 己 後 華 學。 其 耳 對 求 可 大 9 其 日 E 赤 明 M 能 於 爾 酬 無 而 H. 赤 其 知 疑 何 曾

如其欲修明之,

則

俟

之

博

雅

可

興,

化

行

於

上

Imi

俗

美

於

·爲者·

也

抑

求聞

焉 來順 役羣才 赤之所 有知赤 夫也。 衆相涖 必 之光輝。 者,俱在所必不可廢,以 較之子路而有深焉者矣。 以 學 施 **譍世之大用** 而 身於禮樂之中,而 蓋 | 絀三子之所爲而 , IIII 有餘 袷 而 譍 且 其素所規量者然乎 善三子之成 而 兩 之理,則三子皆未足以及之。 情矣,任所可爲而 可爲者也 者焉,願從章甫之列,爲小相焉 爲之,赤 衣玄端、冠章甫 式憑焉。 然而圅兵農禮樂於至一之原,以 各 君交好焉,冕而臨 著其 ,而聖人所 所 用 能 會同之禮,以 一期以驗所學之敬肆,此 願 不爲哉? 一則自 也。 也 二子之言,知所不 以 而 成大業 於時 酬 有溥 宗 不自謂 侍 要其所志者皆 酢 廟 者,君與貴大 者 曾皙 夫子若將 正以 乎 物無 時相 之 有 神 丽 事, 無 著 岩 因 人君 疑矣, 司 心 見, 夫豈 盛 以 有 時 納納 也 見 見 順 物 德 民 埭 宫 以

乎? 何如? 以 知 所撰 則有 之, 何 以,而不言乎? 言知 者,不敢信點之能 鏗爾也 之即受其經營, 知之境,於未有以 對日,三子之各有撰 涵之中,不廢兵農禮樂之實,而 象之悠然自得也,爲能兼 者 傷 而 而 何 異 而子志不在知,吾言以 而 m 有 且 加 據 不言 也。 使自 夫子正 於是鼓瑟曲 以可 承夫子之問,乃舍瑟 無所 Mi 點未 也。 可 言以 對 撰 乎 一欲聞 而指畫之各成其規量 ? 也。 有 夫志不齊而 點 也,異乎三子矣。 騐之,顧 而立一以之局,若民 乃對 然, 撰 終,而 天之時,物之化,可 其 點何挾以 也,於未之知 而若有撰存也,點 異 而固已有其量矣。 日 容並 也 音之希者 點 知 圃 所撰者迥 日 而 子非挾 包 者何恃乎? 而 爾 問 仰對夫 渾 三子於静 作,其 三子 日 丽 其 存 其 無 以 搆 點 子 點 所 有 物 吾 洂 氣 與 亦 爾

之知

而

矣。

吾豈

也。

如

點

即

不

必

同

夫曾皙之志所爲與夫子合者 -,有條 之,不 詠 俱, 不可 心所 不欲 未 之志, 情 喟 可 喻 矣,其 於 而 六七人 預謀 有理,以受萬有 有撰, 違 萬物各得之心, 若是者, 然 其 執 寄者 點 歸 也。 也。 三子之自 歎 異 之撰,而 焉。 其 與 而吾之所 E, 而 非 加 可 冠 往 就 人之情, 不 點,吾其孰 何 於斯 以爲 矣。 吾 也。 今日而 者 敢 不 與 俱,五 點 言 盡 可 時 有 浴 即 點 之志 以 以 而 也 而 也, 以之爲 撰 乎 此 己之量, 也 言之,因 爲 ,點知之,而 勿 有 覺 而 沂 六 莫 與 偕 吾者 固 餘 虚 於是 因 人可 焉,風乎 哉 春者,春 斯 者 吾 於 吾 時 撰 固 人也, 在 之 之 之 [未有 他 觸 今日 自 也 可 矣。 撰 在 志 是 足 夫 與 H 乎? 曾皙 弞 言者 言其 子而 矣。 於點之志 乎 進 欲 歸 點 冠胥樂於浴、 由乎? 事 加 進 之 未 如 志也 無 功 請 後 點 自 點能 春 盡 點能 不 日, 知 而 遊 得 亦 而 使 可

兵農禮樂之外,而 矣。 也 人兵農禮樂之中 者, 風、詠 點 點其 俾 其 事 有 歸 能 能以當世之知 無 其 如 處 不 當 浴 莫 宜 世 春 風 而 詠 而 乎? 之 以 知 物 歸 浴、 不 之自 無 點 面 風、 知 不 能 使 9 順 詠 得 出 童 愐

點之志雖見異於三子,而三子之志自 不失其 已矣。 豈足民相禮者之能 異三子 將 豈 夫三子之言何 乃無殊 志 副 盛 有 亦 也 其 德大業之實乎 有 求 所 志 益 而 廣 志者無 乎告點之詞 者 規其大矣,點 狹 於夫子之情乎? 曾皙 也。 乎 ? 如 乃三子者出 不 ? ? 可 度 然則 而 言 加 其以 越 夫 此 也 日 子 夫子 乎 夫 能 均之 功名 子 則 即 則 亦 可 何 所 各 同 視 乃 所 而

之中

子天

地

同

點

所

以

自

撰

也

古

同

斯

樂

也

舞雩

焉

與

童

子

服

IIII

既

成

而

爲

相

順

而

不

並

存

丽

是也

乃

之禮 之難 見其 方六七 路均 之意 乎平 者豈 之末 財 也 未 有 勇知 也。 而 而 乃 拂 後 悟 無 矣。 非 足,以足 衆 ,則人情宜而 徒 爾 方之言 治之氣象者 而 可 讓 夫存之爲 也 而 而 邦 + 其 乃 不宜之隙 E 以 詞 彊 所願學之禮 ? 子 唯 如 治迹哉 酬 焉 疑 唯 國 ·白,夫· 赤 五 知 者 財 뻬 夫 求 則 亦 則 六十, 志 圃 特 爲 之 以 爲 則 H 非 信所以 ? 邦,而 求 事 禮 徒 爲 不如由之決於大國 非 有 國之務 圃 吾 邦 之條 也。 ,亦禮之文也 何 邦自任者之不 或 邦 其爲之之次第 無 迫 發之即 也 哂 嘗 足 雖 也 遽 與 其 未與於禮,亦 也 理以 有賢 不 尚 小 與? 無 也 ? 何 以邦自 乎? 而 以 序 ,乃果於 必 所行 智 順 政 之 爲 如 待 而 不 小亦 是矜 亦 施 或 子 者 有 曾 足 今由 期 敢 均,  $\Box$ 與子 自 與子 邦 於 皙 則 以 哉 有 自 而 張 邦 爲 安 mi 猶 任 有 成 虚 且 或 任 非

無

望

得於人之願。

三子能

實

而

不

能

虚

則

者,動 必 禮 春 質 禮 能 以 小 爲之心。 不 而 後 宗 路 耳。 風 盈 不 也 相 盡 物 樂 樂,皆因 爲 爲 廟 均 天下, 爲粗 理 沂 者 會 則 小 矣。 而 丽 道 水 蓋聖人之道,静而 二,其 而 成 特 也 同 有 不 文不 若 德 盛 童 而 不 子 謙 邦而 在 遺 非 其 赤 冠 如由之專以 志 見天地萬物之情者,即於兵農 於 充 諸 將 詞 緩而緩之,因 詠 於 己、天下 爲精,求 或 耳。 侯 夫 治之,亦春 物 謂 乃 歸 内 而 之事 赤 以 孰 之化 以 使赤 爲 何 自 出 能 精 · 而 嘗 無 逃 爲 處 微 自 圃 國。 不挾一 而 不 於 有 不 大 之極 惟 順 任 誰 風 [其急 處於有司之列 以 各 口 虚 清面 者 譍 其 其有之? 沂 凡國之兵農 邦 爲,故 得 祭物 高 能以 水 如 則 謂 前 自 之宜 而 明之致 其量 在 己 也 非 期 急之。 無 理 自 人 天 承 平 故 恃 所 其 爲 必 而 於 下 而

深,而其理一也。 禮樂之不中於禮? 其所以進四子者有淺 使不知何以之念不凝滯於曾中,則何兵農 使不知何以之念不凝滯於曾中,則何兵農 以廣三子,而與三子之爲邦以正曾皙。要 以廣三子,而與三子之爲邦以正曾皙。要

七世孫世全半溪謹刊

四書訓義卷十三終

## 四書訓義卷十四 論語卷十二

宋朱熹集註 明衡陽王夫之訓義

## 顔淵第十二

顏淵問仁。子曰:「克己復禮爲仁。一凡二十四章。

乎哉?」已復禮,天下歸仁焉。爲仁由己,

丽

由

人

H

克

私欲也。 理,而本心之德復全於我矣。 爲仁者必有以 德,莫非天理,而 爲仁者,所以全其心之德也。 仁者,本心之全德。 復,反也。 勝 私 亦不能不壞於 欲 禮者, 克,勝 mj 復於禮,則事 也。 天理之節文也。 歸 己,謂 蓋 人欲。 猶 心之全 與 皆天 身之 也。 故

> 克處 日 : 北城門池名也 得仁? 盡 無 天下歸仁。」 仁。」又曰: 由己而非 仁,極言其效之甚速而至大也。 又言一 一、天理 難 也。 克將去。」靜寫作淨,省譌也。 非 日 理 須 流 他 日 克己復 (是克 處 行,而仁不可 「克己復禮,則 人所能預,又見其機之 日克之,不以 謝氏曰:「克己,須從 便是 盡 己私 私意。 禮,則天下之人皆 皆 勝用矣。 既是私 爲 事 歸 難 事皆仁,故 於禮 淨,音士 則 又言 方始 意, 性 私 在 耕 偏 欲 與 如 我 爲 切 難 是 何 子 瀞 而 其

禮 雖 顔 勿聽 淵 不敏,請事斯 日 : 非禮勿 「請 問 語矣。」 其 言 目。二子 非 禮 勿 Ė 動 -0 非 顔 淵 禮 勿 視 非 回

目,條 直 人欲之際,已 請 其條 件 也 目 也。 判然矣,故不 顔 淵 非 聞 禮者,己之私 夫子之言,則 復有 所 疑問 也。 於天 勿 理 而

日: 「 言 禮 斯 又自 者 閑 物 爲 服 目 如 私 而 疑 之則 譍 非 事 邪 化 膺 語 也 復禮之機 以安其 而 箴 所 乎外 知 事 存 而 心 禮 止 **>** 日 遂 其 之 誠 ら今本 勿 以 勿 : 用 力 事。 蔽 失 程 制 内。 准 動 之 非 其 \_ 非 有 也 子 交 虚 也 於 。」四者,身之用 人 於 閒 禮 正 禮 以勝之,故 請 於 E 外 克 有 是 聖 莫 勿德。」其《言 譍 因 私 勿 事 前, 所以 人 己 人。 秉 非 勝 卓 物 箴 視 斯 心之所 彝,本 復 顔 天 彼 無 其 以 語 養 則 禮, 非 後之學 理 子 迹 先 自 中 其 直 動 禮 顔 之 問 警。 覺 平 則 久 中 以爲己任 容 以 勿 子 流 操 克 遷 **織** 天 而 也 周 也 聖 知 聽 爲 默 之 行 其《視 己 性 誠 旋 主 止 有 人 識 矣。 復 制 矣。』 由 非 顔 無 者, 要,視 有 乎 其 之 禮 淵 知 禮 而 不 ൬ 箴 人 定。 理 於 誘 其 宜 事 中 勿 之 不 中 勝

> 其決。 心之動 之言 次克 箴》 悖 召。 宜深 以 歸。」愚 行,守之 矧 不 是 來 日 玩 勉 念, 違。 傷 樞 非至 因言 故 易 也 機 按 於爲。 戰 哲 惟 則 非 明 興 兢 顔 程子之箴, 人 誔 法 以宣。 此 不 戎 子得聞之, 自 知 章問 不 能 傷 順 出 持。 幾, 道 詧 理 煩 好 發 荅, 其 則 則 誠 欽 習 禁躁妄, 發 幾 支。 吉 裕, 之 哉 乃 與 而凡 明 IXI 於 訓 非 傳 從 性 親 己 榮 思 詞 授 學 至 欲 成 肆 切 辱 内 惟 者 健 心 物 斯 聖 志士 學 法 亦 不 危 其 忤 静 者 能 賢 其 切 不 專。 尤 可 致 要 同 造 勵 動 出 所

愜 心 所 訓義 而 其 與 治 以 生之 身, 合 心而愜天下之心,實有 仁之爲 乎 理 人 身 也 德 心 譍 之同 天 以 此 下, 此 心 然 身 不 必 者 容 心 存 也 與 已 不 其 之 天 過 故 功 下 幾 之 爲 也, 相 則 仁 者 此 以 故 自 以 身 顔

物者 所宜 禮焉 雾抑 其 害 也。 未能 淵 皆以復吾心 吾心見禮焉。 物者多矣。 克自制其一往之情,則克 而 要言之,其惟克己 1,非 問 ,爲仁矣。 各有其 m 隅之見。 於物見 適 ,皆求遂其性 文,不及 夫天生人而 節之,益吾情 生理 也,以己爲 面 間 意 至於禮 身 也。 其 生 各 效其 誠 情 禮焉,帥 所 有 偂 而惡可已之實 1有其 使 而 圃 以 所 抑 統 安 情之本具 不快。 復禮,斯 加 則 我 求諸 執之曰己,其 非僅託 宜節,過情而不安。 一於生生之理,形骸 日 欲,不 性 文之,非吾心之本 謂 身 由 mj 爲 情之固然,有 心 無 之,馴習之,則 凡 能然焉,撤 於虚 因 者 爲仁乎 不 相 者 發 事 也。 安 通 也。 無非禮 於 也 而 則 ПП 自 分子而 設, 一,於 子 此則 物 蔽 交 日 其 事 自 相 損 不 加 而 1 有 於 悖 判 有 吾 可 之 以 私 其 於 見 廓 傷

心哉? 也。 地 不 天下 無形 是顔淵欲實致其功,而曰,請 天下 大公無私之體也。 不自任者克之也。 文爲庶事之美利,而 情 意 者復之也。 自吾心會通以行其典禮。 之心,天下人之心也。而天下人之心,皆 安,有不共與以仁 相 ,以吾心之節爲 以 乃以克之復 - ,逆計: 喻、理不相符之慮。 至 也,存之以 夫子曰,求之於天下則 通 廣遠也,欲 萬 夫爲仁者,於此爲之而 物之志,屏 其 歸者、歸於己心、與萬物昭對 爲 克復,而 之而 順 |者乎? 克復 羣動之大正,以 爲逆之情,以 誠由己也,而豈遂求之 復者己,一念之不自昧 無 其 天下各獲其 以 不 有 私 惟實有可 使 1 克者己,一念之 時 由 欲 者,存 疏 歸 此言之,一人 存 以 問 仁;而 矣,求之於 時 已矣。 求 順 其 亡之憂。 心之所 致 目。 慊 吾 밆 乎 其 功之 有 乎 心之 類 B 1 於 吾 之

復矣。 在矣。 視焉 吾耳 之形 其 相形焉 己者矣。 惟身也。 吾身之耳 宜 審諸禮 受之。● 受之而留吾目以視之,心在視矣。 者見矣。 動矣。於此 已於發者,身受之。天下 静存之心,未可保於其動也。 無 者 非 ,必其蕩吾心 以聽之,●心 勿聽 也。 其非 禮 天下乃 而非所宜 天下人而 目 也 禮 則 乃此身者,固吾所自主 焉, 感吾以聲 一,禮 四者立一禮以爲之則,而 自 森 克 禮者即 以衆協於 然具 主 加 己復禮之目,在視、聽、言、 即 視,必其榮吾心而蔽天 者 己克,則 感吾心也,感吾以 在聽矣。 而 復也,守其所復者 於吾耳 也。 己也 蔽天下之情者也。 而耳受之,受之而 吾之聰 吾心出 一,即於此而克之。 所 視聽皆禮 目口 審諸禮 自感 夫心所不容 明 體 而 而 通者 之閒 譍 決 而 而 色,目 乎由 天 非 加 非 而 實 所 下 仁 禮 亦 下 佇 以 由 禮 勿

> 必其咈 舉止,皇然於終身,而終 以 於動 色而 言之,心著於言矣。 我之感通,仁在是矣。 然則求天下之同然於一心,求一心之存去 欲不乘此 體自持者也。 己克,則言動皆 而 也, 譍之以聲 於其身,夫仁豈遠乎哉? 大服於吾之文辭 蕩天下之視者也。 矣。 體 乎禮 傳 以 審諸禮 之,傅之而 生,而 加 而 一凝 熒天下之聽 口傳之, 傳之而任 以 而 天理之節文 禮, 非 目 威 審諸禮 任吾 所宜 儀 勿言 而 顔 傾 日 禮 丽 淵 體 動,必其愆乎 天命之流行,物 焉,勿 不 耳,一 者 復 實 日, 以 而 違。 矣。 也 由吾身之口 即 動 非 視 動焉, 辭氣, 所宜 此 焉 聽可 私 譍 天 而 意 下 心 之 言 顯 私 74 度 多 以 以 循 而

[目]上,啖柘山房本有「面」字。

0

❷ 「受」上、原衍「耳」字、今據啖柘山房本刪。

然後 行,而 言 功 違 才乎 未能冥合乎天 而 動 慎 偏 能 不在己 也 節 言 重克己者 復禮 文 鳴 動 嘑 可 可 一,復禮 克己 1 乎 中 隨 則 ? 丰 也。 出 此 復 m 而 而 持之私意 顏子之所 禮 後 早 請 自 有 2 杜其非 事 省 兩 미 斯 巾 克 重 語,敢 不 以 T. 幾。 生, П 能 夫 是 雖 若 互 三月 不 私 不 克 視 養 竭 欲 敏 之 己 不 吾 聽 不

仲 語 在 承 大祭。 矣。」 家 弓 間 無 怨。」 己 所 子 仲 不 弓 欲 : H 出 . 勿 門 施 廱 如 於 雖 人。 見 不 大 敏 賓 在 邦 請 使 無 事 民 怨 斯 如

便 敬 自 德全矣。 須 如 致 以 見 心 也 持 大 己, 廣 賓 内 體 恕 胖 ,使 程 外 以 子 無 民 動 及 日 怨, 如 容 物 . 承 亦 周 則 孔子言仁, 大祭』。 以 旋 私 其效言之, 中 意 禮 無 看 所 只 其 唯 容 謹 氣 説 使 而 出出 獨 以 心

> 有得 此 恕, 敬 者敬 觀 如 便 曰 其 是 : 可 也 此 坤 焉 見。 可 出 守之之法。」 可 此 道 愚按: 門、使 知 也。 儼 也。 亦將無己之可 矣。 然學者 若 未 思 民之時 顔、 克己 出 非 時 或 門、使民之時 誠 冉 因 也 復禮, 問 能 之學,其 出 其 有 門、 克矣 從 敬 諸 事 乾 出 使民 中 於敬 如 道 高 此 丽 也 下 後見 使 如 恕之 然 則 淺 之 民 後 主 前 於 深, 之 何 閒 敬 乎 有 外 ? 時 此 行 此 於 而

訓義仁 怠荒 下 其 心, 理也 荅仲 弓 問 體 ,仁者,心之全 於 則 於事 加 0 天 者,吾 存吾心 心 以 理不 之謂 者 一心 仁, 違,而 心 涖 與 以 恕 也 存去之幾,而 0 體 克 天 磨天下, 物 敬 下 也 復 己 有 非 E 無 私 即 去 因 敬 異 瀞 心 而 達 來 事 理 之大 杰 類 加 焉 矣。 天 諸 天 而 謹 下 下 天 用 用 其 故 以 感 理 而 也 而 荅 夫 之 會 求 通 以 之 之 立 子 天 無

之

明

抑

無

所

不

也。

以

悃

也

者

恪

IIII

慢

皆

時

出

然

在

而

之然 今以 有 爲 吾 者 之 門 天 而 所 悚 未 理 欲 敬 見 躬 通 以 人 恕 不 不 誰 也 恒 有 非 古 之 者 知 惕 有 大 敢 可 之 則 不失 **'踰之閑** 今即 之, 有 所 於 貮, 酬 賓 森 賓 心 者 乃 境 心 物 欲 我 乎? 思 然 不 之 而 吾 爲 祭使之然 以 無 而 己 求 以 之, 在 我 愚 敬 吾 承 見 内 之 紛 所 情 揖 前 賤 對 惻 無 祭 其 省 威 今以 寂 使 不 讓 所 者 皆 ൬ 時 以 莊 以 惕 欲 民 儀 丽 者 而 由 以 有 知 之穆 己 也。 者 吾 物 肅 非 承大祭思之, 弛 異 矜容 不可 而 之, 所 致。 人 所 思之,悚 無 而 其 者 於 恒 皇, 祭不 有 不 固 不 邨 怵 誰 而 即 欺 其 不 欲 所 有 敢 事 重 我 之素 之心 反 不 事 乃 失 不欲 我臨 肆 有 而 然於 以 勘 之 吾 則 逮 以 m 周 大 之 之謂 其 加 見 明 見 乎 窖 心 動 小 幾 身 以 ? 斯 忱 賓 使 爲 吾 库 威 ൬ 誠 IF. 生焉 興, 取 狎 也。 異 心 志 不 是 不 無 惟 施 無 面 協 所 如 恒 不

心,而 之道 欲 仲 去,物有 之 於 而 交困之不 而 情 怙 貞 之 實 是 使 於 强 弓 惰 逆施 邦 則 於家 喻 之敬 情 在 恩 以 丽 之 日 家 心與 則 愛 也, 邦 者 而 宜 教 之心 感 皆 無 見 即 能 焉 也 加 令。 協 而 則 無 私 所 無 賓 天 在家 達一 安, 溥 物 斯 以 必 之 其 下 易 於 敖 往 乎 也。 承 以 胥 則 通 止 百 邦 理 惰 知 祭之 而 不 爲 一、仁道 心於天下而 馬 無 不忍之情 IIII 也 然 無 之辟。 夫仁者,斂 原 不 相 恕, 畼 以 怨 之心 不 存 無 有志氣之戾, 心 喻 其 然 也 惠 仁者之恕 廱 也 礙 其 所 於 理,心 人 丽 平 之政刑, 雖 如 遠 合 則 敬 物 即 是之 所 痿 並 不 平 邦 於 天下 達 無 我 因 痹 育 敏 必 哉? 家 邦 恒 其 所 各 是 有 恕 見 於 於 無 所 存 於 得 以 所 未 而 拂 IIII 矣。 也 未 能 於 家 近 者 心 由 平 之 勃 imi 甔 恕

以 敬 者己私之反也,故曰: 兼焉者也。 ,以其 力行之,庶有當乎! 所不 愛推 其 所 與克復同理 不 夫敬者禮之本, 口 施 請 即斯 而體用 恕 語

司馬牛問仁。

子曰:「仁者其言也訒。」訶,音刃。 司馬牛,孔子弟子,名犁,向魋之弟。

而謹之,則所以爲仁之方,不外是矣。子以牛多言而躁,故告之以此。使其於此若有所忍而不易發,蓋其德之一端也。夫初,忍也,難也。仁者心存而不放,故其言

之難,言之得無訒乎?」曰:「其言也訒,斯謂之仁矣乎?」子曰:「爲

而不出也。楊氏曰:「觀此及下章再問之不苟,故其言自有不得而易者,非勥閉之子又告之以此。蓋心常存,故事不苟。事

病之所 以人德矣。 身,而皆爲人德之要,則又初 彼之躁,必不能深思以 爲是。」愚謂牛之爲人如此,若不告之以其 雖有高 司馬牛多言故及此,然聖人之言,亦 語,牛之易其言可知。」 切, 下大小之不同,然其切於學者之 故其告之如此。 蓋聖人之言, 而泛以爲仁之大概語之,則 去其病,而終 程 子曰 不異 : 也。 止 雖 自 讀 以 此 爲

者其致思焉。

氣,而 若言 訓義仁者,心無不存之謂。 心已隨言而不存矣。 固可以長,聞之亦有可采,乃以 之未能至之,明辯之未能默識之,而言之 動之無妄,皆於非禮之所當者戒之而已。 動皆克己復禮之功,而言尤最焉。 1則即 道不爲之凝 無悖於理,而 則當其易於出 司馬牛之不足與於 見之未能 故視、 摇 行 蕩其 視、聽、 聽、言、 之,行 也 一,而 志

幾。

而

當

一欲言

一之時

自

質

其

心

日

吾存之

於

時

口

弛

之心。

而

贵

因

知 覺

之浮

動

聞

也。

故當未言之時,

既

恒

見有

惟微惟

危之

無時

不在乎爲仁也,無時

不喻

於爲仁之難

子曰

子子

何易視乎言之訒

也?

仁者之心,

處

心之密、

日

言

加禁也,而

心

之樞

機

也。

流。

無以

必言

者

簡

慎持之而

心之静躁。

心、仁在是矣。

實以司心之敬肆。夫仁者於其所可言者, ,其言也訒,則亦謹 故問仁而夫子告之曰 擬之,擬之其訒 不易出,若有所忍焉。 **譍物之弘** 而確, 存心者,不但存之於言 必於言 司 言不足以 因仁者之發,以 馬 斷 牛果 丽 加 而僅斯之謂乎? 訥 不繁,有 嚴 不足以 之人 也,此 乎? 傳 <u>ان</u>، 欲 而已。仁者 與於 是 所 則仁 m 想仁 求所 乃於其所 不 止 足 斯 者 僅 者之 而 而 以 以 言 存 於 夫 不 徵 而 爲 之,理 幾微 要乎 之幾。 之! 則仁 無 責言之勿易。 難,於言見易, 實之道在焉, 以任所能言而 不覺之時。 内 1 者用心 聞 欲 此視、 其言 不 明 離 而

仁,但

觀仁者。

此

也。

見之便給,遂使此 之專致也。 聽、動皆存仁 吾 心 言發 斯 知其仁。 此 言之邪? 以 更審之,必 心之静正, 其 人情之必然。 言之不易,責爲之之難 心廢 所以 而 不 其守静立誠 言出 可 訒 故才欲 之實,而 止 而 也。 外 前 子 於不覺,而 言 不失 · 奈何 以爲之難 蓋 而 逞 仁 於 淵 物 有 而 之學, 易 爲 尤 深 必 理 性 其 11-視 見 篤 之 閑

當作恩 司 馬 牛問 君子。 子 i I 君子不憂不懼。」

曰 内省不疚, 夫何憂 : 向 魋作亂, 不 憂不懼 4 常憂懼 斯 謂 何懼?」省,本作滑,从少, 之君子矣乎?」子曰 ,故夫子告之以 此

少从四,視微少之物而四然,亦審詧之誼。 夫,音扶。憂,當徹也,从一首,睂字之淵。 徹人睂目之閒,視之審矣。 古文从

上 子手 見・着 句 査 と 意・作息。

懼 德 能 疚 牛 而 内復 全 忽之 而 ,病也。 之再問 勥排遺之也。」 而 不 無 也 疚, 疵,故無人而 言由 猶 而 前 鼂氏 其平 自 章之意,故復告之以 無憂懼,未 日: 日 所 不自得,非 「不憂不懼 爲 無 可 媿 遽以了 於心 實 由 有 爲 ¬, 故 此。 憂 平 易

不能爲 訓義以 子 閒 乃 行 以 命 前 之道 以 己 召 ,此豈易言者哉? 動 天 不能爲君子者也,故問君子之道 無 君子者 其 過,而 下之憂懼者,小人也。 身鷹天下,而居心不貞,行 坦然安土, 心 丽 利害吉凶 也。 未免 於憂 君子有立命之理,有 而卓然於死 司馬 固 懼,則欲 有不 牛,所 可知之數 居 生成 謂 爲 心 己 君 欲 無 不 敗之 爲 子 邪, 慊 偂 君 而 俟

> 秩然 其心 所守 此二 憂。 與 以 夫子告之曰,夫君子 流 彼 相治,不懼也。 傷 然 者 勢有 夫心 同 患難者之爲 俗同其得失也。 而 而 情 生 不迷,不憂也。 不 也。 如 固 於 所 有 不終 ,外無以 心,則 難 所 則 期 安, 小人,而疑不憂不懼 日。 得, 日,不憂不懼,忘身而 故立於民物之上,而 欲 丽 亦存 有 圃 司 貞天下之動,而 患 君子則萬事之條 萬變之情形 不 所 馬牛者,但知 Ħ. 乎其自處 ·保其· 爲 相 IIII 及 不果,欲 無失也 也 毅 者 則懼 之 内 冥 乎 而 Ħ 不 有 理 使 有 則 已

何易 不恤 己有疚 自 子,則於事 於 與 知險阻已耳,斯謂之君子矣乎? 命矣。 可懼 言 而 不 圃 君子 宜 不懼 憂 幾之難,物情之變,深計 得 不 此 凶 日,人之所 懼 哉? 危者也。 亦何足論者? 夫於可 可 若處己也不疾 憂可 憂 懼者,於 子曰,子 而 乃若 丽 不憂, 得 所 君

而憂懼,是庸人爲利害所摇一大病。

故

内

不以辭害意可

也。

胡氏

日

「子夏

四

海

憂兄弟之亡,豈是

内

復有

疚

使

公然?

無

疚

大學問。

前章

作息。司馬牛憂曰:「人皆有兄弟,我獨亡。」曼:當

子夏曰:「商聞之矣:

牛有兄弟而云然者,憂其爲亂而將死也。

蓋聞之夫子。

乎?

有望道不見之深情,則盡之在

我,而

足懼

乎? 舍此而

更有何可憂、何可

懼

之至,繁乎死生而

懼乎?

而此豈足憂、豈

乎利

害而憂乎?

夫何懼

乎?

無亦禍

福

懼焉,夫何憂乎?

無亦唯是得失之情,緊

之復之,而果有

於己,接物

也

不

「死生有命,富貴在天。

有匹

而爲,非我所能必。但當順受而已。命稟於有生之初,非今所能迻。天莫之爲

皆兄弟也。君子何患乎無兄弟也?」「君子敬而無失,與人恭而有禮。四海之内

得而

俟命於素位之中,挺然自持

而

立命於

此

存亡之外,非君子其孰能與於斯?

二章「其言也訒」、「不憂不懼」二句,大有

工夫。後段乃寫出他用

心

處耳。

舊

解

重

爲之難」、「内復不疚」、非也。

如

司

馬

4

成敗

利

鈍,以期

於婞

免。

夫然,故怡然自

夫勝子之慮,則感之在我,而不與天下争

不於當世問從違毀譽,以求其兩全。

欲以寬牛之憂,故爲是不得已之辭,讀者則天下之人皆愛敬之如兄弟矣。蓋子夏持己以敬而不閒斷,接人以恭而有節文,既安於命,又當修其在己者。故又言苟能

五三九

語 知 理,是以 此 滯 兄弟之言,特以 者 而 也。 以 不 哭子 能 唯 踐 聖 喪 其 人 言 明 廣 則 爾 司馬牛之意 則 無 以 此 蔽 病 於 矣。 愛 且 而 意 昧 子 買 夏 於 而

之以 將 於夫子者,可 愛, 追於利 則有家世之不保 有兄弟,以世 怙宋公之寵 訓義司馬 M 且不免。 者 世 如之 也。 爲公族富貴之家且 道 所 而 何 , 曰, 子之憂 憂 不憂,非人情 ? 牛 聞之曰「死 牛以恒 害矣。 也。 憂之甚,對子 其家 與諸 以 夫兄弟 貞 商 而 魋爲兄,子車、子黎爲 常 請 而安於國,而我獨亡,吾 大夫爲 故子 難 也, 生有命」。 以 不道 矣。 可 且及己之心,天性之 所 夏 將 不能 以 聞 難,危亡 且 夏 逆揣 無 處 而牛之所憂者 告子。 IIII 變,而 以 保乎 將 其 歎 命者,人各 禍 不 情 ? 一之禍 延 曰,人皆 免於死 無 商 於己, 若此 m 所 《弟, 知 於 聞 廣

令,如 伐,恒 咎矣。 之閒。 者也。 在天」。 也,則 修其 刀 天下 因 類 受之,非 不瀆,則克 而 超然於變故之外 天,兄弟之不相及久矣,所 人而 者 海 猶懼 之内 素 也 自 無兄弟乎,而 敬 其 故 其 馬 如欲憂之,則 失富貴 抑 天者 因人 相 也。 樂 道 失 君子非 與 而 讓 戒 焉, 也。 其 人 已。非舍天性之恩而 相 相 言 m 而 君 也。 也, 理 獎、 面 有物, 輔 不 生死者也。 慎終. 者, 子 以 所不 非 而 志 召 則 之 立身於富貴貧賤之外 子 憂患之來 違 惟 亦有 若兄弟。 恭 相 狎 如 有子之 羣 違 行 理 能 侮矣。 洽 也。 始, 以 有 而 其 卓 非 共 可 恒 己 鳴 則 然 道 善 因 聞 命 污不 M 然身 矣。 以 與 謙 於 雖 焉 能若此 不 之日 人 始 子 爲 坦 兄弟之不 也。 立 敢 而 爲 夫人 其 君 水 IIII 身 然亡憂 有 肆 「富 富 防 助 不 自 子之 功 無 子之 乎 也, 過 能 於 持 2

欲全其 雖 末 周 疏失序 之所 以 之心,故子 之情未免以死生富貴爲重,而有怨天 加 内復不疾,何憂何懼」之旨同。 已矣 激 如之何, 公「孫膚几几」之德,則魋自 慎 能 m 保 之病。 八,何以 理 天性之恩而 爲君子患乎? 爾 自 生 夏 圃 得 而 憂爲? 孰能 以 也 然愚頑 俟 修 命, 感化之以 身俟命之説 必不可得。 綽 子夏之言,未免有 不可 子亦務行 有 餘 救如 同 地 於善 爲管、 正之, 恒魋 使牛 且司 君 而 子之 豈 蔡 尤人人 馬 則 亦 兄 而 言 亦 有 雖 親 道 弟 與 4

不行 子 張 馬 切 譒 浸 身, 潤, 焉 問 ,毁人之行也。 미 明。 如《易》 미 謂 如 明也 謂遠也已矣。」譖 水之浸 子曰:「浸潤之譖,膚受之愬,不 已矣。 所謂 灌滋潤,漸 膚受,謂 剥 浸潤之譖, 牀 以 ,莊蔭切。 肌 膚 漬 膚 切近災」者 而 所 膚受之愬 愬 受 不 桑故 利 驟 忧 切 害

> 者,不 暴矣。 也。 惟明。」 之遠,遠 之譖、膚受之愬不行,然後謂之明,而 告之,故其辭繁而不殺,以致丁寧之意云。 明而不蔽 者急迫而 驟,則聽 楊氏 愬 行焉, 曰 者 愬 則 者難詧而 於近矣。 切身,則 不覺 己之 「驟 明 有不待明者能之也。 之至也。 而 其 冤 語 聽者不及致詳,而 人, 能詧之,則 也 此亦必因子 之,與 面 毀人 《書》 信之深矣。 利 者 害不 可 E 見 張之失而 -切 故 漬 其 視遠 又謂 浸潤 於 發之 心之 愬 而 身 不

姦,必 矣。 理 説 訓義子張以居 日 一是與 ,夫明者 丽 執是非以爲 不能明 在 乎 非 有 明, 而 於無窮之詐 己。 所明 故 人上者欲 衡 間 天下之人, 间 所 加 有 以 情不易 非 所 悉人之情 能 暗 明 明 之 IE 動 也 明 與 於 術 審 邪 天下之 而 曲之 辨其 Œ 而 夫 邪

明也 不因 生。 焉 於是 其 圃 而 其人之正 迫 以 能 誠 以 焉 於 下之情 、其大・ 其 至 御 實 禍 迫矣 頓 ,則此事之得失 而 耳 於遠,而 釁? 臣 易 非 易 而 而 一人之情 事 目 民, 前 而 感,膚受之愬 可 愬 之 其 似實矣, 而 奪於近 信, 者 情 那,而 生平? 源 斷之以 聽不可 無 此人之致 愈 不能敗, 而 尚 浸潤之 不 屈 而 不 何 審 博 失衆 小 而 遽, 八審,而 惑。 欲 求 正邪之素 有膚受之愬 也 稽 而 其人之似有其實者, 以 乎? 潛 可 可可 以 有 其 而 迷於遠大,未足以 人之情 辨 以 謂 急 則使有浸潤之譖 此 理之是非,果不 不 生平之衡鑒不迷, 調遠 幾 天下之姦 明 面 行 迫 不然,求以達 也 難 而 ,終以 焉 而 者 也已矣。 辨。 已矣。 易 一,何以 不疑 者 則譖 人。 馬 宰天下 愐 乃 其 審之 情以 激 曠 夫 女 者 爲 天 明 行 事 情 者 益 觀 成 不 何

食,宜讀祥吏切,字亦當作飢。 子贛問政。子曰:「足食,足兵,民信之矣。」

養日:「公子專工可去,今所三等可宜?」我,不離叛也。 言倉廩實而武備修,然後教化行而民信於

子贛 日 言食足而信孚,則無兵 「去兵。」 日 一必 不 得 己 加 去, 而守固 於斯 = 矣。 者 何

子贛 日 吾之信 能 到 我 死 則 民 人之所固 底, 也 雖 日 荅 而 無食必 一去食。 生 也 不 如 一必 失信 而 可 此章者, 有,非 愚謂 以 無 死,然死 程 自 不 孚於民。 子 於民,使民 以自立,不若死之爲 古皆有 得 以 日 已 兵食所得 非 人 . 者人 m 情 子 死、民無信不 去 孔門 以 贛 面 一之所 亦 ,於斯二者 不 民 言 而先 寧 弟 德 能 則 死 必不免。 子 問 而 也 兵 而 善 言 非聖 安。 食 不失 立。 問 何 是以 則 足 先 信 信 人 直 故寧 無信 而 ? 爲 後 不 於

政 mi 者 可 棄 當 也 身 率 其 民 而 以 死 守之, 不 以 危 急

信 信 足 之 待 彊 其 訓 思 車 有 不 成 m 之矣。 ()使民 徒 餘 規 之 義 也 以身任 之術者, 本 爲 至治之不 不 一,此王 之則 口 也 或 政 俗大 斯 通 而 不 有 既 衆著於上下之義 足 計 時 此 數 喻 子 有 本 固 壞 道 也。 亦 國之田 修 İ 爲 於民 世之咎 易 次 末 所 未 其 民 言 則 國 序 備 以 兵 嘗 而 教 既 有 之大 之日 也 足 在 異於富彊之 不 欲 野, 不言爵民 練 也 不 富 浹 之 可不 求 可 以 之 體 審 具, 而 之以 政 施 子贛 挽 後 補 也 經 平 足也 爲 而 有 之 而 偏 畵 緩 之行, 之次 恩, 勢,君 互 食 後 間 逮 伍 其 而 術 急 焉 相 政, 或 蒐 乎 子 圃 出 也 而 以序,以 親 斯 有 簡 不 贛 申之以 富 納 間 子 圖 面 足 睦 與 則 或 口 V. 所 彊 爲 之 以 以 也 立 之 深 斯 畜 不 或 必 習 爲 富 於 因

爲 以 有 更有 爲 如 必 時 民 ൬ 競 或 而 佪 m 焉,則 之國 所 所 棄 愈 子 民 口 廢 待 日 其 得 去之,乃於此三者之 而 也。 先 姑 義 離 不 贛 心 後之可 積 善 墾萊之 而 又有 睽 置 欲 全 用 足 而 口 弱 一豈遂 欲 姑 若食 野 合 之。 爲 盛 以 而 而 導 置 慮 者之具修,難 愈 之 之大 事 爲 之 待 去 貧 以信 無 兵 荒 也。 乎? 之, 爲 或 或 乃 後之並 以 於不 民 且 者 民 進 於 則 圃 處 乃 頑 其 惟 或 天, 此, 乎 丽 民 欲 此 於 E 子 民 足 吾 極 ? 修乎? 問 乎? 且 謀 百,不 必務, 此 貧 恶 夙 之 所 也 不 E 矣。 株 其 容 0 不 欲 一者 先 愈 可 且 食 守 食 不 勤 其 爲 夫 素 爲 進 其 得 勿遽導 將 加 而 足, 子 之 與 於 閑 從 而 m 而 已 何 民 待 而 有 信 必 蒐 日 民 政 問 於 爲 所 益 無 而 所 IIII 盡 一, 務 可 乘 之 者 愈 日 教 之 趨 不 況 欲 先 姑 今 偷 也 也 也 其 可 信 以 足 未 將 利 則 去 置

先結 生死 所 賴 處 鄉 慮 相 不 無 之,足食以養之,凡以 以 也 不 已 mi -之,必 乎? 由 信 有 相 鄰 統 可革之俗,故以 窮 口 心 m 之以恩,示之以 耳。 爲政 信 姻 治 審 爲 夫至 叹 欲 者,納其 召 也,民 黨相 者,信 於 先 正 去一焉,則姑置食於不足也。 頑 民 不 者 君子不以苟 務 立政之本 於 民 正之而 得 無 爲欺 者 無 哉 之 與 信, 矣。 民 爾。 兵 ? 怨 民亦相信也。 何 於 侵,爲君者雖欲整齊而 無 圃 乃且 叛 民 也 故 義 偷 自 君 也。 食, 誠, ? 抑囂争, 防民, 古皆 當 存幸免之中,以 且 爲 民 全 極 姑聽其不足, 丽 孚之以 此 勿 於 民 夫 意異,父子 弱 有 或 君 E 遽 所 而使立 死 非 極 況國 子 日 問 者 爲 立 其 貧 教,使民 謀 司 足 及 m 白 何 國, 之日 儲 人之國 1季不可 人紀以 斯民 兵 牛 足 貽 情 欲 以 成 聚 經界 爲 敝 圃 又 離 之 惟 乎 何 崩 必 安 深 於 衞 町

> 棘子 之利 足之, 棘 云先 爲 之,民不以 拔之基,以 而 鄰 田 口 二者而信必不可 不講 不可 E 子成, 衞 成 去之,乃未足而不求足耳。 國 萊 日 侵 而 可 去,則食、信是後去矣。 民 : 易 闢,衣 也。 召 逼 惜 不 也。 無窮之亂 君子 乎 何 大夫,疾時 爲 固 以 彼富 1 先? 結 食 毒 爲 質而 足 己也。 而 復。 夫子之説,君 奪 **彊之**術 不得已,不是天災流 而 圖 是先足,不是先去。 ,然後知聖賢立國之道 己 已矣,何 存, 後 此本 人文勝,故爲此 也 教 先 以 然後 化 信 末先後之序,不 兵 爲 以文 可 而 夫去,非已有 有 時解 壃圉 食 子也 興 미 有 爲 者 非是。 足 偷 固 미 從 足 駟不 斯 m 行 若 時 先 後 足 斯

及舌 子贛

言 則 駟 子 馬不能追之,又惜其失言也 成之言,乃君子之意。 然言 出 於舌

**鞟**°」轉,本作鞹,今寫作 文猶 質 也,質 猶 文 上 鞟,俗 也。 省也 虎豹 ,苦鄭切 之 趟 猶 犬羊 之

過 以 若必盡去其文而 差,胥失之矣。 鞟,皮去毛者也。 前 辨矣。 子贛矯子成之獎,又無本末輕 夫 (棘子 獨存其 成 言文質等耳 矯當 質,則君子 時 之 獘, ·, 不 미 固 小 相 失 重 人 無 之 之 無

敝 遂等君子於小人也。 不 愜 以 末 訓 之心,而生君子之儀 去之者道之未宜 可 不 義 至於文煩 乎人心不容已之情,而文生焉。 文質言之,既有其質,因 殊,皆: 無 持 若有所激 文,而抑非無 論者貴 非 丽 通 面 得 質 <del>前</del> 識, 偏 其平,而 吧。 爲 存文者 文之遂 不 棘子 重 則文 足 乃 輕 以 激 成 加 論 抑有本末之序 誠 Ē 喪其 爲 善 者 求 重 以 雖 言 世 盡 傷 其 質 圃 持 日 其 而 則有 非 有 平 尚 也 (美,以 無 質之 君 文 君 而 敝 之 7 子 故 質 本

文以 之論 實, 以 質 也 乎 下 則 子之不容徒 爲 之不實其委曲 欲 不 天下,則 而 而 ! ? 救 至 固 驕悖之情,以自信 使 人道之憂 情 盡 而 則無 已矣, 之而 盡 自 有 君 不 忧 乎己而 彼以 夫文何 子失 虚。 逸。 棄 文勝之憂, 鄙 庸 先 不 m 爲 何以 吝之情 此 文而 交於 斯言也,天下幸之,後世習之, 其君子也。 也大矣。 若夫聲容之不洽於視 能 惜 王之禮樂 生 物取其有實,事取 節 ,可以直情徑行而無損 Ŧ. 乎? 駠 文爲 文爲? 夫 無質也,此説君子者不易 人神上下者各 M 不 子之説,求當 以 而 厭苦之者 及舌,夫子其 也。 故子贛直 生於人心之不自已。 文章 得 不疑。 特其 何其言之傲 計 以 而 而 是 質以傲天下 不 自 亦 蔑其文以 言 一譏之曰 得 其 Ė 思託 便。 於 聽 君 有 其 將 進 君 子 便 成 於無 今天 則 乎 以 利 子 雖 利 其 其 迫 悔 君 反 則

乎? 猶之 乎? 物, 美聲 得 此 而 質 也 以 畼 子之言,至於 與 子之實喪,君子之名亦不足以立矣。 而 前 也。 世 ()以蔑視夫文哉? 鞟 非 君 昭 滴 m 之也。 子同 則 乎 其 小 容 圃 而 將胥 盡 生于人 質 合而 人之得與者也。 文 有 者 無 敬愛,而 無 去其文乎,則是虎豹之皮去 不 者也。 所 君 質 其 慙, 미 天下以均乎 觀之,子贛之說韙矣。 以 物 子,必 皆 争之不 缺 以 猶之乎 鞟言之,虎豹又何 而 原 也。 道 順 情不待此以 又盛 文者,君子之所 於 澌 夫子 其 、性情, 乃 滅 미 況乎質者,小人之可 有其 耳目,而 其 之餘 之言 以思夫質又何 小人之儉 廢。 (儀 今使立 付情 而 而 欲追 因 備 夫 何 者之必 心亦 文若 典 事 1 云 殊 以 物 哂 但 而 悔 故 平 君 孤 由 爲 爲 者 生 備 天下 恃 一之以 其 其 子 自 知 犬 君 增 而 丽 心, 不 夫 君 羊 文 於 子 其 設 亦 其 牛

> 哀公問於有若曰 蓋 偁有 潤 端 之。此聖人彬彬之言所以不可 而 小人,文異而 唯 爲 虎 欲 ,子成之説啟之,而 藉 異 其 無 豹之鞟猶犬羊之鞟」, 過。 加 若 於小人,則忠信之本不立 爲 口 1者,君 賦 以 犬 夫唯其爲虎豹 羊 以足用 爲 君子 加 質 : 「秊饑 臣 即 原 之辭。 也 病 成 不 犬羊 同 ,用不足,如之何 子 則 用, 而 贛之説 後 之 使謂 則 後 鞟。 謂 世 有 激 胥 或 君子 及也 而 虎豹之文 又有 而 用。 人 君 成 僅 子 而 且 偏,不 之與 公意 以 爲 使 以 異 激 禽 文

有若對曰:「盇徹乎?」

二矣。 率 與 徹 宣 公税 良 同 通 得 溝 也, 故有若 畞,又 共井之人通 其 九 均 也 公取 逐 請 畞 但 周 什 其 車 力合作 制 取 行 其 徹法,欲公節 故 計 夫受 謂 則 之 田久 田 均 爲 徹 白 什 收 畞 用 魯 面 白 以 取 大 而

厚民也。

二,即所謂什二也。公以有若不喻其旨,曰:「二,吾猶不足,如之何其徹也?」

君孰與足?」對曰:「百姓足,君孰與不足? 百姓不足,

故言此以示加

賦之意。

平,而 無經 不足, 必自 不究 爲 民 不 之中正 而 富 爲迂乎?」 人上者 百 深言 m, 則君 其 度舉矣,上下寧憂 經界始。 而教之徹,疑若 軍國之需皆量是以 本 ,多則桀,寡 上下 前 所宜 君民 示 唯 至 困 深 獨貧、民貧 末之圖 矣。 經 一體之意,以止公之厚斂, 念也。 界 則 IE 又惡知盇徹之當務 迁矣。 貊,不可改也。 一, 故 而 不 爲出焉。 後井 征 足乎? 則 楊 然什 斂 君不能 氏 地 無 E 均、穀 埶 故一 一,天 以二 獨 後 費 富。 禄 .政 世 下 猶 徹 而 出

今井畞 行徹 計 後。 初 訓義 之世,猶 知先王立法之精意。 民乎? 使足乎? 歲不登,不足以 公當季饑 宣公税 面 不給,而 可易,如周之徹法,以斟 盇 國 無 達 不 舉 用民 有 其 故其説爲當世之所驚,而實萬世之不 聖賢之經 也 之阡 情 而 畞 補 有若 是國世,猶是用 重斂於民,法愈重而用愈困。 生 徹 加 偏 事 而 行 哀公之意,將有别 之乎? 救 之 陌 告匱,乃問 不 廢徹法,其 圃 則 獘 世,惟 行 所 猶 深計 經一 垂爲交足之計者也。 八權 宜,以 昔, 而 利 秊之費,若之何 故 數 明乎大本大原之理, 始 夫重斂 乃對 於 後國分民散,上 百秊 府 有 爲 也 酌貢、助之宜,通 時 有 之 X 經 E 之論 若 典 不 秊 ,夫先王先公 盛 久 而 術 足, 恒有餘, E, 無 章 不 衰之理, 以 以 口 給 敝 而欲其 巧取之 秊 貽 之憂。 之法。 魯自 其 饑 害於 用 丽 可 mi

五四七

其所 有餘 取 也。 不知 行 使 不 衆散,孰從 私 民 國之用。 出 什 IIII 一,民 は萬 足 取 乎 什 百 反 九 僅 者 詰 姓 收三季之餘? 一,安於其分,定於其素,孰 徹之無不足乎? 而與君不足乎? 有 ௱ 而 不 有也? 己, 仍 是國則有是民,有是民則足 之日,今之取 ,百姓足矣。 之徹 足 君 足 君之有用,非 故徹者, 在 而 可 取馬 矣。 如之何 民,不足者仍 君不足, 足 其言 民 有若曰,君知二之不足,而 M 則 所以足民 與 不 不 似 百姓取 足於八口 益 於民者什 君以 名 君能自有之,民 迁, 何 則 若夫徹不行而 夫亦思君用之所 有 以 以 徹 宜 其 足乎 而 在 何 告 也。 一夫之九 實 上。 哀公之不 所 以 詘 一之養, ? 無、法 無 而 Ÿ. 於 君 · 何 若夫徹 或 X 使 取 以 於 繁 或 與 顧 秊 百 而 税 而 譍 悟 往 其 是 之 自 ? 姓 mi 君 敢 君 損 圃

> 者也。 本不論: 勢,制 代? 臣言豈迂哉? 出 君 固非 其 但 人,備水旱者,皆於徹盡之矣。 (末,立 求其理 庸主之所得知 嗚嘑 萬世之法而 而 + 深 思之,收人心,立 此聖賢之言,論 不爲苟且之計 其 丽 或

崇德也。 子張問崇德、辨惑。子曰:「主忠信,徙

其死。是惑也。惡,去聲。 既欲其生,又欲

主忠信則本立。

徙義則日

新。

矣。 可得 愛惡,人之常情也。 既欲 而欲 其生,又 也。 以愛 欲 其 惡 然人之生 死 而 欲 則 其 惑 生 之甚 夗 死 有 也 命 則 非

誠

不

以

富

亦祇

以

異。」

生死 説: 此《 詩 夫子引 如如 • 此詩所言,不足以 小雅 之, . 以 明 我 行 欲 其 其 生 野 致 死 **>** 之 富 者 而 詞 不 適 能 也 足 使 以 之

張 篇 取 齊景公」字而 也 異 「齊景 也。 難與 公有馬 並 子 爲 誤也。」 日 千駟」之上,因 仁. : 矣。 此 錯 則 楊 非 簡 氏 誠 日 當 此 善 在 下 補 「堂堂乎 文 第 過、不 亦 + 有 六

德皆實 蔽於 心,而 徙 訓義子張問崇德、辨惑,有一 順 有 物之所 不 者,實得 辨之於物能惑我之中, 心之所必 則 可 乎 心 事之義,有一 違 以 道 私者,故告之如此 愈辨 本 從之。 矣。 宜 而 之於 無 超 前 無 盡 越 而 以 所 而 由 成 7 乎 己之謂 愈惑矣。 疑 無 如 是 平事 流 之謂 所假 是, 則 而 事 俗 用 行 之義 之所 則 虚 也 信。 之謂 焉, 無 而 夫 僞 1 以 自 不 則不恃 之 義 得 子告之日,夫德 純 忠,因 奉此 行 辨於我之所自 制 之所 哂 平 於己者、盡 高遠立德之 理 德 以居心,而 m 其 有 乎理之所 在 不 日 而 成 崇矣。 事 因 新 行 見 皆 則 平 其 以 而

問。 其死。 將有 情 覺 辨 者 於此 無 其不 之權、憾其不自我 有 惡 欲其生。 可 於不自持, 成 元,而且 党遗物 大業, 任 也 恒 愛而愛之,可也。 而惡之,可 雖 試 如 所忤而惡之,而又欲其死。 哉 而 其情,爲其 誠 而可保乎? 己。 若無此人, ? 我 至於 乃 之 不 若無此 思之, 意。 則 能 以 《詩 而 崇 且於 也。 其 不 成 惑 德 乃 能 豈 富 可 之 乎 我 不 人,而遂 至 未 而 其愛也, 操。 繼 非 愛惡不 哉? 而 自 云乎 不 實 П 始 必 未必其可 迻 惑 保 而 口 功 顧 其 可 其 其終。 乎? 國家生殺之法, 不 解。 也。 其 我 以 不 不 棄 任 情 衷之以道 而 自 初 能 白 口 舊 其 平 既 若 惑 裁 惑 心 託 適 與 自 姻 有 欲 成 夫 之以 而 造化生 耳 亦 者。 戴 以 而 文 往 人於此 其 惑 終身 於 者 不 天 祇 思 生, 而 辨 理 堪 不 惑 之 新 夫 而 以 自 之 自 怒 死 必 岢 此 欲 而 起 所 特 丽 可

惑解 逞一 者見 之詞 爾。 廢然思 而 !不自知,有如此者。 詳味《詩》言,不可 於反思自復之念,皆無事外求之也。 時趨新見異之情 ,而天下實有此於義 夫《詩》之言「不以富」者,固詩人忠厚 可 返 憎而棄之,新者見可喜 乎? 德 V 於處 ,顛倒於一念之妄動 心 無 制事之實,而 取 於利 而矜爲 無得、 異

孔子對曰:「君君,臣臣,父父,子子。」 嬖,而 失政,而大夫陳氏 此人道之大經,政事之根本也。是時景公 齊景公,名杵臼。 不立大子。 魯昭公末季,孔子 厚施 其 君 臣 於國。景公又多 父子之閒, 適 皆 齊。 失 内

齊景公問政於孔子。

景公善孔子之言而不能用,其後果以繼嗣父,子不子,雖有粟,吾得而食諸?」公曰:「善哉! 信如君不君,臣不臣,父不

其道。

故夫子告之以此

者,齊之所以卒於亂也。」 之言,而不知反求其所以然,蓋説而不繹子之所以子,是必有道矣。景公知善夫子子之所以子,是必有道矣。景公知善夫子子。與陳氏弑君篡位之禍。 楊氏曰:

無問 也。 以 齊景公問 者,奉至正以語之,未嘗不感憤追悔,而 傾。 訓義聖人經世之道,制治於未 者,君臣 其已晚。 成於大。 刑政,皆由此出,則久安長治,而立國於不 未危,無他,明倫以 善之也。 夫君臣父子,亦各盡 其治民也,而但念其何以立民上 亂亡之主唯不知此,故 也。 迨其 雖然,又豈終不可挽之使正 政,亦從其末流之失正 孔子對日 相 有不可 爲 繼 立綱 統 ,立乎朝廷以正 救 以 紀之原。 其 守 藥之勢,有至 道 或 禍 而 家者 亂 生於微,而 己。 丽 保 面 1,父子 丽 禮 邦 求 君且 乎? 百 姓 憾 X 樂 於 所 不

於永安

乃

自

悔

禍

生

陳

氏

収

政之本

也。

也

其臣

有威

焉

其

何

以

禄

而

也

而

忝

臣

0

僭越之心,立嫡以 亦將如之何哉? 人心者不昧,而聖人之大經大法, 非 ? 定 丽 而情衰於既 危亂 忘 思 以 正 亦 傾,而 改之,撫 無自 嗚 逞 親 其 統 不 嘑 且 · 而 家, ,而 其 自 生。 知 非 1 民, 知 父 丽 君 之明也。 其 全 不切於權 其 景公之言,愴 不 子 則 不 耄, 一庶孼, 吾其能安亯 民 安 能 不 利 不 以 耳。 以 有 戴 有 成 不終用聖人, 於此 夫豈 使 宜 其 其 此 乎 信 權 子。 父。 君 之論 臣 有 如 臣 可 心 人 E 不 君 不 見 雖 子 父 知 臣 口 使 天 不 不 不 不 敢 爠 承 而 挽 生 足 理 食 111 子 父 臣 君 聖 景 īfii

平聲

미

以

折

獄者,

其

由

也

與!

折

片言,半言。 折,斷 也。 子路 忠信 明決 故

言出而人信服之,不待其辭之畢也。

宿,留也,猶宿怨之宿。 急於踐言子路無宿諾。

路要我 言 而信子 尹氏 之所以取信於人者,由其養之有素 諾 宿 也。 而 日 折 也 路之一言,其見信於人可知矣。 記者因夫子之言 獄 吾無盟矣。』千乘之國,不信其 小 猶 者,信 宿 邾 怨之宿。 射以 在言前,人自信之故 句 繹 一而記 急於踐 奔 魯, 此,以 言, 曰:『使 見子 也 不 留 (盟, 也。 季 路 其

之機。 其言 定。 不留 於有獄,求免之情與 訓義治獄之道,以斷 諾 雖 有 則己情 故斷 然 辭 ,所以全其信 不決則 非 一事 之一 聽 不 而 固 引及 獄 情 朝, 一,而姦民乘之矣。 者 不 也。 爲主。民之不若 以 數事,一 求勝之心 戢 則 誠 無 情 求 可 不戢 其 復 人 情 争 面 無 則 而 以 纍 可 辭 夫子 信 亂 及 愈 止 而至 守 乃 數 息 無

然,早 獄、民 乃欲 其由 自非大道行而獄訟息,舍子路其 精 萌 能 知 之理,有可 知其終不可逐 理即信於心,信於心即信於行。 是記者體夫子所以許子路之故,而 我之守法也且不能以 止 宿諾信之也。 之素行以 盡 也 亂 争 此之未易,而以許子路曰,治獄 法立,可以折者,不信然乎 也。 也 折 mi 息 知其據 與! 之而 由之能 息民,豈 徵之曰 民守其所 日 從 未可 之紛 容 理之無疑 自守其所折 而妄心自息 可 斷 顧 爲可焉,否爲否焉。 ,夫子之許子路,以 不貴於片言而 也, 争 由有其能斷者在 慮 折 ', 則 民之乘 自主。 而 面 也,守法之不遷也、 姦民 曲 雖 全者 而 也。 有 我 雖有姦 求 變詐,不 窮 片言之下, 其 者 能與 而 加 立折哉 則使之治 者, 미 無 良 惟 原子 蓋 也 民安。 頑, 莫 方,而 折 歸? 信 獄 爲政 其 敢 欲 路 於 無 於 其

見 路 其 范 Ė 未 聖 片 本,清 氏 能使民無訟 言 日 人 聽訟,吾猶人也,必 미 不 其 以 以 源 聽訟者,治其末,塞其 折 聽 者 則 獄 訟 也。 無 圃 爲 訟 不 故又記 難 矣。」 知 也使無訟乎 以 圃 禮愻 以 孔 楊 子 使 氏 流 之言,以 爲 民 日 也 或 ! : 無 子 訟 IF. 則

子

訟,而 所 民 以 民於正矣。 直 效於民者何若,則未易言矣。 今夫民之有 夫民之所以 而 訓義夫子曰,爲政者以苟且之術,立功名 與與 斷, 者伸 自 有 見其 志 民之所 吾 爲上者聽之得其情,而折之以 而 而 詎 能 曲 未 不 者服 亦亦 乃以吾思之,審之以明,決 待治於有道者何若,我之所 逮 待 猶 者,民之各安其分,以 吾 未 人哉? 八人以 必 而 無 治者、豈徒 爲此可示勸懲 可著之迹也 若吾之所 此乎? 期 理,使 成 效 若 m 期 婣 於 之 納 思 吾

> 居、當作凥。 子張問 之道 訟,有 無訟 志 吾 不 不言 睦 所以化 養之之理而 馬 所 待 之風者,不 禁止 政。 期 不動 而 所以 有使 而 者 民 人 倦,本作 何 子曰: 其争 在 成 之 皆 暇 之無 使之者 俗,而 人可 是 地 有恥心以自閉。 與 有無訟之可 秀 故故 ,以 今之從政者較 而 訟 以自得 民 居之無倦,行之以忠。」 輕 成 盡 在 者 志自畏。 刑 元 乎興仁 也。 在。 名 后父母之道者也 丽 丽 我 尚 無 吾 乎? 崇 興讓 儀 求 何 得 而 斯古之帝王 德教,竊 圖 ř, 以 失哉 E. 之風 之, 使 德修 其 民 教之 民 不 盡 則 於 其 無 能 有

爲

一貴。」

一子張 發於事。 居,謂存諸心。 心,故告之以 少 1: 以忠, 此 無 則 無倦,則始 誠 表 心 裹 愛民 如 終如 則 必 倦 程子 0 而 行,謂 不 盡 :

訓義子張問政。子曰,先王所垂之典法,

乃其因 爲,而 居之夙 之不 爲易 乃以其 爲 文章,則 不化者,未之有也。 有 能,於是而有不忠者矣,則 奉行爲故事,以爲才所優爲而 則不患其行之不當也。 不 所 當 熟 於心,而以 甚美之法亦 之,而 當 時 忘,以待時 而 勤 所急之猷爲 IŲI 志也。 1勢而 或忽之,於是而倦心生焉,則籌之 未嘗得爲也,見爲 故典 度其 決 即 皆政也。 ·有可 意 利於爲也,以 一可 所以爲之者,則居 體事物之極致,則一如 以 於 無當矣。 而磨,而 爲之時,且失之矣。 得爲 此 循,因時 乃當其 君 爲 若夫 職之所宜 政 者, 了,事 逮乎必爲,決志於 惟 不憚此心之常勤 所居 爲 而 則 難 未爲,矢志於必 動 竭 有 法 施 其行之時矣。 加 不 盡 所固 以 所 不 之, 盡,民 姑置之,見 於心是也 以 於己 塗飾 行 治 誠 而 之 然 而 。惟存 何 綱 民 其 以 而 事之 見 而 以 紀 有 所 無 即 才 以

問爲?

矣夫!'」子曰:「博學於文,約之以禮,亦可以弗

畔

重出。

訓義重出不釋。

反是。」 子曰:「君子成人之美,不成人之惡。小·

異,故其用心不同如此。 所存既有厚薄之殊,而其所好又有善惡之成者,誘掖奬勸以成其事也。君子、小人,

美行。 以勸 訓義夫子曰 君子也,心喻於爲美之條理,可 天下多君子。 在主持世教者之用心 之止之者 天下人之心,隨一人之心而 世 雖盛,未教之民 , 士大夫之趨尚, 百姓之從違 也。 一小人出,而天下皆化爲 世雖 而 른 衰,一行之士 不 無惡 君子興,而 以 心。 易, 因 實 材 其 m 在

就。 者 則 面 其 獎其已能 用 心 也 扶其 樂 天 未 下 之同 至 丽 成之。 繒 於善。 若 夫 有

美

也 也 惡, 則其 惟 而 然,故 小 所 人 深 則 中材之士皆自 惡 反 是 勸 矣, 戒之, 美其所不喻 沮 奮於君子之 抑 之, 弗 也, 使 涂 成 而

其 又忌 巧 心 其 相 形。 恶 則 苟有 其 所 口 可 以沮 相 授 抑 者 之者, 也 而 無不 又 利 同 盡

惟 惡之相 然 則 濟 苟 所 非 以 獨 獎扶之者,且 立 不懼之君子,未有不從 不 · 惜 其 (勤苦

之而 邪 世 一教之 Ē 以爲宗主者, 日 健,而 趨 於惡 人心 也。 可不慎 風俗因之以 鳴 嘑 1 哉 君子、小 大異, 則 辨 操

也。 季 康 子 子 帥 間 以 政 IE 於 孔 孰 子。 敢 不 Ė 孔 ? \_ 帥 子 對 宜作 E . 「政 衛 者 Œ

氏 范 據 氏 邑 日 背 E 叛 魯 「未 不,不 自 有 中 Œ 葉 己不正 甚 矣。 政 由 m 故孔 大夫, 能 IE 子 一人者。 家 以是告之, 臣 效 尤, 胡

> 子之 欲 康 溺 子 於 以 利 E 自克 欲 而 不能 丽 改三家 也 之故。 惜 乎

康

訓義 之謹 綱,而 惟 私 法 可 庠 綱 可 孔 而 欲 以以 度 紀 子 徒 序 以 子力行之而 邪 守 ,雖賞 以 以 對 患盜 以 慝 治 求 季 自 思 自 之 Œ 正 或 不 曰 康 紀 趨 以 ĪĘ, 民。 作也 乎? 其 其 法 子 之不 於 整 夫國 問 學 職 問 如 邪 爲百官萬民先。 齊之乎,而 於孔 己。 子既 術,皆所 業 政 竊。 此 僻 蓋 何 故 其 於 乎 有 欲 爲 子。 於政 爲 有 孔子, ? 嚴 井疆 使上 而 政 名分 也 以 孔 何 矣 有 未 IE 下之 子 Œ 以 政 有 取 之之道 以 知 亦 丽 對 哉 人 IE ? Œ 反 見 孰 彼 先王 者 其 出 E] 其 求之己 魯 敢 既 政何爲 也 H 在 尊 誣 政之不 見 先 믊 卑 於 方 荷 當 公之 而 策 也 有 mi 不

之不 季 康子

言子不貪 欲 則 雖賞民 使之爲 盗 民 亦 知

邪 奪 恥 嫡、民之 1 而 不 孔 子 以一不 爲 盗 胡 欲 固 氏 日: 其 啟 所 之,其 也。 季 氏 旨 盇 竊 深 亦 柄, 矣。」 反 其 康 奪 本 子

訓義季 於 懲 启 恥 民 不 能 以 也 求 無 嫡 有 其 道 苡 阱 適 欲 無 遂 所 事 也 其 龍 其 欲 其 人 以 乎? 啟 後 得 淫 見《春秋 而 斃之, 之者 康 平 逞 生 也 乎 欲 不 治之者。 則 子當 ? 之 ? 能 而 不 甘之? 非 習, 遂 不 盜 傳》。 非 不 知 抑 舍 理 口 其 國 盛 侈 此 我所知 之 未 是 雖 孔子 追 所 焉。 則 而 賞 奉 也? 魯 而 予之以生全之術, 欲 民 以 而 之不 或 欲 不 , 曰, 盗 而 今且 也。 安於樸。 爲 後 多盜 治之以 欲 盜 苟子 患,問 之所 竊 事 生 爲子 可患 矣、況 也 焉, 於 其前 以 法 於孔子, 非 計 夫盜 弭 上 人 而 之僭 分之 之者 不 之。 是 有 各 不足 驅 之 奪 求 法 而 民 以 可 則 得 患 將 岢 奪 不 子 所

草。 子 道 季 身教 何 康子 氏 爲 欲 善 矣。 日 政者、民所視效,何 草 善 如?二孔 : 者 上之風必 間 圃 一殺 從,以言教者訟 上, 政 民 之爲 於孔 善矣。 子對 作 偃。」草,當作艸。 子 言 尚 曰 : 君 豈. 加 子 爲 以 也 子 之 如 而 人 殺 殺 況 德 爲 上之語 偃 爲? 風 政 無 於殺乎? 草乃阜本字。 仆 道 欲善 小 焉 也 人 用 以 之 殺 則 就 民 德 以 尹 有

訓義 意 無害 各有 康子 殺 無 所 不 於 Ź 畏 可 道 ,惡之, 權 治 於 道,安其業, 魯 而 而 朝 矣。 本秉禮之國 欲 鄉 以 趨 者 井。 重傷 殺 而思以 就 吾欲 也 此 於 而 斯 兀 有 子 殺 守 今 法治 民 夫 道 則 其 不 其 哉 而 疾 罔上 爲 然 度, 何 之,問 成 惡 政 如? 乎 己 以 無 夫欲 矣, 行 無 甚 道 無 私 於 而 道 一之心 者 違 孔 孔 者 民 之俗。 何 子 肆 於 子 之 用 或 日 有 操 欲 使 而 民 典 見 道 快 知 國 季

m

使萎哉?

處

可

爲

之地,以行其

迻

風

於民者 寡欲 有發於 未 而 心、合國 也,亦何 嘗欲 以 上下均安爲美也,民之必安而以清心 爲 、善也。 念 本 典 難 無 也。 圃 之有? 不 而 善矣。 善者乎? 可 如其欲之,克念夫國之必 但 以終身爲 一欲之,必行之正 子之所行,不有其協 民於以 子之所以行 欲者乎? 率子之教, 一於己、 者 子 惟 而 施 靖 不 民

效 遠,而權 自 民,小人也。 於日 植 然而然者,德 mi 夕, 無定情 力可 而 以 其 何 繁生 動衆, 性 也。 疑 情 焉? m 相 君子者,位 **始猶** 無異 爲 蓋 感 風 子, 趣, 唐, 也 君 殆 尊足以 IIII 子 猶 小人者, 功 也, hah 效之 也。 行 而

能 不 見夫 不撓者矣。 而 無 艸乎? 倔 彊 不 然則 服之力,亦已 加之以風,則 子 以 善行 明矣, 之,彼 偃 伏 奚 丽 即 無 必 服 薙 於 有

> 之難革,而 易俗之化,在子所欲之志嚮而 必藉 刑戮以 威之也 已。 無 日

民

子張 問 王 何 如 斯 可 謂 之達矣?」

達者,德孚於人而 行無不得之謂

子曰:「何哉 爾 所謂 達者?」爾,當作介。

子張 詰 之,將以 務外, 發其 夫子 病 蓋 而藥之也。 己 知 其發問 之意 故 反

言名譽著聞 也 自爵其

八行,亦

無

不善矣。

化行俗美,可

立

子張對曰:「在邦

必聞,在家必聞。」

子曰 : 「是聞 也 非 達也

聞 者 與 不可不 達 相 審也。 似 而 不 故夫子既明 同,乃誠僞之所以分,學 辨之,下文又

詳言之。

弱

政。 夫達也者,質直 察,當作智。 在邦必達,在家必達。 圃 好義, 察言 夫, 音扶。 面 觀 色, 好。本作 慮

内主 忠信 而 所行合宜,審於接物而 卑以自

五五七

於己而人信之,則所行自無窒礙矣。牧,皆自修於内,不求人知之事。然德修

必聞,在家必聞。」「夫聞也者,色取仁而行違,居之不疑。在邦

者 當 利, 告之,皆篤 日 是 名,大本已失, EI: 者 爲 善其 1、況後 爲也。 時 是 雖清 故 「子張之學,病 「學者 而 顔 虚 色以 無 人 世 濁 譽 今之學者,大 所 親 實之事 平 須 不同,然 雖 取 忌 受聖人之教, 是務實,不 隆 更學 憚 於仁,而行實背之, 而 , 充乎内 實 在 其 何 此 乎 利 德 不 抵 事 不 心 ? 要 則 務 爲 面 而 近名。 務 病 實 則 名。 爲 發 差失 實。 矣。 圃 名 乎外 也。」 車 爲 而 故孔 有意 有 名 務 又 學, 者 自 如 尹 與 程 求 也 氏 此 子 爲 則 近 子 名 以

不能 訓義 違 土 無 物 以 論 行,必 窮 達, 矣。 皆 與 斯 顧 流 人 俗 而 相 爲 尚 羣 以 則 名 其

而

非

實行

克孚於衆

协

此

其

爲

得

爲

已早 子張 所 出 居 政 雖 據 在 不 所 此 得 而 一達之 有 · 達 則 物 以 有 其 情 虚 吾 君 謂 而 則 也。 焉,事 名爲 信 所 者 知 達於天下者,而 問 盛 子必求諸 心之安, 達 人 人 擬 象。 其 士 何 心 者 行 偁 偁 然吾恐人懷一欲達之心 哉? 之達 以 不 何 而 以 出 有 之曰,此 之 如 足 不 感 爾 此 理 日,此 加 圃 己。 斯 所 與 能 而 通 乎? 焉 從 此 天 可 , 謂 對 於斯 喻之於人。 欲 誠 下莫能 而謂 使吾 謂之達矣? 斯 達, 家之賢 日 邦之哲 但欲謂之曰達。 僞之分、得 達 則 一,天下 行之而 也 之 在 矣。 所 是以 一, 故 達 我 困 行 土 人 不 反詰 也 者 我 夫子 於 無 虚 必也 也。 也。 知 ? 何 滯 失之府 則 天下者 聲 不反求 有我 前 之日 以 誠 子張 先 於 亦安 出 推 夫子 是 遂 動 面 爾 加 不 行 也 之 吾 用 家 從 則 果 皆 平 可

情

也。

以

審

此

不

當思

而

聞之學術,以 律聲度, 矣,始以欺 則行違也。 美,乃其所以 飾之於容貌辭氣之閒,而 可行,道 爲家之潛德 偁譽之,在 象,可 以以 一,其 言 逆 哉 制天下以 可 必聞 面 所 辯 以 可立矣。 聽之人,此 勝之。 以 能受萬 天下者,既以 致 爲 望 殆其取之已熟, 則 居心 捷 起 但 其 人之悦從。 亦亦 邦 盛 取 亦 人之敬 求 色, 而 氣 夫聞。 可 物之歸 ៣ 聞 人有 聞 蓋 偁 信 而 必 制 所以 也 其立 也 爲邦 無 愛。 也。 者 其 行 於於 不平之 自欺、曰、吾 所 者 以 者 著其昷文含弘之 而 爲 不 之名 皆可 心求己之無 是 然使 讓 爲仁 也。 而 無 仁者 己。 士之達 疑 0 居然一 而 色, 以 碩 敬恕之實 從 其 者有端 夫 有 遂 其 色取也 也。 流 成 而 以 有 有 在 矜 志 一仁者 固 驚 俗 容之 桁 所 家 相 在 身 求 異 摘 欲 行 而 則 籠

虚 達 焉 達者不必 名可矣。 正乎? 名實行之大别 則 内 疚 爾 聞 如其欲達也, 欲 於 心,外 爲 圃 聞者 聞 也。 乎? 傷於 不 不 無亦自 必 知 物, 則 達,此 辨 以 而 此 僞 反 如 之己 君 竊 之 而學術 子 天 何 小 下 乎 其 何 人 之 能

樊遲從遊 慝、辨惑。」 於 舞 雩 之下, 曰 : 敢 問 崇 修

由

心 胡氏曰:「慝之字从心从 者。 修者,治而 去之。 置, 蓋 恶 之匿 於

子曰 「善哉問

恶, 先 善其切於爲己。 非惑與?」與,平聲 非 事 後 修 得, 慝 與? 非 宗德 與? 朝 之 忿 攻 。。忘其 其 恶, 身 無 以 攻 及 人 其 之

先 不 計 事 其功 後得 則 猶 德 言 日 先 積 難 而 後 不 獲 自 也 知 矣 爲 所 專 當 於 爲 治 而

於

親

之忿爲 己 「先事後得 而 細微 忿所 而 不 三者、皆所以 懲其 甚 責 不修。 微 人, ,能辨之於早,則不至於大惑矣 以 、忿矣。 辨惑 上義 則己之惡 而 感 禍 也。 而下 惟不自復己 救其 物 及 樊 其 而 。遅 利也。 失 無 易 親 驫 也 所 動 爲 漏 匿矣。 者莫 甚 近 人 惑之甚者 過 大 利 惟 而 范 如 有 故 則 知 氏 知 忿, 欲 告 有 人 日 利 之 以 朝

辨惑 辨惑 正息 起於 以此 期 以 不 知 訓 故懲 其身以及其親,惑之甚者也。 過,故慝 之心,故德不崇。 自 修 義 必 驗 樊遅 理 知 則 謂 心以 過伏 崇 也。 欲 德 以爲 之存 從 求自得之時 無 子 於隱微、惑 遊 以崇之則 去者 日,是三 於舞雩之下 崇,不自 也。 也。 不能辨 恃其能修 者,反求之身 善哉 未 離 · 蓋講習之暇 問 於 問 崇 則 凡 乎 德、 入於 以 近 修 妄 慝 心 夫 不 而 不 而

聞

以

保

其

心。

能

專

力

乃

意於攻

變之巧

H.

使人之有

辨之, 豈外於是與? 已之事,皆事 然急於求忠孝仁智之成以自據,則所 修之、辨之,而 計功效之速獲。 不能充吾性之本有。凡吾身心 非推求於念之所自起而力克其私 無不備者俟之積絫之餘。此未嘗 樹 未 則 人,則 悪 飾 與? 而 自 之意,而 也。 彫 實 知 而 而 攻,而 不 未 攷 其 避咎,必攻之而後可。 欲攻 覺 既 敏 琢之樸。 慝者,惡藏於心 其 爲 漸 藉之以 以求之,所先者惟 已迥 日進不已,不知德之 惑。 所得,則崇之、修之、 德者,有得之謂 之也,未有恕之者。 孰 之 其 絶乎凡近,豈 惡 若無意於崇之、 、肯綮 此 自 若 置之不 解。 未 而 而 能 隱 而習 不容 見 中 未 成 有 也。 此 著 非 者 黑 不 於 今 聞 樊 人。」愛、當作悉。 火遲問. 自信。 爲至此 與? 發氣 雖 於終身。 以激 矣。 於一 能 物之惑 惡之嚴,而 或 知 朝, 有 成 乃一朝忿之,即畢用 也。 德 乎不 是 我 求之於躬行,而 示 試 子 相下之勢,身

小,而

也,我能知之。 用 心獨至,非 修慝之密 我之自惑 用 也 與 ?

不自覺其惑

則待氣之稍平,而 忿之起也 或 觸 輕 焉 重 之 ൬ 情 明 事 止 不

親之榮辱忘之矣,不早決於一 非之可 平心而復之,事後而 據、氣節 之可 朝,而 矜 追念之, 圃 禍延 亦 何

之

安危

忘之矣,

其

心

力於

一朝

動之時,念所不可忘者,以 也,非 惑與? 而辨之者能 早辨之 勿 於 情

以惡惡之聲色自寬,惑不可 可 以小成之功 效 以 自 一念之是 限 修 不 非 可

研

幾

於初

念。

則外

可

以

掩

者也

崇之之實

功

備

也

m

面

不

有

高

自

楰

哉,子之問乎 日 智作知,省譌也 「愛人。」問智。 亦 奉之以從事 馬可矣。 子曰: 知

愛人,仁之施。 知人,智之務。

樊遲未達。

曾氏曰:「遲之意,蓋以愛欲其周, 所擇,故疑二者之相悖爾。 而 知有

子曰: 舉直錯枉者,智也。 「舉直錯諸枉,能使枉者直。」 使枉者直, 則仁 矣。

樊遲 也?」鄉,本作曏,俗省 智」,子曰『舉直錯諸枉,能使枉者直』,何謂 如 退,見子夏,曰:「鄉 此 ,則二者不惟不相悖 也吾見於夫子而問 而 反相 爲 用 矣。

以能 遲以夫子之言,專爲智者之事,又未達 使枉者直之理 所

子夏日 「富哉言 平

思沇 湯有天下 歎其 切。 有天下,選於衆,舉皋陶,不仁者遠 所 皋作皋、俗譌。 ,選於衆,舉 包者廣,不止 陶 伊 言智 當作 尹,不仁者遠矣。」選 繇。 皆傳寫 經傳者之 矣。

> 譌 别。

學者之務實也如 問 又問 之問 遺遠,語遠則不知 觀於此章可見矣。 伊 必將復問 問仁、智也、夫子告之盡矣。 變化,雖若有淺近 而言矣。 枉者直也。 爲仁,不見 不獨欲知其方,又必欲爲其事。 尹, 諸 焉, 也,不 子夏,然後有以 湯之相也。 丽 矣。 猶 有不仁者,若其遠 獨 子夏蓋有以知夫子之兼 程子曰:「聖人之語,因 未知其何以爲之也。 既問 欲 聞 是。」 者, 不仁者遠,言人 近也。」尹氏 非若他人之言, 其 於師,又辯 知之。 説 丽 其 又 包含 樊遲未達,故 使其 必 去 諸友、當 欲 E 無 爾 如樊遲之 知 未 : 「學者 所 及退 皆 語 所 其方。 喻 仁智 化 近 謂 而 時 則 使 則 丽 而

訓義仁 能,而帝王以之成善世之用。 智之爲 德也, 君 子以 之盡 仁不足以 吾 性 之 並

所

於

知

心

之

無

不

之量 者,此心之與人 樊遲以 成之用 難明, 、已矣。 因 窮。 天下, 在所當愛也 或有 所 也 智。 以 而 至於德成 而 欲 以 樊 博愛之心 故聖人之仁、聖人之智 治 杰 智 智者何 則 遲 辨 又進 所窮 智之德,存之於心 知 此 世,天下 明 其 不 之 物 心 則 答止 所 足 化 m 0 ,仁者何 者 疑 明 聖 施 相 以 如 問 治 而 河面 人 也 甚矣。 人全體大用 行者 以 通者 辨 也? ·見其 智 無 用 傷物。 則天 物 智 第,而 人 以 智,其智 如也? 之 也。 rmi 〈智而 不齊 而問 心 子曰 以爲苟必致詧於 下又見 知 曲 有其明,而亦 乃有兼 仁者之愛 均是人 成之, ,則必發之於 人亦必 矣,不可 仁 不知其 不 有 之功 夫智者 子曰 以 其 刻 以 推 則 善 容 一嚴矣。 也, 一、夫仁 是心, 能 不詳 人 爲 1 以 成 並 面 也。 此 無 亦 有 幾 至 裁 之 道 包 錯之, 轉 之刻 争行 之而 則 既 在 顧 E 也

而

心

用

忘其

仁。

也。

亦

育

智哉? 直之無 窮乎? 智者,知 智之時, 賢不肖之辨,則有可愛有不可愛。 真足以 是。 白,知 智固 逐天下以權,豈此之謂 曏 後 亦亦 一覈,不足以 直 而 也 然則 道。 所蔽 其 知君子。 有妨於仁,而 其爲直 已先 其 後 吾 而 夫子知其不 且有所不 爲 直 樊 爲 見 於斯 果足 智之爲道,裁 圃 也 遲 於 操 直 枉之不 枉 養吾心純 猶 ,則必舉之,舉之而後其 知之,則 夫 時 以 知其爲 愛, 也,不但 子 未 不 也, 知 喻 何以君子言仁而必言 輕 m 喻 而 可欺,則革其 小 也, 也,退 間 智之爲 用 非 人。 能 枉, 乎? 全之體 成天 智 吾愛之 容 知之已也, 加 使 則必錯之,錯 保 申告之日 天下 枉者 幾疑 見 (用,亦 子夏 下 無 子 心, 以 疆之道 皆 直之道 當其 夏 加 夫 邪 法, 豈 喻 舉之 夫 而 曲 而 一,夫 子 爲 其 問 而 有 而 於 用

化,而 也。 所欲 以 之化 新 皆舜之所 也。又不見湯之有天下乎? 面 所錯者衆矣。 加 矣,夫子之深於言智也 之言富矣, 豈但 丽 俱式矣。 ,於時不仁者恥其 曲 以仁天下之心行之。 成矣。 一,而溥 行 教 然則舉 平 喻其造就之情者,此道也。 帝王仁天下之德乃周 知 其克寬之政者 ,於時不仁者去其頑 欲 伊尹之直 受其 夫不 湯 舜乃以樂育天下 也,錯也 施其好生之德者也,必選焉, 知皋陶之直,而舉之以 乃以 見 (生成之德者,此道也。 爲智者言哉? 舜之有天下乎? 綏 ),非以三 ,而舉之以 舊染之污,而 和 也,必選 天 示吾知 合天下 迨舉錯 下而 徧 讒 天下皆 间 於 之邪 為,所 割 不 無 施大 萬 人之明 於一 · 復 蓋愛 率 物。 而 Œ 所 而 (用於 枉 用 九 錯 湯 天 面 用 明 時 心, 者 童 之 刑 F X 威 者 法 富 夫 維 廱

> 行而 此性中合同一 智爲 者,聖人之全 不悖 先務, 也 加 智 體 致之理,而 非 而 獨 其 用 用 並 在 天德王道 知 於 M 一所以 故 功 並

止,毋自辱焉。」 子 問 一 忠 告 而 善 道 之 ,不 可 則

道之。 數而 友所以 見疏 然以義合者也,故不可 輔仁、故 ,則自辱矣。 盡其 心以 告之, 則 止 其 若 説 以

面 於善,凡 盡 訓義子贛 見之言。 亦不能 可合也,則無不可盡之道。道 全交之難兩 吾 吾輔仁之心盡矣。 心焉,盡 以 以盡 恐其難 雾 以 合 全也。 處 吾言焉 而 友之道 誠 入也,則 親 者 夫子曰, 一言必 凡於其 如其 無 問 不 於 曲 不可焉 至 根 夫子,以 喻 友以道合。 所 也 心 孫 不可合也 爲匡 丽 詞 道不 其 心 盡 道 道

意氣相激,辱吾言且辱吾身矣。 心終不可勥合矣。若以 合,則遂止 遽 合 也,姑 III 止之而 不足深辯,故者 俟 其 議 自 論相 悟。 不 競 失其故 若 盡 則 終 其 不 所 且 前 П 以 口

怨,以此交天下焉可矣。

盡

IIII

:安其所無可如何,得不居功

而

失不

召

其道,其何足以爲君子哉?

七世孫世全半溪謹

刊

曾子曰:「君子以文會友,以友 德日 講 鄭 進。 以 會友,則道 益明。 取 (輔仁)。 善以 輔 則

也。 訓義曾子曰,君子之所從事於身心者,仁 之意見不足尚,必以文會之,而 静修之業矣。 IE 志於仁,則未 後,不可不共白其心。 定交之先,不 一之塗,以成乎儒者之素業。 則其樂與 有不以《詩》、《書》、禮、 可 故一時之意氣不足取,枯 同 不明 道之共學者,仁也。 於其術。 夫人苟爲君子 於是 匋 圃 淑 深 而 交之 乃其 樂 面 於 相 雅 爲 有 龃 寂

> 若 吾性情之疵纍,心日醇 求之於文者 也,行有則也,不徒習其度數文章,而 孤行己意而自許 即 以 相 以仁,博愛汎交而不以 與 求之於道。 矣,皆友之輔矣。 言 以治 有 物

書訓 義卷十 四 终

四

## 四書訓義卷十五 論語卷十三

宋朱熹集註 明衡陽王夫之訓義

## 子路第十三

凡三十章。

子路問政。子曰:「先之,勞之。」

請益。曰:「無倦。」倦,本作秀。無,古本作毋。行。凡民之事,以身勞之,則雖勤不怨。」蘇氏曰:「凡民之行,以身先之,則不令而

既告之矣。及請益,則曰『無倦』而已。未以此告之。」 程子曰:「子路問政,孔子吴氏曰:「勇者喜於有爲,而不能持久,故

訓義聖門諸子之問政也,自顏淵、仲弓、子

有所告

,姑使之深思也。」

進而期於成焉,則存乎心。 何以 用 而 責其善,博設其科條以課其功,無益於民 不從也。 事,所以督之者具有其章程,而徒督之,民 宜遵,尤君子之宜盡。身先爲之,閨門起 己。 之於爲之之本。 贛而 不勢而能自勉也。 總其成,身自勞之,勸課必親 化,而婣睦之風 而徒教之,民不率也。 曰,爲政者,我爲之也,則亦在 者,而政之節目 ,而疑爲易效之功也,乃請益 但見其擾矣。乃子路不知其爲 。凡民之行,所以教之者具有 益此哉? 外,其意皆欲求詳於事迹, 農桑溝洫,小人分其任,而君 先之勞之者,躬行 可聽 [略焉。 故夫子一責其 不然,徒多爲之禮制以 其自成也。 孝弟仁 子路 我先之矣,民 ,而勤 問問 讓,小 平躬 政。 而 盡 其訓 也 子曰,夫 凡民 未 無窮之 儉之爲 於 而 人之 行 能 夫 身 典, 欲 子 > 而 子 心 求

行,日 率行 民趨 見 爲 事 難 益 而 感 焉 勉 前 則 見 焉 聽 爲 倦 愐 其 易 何 化 自 刻 有 責 勤 則 止 於隱 ,則倦。 倦。 乎 ? 微 民 而 我勞之矣 未率行, 民 求盡其 未 趨 事 德 而

成也。 此爲 者果 而徒勞 有濟,日 (政, 庶勿負於居人上者之職 先,勞者果勞, 無 情 益奮焉 不盡 功, 則倦。 於一往,志不窮於中 而 何有已乎? 而 鼓厲其精神 不 患民之不 夫然後 而 乎? 相 必期 衰, 勸 於 故 以 先 以

仲弓爲季氏宰,問政。子曰:「先有司,赦小

日

身心者,出治之本。

過,舉賢才。」

彼,而 過,失誤 有司,衆職 小者赦 後致其 也。 也 大者 成 才,有 功,則己 幸 則 於事 兼 能者。 刑 衆 不 或有所害,不得不 職 不 濫 勞而 舉 然事 而 而 用之,則有 事畢舉矣。 必 心 先 説 之於

司皆得其人而政益修矣。

爾所不知,人其舍諸?」爾,當作亦。曰:「焉知賢才而舉之?」曰:「舉

爾

所

知

君行臣 諸?! 以此。 以爲 不舉賢 親其 子 仲弓慮 義,則一心可以 公私之閒 日 親 季氏 : 便見仲弓 \_ 才,則百職 職 程 無 舉 宰,况天下乎?」 子 以 矣。 爾。 仲弓曰:『焉知賢 爾 日 盡 所 知 不赦· :「人各親其親 興 與聖人用心之大小。 知。 (邦,一 范 廢矣。 時之賢才,故孔 小過, 氏 爾 心可以喪邦,只 : 所 失此 則 不 不 下 才而舉之?」 知,人 無 先 三者,不可 全 有 子告之 一人矣。 司 推 其 不 則 舍 此

成。 訓義 各得 八胥 效。 盡 其 爲政莫尚於簡,而簡 理 其 所 仲 不必躬 可盡 弓, 不不 미 勞苦、 與 勞鶩 語 此者。 聞 有 矜 見 其 明 道 收 其 焉。 名譽 爲 而 事 季 處之 氏 以 而

集,則 宰,總 求 有 之者也。 之以統 此 功,身不必爲,而貽福於社 圃 才不才之欲並進,惟觀其行,詧其 加 過者,本 夫欲法不 有司之道治有 司,使自爲焉,勿撓之,而徐攷其能 進之於上。 但修吾大法。 居要以 秊之用者, 人之志,則 不阿之法在 (才之舉,能以決行 先 大家之政而任其成,尤宜 理於 無損於其大,置 有 子告之日, 夫欲 統治 繁 司 有家者 而 在 所 而已。 吾但行吾樂善之誠 也。 簡 人自效,則赦 司,吾自有宜 以 此 以小過之情矜小過,吾自 道 追風 也。 若夫賢不賢之皆 也。 也 有 项, 易俗 賢 而 乃 司 一勿問 才之功,皆我之 無 仲 Ź 稷 功不 者 小 一持之要在 弓猶 煩遲滯者,知 緇 生民者大矣。 本 焉,勿詧之, 過 也 舉 其 勞 以 而 與與 能 有 ,爲宰者 簡道 丽 各 而 己。 l求知 否,以 則 疑 收 爲 有 事 焉, 小 也。 舉 數 或 所 自 居

> 之也。 以一 皆 也。 哉? 博訪 其賢 足 爾敬慎之心, 無侈旁求,此 之,而誰其舍之? 慎用其舉, 竊憂其知之不易 矣。 樂 賢才致衆賢 之 才而舉之,不可以約略而得者也。 爾既舉矣,賢 於 爾則 而 、薦賢。 此 懼 仲 必有 無 其 弓 率爾不繁之道,以 亦執簡馭衆之道也。 事 Ŧ 有 德 延 所知 也。 名, 才之道 爾 才且 攬 則以一 之所優, 不 者矣。 將静俟之而 汎詧,以炫爾之能 子曰 知 樂 盡 於 者乎? 舉 ,子何患於不 信其 加 爾 自見,在位 開羣官之舉, 夫 此 所 得爲, 所知 爲 有 子 爾 政焉 不 善 將 可 成 而 舉 者 知 用 知 而

是時出公不父其父而禰其祖,名實紊矣,

衞君而言,然爲政之道,皆當以此爲先。」故孔子以正名爲先。謝氏曰:「正名雖爲

迂,謂遠於事情言,非今日之急務也。子路曰:「有是哉,子之迂也! 奚其正?」

子曰:「野哉由也! 君子於其所不知,蓋闕

如也。

野,謂鄙俗。責其不能闕疑,而率爾妄

對也。

楊氏曰:「名不當其實則言不順,言不順名不正則言不順,言不順則事不成,

則無以攷實而事不成。」

「事不成則禮樂不興,禮樂不興則刑罰不中,

刑罰不中則民無所措手足。

謂樂。事不成則無序而不和,故禮樂不范氏曰:「事得其序之謂禮,物得其和之

興。 謂 禮 樂 事 不 不 ·興,則 成 則 無 施之政 序 丽 事 不 下皆 和 失其 故 禮 道 樂 一,故

刑罰不中。」

子於其言,無所苟而已矣。」「故君子名之必可言也,言之必可行也。

君

苟矣。」 義,而 之之詳如此, 正,天理得,名正言順 E 以 母,得罪於父,而 乃立蒯瞶之子輒,以 立公子 子之婬 程 去,卒死 人也,其不可 一,請 子 正名爲先,必將 日 不知食輒 於方伯,命 亂 野野野野 . 其 名 胡氏日 ,欲殺之,不果 難。 實相 有 而子路終不喻也,故 之食爲 國 徒 輒據 :「衞世 公子郢 具其 公卒,夫人立之,又辭。 須。 也 知 歫蒯瞶。 一明矣。 食 國 非 圃 (事之本末,告諸 焉 以 事成 義 子 而 而 事 不避 歫父,皆無 也。 蒯 出 立之, 苟, 夫子爲政,而 矣。 夫蒯 瞶 奔 其 恥 則 則 難 瞶欲 事 其 夫子告 靈 其 輒 人 父之 公欲 餘 母 倫 爲 不 天 殺 南 皆

訓義衛本可爲之國,而出公不父其父而禰

路佛 第舉 其不 而奠民 行吾道 惑焉。 先於 能用我乎? 公致 圃 定之,以實成之,因人心之安而命之。 衆務之修明,不 瞶之不孝,不宜 其 矣,歫父之辭窮,而 也,將以安靖其國家而興治道。 乃欲用聖人以定其位 以 祖 が妨吾 然日 也 公養 IE E 大亂 加 生也、將奚先焉? 焉,先公之典,時事之宜 乃告夫子曰,衞君蓋待 名 還其 ,時之所 夫欲 為,亦 行道之實者, 迂 平 將 我之所以安衞而 作。 本正 IE 容遽 有 思 同 名,則 不 國 有 夫子 香 一,然後政教之施 偁兵之惡著矣。 山 也。 一、遂陷 以 1之議 而苟安。 爲,義之所 蒯瞶父矣,出 救之。 自 惟 也。 夫子 楚 論 於 是 反 名 不 治 而 一,以開 出公不知 至 曰,衛君 夫子 子 偏 子路知 衞者 一於衞 有 可 者,自天 不必殉 面 之 行 是哉, 殉 故子 公子 見 而 爲 治 可 「, 莫 一, 出 也。 次 其 欲 蒯 統 政 而

正 ? 從苟 取而 已成 奚若哉? 明 有 焉 亂 如也,猶不失爲慎也。 數,有所不知焉,則置身於事外而 子於人家國之故,爲善爲惡、爲成 見,而不能知大本之不可昧者乎? 天性者。 自今日始也。 正 子之必以此 因而 而 是 政之可 者,未嘗不 有民 非 且幸成之計,此野 更張之,不知何所施其迂計也。 乎一定之規 夫子乃直斥之曰 乎? 仍之,而 之可 由果野哉 圖 以不正之名 爲 也,有教之可敷 今由 正也。 使 以 先 矣。 安 名終於不正矣。 也 或 以 也。 -人如 若其疑 而子以 名之不 ,殉一時倚託之名 而柰之何其 意者其蔽 人之以 而 夫名之可 乃 此, 爲言, 名 以新 於不正者,不 也, 不 始 可 計 進之 E, IE 則 於一 以 有 功 君 由 不言,闕 天 偂 刑 逞 爲 利 而 有 臣、欲 如 敗 理 曲 之可 弗 臆 夫君 而 其 詞 此 所 害 īĒ. 以 > 忘 而

言

之無

慙

者

也

馳

詞

於

鄰

或

百

E

一之定

憲

繫

如

是

其

重

V.

威

權

乎

?

玉

帛

鐘

鼓以

序之禮,不和之情 中者 之於先 政, 可爲,而 安, 敬 ,立一名焉,必其 也,故 媚 不 其 託 所 紀 也。 皆 神人,誅 和之民,而 而文教 哉, 先禮 偁之宗 於 爲 其 爲 前 因 君 (爲言· 民 由之 者 至於刑 玩 名 民 樂、先 禮樂 子 彝, 正 皆非 弄, 無 何 mi 廟者 因 不附己, 獎邪 刑 也 野 百官以 所 可 顛 事 天性之自 徒 罰 罰 其 忧 刑 ,必其以 天 措 以 倒 皆 其 播告之國 以 罰 以 能 1 不中,則惡 理 言 手足矣。 度數爲也? 乎? 成 미 意 成 興乎? 而 夫名 典 乎? 之於 以 爲法令, 不 治事 章 託 然,遵 言 順 之所 説 於 將 前 後, 矣。 以 不 天 而 飾 且 無 虚 夫 樂,正 哉? 蒯 可矣。 罰 事 亦 爲 而 後,則必 可追 之濫也成於名 之有詞,遂 誣,明明 ,敍,行 就其 瞶 名 當 夫子 終於惑,以 者, 荷 以 而 八公養。 · 只 説 有名 不知 有 名 此 不 禮 父 猶 可 미 奏 心 IE. 子

舉

國

皆

無

序

禮

樂

以

導

無

然,政

非

其

迹,百

姓

U

緇

理,非

民

彝

面

不正

不順

而

著,人心

所

行 樂 IIII 圃 禮 行之皆 樂宜 得 明 者 刑 慎 也 罰 遂 據 若 m 以 刑

鬼神之所不可罔,明 名自我置,言自我出,率然而言之, 君子於其言 焉 之不 以 而名之亂也始於言。言 偸 何憚於言,則 安 容 而若是乎? 明羣 味, 而 别議 而 臣 但 白 他 聽 姓 正 務 之所 出 明 不 乎? 諸 明 IF. 不 天 聽之 不 者 地 可

夫子之言思之,其 聖人之大用何如, 可 革,舍是吾 所 何 以 以 爲 爲 面 政 IE. 軱 名 於 而 之 處 衞

使我

先

事

乎?

可

爲

善不一

刑

罰

未有

身殉 微 各得 獨 不道之子,不亦 # 之道,故 公之不能用, 不 急 惜 而 於 平 子 去 路 衞

刑 罰 ,安百姓 名。 IE 聖人大 名 後便 用 可 Ŧ. 成 事 載 後 興 禮 想

不可從。不出。舊説立公子郢,逐出公輒,是妄談,

樊遲 圃 請 日 學 稼 吾 不 子 如 日 老 : 圃 吾 不 如 老農。」 請 學爲

種五穀曰稼,種蔬菜曰圃。

樊遲出。子曰:「小人哉,樊須也!

則 不 上 四 服 小 一好禮 方 之 上 謂 民 好 則 細 民 信 襁 民 莫敢不 負 則 孟 其 民 子 子 莫 敬 所謂 ൬ 敢 至矣 不 小人 F 用 好 之事 焉 情 義 用 則 者 稼?」 夫 民莫敢 世 如 好

當作政。

夫,音扶。

襁,居

兩

切

情、誠 其 志 譍 禮、義、信,大人之事 非 則 楊 也。 "**,**何 氏 陋 實 矣 襁, 日 也 也。 . ? 辭 織 樊 敬、 面 縷 蓋 遲 闢 於其問 爲 服 遊 之 之, 聖 口 也 用 人 0 也 以 情 也, 之門 約 好 蓋 自謂農 待 義 小 各 其 兒 面 則 以 出 於 間 事 圃 其 TH 背 稼 合 之不 後言 類 圃 宜 mi

> 既 焉 如 言者意有 不 則 出 能 則 問 則 其 歫 之者 懼 失 不 在 其 愈 能 也 終 遠 以 至 矣。 不 矣。  $\equiv$ 喻 隅 故 也 須之學 反 求 復言之, 矣, 老農 故 疑 不 不 復。 使 老 及 知 庯 此 前 乃 面 其 所 學 而

道,莫 小,雖 訓義 爲 之急 成, 遲 所 在 者乃謂 加 欲 以 任 遂 圃 F 而 爲 務,豈 成 道 學 天 能 無 可 小 子 窮 術 其 乎 下 不 道 易 以 Ė m 、忘本 好。 之大 局促 無 猶 亦 也 足 、欲學圃, 則 在 夫 君 有 0 或 下 小, 有 至 計 於其 異 口 子 故 老農 一於好, 而 口 IIII 端 矣。 因 觀 君 裕 以安身而 規 中, 乎 則有 曲 子 在 民 而 遠 學 今 所 而 志 雖 吾 深 略 之 夫 智 學。 老 其 乃 有 以 不 之所 農 圃 無 則 大 請 廣 爲 利 如 學 在 實 圃 小人 則 大 學 戒 用 也 知, 吾 者 之已熟 者 必 高 稼 之道 明之 不如 達 生 舍 力之 請 不 子 m 樊 知 其

民之莫敢不用情

也

是故

其

爲

學

也

之也

篤

習於禮則

之責

在己矣。

以

此

爲學,則深喻其善

而

君子之列,則

學爲

人上之事

,

而

人心

風

以

此

爲

懷柔天下之至計

哉?

民

之莫敢

服

也。

爵

平

信

則

好

信

推

誠

虚

僞

m

意不

嫌,所

以

乎

民

於

純

厚

莫

敢

不

敬

也

執

乎

義則

好義,勝欲

総侈

而

心

不

安,

所以

納民

於

正

直,

加

越

而

情

不

適

所以

示

民之矩範,而

使

民

亦將好

之,

謂

是民之天也,可

以聚民

而

民心者也。

然則使須得

用

而爲人上,亦

須也!

須偶

人之身,而

心亦小人之心矣。

知其

失問

而

退。

夫子遂

斥其

非

而

明

其

理

日

,事小人之事,學小人之學,則身且

爲

也

奚爲

於丘之門哉?

子曰 :「誦《詩》三百,授之以政,不達。 使於

fi. 七 三

四 言也 平,長 方 患 其 之誦《詩 俗之盛衰,見 專 也 所 獨 不 學 於風 也。 能 者, 專 》者,果能從政 程子曰: 《詩 對 諭 章句 政治之得失。 》本人情,該物 雖 故 之末 多 誦之者,必 窮經將以 亦 耳, M 奚以 專 其言 此學者 爲? 對 理 達 致 乎? 可可 於 用 昷 政 以 也 之大 然則 厚 mi 驗 世 能 和 風

變,誠 朝 誠 者也 功德之實。 於《風》而 誦 也 訓義夫子曰,夫人之誦習執文, 哉? 廷治教得 之三百, 不容已於誦 ? 不容已於 豈 以《詩》言之、欲詠歎之、由繹 得 徒 而《詩》 + 失之故,於《 且 侈 其爲言 五國治亂之原,於《雅 也。 博 誦之三百 記 學成矣。 欲廣其 之功, 也, 《頌》而 博依 也。 圃 義 則 遂 得 類,通 而 三百 乃 自 將欲 先王先 善譬 既 命 一 之中 誦 之, 其 何爲 爲 之, 正 公 和 得 學

> 也哉 丽 而 多 圃 命 使 至 以然之故,不體其 人之心,不設身於古人之所處。 奉使之日 達於國體,下不達於民情。使於四方, 也 所 忘之,所必 以 通 而 而 對 畢所學之能事 未授,不 能 ,而奚以爲乎? 兩君之好, 主君者在 感 · ; 則 即 能 一然矣。 以 在 則 之 以 此。 何 誦 與 從 理 北哉 之之時。 未 以能然之實 豈徒習其文、辨其 而 政 學 ? 乃 誦 折 授 丽 ·者其 者 此其敝 疆大之争 政 之以 同。 在 勿 不 此 政 輕 不 以 雖 不 (,則上 言 則 求 我 在 其 以 臨 授 誦 其 求 誦 以 之 古 聲 之 君 習 事 所 政

不從。」不令而行。其身不正,雖令

「由」"啖柘山房本作「紬」。

0

訓義

夫子示

君

道之本

日

,爲君者必欲

道之

行,利 於下 孰從之? 行 施令,而習尚且成,法徒勞而 行於天下也,則有教令。 而 ·而臣 俗美矣。 欲不 也 故爲 盡其官常,民守其恒 能干,邪説不 其 争正 如其身之不正 政不在多言,惟力行 矣,言必正言, 敢惑 而教令,末也 也,雖 刑 ,則不待 法,自然 亦 不畏 行必 秉 圃 施 正 己。 八,其 以 化 Œ 君 教

政,大夫之事也。 此章言君道。苟正其身矣,言臣道以從

國,而是時衰亂,政亦相似,故孔子歎之。魯,周公之後。衞,康叔之後。本兄弟之子曰:「魯、衞之政,兄弟也。」

衰 訓義夫子嘗有舍魯何適之歎,而 靈公之無道 亂 或 、政之何如,而 深 故 論 有 望焉, 、出公之不孝,而 之日,欲 後可 而 俱 出 不能 用其因革。今天下 丽 謀 用 就其交際, 聖 之國,則 人以 於 衞 安 則 於 以 必 則

> 事。 惜乎其不 乃自其政言之,則 役 與 E 君子以存其典禮,而不敢過爲變法 文、武、成、康之制 臣,或難發於父子,無道之情事亦相若也 衞 統 於大國,勢之相 誠得 則 裂而國 猶 知 m 可 救 爲 .異政,有莫可致詰 相 將 之,以變魯者變 衡 絶之治統 前 先王先公之典,皆出 而 若 論 姦邪 也 焉 於十 雖 其 其 執 或 不 焉者。 衞 或 亂 自 可 也 柄 生 亂 也 彊 紀 於 猶 力 惟 名 於 君 魯 Mi 面

子謂 少有,日苟完矣。 故也。」 聚也。 美, 欲 公子荆,衞大夫。 荷 速盡 衞 三面 則 公子 纍 完,備 美纍其 己, 物 荆善居室。 而 則 也。 驕吝 不以 心。 富有,曰苟美矣。」 苟,聊 言 外物 之心生。 其 「始有,曰 楊 循 Ħ. 爲 氏 序 粗 心,其 公子 而 略 之意。 有 苟合矣。 節,不以 欲 荆 爲全 易足 合, E

完矣。 爲恒 也。 也。 訓義 必更求之意焉。 可 安,而一家之情皆定也。 之閒,則家之子弟臣僕皆 衞公子荆而偁 則自言 迫我以越分而 有,在有家者一動其心,而形於言語容色 不可以 民,皆勢之所不容已,而情之所必出,故於 聚 有之意焉。 其 逮其禄厚而富有, m 必曰「苟」者,有僅 夫子以 蓋於家有無已之求,則上侵 成用 多寡 更 不言其不飾, 曰,苟合矣。不言其不備,而言其 可 人臣欲 也。 美於 限 求得。 其善居室焉。室之有 也。 有姑爲我有 夫然,故家之人大白其無 少焉漸 此 靖 而 無 善居室者 而言其 於 則自言 而 可 但言 有,則 而 公子荆之始有, 思有,有 如 相競 或 是遂已,而 其 無缺於所用 E 圃 必 自言曰 以 ,一人之心 已足 不 ,苟美矣。 君 先 觖 而 可 而 靖 心望,而 無,本 於觀 據 思 下 於 一,荷 以 不 愈 奪 而

> 遂。 敝以終身,難矣哉 以上不侵,下不奪,而不失乎君子之素也 求自 不然,一人之欲 之而家安之,家安之而身愈安之。 以一國 得之心, 殉一家, mj 不可 不 生歆 以 滿,一家之欲愈不 淡無 人殉一家, 已之念。 此 而敝 其 口 所 安

子適衞,冉有僕。

子曰:「庶矣哉!

僕,御

車

也

庶,衆也。

庶而不富,則民生不遂,故制田里、薄賦斂持有曰:「既庶矣,又何加焉?」曰:「富之。」

以富之。

曰:「既 義以 司 富而不教,則近於禽嘼,故必立學校、 牧 教之。 ,而寄以三事 富矣,又何加 胡氏 0 焉 曰:「天生斯 ? 旦 然自三代之後, :「教之。」 民,立之 能 明禮

行於上,言行政事 唐太宗大 亦 此 而 師 未 云 職 知 者 重 庶 所 一傅 目 百 以 召名 臨 無 富 教 矣。 一二。漢之文、明,唐之太宗, | 廱拜老,宗戚子弟莫不 也。 儒 增增 西京之教 皆可師 三代之教,天子公卿躬 廣生員,教亦至矣,然 法。 聞 彼二君者 焉。 受學。 明 帝

然乎?」

也。 訓義 詭於 則存乎規量之大,經理之密,於子與 III 一,僕,是 權 盡 故聖人亦但持大綱以立論,而 聖賢之言治,皆易知而易行。 夫 衞 矣哉 子見 徙 謀 其 見 馬。 而 以 理,行之而 其藝足從 來, 衞 苟安者且 或 子適衞 民之比 無 有 兵 戎災 政 不 有可 屋 M 將 底 ,而可奉行治法者 我 連 於成 **告之害**,天假以 有 爲之資 井 施 意 治,幸之也。 间 於用 則 居 好 爲之者 然知之 而 世 衞 冉 異 坐 也。 歎 有 者 廢

難者。 言 可 加 冉 富, 者。 富, 以 治。 於求民之疾苦而制其生聚,有不可一 及於富之之權 不 在民,而 子固有一大全之局在 性,調燮之,安輯之,以成 上,行之於下,取 富 以 illi) 富者, 所以教者,民不一 有 初無 而 而 不 道至備,而皆富之之事 也。 問 加之者當不徒富 夫子 町 教 冉有問 日 失此 加之者在上 一成之法,使之各得其 民不一, 也。 富之焉 既既 之以 時乎 教之 富 日 在 矣, 耳。 ,既庶矣,又何 斯 治庶者,必 上,則自清 ? M 焉 庶 **而** 或可 又何 也。 耳。 夫日 於意 民 斯 也。 或 大 時 使 加 乎 子曰,庶 中, 夫 富 共 可 也,凡夫修之於 也。 富, 不 子 焉 心 之,而 王者之民,夫 之情,不一之 以 E 而舉行之無 自 寡欲 教 ? 加焉? 或不 所。 庶不可 富 或或 富 富 不 不 ௱ 矣 詞 可 既 以 П 丽 丽 不 言 止 不 不 伸 以 里 庶 至 口 不 可 所

畢者。 説 得衞 之庶 也 夫子之運量。 化存神,自有其不測之妙。 以 人之言,精 至於因民之好尚 念及於教之之責在上,則自正躬率物 修 而 教,初無 理 而 一人夫子之目 吟庠序者 無 用之,亦不 道至大,而皆教之之事也。 窮。 意 一定之制,使之各正其 寓 俗儒之虚文, 豈足尚哉? 不然,則 道至約也 於大綱之中,言治者不 面 過富與教之兩 曲 中,而富之教之,全 爲裁成,有 課耕桑者富彊之邪 而用至大,事易 乃斯 不 端, 時 使夫 可, 習。 也 面 以以 可 舉 於 聖 民 過 詞 子 加

成。」棋,寫作青,譌。 青即期字。子曰:「苟有用我者,稘月而已可也,三季有

不深體也。

稘月 紀布 孔子歎當時 也。 周一 有 成,治 歲之月也。 莫 能用己也,故云然。」愚按 功 成 也 可者, 僅辭, # 氏 言 日 綱

《史記》,此蓋爲衞靈公不能用而發。

爲之漸 之規模 吾於稘 知 我 矣。 可自 爲也 不 加 天下,我無 訓義夫子之道,可 在道,而皆三秊之所定也。 下不知也。 馬 我 (或因或革,隨之而行,已可成乎吾所 而 二季 了,吾道、 計 順 自 矣。 而 月之中, 也。 也。 信 而 成 者 亦非有難行 所容心焉。 用我 馬,不 不得已 後,守之者在 用而 凡 也。 吾之所以治者,其 因 至於三季,三季之中,吾 丽 用 憂天之我違,不患人之 以興王道於衰世,而 其 而 使我 不 國 自言日 者也。 用,天 丽 因 爲之,爲之稘 人,神 所以 其 此吾 ,天下之猶 民,因 F 用不用聽之 磨天下者, 之觀 而 也 有 明 其 吾 之者 成 世 月 政 天 何 觀 必 口

矣。」誠 子 日 0 哉是言也 善 人 爲 邦 百 季, 亦 可 以 勝 殘 去

殺

如是。 民醇厚 止此。」 氏 爲 日 邦 . ; 使不 程 用 百季,言 幾 若 子 刑 勝殘 夫聖人, 日 殺 爲 致 也。 去 悪 刑 相 殺 漢 也 措 繼 蓋 庶野 自 則 III 不爲 古 去 不待 高 久 殺 有 也 惡 其 惠至 謂 是 百季,其化 丽 近之矣。」 言 勝殘,化 已 民 於 化於善 文、景, 而 善人之功 夫 子 亦 殘 不 尹 黎 偁 从 可

思善人 之,殘 處 良 志 以 有 善人乎 於 親 也 繼之,不 下, 鍾於 聖人久於 加 終不 而 相 乃 未 目 偁 爲 能 必 人,善· 可 古 擊 賊 爲 勝 百 語云,善人爲 其 語 夫 害 季 邦 也 民 道 日,上 人不 弗 也。 也。 之 而 今思 能 多 天 易得 爲之百 禁 失其 暴 下 善 古 焉 而 化 邦百 也 人 語 道, 君 成 mi 季, 爲 之尚刑,乃 季。 得之 而 以 夫子之所 民之安 之, 刑 而 庶 性 善 幾 殺 丽 m 忽 X 之 無 其 威 或

子

Ė

如

有

E

者

必必

世

IIII

後

於治 難言 斯 之道 慈和,自 以 無 矣,殘其 之衰已甚 生之志。 m 一人好生之 言 殺 成 成、天 之者。 亂 也 之 廱 熙 心 何自 不踐 期 不 也 非 能争 其 下 而 丽 但 加 前 (效於久遠, 戢 争嚮 亦 殘 善 鳴 心, 以 而 可 喻 王之道 者 人 嘑 實思 殺 以 之積 善 與 、之力 之 亦 勝 舉 焉, 風 何 之, 殘 善人且 法,而 世 虐之俗, 止 序 衰 雖 由 去 一於此 相 其 誠 止 不 止乎 殺 戕 績於 哉 孤 미 不 矣 之俗 則 是 以 ? 行 得 而 IIII 小 可 言 興 實 慰 善 而 康, 去 意之 禮 其 見 111 相 也 也 本 樂 之 道 並 争 且

問 世。 武 E 一者,謂 至 仁,謂 於 一一季 成王 **季**、 聖 教化 有 人受 必 而 成, 世 後 浹 一,遲 禮樂 命 謂 也 m 法 速 興,即 興 度 不 程 也。 紀 同 子 綱 其 日 何 三十 有 效 也 成 周 也。 ? 秊 而 自文、 化 程 子 或

淪 也 於骨 久 何以 漸 髇 民 能 以 而禮 致。」 仁,摩民 樂 可 以 興 義 所 使 謂 之浹 也 於 肌 此 膚, 非

者撥 此必 仁,則 世之久化成焉,然 信孚之,止戈省刑 司 殊治也,天子 相 之道未合,而治不足以久長。 人無異意也。 而 而 知 京泉樂 夫子 其亂反之正,以仁育之,以義感之,以 重 王者之興乎,而猶未易言也。 化,各安其土,而 天地 爲斯民 Ė 相 生人之理,大君合 ,治至於仁 與 感之 望,能 故大禮行焉,大樂興焉 庶 後 謂 人無二心也,君子 生理 可 勿慨然乎 也。 4 得 <u>·</u> 而 裕而告災 相愛, 豈易言哉 而 極 王畿 致 矣。 四 也 仁者, 與 海 然 侯、 不作 如 於 遐 不 有 與 疴 思 甸 至 ", 和 心  $\pm$ 干 野 無 蛘 於 ? 政。」 其

子 IE 其身, Ė 荷 如 正 Œ 其 人何?」 身矣,於從政乎何有? 不 能

> 冉子 我以 以 政,則 訓義 政者所以 欲 不能 以 我尤,下不敢慢,而於從政 言必法言,行必善行,而正 下 之君民上下哉? 慆淫 退 以 IE. 正有司,守法以 禮 正 而 夫 朝 正其身也,以私而背公,以 規 人, 敖慢而自恣,則争於廷,令於野, 道 子 諫 而 尸 無 示 子 糾我以法,將如之何? 以 反顧 位而無能 不 從 日 Œ ·行,功 政 : 吾君 己躬 苟行不營私,志不崇欲 者 Œ 何 靖 以 先 無 百 爲,有以 晏 政 一姓,皆 不 共 也 自 本 立。 乎 其身矣,則上 以 媿 日 何 正 哉 矣。 其任也。 對 雖 利 有 同 士 然,豈 列, 日 而 出 今之從 棄義 將 修 如 而 有 繩 m 其 不 求 F 從 職

冉 一,晚 有 時 也 爲 政 季 或 氏 幸。 政 朝 事 家 季 事。 氏 之 以 私 用 朝

與

聞之。」朝,直

遥

切。

與、去聲

子曰:

其

事

也

如

有

政

雖

不

吾

以

之對 既不聞,則是非 政 季氏 不 公朝,而 、我嘗爲大夫,雖不見用,猶當 知 大夫 略 者 專 相 而言,此 魯 獨與家臣謀於私室者。 雖 似 其 不 於國 其 治 國 必季氏之家 事 所 政 政, 7,猶 以正 也。 蓋 得 語 名分, 有 與 意 事 不 聞 與 與 耳 國 抑 同 魏徵獻 與 故夫子 政 季氏 若是 聞 列 議 是 爲 國 而 陵 今 於 時

教冉 食之 所 訓義 且 言之曰,家之所 久矣,始而 名而不忌,而大 m 竊之已久,則並 習 常 竊之非,必先急奪其名。 朝 時 有之意深矣。 而 上下之亂也,先竊 也,子問之曰: 不知其非。 有 度,故異之。 以 或 亂 其 謀 之政爲己之事 遂 名 者 其 不 而 政 朝 可解。 其 竊之。 也。 冉 何 於季氏 實, 有 晏 魯之政在季氏 冉子仕於季, 則 忧 而猶 君子 至於 既既 對 ?.」家 而 退,非早 存其名。 日 欲 而 並 遂 事 Ī 竊 簡 有 其 昌 其

> 必先 家臣 者其 陪臣 言之而不用乎,而必使吾與聞之。是以 果 政 公私之名,一言而 大政,而夫子若爲 子之所與謀者事而 命 公廷,而不當謀於私 之政,冉子亦以 治,冉子之所議,實魯會盟征 焉,告老之大夫亦 爲 心明言 政 正其名之大義也 而言政者也 與聞之,而不以勤君 季氏之私事乎? 乎 ,則君 或 政 之在 實言之, 有 大法昭 不知。 外 已矣,未 夫冉 私 室。 與馬。 朝 門矣。 事 内 子所 ,故謀之於 而不知其 焉。 與國人也。 夫子曰 以 朝之典,百官 有 昭 今吾老矣, 伐、 議 季氏 夫 此 或 非 欲 明 頒 季 一典,以 (當聽 氏 Ī 爲 之門 教 室, 也 魯之 如其 之所 其 治 實 正 聚 知 雖 聽 唯 意 於 民

曰:「言不可以若是其幾也。 定公問:「一言而可以興邦,有諸?」孔子對

幾,期也。《詩》曰:「如幾如式。」言一言

之閒,未可以如此而必期其效。

「人之言曰:『爲君難、爲臣不易。』

當時有此言也。

如知爲君之難也,不幾乎一言 不及臣 贵 大 深 不 |此言 履 口 薄 也 以 m 而 必 知爲君之難, 無 期 於 事之敢 興 邦 乎? 則 忽。 必 爲 戰 圃 然 戦兢 定 則 興邦乎?」 公言, 此 言 兢 臨 也 故

音洛 君 미 曰 唯 以若 其言 是其 言而 而 幾 喪 莫予 也。 邦,有諸?」孔 建也。」喪,讀去聲,下 人之言 日 子 對 子 日 無樂乎爲 同 一言 不

莫之違 如其善而 言他 范 氏 也,不 日 無所樂,惟樂此 --莫之違 幾 如 平 不 善 也,不亦 言 而 耳。 而 莫之違,則 喪邦 善 乎 乎?」 ? 忠 如 言 不 不 善 至 面

於耳

君

H

驕

m

臣

日

諂,

未

有不

喪邦

者

也。 知之? 於 以持之。 至矣。 此。 謝 然 邦未 唯 氏 此 其 日 非 必 言 : 遽 而 識 知 莫 興 微 爲 子 喪 之 君之難 也 違 君 而 則 子, 興 讓 則 喪 諂 何 必 之 面 足 源 敬 諛 以 分 之 謹

人之口 足 則 説 乎? 訓義天下安有 守此一言, 必博稽兼聽,以 喪言之,帝王之謨 之情,庸人便安而樂聽之者也 此邪説之以誣 定公問 采, 之難 但 專 芻蕘不屑詢, 此 給,皆 聽 也 無 此 他,惟 言 以 子 爲 而 所 言 日 \_\_\_\_ 人,託於易簡 傳 明 知 可 以 言 言 許,賢人君子 丽 心 以 詧 治 將 治 丽 理。 古 之秘,遂 興 屏 m 萬 爲 盡 訓 邦 斥 可 易 幾之各 得 以以 邪 以 不 致, 有 失 若 諸 説 必 免陷 之 미 而 ൬ 學, 之無 之箴 是 有其理者 弗 启 理 憚 以 期 諫 邦 者 博 籍 然 溺 其 方,佞 必之, 規 静不 他 則 之 驕 乎 詢 詳 胆 皆 惰 求 但 而

,惟欲自一言之外, 喪邦有諸」。 盈廷之唯 猶恐其有遺 可以若 獲,問 則不幾乎以 不必 미 惟 以 以以 丽 惟 而 興 是 焉 拒 已 諾 然則 是 可 可 人 吾 邦 明 有 非 期 之言 淫 任 乎 見 不 所 夫 悪悪 矣 ? 任 詞 必 意 欲 但 難 易 君 樂,而 樂,可 變於 約 善 臣 皆 丽 乎 讒 足 以之爲樂,樂矣,樂 之害有在是者。 之違,憂危之詞 1 者 卹 咈 不 而 如 可 上而 不及, ,感亂人心,君子之所深惡 以 敢信一言爲居要。 不見,後 夫知 也,樂同善 皆 則不幾乎自信爲不可違, 非幾之戒, 喪 可 以 邦, 其 聞 違 爲不足畏,人怨於下而 難 過 也。 有 圃 如 也 莫 不 賊 也。 其言 無 不 是以 陳,敗亡之至不知, 僅 而 則 同 足。 方 不 其言不 善, 知 昏 而 知 言之足戒,則 知,其必至 興邦之理不一 也。 知凡言之不 而 圃 興 可 將 持片言以 知 憂者,大 善而 信斯言也 順 喪之主 也 相 之以

於

喪

邦

戒

以

莫

前

有

以

爲

不

天

之言

生難

之心

而

學

焉

有

無所

不

戒

而

猶恐其

有

惑。

遵

此

言

也

無所

不諮

圃

也

信

爲

得

൬

已失

矣,執

爲

是

之無往

加

不

見難

也,臣

之無

往

執

端

以

唐之,

而

奚

미

哉

?

日

君

難

,爲臣

一不易。

斯言

也

導

諛

之爲

以

杰

事

理

III

達

人情。

其

尚

可

子 葉公問政。 日 近者説 音義並見第七篇 · 遠 者 來。

之,則

但

勿

聽

此

言,

而

邪

説

不必放,佞

人

不

必遠

將將

而

人莫違也。

子曰,言

而

之言

日

子

無

樂

平

爲

君

惟

子

言

而

莫

子

違

其

〈咎,但

無

觸

其

所忌

m

奚可哉?

惟是

人

也

斯言

也

雖

未

足

爲

喪邦之語

而

煛

邦

爲乎?

此

無

他

戒

此

言,

以

爲

免咎之道

遂

公又問了一言

m

미

以

被 其 澤 則 説 聞 其 風 則 來, 然 必 近 而

善者

術,

無

口

聽

爲

君

旰

後遠者來也。

説其得 政之得 實有 及 以 意 所 亦 口 加 之安,則 中,政所 望之如望歲 訓義葉公爲 m 而 知 相 致其 爲, 反求之爲 加 ,則遠者也。 以 民 也 歱 則 後 乃未嘗不有歸 政 之德 説 得 以 失,觀其 易 人仰之矣。 且 無 然則 者 也, 至, 民 及,則 觀 以 政者 可 盡 其 楚執政,當白 也 而得政之後,日 日 望 知己。 慰 非愛物之心 平 一故問 荷聞· 爲 以 而 其望,則 民 而 休 近 來焉, 民 不 而 養之仁,亦何 乃 者 來。 有善政 政。 心 附之心 在 可 也 始未嘗 所 四 知 則所 且 推 公勝之亂, 根於惻怛之性 有 封 而 也。 苟 拂 夫 樂郊,則 久 來 之外 以 異 以 不有 而實 矣,而 然 子告之日 説 而 在都 致 於俗吏之 能 觀 政 而 焉 爾哉? 其來者 無 欣 不説 政 邑之 人 願之 非 或 以 所 則 人 與 望 未 所 能

讀如甫。小利。欲速則不達,見小利則大事不成。」父,小利。欲速則不達,見小利則大事不成。」父,子夏爲莒父宰,問政。子曰:「無欲速,無見

莒父,魯邑名。 事告之。」 曰 : 而 未仁,子夏之病常在 所失者大矣。 曰:『無欲 反不達。見小者之爲利 『居之無倦,行之以忠。』子 速,無見小利。」子張 欲事之速成, 程 子 近小, · 曰 : 子 故各以 則 則急 所 張 夏問 常過 就 間 者 遽 切 政,子 政 高高 2 無 小 子子 之 序 m 而

或革 有急 無問 之有餘 訓義莒父,小邑也。 待 之規模爲之,則 舉、民方望 ·敝政 於見 大小, 矣。 m 功 政 乃其 過激焉,不可也。 之意 治, 無 問 也。 ,則或 問 不可 繁簡,其 政, 子夏以 以 因 而 承衰敝之後,政 不 俗俗 夫子告之日 必以 速圖 謹守之才, 習 從容以 面 之也。 帝王 姑 飾 待其 遠 大 爲 方 品 而

於

小

康

乎?

大

事

矣。

故

無

欲

速

無

知其 之心 之便 也 爲 1,殉世 有所不屑爲,吾自有弘遠 而 而有見 ,或益於國,或 爲之,豈 主課 利 功之法,不 必 而 在 從之心,則 濟於民, 旦夕之閒乎? 미 之猷 也。 無 順 小 愚 矣。 通 民 大 計 荷 而 因 勿 安 皆 丽

利

時

口

始。 焉 此 則 事勢已定,民心已然,法 事 所以 速 成, 就此 愐 事 口 之終者, 繼 治 其 乃 他 制已 以 也。 礙 成 苟 他 平 欲 事 偏 之 速

重,

則通之於他而

不能行者多矣。

民情

不

於此 其條 無 國 往 不利 者 理乎? 事不 局 也 量 · 而 不達矣。 荷見 不 抑 復 能 小 有常變之異,而 利馬 推 勿日積 之 於彼 則物 小致 力已畢 上志 미 大, 遽 己 用 而 得

猷 乃 得,己望已厭 有 而莫能 得 而 更圖 況 報 關 矣。 於 政 不成 志 損之乃以益 己藉以告成,則 氣 之 廣 溢 而 之, 口 失 雖 自 也 有 限 大 而

> 模爲之,君子 且之敝。 見 小 利, 乃以 故 酌民 所以異 邑雖 心, 小,必以 於俗吏之所爲 周 或 計 帝 Ŧ 而 遠 報 也 大 政 之規 無 荷

葉公語孔子曰: 吾黨有直 一躬者,其父攘羊

而子證之。」證 諸 唐切

孔子曰 直 一躬,直身而 :「吾黨之直 行者。 一者異 有 因 、於是。 父爲子 攘

间

盗

日

子爲父隱,直在其中矣。」

瞍殺. 時, 直 計哉?」 父不爲子隱,子不爲父隱,於理 父子相 一,而直 愛 人,舜竊 親 隱,天理人情之至 在 之 其 心 中。 父 勝 丽 逃 其 謝 遵 氏 於 海 日 直 也。 濱 不 而 順邪 順 故 直 處 理 不 爲 何 當 求 直 暇 是 瞽 爲

訓義 禮 不任 義 其 凡一 之邦,先王之風 情 德之 之所 成, 流 與 皆 氣 教 必 之 陶 順 所 鎔 乎 激 其 性 之所 氣 惟 中 安, 或 而 + 爲 而

平。 之言 之不 也 北 且 言者 挺 以 能 成 大 性 吾黨之士, 義 君 及矣。 ? 身自信 乎 一中至 方之君子, 虚 以 自 必 子 枉, 非 以 也 直 名 詭 然 以 調 於 子曰 求 理 其 之 學 者,皆非 好 異 和 證,天下豈復有足 丽 而 異 情、 之道 御 而 楚俗尚 術 奇 不經之行,且自旌異以爲人所不 理 一,此 不 遂 直 於詭 無 情 行,遂 正 平其 其 尚 好文而尚達,其 則 躬 所 M 所以 其 者知 性 曲 直 雖 氣 情 曲 性 激之行,但以 而 氣 之固 也。 以 偏 自 五 情 亦不 爲 而 之真 有 得 其父攘羊, 則 方 故 子 然者 人說 任情之一往。 加 以 一德者, 黨 雖 風氣之變,未有 矜 八則 人 吾黨 有 撓 直。 之直 心 咸 孔 則 能 其 證 因 調 有 子曰 有 德之長,而 衆 有 情 其 之 亦 其 也 氣 此 以 直 有 然 必 以 者 確 難於直 不 喻 Imi 1,天下 一躬者, 然之 爲 若 者 乎? 是 葉公 氣 礙 其 首 非 夫 否 父 禮 自 於 天

罪,子 乎 士, 其爲 法在 也, 理, 之黨焉 風 不 則 之,義以 全其大不忍之情,以反之幽 先,特不濟惡文姦 深隱之。 。 氣 隱也, 也 無 雖 逞一時之氣,如子黨者乎? 丽 圃 直 殊 國家,公論在 可 因 不 異 一德之偏長,而 也,即隱 而教化異,子亦以吾黨之道,正 可 如 八於子黨 從 自 裁之,不 而 父有 矣。 何 剄 而 無 之勢, 所用其 致 加 過 ^ 而 詰 死 之直 傳 也,子 期 在 天 以  $\Rightarrow$ 楚之所以 然 个,而 記 焉 有 低 則 求 躬 不失其性之善者也 而 幾 則隱 口 此 逞於 抑 矣。 自 諫 而 證 鬱 究亦 然。 何 獨 教 人亦 之。 父 後。 不 子 爲 至任 誨 而 者,其父 伸 有 未嘗 夷而 凡 無媿。 自然 信 以 之情 若然者。 過 禮 吾 善之於 其必 一端之 枉 也 黨 以 不 不 成成 也 抵 之 隱 執 可 父

樊遲問仁。子曰:「居處恭,執事敬,與人

忠。 雖之 夷 狄 不 可 棄也

之夷 子曰 最先,『先難』次之,『愛人』其最 天下平矣。」胡氏曰:「樊遲問 也,充之則 : (狄不可棄,勉其固 容 切敬 此 是 睟 主事。 徹 面 上徹 一盎背, 恭 下 見乎外, 推而達之則篤 語 守 IIII 聖人 勿 仁 失 敬主 後乎? 初 者三 也 無 平 恭 中。 此 語 丽

之所 訓義 也。 所以 忘於 告之曰,仁者,此心之合於理,而此理之不 人未感之際,而此 在人,而 心 ,必守之以 **譍乎事者** 無痿痹之 周 心 静不徒静,而 樊遲問 者 流 所以通乎人者即其 而 也。 自 所 莊 喻 即其心。 當 以爲仁之方於夫子,而夫子 處 肅 其 心之與百骸五官相貫 ,使吾身 身之視聽 故方居 及執 與 事 當其與 接 事 處 無怠 也, 心。 則 動 也,此静者 履, 與 心 當其 人交,則 忘之機 在 人 即 也,則 事 事 其 即即 通 幾 心 與 心 m

子

士矣。」 行己有 謀措置 贛 哉? 然,而 之外, 非安處 動 之要,切 也。 在家 酢款 安,而仁豈有不孰者哉? 之執之者一也,人非其 之密,而 問 者 曲 猶 日 若棄之,棄吾身,棄吾 幾 循循 所歷 而 恥, -: III 者, 者 是 也。 心以深 而 心 吾之居之者一也,事非常事 也 心盡 必將之以謹 可 以爲之,勉勉 何 之境常 即 使 在 動不 求,聖人之論 如 於 流 邦 乎事之理。 之以忱 斯 通 - 妄動, 四方,不辱君命, 猶是也,雖之夷狄乎 變不一,又豈有二 可謂 於 人而吾之與之者 悃 恪 而 八之中。 之士矣?」子曰 以 使 心 嗚 仁、於斯 心之與 使 守之,漸 心 之執 嘑 人不 事 矣, ! 動 乎事 用 至矣。 静 此存 而 處 夫 可謂 濟 哉 皆 其 奚 m 於 ,,居 必 酬 吾 吾 規 心 而 口 :

此其 (志有所不爲,而 其材足以有爲者也

五 八七

子贛能 言,故以使事告之。 蓋 爲 使之難

不獨貴於能言 「敢問 其 而 己。

弟焉。」 日: 次。」曰:「宗族 稱孝焉, 鄉 黨稱

然小 曰:「敢問其次。」曰:「言必信,行必果,硜 其識量之淺狹也。 果,必行也。 硜,小石之堅確者。小人,言 此本立而材不足者,故爲其次。 亦不害其爲自守也,故聖人猶有 人哉 抑亦可 以爲次矣。」徑,口莖切 此其本末皆無足觀 取 然 下 極

之人,何足算也!」質,所交切,本作籍。 曰:「今之從政者何如?」子曰: 此 '則市井之人,不復可爲士矣。 噫! 算,蘇 管切 斗筲

平聲。 二升。 今之從政者,蓋 斗,量名,容十升。 斗筲之人,言鄙細 如 魯三家之屬。 筲,竹器,容斗 也。 算,數也。 噫, 心 不

> 者。 子贛之問每下,故夫子以是警之。 曰:「子贛之意、蓋欲爲皎皎之行,聞 夫子告之,皆篤實自得之事。 而所尤切者,莫大於無可 毀敗,雖大倫 恥 自 廉 可辱 恥

行焉 虧損 之名,不屑受之實,有不 舍,爲有 曰,夫士有 謂爲可,乃欲審其貞 之取舍,必嚴之於此。 道喪而利禄重,於是乎士行 屈之氣,則使君用之而行於朝廷,受命以 素志行之,而即成乎己之得失者也。誠 之士矣,其亦以天下之謂 之志節,以卓然自拔於流俗之中。 其實也。 訓義士之所以爲士者,孝弟其本也,言 伸 沈虚 ·其志 所必 詐無實,而猶自命爲士。 所行於天下,爲 心,辨其 爲、爲有所不 方,充其 邪得失之實乎? 子贛問 可 士 枉 爲, 出 類,有 者衆, 之志 爲 無非 何 處、爲 如 有 故聖人 不 以 ൬ 斯 皆 忍居 不能 己之 取 可 子 使 自 謂

爲

於父兄 恕,鄉 不爲者 天良 其人 於彝 此一 持。 待言矣。 貴於天 萬行,而 即 責 于 而 也 而 人 其 也 有 一,彊 而 倫 其 或 行 黨 刻責 久矣。 於天 長,一 ,則必 下,而不虚 恥之心達於 有 可 心 於 情 乃 敢問 大無 典 子贛以爲 於言 自 不 鄰 遷 以 而 也 性 昧, 喪乎? 國。 不 於 無以 其 服 節 所 王 士之次 於行, 詭 利 次。 其 之未 而 折 以之爲 於言 禄, 君 弟 自容,宗族乃以信其孝。 有 難 其 天 利 以 章 之 乎其 子 孝于 謹 名 丽 也。 愛衰於妻子,其 志 下 賴 行 雖 E, 也 所 子爲 矣。 不肯習 節 而 不 即 者也。 未 命, 全之者也 而 斯 求 禮 1 無 能 慙 推 親 弟 斯 即 + 天 所 誘。 有 即 皇 此 幾微 下 爲 也 次 士也,名 喪 守也,信 己之所 而 子 而 心 2、士乃 水水 虚 于此, ,而未見 若此 贛 不 不 以 僞 能 之未 忍 恥 達 敢 猶 無 問 教 以 自 以 於 自 不 玷 忝 mi 而 則 有 乎 以 推 以 性 與 言及 而 自 意 擇

恒

行

重

弟

順

其次。 當世 恥。 大業 族黨,不能求 發,不始諾 爲 以 ? 功 處 孤 行 決 情 貞 此 行,不 其 自居 ,閨門之行不修,而機 不使之在位 次 也 行 而 淫 士之榮名,而士之本猶 亦 夫 矣。 子 而 於天下而擇之於身,未 守之以 或 子 或不 所 不辱, 一日,士 猶 雖 見,名 艴 不 試 而 子贛以 然, 足以 免其 然 能 後 爲 士乎 氣。 日 其 而人亦不能辱之。 曲 更次于此, 不 面 亦 譏 利 恥 全 必 又 若 爲 噫 或 非 見,小人哉 有言焉 也 然。 夫 姑 今之從 此 成 此 者有矣。 小, 大 E 硜 所 言 恥 有 將 變之 一硜者 圃 則 謂 未 必必 土 者 若 行 政 不 要不 或 斗 而 能 泯 1焉,必 多 此 術 者 有 可 由 當世 硜硜 非 筲之人而 及 守 也 矣, 者, 不 以以 其 謂 抑 昧 衷 此 君 縣 人, 其 之士 通 亦 子之 然 施 達 竭 而 則 未能 且 平 所 之 力 後 方 面 之 於 미

教之,

然既

不

可

得

而

徒

得

謹厚之人,

爲有餘 行 原 内 之利 也 使 雖 已 重於孝弟。 辱之本。 夫子惡惡之嚴,於此見之。 無 取 矣。 ,無他,義利 筲之利也。 m 也。 土 得 精 行 罪 多, ,皆此類爲之,何足算哉? ,少之而 志 邀饔 有言 所存 於父兄,見笑於族黨, 救衰世之人心,莫切於此,故 用 乃利 餼 物 加 謀 天下習以 而 不 燕 自之榮,一斗一筲之欲 弘 已矣。 重而恩輕,親可 不 所營, 見 踐,有行而 一 斗 一 爲不足,恥 義者恥之真 成風,多之而 斗 筲 而推其貴 之積 不決, 筲之計 心蕩 忘而 斗 也 嗚 賤 於 利 不 嘘 而 也 斗 筲 莫 者 之 見 奉 1 海

未 道 取 何 「不得 及而 7,狷者 有 也。 守有 狂 有 中 故 行而 者 E 所 餘 不爲也。」狷,古 志 人 與之,必 極 蓋 不 高 聖 可 而 人 以 也 行 本 無 狂 不 ·欲得 恥 机切。 狷 掩 平 中道之 狷 者 狂 其 推 以 狂 則 而

所謂 思其 狷也 日 又不可得,欲得 古之人!』夷攷其 書》、禮、樂之精 志 進 狷 未 許 「孔子豈不欲中道哉? 次也。 於道 之人 日 聖人樂與天下共進於道, 必 ,是又其 狂 所取,有所棄。 ,天下之流 其所取者 能 也 自 猶 非 信 其 如琴張、曾皙、牧皮者,孔子之 振 次 與 口 志嘐嘐然,曰:『古之人 拔 也 其 示 因 世教 流流 意 而 終於 行 屑 其志 俗成乎習尚, 不 有爲 而 俗之所疑 不 其所棄者 傳, 衰, 此 不掩焉者也。 潔之士 節 也。 民 面 而 明 不興行 已 面 不可必得 激 故 忌。 體 也 而與之,是 流 丽 不若 而 厲 達 俗 其 君 裁 用 故 子之 得 詩 抑 之大 自 之 施 狂 孟 所 故 之 此 明 教 子

也,有 訓義 儒不易見。 取舍必在性 吾將 孰 與 哉 鄉 或 而

者進

知

行

子曰

於通 以 高 不屑 於事 與其志 似中 吾與之,引斯人以不自陷溺之志,則 以 何也 其心,共異其行者,人所 也? 三代且 孤立之中,違 諒之,斷 有 ,行乃決焉,所不爲者生死不以易,而況 流 .明廣大之藏,尚有遇之者也。天下之所 不可至,而退 所與,天下因而共與之,以思其人,何其 外,所 -行也? 也。 於 ? 人權 吾 靡 不 天 不 而 然與之而 弱者 欲,而 行所不逮,志必取焉,進 變之説,狷者不安也。 下之所 與 不厭 相 八焉, 必 俗表 與 何其驅天下以不得與於 殉 遊 處於今世是非之中,狂 也。 況 以 私 乎高遠之域,咏歌 異以 流 無疑 焉。 利以 陷於卑下者,讓 與其行,而 俗之小 不與,而我以 獲心,所不輕 也 則天下所爲 遂其欲 則 功 狂狷 小 相 前 心之所 名 而 與信於 是已。 中行 假 性 上 古 性 共 乎 蕭 也 託 中 ? 取 者 人 散 情 疑 巫醫。」善夫! 夫,音扶

俟之。 義利 舉世之好惡,而與中行不相似 徒引爲志同道合之侣? 尚 於此焉。若狂者以篤行充其志,狷者 理之存亡,人心之直罔,吾道之興衰,則 何置之名教之外,而無實之志、不合之行 疑焉,以爲有赫赫之名,有 有不昧清夜之心, 流俗之幸成苟免者乎? 有 在 其 焉者也。 用,而克遂吾中 吾所 則情· 心 中 與 行之望,則 或且疑其不協於 好 吾與之,明斯人 者 可嘉可愛之實。 善惡惡之真, 在 也。 此 ,而世或 然而 惟 以 精 天 日

子曰:「南人有言曰:『人而無恒,不可以作

「不恒其德,或承之羞。」以無常。孔子偁其言而善之。鬼神,醫所以寄生死,故雖賤役,而尤不可鬼神,醫所以寄生死,故雖賤役,而尤不可南人,南國之人。恒,常久也。巫所以交

此《易》恒卦九三爻辭。承,進也。

子 楊氏 矣。」意亦 常之取羞矣。 復加「子曰」,以别《易》文也, 「不占而已矣。」 「君 略通 子於《易》苟 其 爲 無常也 玩其 一、蓋亦不 其 占 義 占 則 未 而 知 詳 無

焉,不 定志 於僞 情,術之不工,人且棄之矣。 斯言 心哉 者,皆其 僞 示人日,南 事 不 可 可 夫人之心,惟 口 而 恒 以詭遇,不得之於此,則得之於彼 作 能 蓋 也 凡 恒 前 人 有 作 心 無 "恒者· 亡 恒者亦 恒 輟 有 mi 鬼 矣。 神 言 者 有 m 也。 誠 生於好 無 成 無 曰,人之倏 不足以 爲 雖然,豈果盡 以 專 行於天 故夫子 可 業 相 恒 者 作 信,生死 僞。 9 之心 ൬ 此 即 於 下 僞 天下 以 倏 此 加 ),意謂 也,不 必 亡於 作 彼 指 免 無 任 之 Ħ 枞 於 面 恒 亦 其 以 人 天 醫 辱 趨 無

已矣。 情可 之短 也,《 其 也。 己, 他日 A. 有效也。 也 事 又難 之未效,見 又變矣。 而 則 理之 何 無恒之害,不但爲之無成 不 剛躁 易》有明 以 贊《易》而及恒之九三,其 則 知 來, 則恥辱之至,本其 何 而 蓋不恒者生於求榮之見,謂天 其 巧 粗。 不 丽 如 愈 變計以從之。 終身逐 或 聞 守 此 知 承之 志在外,自見爲德 趨 無 其 戒, 南人之言,其 我 於難 其 事之難, 所 (好有爲 之 不 適 羞 而 就 逐而 矣。 所 測 以 特 ,必矣。 也 知 吾 召 不 遽悔 皆 終身 也, 所自取 之 及我之變, 辱 所 玩 方 與物 其占, 藏 能 也 有 乃 尚 而 而 夫 役役,而 所 以 效 情 則 知 而 改 象 己 子 作, 莫 所 其 不 之。 相 而 則 四 彻 Fi 爲 能 特 無 德 戒 谏 左 而 貽 動 見 方鋭, 下之 皆 所 斯 能 摘 不 夫子 天 不 乎 羞 而 而 天 言 爲 改 下 測 爲 下 恒 IIII 不 心

子

Ė

君子

和

而

不

同

小人

同

而

不

和

和

乖

戾

之心。

同

者,

有

阳

比之意。

習俗 共此一 之,其 於此 良,自 即 見德 乃 何 絶之於治比之時,非 也 非 而 丽 引則 欲 以 以 果 誣 人 求 爲 召 如 知 顛 而 忧 知者素志。 尚 疑 他日 身則 其 倒 生? 人 成 辱 m 亦 其 知 有 之 半 之中,不 也 而 不 與 之爲 爲 所懲乎? 心 塗之必 共 所 無 任 人 豈 則 僞。 無 敗 此 料 甚 咎 但 何 方未有 ( ) 求 志 心。 矣, 亦 也? 治 計 荷 如 己 廢 哀乎? 無 有 榮 成 循 妄 而 姗笑之於鋭 而 也 嗚 始 而 敗 此 也。 果 我之可 一,則 誠 人 窮 昨 嘘 心, 如其 無 免 與 知 取《易》象 矣。 日 料 其以 卒 辱 榮 其 何 之言已出 其 道 人之生也 爲 所 辱 去 以 以 不 無 哉? 求 疑 進之日 可 昧 我 狂 亦 爲 成。 矣,拒 致 築 人 者 馳 必 而 如 不,不 也 ? 於 天 於 占 出 驚 已 而

> 尚 利 尹 安安 氏 日 得 -而 和? 君子尚 義, 故 有 不 同 小人

異, 坦然共 見矣。 危 爲 者 論 其 君 訓義 行 各欲行 之所殊 獨 也 一不同 之志 承順 也 而 者 和平之度也。 行己志,不 子 而 不不 也 夫子 聚 小 陰 也。 適,和 君 而 人 其 謀 同 和 圖 也。 子 情 也 事 E 不逞, 所是,非 焉 也 以 故君子 以 志異,於此 無 即 相 同 也。 而 事功之 義 所 以 E, 即 傾,則有 而 不 同 小人以利 權 争 爲 若夫 時 幸 ·· 必 一 已,未嘗挾 興 也。 ',情 尚, 非 相 託 所 而 而 能 坿 而君子小人之大 所 坿 與 析 無 集 唱 養天下 乃 含忌 篤 於 以 小 事 與 所 面 其 爲 衆 愛敬 君子 共事 黨 人共 理 猜 議 趨 挾 和 畜 忿 心心 相 所 於毫芒, 論 於靡争, 而 己 戾 以 疑 功者, 焉 依 處 生 私 釋 以 無 志 而 與 焉 辨 之 乎 其 自 亦 難 依 相 議 各 者 别 小 傾 姑 平 傷 SH 議 亦 而 論 而

人出而成朋黨以致亂。知人者可弗

辨哉?

子 好,當作 也 口 , 贛問 也 不 玻。 如 日 鄉 鄉 惡 人皆惡之,何 人之善 讀 鄉 去聲。 人 、皆好 [者好之,其不善者惡之。] 之, 如?」子 何 如 ?: E 曰 未 未 口

自爲 則 心 其 必 鄉之人,宜有公論矣,然其 好惡 有 其 無 苟合之行。 也。 可 好之實 故 善 惡 者 者惡之而 好之而惡 閒 善者 者 亦 不 各 恶 不 以 則 好, 類

耳,而 順 不 有 君子 口 出 人 矣。 夫人所 過 於 虚 心 詧言 合天下之大同 拂 以 面 受 其 圃 觀色者不遺焉。 令鄉 益 必 行之真 情 议 之道 也 人 人之皆 之 邪 將 所 好 得 使 者 不 惡 失,自知之而 好 行 廢 則 證 也 皆 也。 子 謂 己之從 圖 贛 何 鄉 故 其 間 如 X 可 ? 日 雖 違 鄉 自 好 道 信 子 以 則 X

抑

不

如

善者

好之之於

情

不

失

也

鄉

得失者 信 夫子 與 獨立 之情 不 諒 不 知 惡之未 亦 同 超 而 日 語之 猶是 人 鄉 令鄉 其 流 如 吾之果 知 鄉 既 趣 善 鄉 人之不善者 俗 之貞,未 ൬ 相 人 人矣。 也。 使皆 者 本 人 俱 以 미 競,而 人之皆 者 固 八之固 無 可 好之之 以 表異者, 有 以 可 好 爲 古 好 則 道矣。 君子之與 可 不 矯 惡 必 惡 有 而 未 亦 則 也 恤 愚 行 以 得 善 多 而 也 鄉 可 則 必 皆 賤 也。 其 , 何 理 異 人 者 之人 唯 欲 謂 子 加 之情 違 心。 在 公論之安,未 相 流 如 鄉 鄉 鄉 贛 鄉 伸 欲 其 也 服 俗 而 ? 論 是 人 又 人之皆好 人 不 鄉 而 所 也 處 之日 日 殉 何 致皆 善 好 故 善 人 子 矣。 者 者 知 鄉 鄉 之皆惡, 以 日 道 而 而 伸 恶 思, 鄉 好 人 自 有 自 不 合 惟 皆 皆 可 :己志 失 斯 復 好 則 미 出 斯 丘 也 好 荷 其 皆 則 里 不 其 必 於 口 口

惡,不 君子 難 此 此 皆 之 籌 知 意 不 善術 之自 度,而 不 如 若論 人志 而 如 不 哉 處 善 觀 自 不 觀 也 ? 鄉 處 善 者 行,分明易 人之道 人乎? 道 惡 者惡之之過 鄉之中, 亦 之之志 或主 存焉。 則 鄉 見 觀 何不 無 好 人 人」説 不 斯 所 、之善 悪 故 直 以 自己 屈 不從 雖 觀 爲 也 無定, 惡 借鑒 其 集 也 其 人 註 瑣 鄉 説 之 層 無 於 以 人 而

求 説 不 子 也。 説 備 日 . 馬 也 。」易 説之雖 君子 及其 以以 易 豉 使 不 切 事 人也,器之。 以 而 説,弋雪切 道 難 説也。 説 也。 小人難 及其 説 之不 (使人 事 以 ൬ 也 道 易

以

自

致得失立

論

器之, imi 相 恕 ,小人之心 反 謂 m 隨 其 矣。 材 器 私 ൬ IIII 使之也。 刻。 天理人欲之閒 君子之心公

夫子 日 一,夫 人 出 而 有 爲 於天下, 以 每

已

焉。 别。 易, 之所 以 志, 則 下者 邪 天下之人, 非 求 難 欲 君 而 而 人 者 説 入於淫解 易 知 子小人 正 所 合 而 而 受其職 合, 之審 之 於 之 必 ,而賢才之屈 官 能 何 事 不 人情之所 求 君 能 者 得 也? 任。 十才者亦! 集矣。 則 拙 其 與 子 在 相 ൬ 悑 人 合,説 處 者任其 非 之道 上 説 濟 者難 미 使 君 之當 挾一 所 以 吾事者, 易 與之以 爲 以 加 子 繒 屑 也 道 也。 亦 伸、姦佞之進退, 居 我 制 之 不 矣。 求者 難 功,則必有 ,天下勢之所 者, 而 所 其下 我之喜怒,而 用, 所説者,道 可狎之心 巧 易, 若吾之情使人 不 必其 使有 若 國家之事,非 而 者 皆 容已 · 者, 説 伺 加 本 亦 之 其 有 懽 事之者 ·於吾 難 難 也。 事 道 以臨 所 忻 焉。 易之情 則 也。 趨 者 而 好 利 且 皆 性 乃 適 也 已矣。 之, 也 所 相 易 賢 便 君 爲 於 情 而 以 測 > 7 之 異 此 之 以 誘 故 而 丽

利,亦 難矣。 其力, 有緒 之難 也? 計 説之先,而其説 其 大者 於其 其 而 雖小人亦自有可說 小人則異是。 加 之於後,而 必 及 職、尺寸可 悪 在 佞之心 待 也 於 不可 使之之時 彼 且 小人之説 盡 至於窺 所 已喜, 事 憐 則 其 使小,小 説之道。 其姑息之情 於 忠 竟 而 豈 勞 既 以自效, 而 其 未 而早 不説 何 而 不 無 無 也, 始 使 所 嘗 其 救 者不可 難 所 所 之後 可 授以 也。 不可説之道 即 欲 不 過 易 哉? 分, 即 顧 求 無 以 而 不 受之 而 恤,而 也 而説之也。 愈 他 易矣。 期 不 順 事使其下也,乃竭 若夫事之易也 追, 報 ? 使大,量其 事 無 得。 所以然者, 承之,揣之於未 見其 功易 無 H 所 惟 所 名, 人各 焉,而 逢 待, 人之説之, 以 在己不勞, 矣。 人 難 其 易 得 操 不 若 悪 (材,授 有 者 若 君 夫 之 不 法 能 事 怒, 子 自 非 必 何 夫 以 事 成 則

> 小人。 敗,初 用人者可不慎乎? 之世,人勸於爲君子, 之在己, 静,不以居高 以事之必 無憂國 義 可 成,故 利公私 驕 愛民 得 # 志爲 需 而 一念之别 以 计而 肆 求成績之心。 利欲之資 志, 而 共 小人得勢,人競爲 而 理, 不 而 恤 而 天 或 小人 自 下 家 故 處 異總 之 以 君 於 子 成 權 恬

子曰 故反 君子 : 「君子泰而不驕, 是 循理,故安舒 ጢ 小人 不 矜 驕 肆。 加 不泰。 小 人 逞 欲

氣者亦 逆 望 驕, 訓義夫子曰, 而 而 其 不 不 迹 所遇之窮通 氣 厭 驕 相 其居 (別焉。 象 者 似也。 而 也 知 君 心 忘物自 吾 其 也。 加 異 子 盡 心 泰者不驕,驕 循 而 吾 量 理 得 氣 之 道 而 故其氣象安舒 日 象 殊 而 無 泰,傲 之見 矣。 求 者 物 於 小 君 物 不泰 字 人 容 自 之 殉 則 貌 侈 欲 順 泰 則 無 詞 

其 不 亦 子小人望 而 則 既 所 其 得 有 以 心常忧,但 氣 训 崱 所必 得 才 亦 不 平,與世忤 怙恃之也。 也 智 無 至矣。 見 而知之, ,祇求以 所 於 拒 得其 外也 不 勝人也, 志 而泰以 則 但 故其氣 而 情 不 小人 意 不 以 致和 亦不 定,不 勢 象傲 則 未 位 得 驕 寧也。 驕以 忽,與 形 則 而 ·但憂 於 陵奪之, 不 色 泰矣。 召禍 故君 其 物 失 争 A.

子曰:「剛毅木訥近仁。」

物欲,木訥則不至於外馳,故近仁。」之近乎仁者也。」楊氏曰:「剛毅則不屈於程子曰:「木者質樸,訥者遲鈍。四者,質

浮其 訓義子曰,仁之難見 全體以 人之不喪其質者是矣。 仁之所獨 心,而 示 露 人, 固 有 ൬ mi 之真 即 無 此以 能 也,則以 心 自 隱 求之,仁不遠焉 [喻者。 剛 矣。 毅木訥 情撓其性,氣 吾將指仁 有 幾 ,夫人不 馬, 則 之 是

> 幾乎? 裕其 限 不 時 氣依理以任天、惻悱之情反求 也,而能 自守於實者 怠者何心? 屈 有 而 者 木 成乎偏, 其 訥,仁豈遠乎 何 質 此仁之不容昧者 言之若作者何 心? 者乎 何 人之趨於文 則學問之不容已也。 ? 心? 人之辯 人之易怠 人之易 哉? 心? 也 丽 於 屈 有 無 終 於 是質 此 於 養 而 實 也 欲 言 非 自守 其 也, 者 也 清 剛 而 者之 明之 無自 無 而 能 毅 而 能 怍 不 能 而

子路問 偲偲,兄弟怡怡。」 切切 偲偲,恰恰 曰 何 如 如 斯 也 可謂之士矣?」子 可謂士矣。 朋 友 切 Ħ 切

又恐其 胡 友有善柔 怡怡,和 氏曰:「切切, 混 説 之損 於 也。 所 故 故 施, 皆子 懇 又别而言之。」 則 到 兄 路 也。 弟 所 有 不足, 偲 賊恩之禍 偲 故 詳 告之。 勉 朋 也。

訓義子路問曰,何如斯可謂之士矣? 其

閒,而 者 殆切 若 待物 也。 偲 所 想 如 所 也 道 以 而 士之所以 一, 故 偲 發 其 是 怡 미 不 之 士 不 而 以 至。 夫子 之存 也 則 失 怡 見 切 必 所 氣 若 氣 理 馬 誠 其 如 者 施 形之容 於朋 情之所發必其 自 未 無 爲 日 於 之不 也 切 也 爵 1 雖 偲 盡 順 所 了, 立 中者 ·, 故 士見矣。 篤 切 惟 然, 一個馬 友 略, 也, 妄矣。 土 貌 偲 其 人然 情 心無 可 恐 而 殊 詞 偲 士 意 求 故 必 謂 也 不 其 能 氣 一於前, 如 交 心 盡 而 窮 士惟 所隱,必深 + 不 以 如 理之所 也。 理之所宜 相 於 見 無 以 於 矣 則 盡 是 簡 己, 於 所 義合者 爲 氣 怡 以 於 其 丽 率 士 外 件, 惟 怡 勸 質 居 切 立 想 而 爲 宜 惟 者 然 養 而 心 切 誠 其 拔 即 必 因 其 M 人 亦 若 於 於己, 偲偲 氣 人 歡 盡 於 義 爵 其 爲 則 所 因 成 中 不 愛於 之 欣 於 心 流 切 情 亦 可 平 ൬ 逮 和 所 物 切 之 見 無 而 面 則 俗 有 能 m 田

> 吾意 形 而 加 不治也,而 也,於兄 己。 以 無 而 析 不 施 理之精,君 極 弟 之者 也 規 然 諫 也。 而 也。 之意 燕 子之所 以 笑 士亦 若 性 之 志 合者 求 情 以 其 且 性性 異 此 所 詘 於野 存理之至, 以 之 所 能 其 人,惟 然者 著 怡 無 怡

子曰:「善 之法。 教民 死其 當思其 百季、一世、 云者 (長,故 者,教之以 ,聖人度 作爲 即, 人教 就 미 大國 如 民七 其 也。 以 何 時 孝弟 即 乃 五 季, 戎,兵也。 可 戎 有 季、小國 矣。 忠 亦 益 信 可 如 以 程 之 即 云 子 行 七季之類,皆 民 「秩月、 戎 務農 日 知 矣。」 親 三季、 「七季 其 講 适

言 今天 訓義 以 教之,乃可 ,豈必如是之好 下 子 日 以 ,兵者, 爲 尚, 以 謂 制 帝 戰 以 勝 F 樂 武 所 殺 鳴 健 不 而 嘘 爲 得 H 1 治 已 講 Щ 即 而 韜 用 以 求 鈴 之, 即 成 哉 戎 法 m

言已。 心,而因心制法以教民,於兵制不求備也。 聖人以仁 而教之七季,人感其惠,而遂其生計,則各 即 .義立道法,而 在 善人者,一 無 意 敵 以 於天下,不 休養 斯 民 爲 待

之大計,上下相喻,亦可以即戎矣。而何本存乎一心,則惟其簡而易遵。勝敗存亡思自衞其生。教之之術雖簡,而兵之運用

變焉,天下日尋於干戈,何有已乎?求合於坐作進退之數哉? 由今之道而無事如今之教戰者,勞其民於無事之日,以

之禍,是棄其民也。以,用也。言用不教之民以戰,必有敗亡子曰:「以不教民戰,是謂棄之。」

事,不暇教也。而用之以戰,其民 足,士卒不充,敗而思復,乃盡驅其 棄民也,傷哉 訓義夫子曰,好戰者敗亡隨之,惟 1 今之亟於戰 者,甲 無親 民 其 忍於 以 乘 從 不 1

> 保國之道 力全,其時暇,忠信孚 死而已。是非用也,棄 死長之情,而又不習於 亦棄之,不亡何待焉? ,威天下之術,在此 而講武之制有素。 兵不數 坐作 民 也。 進 加 退之法,有 棄民者、民 用,而後其

書訓義卷十五終

七世孫世全半溪謹刊

四

五九九

## 四書訓義卷十六 論語卷十四

宋朱熹集註 明衡陽王夫之訓義

## 憲問第十四

胡氏曰:「此篇疑原憲所記。」凡四十

<sup>恩</sup>問 恥 。

恥也。」 憲問恥。子曰:「邦有道,穀,邦無道,穀,

憲之狷 憲,原 也。 邦無道不能 故夫子因其問 思名。 介,其 至於「邦有道 獨善,而但知食禄,皆 穀,禄 於 「邦 也。 無道 而并言之,以廣 一穀」之可 邦有道 穀」之可 恥,則未 不 恥, 口 能 其志 恥 有 必知 固 也。 爲, 知

使

知

所以自

勉而進於有爲也。

焉,非 既 於夫 訓義 此 若夫孑孑之操,無 不知其何 以 生之大節 人,無乘時 道焉,不暇計無道之不可仕也,穀而已矣。 度身度世,受 士人之大節。 (時,而 而已。 有以 子。 原憲,廉潔之士也,而問士之可 能 見容 擇 嚴於吾生之大節 子曰 面 則 行道之心,又無扶 有 目以自安,斯則爲可恥者也。 於君 亦 道 禄 道 一夫知 不足以爲榮辱。 而 而 所不廢,時 子, 當於道 仕也,穀 無 恥者,衡之以道,度之 而 慙 矣。 亦 而 而亦 有 脯 己。 有不可違,則 危定傾之力, 如 以 已矣。 不係 其邦 苟合於小 知恥者辨 出 「處者, 有 于吾 邦 恥 無 道 者

克、伐、怨、欲 此 伐,自矜。 亦 原 憲 怨,忿恨。 以 不行 其 所 焉,可 能 欲 而 以 貪欲 問 爲仁矣?」 也。 克,好

勝

子曰:「可以爲難矣,仁則吾不知也。」

608

日 : 「 閒 豈 去病 去己私 非 人 仁則 本然者 怨、欲,惟仁者能之。 以言之也 不行,斯 有 則 所 克己求仁 開示之深,惜 是 根 謂 天 四 几 其 之意, 得矣。 以復 者 克己之事 理 者不 亦 所以求仁之功, 渾 而 難 乎禮 能 然 之謂哉? 行,固 而容其 能也,謂之仁 若但 制之, 程 白無 乎憲之不能 ,求仁之方乎?」曰:「 子 則私欲不 制 不 使不得行, 潛 曰:「人 四 而 有之而能 得 一者之纍,不行 學者 藏 不 爲 隱伏於匈 益 行 則未 留, 則 親 **詧於二者之** 再問 m 矣。 制其 可謂 切 無 是未 而天理之 也 克、伐 m 然 也。 (情, 使 中 難 無 此 不足 亦 有 也。 矣。 滲 拔 克 贵 或 聖

訓義 者 也。 其 好 原 心 勝 思 刻 者 以 多 爲 其 欲者 氣 仁. 驕 之不 其 自 付情 存, 矜 溺。 者 惟 其 若於克、伐 私 志浮, 與 欲 有 恕 之

漏

矣。」

咎者 乎? 非其 其欲 尚 不 欲,是以終日 怨、 之惡怒 静之素,蓋 物,其念念操之,事事防之,以習爲淡 夫仁者,天理之流行, 止,勢也。 不相下之氣、不自已之情, 於淡定,可以必其爲仁乎? 志,使無 以 行者,果 欲 也? 存理 而 克,有大白 抑 偶 欲皆理者也。 丽 但 行 動 爲要哉 非其怨,有當然之食色 能於此 虚 亦 ,則清虚之體不 吾未之能 其 於 行 難矣。 心 純 心, 寡欲以安於恬退 而 其 乎天 不見有 制之使不見於外 而 心 即 推其 知 志 丽 理 故有 有 也。 圃 以 而 四者之纍。 以 非 語 私 傷 自 必勝 一動 平其 子欲求仁,其 其伐, 於 加 夫子曰, 遠 而 私皆公、節 於 於 而 丽 與 則 情 而 非 有 姑免 邪 mj 不 111 未 今此 幾 非 直 僻 泊 及 미 夫人 相 戢 也 於 者 其 於 復 道 m 志 其

子曰:「士而懷居,不足以爲士矣。」居,當作尼。

609

居,謂意所便安處也。

哉? 土 行,要不離 之,則心量已小,欲擴之心大而 得而希望之,既 聽其自至而 訓義子曰,士以天下爲志,以道之得失爲 者之少也 昏,欲澂之使清 若身之所處,心之所欲,安危利 故宜乎 小人之習氣, 不暇計 貌爲士者之多,而 得而依戀之,已失而追慕 圃 焉。 不得。 如其 圃 以此爲 何足以 雖 不能 能無 或 顧 志 懷,未 病, 爲 媿 名 於 1 皆 立 氣

孫。」孫,本作悉,省譌也。子曰:「邦有道,危言危行。邦無道,危行言

盡 之持身不可變也,至於言則 危 以避 高 峻 也。 禍 也。 孫 卑 然則爲國者使士言 順 也。 尹 氏 有 日 -時 而 孫 不敢 君 子 豈

訓義夫子曰,言行者,君子之樞機,一也,

修

身而膺世,道

在是矣。

不殆哉?

行也。 危。 自損 無 寓 咎,而必不可撓。 可 出 率吾之獨是以辯 以 所 加 能信之,即 行,本順乎理之所當然,初無過高之事,乃 如是,終身如是,一失而 面 所 回 言 以 規 處措置, 流俗之所不 抑 則宜 不 箴 譍世者也。 惟邦有道也,則言可 有别焉。 則 人雖 如其 危者行 也 亦何貴於有此言哉? 悉也。 未 則 以 不 邦無 能 必 砥 知之,雖 行者,所以 能 有 行,而 其 礪 若不能 奉吾之至正,以立節於不 道矣,行固 若與人有所議論偁説 理於無 所 爲,遂見 所 流 必 易 俗者,尤無不可 抑 透 不信之,即行之成 知 爲 無 者言。 能 可加,人能知之, 危 自成者也。 而 益 容改矣。 其 容 也,行可危也 不可 不 於天下,而 卓 之。 我 然孤 君子之言 君子之以 怨者 不危也 若吾之 言者 惟 <u>\\ \/ \</u> 也 吾 日 m

子曰:「有德者必有言,有言者不必有德。

爲。 便佞 .者必有勇,勇者不必有仁。」 有德 德 勇者,或血氣之彊 口 者 者必有 給 , 和 m 順 릲 積 言, 中,英華發外。 仁者,心 徒能言 加 己。 者 無 未 私 必有 纍,見義必 能言者, 也。 尹氏 德 E 也 或 0

有言 體,而 數十季之論定,自可出 天之數, 詧人之情, 持之亦有據, 引之亦有 心得之,規於其大,喻於其微,而抑遲之以 德者言之體也,仁者 立節,則 自 訓義夫子曰,用者,用其體 則有言,六埶與百家所 仁者志必 行 也 焉。 爲 , 六執所 有勇, 天下之所役。 若勤 勇,徒能勇者未必有仁 於用 志士與 以 興 而 也。 勇之體也。 忘其 以此並 匹夫所以 夫欲 之以 而 體 也。 存。 詔 明 百 則 家之 道 天下,其必 體立 相 以任事而 用 III 躬行之, 似 反 論 垂 而 以 法, 窺 用 而 傷

> 道以 也。 理不可 也。 徵,乃實敏其躬修,則所言者與所行異矣, 用,不徒以著述氣節求實用於其末 貞邪,學問之純 行之足傳而心之不可問者多矣,不必有 或以之立,名或以之成,乃進求 之而忘生死,其必有勇 不必有德也。 修 而壯夫之氣,不慮其難,不恤其死,功 所以君子之自修,必存心以存理,修 身,而智者之知 屈 而 抑 無私 疵。 因 乎 矣,無欲矣,性不容已, 凡以 君 也 人,必致其素行 與父之大節 急於 ,志士之所自 體 其素志 m 也。 自 ,自任 成 一,則 成 平

苔。 奡,五到切。 哉若人 得其死然。 南宫适問於孔子曰 南宫适出,子曰:「君子哉若人! 」适,本作适 盪 禹、稷躬 徒朗切, 今讀土浪切者譌 . 古活切。 稼, 羿善 而 羿, 五計 有天下。」夫子不 射 泉盪 切、寫 舟, 作羿,非 尚德 俱

南宫适,即南容也。羿,有窮之君,善射,

與。 稷播 地行 也、暨 可謂 乃 比 蓋以羿、奡比當世之有權力者,而以禹、稷 滅 下,稷之後至周 上 孔 夏 古 子 故俟 舟 奡、《春秋傳》作澆 君子之人 種 后 諸 一身親 侯。 ,後爲夏后少康 相 也,故孔 其 而 浞,士 也。音同 篡其位 出 稼穑之事。 而 m 角 武 子不苔。 贊美之。有窮之羿,宜作焉,羿 義别 有尚德之心矣,不可以不 切。 王亦有天下。 一,其 澆,古堯切。 が所誅。 , 捉之子也, 力能 臣 寒浞 禹受舜禪 然适之言如此, 又殺 禹平水土 暨,當作泉,與 适之意, 羿 而 有 而 暋 天 陸 代

子之用 訓義道 好尚 禍 乎風 适以之而 而 迷於 尚 不 德 心 昭 降 問孔子曰,今天下之論 ,有出於不 一時之説,而終不自知其 夫君子 示以迪吉逆凶 M 功 之修德 力 興,迨春秋之季 得已而 本 一之故, 非 立言者。 以 則天下之 激 以以 八咎。 福 ,遂成 爲 南 Mi 古 官 致 君

日日

1始出

美之日 利 也? 下, 無以 聞,陸戰 而 論之正,而 德者之有爲爲之也。 不欲深論,且以失愻言之道,而 王天下,本非 立民之命,不念及於得 死然也。 也,而相繼以授首。 人,則有不然者。 聖之道, 而聞之者足以戒。夫子不荅,南宫适出 不惑 以 無所争以養 易矣,是其有深心乎! 适之言盡矣。善惡之分,興亡之故 自 曠 ,若人之爲斯言也,君子哉 而 免 修之而 禹定溝洫, 觀 有迻風易俗之功也。 克 于 水水 禍 mi 共有而終有之也。 其 自 非 戦 止 和平者哉 羿以善射著, 得 而 以 稷教 彊 人誰 雖然,不 雄 自 天下 勇 喻于義 困 樹 將謂 不 無 能。 執, 也 死 言之者無 欲 可 而 而 可 , 而 信之於己 勤 不 人且 奡 乃 争 夫子 不 以 此 民之事 夏、周繼 、致之古 迷于功 以 勝 表 吞 又何 其持 議 得 乃歎 盪 于 秉 天 罪 舟 正 其 下 天

天下 賢者 乎 而 1 必 而知 以 定 嗚嫭 益 其 尚此 勸 八論, 1 于 將以 此聖賢持世之深心,立論 善 也,力詘 圃 昭示君子之所 不肖者亦懲 而 德 **與,其** 其 尚 尚 惡 有 乎 巫 瘳 使 1

仁者也。」夫,音扶。 一子曰:「君子而不仁者有矣夫,未有小人而

偂

寄意遠。

^

春秋》之作,亦此志

也夫

用人

八者可

不辨其

(類乎

1

不在焉,則未免爲不仁也。」謝氏曰:「君子志於仁矣,然毫忽之閒心

不 訓義 也,有矣夫! 許之君子矣。 未醇,欲之未 所與者君子之人,所學者君子之道,是可 夫人之必 乃 ·同自在也。 誠 夫子曰,以仁求人,而遂苛求於君子。 以 仁求 爲君子而不可爲 人, 瀞,而 然而 必深求之存心之地,則 若小人則以 而豈 其異于小人者,趨 不 仁者不可謂 可 誤 利爲尚, 信夫小人哉? 小人也,明甚。 無 以 、欲爲 響之 其 氣之

> 能 而必不可 合人情,而 殉,雖或一念之明 問心而 以望· 無 所交者邪 疚者也。 小人。 不 佞, 所學者 昧 立行 故仁者所以 天良,一 者 可不慎所趨 詐 事之當偶 責君子, 僞 未有

乎?」愛,當作悉。 子曰:「愛之,能勿勞乎? 忠焉,能勿誨

蘇 矣。」犢,徒谷切。 愛也深矣。 勿誨,婦寺之忠 氏 曰:「愛 忠而 加 寺,祥吏切 也。 勿 知 勞, 愛 誨之,則其爲忠也 禽犢之愛也 而 知 勞之,則 其 忠 大 爲 IIII

難也。 之使安 也。 訓義夫子曰,道之不明也,君臣 自 而自誣其 適也。 而 也 君見臣之誨己,則 以 子見父之勞之,則 心者多矣。父不知愛其子,則 理度之,以心體 臣不知忠其君 E 之, 是 則 日 何 是 日 夫豈其 父子之閒 不 姑 何 體 順 不 我 卹 之使 然 我 志 逸

能勿誨 焉, 也。 乎 姑 天性之不 之,則成之之心切,慮之之念深,雖 欲自爲忍隱 ? 名,其亦無人之心矣乎 則 惟勿忠焉, 而不忍也。 惟勿愛 在己有必盡之心,在君 也。 篤 然則 而 高 圃 不敢也。 則視其 非不 謂嚴父爲寡恩 姑息之愛,唯諾之忠,皆 則 聽 即其 其 人失道 非 自 過用 勞也,不 恣 有 也可 也 ,謫諫臣 其 必 可 誨 盡之道, 耳。 能勿 欲 耳。 也,不 任 忠 爲 勞 其

稾,俗加艸,於義無取

音卑。諶,是吟切。人子羽修飾之,東里子産潤色之。」裨,府移切、子曰:「爲命,裨諶草創之,世叔討論之,行

也。 造 裨 修 秋 傳》 飾 也 諶 行人,掌使之官。 以下 謂 謂 作子 增 造 四人,皆 損之。 爲 大 咖 叔。 藁 鄭大 討, 也 東里,地名,子産所 夫。 尋 世 子羽,公孫 究 叔 艸, 也。 游 略 古 論 也。 也 揮 講 。《春 也 剙, 居 議

> 此,蓋 所長。 命,必 也。 潤 更此 善之也。艸寫作草,剙寫作創 是以譍對諸侯, 尟有 色, 四賢之手 謂 加 以 文 而 采 成,詳 也 敗 審 鄭 事。 皆調。 精 或 密、各盡 之 孔子言 藁本作 爲 辭

成約 介晉 訓義 也 則 其 重。 夫竭力以 大旨,刱其 違,定於始謀。 命而已。 上,而職貢交輸于兩大,終以自存者,惟 一,則 故 厭 "必" 夫子曰,王綱 簡 實, 雖然,其猶 修 楚之閒,一 其 則 于 論 鄭之爲命,卑 爲之,其 (體製) 有餘,飾其不足,而授之東里子 略 証 其 必必 據。 因 賢于以干戈 裨谌,善於謀者 革,而 彼 於明達。 而授之世叔。 世 亦勞 解, 一此,犧 叔 授之行人子羽。 列 則陵,亢 ,習于古 矣。 或 子羽 牲 相 分, 有 玉帛待 見 善於 所 者 也,則 有舊典, 則 III, 也 從, 也 激 辭 諸 次裁者 祌 有 則 于 況 命 所 境 始 討 有 其 大 鄭

乎 於文 産。 歡 而後鄭之爲命,以 心, 1 意欲 者 當衰 鄭之所 也 暘,言欲婉,審 世 則 潤 任 以 之 存 弱 次 樂 彊 以 或 乎 ! 一,處 辭 大非禮之求而 於 藻 必 鄭之所 時 争之地, 圃 宜 使 有 子産 以 色 僅 舉 得 Т, Т. 存 其

或問子産。子曰 :「惠人也。」

國之人才,殫心于此,亦不

可

廢

也已。

爲 子産之政,不專於寬,然其 也 主。 故 孔 子 以 爲 惠 人, 心則 蓋 舉 一以 其 重 愛人 而

間 子 西。 日 : 彼哉 彼哉!

言

紀其 子西, 白 號 公以 ,外之之辭 、政,亦賢大夫也 昭 楚公子申, 致禍 王 一欲用 亂 孔 則 子 能愻楚國,立 ,又沮 其 。然不能革 爲 人可 止 之。 知 昭 矣。 其後 · 其僭 E 彼 卒 E 而 哉 召 之 改

間 仲。 曰:「人也。 奪伯 氏 駢 邑三百 飯

> 疏 食,没齒無 怨言。」駢 部 H 切

地名。 窮約 人 管仲,伯氏自知己 於聖人之學,則概乎其未有聞 德,不勝其才。 社三百,而富人莫之敢 也,猶言 或問:「管仲、子 以終身 齒,季也。 此 而無怨言。 人 也 子産之才, 罪,而 蓋 産 桓公奪伯氏之邑以 伯 孰 氏,齊大夫。 優 歫」者,即 荀 心 ?」曰:「管仲之 卿 服管仲之功,故 不 所 ·勝其 也 謂「與之書 此事也。 德。 駢 邑, 與 伙

世,而 之亂 則或 大辨 以法治民 子 人之心自 訓義人才之論,至聖人而始定。 産之心,不忍民之貧 譏 而 而謂 論 其 計之,原其 乃定 (事二 其 而 有 過刻。 繫天下之重 鑑空 馬 君 而 或問 衡平之明允,以 心、觀其 如子西 不 一。 困 子 輕。 産。 而 成 如子産 則 求所 效 乃通天下之 以 而子曰 丽 其 以 如 究之,聖 垂之萬 濟 則 安全 管 謂 仲, 時 其

矣,爲 也。 與於 之利 虚譽 作,德禮行,人 功名而 偂 忌之府 駢邑三百, 爲之一匡,是不媿夫天生之于無王之世者 秦、楚之伯 乃許之日 用彼之道,爲彼之執 一,而 之民 無怨言, 八有定 其以 心中國 1;皆其 服諸 與夫務苛詧之深文者, 益 生民計安養而 大效章 也。 得 論 王 東遷以 以 賢士大夫之列哉? 其大服 ,未嘗有人焉。 侯、服 而伯 惠 富 天下者,先修其法 免 而 一矣,爲 也 彼 無 于 天 氏 貧 ·殭宗 四 不 下 後,中國 間 伯氏者 飯 此,憾之招 服 夷者視此 心 夷 無 子 政而已矣。 疏食矣。 亂 也。 迹著矣。 夏 能 西 民 分邪 易 可 之害 有此人,而天下 無 故 矣 知 則 人焉 矣。 桓公奪伯氏 正 也 則 于 因 日 子子 亦 殉 爲 丽 而 問管仲 國 彼之俗, ,晉、宋、 折 大 鳴 是 大 中 乃没齒 有 内内 衷于 辨 時 嘘 服 何足 或 井 之 明 政 里 立 齊

> 子 日 處貧 此 平 (難,處 「貧 而 無 富易,人之常 怨難 富 而 無驕 易。」易 然 人當 以 勉 豉

切

其

1

難,而

不可忽其

易

也

之無 如以 情而 既 欲忘 富 者而 乎人之自命 怨、難也 富 訓義夫子曰,人苟 驕易矣,而 而 無 知 不 而 其 境 自 制之,始足以 損 而 補 驕 齊 亦知 肆 而言, 於 不 愈 不能 愈 亦 富 可 愐 不驕者尟,何人情之易流 則 惟 硒 而 也 以 能 雖其 怨之 則貧 矣。 已矣。 所 忘。 騙, 無 制 遇 怨者, 易 驗吾 之 欲制 知其 不堪,而 而 富 心 而 制 而 無 有 而 己。 者 心之有 信 驕 其 豈不賢乎? 無驕, 怨, 主 其 而 之有 情 焉 貪 迫 難 易 亦忽之矣。 則 之 則 也。 而 不 主 制 咎 使 怨, 必 矣。 亦 兩 於其 怨 亦知 苟任 則 易 忘之。 陃 亦存 乃 不 平 者 矣。 驕 処 愈 貧 其 無 不 難

滕、薛大夫。」 子曰:「孟公綽爲趙、魏老則優,不可以爲

國名。 尊而 其才 公綽,魯大夫。 短於才 大夫位高責重。 臣之長。大家勢重 人也。 而 無官守子責。 大夫,任國 者 用之,則爲棄人矣。 也 言此,則孔子之用人可知矣。」 趙、 然則公綽蓋 楊氏 政者。 優,有餘 而無諸侯之事,家老望 魏,晉卿之家。 曰: 滕、薛 「知之弗 此君子所 也。 廉 [國小 静寡欲 滕、薛,二 老,家 豫 政繁, 以 而 患 桿

守,而 訓義 欲其 以 而 大夫乎? 激六卿之變,取貨聚斂 老則 可用之才,而用之必當。 優 夫子曰,官人,非但賢不肖之當辨也。 審其 也,則 以 均安養家國之和 爲大夫 人之能 惟 爲 趙 imi ,斯得矣。 魏 能優 老 以貽官邪之羞 于其仕乎? ,其不生事 口 惟明 也。 孟公綽 乎職之所 家雖大, 放争 而 若 爲

> 失哉? 有餘美矣。 優,則大夫爲尸位,而公綽之長隱,豈 班序,官人之道 人無不有優也,亦 明政刑,僅然寡欲 薛 知之明,而 亦 不 미 也。 不以 若其不可爲者大夫 或 虚 斯得 雖 ,而事失其理,奚 名 無不有其不可爲者 小 違實 矣。 而 事 用,不 使公綽 彊 大, 以 也, 固 之失其 家 可哉? 疆 雖 世定 也 滕 幸

子路問成人。子曰:「若臧武仲之智,公綽 樂,亦可以爲成人矣。」下,皮變切。 之不欲,下莊子之勇,冉求之執,文之以禮 成於内, 以 足以 子,魯卞邑大夫。 成人,猶言全人。 不見一善成名之迹,中正和樂,粹 泛煙。 窮理 而文見於外。則材 ,廉足以 而又節之以禮,和之以 武仲,魯大夫,名紇。莊 養心 言兼 ,勇足以 此四子之長,則 全 執作藝,俗誤 一德備, 力行 樂,使 執 無 渾 復 足 智

偏 道,不足以 及而語之也。 亦」之爲言 倚 |駁雜 之 語 蔽, 此 若論其至,則 非其至者、蓋 偂 其 爲 人 就 也 非聖人之盡 亦 子路之所 成 矣。 人 口 然

勇也。 三者。 平生,平日 文之以禮樂,亦可以 下之達 智禮樂有所未備,亦 不愛其生,持以與 復加「曰」字者,既荅而復言也。 程子 一德也。 武 i i 冉求, 埶 也。 「知之明,信之篤,行之果,天 智也。 若孔子所謂成人,亦不出此 有是忠信之實,則雖其才 也。 人也。 公綽,仁也。 爲成人矣。 可以 須是合此 爲成人之次也。 久要,舊約也。 四人之能, 然而 卞莊子 授命,言 論 其

大成,則不止於此。

若今之成人,有忠信

是否。 行之之勇,而有終身誦之之固矣。」 形。」如此 孰能之? 無不正矣。」又曰:「語成人之名,非聖人 而 「今之成人以下,乃子路之言,蓋 臧武仲之智,非 不 及於 方可以稱成人之名。」胡氏 孟子 禮 樂, 日 正 則 也。 又 『惟聖人然後 其 若文之以禮樂, 次者 也 不復 又 未詳 聞 以踐 日 曰 斯 則

能。 可 而 面 始有序,養之以和 任之以行,而得當乎事。 也。可盡之能者,學也。 能,尤人之所獨,非物之能知、物之能 訓義人之爲道也,有自然之質,有可盡 盡 古之盡人道者之制 禮樂興焉。 自然之質, 之能學焉,而 禮樂者,非天建之,地設之, 則既 丽 以 始 别 用 作 有 於 萬 也。 而必投之以 人苟有才, 爲 物 物 善之樂,於是 矣。 而 則人還 統 萬 可 「物之 以其 節 皆 用 盡 可 者 > 之

焉,其 喪其真 學爲 所以 足 復 實 未 自 以 必 逮 缺 미 用 以自 不 道 杰 然 别 資 揬 ,于禮樂 足 成 不能以存於千古。 與 之 於 學 故 既 其 ,則人之用未 智足 M 成 ~質 命者 也。 了, 則 自 多 人,人之所 物 以 人之道, 所 平 行 非 節 之 以 之 爲已 知 亦 亦 而 其 耳。 子路之質 聖人之大中 知 官 自 無 有 性 納 所 其 覺 其 命 度, 一疏矣。 丽 以 之 之於士 以 夫子教之以 才, 廉 運 者 充 以 恃 Á 見 出 爲 足 動之各 可 别 端 其 命 ௱ 美 之不 示抑 人 守 於物 其 是 也, 君 質 人之所 故自 加 以 至 mj 子之林 其 問 者 和 揚之旨 能 自 和 己。 不 不 有 者 勇 盡 成人,亦問 能 勿 非聖人,必 命 自 口 待 其 則 足任 以 喪, 於 盡 人之能, 今使 謂 學 命 能 於 而 爲 其 日 有 于學 非 而 則 倫 一,成 其 時 人, 性 之 有 若 耳 餘 天 能 物 者 之 埶 其 未 以 能 無 夫 乃 目 之 人 面 mi 而

雜, 樂也 足矣。 於事 歉 熒 非 天 所 以 故 涵 之不足,則天与之以 泳之久,不能自己,節其才之有 勇,以不憚於爲 公綽之不欲,以 廢 下 自 人 養率 於 而 於 盡 中 而 未 人之理 手足不 下 無 猶 立 和 可 ,習其文,明 以 由之能 若 有 也 人喪其質 也。 V. 廉 是 順 萬 臧 恥 人 不 天地之氣、精 乃至 能 樸 世 學 適,未得滿 武 也 也 之人 則 誠 以 仲 而 守其 可 之心 其 如 之智 有 于今 夫才則取 成 人之所以爲人者 也 數 極,而 此 以 者 志 可學之姿,而 之才 趨 ,研其理,達 也 之 加 也。 操 冄 以 於人之心, 于 生 能 天 口 萬 求 達 私 而 而 然者 其 下 此 也。 物之 之執,以不 於 則 知 利 教 古 可 後 事 變許之習。 衰 具 餘 學 卞莊 匙矣。 以 世 先 用 引其 其情 馬 理 於 人之質 學馬 即 E 無 自 人道之 者 口 E 所 所駁 盡 於 子之 其 成 也 廢 者 爲 今 其 才 涵 禮 有

所不能 死,而 義自 夫有 不忘 以 故 于 人 思義 其才,皆可 而 習於欺偽,而 有 文爲徒飾也。 一,何 非 所以無慙 曰,人之所以 ,成其一曲之人,而於人之有缺者多矣。 得天之厚, 時,而 精 文而善其質,斯人事盡 X 是數者 而 吾 必學哉 知、 人 也 焉,命自 必 挺 徐其 踐。 學 可垂 物所 然 惟 於 ,亦豈非天所 而至,非 吾能 有 ? 而 天下没於利 生 生, 人 衆人芸芸,與 爲 人道於千古。 立 自守 不 以 介有 也 禮樂,文也,吾任 焉 人 而吾能見危 能行者,禮樂也。 自 久與要約 乎? 可 非徒質 誠 以 命。 ·待殊特卓立之氣也。 盡 無 自爵 之能 乃其成者,天也 以生人之直道而 吾已 喪 而 面 2者,傲 也,文也。 焉,不求表異 者,學也。 萬物 天理全也 則今之成人 而 吾 面 成乎人矣。 平生之言 能 授 同 . 吾質 然 命 見 苟有 其生 利 自 物 國, 命 m 人 而

言、不笑、不取乎?」子問公叔文子於公明賈曰:「信乎夫子不

然乎?」 言,人不厭其言。 公明賈對曰:「以告者 義然後取,人不厭其取。」子曰:「其然 然必廉静之士,故當時以三者稱之。 賈,名。 公叔文子, 衞 亦衞人。 大夫公孫 樂然 文子爲人,其詳不 後笑, 過 也。 拔 也。 人不 夫子時 公明 厭 其 口 然後 豈其 知 姓

過, 乎?」蓋疑 欲正 也,非禮義 厭者,若 文子雖賢,疑 不厭,而 而以 一言其 爲 其 充溢 之也 非 多 不 不 也 未及此,但君 丽 言、不笑、不取 覺 於中、得時措之宜 惡之之詞。 其有是矣。 故 日 「其 子與人爲善,不 事 是以 也。 然, 適 其 者 豈 然 稱 立其然 可 不 之或 此 能 則

訓義道莫病於矯,而尤莫病於似。矯以偏

甚,而 哉? 好異 疑其 厭。 事 也。 忘? 是之疆力自忍, 皆以不 人厭之也。 也,不可不 文子未必矯,而 好之士也。 春秋之季,人皆習於巧言令色,而好 m ,不見爲言也,不 廢 當之 者之 非 人之有言、笑、取,而 道 衞公叔文子者,能寡言笑、慎取与,自 笑亦 而 爲人之所不可爲。 必 言、不笑、 夫 似 爲 論 廢道 何容 子 辯 以 夫子則於可言之時, IIII 矯, 未 初 僞 也。 人遂謂其 也。 禁? 而 未 而 而以 人 嘗 不取 嘗 夫子問 以 亂 矯 厭 名 公明賈曰,言亦 之必 表異 德,故聖人必 矯 如 取亦安能 也。 費 偁 此 偁之,則人之尚 不言、不笑、不取 辯 於天 見 之 不 信乎? 夫子,是 於公明賈曰, 於可笑之際, 説 爲 異 미 也 门以 下乎? 多有者, 行也, 不需 因事 嚴辯之。 夫子 抑 告者 見 ,情 安 於 理 以 貨 能 因 爲 惟 调 物 勘 如 人 矯 而 蓋 己 無

之固 真 也。 物,酌 其所未至,斯可矣。 道 ៣ 而 抑予念之,恐有 然乎,何修而 順 色皆順乎天則者也,是必精義入神 子之所能 名著焉,以告者 感其和,遂忘其笑也,不厭 和 不厭之,相與忘之,而 一,無矯 也, 從 譍 樂 賈言之,則以 然而無不然,人事之當然而自 、愜乎人心者也 加 心不踰 人樂于与,而 物 以 見顔色之舒,未嘗妄 焉 我 破 至矣。 丽 好 無 也乎? 能然? 有 僞者之賊 似 未 似而成乎偽。 過 節 是必 焉 逮 也。 遂 制之求,未嘗妄于多得 也。 蓋 盡 何得 謂 盛 不言、不笑、不取之 文子 其 夫子 如賈之言,抑 德 非 德 豈其 所 丽 取 也 積中而 也。 爲欵 口 亦未 日 必 也, 似之不可 速入於聖域 至,而 然? 夫君 夫子 於當1 曲 「當爲 不厭 解 而 也 然也。 子之 天理 而 非 取之 物 氣 僞 也。 亂 其 來 容 文

六三

君,吾不信也。」子曰:「臧武仲以防求爲後於魯,雖曰不要

仲卑 則立 也。 防, 請 者 而 夫子之言,亦《春秋》誅意之法也 由 也 君 避 地名 辭 武 後 邑,以求若 也 其 請後 一种得罪 武 在君,非 好 (仲之邑, 受之於 范 武 智 氏 仲 其 而 日 奔 所 不得請,則將 迹非要君者, 不 Ë 邾, ・「要君 封 好 所得 邑 自 學 也 邾 也。」楊 專也。 君 者 如 要, 無 防 ൬ 據 得 上 氏 邑以叛,是 意實要之。 而 使 有 罪 日 據 罪 請 挾 出 邑以 之大 Ì mi 武 奔, 後 求

守先祀 勳 其 面 避其 心 以 人 名。 請 謂 日 臧武 願 之求 ,無廢二勳 武 其 仲 致 仲 世 之智 奔 防 之以 非 邾 而 巧巧 也, ₩,請致 要也。 防 去,於是人以其不終據 據 於自 求 爲 防 防 夫子 後於 邑以 全, 也 乃就 邀 自 魯 其 也 其 請 實 事 辭 援 而 而 愻, 復 誅 苟

> 使不 以 君之罪, 君,廢立一惟 請 武 防 者 仲 而 明大義 :意中 ,特其名耳, 允其 愻於請,遂曰 可 也 之事 請 弗 圃 其 誅 後不立,則防 命,有 圃 乎? 而奚足信哉? 亦必然之勢矣。 不不 惜乎 情 要君」。 求 魯之不 而 非 無 魯 以 勢 之防,固 吾 挾。 能 臣 納 觀之, 致 之事 蔡屈 要

譎。」譎,古穴切,讀如決。子曰:「晉文公譎而不正,齊桓公正而不

發其 文公則 也。 也。 甚矣。二 楚,仗義執言, 晉文公,名重耳。 隱 雖 二公皆諸侯盟主 伐 其 君他 衞 以 以 力 事 致 假 不 亦多類此 楚, 仁,心 由 齊 詭 桓 而黔謀 道 攘 公,名小白。 皆 夷狄以尊周室者 猶 不 ,故夫子言 以 E 爲 取 彼 然 善 勝 ",其譎 於此 譎, 此 公伐 詭

訓義齊桓、晉文,皆伯之盛者也。晉世伯

祧。 世 避 荆 報 覲 親 以 抑 指 貪詐戰之功,非不知譎之可用,而 無 齊 IIII m 之討 一齊桓 之後 其心 運 桓 齊、在無 曹 非 實攷之,晉文公之得晉也,俟之惠 桓 功 滅親之誅,於王不爲非分之求,於  $\pm$ 天下崇之,世運 利 降 其伯也, 定世子之位 譎 而 繼 而 衞之怨,莫能揜其 術以示人,所 成習,人心易矣。 矣 也。 請 伸 脯 王道之終, m 文。 夷 王之狩,退舍避楚 晉文之優劣,或 知既誅之後,而 託 (夏分。 齊桓没 丽 仁 不然,亦均謂 納懷公之室,干請 親 多 而 以 m 無 以 而 晉 避 德 非 Œ 風尚亦異。 文開 戕 在 是安可以不辯 正 不 人心、維 以 人心 而 據立 Ē 也 嫡 之 分 其 成 而 也。 庶辨, 伯 伯 争之始 功言 激之以 ,晉伯世 長 面 隧之典 不用 世教 也 而 子 以 夫子明 桓 不不 之,則 無 懷 漢不 糾 致戎 承宗 公之 則 也。 敗。 别。 也 興 欲 不 無 照切。

子路 死。 E E 日 ::「桓公殺公子糾,召忽死之,管仲不 「未仁乎?」 糾 居 黝 切。 召, 宜 作 邵

宵

相。 奉公子糾奔魯。 按《春秋傳》: 得爲仁也 忽死之,管仲 人,是爲桓公。 小白奔莒。 子路疑管仲忘君事 及 請 齊襄公無道,鮑叔牙奉公子 無 使魯殺 人 魯 知 鮑 人納之,未 弑 叔 子 襄公,管 讎, 牙言於桓 糾 加 忍心害 請 克,而 夷 管、召, 吾、 公以 1理,不 小白 召 爲 忽 召

也。 子曰:「桓公九合諸 如其仁 如 其 侯,不 仁 .! 以兵車,管仲 :之力

爲仁 九,《 仁 訓義仁者,人之心,天之理也。 兵車,言不假 者? 人,而 春秋傳》 又再 其 言 利澤及人,則有仁之功矣。 作 威 以 糾 力 深許之。 督也, 也。 如 古字通 其仁,言 蓋 管 顧有一人 仲 用。 誰 雖 未 不 如 其 以 得

之人 心也? 見以 而諸 於殺 是何足以論仁乎? 奉是君者心也,君死 難之義而死之,管仲請囚 其當桓公殺公子糾之時,召忽以食焉不避 論 同死,自當别 據之理,有天下所 自 而明于其分量,未能辯 也。 期之心,有 體,天下之生民罷兵 衣裳,於是中國之勢 J. 侯散 公子 桓公有其志,而 而 仲之相桓 心忍 合之於會盟 ,諸侯散 糾之時 天下不忍忘之心。 M 論 理 公也, 論 而兵争亟。 自定之理。 不 而 0 以 管仲之仁不仁,未嘗 子 伸,未仁乎? 丽 一,卻 禮 而當於相桓公之後 也。 辱身 何如 路 復 兵 招 ጠ 執 偃武 相 車 管仲不 攜 不死,乃斷日 (哉? 之以 以 之 桓公聚 非 親 求 以 而 聖人 相 世 有 甪 譏 德 免 王 ·與召 局 愻 子曰, 又 仲 柔 於死 已散 綱 以 端 而 遠 解 何 偁 聯 相 忽 孰 可

> 仲之教· 心盡 天下 通 如其仁者乎? 忽也,天下後世 也。 而 而理得 也。 以 人救之,侯得其度,民安其居, 則 孰 其 斯 一之以 有如其仁者乎? 引天下 以 爲仲之定論 節 ·而以 自許者 心合之,閔 而言仁之 微獨 又 孰 召 有

到 子曰:「管仲相 不 子贛曰:「管仲 能 于今受其 子贛意不死猶 死,又相之。」與,讀平聲 賜。 非 桓 可,相之則已甚矣。 微管仲,吾其被髮 仁 公, 一者與? 霸諸 侯,一匡 桓公殺公子 左 天下,民 衽 糾

夷狄 衿 霸 也 與 皆所 伯 被髮 同,長 以 左衽,夷狄之俗也 E 也。 天 下 王, 也。 Œ 微, 也。 無 尊 也 周 室 衽 攘

被

,平義切。

衽,如甚切。

●「賞」,啖柘山房本作「當」。

惇信明義

,使同

於好,而

民不

知

兵者,皆管

之知也。」瀆 一豈若 匹 夫 匹婦之爲 宜 讀 如 寶 諒 也 9 自 經於溝 瀆 而 莫

成 義,將 字。 功 責 也。 也。 諒, 聖人獨 不 桓 不 輔 同 桓公殺之雖 者 之難 其 忠之亂乎? 可同 謀,遂與之同 ,聖人之言 何足贖哉?」 小 死 仲私 後 自 信 ,桓奪其國 而偁 偁 而從太宗,可 世之讎 漢書》 免 也 其功。 於 子 以 過, 其 所 **E** ,無乃害義之甚,啟 圖 功。 經, 也。 引 事 如唐之王珪、魏徵 而 後 死,可也。 愚謂管仲 Ŧ 此文, ,輔之以 「桓公、兄也。 糾之死實當。 縊 而殺之,則管仲之與桓 功, 若計 若桓弟 謂害於義矣。 也 魏 亦 先 其後 口 莫」字上有「人」 莫之知 有 有 加 争國 也。 知輔 罪 糾 功 功 而 兄,管仲 而 故聖· 加 萬 之争爲 仲始 子糾,弟 非 不不 後 無 與 人 後 世 義 有 罪 其 不 死 人 與之 雖 反 功, 故 也。 建 覆 所 不 不 知 有 事

則不以相掩可也。

忠,而 也? 仲、當置 非 于桓公之廷哉? 從 無知誅,國宜爲桓公之國,子糾争之,管仲 守以不遷,諒也。 死可 訓義 襄公之無道,非必 有君臣之義專 子者,皆陪臣耳,于彼 公兄也,子糾弟 而 管 義之信,舍此 馬 致其 置 管仲之定論,在相 非也。 仲 知諒 桓公殺公子糾 焉 身, 非 子 糾 、忠也。 之不 忠與諒 仁 而 子 者與 屬 論 糾 也 可 于 而 之别 其 ? 其 人 若管 死,仲何 執 無 糾 一殺其 相 而 以爲當死者, 者 時之所從未 當襄公之時,仕於二 也。 以 于此, 求 桓 也。 有 桓以 一仲則 也 諸 自見者。 以 或 其 所嫌 所 心 後之功 君臣之分 無有 後, 也 出 以 雖 事 而 分義 奔 未自 者 何 丽 侕 審, 襄公弑 異也,非 也 故 古 以 不 子 也 皆 必 自 子 論 執 可 糾 義 面 安 其 V. 澼 于 之 忍 贛 管 桓 固

六一七

管仲,四 興,垂 時,南 乎? 用 俗 綱 道 諸 有 仲 決於不死,決於相之,其以是爲心之安而 天下之安危存亡在此一時,後世之人 有 散之天下 室以正大分,合中國以立大防, 隱 . 繫此 之オ 淮夷,而 維, 爲也,故相之。 推審于桓公之無不可相,而可相之以大 ,以聯合諸夏,而固其封守,民之得 侯受命焉。 而 不 子曰,管仲之仁,正於其 四 至今日,吾其 有 免於頃覆者,皆其賜 一機, ,而己之從糾 能 夷闌 楚,北有山 匡 死, 中國諸侯鬥於室而忘其外。 而 人,兵戈不戢,而衣裳之會不 威足以信,恩足以孚, 又 馬。 齊 傾 有可 於是王統裂 身 被髮左 戎,西有赤白之狄,東 繼 非 竭 此 用之勢,桓公有 君 誠 而 臣分義之所在 也。 衽 以 興 矣。 者 相 相 丽 夫桓公之 而 「,率 之,何 桓 霸 管 傾 見也 事 尊王 心 仲 由 知 危 興 微 口 風 知 有 其 涣 爲

> 例責之也。夫子之論定,而君臣之義明 中國 之時 足以 其 推 同 夷夏之辯昭 人亦何從 理之得也,豈屑若 私 其 不深切著明矣。 死,以爲 不可 見諒於君子,功不足以 人道之功,而不可 ,事之則 則當辯其偶然之失。 死之道。 而 小信哉? ,仁與忠、忠與諒之析之必精 知之乎? 必從之,與之同謀 匹夫匹 其相 自經於 以匹夫匹婦之小信 論仲者,在奉子糾 也 一婦者 其不死也,當 則當深志其 復及於天下 溝 懷 瀆,而忠不 則必 其 惠,守 與之 存

公叔文子之臣大夫僎,與文子同升諸公。無不深切著明矣。

士卷切

臣,家臣。公,公朝。謂薦之與己同進爲

公朝之臣也。

子聞之曰:「可

以爲『文』矣。」

文者,順理而成章之謂。謚法亦有「所謂

忘己,二也。事君,三也。」而引之使與己並,有三善焉:知人,一也。錫民爵位曰文」者。洪氏曰:「家臣之賤

美乎? 疑 尊者、衆矣、而文子不然。 朝之大夫也。 臣 事。 偁 之,而予以美名,以 訓義 春秋之世,錮 以爲以是偁「文」而文子有媿,子以爲以是 文,美謚 天下勸。 文子之謚「文」,非其 也,已而升矣。 「文」而媿于「文」也,乃記其有 而此可以 大夫僎之得爲大夫,其始則文子之家 謚 以昭德而報功也,而即以垂法 也,而公叔 雖班 故苟有一行之合於理, 爲「文」矣。 其 制之修亦 薦之升, へ 家 臣 其升也,與文子同爲公 勸 拔 圃 以 天下,聖人之權 所 爲 樂與同 官之故事 修 知人才之當爲 可當 夫子聞之曰,吾 己用,而 班 制得之。 也,而 升而 大夫僎之 無 即節 忌 不忌。 足 有 與 丽 也。 人 國 美 斯 同 取 爲

> 典,成 焉。 用,順 焉,所爲與先王制謚 無負于名矣。 良,在位 惜乎衞之君臣不 乎大臣之章矣。忘 其理矣。 圃 己與 聖人揚善勸美之心,有 有榮,以 爲大臣 之精意允合也 以 此 是 耐 事 爲「文」,尚 私 修 , 偁之, 忌 以 人 圃 事 志 而 君之 要可 無 媿

而不喪?」夫,音扶。喪,去聲。子言衞靈公之無道也,康子曰:「夫如是,奚

喪,失位也。

賈治軍旅。 孔子曰: 才。 必賢 仲叔 而能 用 圉,即孔文子也。三人皆衞臣, 而 「仲叔圉 尹氏 此三人,猶足以 其才可 夫如 日 : 是,奚其喪?」 治賓客,祝 用。 衞 贼 靈公用之, 保其國。 公之無道,宜喪也, 鮀治宗廟,王 又各當其 而況有道 雖未 孫

●「而」、啖柘山房本作「不」。

「無競維人,四方其訓之。」 之君,能用天下之賢才者乎?《詩》曰:

道,干 道 衞 歆 則仲 子曰 宜其 不傾。 訓義 賈治之,無失守也。 祝 有爲也。 國日弱。 亡乃決也。 其國之人才。 一,不可 3,疆 古 鮀 或 (喪矣。 叔圉 國之治亂 無 治 屋 霸以啟 景 之, 夫子 非 恃其有臣。 固 康子曰,有君 治之, 有 之可 無失 徒君之國 臣 靈 而 與 釁 靈公無 公雖 有 繫乎君,而興亡之大故則 乘 猶 加 康 ,縱欲而蔑 敬 無失禮 終其位、保其 無 君 也、奚 子言, 也。 君 而 無道哉 道,自 夫如是,四 世, 臣欲全國,以 無臣,欲治不能 不道,而至於如此 以 也。 亂不可已, 丽 而 臣宣 修 喪 貽 倫,宜其不 及 以供 武 哉 禍 于 力而 (國,何 以譍 於子 備 鄰 衞 輯 祀 自保其 靈 則 君 國之存 而國終 邦交, 鬼鬼 典, 孫 欲 也? ·足與 之 E 前 神 孫 則 無 杰 而 視

> 史諸 故曰,人才關 子屢偁之。 家,其可不勤于國計 賢能 盡 三臣在位,而 於 其 國 用 運 其 乎? 爲 益 免于喪。 蓋 不更宏 衞多君子,夫 多 使蘧、 乎?

否矣。欲踐其言,豈不難哉?」大言不慙,則無必爲之志,而不自度其能子曰:「其言之不怍,則爲之也難。」

躇而 效而 訓義夫子曰,人之有言也,苟知之,則無 不足與有爲矣。 自 焉,天下之理 之心,使之有踐其言而 即念及於爲之者爾。 給焉,苟可言者即言之。 可言之。 知 若 其 理之無 有 難 也,必 所 而君子當欲言未言之際,心 不可 慙,忍而 勢不 矣。 故君子之言常若不足,誠 通, 相就 則當 則 不能 如其 爲之。 。若其 聞 而 言之時 盡 吾 知 其 者, 仍 可 力之勤 身 言 惟 以 此 之 而 而 測 早 有 無 言 易心 怠 易之 知 不 m 口 其 躊 口 而 不 口

## 有以夫!

陳成子弑簡公。

成子,齊大夫,名恒。簡公,齊君,名壬。

事在《春秋》哀公十四季。

孔子沐浴而朝,告於哀公曰:「陳恒弑其君,

請討之。」

乎? 故夫子雖已告老,而猶請哀公討之。 要,天理所不容,人人得而誅之,況鄰國 其事而不敢忽也。臣弑其君,人倫之大 其事而不敢忽也。臣弑其君,人倫之大

公曰:「告夫三子!」二「告夫」,音扶。

三子,三家也。時政在三家,哀公不得自

專,故使孔子告之。

孔子曰:「以吾從大夫之後,不敢不告也。

君曰告夫三子者?」

必討,大夫謀國,義所當告,君乃不能自命孔子出而自言如此。意謂弑君之賊,法所

三子,而使我告之邪?

後,不敢不告也。」 之三子告,不可。孔子曰:「以吾從大夫之

仲尼此舉,先發後聞可也。」 君臣,終不從之,可 矣,因是足以正之,周室其復興乎? 魯之 計魯人之衆寡哉? 之。至於所以勝齊者,孔子之餘事也,豈 罪,上告天子,下告方伯,而率與 君,民之不予者半。以魯之衆,加齊之半, 以君命往告,而三子魯之彊臣,素有無 力不以義也。 可克也。」此非孔子之言。 誠若此言,是以 程子曰:「左氏記孔子之言曰:「陳恒弑其 之心,實與陳氏聲勢相倚,故沮 「《春秋》之法:弑君之賊,人人得而討之。 夫子復以此譍之,其所以警之者深矣。 若孔子之志,必將 當是時,天下之亂極 勝惜哉!」胡氏曰: 其謀。 國以討 正名其 君 而

六二二

君哉? 決矣。 公曰 聞。 訓義 殷 廢 而 事 既 於色,爲人臣者之道,極 能討 雖不 陳成子弑簡公,臣子莫能討,天子方伯莫 防,亦惟 於天下後世者 三子」者,舉而 與 無能討之權 勤 也 君 日 知 孔子已致老於家 必 知不可 而言之,直 mi 陳恒弑 聖人於此,義 行,而 焉,大義 魯 子出 告夫三子」者,吾不知君之何以自 猶 盡之於己, 爲婚 不 爲,而 而歎 其君,正罪也,請討之。 存 憚 1、大權 委之三子,而哀公何以 ,且無欲討之心,乃曰「告 姻之國 其義,則 不容諉焉,故不敢不告也。 詞無少貶焉,猶義憤之不 無 曰,以吾從大夫之後,大 益 不容 而大 也。 之煩 憤 沐沐 盈 近 不正 名正法立 於此 義明、大權 聖人立人道 於中 也。 浴 在 鄰 而 者,大義 矣。 ·, 而 対,置 之三子告 朝,告 前 大 ൬ 阳矣。 其辭 之 之大 爲 哀 勇 於 口 也 人 夫 公 形 哀 图 伸

> 亦惟 知其 有爲 乃正 己,而 常 陳 而 臣 自 君 不 討 討 敢 之心,且不 不 恒 盡 不君,臣 弑 必 而 盡 何 言 君 伸 臣 與 盡 不告 臣者之道 之罪已 載 , 則 不 其 以 者 以處君臣 不聽,聖人亦無如之何。 哉? 君命 自盡 也。 道 自 而 聖人之誠 不臣,惟 īE 而 明 謂 樂 以 故 之閒 於 三子而 己。 其 焉,則有爲臣者之心 不 有 恪 之際 萬 曰,《春 志 可 請 共 也。 世 聖 不 日 也。 討 也。 何 一,則聖 也。 徒 盡 以以 人 之語 以 告君而 非 秋 何 其道 加 吾從 乃大討 爲 夫哀: 人 》成 以 直 人之大權 三子 臣 人 異 而 大夫 公與 與? 臣 君不任,告 歫 而 於 己。 固 知其不 不 哉 以 亂 人哉? 有 焉,故 之後, 加 不 臣 聖人 又 不 可 子 何 可 賊 欲 mi

子懼

子路 犯 調 問 事 犯顔 君。 諫 子 争。 日 勿欺 范 氏 也 日 面 犯之。」 犯非子路

了放可受已见。 之所難也,而以不欺爲難,故夫子教以先

勿欺而後犯也。」

所不欲 可問。 訓義 之克 以此 君所 有爲 言 節 君而 而 君之不及知 修實 而 無 | 盡與! 河,道 事君,内 所 而苟以 不求之己,則負直臣之名,而臣 子 臣道不能 行,道 求之己而不求之君,則有純 于 路 庶 間 殉, 所 乎 塞責。 而 事君 不負 不 其 所 罪 文飾 勿 必 可,争之而必正其非。 盡 無 心 欺 行, 雾之而必勉以 不任氣而 所 以免咎,勿諒君之不可 子曰,爲臣之道, 故求之於己者,勿 也。 而 可 上不 避,犯之不 圃 求之於君者 負君 任心,不修文 斯 卹 臣 臣道 求之 心 爲。 也。 君 之 幸 不

欲,故日究乎汙下。 君子循天理,故日進乎高明。小人殉人子曰:「君子上達,小人下達。」

去聲。 子曰:「古之學者爲己,今之學者爲人。」爲,讀 聖域、皆其所優爲者。其上也、未可量也 之必定。 其下也,烏有 意不 利,日孰而 人之人,所肖者 技之未工,不即 如其爲小人也,託 義之必精,有 者君子之道,漸 即至於高明。 立身于循理之中,則 分,君子小人而已。 其賢不肖之相去, 豈有涯哉? 訓義夫子曰,夫人志行之不齊,推而達之, ·戢,達而 勿曰善不易爲,而惡猶可悔 見事之無 之於敗 止 所未 而所與 也? 極乎卑污。 小人之術,漸漬 漬 身於從欲之俗,則雖其 逮 於 類,固 不 爲 誠 而 雖 是以擇術必 處者君子之人,所學 心 可爲,有所 善之樂,日 所造之未深,不能 其 不 爲 其 面 安,達而 君 所 所 子也,業 不 於爲惡之 要其所自 與 河明,而、 卹 未 進 處 者 也。 之於 極 者 而 也 E 守 mi 知

六::

者。於此明辨而日省之,則庶乎其不昧於之際,其説多矣,然未有如此言之切而要至於喪己。」愚按:聖賢論學者用心得失己,其終至於成物。今之學者爲人,其終程子曰:「爲己,欲得之於己也。爲人,欲程子曰:「爲己,欲得之於己也。爲人,欲

所從矣。

也。 學而已矣,而不謂學之亦成乎今而異乎古 訓義夫子曰,欲進今人而效古人之志業, 樂羣,惟恐其不及也。 於先覺,以求愜於心之所安。 不事之君父,己爲君子有不容不治之野 之有心思而必致其明詧,己爲臣 之學者,念己之有耳目而 公私之準也,亦問其所爲者之何如 人,而恐率行吾意之未中乎理也。乃取效 誦習之文,言行之迹,不可信爲義 今之學者,以利之 必盡其聰明,己 是故 子有 耳。 敬 不忍 利 古 而

> 救之哉? 其志追,至於學而 學爲也? 學而 道,不恤其勞焉。 友,以求合乎時之所貴。 見當世所尚之相許以文也。 著,君父亦邀名之地,功名原厚實之歸 所資必藉人而始遂,名之所成必待 且以爲人乎哉? 嗚嘑! 尤 遠於古人,抑將 爲人也,而 是故 乃問 從 其情變、 業 師 何 於 而 何 而 間 師 始

曰:「使乎! 使乎!」 可:「夫子欲寡其過而未能也。」使者出,子孔子與之坐而問焉,曰:「夫子何爲?」對 其家。既而反魯,故伯玉使人來也。 基伯玉,衞大夫,名瑗。孔子居衞,嘗主於

克己,常若不及之意可見矣。使者之言愈玉也。言其但欲寡過而猶未能,則其省身與之坐,敬其主以及其使也。夫子,指伯

蘧伯玉使人於孔子。

乎」以 是以 十而 自 十 子之心 前 卑約 知四 喽 六十化」。 重美之。 而 履 而 善於 十九季之非」,又曰 篤 其主之賢益彰, 實, 辭令者矣。 蓋其進德之功,老而 光 按:莊 輝 官 著,不惟使者知之, 周 偁 故夫子再言 亦 「伯玉行季六 伯 可 謂 玉 行 深 不倦。 知 Ŧī. 使 君

而

夫

子

亦信之也

爲 者又 爲 夫子 IIII ,夫子非能 修之學乎? ,夫子何爲? 即 義人終日於過 口 從 孔 於衛交蘧 自 人乎? 使 子 矜, 而 者。 導諛之,是 既 豈 夫子 已 爲 尋 有 伯玉,以道 爲 迷 所 弟 常 間 而 使者 與 爲 子 致 m 其 不自復也。 之 坐 乎? 以 也 不 問 涖 未易 大 之 知 官 而 相 、惑終 復 儀 之政 而 必 未嘗不欲 對 成久矣。 哉? 矣, 問 伯 也。 心身而 乎 苟免於過 焉 而爲 玉 之所 所 而 禮 不解。 之下 有 使 其 使 問 也 者 使 所 者 見 其

三子亦 凡夫 其不 也。 也 同於 上 以 與 能 禮 未 以 謂 退 爲 亦 張 聞 成 嘗 寡 默 也。 口 不 盡 如 驕者 語之閒 道 君 使之道乎 而 子 不 過 是 容 竊 尚 君子之能 使者出 覺 矣。 其不能 矣。 己 古 者 子之學,是 終日之爲,皆此 悔 而 見 於 其 乎? 故故 人無 可 其道之未盡,人己之未得,而 夫子之所 ,慎之於出身加民之際。夫子 行 不 嗚 已 以寡過矣。 其 正 ? 焉 容 奴, 嘑 , 夫子偁 而 無所爲 下 而 夫子之自責 丽 已於言 曲 以 其不媿爲 即 不 伯 不 以 知 體 此 有給賜 諛 玉 敢 也,則 之爲 以 君 之曰,若斯使者,其 夫子所 是 爲夫子者 之 吾黨信之,亦 遽 焉 子 盡 門 行焉 脯 可 之心。 IE 君子之使乎 皇皇耳。 君子之美。 罪 多 無已也 不 不敢 以 以樂交伯玉 沈 人者,亦不 審之於進 敢遽言焉 助 未 潛之士 輕 伯 不侈 盡 於爲 於 玉 謂 則 也 其 美 是 又 M 口

六二五

子曰:「不在其位,不謀其政。」 使之將命。此使者,乃子華使齊之類。

化是外乙录辛己。 曾子 蓋寶舜之,曾子曰:「君子思不出其位。」重出。

之位 其用 所不 也。 此 失,有常有變,深入而 11-其 艮 其 章之語 存 則 也。 思 位 所 卦之象 乃 涵 乃 曾子讀 È 有 前 其 偁 前 研 者天 則 若是 致其 口 之日,君子之存 而類記之也 君臣 幾 天下 有 辭 用 艮之象辭, 精義之無 異 也, 則 知者 也 吾 之理得 、上下、大小皆得其 焉。 所 思者 順 曾子蓋嘗偁之,記 思之事 逆者 於理無 思者 備體之,恐不 也。 矣。 可 Mj 略者矣。 人也,古今者 諸 即 范氏 以 位之中 就 故 所 其 心 爲慎 事 君 不窮 者,於 位 曰:「物各 而 子 思 職 若位 詧其 盡 有 ௱ 所 之 也。 其 道 者 得 所 面 思 時 之 理 理 當 則 不 因 有 覤 無

> 子曰: 前之所 哉? 多知 盡 也 不念在我之已疏。 而 於物 之長,勿 他 君子恥其言 此艮止之學,君子用之以治思 守。 日 之或或 不矜。 他 逞 然, 人之未得,而代爲 其 而 理得於己,而 今日 汎 君子於此,不侈 過其 **唐旁通之力**, 思 行。 之, 則 抑 適 思 又 故 其 以 也 何 在 博 亂 求 己 聞 則 當

惟吾言 恥者 更多 子 苟 苟不 訓義子曰,君子之存心,於言 之,而一 吾之幸 之存 有功可見,可 也。 以 ,不敢盡之意。 而 心 而 心 言盡之,將謂 吾之知 聞 也 無 制 道 所 則 其 也,非 媿。 不 言, 以 然。 ıĿ 如是以行而 則言苟 荷 於 過者、欲 欲 是 我 以爲 不 以 以 爲 M 亦 無 知,而 心 Ħ 遂 人 篤 悖 有 即 以 也 姑且止。 餘之詞 行見之矣。 無媿 於行,則 於 表 所 道 終 章 不 也 可 知 至 日 道 者 君 以 學 行 而

乎

故

如有

所歉

於天

馬

若

有

所

餒

於

人

?

之所 也。 焉 乃 也 誠誠 爲 經矣。 伏 見 雖若見爲 恥之也。 爲 將 盡 謂 行即 而 可 無 猶 審於 以 有 口 不 自信, 成矣, 盡 加, 無 也 而 可 而 而道之難於 恥 更進焉 功之所就 所 而 難 後發, 信 則 者 又 克 正 即 而 有 多 调 杰 言

得矣。 故古人有姑舍者焉,天道 有 難 馮 者

焉 必必 過之也。 乃無憾矣。 極 於 蓋 無 惟 可 過 不於言見 加 後 行 以 成 而

焉

而

行

言

以 反 (求自復之心,持之於出 П 「之際。 不 於

之時。 行見行, 君子之存心有如此者。 而以求至於道之心,奮之於 人勿輕於 躬 修

言行 哉

子曰 一一君 子道者 三,我 無 能 焉 者 不 憂

自 青 以 勉人也 智者不惑,勇者不懼

子 贛  $\Box$ 「夫子自道 也

道 言 也。 自道 猶 云 謙 尹 氏 日

> 之言,其序有不同者以 成德 以 仁爲 先,進學以 此 智爲先。 故

夫子

境,以 是乎? 心。 自言 無閒。 協 孰 克 謙受 人以 所出之以譍天下。 曰,君子之道,有所 誠勇之天德,而 下有 訓義聖人之所必不可及者 乎心者,惟日 ,則用之也 盡之功,所道 也,何其易 能 其 益 天下至變之境,道皆行 從容中 如 心 道 也。 故其自言也,恒見不足,而 與周 是以居心者乎? 無 嗚 미 不 道 流 嘑 息之時,故聖 孜孜 勞。 者 焉,乃 也 歷 加 1 有 1 因 從 乎 三也。 焉 乃我之 恒覺道之未 聖人且 其性 入以 可憂、可惑、 以 夫子體 而 爲 未 之所近,而 致 惟 道之也 此 汎 能 則 乎其 如 盡乎己,斯 人 非 誠仁、誠 譍 非 也 心 是 易 無 聖人 易。 乎 與 中, 世 可懼之 可 夫 已 也 面 非 道 君 息之 而 精 致 人 但 而 夫 則 合 其 之 聖 允 以 天 有 而 如 丽

六二七

其全, 言 之無 也? 也。 也。 於得 不 忘 夫子 焉,而何 不 君 静 吾之仁、智、勇見 亶 違 能 懼 聰 固 子 而 mi 之難 也。 於 遇 誠 窮, 间 如 秉剛 君子 明 養之以 喪之不憂也,有所道以忘 而 而 是 人 此 而 可 難 而 我 天下之憂、惑、懼 君子之德備。 不過, 各 於凶危之不懼也,有所道以免懼 也。 能 直 非 廣 窺夫子不息之心,乃曰,三者之 其 能 一. 極 而 之以 之不 純 能 而夫子自見 也 其 配 自人言之,夫子之樂,季 粹,無土不 智無 無 自已乎? 於是子 爲可 一, 而 詧識 之以道 惑也 圃 不 非夫子之難也。 安矣。 不 用, 有 君子之行成。 昭矣。 無幾不 我於三者不 義, 而 爲 相 所道 安,故 恒 夫 無 難之心,則 因 憂也。 難 審、故 子之 理 夫子之威, 面 以 不 不 不 辨 日至 贛 敢 ~明,天 憂也 伸 惑 乃非 見 無 兼 安恬 自 不 故 也 勉 自 道 信 體 惑 口 丽

> 道。 也。 能 言者,不息之心。 自道 道常 者,豈其心之 至者 有心,則皆可有不息之用。 不息之誠,聖人 也。夫子且然,而 可忘者存,仁、智、 而 在。 此「道」字解作 「自道也」,只是自言如 非之道三也。仁、智、 ,則若憂、惑、懼之有 伸而義必正 無 如 聖之不 其 果 自 足 誠 棄之心 自聖,唯聖 況學 勇之已 勇 哉? 圃 不 「由」也, 極乎大矣。 子 可 」,何 學 者哉? 贛之知 則 極 其 而 此意。 人 得一善 也 可忘 其 勇是德,不 至 耐 由之以 固 至 矣, 聖也, 有 夫子之 必 mi 而 而 不 作聖 更有 而 面 更 夫 道 子 成 自 有 自 知 人 者 自 之 德 是 足 皆 其 聖 之 其 不

不暇。」夫·音扶。 子贛方人。子曰:「賜也賢乎哉? 夫我則

方,比 短 長,雖亦窮理之事,然專務爲此 也。 乎哉 疑 辭。 比 方 人 物 則 而 心 較 馳 其

辭,復 於外, 責人,辭 自 加 不迫 貶 所以自治者疏矣。 以 切 深 而 抑之。 意已獨至如 謝 故褒之而 氏 此 日 聖人 疑 其

自顧

此見矣。

非子贛之所能及

人,而 乎? 有銓 則 宰制之。 矣,其高卑清濁 可 子曰,夫修己已盡 方之,以 者引以自媿,不肖者取以自鑒,好惡在心, 訓義君子之爲學,求諸己,而 日 何等也。 而 ,以方人矣,惟其賢也。 我之所志者何 不 , 孳焉 選之職 易 且忘 擬我於人, 出 賜也,而賢乎哉? 類 諸 即出 以 乎我。 相從, 口。 擇 者弗獲已焉。 善 而見天下人品之不齊,於賢 不能 若甄别人品而高下之,惟 如乎? 而我 而 以 ,而治人之道行焉 惟 從,不 等 出 日 何 相 孳 我之範圍,而 以 我之所就者 天下之賢莫己若 差, 善 孳 自 III 焉 而 若以 處? 何 子 改 以 , 贛取 爲 人也,固 自 我 者 所 擬 則 求 自 人於 何 因 也? 人而 居者 思 不 惟 如 以 或

> 心,而好惡之理求全於己者 暇及于人之長短 故孔子作《春秋》,論 也。 而 不暇者,聖人不息之 不議,聖人之誠 也 ,誠不易也。 於

子曰:「不患人之不己知,患其不能也。」 文皆有異,則聖人於此一事,蓋 凡 小異者,屢言而各出也。 丁寧之意亦可見矣。 章指同而文不異者,一言而 此 章 重 一屢言之,其 凡 出 四見, 也。 而 文

## 訓義 未釋

子曰:「不逆詐,不億

不

信,抑亦先覺者,

是

逆, 先覺 辭。 誠 詐,謂人欺己。不信,謂 而 未 言雖不逆不億, 已,然未 ,乃爲賢 至 而迎之也。 有誠 也。 而 IIII 楊 億,未見而 不 氏 於 明 人疑己。 人之情 日 者。 君子 故 傷, 自 意 抑,反語 雖 之也。 不 逆 於 然

億而卒爲小人所罔焉,斯亦不足觀也已。」詐、不億不信,而常先覺也。若夫不逆不

能生其 失,而 先喪在 詧也。 之矣。 窮也 明也 H 覺者,覺其 不信爲賢於彼之芒然 杰 而 也,於是而 遂者,以不逆詐、不億不信爲賢於彼 訓義夫子日 多 疑之際。 焉 所得 ,必惟其誠之不 則 不待 惟 變 以猜忌之多失也,於是而 我之忱。 乃信爲誠 物 是 僞 夫不逆詐,不億不信,而抑亦先 理 詐 揣之於未許之先,度 有智計周 斯則己 ,君子之道,誠 則賢 人情自著其條理,而 則 丽 以 不 其不誠 m 乎 較之於彼 能 無苛巧之失,而 至也。 密者 卒爲 欺, 覺其 也。 蓋立 也,則必 天下 至而 以先覺人之詐、 乃自矜其詧,而 以 者 誠 不 所 顓蒙之受蔽 無 於 明, 之於 信 其 欺 有 己 所 直 天 樸 而 明之有 而 表 桂之 之詧 而 下無 且 其不 不 直 難 異 信 道 自 坦 言

> 微 生 分一 異 於 畞 曲 寓 謂 目 士之愚與細人之哲也 孔 加 子 即 日 判。 : 丘 斯 何 君子所以 爲 是 乎 栖 、譍天 栖 者 下 與?

無

乃爲

佞乎?」與,平

-聲。

倨 微生,姓。 佞,言其務 蓋 有 丛 爲 畞, 德 而 名 給以説 隱者。 也。 畞 人也 栖 名 栖 嘑 夫子 依 依 而辭 也 甚 爲

訓養聖人之於天下,有不忍忘之心,而有達尊,禮恭而言直如此,其警之亦深矣。疾,惡也。 固,執一而不通也。聖人之於

孔子曰:

非

敢爲!

佞

也,疾固也。」

則 著成 成。 訓義聖人之於天下,有不忍忘之心,而 司 則 無 澤 才不忍不爲之盡,言不忍不爲之明。 流 不 可明、 者 物之能。 加 即其不行也,而 也 于 · 天下。 無 是之謂 不 皆 可 其 其 行之德教。 誠 不 八小試 立法於萬世,亦 通 忍忘之心 也。 也,亦 與 一, 其 順 我 大行 譍 與 同 天 無 而 類 也 彼 地 績 有 不

子之道 與 窮。 身於 乎 在 栖 進 特 乎 終 爲 爲 婞 以 衆,而 以 執 ? 日 一 婞 栖 F 也 我之喜怒以 爲 而 惑 天下 一,謂 爲 者 世 言 而 止 去 用 滯 栖 嗚 人,退 之, 固 則 而 栖 L 焉 愐 而 吾 嘘 孔 執一人爲 自 一之情 可行, 誠 而 與 不 不 焉 不 子 有 有 固 物 已 能 我 知 而 爲 日 吾 出 栖 塞 進退 作。 矣。 是 庸 則 耳。 某 失己,某何 某 於 不 心 栖 而 何 則 固 矣,吾 獨 焉。 直 爲民 危之矣。 用 不 某 非 今者可 其 無 者 則所見者隘 子 是以 與 通 則 巧而 不 輕 乃 ·日,佞 不 不 出 佞 而 甚 不知 敢 爲 諒 容 非 導之, 民 處 可 放焉? 兩塗之外者, 以 矣 有 我 口 不 行, 世 因 非順 非 去 夫子 其 輕 面 給説人之佞 疾。 平 我責,無所 而 山 何爲 微 惡 天 則 且 時, 而 不 爲 某之栖 下 也。 生 所 道 乃 欲 異 去, 説 守者 安其 畞 之 所 哉? 己 德 也 而 之, ? 1 通 執 以 畞 君 依 其 而

德,則

亦

奚足尚

或

教 子 栖 之,功不必成,志不必遂,斯 所謂「小丈夫」也。 則教之,道 無 爲乎? 足以 夫固 下 之爲言, 通 有 可治 於 愚 則治之, 以 不 陋 肖 爲 也。 聖 而 人 曲 有 即 之 成 孟 可

子曰:「驥不稱其力,稱其德也。」

徒

與

驥, 日 善馬 驥雖有力,其 之名。 德 稱 謂 在 調 德。 良 也 人 有 才 尹 而 氏 無

得,良 乎? 哉? 里, 然使 以見 訓義 御 者之志,人乃 m 夫子曰,天下之所謂 恣 長於人,而卒爲天 請 吉 惟 面 其 其 以 與 行 奔 衡 馬 力之有 五 騰 軶 言之,馬之有 十里,軍行 迅速之才, 相 偁之日 安,故 餘 加 |驥 車 下 能 三十 才, 也 不 雖 其 調 病 非 傾 力, 非 而 里 何 日 1 凡 與 而 一,將 足尚 貴 馬 服 而 往 也 有 之所 致 何 來 驂 才 如 相 往 7 足

於後 及 也。 世 然則 而 後 有 # 才行于天下 仰之,不抑 有 ini im 合乎人心、 天下 慕之,施 順

或曰:「以德報怨,何如?」 乎天德者乎? 可以復矣。

言於其所怨,既以德報之矣,則人之有德子曰:「何以報德?」或人所偁,今見《老子》書。德,謂恩惠也。

「以直報怨,以德報德。」

於我者,又將

何以報之乎?

明白 德 然後二者之報各得其 聖人之言 不 所 於其所怨者 怨德之報皆不 無 ·可忘· 謂 簡 不 直 約,而 也。 報 也。 觀 則 之,則見其出 於其所德者,則必以德 愛憎取 其指 又 ·得 或人之言,可謂厚矣。 未 其 意曲 嘗 平 舍一 不 介所。 也。 折 厚 以 反 於有意之 也。 然怨 必如 復,如造化之 至公 有 夫 此章之言, 不 而 子之言, 私,而 報之, 讎 然以 無 而 私

而

何反

施

以

德

也

報

德者

而

後

以

德

也

?

以德 息。 訓義 不 道 德之外以隆於報乎? 怨,以直而已矣。直在彼,則忘之可也 術,於報 有德者如是之薄乎? 論,而但問 刻,制天下以權,而 天下之怨 賊之心。 天下於不可受,則使之自困,而陰用 簡易易知 有失哉? 有其 必更加 春秋 報 老氏之學,思 怨。 至正,而 德 以 且 或人偁之,而 之世,以 之日 夫子曰,此其爲術也 而 而 德 自止,此其爲 其 微 何以 爲 也。 何 妙無窮,學者所宜 非 術 自安其 怨相尋,而兵戈獄 以 彼 以 誘天下以 直 也、欲曲 矯 説之所能 報德? 在 曰,誠 亦將等德於怨 於報 天 我, 心? 下, 道 則 以 名,吾姑 何 以德 怨 將 而 巧,居 自 怨之 如 而 亂 故 更 其言 詳 全 而 可 也。 君 有 報怨, 可 玩 用 子 心 其 不 而 加 而 圃 日 也 也 之 其 暇 殺 待 於 世 贵 窮

也? 大德 聖人不屑深 之所知 安,天下且 に不敢忘 容作哉 君 謂 哉 子 報 相 之順 賜 求, 所 勸 異 以 以 謂 端之言,以 而 其 力 德,而 報 但折之以 情, 也 生 以 循 相懲 而 其 死 何 也 理, 奇巧文其姦。 正,論定而 於怨,豈 忍 均 理 小 之於 得 德 彼 m 不 邪 説 情 怨 徒

子 EI: 夫子自歎,以 「莫我知 也夫!」夫,音扶。 發子贛之問 也

慝何

子贛 曰: 天,不尤人,下學而上達。 之智 及知 知 自 但 不得於天而 也。 修, 知 下學 幾 丽 循 何 然深 足 天 序 以 獨 而 爲 漸 及 味 知 自 不怨天,不合於人而 其 進 之 其 此 然 莫 耳,無以 之妙。 ,故特 語 F 知 意, 達。 子也?」子曰 則見 語 蓋 知我者其天乎 甚異 此 以發之。 在 但 其 孔門, 自 於 中 言 自 人 不尤人, : 惜 有 而 其 惟 ! 不怨 反 乎 子 X 致 己 其 贛 不 其

有所以 及也。 天理。 在 非 無 於始 有 以 訓義聖人之德,天 尤人 猶 夫子之道,天下無 不 而 語,乃學之要。 在言表。」又曰:「 沙學聖? 容已 不 所 人不 有 世 不 口 可 而 志 在 所 然習而不詧, 時 者 以 知 未 行 即 者 居 理當 非不可從也 賃 故曰 也。 有 焉 以 焉 心者焉, 達 故夫子歎曰,莫我 (通者 不行 我有 是終者 也 而 如此。]又曰: 教 蓋 知 知 有 焉 我 德者尟矣。 德 我有 凡 學者須 不 所 而 我 不 焉,我有 則亦不能以上達矣。」 程 者 可 行者 也。 下 人 從 子 其 有 學 何 由 所以 知 爲 所 天日 丽 誰 缺 焉, 人事 也,天下 守下 「下學上達,意 : 無 所 其莫知子也? 人 邪 陷之在數, 自信者焉, 知 不 我 不知 知 求 ? ',便 昭著於人, 也 學上 有 愚 無 致 子 怨 夫! 一聖則 是 無 所 不肖之 憾 而 天, 贛 達 建 E 有 而 百 之 我 我 達 之 自 慮 不 而 可 何

學之 逆,非 之散 行在 體,吾以不踰之矩體之。 不 知人之所可 吾無 怨? 豈 者,上之可達者也,天知 厭之學用之。 也。吾所學者 吾終身而 日 面 倦, 夫子 知 ,吾何隱乎哉? 爲之也憤而居之也 非天 M 見 者 是,吾之以 所待於人,奚其 而 在人之情理有從有違,非人之咎也 天之過也。 尚 於 其誰邪? 非 天 人也。 有隱焉 萬 從 何隱乎哉? 理 知 物 事 行焉,而遂 而 ,能人之所 者 因乎天而近乎人,下學耳。 於末 始終百 人 吾之達,吾達之,非天人 而 ,下之可 有知我者,其天 吾無不 心 使人不易知者乎? 也。 (尤? 順 在天之時 慮 焉。 我 天之渾 已上達矣。 可 學者 天之用,吾以 可因之天,奚其 丽 蓋吾之學,吾學 所 能,知不 吾志在是,吾 一致者 達之非 也,天知 成 數有順 八乎? 於 -遺,行 在 天之 舍末 是, 天 不 理 我 有 子

保合 物資 也。 知也 之自 此 之理 尤之 我 爲我怨,求之人而 於險阻。天知我之不怨不尤,以其無 有不 至德,子贛且 而 我學之即 行不悖」,無可怨也。「並 而 博 心 無 求 情 夫! 知 「爲散」 也。 齊之化,不損其生成,不類之物,無傷 則皆有此理,天日 始 吉凶 本 太 可 尤也。 乃 也 也。 和 我之上 「白彊 同 以 見,下學上達相 統 」,下學 鳴 「雲行 達之,而達 天之散見者即 患 天」, 不知,而 嘑 若夫人 而 ! 不 達 不不 而 上達之理。 息」,下學之心也。「萬 雨 或爲我尤。 圃 此 Ŀ 與聖人 施、品 擬以聖,求之天 則 況 聖人自言其合 達之德也。 之即 在人之中而 下焉 育 知我之下學 因之理也。天 · 其 渾 物 不 可 以學之也 各 流 者乎? 害」,無可尤 憂」,不怨 久矣,其莫 成,渾 形」, 正 人何不 性 皆 天 下學 而 而 可 成 並 命 怨 知 天 者 或 偁

情,信 知聖 知 ? 測,則宜乎不能知 而後 在己之所知所能,而 乃沈潛者 山 以學 志 聖。 也。 乎廣大,高 孔子没,天下不復有 知天而 未順乎變化之不 後 明者 可以知聖, 略乎事

於命

加

後泰然

也

訴作愬,義雖可通,亦不可不辨也。寫之誤。愬乃《易》「愬愬終吉」「愬」字也,今《語》、《孟》皆寫朝。」愬、當作訴。寶从穴,今寫作寮,訴今寫作愬,●皆傳朝。」恕、當作訴。寶从穴,今寫作寮,吾力猶能肆諸市「夫子固有惑志於公伯賽,吾力猶能肆諸市公伯賽愬子路於季孫。子服景伯以告,曰:

苟能於下學求之,尚不失爲聖人之徒與

聖人,誠

有以也。

是以夫了歎之也。

學者

也與? 子曰 謝 疑於寮之言也。 魯大夫子服 公伯寮,魯人。 :「道之將行也與? 氏 EI: 命也。 雖 何 公伯 寮之愬行, 也。 子服,氏。 肆,陳尸也。言欲誅寮。 寮其 夫子,指季孫。 如 亦 命 命 景,謚。 也。 命 何 也。 ! 」與,平聲 道之將 言其有 其 伯,字。 實 寮 廢

而警伯寮耳。聖人於利害之際,則不待決無如之何。」愚謂言此以曉景伯,安子路,

其 志也。 也。 訓義 爲 聖人以一人而繫乎天下,引天下之治亂以 政,法猶 而 曰,夫用子而行子之道,委政於由,夫子之 而道 行乎魯,子路爲季氏宰,墮郈、費,興教化 興喪,世之治亂,命也,自天下而言之也。 過 毀將成 子服! 一幾行矣。小人忌之,而公伯寮者 人之窮達,故其知命也大矣。夫子道 以 窮達,命也,自 今聞寮之言而惑 愬于季 在 景 之緒,是禍 我,尚能 伯憤 孫 (焉,以 ,以撓子路,即 正 一人而言之也。 其罪一 之首 其 焉,墮當事之心, 而 事 也 誅 告 之,肆 夫 吾 以 與 子 閒 道之 聞 加 夫子 乃翹 諸 或

● 「愬」,原誤作「訴」,今據啖柘山房本改。

與,有 無能 命而 動。 但論 命 子無容心 仍乎亂者也 道 與小人争 必人之惑 不乏共、驩。周公之世,不無管、蔡。 此莫之使而自 苟其道之將 子曰,無然也。 朝,小人知懼 也。 而 如 可 已 道之興,天之命天下以得其理者也。 遇之窮通 與成之,無與毀之,此莫之勸 以 何 矣,于寮何尤焉 焉 人力争也哉? 也。 一旦之是非 而 廢 其能如之何 嗚嘑 生。 也與,雖幾成之,或以毀之, ,亦非但争黨之邪 一治一亂,惟天之命,則 而君子權伸,吾將行之。 則公伯寮者,能言之,不 吾與由所欲行者,道耳,非 1 道之喪,天之命天下以 ,則非道 此所以爲聖人之知 1 如其道之將行 哉? 夫堯、舜之興 也,非 若憤忮而 Ē 也。 命也, 而 而終 自 能 俟 夫 也 夫

同耳。」

天下 無道 而 隱 ,若伯夷、大公是也

其次辟地

去亂國,適治邦。

其次辟色

其次辟言。 大小 禮貌衰而去。 有違言而後去也。 次第 言之,然非有 程 了 優 Ħ 劣也 . 四 9 所 者 遇不

雖

以

次,列 言乎? 也,則 之。 訓義夫子曰、賢者之於世,不 亦不一道。 亦未嘗乏賢也。 而避之矣。 苟其無道,則有目 避世 國之治亂不齊,有必避,有 夫賢者亦未嘗 ,世易 天下淪胥於無道 爲賢 天下有道,則 ൬ 賢者 者 決 不 所 亦不 避,而 於 忍 避也 視,有耳 多得 終 無 賢者 不必 天 避 不 故故 也, 下 忧 미 避者 避者 避之 尚 不 樂 而 忍 其 忍 歸 世

子曰:「賢者辟世」,避作辟,省譌也。

以其 矣,乃避之。 之從違爲去 也 矣,乃避之。 則 有禮 避 地 貌 然則 就。 其次,不責之於禮貌,而 也 其 (次,道 言相違,不 敖 賢者非 隋 未 見於色, 口 樂 行 於避也,虚 而 用 知 知 猶 我 俟 之 不 其 實 我 以 悟 著 庸 拘

子曰:「作者七人矣。」

既

君子之所

不欲,蒙難尤

非

哲人之以

白

賢者避而

小人昌,天下

·其何望哉?

則鑿矣。」 人矣。不可知其誰何。必求其人以實之, 李氏曰:「作,起也。言起而隱去者,今七

有道 志同 乃今之起 訓義夫子留意 而不決,抑或一人決于去,而 有爲之人 一,賢者興 而 趣合 也。 面 也 隱者七人矣。 八焉。 於天下,有七人者,皆 而 其志堅,其情 聞 即 其 其 皆 猶 隱 可 此 爲 乃 倡 衆 志 歎 也 不 m 尚尚 盡 日 彼 雖 然也 和 欲 天 미 乃 挽 望 下 與

之止而不得,可歎也夫!

與,平聲。「自孔氏。」曰:「是知其不可而爲之者與?」子路宿於石門。晨門曰:「奚自?」子路曰:

爲之時 是譏孔子。 胡 抱 石門,地名。 氏 關 者 日 也 也。 . 一人長門 然不 自, 晨門,掌晨启門,蓋賢人隱於 知 從 知聖人之視天下,無 世之不 也 問 可 其 而 何 不 所 爲 從 一故以 來 不 也。

子乎 守 不可 因 不一 爲 亦 訓義天下之可爲 可 亂 因之以明,則 道。 爲,不合其志則 端之得 爲,而爲 1 而 爲之,伊、吕之所以撥 無 因治 不可 失而 之 而 爲 也 聖德之宏也。 有待於人,故 爲之,舜、禹之所以興治 也 者, 無 不 見不可 損於吾之知, 一塗,聖賢之爲之也 聖道之大。 爲,晨門 亂。 合其 隱士之流 而 即 而 志則見 是己。 世教 使 況夫 終

子未嘗 夫子之爲也大而 可也,而 所從,其 夫孔氏, 告之,可 知夫子, 自,子路 吏者也。 子路從夫子而宿於石門。 晨門者,隱於下 示 是 則 無亦晨門之所 止 無 日 知之也,而特非 知其 聞 此 自 與 疑 其 其 面 孔 爲君子之徒,而問 已矣。 若 徒爲 知不可 氏。 知之也遠,此豈晨門之所 嘲焉 天下 奔 若鄙 不 夫不 爲而爲之者,子之 走 也。 晨門之所 可 無 可,誠 也。 不 焉。 知 丽 晨 有 知之,夫 晨門之 之日奚 未見其 知也。 門曰 夫 子,

「有心哉!。擊磬乎!」荷,當作何。黃,本作曳。子擊磬於衞。有荷蕢而過孔氏之門者,曰:

能與

公乎?

者亦隱士也。聖人之心未嘗忘天下,此人磬,樂器。何,儋也。蕢,艸器也。此何蒉

既而曰:「鄙哉! 硜硜乎! 莫己知也,斯

聞

其

磬

聲

而知之,則亦非常人矣。

也,或作濿,義同。揭,去例切。己一已矣。『深則厲,淺則揭。』」硜,口莖切。「莫已而已矣。『深則厲,淺則揭。』」硜,口莖切。「莫

攝衣 能適淺深之宜。 哗 葉》之詩也。 一徑,石聲,亦專確之意。 涉 水日 揭。 譏 孔子人不 此 兩句,《 知己而 以衣涉 衞 風 不止,不 水 匏有 日 濿 書

子曰:「果哉! 忘世。 能 心同天地,視天下猶一家,中國猶 果哉,歎其果於忘世 所難矣。 日 :忘也。 且言 人之出 末之難 故聞荷蕡之言, 處,若但 也。 矣。」 末,無也。 如 而歎其 此, 則 (果於 亦 無

訓義聖人非欲爲人之所難爲,而一曲之

知

也」,疑有闕文。」 啖柘山房本此下有注曰:「人熙按:「知之」至「所

以

何

也

圃

日

哉? 哉? 不知我 志,樂與 易今之天下乎? 以治天下者,不講久矣。 者過門而聞之,數曰,禮樂不興,而先王之 修禮樂之事,不 示 一,明 ,夫孔氏 雅樂之音也。 而 一,則 硜 世之所謂 執 可 땓 守之終身,自 矣。 夫子居 非 世自世 止 也。 乎 則 濁 其 也? 其不 隱 世 所 而爲此 彼 ^ 難 (詩)不 衞 相 也,吾自吾 不 及 無 也 知 衞 時 親 改其 與 而 有心 變計 求於我,我 有 鄙 栖 已而 君子觀之,亦何 流 見其難 一云乎 乃 無能知夫子者,而 通 哉? 栖 度, 俗 哉,其欲以先王之道 任 也。 塞 也,何 知 同 氣 也 擊磬焉。 道 今之擊磬者,猶 八其爲 污而 矣。 而 斯可 不能超出末流 當世之莫 深 有 亦 自 其執必行之 則厲」, 孔氏也,乃 安 知我 污 何 適 人於貧 決 隆 以 求 有何 難之有 不 止, 則 於 己 夫子 之 惟 賤 出 彼 知 深 口 普 而 子張 子 何謂 果哉 未 末 揭 也

是

朝

亦

士

濟者幾何哉? 高宗,商王 人之時易而 怪其以我爲硜硜也。 道之數,達乎人之情,非彼之所知 處之而 君子之出處,精研之而惟恐知之未當,慎 之意,以一往之氣行之,決於須臾而 也,無容厲 詳 日 世 也?」諒,古作梁,讀如凉。 變於我。 ,揭不可 一,此 其義 「《書》云: 惟 其 一曲之知,成乎一己之意。 一 恐行之未宜,参乎天之時,因 焉,揭 武 也,必於厲 理 難 不 丁也。 一豈難 ,荷蕢者不足與深言者也 因 夫子聞之日 時 面 高宗諒陰,三秊不言。」 知 而 可 諒陰,天子居喪之名, 曲士之操難 矣。 矣。 進退 间 陰、古作闇、讀 事 ,其不濡 淺深因 「淺則揭」 豈 , 夫彼之所 難 爲 乎 而易,聖 也。 者 裳 如 時 持之 哉 惟 而 謂 己 厲 平 图 淺 無

: 何必高宗,古之人皆然。 君薨,百官

總己以聽於冢宰三季。」

也。 季不 言君 達於庶人。 生於父母無以 三季不言也 冢室,大宰 言 孔子告 薨 則諸侯 則 臣 也。 子張 以 下 、異者。 亦然。 聽 無 非疑 百官聽於 胡氏 於 所稟令,禍 此也。 冢 故三季之喪,自天子 曰:「位有貴 總 宰, 己,謂 冢宰,故 殆 以 爲 則 亂或 禍 總 攝 亂 由 君 人 賤, 非 君 以 得 職 所 起 而 以

忠誠 訓義三 於春 王 其 臣,自守其爲臣 子之爲子,唯盡 即 、柄於大臣。 命》而 秋 位 亦薄 秊之喪,宅憂而 之 於 ·疑焉,問曰,《商書》有云,高宗居 喪 於下,於是當 季 次 ·, 並 大倫之斁,有自來矣。 其 一之節。 乎人子之心。 不 後因之, 知 有此禮。 惟仁 不正南面之治。 喪 制 蔑 孝衰於 命,而不 喪 則大臣之爲 故 践 子 阼。 上,而 敢 張 自 天 讀 至 康 迻

讀去聲。 子 日: 哉? 事不 也。 宗? 此,爲 下僭 黜陟於冢宰。 自殷 以不及殷,而 己,人倫 之,百官各仍其職,於歲終總己所行,以 位、代先君之政,而哀毀之下不足以聽 曠三季無君矣, 天下易其親 諒陰之廬, 廢。 而上疑, 於其時,國政之典,因 而上皆然。 E 人同此心,心同 古之人以 傅 好禮 説 Œ 古之天下久安 記 而 而三秊不行 其 聖人論禮必折衷於三代也 則爲臣者自不敢以 ,則民易使也。」好, 天 始 凡若此者三季,子道 廢 何謂 下 末 人子之心不忍 人子之達情,古今之通 此 化。 也。 也 也? 此理。爲子者 人矣。 後世 號令。 若此禮 長 子曰 先君之人 治, 上偷 此 使然, 、《書》之紀 當作政。 大權 亦 踐 則 周道之所 而 何 先 何 下 君之 不 不 而 必 私 而 殷 政 竊 易 以 用 高 於 미 聽 制 將 國

謝氏曰:「禮達而分定,故民易使。」

下。 其 忌,上 訓義 之要道 民 安,布之爲 勝者矣。 也 上 法行,明其教,崇其術 心定 制 唯上好禮 圃 令而下從令,天經 夫子 嚴 所 。 非 矣,何使之之難哉 家之中 丽 患 百 是法有所不行,威 治而 下 者 切政 平. 愈 有 民 有尊卑,一 1 玩 非 之 或 則 刑 禮 修之於躬 難 者 之所 則不 有誘之不可、懲之不 不 使 地 則禮行於上而達於 能 也 可 義,確 ? 事 尚。 不 及也 之爲 有 故禮者, 以 而 L 言法言,行 所 不 非 疑 或 可 有 難 禮 事 而 追,而 制也 次 使 齊民 則 下 不 民 愈

子路問 姓,堯、 面 乎?」 已乎?」曰:「修己以安人。」曰:「如 舜 君 日: 其 子。 猶 子曰 病諸 修 己 . 以 「修己以敬。」曰: 安百 姓。 修 己 以 安百 斯 如 斯 īfīi

此事

天

響

帝

修己以敬,夫子之言至矣盡矣。而子路少

矣。 爲病。 窮,世 恭 以 乎人矣。 無 之,故再以其充積之盛、自 此體信達順之道,聰明睿智皆由 位,萬物自育,氣 ※他道 物不 抑子路,使反求諸 而 天下平。 雖極治 也。 得其 若 程 堯、舜 子 日 所 人者, 曰:「君子修己以 吾治 ,然豈能必 唯上下 哉? 猶 無 已足,則 病,言 對 不 近也。 故 己 和 堯、 於恭敬 丽 知 不 而 四海之内,果無 미 言 然及物者告之, 非 舜 蓋聖人之心 四 以 所 猶 安 百 靈 則 有 以 以 是出 畢 白 姓 加 爲 安 天地自 至矣。 姓 於此 , 則 聖人 百 杰 姓 無

者也。 訓 動 蓋 立本者,心之主乎身, 義 而 嚬 得 君子之道, 一室之修,萬方之宰,豈有異哉 失安危 笑而喜怒勸 成 乎不 操之至 威 測 而 由 一約,而 恪 之而 其 恭 本 嚴 用之至大。 ·,身 生,一言一 肅 之不懈 也 其

哉 ? 也,日 度,而 視聽 以道 欲焉, 子路問 又未 皆成矣。 其志氣,先之以莫敢不敬之心,而敬成矣。 也。 之志,任其欲則逆人之情。 躬行已耳。 已者,何其易言修也? 爲君子,肆之爲小人, 之躬修爲之也。 人必受之,則人之所待治於君子,亦於其 裁意,以 子曰,君子之道大矣! 足以 自無 如如 勤 曰,君子之修己也,知一己之所爲, 任之而行,則不期於肆 君子何如 謹見乎行,此君子之敬 斯 圃 越也,舉 盡 故凡己之所爲,任其意則違 子 而已乎? 修之用 理 路 制 以 夫人之有己, 而德成於己而 動 欲、嚴審其非幾 爲 也。 自無荒也,莊 成乎己 明矣。 子以爲謂 若謂 雖 然,豈 修之修之,言 如 뻬 至於敬 而要皆君 有意 而 斯 也。 未 見於天 不如 自 而已者, 外修己 及 肅 而慎持 肆 焉 敬之 斯 於 成 而 矣。 有 物 德 平 子 F 人 而

能逮 矣。 無不 小也 如斯 必己意之未 故凡己之所爲,通人之志 修己也,知人之所自安,天下莫能 乃謂如 易安,積而至於不易安之衆,非修己之所 求安之心,不外求安人之術,人 無過言,行無過行,人性咸若,人 可法,行必其可 下,必己欲之未瀞 天下之所待治於君子,亦於其 君子一己及物之功如此 而人之情以得,人得其 當,而 而已 不使吾之所爲於人有安有不安,不於 也。 ,斯而已者,視己之修不修,所繫者 雖然,又豈外修己哉? '則人之安不安'其所包者廣也 曰,如斯 白 融 姓 也。 則,知天下無不 之理咸 也。 而 達人之情 己 理 乎? 得, 修之修之,言必其 也。 而 而 百 安矣。 不 姓受 子以 子路以爲人 而 明,處 通乎天下, 篤恭焉耳。 日,君子之 不達乎天 自安矣。 倫攸敍 易焉,則 治 爲 無殉人 面 百 安 姓

則

一以

安人」、「以

安百

姓

説

不

去。

言哉? 姓,慎之堂皇,而德被 之理於一身,而慎一身之舉動以 也,己不傷天下之生理之易也。 君子一己及物之大如 百姓之不一 从也,此 子毋 恭己之盛德, 一計其 己不道 或安或不 此 四 也。 天下以 以 海, 心心 安,百姓安矣。 民 惟然,而 無 妙存 非 偏宣 誠合百 擾 僻 也 神之 一於百 之 豊 易 姓 易 政 其德之成

尚矣。 者,天 大用 君子無窮之心。 在 勿易視之也。 無 而 之所求 至正行,存之於静,慎之於動,萬物之 煩 ,而智愚逆順罔不孚焉。 徳王 人所以極 有加於物者,功名之事。 而 俗 道之全。 解 惟 蓋 恐 三「以」字不 乎大以言之, III 私 不 意忘 得 不 子路未詳 知無窮 且 而大公見,私 猶 相 病 是道 ៣ 在 通。 之者 而 聖 己 物成於 不已 云 功 而 也。 也,堯、 以 蔑 欲 不 敬 在 理 子 以 固 盡

> 不去。 有「敬」字,與「於緝 之道修己,修之而 敬修之,修之而成 云修己 「以敬」二字,是修己成德之效。 ௱ 人自安、百姓自安, 人安、 乎 熙敬 敬。 止」「敬」字同,自 百姓安。 以 安人、 則以 安 兩 敬 百 層 説 俱 姓

而言也

敏作叩. 老而 原壤夷俟。 待也。 責 俗 老, 猶 原 蹲 流,自放於禮法之外者。 之,而 居然。 稱 不死,是爲賊!」以 壤,孔子之故 則 ,俗誤,叩乃叩字之譌,叩 無 也。 是 一善狀,而 言見孔子來而 子曰: 賊 因 居 賊者,害 以 俗别作 而 所曳之杖微擊其脛 己 一幼而 矣。 久 人,母死 生 人之名。 脛 ,不成字。 杖 於世,徒足以 蹲 不孫弟, , 足 敂 居以 夷, 而 其 骨 歌、蓋 蹲 待之 脛 脛。 以 Ę 也 居 胡 其 愐 定切 孫,本作 也。 也。 無述 若使 自 老氏之 孔 敗 常 幼 子 述, 焉 亂 至 既 勿

不勞而 故弗 養生, 訓義春 事 遂謂 愻弟 其以 焉。 居以 不 而 全其天季也,而幸而 人且樂於恣情 而 了,死 (倫者,不可復止。 知 其 曠達之士,矯其大過,以放誕任情爲教, 、絶焉。 是爲 此 無 爾。 幼未 俟,不揖不迎,有以其學易夫子之心 道則不容不斥也。 夫子乃指其陷於惡之由 者天之命 而夫子之故人也。 爲 秋之世,法制 生不傷乎 口 情 其以爲言可忘 知 無爲也 兆 往 愻弟,遂謂此爲天真也,而 也 之安、性之順 而過之,方欲正之,而 而從之,則以害道 也。 ? 長矣,可 無述 求 圃 繁 其 不 不知未死 而文成乎僞。 免 人固 死。 而 原壤蔑禮任情以 焉 於 其爲 以 乎? 名 爾。 死 有 夫率子之道, 可教之人也 口 加 爲 逃乎 數之曰 可教之人, 其以 此幼 而 者有生之 而爲 m 遂 ? 不 志 壤 謂 爲己 禍 於是 爲, 蹲 此 爾 而 不 而 於

> 闕黨童子將命。 辭焉? 傳賓主之言。 闕黨,黨名。 乎? 其可 孔子使之傳 此聖人裁成異端之大用 道裂矣。 知,老且 幼且失其本心之敬,長 可教也。 忘乎? 壤 其尚 於以 不知天命之不可違 必斥之者,以其道之不 命 賊 杖钺其 或人 童子 或問之曰: 有復哉 放恣自便之小體,其 道 也,即 ,未冠 異 疑 脛。 之 此 以 也 也 者之稱。 不絶之者,以其 童子學有進 「益者與? 且 知 賊 同 前 痛 天 於 知 下 人紀 艸 也,罪 可 蛘 將 .」與,平聲。 木 益 容也 之形, 廢、人 命, (可從 之 故故 無

也。 子曰: 非 「吾見其 求益者也,欲速成者也 居 於 位 世, 見 其 與 先 生 並 行

以

寵

禮: 子不 使之給使令之役,觀 循 童子當 此 禮 隅 非 坐 能 隨 求 行。 長少之序 益 但 孔子言 欲 速 習 吾 成 揖 見 阚 悉之 此 故 童

其 也。 子殆 之稍 童子遊 故裁 速、欲 媿 F 心。 行,不肩 上 成之欲生于 聖功之 操 安 輕輕 加 席 有 敏 成之務於其始,聖人之大用 常出 此 蓋 夫不見大 口 漸 道 速則 視道 要術 而 童 於夫子之門 積 所 自 施 莫 ,舉止之有容,遂矜異之。 隨 以 坐,不隅 子也,吾嘗 益 益 於人下。 而 病 小就而 之易 而 抑 者哉 ,亦學者必不可 而 成 於 行 則 而教之,非寵 章,持之終 日見其益者與? 速 而 忘人之長於己而 驕 ? 與 而 不大,有名而 成,學莫患 而 無敬畏之心。 先 氣質之偏,幼志不 居 復之於其 不 不 將 生 於位 求 圖 命,或人 並 益 大 身 行 也。 而 不遵者 未 則 mi 異之也 於有速成之 (退矣。 也 驕 如 無實、欲 見其 有能 與先 也。 子曰, 將 而日 驕 不 驕 其 也 不 瞻 知 益 故 生 吾 闕 則 志 此 廣 逮 見 者 天 視 虚 爲 自 同 欲 速 見

> 者乎? 有成 哉! 以 無得 者 圖、利欲之得,學者之免 成,則所 ൬ 口 人之長 濟 終 速 如 終 人之色也。 驕。 不 成 是 也,不 乎 而忌心生, 成 嗚嘑 身於 成 或人之問,不 ? 尚 速 者 뻾 迷 知人之速則 其欲 1 小而大小通,所成 或 騙, 而已矣。 時 有 欲 聞己 速 講 則 悔 速之病,千 元成 非 因 安 心 一之過 脯 是。 佚 將 焉。 此 面 不 已,不知 命 而 難 子 成 III 欲 便 矣。 古 何 也 不 加 於 速 者 喜。 邨 疑 瑣 名 成 道 以 可 轍 許 欲 之 童 弗 屑 以 而 而 速 求益 之 戒 速 益 實 遂 成

七世孫世全半溪謹刊

四書訓義卷十六終

## 四 書訓義卷十七 論語卷十五

集註 明衡陽王夫之訓義

## 衞 一公第十五

凡 四十一章

事,則嘗 衞 靈 公問 聞之矣。 陳於孔 子。 軍旅、 孔子 之事,未之學 對 E : 切 也。」 俎 豆 明 之

日

遂行。

陳,本作敶,俗作陳,謬。

俎,側吕

之事 敶 謂 了,故荅以未 衞 軍 靈 師 公無道之君 行 伍 學而去之。」 之 列。 也,復 俎 豆 有 禮 志 器 於戰伐 0 尹 氏

在 陳絶 糧,從者病 莫能 興。

孔 子 去 衞 適 陳。 興,起 也

子路温 見,曰:「君子亦有窮乎?」子曰:「君

> 子固 窮,小人 窮斯濫矣。」

者,固 若 何 行,無所顧慮,處困而喜, 小 氏 人 曰:「濫 守其窮。」亦 窮 則 放 溢 溢 也。言君子 通 爲 非。」 愚謂聖 程 無所怨悔 子 固 有 日 人當 窮 詩,不 於此 行 固 窮 丽

可見。 訓義聖人之去就,一裁之以道,而 學者宜 深味之。 在己之

道在 乎,是其不足與 乃 神,以禮賓客,以崇 同 乎我也,則 衞,有際可之仕,非以其交際也,以其能 亦人欲滯盡、天理流行之一驗也。 窮通,絕不以置於心。 靈 .則學 武之不 心去,不後焉。 公以 異。 口 敶 庶 吾 以 問,將以 幾 所 爲 有言決矣。 知吾之學 學 或 者, 退 也, 以是窮 孔子爲可 讓, 道未可去,不先焉 俎 圃 以 豆 但 ൬ 夫子不屑 之 自言 將愛敬, 而 聽吾之教 事,以 無 與言 日, 悶 孔子 焉 與言 敶者 則 綏 道 也。 此 交 在 聞 鬼

之矣。 者,非 楚,而 以對君 之時 夫人 子日 則常 此。 致勝之 乎 而莫 遂行,道之宜速者也,道 衞 免者也。 以 ? 矣。 爲 耳。 爾爾 因 窮爲 能 也。 先 則 惟 君 阸 決於棄 1哉? 若夫軍 術 不計及於窮 起 於陳 加 所 何患哉? 子之道 亦 人固 患, 君子自有 行。 子路愠 早 以 有 惟 上下 拒之峻 爲 處之者,則 學之者,而吾未之及 窮 衛 ·旅之事、爲力、爲詐、 有 夫子 也。 不 其不 之 窮 面 見 窮之計。 時。 ~; 而 其不猶人者, 通 無交而 無 夫 固 日 夫 見有 而不 事 疑 窮,命也,人之所 不 君 君 於斯 不不 慮不早 念 速則 異 雖 子 子 道也, 與深言, 絶糧,從 及 於 他計 然 變而 亦 圃 時 於 速。 小 何 亦 而 也 於是未 而 聖人 人 此 能 面 有 也 命 及 決 也。 者 也 爲 此 南 求 而 不 免 窮 乎 於 於 視 餒 將 於 克 所 亦 適 明 可 窮 猶 木 之 之 日 棄 窮 如 病 敵 以 以 小 不 何 子

使籌 計謀 矣。 非尚 無所 有 濟 處之,而 淫 其 度於 第者 澹 於先,不懷憂於後,於其窮 放 悶,有如是夫! 聖 忘也 一人純 而 何病 ,其心 窮之計, 不知 乎道則純 ,因乎不得 焉? 所底者焉 靡 則去衞 焉 聖人於此 , 其 乎 不窮 天 斯濫 氣溢 不 前 谏 而 焉,則 矣。 無 安其 非 也 與 所 執 道 即 君子 疑 其 土 高 行 有 而 以 也 節 木 閒 將 後 窮

女,音汝。識,音志。與,平聲,下同。子曰:「賜也,女以予爲多學而識之者與?」

也,故問以發之。 子贛之學,多而能識矣。夫子欲其知所本

有也。 方信而忽疑,蓋其對曰:「然。非與?」

積學

功

至,

圃

亦

將

有

曰:「非也。予一以貫之。」

説見第四篇。然彼以行言,而此以知言

六四七

學之淺 『唯」。 子贛終 待其 贛 聖人 徧觀 臭。」至矣 物 巾 德輶如毛 下 ,屢有以發之,而他人不與焉。 刻 諸 岢 問 而 而 若 子所學之淺深,又可見矣。 深,於此可見。」愚按: 亦 盡 謝 務 而 彫 子 識 不 氏 博 直 之 ,毛猶有倫。 宜 能 贛,則先發其 者哉 告 日 尹氏 也。 -如 之以 其 曾子之『唯』也。 ? 故 聖 日 以 此, : 曰: 爲 人之道 如 多學 天之於衆形 孔子之於曾子,不 曾子復 上天之載,無聲 子 疑 而識 大矣,人不 面 夫子之於子 後告之, 以 深 之也 則 二子 喻之日 貫 顔 之。 匪 曾 所 而 無 物 然 能

不悉其 知 下之是 訓義聖人 而 夫 遺 其 子 實也 之 非 宜 (之知,於物 能 ,詧古今之損 而 廣 通 無 其 不 聞 變。 知 見 矣。 而略於心 無 子 益 不 贛 夫子 盡 而 博 酌 其理,於 而 慮 也 其 能 其 中, 通 乃詰 循 審 事 名 足 之 以 天 洂 無

疑焉 子豈 學者 子贛 以吾 之審。 識 非 以 其 勝 多學 乃 識 詳 E 曰,賜也,女既已知吾之有知矣。 其 非 決 識 至 識 以 有 多者 與? 深 略, 默 則 乃名象 也 言 夫 也 獨 曰 之於知, 之 賜 爲 人之求 不 也 不能多 而 子 不 有存 所學者 口, 何 以 忘, 然? 不忘其識,是求 吾學 夫子 圃 見夫子之學不 具,而 得於性 定 皆 而 以 有 亦 知 知 其 之未嘗 自 遇 至夫 臨 由 忘。 不能 非非 未 雖 志, 所 有 其 今思 事 者明 名 識 以 有 詳 素? 深 所 物 子 一,而 舍是 不 則 不 爲名象者 之, 言 以 之 ൬ 則 而 多,所 知之道 不 所學之外尚 由 之以 知 至 皆 厭 知 克 而求 則 由 能 是 備 者 則 也, 勝 之悉,存 非 夫子 道 必 启 在 無 其 又忘之, 學 之者 多 是 也。 知。 者。 (多, 敏 不 其 與? 夫 餘 未嘗 之言 學 夫 . 知 悟 知 有 子 與 ൬ 與? 女將 故 則 則 有 何 不 之 丽 於 子 不 mi 夫 知

焉,極 賜 之? 曲 學者、所識者皆通 者 此 守其 嘗言之,而 識者暗合其符,無 惟此一誠之著。 古今之常變, 無 而 此 心 情 也 場 旁 雜。 治 ,率此一情之發。 無閒。 一念之存。 ,明矣。 丁,其 (已成 然 事 乎 其 物 通之得 則 者 不可 尚 盡之者,耳 有 而 吾之有知生於心,而 知 不 知之乎 但言 天下之理本 不 疑其未 非 知 測、不 何以推之? 事有不 口 也。 以 故於此而 則 杰 即 其故 學 1 不 可 著。 予之知, <del>前</del> 可窮之數 可貫也。 目 耳目 識 可 夫子之所 以 已盡矣。 即 聽 於天, 得 盡 推 鹰 情事悉,而 之聰 命 前 心 所未學者、所不 通焉,於彼而 其推之者,古 物 而 於一 以 以 貫之而皆有 吾 而 加 丽 推 心本至 此 明,何以 杰 謂 至大者一 天 之 不 通 心 致之靈。 而 物 一者,未 焉。 非 以 本 可 所 已矣。 者, 推 至 恃 以 以 而 所 通 今 盡 事 統 平 獲 治 子曰:

心之體 當 則 而 理 也 知。 用 在 ),無與爲偶,無出其外者也。 顯。 也。 人之一心,人心之所涵乃爲 若心之所 在,盡之而體全。 此 故與曾子言者,知 所以 爲聖門傳 不能至,則 心之用 心之要與 行 亦 不 無 物理之所 蓋 同 在 其 天之全 理矣。 推之 丽

章蓋 也。 由,嘑子路之名而告之也。 於己者。 爲愠 自第一章至此,疑皆 見發也 非己有之,不能 知其 \_\_\_ 德,謂義 時 之言。 意 味之實 理 之 此

由

知德者鮮矣。」鮮,當作尟。

訓義 以 道之 即 未 之,偶然而 至也。 據 事 2實踐 物而 夫子 之 m 以子路有 詧之,未有終不能知者也。 於 乃 自 合焉,非 嘘 躬, 信 而告之曰,道著於天下, 而 則 心 德 高 存 喻 也。 乎德 明之姿,而 其 所 信心 矣。 以 必然之理, 而出之,信 偶 求 然 於心 乃欲 加 爲 者 荷

者躬 可 己 道 之心於一時, 之,而變化 心 ៣ 今之學者,其辨 於迹, 不 後 以 而 ·相親 行 自 於 無 之 限 過 心 加 心者,則 乎? 而 馬 無 皆 任 熟悉其 歉 示 能 則 心 出 自 學 知 也 是 以 未篤 乎此 謂 情 此 非 於 條 者,不 德 ", 其 之略於微茫,審存 理 理,知其必 也。 而心之疏 而非 無 自謂中道 亦 疑 由試 德 , 尟乎? 也。 也。 也。 以 出 引 而 惟 此 於此 終 由 蓋 而 而 知 其 與 殉 去 德 驗 伸

子曰 哉? 所作 無 ]者,聖 以 爲 恭己正南 任衆職 爲 而 無 治者, 也。 人敬德之容。 爲 mi ,故尤不見 獨 面 聖人德盛 治者, 稱舜 而已矣。」夫,音扶。 者, 其 其有爲之迹也。 紹 舜 既 而 無 也 堯之後, 民 、 所爲, 與! 化,不 與,平聲 夫 待 則人之 而 其 何 又 得 有 爲

訓義夫子曰,古之治天下者不一,而君德

所見

如

此

而

恭己 之修 正 其 功各 以 姓 何 羣后之政,求萬民之安,正 己,精一之戒凜於中,而端敬之容型於外, 其所以 治水土、敷刑教之事、九官十二牧爲之而 道之用。 天、平章 今想之, 夫舜豈 ൬ (謨 乎因 天 受命,成 一者,百王不易之治源。 必 與天下 斯斯 1著也。 也,以立 下昭明者, 放之於古, 其惟 於躬,君道之正 更 剙法制 紹堯 而 以 百姓之事,堯爲 則 無 維 率 一代之治,則必有所剏制 舜 新, 堯 革 丽 治之本。 由 以 典 專任人 雖 表 而建久安長治之統。 有 別見 成 即其典,而 欲 率 惠, 意 爲之,何 羣 於 於上,一 一代之規哉? 偂 工者,惟 守 無 圃 有爲、有不爲者 天下已治 之而澤 君 不 南 爲 道 任法,無 禹、皋之謨 爲 哉 面 也。 於斧扆,聽 也, 舜 也 盡 哉? 未 乎 欽若 君 矣。 以盡 帝 斬 立法, 德 所 乃 王 也 若 爲 即 於 由 改 夫

清静 因 時 也。「恭己」是修身,「正南 而 「爲」字自制 行之妙用。 論 作立法言, 治者 可 以 面 非老、莊 知 二是用 所 先後 人 之

子張問行。

行政,原非「爲」也。

與註有别

猶「問達」之意也。

作

管
。 言不忠信,行 子曰:「言忠信,行篤 貊,莫白切,當作貉 不篤 敬, 雖 敬 州 雖 里行乎哉? 蠻 貊之邦 行 篤,宜 矣。

爲州 也。 子 之,猶荅「干禄」、「問達」之意也。 張 意在得 南 行於外,故夫子反於 貉, 北狄。 二千五百 身而 篤,一 家 厚 言

夫然後行。」夫,音扶。 「立則見其參於前也,在輿則見其倚於衡也。

其者 參焉」之「參」,言 ,指忠信 篤 與 敬 我 而 相 言 參也。 參, 讀 衡 如 軶 也。

> 若有見,雖欲 言其於忠信、篤 行 言一行,自然不 也。 頃 離 敬念念不忘,隨其所在,常 刻 於忠信 離 之而 、篤敬 不可得。 前 然後 鑾 貉 可

子張書諸紳。

化, 之。及其至 學而篤志,切問 衡」,即此 敬』。『立則 程子曰:「 紳,大帶之垂者。 卻與天 是學。 學要鞭 見其 地同 則一也。」 參於前,在輿 體。 質美者明得 圃 辟近裏,著己 書之,欲其 近思」,『言忠信,行 其 次 惟 盡 莊 則 不 , 遣 加 敬 見其 忘 以 滓 也 持 便 倚 渾 於 博

訓義 乎信 所 行於天下者,言行而 而求之天下之情乎! 以 也,以釋天下之疑。 行 子張問 者 何 行 侍 以以 而 天下之難 可 已矣。 行 夫子 於 行 天 日,夫人之所 於 期乎敬 下 圃 乎? 利吾 吾所以言 也, 行也 言期

者,其 州里 之, 諾。 消 注偶 不信 貉之邦, 也 則 行見之,而豈但於 然、言敬、 有 加 誠 盡之心 求信,擇之於 篤焉 天下 有 實 無 而 一雖若 行而 用 欲 也 不 孰 必 一之侮。 行 可或 盡 其 ,而後 至 何以 雖 能 人 信也 疑之於 恪 或 而 於 樸 雖 若 無 丽 逆 求敬 己 而 恭 不敬也,或 信 保其 言 孚格之乎 頑 後 我 所 易,而 而 可 而信者,信之心 而 加 動 容 可 《後,此 乎 ,慎之於行可 欺,而 無 欲 (非妄。 難 言行 ? 其 图 也。 以 口 時 格, 言 疑 不 盡 此 ? 行 雖 氣 启 無 忠、篤 無無 當 求之乎? 虔。 之心 行 而不 敬 矣。 敬 誼 可 言 其 行 於 所 者, 之感勉 而 信 侮 而 疑、召其侮者 天 可 也 若 也。 也 施 V. 求 而 也,己無 下 而 乎 疑、不可 無 事神情 其 難。 誠 其 侮 信之忠, ·, 始 忠 當言 哉? 不敬 言 當 踐 侮。 之 者多。 焉 之 無本 於言 行 其 不 敬 也 侮 而 惟 疑 然 m 之 或 蠻 不

哉! 斯乎 於是 省也 則 皆忠,行 精 以 必以 參立 情,存誠 有 退 動 寐 求敬之篤, 而立也,若見有臨我 所 操 神 自 而 不 m 子 一於 ! 謂 己 欺之志,斂其 有 志氣 鑒 静 誠 聖人之心,學以修己者,即 ,張聞 縱之 告、 今而 我 居之以 蠻 處,不宅心於空虚 之無 無不 子勿易言言 前 貉、 出 以 迫我 則有 後,其 之, 隙, 也 相 而 敬 州 其 静 游 接。 而 愐 必 里 而 素 時 意意 不 衍,不 勿 書 諒 敬皆篤 以 氣 也 期 丽 夫然後言無不 行,尤 飾 諸 動 致 慎 以 我 於 在 乎解 紳、志 言 IIII 分 不 以 譍 視 而 必 連 行 心守之以 加 也, 心 者 可 履 皆 無 ,天下不窺我於 勿易 也 圃 以 於物 倚 愧 一若見 欺、不可慢者 不 可 不妄之中 保 引天命民彝 忽生一 求行於天下 於車 行 青 無 忘 其 態 以 者,其 信 作 也 真 信 恒。 有 譍 之天。 敬也 於 志自 面 迫 懈 加 -,物 世 也。 在 信 守 我 時 瘮 之

機乎! 者, 君子之樞機, 而存心尤言行之樞不於行求行, 而於己求可以行。則言行

道,如矢。 子曰:「直哉史魚! 邦有道,如矢。邦無

也。史魚自以不能進賢退不肖,既死猶以史,官名。魚,衞大夫,名鰌。如矢,言直

君子哉蘧伯玉! 邦有道,則仕。邦無道,尸諫,故夫子稱其直。事見《家語》。

則可卷而懷之。 收也。 後可 之謀,不對 伯玉出 而懷之,有不可 史魚之直,未盡 免於亂 懷, 處,合於聖人之道,故曰 藏 而 世。 也。 出 得 若史魚之如 君子之道。若蘧伯玉 亦其 也。 如 於孫 事也。 林父、甯 矢,則雖欲 1君子。 楊 殖 氏 放 日 卷, 卷 弑 然

訓義夫子於衞交蘧伯玉,而見史魚,乃喜

乎 蘧伯玉 無道 焉。 誠 尚,貌爲直而 衞之多賢,而稱曰,賢者之立身行己也, 決,乃有道之君臣 卷而懷之矣。 世見直 遂其行,言必遂其言 也,行則 也,於仕之時原不成乎欲 理,而有待於世,非 君子之德,尤尟能 致 發於自然,而賢無 焉,不以 直道之不 而 去宗國 邦有 乎! 己。 遂其行,言則 而自 道 歷 之心 時 其仕也,於卷懷之時 邦有道焉,仕矣。 焉,不以大者伸而 非能直也。 行 行 觀 不可 其直 也, 待其 於 故故 成 君子也。 久矣。 時之治 所 拂 遂其言,如 無 矣。 也, 進 讓 如矢矣。 丽 所 一、姦無 斯乃 以 直 退 姑爲 出 遲 一時 亂, 爲 哉, 不能之勢,故 君 處 口 榮。 誠 順 子 邦 所 蓋天性之 而 無 其 而 小 慷 矢 乎 也,行必 容 無 哉 者 後 譍 相 矣。 唯 其 初 慨 直 道焉, 非於 其 通之 信 卷 之也 不挾 可 史 之 也。 魚 風 之 邦 屈 懷 唯

禁之 成 亂 明 心, 乎 語 朝 面 而 言 引 默 侕 出 去 致 行 相 過 有 之 處 害。 丽 無 之間 更 恒之君子 德。 愆 無 蓋潔 當 所 前 甚 世 難 矣, 衞 身 信 莫容 乎? 有 即 其有一致之心,以 素, 無 其 之多君 吾歷觀之於治 道 忌,豈非 進 之君 退 子 不 臣 也 驚 不 其 利 能

失言。 言 子 日 丽 與 之言, 可 與言而 失言。 不與之言,失人。 智者 不失人, 不 亦 可 不 與

而

無

如

其

不

用

何

也

際,正 信 訓義 則道 也 而 其 人 將使 可, 有 夫子曰 以 如 待 中 著, 其 其 不 我 人之上 不可 與言 人之 之一言 而 了,言以明道, 其 與言, 終 焉, 人 下。 無 以 以 則 與 得 成 而 如 斯 其 於 遽 其 得其人而與 人在 道 指 顧言 朢 可 矣, 歸 與 其 欲 言 有 可 達 教 面 顯 者 未 呕 我 而 (明之, 有 與 之 不 達 猶 微 言 渦 告 之 未

> 序,於 其材 則道 覺 心。 約。 之過 率 言不 焉,則吾 智者知理之以 之善悟以 也。 由 足以 也 · 覺 有所授,而 省之於 人之以 人 而 言 其不 言有引 知 所 覺 求其宗趣, 亦不 其候, 之,而 所 以 漸 可 發,信: 漸 貴 致 而 人亦爲千古之人。 與 而 而 乎立教者 成, 爲 言 立教者之所 反 不 入,博 下學之損。 其 以 而 發之機, 而 力 姑 可 启 我 行 極 言 且 其 概 之 而 丽 待 妄 施 而 後 而 知 乃 焉, 矣, 急 以 於道 可 可 也 必 爲 貴於 辨之於 則 以 抑 得 以 將 詔 知 人 得 反 惟 教 使 其 焉 吾 先 其 於 於 在 人

成仁。」子曰:「志士仁人、無求生以害仁、有殺身以

其 理 志 當 士 心之德 有有 死 面 志之士。 求生 也 則 當 死 於其 1 而 人, 死 心 則 有 則 成 不 心 德 安 安而 矣, 之 人 是害 德 也 全

殺身以 實見 理者 軀隕 得生不重於義、生不安於死 命者,若不實見 實見得是、實見得 成仁者,只是成就一箇是而已。」 程子  $\dot{\Box}$ : 實 理 得 . 惡能 得之於心 非 也。 如 此 古人 自 也 ? 别 有 故 須 有 是 捐 實

仁之所 之恩 者即 仁。 形也 訓義 志 可 故 人之所以 而 爲 人 即 土 欲求 不 勞 則 其 故 而 夫子曰,仁者,人之生 忍 其 之不昧。 以 有 志,存之而 有志之士雖於仁未熟,而 仁 爲 背, 妄 所 成,要主於在心之存亡,而 生 之,不恤 生,則於資生之具、得 存 念 也。 深 於心 自然 也。 媿 若夫仁人者,志於仁,而 ൬ 丽 仁人 不忘者,必守之而 之分不 其心之安, 至於道 生或爲仁之害,死或爲 爲志,志依於 則 미 固 理也。 在 逃 所 心 有有 圃 澹 死 生之術 志之有 生之理 仁害矣。 則 忘, IE 必 不 非 天 無 而 貳。 荷 性 誉 面 恒 即 以

> 與 有自 士 無 、於仁。 以 可 志 生, 然 而 帥 乃以全吾生之理,而 然則 委 氣 順 丽 人可 也 氣 不 以不 仁人 一餒,仁 V 必 志 全其 人則從容就 哉 仁成矣。 志 志 土 口 志

之仁者。」 其器。 子 贛 問 爲仁。 居是邦 也, 子 E 事 其大夫之賢 ---工欲 善 其 者, 事 友 必 先 其 利 +

非問 以 夫工 者 未 訓 若 賢以事言,仁以德言。 不 加 義 己 ,抑不可 能 患 但 成 者,故 之所必善者, 其 善於 其 存 在 仁也,故孔子告之以爲仁之資而 德 不 愻 心 知求 志 求仁者,天下 者, 也。 恃 以 以 心 是告之。 仁 則 求 而 於心 益 無 程子 無 事 於 存 以 耳 也 心 治 日 欲 夫子嘗謂 0 無 耳。 之質 其 其 器 不 而 子 所 有 非 可 夫 子 存之心。 所 贛 事 獲 子告之日 贛 已知存 子贛 嚴 問 也 問 心之益 憚 爲仁, 爲 己。 説 切 而

侍吾 學: 以 心之相 之隨 吾才也 不愻心 閒,皆有 虚。 仁之境 資 以 器 而 者焉,士之中必有仁者焉 警悟心之未安、理之未得者也。 也,有大夫焉,有士焉。 修 成於 不 無 能 方 自 志 以 也。 邦。 習 以 知 而 也,則無 此,道 不亢 無 成 所砥 觀其治 何容 乎 皆 往 而 與處也。 事。 ? 與之游 有其 愈總 而 碼。 固 則 孤 非求仁之日 欲善之,必先利之,資於 爲仁者如是,仁不遠矣。 人 ||然乎 事 守一心之是,以成 意 於 至 而不 與 斂 純 心於不妄,而 之得宜,而 事其大夫之賢者,勿 正 居 ! mi 同此 與游之下, 氣不 平。 友其士之仁者, 大夫之中必 則 ,擇之精,而 也 八爲仁 心 溢 可 無 同此理, 言 故居是邦 者 以 則 可以 地 平非 知物 能 亦 神 面 行 静 和 有 有 相 不 非 僻 之 養 侍 容 腎 勸 理 所 彼 而 勿 以 爲

> 邦」者,謙詞 顔子王佐之才, 故 間 治天下之道。 日 「爲

子

曰:「行夏之時

爲紀。 夏時 令之善,而於此又以告 以爲《夏小正》之屬。 爲天正也。 之,夏以寅爲人正,商以 此三辰之月,皆可 天開於子,地闢於丑,人生於寅,故 ;謂以斗 故孔子嘗曰「吾得 然時以 柄 初 以 香 作事。 爲歲 建 蓋 顔子 寅之月爲歲  $\mathcal{H}$ 取 則 首。 夏 爲 其 也 時 歲 地 時 加 焉 月自當 IĘ, 之 三代 Œ 周 斗 而 首 與 説 以 以 迭用 柄建 也 其

乘殷之輅,輅,音路

若商 商輅, 制 木爲 其 中 也 車 也 輅之樸素渾堅而 木輅 周 而 人 已,至商 也。 飾 以 輅 金 者, M 玉, 有輅之名,蓋 等威 大車之名。 則 過 已辨 侈 而 ,爲質而 易敗 始異 古者 其 得 以

顔

淵

間

爲

「服周之冕,

上,故 至周 子取之,蓋 有旒 周冕有五,祭服之冠也。 始 雖 黄 備 華 帝以 亦以 而 然其 不 來 爲 爲 蓋 爲 文而 靡, 已有 物 雖費 得 小, 之, 其 冠上有 而 中 而 丽 加 也 不 制 於 及 覆 度 衆體 儀 前後 之 夫

「樂則《韶》舞。

見矣。」

取其盡善盡美。

放鄭聲,遠佞人。 皆因 則餘 常 聖人不作,故 政 也 諂辯給之人。 放,謂禁絶之。 多矣,惟顔 行 之道, 皆 時 放 鄭 損 미 聲,遠 益 攷 發 ,及其久也,不能 也。」張子 孔 此 淵告之以 殆,危也。 鄭聲,鄭 子 佞人,法外意也。 以 鄭聲淫,佞人殆 棋 爲之兆 酌 E 先王之禮,立萬世 此。 國之音。 . 爾。 一禮 蓋三代之制, 程子曰: 無 樂 由 獘。 ,治之法 是求之, 佞人,卑 一日不 周 一問 衰,

> 謹,則 法。 可大。 遠之。」尹氏 如此。」又曰:「法立而能守 雖不得 孔子之作《春秋》,蓋 法壞矣。 行之於時, 鄭 聲 佞 日 虞、夏君 然其爲治之法, 此 能 使 所 人喪 謂 臣 此 更相 百 意 其 則 王不 也。 所 德 戒 守 飾、意 可 易之大 미 故 得 丽 顔 放 蓋

道 後可 型仁 訓義顔淵問 不可亂之大法,則 爲之以定一代之規模,爲之以立萬世之常 告之日 易俗,敕 意存焉矣。今夫三統分元,二代殊建,曆 可爲之德,則不容謙讓不遑而 制作明備 以 講義 邦 棋 政刑而保數百季之治安。故夫子 酌 以 有 帝 盡 爲邦,其清 前 可 Ŧ, 正 爲, 弗 理 禁令行, 而 敢 者,已優爲之矣。 則爲之之時 成一 怠荒 心寡欲以成君德 代之制作, 逐 以以 而 刑 垂 貶 政 也。 爲 其 之中 口 (功也。 夫而 我 治 有 風 精 丽

之文 增 若 服 以 爲 加 烝 之不 而 符,授民時 合乎人也 後,近稽之人統,而 人合乎天 之 夫 嘗 乘,名實允而 之金輅, 民 而 元本九 定 輅 所 用 以 制 用 木 丽 之器。 同 宜 降 車 也, 前 輅 非 輅 焉。 矣。 殺 之 也 加之玉 以 代 其 亦 極 久 疇 祖 焉 制 作 爲 理。 因 平 矣。 殷 屏 其 顓 故 息 等威未嘗 焉。 尊, m 較 在 之質 異 數 頊 閨 極 輅,加之以象輅焉 成 行 略 八十一之以 夏 殷 説 具 不 以 而 乎 餘 務 矣。 地 夷 承 遠 丽 應春 文,而 有 次 而 在 安 殷之所 者 大 遡 略 專 不立 不 丽 ( 其 位 厝 動 而 舜 可 備 效 「氣,以 夫 口 降 備 百 静 大裘 無 矣。 法 七 無 益 也 薄 尊 立日 E Ŧi. 攝 政 過 馬, 所 者 至 冕 之巡 首 而 生,行之 之冕 若 蝕 殷爵 稽 既 飾 周 降之, 法,天 可 丙 合 夫 攷 齊 制 欲 Mi 而 IIII 也。 狩 寅 冕 益 其 之 之 爵 之 無 自 名

以 幸 氣, 矣。 之諧 載之理,其數存 之和者, 心, 焉, 焉, 存 主 以 也。 者, 旒 而 生 IE 降 弁, 水盡 羣后<sup>、</sup> 以 皆 抑 和 以 面 朝 其 制 夫帝王 ,歌頌之叶 天 降 未 行 盛 且 事 未 神 野 後 之 之 於一 無 洽 典 而 天 充 德 盡 以 冠,不 德 不 昭 也。 而 焉 也 之 禮,樂之用 一各以 制 服 事 於 凝 度 法 形 出 而 文 皆 手舞足蹈之中, 以以 觀 於 未 昭 在 其 容 地 悉 嫌 而 獲》、《武》之 於《 采 心 泯 至 示, 於同 叶 度 也 之 躬 及 前 而 之 昭 尊之質 也 在 衣 此 鳥 韶》舞, 大矣。 無 仁 以 而  $\wedge$ 清 以 默之 裳 所 咸 乎 丽 祀 爲 用 明, 舞以 爲 矣。 媿 自 於下 池 宗 於 邦 物 之準 情 六代 起 而 有 興 廟,以 後 者 此 不 無 具 而 是 所 虞 如 以 無 嫌 飾 美 於 賓 之 無 IE 上 神 天 得 蔑 面 異 所 弘 莫 舞 治 是 之 有 君 覆 於 미 律 昭 以 與 加 世 孫 賓 身 加 略 具. 損 酌 音 地 加 别 降 志之求 放必 使人惑 焉,嚴 兢惕, 焉 之已耳,民 興 其情變詐 而 以进之可也。 異,而不 鄭聲焉 吾德已成,道已建,區區 而 四 人之氣質有 雖 ;則 代 柔曼,善人人之耳 人心之沿 遠 而 有 在 刑 風 定共 焉 吾 修 ·知危 貞 民 俗 加 以 雖 而 明 臣 閒 不聽之已耳,有 後 志 止 醇 染 偏,未能 安於其天。 詭 有定 爲 君 尤有易惑之心 微之戒,在君 H 之可 圃 何也? 隨,乘 也 邪 萬 德 可 不 人,未 枉化, 任其 世 之純 理 能 也 一法,在 必 而 而 人之隙 自 八情,議 世之無姦回 且 能 全不 固 持 蕩 鄭聲者,其音 佞人 者不能我損也,有 王者必世之仁以 疑 即 者 人 其 佞 此 心 志 變其 於 虧 之心,使 必 而 也。 必 人焉 自 時 論 非 遠 於 然之鷹 行己之險, 矣。 有 者 鄭聲 不 耳 馬, 所 吾 佞人者, 難 嫌 也。 目 狎,民 禮 孤 於 四 志 倘 必 不 也 必 聞 清 用 裔 其 樂 放 之 日 生

> 詩也 音」, 呼, 周 算 時,若只改以建寅,有甚要緊? 焉 凡言冕、皆兼衣裳説。 木 在朔,見之《春秋》。 虚全不同。 成有道之長者,其 而 冕 輅, 法,與子丑二正 ,保泰有小 爾 非 有五, 音 所 周 顔 學爲用行之實者, 字 亦 淵 以 亦 有 又有大裘之冕,天子 春秋時 五 孰足 心焉。 之,但 音言, 以 在 周 日 故 多 吾 語 斯 曆 月 非 鄭聲,註 金、 據改曆説 有 乎 全不合天, 此 行 但 志 度 乎 1 玉 盡 ^ 1 分 於大道之公, 開治· 於此 鄭 象 杪、 云「鄭國之 不 風 以  $\equiv$ 乃 矣。 日 知 行夏之 氣 有大猷 **>** 分明。 祀 輅 中 食 建寅 盈 天。 耳 淫 不 朔 嗚

子曰:「人無遠慮,必有近憂。」憂,當作 外,則患在几席之下矣。」 用 蘇 之 氏 地 日 加 「人之 不 口 所履者 廢 也 ,容足之外 故 慮 不 在 干 里之 爲 無

息

之矣。 以保一 其至備 之日 薄。 其情 之而 無阻 踰 訓義 之才,志量之廣狹,而吉凶譍之。 不知,天下見其情之不相及而怨之以其 室 豈徒 偷 尋於憂患 安 而 夫子 無 稼圃 身爲 ,天下諒 我行之而 如人之區 天下不能違,守其大常而至 皆 皆 無問 不足以 日 可 爲小人之學,而驕吝爲 心 他 居 而 以 其識 之慮有以及之也。 人 德 利, 區 不自 致 免咎,以 口 者 遠 於欲速見 之止 也。 無問 欲 知 加 其 也 行道哉? 於此 若此 天下 行所易行爲 有餘 小者, 2者,其 可也。 而 議 欺之以 故 不 道 變莫能 何 憂 何 量 天 修之 足 必 我 者 可 也 礙 下 觀 及 E 所 處 以 心

也。」好當作政。 吾未見好德如好色者子曰:「已矣乎! 吾未見好德如好色者

已矣乎,歎其終不得而見之也。

訓義夫子曰

,夫人之性,遂終隱

加

迷乎

然也 已矣 不可 其好色之情,冀此情之未嘗 夫人之情,遂終流 色,情之正 乎! ? 動 以固有之心乎? 能勿歎哉 也,即 終未見其有然者 性之必發也。 丽 不 反 抑俗習之陷 乎? 不 也, 口 豊 正 吾 好 人之終 不 德 也 溺 呕 如 乃 奪 好

賢,而 子 日 -: 不 與立也。」上「與」,平 臧 文 仲 其竊 位 者 與? 聲 知 柳 下 惠 之

范氏 不明 邑柳 竊位 小,蔽賢 爲竊位 会據之也。 言不 日 也 下,謚 --之罪大。 知 臧文仲 日 稱其位 柳下 而 惠。 不 舉, 惠, 爲 與 故 丽 立 是 政 魯 孔 有 於 蔽 謂 大 子以 媿 魯,若 夫展 賢 於 與之並立於朝。 也。 心, 爲 獲,字禽,食 不仁,又以 不知賢,是 不明 如 盜 之罪 得

訓義 大夫,若宜爲魯之冢 臧 文 仲 歷 相 莊 卿 僖 而 而 執 或 其 人 政 者 稱 之 日 夫子

之,計 竊之心 宜 忌 有 不與立乎大夫之列,負大臣之職矣,此 者,大臣之道。 上 追 知之而必不能與並立乎大夫之列,此其有 據之,而攘人之宜,有竊之心 以柳 論 竊 卿 竊之道 竊之道 政 以定公是,曰,臧文仲之執魯政也,以 而 或者其未知,而 其 也。 褔 爲公室之輔,其 功 下惠之直 禄 也。 也。 求 者之相仍矣。 不 肖 以柳 副 欲久其官,而巧防其失,陰 當時之賢,孰 如 其 且將斥己之枉,則 職, 此 下惠之和 既已知之矣,如之而 冒 而 位 魯 有之,而 尊 人之以爲 且以 矣。 也。 有 如 夫舉 猶 形 柳 非 今 己之 其 Œ 下 其 腎 唯 惠 論 所

子 日 所以 責 一:「躬自厚 己 厚,故 不 得 身 圃 mi 怨之。 益 薄 修。 責 於人,則遠怨矣。」 責 人薄,故人易從。

訓義 夫子 日 小人之致怨也,其自取 也。

人

平。 我有 欲 怨 斯受之。 其悖理傷化之大者可責 爲 何 而 於薄焉。 正,化之以善。 已時,此自待之道 卒厚也。 也 爲君子而怨集 君子,意甚厚也,而 致斂怨於人哉? 己 欲與 無責 以漸化其 斯 道所宜盡,恐有不 焉。 人同 彼 明 以 無 知 立 歸 以 其 夫君子即 乖 天 材有所 擿 於善者,由 下 戾之氣, 有 之,則且以爲人之無良, 也。 我之疵於求全之中, 邪 之法 自爲君子 心 不知天下之不 若夫 可爲,知 也。 不 則,而 雖 而 可 此道 甚 人, 盡 姑 苟 殉 而 自 不肖, 待 潔 有 流 夫 養 則 欲 之,勿嫌 身以進, 所能及, 俗 之 責 導之以 人 於 可 之 無能 而 面 以 共 和 而 無 亦

子曰:「不曰 何 也已矣。」 如之何,如之何」者, 吾末 如之

不 如 如是而 之何, 如 妄行,雖聖人亦無如之何矣。 之何者, 孰 思 而 審 處 之解 也。

理之正 於疾者 於此 其通 何也? 亦 如之何哉? 欲示之曰「如之何」而允合乎先覺之爲、天 是,而古人亦僅如是,不自計其短長,而 任 所 之責,則因其知之所至,而推之於其 訓義 以今人思效古人而終不肖古人。 如之何」,則冥 其 困 可 不可 無媿於有棄人矣。 也 夫子曰 П 而 也。 耳,舉 ,吾之道 通之,示之以 其推 必 也日二 其 一,以 彼且 不憤 心 也,必其 動 也,而 行 有 如之何」,於彼不可 惟 心求 無 所困 不悱,君子 而無忌, 矜才而自信, 其 能 合於 (意欲,自以爲 知有 所從之方,如 無 信 而 如 不自 理 無 所至而 人之不能思者, 能 而 之所 安。 從 未 當於 也 不 特未定。 吾 理 何 也 乃 丁,其 教,吾 心之 又 且 誦 有 ௱ 理 將 吾 E 習 免 不 在 教

矣哉!」居,當作尼。好,本作政。子曰:「羣居終日,言不及義,好行小慧,難

之爲。 必然。 亦然。 行成 日喪, 者,所言非所必行、 訓義夫子曰 心滋。 乎人倫 乃有辯物理之不 下必然之事,而 矣哉者,言其無以入德, 小 及之,則言不如其無言, 思之,窮日之力以附會之,於道 羣居,以 聚徒受業、結 · 慧, 攖人之情,傷道之和,言 私 數。 庶物之則。 以詧詧於名法之細,而營營於 所行者既共 好行小慧,則 如是者,一人倡之,衆人 相 智也。 輔 「學校 吾爲 也 友講習而 言 邪正分焉,不可不辨也 ·必辯 思之,陷 羣 廢 不 以 於是 非所當行者,而一不循 居終日 行險僥倖之機 及 而 爲 偂 羣居 教 義, 羣不 而將 然,則所好 所言者然,所 拂 迻 溺 乎人道之大經 則 以 於 者,此三代以 ·如其 有患害也 不 放 反, 而 下,於是 滿 日 和 精其業 僻 遠,於 之, 無 五 者 孰 邪 車 侈 害 詭 以 行 也 猶 Ħ 德 日 異 爲 者 有 之 而 難

者,一 也。 自惠施、公孫龍之類聚徒立異者。 可 以 安不著不詧之常,而日用飲食無所難 世教衰 云「行險 人私爲之,不羣居 而 僥倖」,恐 横 議 行,吾 未 而終日 必 爲 然。 斯人危之矣。 議 行險僥倖 也。 此

之,信以成之。君子哉!」孫,當作悉。子曰"「君子議以爲質,禮以行之,孫以出

則義以 只是 以出之,信以成之。」 質幹然,禮行此,愻出此,信成此。 君子之道也。 有節文,出之必以 義者,制事之本,故以爲質幹。 方外。 事,以 義爲本。」又曰:「敬以 義以爲質,則禮 程子曰:「義以 退 愻,成之必在 以 加 爲質,如 行之,愻 誠實,乃 此四句 行之必 直内,

之於中而發之於外,以協一而宜。規之於下,無有不極其善者也。自一事言之,存訓義夫子曰,君子者,德成於己,而以膺天

意,而 不謀 其所 乃君子之出之也,又以愻 始著其必然之則也。 其心之無私,或有直情徑行之失。乃君 之實,而立以 其存之發之,始之終之,罔不 始而成之於終,以 事者也。 **迄於成焉**,其爲 無所矜,舒舒乎不 圃 彬乎中度矣。 之行之也,又以禮焉,備乎文以傳其質,彬 而已矣。 君子則酌乎事之所宜, 盡 利,不計功,執其當然 乎禮之有則,或 以 禮以 克致乎此者,可思也 所主者義,則無不可行矣。 其行,果見節文之不可踰 愻 而 蓋禮者義之節,而義以禮 爲事物之準者,必有質焉。 盡 ·質者,果有得於心而 其 - 迫矣。 相濟而美。 從容之致 恐有 如以出焉, 而 蓋 執 焉,若有所 裁以其心之制 而 己。 愻者,禮之精 禮大迫之嫌。 不 也。 推之事 可 致 心 撓 無疑矣 也。 於 有 ,唯義 譲 宜於 是 而恃 可信 丽 mi 丽 則

矣,蔑 乎其 之爲 所 則道 以爲 其 以 莊 愻、信皆出 於事之方至,乃立 於愻之有 從 初 發 敬 矣。 終不 禮 爲君子 德,以曆天下者 心 爲 臨 以 謙 之 尚 歷乎萬事之成而皆如其一致, 惟精 爲其 也。 素,而 抑 以爲 一其固 矣。 哉! 者 義 也 其 用 悉、 如 有 前 於 出 是,在 以誠 夫君子之能如 義 研 迄 物來 左顧 一以爲信哉? 以 盡 果 幾之日,學於禮 乎 自 美 和 心求之,故義、禮 己者 一事之成 圃 右盻,不知其何 而 防 順之積於 順 純乎其 I 備道 譍之。 而 規 此 而不 規 而 使然 者, 成, 中 有君 然 可 習 信 岢 洵 據 爽 面

子之學,而後

有

君子之德,其所由

來久矣。

訓義 心 mi 不 夫 見 子 諒 E 於君 一,有 其 親 道 君 而 子 不 無 明 獨 於 善之志, 天 下, 有 其 丽

訓義

夫子

Ė

君君

子

所

自

省

而

自

責

者

實也

聽

其

自

至

而

無

容

心者,名也。

雖

然,引人

説。 其無 焉。 主。 章與 不可 己知 下徵 有必 而千 玩 亦責之己而已。 味 揜, 也。 古知之,抑可以悠然而自信矣。 哉 能 省缺 孚之情,亦 看書 聖人文字説 本文,語意 「不患莫己知」二句, ? 而 己。 都 陷 心之不 日 德之不孤,心之不可誣,事 於幾 須 不知 果其能 如 悪得 道之不明,吾無 到 自 此 微,媿 - 諒, 吾 而 . 見。 盡 看 後 圃 處 也,又何憂乎人之不 必知 立誠之不 不 凡 無 便 ·病哉? 倒 止 實 書 之,當 説則 開 以 多 使 以 行 口 至, 意自 結 111 君 以 乃 且 抑 親 爲 君 緩 句 無 功 别, 爲 之 緩 天 子 知 病 動 此

子曰: 范氏 世 而 目 名 君子 示 「君子學以 稱 疾没 焉 世 則 而 無 名不 爲 爲己,不求人知,然没 善之實可 稱 焉 知矣。」

之乎? 百行 迨其終而 德不 之公論 而 可 忘矣。 無 以自致,亦奚容視名爲不足恤 人無 不可白矣。其始之或遠於人情 事之不見德於天下,歷衆 吾心之不可白 不 順矣。若其没世而猶不 於流俗,見之 事 而 加 任

情嚮 稱焉 則 背之常。 人終 無 忠孝 口 稱 廉節 也。 富貴福澤,爲 乃人心 同 然之 X

感。 嗟乎 圃 無 自 可稱 有 天 也乎哉? 地 以 來, 生之死 鳥 容 不疾 之於 兩 也 閒 1

猶 有所爲,以 者,不可 艸 木之 以 萎落 自信 數 計。 於山 爲 有我。 於其 谷, 生也,亦皇皇然 禽魚之浮沈 而今日追思之, 於谿 H

子曰:「君子求諸己,小人求諸人。」之,而如之何不思?

澗,乃似天

地

閒

之初

無

此

人

也。

痛

莫

如

此君子小人所以分也。 楊氏曰:「君子謝氏曰:「君子無不反求諸己,小人反是。

無所 反諸 也。 雖 不病 不 雖 己 疾没世 至。三者文不 人之不己知,然亦疾没世而名不 而 른 小 而 人 名 求 不 稱 諸 相蒙,而 然所 人,故 義 違 以 實 道 求 者,亦 相 干譽, 稱

亦記言者之意。」

合焉。 也,是 以成 訓義 道 則 我之未仁與? 我之未知與? 求之未得 之者也。 惟,事之所必盡,皆汲汲焉未嘗暫舍 有 可成也,人情之可詭合也,行焉 也,行焉而有所不達也,皆反求之己。曰 功 盡 必得焉。 也 而 天子曰,君子小人皆有 其君子,小人以 其 求之已合,又恐其不終合焉。 無憂,而 口 皆 君子於事之未成 以 求 求之已得,而 之 利 反躬不媿 於 誘 人。 也。 成其 求之而 日 也。 更有 一是其 也、人情之未得 小人。 所求 小人幸 得焉。 未 可 面 合, 焉, 心之所 以 乘 必 是以 事之 智 便 加 君 思 以 子 取 聽

其 識 時 力者殊,此君子小人之大别也。 詭 九遇,而 失 節終身也。 立心異, 加 用

子 İ

:「君子矜而不争,羣而不黨。」

類。 也。 於與 趣。 訓義 於持己終 附 節 和 莊 廉毀恥者競得失,不争也。 而吾身不失。 處人,而天下安之。其處人者,即其持己, 度焉,有處 比 在 以 以 周 處衆日羣。 持己 而 和 人 而本天以全吾之名節,非與天下之滅 |夫子曰,君子之於天下,有持己之恒 於我之自立 本 平二 者 也 以養吾之和 共 E 亦 人之令儀焉。其持己者,即 因其性情,原不忍棄斯人於異 矜。 損 功 無 蓋君子之持己也,矜也。 矣。 利, 仵 然無阿比之意,故不黨 然 矣。 ,必不能 不黨也。 此其所以爲大公至正 無乖戾之心,故不争。 平非 君子之與 與 欲 則 則持己 流 藉天下之依 與 俗 人 人寬,而 同 ]嚴,而 也, 其 名 羣 志 以

無

子曰:「君子不以言舉人,不以人廢言。」 之君子與

故 而言 獎廉 聽言 而 之,國家乃以得 言之可取者多,而人之可信者尟也。 之以至慎,則尟不失焉。 訓義夫子曰,君子而任 人情以當事幾者也。 不廢者,繫國勢之安危,萬民之利 而遂舉之乎? 欲舉者,以託國家之治亂,萬民之生死,而 用其人,可並 而與之議事 貞 行 (良之士進,而 之,國、 恥 可 ,其先務 廢乎? 以 Œ 家乃以 ,其言亦中於得失,則 風 也。 用 俗者也。 觀其行 人而 略其心,用其 而 然非以 事理之致盡,斯 受言之益,人 無惑 治,言奚當哉? 其 如見其心,而 矣。 人 國家之大,則 如其 至公之心, 雖 言之偶合於 加 智,節取 無德之可 不皆 人 何 病,而 誠 聽 君 求 賢也, 其言 然 吾所 其謀 而持 用 焉? 後 或 也 所 駆 理 合

其 民 之要道 而 酬 以 與 賜予焉 言 口 用 可 耳 也 人 不 口 用 也 用

於人。」 乎?」子 子 贛 問 日 日 : 有一 其 恕 言 平 丽 可 己 以 所 終 不 身行 欲, 之者 勿 施

謂 推己及物, 極之,雖聖人之無我,不出乎此。 知要矣。 尹 氏 亦宜乎?」 E 其施 孔子告以求仁之方也。 學貴於知要。 不 窮, 故 可 子贛 以 終 心身行 之 終身行 問 推 之。 可 m

故執 己。 子 天 求之心。 贛 下 問 心者,情 相 君子以一身而 理而 拂 言 蓋吾之所用 者 也 與天下 尟矣。 而 之所自 可 物 以 各 相違者多 此 譍天下,求之理者, 終 有情 出 身 以 恕 行之者。 行者,唯 所以貫 即 事各有 理 順 之 一心而 所 理,數 萬 此心 終身之 自 類 巾 定 與 而 必

其道 所 所 常 心而 乎 痛 所樂,不能以勥之愚不肖。 能 躊躇於萬變而審其可 而予之者也。 可以乎! 天下之理不爽, 庶乎其以 也,道亦不 違,達乎情之所不越,難矣哉 言,有反己之思焉。 而言之曰,一言約 欲推 之事 以 推 ! ,以順以逆而 议 齊之數人。 廣通之,無 也? 如 雖 之, 與 吾 事 質異 君子 而 夫恕者,推己之心以 心 可執,吾反覆思之,其 ·物相 於 而 己有欲矣,有不欲矣,將 皆成 亦有 而情 己 道不同而 阻 直 迎隨, 所 矣,求 礙 行 乎 所 亦異,一人之所嗜,不 不 也。 之,無迂 雖 以相通之幾, 非 順 不 欲 然, 以 堪。 則 道 推 常以變而各得 吾之情 志不同,賢智之 循乎理 難言之。 故恕者 之 也 終身行焉,其 口 違 也 量物之心, 唯 心 也 桁 求之於 不 之 害 飢 不 恕 不 乃 廢 夫 於己 所 理之 溺 推 可 鄭 而 疾 M 任 子 何 其 吾 不 口

矣。 乎 平其情,和其氣,守之勿失焉,則庶幾其可 行之,反之心而無尤也,質之世 安於害之必遠。 欲,勿施焉,人雖相忘於利之自然,而 不與之以害。 理之不可欲, 名,雖小人亦有所不受。己所不欲者, 天下之情理,皆吾心之所可 1 於此見天下之理,皆在於情之中。 而賜也,恐未之或逮也,勉之而 勿施焉,人即不以爲 己所不欲者,爲情之所 如是者,一日行之,終身 喻。 而 無 利, 心無 排也 可共 不 而 不 己 足 卒 爲 而

子曰: 者,其有所試矣。 善而 者,則必嘗有 毀者,稱人之惡而損 「吾之於人也,誰毀誰譽? 過 其 實。 以試 夫子 之,而 無 (其真。 是 也。 知 其 譽者, 將然 然 或 如 矣。 有 揚人之 有 所 所 聖 譽 譽

人善善之速,而

無所苟如

此。

若其

悪

悪

喻

而幾乎仁矣。所以片言而

居要也

所毀也。 則已緩矣。是以雖有以前知其惡,而終無

斯民也,三代之所以直 以直道 其惡 者、蓋 人也 者,蓋試 性其是非 之實也。 直道,無 斯民者,今此之人也。三代,夏、商、周也 一,豈有意 而 以此民,即三代之時 而 無所私曲之民。 而知其 私 行,豈得容私於其閒哉?」 曲 於毀 也。 (美故 譽之哉? 言吾之所以 也。斯民也,三代所 道而行 尹氏 故我 所以 曰:「孔子之於 也。 其所 今亦不 善其善、 無 以 所 譽之 得 毀 恶 m

不可得 訓義 者 信 自信 惡,且以 好惡 以 罔 夫子 以 益 而 知 已甚之口,而任一時之喜怒乎? 示俗論之徒爲枉,而人心之大公 誣 所懲戒,殆以 進 自白 於 也 八令圖 其 日,吾之有 待物之平,以 或 吾之是 有 所 斥 所 非 煅 而 勸 冒 而 人 善 於 或 人 或 悠悠 不相 m 不 止

之者, 者,固 裂之? 哉? 竟也 於人 私,觀之於志,吾有所試之矣。而 其心之所以慝,誰爲有 可依據而故偁揚之? 可見,其成業之已就者具存,誰 也 1000 一面 之譏 ·足爲 也 歷 若夫惡之未 其 信 而 與之而 固 IIII 所 · 而 以之自 所可 可譽乎? 其或有毀譽者,乃毀之 斯 IIII 終 矣。 評 其 獨 不使 人之固 誰 誰 爲 人輕,譽之而 毁哉? 爲而 譽也 雖 由 過焉者 間 者 騰 今思之,斯民 人知有其 成, 哉 於無 非 必 而 可爲善,心未 有 ? 爲者,而不幸 可 有之乎? 致其終之所以敗,原 吾猶有待也,必 可信 志可以曲 據之 與 意者, 其立 (衆知, 不 實也。 者矣。 足 以 志之卓 而 也,而 爲 m 然 É 吾樂善之 爲 全而 其 竟 省之於 所 天下之 功之未 夫吾之 見 無 而 人重 誰 故 無 其 未 實 然 可 緒 毀 所 譽 爲 爲 之 者 滅 未 之。 褒議 得而 也,猶 以 惟灼 偏 而 致 私

就

心

吾

歷

揚、爲貶斥者。 夫人返質之心, 容不正告之天下者也。 失則祗以辱而不足爲樂,罰之過 違,賞罰足以 公是,自伸於論定之時。 三代聖王之曲 三代之有天下 伸於天下。 以此,而 知 原不足以 用,惟順 是善者自善、惡者自惡之 丽 其 益 所以 勉於令終、革其前非矣。 顯 其 服一時之心志,而 其 所以喜怒不得 動自好者之心,而吾之 然 殉 自然而行其所 者,聰明足 所 之 人心 毀譽者之淑 理 呵 而失在己之權 已矣。 止 以 以 而 動 無 見 以 故 民 慝。 事 則 亦當思所 毀譽者 世之從 其 衰 恩 屈 也 也 心爲激 (賞之 此 世 哉 威 於我 斯 豈 民 之 彼 之

子曰:「吾猶及史之闕文也,有馬者借人乘 今亡已夫!」夫,音扶

乎?

m

不

時

毀

楊氏曰:「史闕文、馬借人,此 事 孔 子 猶

此 口 及見之。今亡已夫,悼時之益偸也。」愚謂 知 必有爲 矣 而言。 胡 氏 蓋 曰 雖 : 細 故, 此 章 而 義 時變之大者 疑, 不 미

**勥解**。」

之日 此 貧富 史有 私利 習尚 圃 其有者,不可專之以爲己利 及見之。 而紀 訓義夫子曰,世之盛也,人心風 私意亂真 無他,惟昔之有天下者以至公行其 風 古之恥 、俗已衰。 乃至今日,而 異 闕 而 成焉,不以 事 己。 文,存其所存而已。 者非智之所可測於 及見之。 則借馬使乘之,無容其吝惜者也 於私 人之所無 者,而吾生當遺直既尟之後 夫書之紀道者可以意爲斟 利 私意生其私智、私 廢義者,而 在當時已怪其 者,不可 此古之不敢以 白 吾當親睹道衰 一故爵 ' 雱順 史有完書,人 季以 俗之醇 人情, 不數見, 相均 欲 後 政 專 猶 酌 其 mi 也 故 mі 而

> 戕,蓋 以上之大夫也。 邪 泯 争私畜,已亡矣夫! 説 滅 且 無 不知其所終矣。 一逞,私 餘, 以至此 利 擅 陳臥子之説是 哉 而 大道爲公之遺意 卿 大 私 有 夫 智 馬 且 興 已。 者,畜 相 而 争 白 家之 馬 以 遂 相

不忍,如婦人之仁、匹夫之勇皆是。 巧言,變亂是非,聽之使人喪其所守。小子曰:「巧言亂德,小不忍則亂大謀。」

其言 非理之正,可勿辯之哉? 若可愛,其辯 決於行矣。 能絶也,不 者詐矣。 也,不可 訓義夫子曰,人之欲有守而 定矣,而猶不可不防夫亂之者。 則 不知 不慎爲之持。 不自知其非矣,知其徒言之巧 可不嚴爲之辨。 面 論 心之且 有巧言者焉,其文辭 曲 折 追於彼 而若可 知 有 所謀者大矣,需 '信,一留 事 有 德矣,自 M 爲 廉 勢之相迫 流俗之不 也 者毀,誠 柔 意 其志 靡 信 於 而 面

哉? 所忍 志以 發,一 時 不竟其業,皆有亂之者也。 愐 而 不能 衰、氣 者 成之矣。 爲其所 有守者所以不永於終,有爲者所 小 禁情之動,見可 而 以 [感,則] 無失利害之大,可 逞 而 矣。 有 不知事之大有所妨, 小不可忍者焉,見 不足以 悪 面 君子亦爲其不 復爲矣,知 不 能 勿 慎 **戦怒之** 持 可 以 之 其 而 欲

思,讀去聲。察,宜作詧。好,當作政。子曰:「衆惡之,必察焉。 衆好之,必察焉。)

口

亂

者

m

己。

楊氏曰:「惟仁者能好惡人。衆好惡之而

不詧,則或蔽於私矣。」

矣。 有惡 訓義 在下 下之公,尤必慎以用吾心之辨。 而或有好之者,則疑 而從改亂 子曰 有衆惡之者,似可 ,知人之不明, 君子必 決其惡 盡 則 於兩 心 在 焉 F 端 矣,而未可 虚 而 如 丽 賞 答之必 以 人之或 罰 聽 偏 天

> 即 知 習俗敝,媚世之巧易讎 後 外,詧之以吾善善之本心,爲所好之真,然 於好之中, 詧其所以致 惡之真,然後可惡與不可惡不彼誣也。 衆惡之外, 詧之以吾心惡惡之本 據 有衆好之者,似 可好 人 也。 不必其盡 以 與不可好不吾欺也。 於惡之中, 詧其 求 益 不可馮,而 於己, 可信其善矣,而未可 而 如此者多矣。 미 好之實,於衆好之 所 而獨行之道 殉 以 耳目 取 蓋大道 恶 明,爲 之 以 難容 由, 殉 君子 失權 隱 也。 乃 可 於

衡乎?

子曰:「人能弘道,非道弘人。」 人也。」 弘,廓 道 性,人能 然人心有覺,而道 不能大其 而大之也。 弘道 人也。 也。 體 性不知檢其心,非道弘 人外 無爲,故 張 無道 子曰:「心 人能大其道 道 外 無 能 盡

之致 豈據 於四 各以 萬世 政刑 乃弘 於道 與心 也 法 而道 訓義 自 下之非 而 非 大 日 mi 人有 其 其 者 海 廣 哲 大明,以 相 夫子 也 備 吾理也。 M 通 道 道之名以立 知 以以 謀 其 合之 也 不 事在 遂 其 以以 其 日 以 夫三 美, 肅 可不詧乎相因之實也。 足以 變 道 際,天 若夫人之以道治天 知 明 ,道有其 人之能體天 教天 舊章, 行 剙 其 IIII 能 倫 綱五 弘哉 人心者,人之心也,即道心 道而 道 未有之功 不 下 爽 與 而 歫 力於行以 有道之朢,以其道 而發揮之以行於天下 常,其名 ? 道 (其常。 天 而 道大行,酌古人之教 人相 、秩敍,而人始成 始 善 下 故天 脯 顯 不 流 能 待之幾, 盡 其 在天壤,禮 惟聖賢 同 孰仁精 於 理 而 人者擴 爲道 者 之道 百 極 下而 世 其 天 以 則 侈 繼起 用 之理 勝 亦 充之 其爲 德 明 有 乃 然 天 而 人 敷 樂 道 道 志 理

> 而已。 也。人之爲德大矣哉! 亦存乎自盡者

子曰:「過而不改,是謂過矣。」

過而能改,則復於無過。惟不改,則其過

遂成

•

而將不及改矣。

過,有 及,抑 成於 訓義 乃出 後 不 之不如其量,亦有 避咎,道 之太真,失已成 可 自 之己 事,而 隱 夫子曰 且無媿於天人,而 有寡過之方。 其 矣。 己 實 ൬ 不 窮 而 ,人之有過也, 於此 不安,施之人 可復改者 而 不能 矜 而 改馬, 其 諉 所 逃其 媿恥 志之 於 守而 也。 時 去 名矣。 何過哉 之心 之不 無 其 丽 守之不 非慝 私 亦有所見 已 不 不 順 甚 順 ? 藏 浮 於 則 適其 則 於 用 知 勉 惟 调 自 心 之而 過之 自 其 過 成 護 面 宜 平 以 亦 見 惡 不

●「其」,原誤作「有」,今據啖柘山房本及《四書集注》改

深志之, 君子未嘗無過而終無過, 道存

馬矣

無益,句。不如學也。」子曰:「吾嘗終日不食,終夜不寢,以思,句。

如 此 不學者 悉志 爲思 而自 圃 , 特 不學者言之。 垂 得 語 也。 以 教人耳。」 李氏 蓋勞心以必求,不 曰:「夫子 非思 而

綱,既一 可已也 脯 詧之於情理之近而 嘗思之,則 訓 合、蓋無 疑,極之於高遠之域 似之難決,驗之於事而 M 有 兩 閒 미 夫子曰 山 之名物 自喻以 學而 約 益 也。 終日不 ,學之事,惟學與思。 後知思之未 而 俱 喻人者、蓋 吾然 得之矣, 窮之於微 有 同 食、終夜不 所以然之故終覺其可 而當然之則抑有所未 後 歸 有象數之未 從 有 思 而 致之誠, 功 而 學 後 也 寢 焉 知 以 道之大 博 學之不 吾歷焉 明。 而 涵 思之。 習 泳之 有 吾 疑 之

> 者共 學而不盡 信 夫子之學,則聖學成矣。 所能如矣。 而古人之精意 也 (之也。 ,離者合也,學之益大矣哉! 吾思以學之,則終身罔 此吾所爲 雖 然, 即 在 有 咏歎淫泆之内。 夫子 憤樂終身,而 之思 若 未 嘗 侕 焉 思而學, 欲 非 之以 又初 與學 思之 疑 者

子曰: 餒,本作餧,俗譌讀奴罪反。 矣。 學也,禄在其 「君子謀道 (中矣。 不 謀食。 憂,當作息 君子憂道 耕 也,餒 不 一愛貧。」 在 其 中

學者之所當

知

以在 耕所以謀食, 圃 禄 尹 氏 外者爲憂樂哉 在 爲 曰:「君子治其 其 憂貧之故, 中。 而未必得食。 然其 學也,憂不 而 欲 本 爲 ៣ 是 不 學所以 卹 以 得乎 其 得 末,豈 謀道 禄 道 也

心異,其居心異也。夫人唯憂之,則必謀訓義夫子曰,君子之所以爲君子者,其用

之也。 餘憂。 子? 是故 禄也不 乎其 也。 合而 此 在 如小人之利 乃以君 君子以道爲有生不容已之事 必謀,知其謀非所當謀 小人之心。 也。 我,倫不易明,物 爲 謀之,則愈憂之。 惟 盡 君子念千聖之統 終日憂之而必謀之,終 可得而 養君 君子。 若其 其 子 誣,禄 如其 其 謀 而 致 (謀 \*; 於食,則因 道 者,學焉思焉,營求 耕,既失君子之常,而 處樂不榮, 子者,君 弗失之計 固 禄本 故故 食,則耕爲本務 即 在 在 必於學焉, 學之中, 以 不易詧,而 所謀 相 緒 養君子,而君子之受 知 其自然,安其 固 之責 ,未常屑 也 在 其 之中, 窮不辱,而吾自 而又何憂? 我 無 了, 則 圃 日謀 ",耕焉 世 而 我 可憂也 不待 慮 學 而 以 於 教 何 所 飢 方 之而 徒 紋 以 之貞 抑不能 心 以 寒者, 謀也。 口 後 爲 所 與之 知 爲 日 m 矣。 有 邪 成 勞 圖 固 者 夫 君 不

子曰:「 耕者 若 成乎其爲 餧,耕必 心愈清,其志愈篤 君子耕, 只如 .焦勞於永歲,而學者 謀之,則愈甚其 智及之,仁不能守之,雖得之, 此直直説下,添許多 不餧。 則餧在其中。 君子。 可 斯斯 憂,而又何憂哉? 故 以 無 不憂, 若小人,則不耕必 媿 泰定 於爲君子乎 轉折者皆非。 丽 於弦 何 謀之? 其 必

智足以知此理,而私欲閒之,則無以有之失之。

池、當作竦、俗譌作涖、於義不通。 「智及之、仁能守之、不莊以涖之、則民不敬。

於身矣。

閒之,則 涖,臨也。 外者,是以民不見其可 莊 者 蓋 所 氣 習之 知 謂 者 臨 偏 在 民 也。 我 或或 而 有 畏 知此 不 厚 失 而慢易之。 於 矣。 理 内 Πij 而 然猶 無 不 私 下句 嚴 欲 有 於 以 不

放此。

未善也。」 「智及之,仁能守之,莊以涖之,動之不以禮,

不以禮 善有諸己而大本立矣。 禮,謂義理之節文。 善之道也。 動之,動民 責愈備,不可以爲小節而忽之也。 ,乃其氣稟學問之小疵,然亦非 也。 故夫子歷言之,使知德 猶 E 鼓 舞 愚謂學至於仁,則 涖之不莊,●動之 ൬ 作興之云 愈全則 爾。 盡

實,莊 外身心 心者曰 故君子博學 己治人以至善爲歸 一、養氣 禮 夫子曰 以爲 2 智 於 飭 知以爲 曰仁,外而飭於身者曰莊,合内 躬 居德之範,禮以爲昭德之符。 道 致 深思 而 而 無 得 入德之門,仁以爲修德之 以 莊,用 以 可 ,尚矣。德之内而 所性之節文垂之天下 略,故德必求其備 致 知 中 去欲 於民 以 存 肾 理 以 一世 體 修修 盡 於

> 乎! 於中和 於近 而 仁能守之矣,私意 理,天下之所不能 矣,必失之矣。 所誘,去而之於邪僻焉。 以純一無妄之心也。 而不妄者,是亦幾於得矣。而守之者,必 道之所在 有所必然,皆吾心之智足以至焉者也 加 亂吾天理之存,則智之所 我不示以疵瑕。 體之以全也。 小、趨於偏 而吾又爲思之,誠智及之矣,人倫 而 前 由乎禮。 心能 然則存仁之功,其至矣 雜者,不能 今夫在我有所當然,在物 私欲,天下所不 知者,而 及之,此其智有信於 以此出身而加 蓋審乎道之不可不備 若其欲之未滯,而 而 得者不能 我能導以 至 所知 焉 耳。 者 民, 能平者, 非 勝 先覺。 通志 我 妄之 如 中 其 有 狎

「莊」上,原衍「不」字,今據啖柘山房本及《四書集注

0

六七五

則。 也。 足以 深而 其率 也。 在我 天 其智及之矣,知其大未 在 俗,天下之心 更進而詳之,一人之志氣即以 於天下乎? 之際,必有君 而 之矣,存其實未 有自然之秩序,見端 地 我 成 達其 務, 乃以合天下之善, 意 之化育。 至德 者身如其 有不踰之準繩,推 民 吾内德之充, 不 氣 宜 敬 之所 情而仁之果足以育其生也,不敬 柔 民 ,民之無 然則 之翕 理皆在吾一人之調 丽 人之度,以 至道之所行,未能 凝 心,在物者見吾身未見吾 何 既 未能 莊 以 然服 聰 其文也。 使我 涖 於吾 知,且 明 體 盡其 以 不 廣 露 也,而 **悚愚賤** 容 所 昭吾之至善。 三王 而爲化民成俗之 喜怒哀樂之中。 而 不知 知 微 莊 不 果 之精 未 成 慎 所守之明 也。 以 動 吾智之果 變。 也。 極 天下之 之心。 也 涖之矣, 輕 仁能 明作 意 慈 涖 而 在 ௱ 之 心 守 若 風 行 之 冬 天 吾 惠 如

> 鼓舞 誠以 之於志學之初,而 問,密之於存養,慎之於威 中天地萬物未洽未孚之遺憾也。 殄之頑讒 恩及天下,德 精微、立宜民之法則。 百王之典禮,以 至善之不 内外身心合一之理有必然者也 於孝友祗庸之不可已,以 子不可 ,後世且有變更之治教。 易 臻 威 調 也 行 小知,而 德性而修人紀。 1 於萬 求全於從 是 姓 以 故 口 導 儀,而 君 大受也。 丽 心不 民 子 明 而 時 勉之於 必 養之, 踰 徹 則甚矣, 不偏 皆吾 棋 猶 之後 人心 小人 酌 有 鬼 於 性 使 未

子曰:「君 不可大受,而 受也。 此言觀人之法。 蓋君子於細 可 小 知 知,我 也。 事 \* 知 必 之也。 可 觀 面 材 德 彼 足 所

可取。 以任重,小人雖器量淺狹而未必

無

長

訓義夫子曰,君子不易知,而小人冒受而

言, 也。 力, 矣。 功 顛 位 果 託 以知言,君子則一事之見功不能與 心,小者有易見之效。 受不受則在己之自量,人之能 不 有輕視之心,大者君子亦有勝任 則大亦知 存乎人, 苟 而受也,授之以 娘,此 覆。 非 無 孤寄命之艱難不復辭其 則 負 所 觀於受之後,而 以受言, 謀之得當 所素習之巧,以 小忠小謹,有 據,得之而 小人之量止此也,不可受也。 焉 知 惟 也,小亦知也, 人 有 而任 則崇高之富貴不以蕩其心, 君 所 自見 子 不 大而受也 之者所以 驕淫,任非所堪,爲 層 可 能 與 也。 可 焉,人無 是 自 小 不 以受,則授之以 而 屈 而大者無急白之 前 人争長,不可 可始 以受言, 責 知之,亦非 抑之才,小利 難 ,逮乎所受者 小者 不 也。 見。 自 之懼 知 量者 小 小人亦 小人競 知不 也 以 以 之 無 知 則 而 知 故 小 尟 據 小 知 知 而 蹈

也,惟 之,酌其所 起之謂。 字俗解俱説 其爲君子爲小人之大别。 人,而以迂 小人然也。 闊 可受而 作「授」字講。「受」乃承 棄君子,尚其裨哉 故 與之,庶 知 人 而任之者,先 雖 不 以 有 家 可 或 知 載 託 而 受 得 置 辨 匪

子曰:「民之於仁也,甚於水火。水火, 於仁也亦然。 而 民之於水火,所賴 死者矣,未見蹈仁而死者也。 但水 以生,不可一 火 外物,而 仁 在己。 H 無。 吾 見 其

也。 子勉人爲仁之語。」下章放此。 是仁有甚於水火, 水火,不過害人之身,而不仁 人,亦何憚 況 水 火 M 或 不爲 有 時 哉? 而尤不可 而 殺 李氏 以 仁 則 日 則 失其心。 日 未 無 嘗 此 殺 者 無 夫

訓義 之於天下,逐 夫子曰,君子 風易 存 俗 仁以 以 納 全天德, 斯 民 於 親 而 推 睦 行 和

之説 若 自 戕 逶 容 生 死 也 乃 以譬水火,殆猶 是,則殘忍之心生乎忮害,忮害之事成乎 乃 哉 託 愻之中,使各全其生理,惟 而仁不可斯須去。 一一 人之大 相 以 求 賊 以 命 夫仁行 ? 不 自不是君子求仁語 者 近 譬水火,尤見其不然。 前 善其 汲 而終无咎者也。 天以 害存焉,蹈 惟情 存。 者乎? 日 汲 一,响 而習 益 乎 私。 是生民,民以 相 果甚矣 也。 ? 响 喻 之,由 無欲 甚 害不期遠焉,尤可 然以爲 水 君子存之,庶民 性相 平 水火可求人而 民,以 哉 火而 ! 也,乃 其 民之於仁也,豈 1 安, 道 仁而 水火 是自 死者,吾見之矣。 而 百 而 而後 以 知 世之習爲 姓 爵之, 水火之爲 且以自損 不 生。 養 此爲人之所 言, 可 民 其 八興之, 日日 得 無 得,仁則 驗其 欲。 且 而 以 私 語 有 功利 不甚 也 無 立。 也 利 烏 爲 非 意 龃

可

不愻。」

「爲仁在己,無所與愻。

若善名在外,

則不

程

子

B

而

自

子曰:「當仁,不讓於師。」 爲之,非有争也,何愻之有? 當 當仁,以 勇往 而 仁爲己任 必 爲 也 也。 蓋 仁者, 雖 師 人所 亦 無 自有

所

悉,言

於師有 哉? 純成 是而 訓義 前 理 師 此 至,惟仁然也。 一念之存,得所存而 師師 心,而心皆 不愻古人,後不俟來者,直任之而 有 之德, 人且自 夫子曰,仁道 讓 亦 讓焉。 焉。 念之妄, 猶 是, 吾 而 愻曰,此先知覺者甚深之藏 ൬ l 有此 我 當其 故當 當 固 知 斂 亦 至大,而爲 理, 未之逮 徙義,則 其妄 氣 其 即 猶 操之 以 求 可 是 以 養 知 而 也 也。 勿喪。 前 變化 即 心, 而 則 之也 存,欲之而 可 聞 遏 而 何 以 未盡 見 欲以 岢 讓 難。 人皆有 自 未 其 焉? 一,於 去。 逮 存 伙 於

學者 意。 身而 不勉,而 俗 無 當 解 於仁 作 「儋當 日 也 此 」説,非是。 非吾之所及也,宜其終 當」字只是「值」 字

子曰 貞,正 君子貞而 ım, 固 也。 不諒。」 諒,則不擇是非 而必於信。

若夫義 哉 至正。 訓義 自 其意見之私而執之不疑者曰諒。 乎道者,天下之至常。 所信於己,而 審乎是非之正 而 今之 信 其心 夫子 欲爲君子者,尚 所 可 邪世不能亂 而示信於天下, 徙 非,不嫌於 白,信 也 信於天下者,理 道 而 固守之以勿失者 可 也 禍 就 通 辨 丽 福不能逐者,此也。 也,則 秉乎義者,天下之 於 而 何有於硜硜 有 此 無 貞 疑 有昔之所是 而 於去, 與 已矣。 諒 日 夫君 貞 之 之節 必不 據 别 循 子

子曰:「 與 事 「後 君 獲」之「後」 「敬其 事 而 後其 同 食。 食,禄也。 君子

> 忠。 之仕也,有官守者修其職,有言責者 皆以敬吾之事 而 已,不可先有 求 禄之 盡 其

心也

事。 既 非以 究其 然,則爲食而已矣。 訓義夫子曰,夫人出 倫 常、君自頒之、於我何與焉? 也乎哉! 以文具 譍之, 守,爲言責,君任其事於我 筮仕之日 事 而 (以利 進無不盡之忠,退無不補之過, 待養於君 君 不媿 矣, 一<del>,</del> 而 用於身者, 持禄固寵,以至於逾分而侵上, 爲君子之道然也 君之事 持此 而一以 而資 念以先之乎? 君 而 夫事君也,而 何 一飽之外 小心 以 事君,以 得 益 不 承之。 我即 吾身之 敬 無 此 焉 身事 正 以爲吾之 餘 若 禄賜之 志 以 也。 事 君 爲 其 以 不 也 也 食 敢 當 官

子曰 有教 無 類。

人性皆善, 圃 其類 有善惡之殊者,氣習之

染也。 圃 不當復 故 論 君 其類之惡矣 子 有教,則 人皆 可 以 復於

不慎 與 皆有裁成之法,而後教乃備。 何賴 所 其俗尚之貞邪,或以其才質之利鈍,而 蓋 之自學。 訓義 心、盡吾之道 也無已時。 吾之 有 教,有所不教,則教先窮於己, 夫子 也 爲 焉 所 則自 Ħ 有 進者與之,能者從之,其聖天下 難與言之子弟,歸 而人之成與否,不逆之於先, ,君子之教,立教 事 棄者之咎,不可 而 於 己。 斯 若擇 人者,教也。 人而 於此 斯受之異端, 以議 若其終不足 後 m 教,或以 盡 君子之 天下 而 吾之 聽 亦 有 人

子 曰:「道不同,不 不同 , 如 善惡 邪 正之類。 相 爲謀。」

訓義 子有必遵之矩則 夫子 日 所 门以 由 日 者 進 於高 斯 謂 明。 之道 小人有 故 君

> 非 乘之矣,不可 小人,而 於君子,以 若顯然善惡 者,就流俗 規吾失也。 謀,亦必 必趨之捷徑,以求遂其私利。 之辨, 生其 然也。 利害之差,己未能 露其機詐。 而謀之、惡相 不然,亦 邪正之不 不 疑惑乎? 慎 謀道者 也 一同,則 不 君子 就 言不 重吾 濟 正 也,志相得 亦何 小人必 審, 相合, 人而 過 於其 也。 得 而 謀 資 而 妄 不 中 之, 於人 謀 害且 詢 就 有 也。 於 Œ 利 可 是

子曰:「辭達 圃 已矣。」

訓義夫子日 辭,取達意 而 ,夫人畜 止,不以 意 富麗 於 爲工 中 而 欲 傳 其 意

古今、 焉,華 或益其所 辯 以使人喻之,於是乎 事 慎 或 析 以 以 無以誇藻麗,或 幾 殉 明 微 世 理 焉。 也 而 遂謂 立 有辭,或以合交,或 蓋 教。 華 辭 損其所有以矜清 士見君子之 之别 乃君子以 有巧 棋 V. mi 酌 誠 以

不一平聲

也。 辯 欲 澹 繁 而 也 也, 前 其 不 和 容 以 贵 婉 隱 意之止此,增之而 知 丽 也 辭之所 不徑 一,以 意之必 遂 由修哉? 也, 心此,減 以意在言表, 反 之 晦 其 丽 簡 也 不 而 須 明 其 不

不能達 據也 詠歎 何 以 槁 用 侈雄 也 一,以 淫泆 此 博。 辭 而 凡此者 意 刊 爲 而 必 削 不 也? 乃 有徵, 知 ,皆以達意而已矣。 以矜空靈,意既已達 足動人 其何 以言 須 緣 援古證 也。 取人,其 而 作 其 此 典 今而 解, 敝 麗 必至 而 乃 而 昧 丽 駢 者 非 不 於 亦 冗 意 枯 無

在 師 席 斯 冕 也。 見,及階,子 皆 坐, 子告 日 : 之日 階 也 : \_ 及 某 席, 在 子 斯 日 某 :

此

一,而道

湿隱矣。

師冕出。子張問曰:「與師言之道與?」與,

復詧如此。聖門學者,於夫子之一言一動,無不

存

心

子曰:「然。 鰥 心 不 聖人於此 相,助也。 於於 盡 寡,不虐無告,可 尹氏 其 斯 目: 誠 亦 故 非作 固相師之道也。」 古者瞽必有 口 也。 聖人處己爲人,其 見矣。」范 意 有志於學者,求聖人之 而 見於此 爲之,但盡 相 氏 日 其 一 推之天下, 道 心 其 如 道 人 此。 致, 而 不 無 侮

閒,遇 之理 心。 訓義 之而人者,方晉接之際,不敢言 一人之酬酢。 物不得其所矣。」 前 乃有心 聖人無往 事 可 爲 ൬ 者從旁 天下後世 有 聖人自然中道 而 非 事 而 道 之條 求 其 法。 詳 大 理, 焉 師 無 遇 則 IIII 冕 外, 以 無取 遂 見 涿 人 其 成 君子。 必之 小 有 不 而 掖 易 有 無

者皆相 以坐, 禮 容出 動 成禮 使 數其 何在 其 先時 以 見之,乃問 恭敬,未 及 夫子言之必盡 及 於 席矣, 也 有 (階矣, 作階、 升,而告之 可 以問 有同 邪 一之,不自見 心 衆 也。 入, 而 而告之曰「席也」,師 得也。 ? 退,冕也自得 寡,各舉其姓字,别言其几席之嚮, 嘗 賓席、主 生於 且未知其 荅, 子告之曰「某在 見者,同見者不一也,冕且未知 子乃自惟 有 日 可 所 心 當斯 日 前 西 與 爲 以 遲 而 席之相 「階也」,師 階之相去,夫子莫能挾之 師言之道 道 拱 爲 回 即 時也,夫子因其時 堂之上得以 揖 而 ,夫子亦自得焉,在 一,而 其言之理,而 何 形 盡 人,抑 而 於言。 去,夫子莫能援之 順 之也。 不太 斯,某 與? 心之固 乃 乃安於坐矣。 未 也。 知 爲 知 在 廱 子張侍 所 不 惻 於是 「斯」,歷 其 決 容 然 升矣。 隱 人人之 譍 以 而 而 之 爲 华 平 即 成 何 而 從

> 也。 之道 賢 得有 之, 道 自子言之,而 曰 1,然。 以 者 古 而天下可共由之,道本如是其 學以教之方也 崩 夫師 固然,而 無 言 焉 意 不 道不遺於小,不窮於變,故 以 行 必 則 求詳 有 焉 即以主 吾 斯 有 相, 可 ", 而 道 用 而 如 也 道 人相之可 非 相 斯 用之廣 可 師 登歌之下, 矣。 通 之道 聖 於 也。 以 見 以 X 顯 接 安 師 此 相 無 自 之禮。 行之, 師 此聖 者 相 不 我 也。 師 不 在 剙

七世孫世全半

溪

謹

刊

書訓義卷十七終

四

## 四書訓義卷十八 論語卷十六

宋朱熹集註 明衡陽王夫之訓義

## 季氏第十六

洪氏曰:「此篇或以爲《齊論》。」凡十

季氏將伐顓臾。顓、音專。

四

章。

顓曳,國名,魯附庸也。附,當作坿。

冉有、季路見於孔子曰:「季氏將有事於

顓臾。」

此云爾者、疑子路嘗從孔子自衞反魯,再按《左傳》、《史記》,二子仕季氏不同時。

仕季氏,不久而復之衞也。

孔子曰:「求! 無乃爾是過與?爾,當作念。

與,讀平聲。

冉求爲季氏聚斂,尤用事。故夫子獨

責之。

中矣,是社稷之臣也。何以伐爲?」夫,音扶。「夫顓臾,昔者先王以爲東蒙主,且在邦域之

主其祭,在魯地七百里之中。社稷,猶云東蒙,山名。先王封顓臾於此山之下,使

公家。是時四分魯國,季氏取其二,孟孫、主其祭,在魯地七百里之中。社稷,猶云

叔孫各有其一。獨坿庸之國尚爲公臣,季

封國則不可伐,在邦域之中則不必伐,是氏又欲取以自益。故孔子言顓臾乃先王

至當,不易之定體,而一言盡其曲折如此,社稷之臣,則非季氏所當伐也。此事理之

非聖人不能也。

故歸咎於季氏。夫子,指季孫。冉有實與謀,以夫子非之,冉有曰:「夫子欲之,吾二臣者皆不欲也。」

六八三

能者止。」危而不持, 孔子曰:「求! 周任有言曰:『陳力就列,不 顛 而不扶,則將 馬用彼

周 任,古之良史。 陳,布也。列,位 也。

相矣?

任,平聲。

相,去聲

相,瞽者之相也。言二子不欲則當諫 諫

而

不聽則當去也。

徒谷切。 是誰之過與?」兇,正作爲,徐姊切。 且爾言過矣。 與、平聲。 虎兕 出於柙,龜 柙,烏甲切。 玉毀於櫝 中, 櫝,

兕,野牛也。柙,檻也。櫝,匱也。言在柙 二子居其位 而逸,在櫝而 ൬ 毁,典守者不得 不 去,則季氏之惡,己不得 辭其 過。 明

冉有曰:「今夫顓 後世必爲子孫憂。」夫,音扶。 史, 固 丽 近於費。 憂,當作恩 今不 取,

不任其責也。

冉求之飾辭,然 固 一,謂 城郭完固。 亦可 費,季氏之私 見其實與季氏之一「今由與求也,相夫子,遠人不服而不能來 邑。 此 則

謀矣。

孔子曰:「求! 之辭。夫,音扶。 舍,上聲 君子疾夫舍曰欲之,而

必爲

欲之,謂貪其利。

貧 「丘也聞有國有家者,不患寡而 而患不 安。 蓋均無貧 ,和無寡 患不均,不患 ,安無傾

安矣。 患寡與 民,則不均矣。 分。安,謂上下相安。季氏之欲取顓臾, 寡,謂民少。 均則不患於貧而和,和 八貧耳。 貧,謂財乏。 然是時季氏 君弱臣彊, 互生嫌 (據國 均,謂各得其 則不患於寡 一, 而 **、隙,則** 魯公無

來之,則安之。夫,音扶 夫如是,故遠人不服,則 修文德以 來之。

既

而安,安則不相疑忌而

無

傾

覆之

患。

内治修而後遠 人服。 有 不服,則修 德

以

來

之,亦不當勤兵於遠

也,邦分崩離析而不能守也。

崩 得 子 爲 路 離 析 無 雖 謂 罪 不 與 四 故 謀 分公室,家 并 責 愐 素不 之。 能 遠 臣 屢 人 輔 調 叛 之以 顓 義, 曳。 亦 分 不

顓臾,而在蕭牆之内也。」憂,當作恩。 「而謀動干戈於邦内。 吾恐季孫之憂,不在

子之言 公室弱 干, 告於夫子。 所以深罪之,爲其 而 不和,内變將作。 曰:「二子仕於季 去季氏 楯 也 伐 冉 而 顓 11-求 戈, 戟 則因夫子之言 也 臾之事,不見 又欲伐顓臾以 與?」 謝 氏 也。 其後哀公果欲以越伐 氏 瘠魯以 曰 : 凡季 蕭牆, 當 肥三家 於經 加 氏 是 屏也。 坿 救 所 時,三 益 傳,其 止 欲 之。 也。」洪氏 者, 爲 言 家 以 夫子 不均 必 宜 彊 夫 亦 以 魯

訓義 有 凡 與 以 理 人 言 家 之, 或 之事者 則所守 者 得 失 Ŧ 章 有 理 也 一,所 利 修 家

子謀 潰。 身而 外不 者文教 事 有 其 將作矣。 加 心 圃 之,以去就争之,斯不媿於己,不負於國 以 患 則過 無以制之,則理 馬 告於孔子曰,季氏將有事於顓 實 利 君怒於上,陪臣 過其寡乎? 逆者,起於利 而謀及弱 ·足憂。 與 害 積 事主,尤惟 人之家國,莫要 是得失之理,即成 ,有内憂焉 於内 謀 也,分定於内 庶有 冉有、季路 焉 而 非 小。 濟 季 害及 是, 外外 乎 此 必 欲之惑其 路 季氏中 之爲 不順 效尤於下,陽虎、公山釁 於斯 ! 弗 則 侮 於外 乎 能 爲之臣,秉禮以熟計 而德孚於外。 而 外 必 時,南 兢 而 循 分魯國,無厭足之 乎利害之勢, IE 其 即 求 心。 兢 勢 理 也 將 以勢言之,有 之 無 焉。 也。 亦 伐顓 蒯之變方息 於内 虞 而 逆。 利 而 以 臾 以 動 乃 臾 内 將 君 理 内 禍 於 非 世 成 子出 欲 之所 故 先 寧 其 福 以 冉 動 自 則 外 m

中,亦 擅。 之臣 勢制 祀不 國。 求! 以季 先,猶 坿 助 三者,王 曳以太皞之後,任東蒙之祀,周 面 責之日, 屬 職 了, 昔先王建先代之苗裔,以主山 事之不可 在 屬 之者,有道在邇,而政教易通 如 貢 ,成乎不 可 莫 爾 氏 爾 藉 口 茂也。 E 重 矣。 章 爲 止 非 以 無 王 以 其 於 或 季氏 固 可 也。 社 乃 顓 事  $\pm$ 已者乎? 用 典 吾 相下之勢也。 任 伐 . 稷 臾 且抑 大之職 兵 大大 章,莫嚴 圉 之所得私爲 之不 其 顓 夫子知謀之出 爲 以 爾。 謀 臾 義 非與我分土 口 伐 與 逮 加 未 伐 昭 魯之先公受坿 人, ? 修 m 然, 伐 於 然告之於未 而 奔 或 先 之者,尤 則過 伐之者, 廢置者 則 非 丽 命 間 典。 先 季氏 在 焉 於冉有 圃 鼎 其 Ŧ 不 魯 ,是公家 居,形 ]] 未 在 夫 所 之所 之所 魯 邦 過 過 遷 季氏 伐 有此 伐 顓 君 庸 域 而 前 也。 也。 奉 以 得 之 敵 明 顓 臾 之 之 以

其所欲 之以 乎? 先, 興 也, 己 自 藏。 求 所 用伐 社 加 之欲也。 於大義, 二臣者皆 起 揣 爲 爾 之力不足以逐主之心 稷之威 則辭之於受 而 履 乎 爲 其力而陳之,力可以 遂不能禁也乎? 酌之於後,以 從違在季氏 周任有言曰,人臣之將就列也 僅 則 於坦 亦 ? ? 以 圃 夫子見爲必伐,而 不欲 靈以 焉 猶之 則 其 特 不 道 用 非 必 欲 欲逃其過也 馬, 鎮 彼 吾之 謝 興 事之先。 相者然。 已顛 撫之, 前 相 爲進退。 兵以 過 m 爲 所 於後,季氏 不 矣,又不扶之以 去就 哉? 生事 知 審之於先,以爲 能 無 爲 也。 既已受事 不 已危矣,而 止 在 有 求亦 而後就。 不能 耳。 乃 者 미 爾。 懷 爾 於是 日 致 不 亦 而 爾 不能 夫子 夫子 也 自己,吾 自 焉 不 此 殆 冉 一,必 度 能 若 夫 使 自 他 用 不 有 Щ 而 於 持 聽 度 先 主 子 有 申 屈 爾 何

籌

之,亦

未

爲

미

者,以

m

彊

古

有

險

則

吾

臣

者

謀之於衆者非 勢言之而 乎? 無 欲 虧,猶之龜 櫝 口 無 是 龜 而 E 口 無 1,夫子 所逃 1, 夫子 而 中? 非 説 侍 文之,委之於 冉 玉之在櫝, 以 與 而 肆 :縱之出 以 抑 也 有 去 其 且 責。 害, 有 相 之 爾乎? 知 争 事 委 欲 今議之於 今夫顓 其不 逼 於後 欲 其 其 爲 玉 而 乃以 退 ,其於費 而 與 過 m 也。 非 虎 爾 焉 得 何 也 謀 盡 兜 主,斯 於 具糗 有 不 理言之 可 臾 不 以 之不 藏 乎? 欲, 出 誰 人 家 , 國 加 也。 然。 出 接壤 糧 於 於史氏 邪 焉毀之, 者 委 於 成 亦 過 П 雖 而 過 繕 夫子 非 不 柙 乎 將 而 揜, 也 也 於 不 能 阚 如 甲 ? 禁 调 誰 之辭 上,而 他 矣。 以欺 欲之, 今拘 貧 寡 禄 有 有 而 存 臣 臾 君子之所甚疾者 國 其 非 焉 者 且 不 所 ? 以 已富 矣。 患 辭 所 不 徒 君子哉? 於 而 有 務 則 則 也, 旅 即 靖 窮 患 費 理 能 清 雖 其 夫子 其 矣。 有 而 而 而 況 保 欲 欲 於 其 國, 嫁 猶 爲 不 其 不 禁 是 土 言 日 患 子 取 無 求

孫計, 後 虞,而 世 費 能 争 無 不 之今日 憂 有 乎 顓 曳, ? 亦 有 則 而 意 顓

乎 以 心寡欲 理言之,居人上 也,益 某也 寡乎 有家 之 夫季孫 憂也。 可 二, 正 地 貧 以 而 聞有 以 人民,既 也 《則思》 固 ? 謀之,求爲之解 在 盡 幾 泰 結 君道 此 之欲,吾已灼 己 窮。 國 雖 然安 以 爾。 所 而 有 衆 貧 某 者, 以 有 不 而 家 而 不 雖然,又 忧 處 保 守 家 미 欲之而 義 患 者 猶 所 於 其 官箴 解。 而 利 有 也 聞 患 或 即 家 必明, 況 寡 焉 證 家 見之 豈 必 或 舍 有 之, 也。 不 之 其 則 足 爲 E 夫 既 雖

辭任

於

先

猶

以

爲

不

可

則

夫

子

平

於

加

飾

詞

以

對

日

兵者

非

爾

乎?

勒

之鼎

彝

猶

而

何

以

毀

於

或

一典之

不

可

其

暰

者

有

神

在

矣。

季之

逞

信

爾

與?

過

爲

也

且

爾

?

憂乎? 之素 永安。 輯 使,無 矣。 家無 各有 不患乎 均。 己 即 則 也 有 小懷之令典 m 心之能 ,傳世滋久,雖至子 不 餘 成 在 居 心 疑,既均 其 怒 既 國之用,即 偏 天 心 寡矣。 不怒, 既 夫如 有 貧寡者,豈爲計之疏哉? 一, 而 成 自 重之 理之中。 故遠 定者 可 清 賓 偏 下有餘怨,不安矣。 自 是, 即 抑 重之勢 形, 人即 且 無貧 祭 下不忌,上下同 如 理 信 口 和,斯 内 不 有 此 之攸當 所 奉 而 而 無寡,得之也 有 必 治 餘 患者 開 譍 若 而 有 則 不 多求於國 安矣。 誠 孫 有者受其 若 而 服者, 餘,而 非 有 以 以 , 理 而 遵 無 所據 定分 何有 喻 勢言之, 法 外用 之已 物 内 小 其 奚 以 也, 以 示 先 而 傾哉? 而越之, 夫其 侵 而 淡 外 順 示 ・ 慙、據 據之, 寧 無 攘 均 患 指 蓋 人。 泊 即 王 而 貧 之足 大 外 斯 均 所 而 無 勢之 臂 或 也 在 禮 畏 誉 之 相 則 以 以 和 不 勢

以启其 之辭, 明,求 文教以 憂」, 汲求 先 責? 危, 求也 河山 果 以 近乃 以 安之,未有不 何 綏之,惠以柔之,不 理 而 則 王 己誓, 邦易以 在 利之罪 則 如 相夫子矣。 豊 因 乃遠人之有 則可以文過 惟 主 哉 試 、疑貳 來之,未有 彼, 隙 無 是 心 又 聞 以 爾 窺 患 敦我 以 取利 無容逃矣。 ,曾不自 邦分崩矣,國 -安者。 伺 勢 面 無 貧 輯 如 之邪心  $\Box$ 好, 虞 害之大 患 家 矣,而 不 陳 必 此 不 寡 而 或 悔 理之 服 ൬ 固 爲 來 之隱 則馳 我 者,非 灼然 而 何子孫之是 也,蓋 遂 其 者 子 數 孰 而 無 遵先 或 以 順 信之? 孫 已非 爲 也 文告 爲之辭 侵, 慝 得 逆、審 狂 所 季 爾 憂也? 有 亦 失利 Ŧ 與 逞 以 既 其國 以 孫 之 以 一之典 忮 於 固 相 來 日 曉 害之 責 勢之 召 今由 害 慮 、後,汲 之,憂 子 吾 安 矣, 之, 之分 以 怨 則 而 其 乎? 疆 焉 安 爲 孫 於 來 誰 與

置顓 己。 國典未 之何從也? 之禍,自我 域之内。 曾不是之患以求均安也,而謀 有國之心,家有家之心矣,在衆 亦非其家矣,在 所憂者,豈在 臾 加 而 蕭牆之内, 亡,官邪之戒不可 早爲弭災之計。 無厭之求,自我而開之先。 而發其機。 顓 則即以利害 與乎? 富 上疑 而 如貧矣。 吾爲 下 顓 爲季孫謀,亦且 妒,吾不 淫,文教之修有 臾 況乎王章有赫, 季 之固 動 孫慮之,其 離析矣,國 加 干戈於邦 一,自固 如寡矣。 知 伏 禍 戎 發 而

能

勿從乎?

咎,而 以存 晚也。 必效! 大分,爲魯國 孫 爾之過 垂保家傳世之貽謀,辯 天子封建之大權 求胡不思也? 如 其尚 爾苟殉一時之欲,以冀錙銖之利, 其 不 誰 正殭臣 能,引身而 諉 哉? 弱 鳴 即 主 急 嘑! 義利 以 之積 去之,猶足以免 止 振 而 理欲之大防 害即 魯國 夫子之言, 無伐,猶未 以 君臣之 爲 季

> 即以 謂 之家國, 蓋聖人之言,有以 深 切著 昭禍福安危之至計。 語 明 默進 矣。 退準諸此 顓 深警而曲 臾之伐,不 侕 人臣出 臣道 喻之,雖季孫 見 乃盡二 於 而謀 經 可 人

失矣。 出、蓋十世希不失矣。 孔子曰:「天下有道 天下無 陪臣 道 一,則 執國命,三世希不失矣。 禮樂征 則禮樂征伐自 伐 自大夫出,五 自諸 矦 出。 天子出 世希 自 諸 不 矦

大約世 臣,家臣也。 先王之制 」數,不過 諸諸 侯不得變禮樂,專征伐。 逆理 如此 愈甚 則其失之愈速。

天下有道,則

政不在大夫。

言不得專政

天下有道 言也。 上無失政 則 則 此章通論天下之勢。 庶 下 人不議 無 私議。 非 箝 其 П

使不敢

六八九

實、征 之德業 是 惟 出 下相  $\equiv$ F 和之極 之柄 以生 有 自 者天下嘗 己之福 訓義 愐 - 莫敢 其 代 得 賜 而 興 樂, 者 然 習 相 也。 夫 延 乃 伐習 道之勢 也, 仍,未 澤 以 子 於 違 而 及 喜 自天 逆之已窮 有道 亦不 於其時, 永。 日 也 + 無 行命討 智 其 則 m 道 道 <u>Ш</u>, 子出 足 遂 私 事 之改  $\nabla$ 順道 長。 矣,君臣 道 矣。 m 以 成 相 順 岢 之正 逆,則天下受其 乃 改 乎 不因 命 也。 則禮之制,樂之等,征 口 也。 也。 而 則 禮 顧 逆,而 己 法 久 怒 贵 天 順 」其理, 樂 權 口 八哉? 履其位,行其 天子之德足以 上下 是以 乃 無 則 下 有其 之已久而 僭 天 天 順 -蒙其 力 擅 各相 也, 久 子 之日 足 或 下之亂始矣。 相 文而 失道 安長 有異 以 攻 福 時之乘 答 安,即 制 哉 自 亦 不 不 而 前 制 治 事 口 恤 覺 建 M 諸 在 大,天 勢 奪 於 其 中 伐 各 逆 在 天 矦 面

樂征 殺,征 亂 嗚 下 或 彌 世之後,此興 臣 也, 奪之者益 非受命有 可以意爲 希不失矣。 也,繼而 有 極 嘑 無 其 也 庶 十世 伐 道 適 ! 人 而 大夫與於盟 伐 其 之日 主 即其詐 也 也 思 天下 愈 自 之後,希不 失 速。 治 土 增損,樂自己作 己 人無定 用 無 執國之政令 彌 乎? 大夫 而君人者,則 制 則 以 天 而 彼廢,其 始之爲公室之輔 i 力行 速 服 臣 遂 而 以 八弱,陪 會 尊, 人,而 口 如 傾 以 權 廢 其 師 失矣。 以 其 否 無 而 可 則 降 旅之事,禮 不 喜 有 道 前 臣 而 權 以 民 天下之大 彌 失者希矣。 怒 彊,不 其 道 終 己。 启 脅大夫乎,而 寄 卑,其 而 失 無 爲 乎 專 也 泰 於家宰,五 可 之 人不 進 夫陪臣 ? 也 ,猶人之朢 復知 其 以 必 自 而 退 法 愈 亂 情 可 無 尚 則 在 逆, 彌 極 其 爲 以 有 人以 有 乃 爲 行 大 矣。 亂 逆 陪 降 世 其 天 天 夫

乎! 逆,逆 不知其 屬朢 如其 無可 而 取 命之後,故與舊説 下之大 仕、未仕言,以其皆非世禄之家也。 卿 庶 分則又必合。 有 有道之天子以行吾道,庶幾旦莫遇之 相 人横議,其必 而 道 何 權 者之覬 後二節作想望語,乃在陪臣 必反於順。合之久則且分,分之 也 如 聽 必必 也 諸制主奪民者之理。 一,而 覦 無 政在 有異。 以一世之治理 君子知世變之必然,而 不然矣。 大夫且聽 大夫,其必不然矣。 庶人、陪臣 命於天子也 順 而漸 任彼 諸矣且 成乎 執 立談 以 E 或

之「夫」,音扶。
大,四世矣。故夫三桓之子孫,微矣。」「故夫」
孔子曰:「禄之去公室,五世矣。政逮於大

也。自季武子始專國政、歷悼、平、桓子,失其政。歷成、襄、昭、定、凡五世。逮、及魯自文公夢、公子遂殺子赤、立宣公、而君

凡 當然 皆桓公之後。 久而失之也。」 麦寫作陵,譌 大夫皆夌其上,則無以令其下矣。故皆不 彊生於安,安生於上下之分定。 夫,宜大夫之彊 宜諸侯之彊也,而 公時語。 四世,而爲家臣陽虎所執。 也。 蘇氏 此 此以前章之説推之,而知其 章 日 也, 專 . 論 魯以失政。 「禮樂征 而三桓 魯事 ,疑 以 伐自諸 微。 、與前 三桓,三家, 政速於大 今諸 何也? 章 矣出

追,自季孫 夫 自 疆 夫亦念夫禄者誰所受於天子? 桓,猶昔之三桓 人事之中,無疑乎魯事之日非也。今之三 訓義夫子曰,世之盛衰,有天道焉, 宣 亦 而 念夫 、成以及 不能有之,名爲公室,而實民食於家 政豈 宿之作三軍,三氏分魯 襄、昭而至於今, 也, 私門之權 而 何以 制? 遂至 凡五世矣。 於 先公之井 而 漸 此 而 丽 以 邪? 即 在

孔子曰 損 諒,友多聞,益矣。 也,其 哉 以復合、天實制之。 之,三桓之子 盟 可奪於己。 ? 征 辟、當作聲。 一「益 伐之事,至於今,凡四 故 桓 亦 而自 明 者三友,損 事之相成,情之 孫,其 矣。 便 念焉 佞,古本作骗佞 友便辟,友善柔,友便佞, 逆 制 尚 不 而 於陪 者三友。 己 可 亦 可 以 知 世矣。 臣 相 奪 所 久 m 召 變 於 居 浸 計 友 ,非人事 上,下 分 以 以 平 直 衰 是 不 一, 友 亦 可 弱 思

友直, 是者 庶 益 聞,則進於明。 便 威 人,未 佞,謂 Œ 儀 可可 相反 而 則 不直。 不謹 習於 有 聞 也。 不 其 哉 須 口 過。 善柔, 語 友以 便,習孰 尹 而 友 、氏曰:「自天子 成 無 謂 諒 聞 者 則 I 也。 見之實。 於 進於誠。 而 媚 便辟 其損 説 ,謂習於 而 以 益 三者損 不諒 至 友多 有 如 於

訓義夫子

曰,德之修與不修,業之成與不

之,不 執也。 等。 孚,學以 之心 非是不能友也。 以 信,行必果, 無 友之,無嫌也。 日損者,漸喪其本心,則其取友也,無 三者全而 也,原以求益之心 今夫人有日 始 成,因乎習矣。 所 互 加 一相益 未有 曲 而 求友者 忌其才 勸 學於古,問 友之。 殉 於忠厚 成,益矣。 者,則 也。 友之,必 汎 益 無 交 何 也。 非 所 所友者有三。 者, 面 心 習之至切者,莫甚於友矣。 圃 三者全而 友之,不怒 其益者,責吾善,糾 是者 變迻者 獲 廣 於今,多所 也。 友之者,以 友之也。 漸 則 益 本 其 進 其 不 以求益,而遂 識 於 擇 三者得 屑也。 後友之相 友之,且相 則 高 則 交 其 友之,不 明,蓋 加 過 通 ൬ 三者 自 戇 受損 所友者三。 以 識者,則 欲 若夫人有 也 改,誠 而 報 寡 有 其 吾過 友之, 者 迷 得 言必 過 嫌 求益 取友 也 也。 也 益 而 何 以 友 其

焉 未 有 :或爽者也。 其損者,相 尚 以 色莊

焉。 賢 H 相 誘 而 反忌 以 甚,損矣。 爲 互 容 相 和 相 説 焉。 競以 媚 獎 前 而 以 口説, 藏 友之者,以文過飾 賢 不自 不 其 智, 知 陋, 知 有 而 則 損,而 忱 則過 不務於實學,則友之, 友之,直則 悃,則友之, 日 必 積, 有 美之心, 詐 損 憚 、焉,其 日 誠 焉 成, 反疑 孰 交 妄 相

擇 友者可不 ·慎哉

與正之哉?

故益者自益也

損者

自

損

也,

孔子 遊 樂道 「樂宴樂,損矣。」樂,五 Ė 人之善,樂多賢 益者三樂,損 友,益矣。 者三 一教反。 樂。 樂 禮樂」之「樂」。 **馬樂** 樂 節 禮 佚 音

節 也 而 驕樂」、「宴樂」之「樂」、皆音洛。 不 則 謂 知 辨 淫 節 尹 其 溺 氏 制 面 佚 E] 度聲容之節。 狎 遊 小 \_ 君 人。 則 惰 子之於 慢 者 而 騙 損 惡 好 樂, 益 聞 樂 亦 善 則 可 相 侈 不 反 宴 肆

> 謹 哉 ?

樂,知 訓義 喜焉 安也。 之,其 近 親,有三焉, 知其損我而樂,其 或 能、欲中止 之所喜 古 所篤,才隨之以貞邪,學因 之賢者,心 度數,玩其 偏 而用其情,則中和 因心之自然,而操舍之亦 羡其 至,或 夫子 其 (學成之,而 厭 其益 而欲 無益 多 Ė 能 精 也。 相 而 俱 者 或偏 爲 然,發 許 不自 德之崇卑, 理,不倦也。 則 深 ,禮樂之節 者 焉, 見 蓋 不知 溺 日樂。 益 己。 無所損 可 其 因 其 或或 者 欲 日致,善氣日 樂之者,以 所 友 皆因 所 益者於可 而 汎 以 以 業之進 者顧 樂 必 習 心 鶩, 然,不 求 人之有 則欲 之 於情 篤 存 不 而安 友, 損 漠然 乎其 圃 也 動 退 奪之 者自 其 置 因 以 勤 也 熏 善 焉 有三 性 損者 賢 也 不 益 怠。 其 與 之 以 攷 見 而 聞 我 才 所 求 其 相 不 則 不 情 此 任 友 而

賢,不

已,而 吾欲 者 其 狎 行 初,若逆其情,而洮泳之久,自生心於 之荒矣。 道,不期 天下之有善 以 日 平 性, 昵。 之醇矣。 之,不欲節 進,以之求益 Mi 則 是其樂之也, 不擇,躬羣小之行,而 於損 動 非 然則 而 道 其損者 ,而必損 成咎,日 制 而 之不 欲求 安於 以 而果益 木 足説,斯 益 惟其情之所 荷 以 矣。 習於 己。 面 驕爲 簡。 矣。 無 以 才以 鄙 損者, 遊 爲 以 樂,惟吾意 談,見棄 才以之盡 自與之相 自佚,不 宴爲樂, 之陋,學以 善 流 治 勉之於 而 其 不 於 情 容 有 爲 繎 洣 知 IIII 學

謂之 孔 面 言 子 Ĕ. ,謂之瞽。」躁,當作趮。 言及之而 侍於君子 不言,謂 有三 愆 之隱。 言未 及之而 未見顔 言, 伍

目 君 不能詧言觀色。 子, 有 德 位 之 通 稱。 尹氏 愆, 過 E \* 也 時 然 後 無

親

君子

而

疚

媿生,庶其改乎

故

終

H

與

言,則無三者之過矣。」

焉,亦 是殆 未見 情也 不覺其 子無 問 其節 之,同侍於君子者 自 及,而急於言其所欲言,是實有躁心也 訓義夫子曰,夫人之言動各有其 您不可揜,不必君子之謫之,而 一侍於君子, 己 媿 羣居紛呶相競 · 而 及,而 目 也,君 所 則 乎? 不 問,而 有躁 不能 疑 得 雖所言者是, 子 其有隱慝,謂之隱 謂 懵於荅其 如 氣,謂之躁 視 意 待問 其 IIII 是 也 且 愆 非 者 ,無非愆 謂謂 有他 無不謂之,使自 見焉。 躁 於我,則顔 有 所當言,是非 之瞽 三焉。 非 加 也 也奚 隱 也,而 亦 以君子律之,而 而 口 而 成乎愆矣。 辭 冒 也奚辭? 君 也 色加之。 非 味 ? 子 不知其 愆其 瞽 節, 以進 之 君 必有 也 反 君子之 子 問 能 而 一,而 言 愆 潮 謂 其 隱 未 失 旧 君 不 顧

犯 流 E 俗 作亂之小人焉,皆 而 不 得 見君 子,鄙倍 有 由 也 暗 積 流 爲

戒之 孔 及其老也 子 在 日 色。 君子 血氣既衰,戒之在 及其壯 有 三戒 也,血 少 氣 之時, 方剛,戒 得。」鬭當作鬥。 血 之在 氣 未 鬭 定

老而 衰、志 氣所 得者,志 M 得,貪得 M MIL 氣 氣所使 氣 衰者 動, 也 氣 形之所 氣 是 則 也 異 也 以 血 無 也 於 季 氣 隨 時 待以 人 彌 也。 時 而 君 者 范氏 高 知 子 衰 生者, 志 戒,以 而 也。 戒於色、戒於門、戒 養 氣 曰:「聖人同 德彌邵 其 也。 少未定、壯 血 志 理勝之,則 氣,故 会 也。 M 而 氣 氣 不 有 於人者 昜 而 時 不 剛、 也 於 ſП. 爲 丽

令,則 訓 爲之主。 IIII 義 猶 於 夫子曰,人心之靈,行於血氣之中 心 此 且 有懼 心之用 隨 血 心 氣 焉 微 以 外境 圃 遷。 血 之誘,心能 氣 君 能奪 子 盛 心 德 以行其 辨之。 在 躬, 面

矣。 及其 其道 收 内 老, 者 既大正矣。 之,嚴氣 初 迷 不足而求盈 和,無忿戾之愆矣。 競 血 使從吾心之正 於門。 而不 猶 視 生 機之發,心有時 氣者,隨秊歲以 惟得是求,以濟其婬靡, 壯 之大 夫 不恃 反 而 且 ·知反 (君子 也,血氣之方盛 聽 不凝,於是 如 Œ 而 其 君 是。 性 使之安其 者 寧静 圃 於外,於是而 子戒之, 謂 知 以 之明 乎? 内 也。 미 況 使之守 治 淡 無 潛追。 夫人 而不自 而 泊 心者, 傷 而 其 及其 又況 斂 惑 居 神 而 也 謂 之一 其 氣 而 於 無 不 明 知 夫 貪於得。 凡 老 無淫 色。 平. 少之時,血 百 恒 不 爲 能 以 無 也 以 而 爲 情 受屈 也 始 外 亂 爲主於 無荷 0 因 少、 主 決 終 血 君 物 我 故其 血 乎 之競很者 之過 子 無 氣 ,於是而 而 所 也 使 得 君子 氣 血 戒之, 不不 誘者, 所 壯 血氣 之内 即 氣之 之惡 戒 氣 無無 使, · 恃 戒 於 而 有

乎? 其去禽獸幾何邪?

孔子曰:「君子有三畏:畏天命,畏大人,畏

聖人之言。

得不畏之矣。 理也。 能 畏者,嚴憚之意也。 人、聖言,皆天命所當畏。 記己者。 知其可畏,則 而付 , 畀之重, 可以不失 其 天命者,天所 戒謹 知畏天命,則不 恐懼 矣。 自 賦 之正 有 大 不

之言。」之言。」

之有? 侮,戲玩也。 之誠當然也。 所忌憚如此。 不 小人不務修身誠己,則 知 尹氏 天命,故 曰:「三畏者, 不識 義理,而 修 何 Z 畏 無

敢越也,若有不勝任而生理且無以自保,所甚重,而不能勝也,若有所制之,而不所表主,而不能勝也,若有所制之,而不

也。

君子之心如此其惴惴

不寧焉,而小人

君子 義之全 所爲 逃而 聞 也。 隱 是至嚴之幾、至大之任也。 理以鎮吾嗜欲,天命我以 無一念之不戰兢奉之者,有於所見、於所 而 任吾意,吾順吾欲,亦可 閒,操存之至密者也。 以負荷天下至大之責,而研存亡於毫氂之 下之達尊,而我 有隕 而 而 何惴惴不寧之有乎? 意不 切相 聞之而 糾 怵惕承之者,蓋畏天命也。 君子有三畏焉。 其 ጠ 越而 督也。 敢伸 得失,而我以介然之知 成 其變化、言以 天譴 若負重疚、學之而 而 以眇然之躬承事焉,君子 位 動 人尤之交至 爲聖人之大寶,德 不敢妄也。 有無可見、無可 無所畏者則曰,吾 悠然於身世之交, 此君子小人之分 悉智愚賢 理以處吾禍 君子以爲 也。 人能 若 天命我以 誦 臨 此 不 法焉, 深淵 ·肖之 體 爲天 聞而 無所 其 福 道 心

斯

爲

下矣。」

次

也

木

而

學之,又其次也。

木

而

不學,民

孔

子曰:「生而

知之者,上也。

學

而

知

之者

焉? 畏乎,則永絶於君子,而決爲小人,不 以 以玩 之有 加 君子之德日修,小人之惡日積,人 徼其恩澤,則以曲 而 我造矣。 忘天之心,而幸逃乎天之譴 知知覺運 日 改 海之。 世 一,此 笑者,亦是侮聖人之言。 矣。 所 法 加 危矣哉! 何 阿尹之。 誦 已。 其於大人,以衆所尊,尊之而已。 足 微言之可託, 動 ,誦之而已。 畏 做 爲我之靈, 不知有 者 科舉文字、抄 奚畏 ? 敬肆之情,分於一念, 媚狎之。 .焉? 天 知 則竊 命 則 其 大義之難 生之 知 也 其於聖人之言 小 私 而侮之。 厭 題油觜 且 面 意 爲 其 謂 何 私 、尊嚴 容, 生 III 畏 命 欲 前 奚畏 可 無 則亢 之自 爲 謟 也 則 릲 供 得 所 我 而

焉。 愛必 此 訓義 困,謂 膺,不順 之知之,學此者謂之學之。 辨與不辨,仁義之存亡 焉,有不可欲焉。 廣 遲早通 之,能學之,謂君子。 困 有 分之所同有,職分之所當然者也。 行者,皆行其所知 君子惟學之爲貴。 學,雖 理 此 由 極其情焉。 夫子曰,夫人必 喻與不喻,倫常之順逆也。 四 具 是 有 等。 蔽,有上下之差焉。 於 其質 m 於人, 所 性,而 行 不 ,行必安焉,其於道 不同, 通 楊 不慊於己, 性 敬所當敬 氏 有必爲焉,有必不爲焉。 言人之氣 者 著 困 然 日 於於 也。 不能 知之,而後能行之。 ௱ 及其知之一 . 也。 不學,然後爲下。 心 「生知、學 所當 焉、敬 謂 處其 謂民。 生而 喻之深, 詧之 質 愛所當愛馬 之困 知 不同, 事 必 知 易矣,上 知之者, 者,吾性 知 也 此 盡 有 而 面 者謂 以 知之 能 無 其 미 大 禮 欲 知 約 以 故 至

獸 刑 或 其 然後 又不 也。 實 聖賢 愚 德 也 面 木 也 加 不 知 遂 艸木之中, 憤激而 亦 丽 示 而 怨天 若其 求 可瘳者。 後 可 也 勤 大 後 所 乃 有 何 信情 學 難 諸 明 以 於 世 此 爲 自 丽 知 狂逞。 生 循循 先覺 學 焉 者 寡 發 理 而 則 已,尤人 新 仁. 也 其 過,又其次矣。 也 也 循 之朢。 何 知 行 不爲下 義 聖人 之何 於 藏 知 不 ? 而學之, 既 亦 古 凡今之民,以喜其利者爲 是 學 知尚 忠孝? 氣 可 吾 而 興 以 動 以 圃 미 乎 質 不 順 以 性 IIII 通 輒 惰 知 已,或委 未 之偏 ? 然 從 之 即 利 化 而 得 也, 四 可 之以德 自 習俗 人之塗、 未 而 思 咎 肢 故 生 保。 夫學則 資學 有 合乎 有 喻 通 君 4 好 靡 至 以 類 於 焉 子 死 而 面 威 然,斯 貨 於困 蔽 理 以 於 而 所 有 致 死 抑 如 財、 能 之, 矣 求 偸 以 之以 養 於 是而 用 其 古 安, 知 矣。 知 禽 次 性 真 私 困 īfii 之 昔

> 之功 其 困 以 也 全其 所 以 生 不 時 隨 習之説 流 俗之民 以 勸 而 於 貿 學, 貿 以 無 澌 待

滅

也

孔子 難 思 復 視 温 謝 則 思 無 見得 問 Ė: 詧 得 無 貌 氏 不 也, 不苟 所 日 闡 思義。」 則 思 . 蔽 君 恭,言思忠,事 疑 雖 「未至 色, 子 不 則 有 有 蓄。 温 明 見 不 程 當作品。 九 於從容 無 存焉 於 子曰 思 思 不 面 難 見。 : 者。 思敬 者, 視 難 中道 「九思 則 思 讀 聽 寡 忿必 貌, 去聲 明 無 矣。 疑 無 各 舉 懲。 所 聽 思 時 專 身 维 間 思 此 而 其 聰, 思 而 之謂 不 則 忿 \_\_\_ 言 自 聰 思 伍

際,不 致之 訓義 存養之功 理,以 夫子 · 特 其 以以 日 得 已 保 其 君子 知 理 其 已 之安。 心之正 之體 能 丽 任 道 而 意 也 於 又 以 於 既 方 出 發 學 於 丽 静 必 發 盡 而 即 之 格 深

思誠

於色, 所知者 天下之 勿過 乎? 詧其 非 事 理 思 通 睹 爲 其 要言之有 之周 有 貌 則 也 以 於 矣。 所 得 於 當 有 竭 無 遠 發 其 也 思以 而 得 然必 前 嚴 也 於己、 不 形 吾 有 而 旋 威 而 Щ 威厲,必 變之色, 開 己。 九 耳 汎 審 失 得 也 無 氣受命焉,必 竭吾目 當聽也,已聽之,了然不譌矣。 也。 神 聽 盡之則。 力 以 慮,求當於吾静 無 唐於 論 發,終日 當視也, 而 求 局 以 於温 羣 而 無 因吾之神 諸 力,而 物 心 獨 是情之所 於 口 擇 己 各 者, 巡 也。 以 則 其 專聽 方, 皆色也 審 已視之,則大 有 思其勿失 可 思 加 貌 動 其 彷 發 自 以 明 於 以 傳 而受惑 情 之所 履 持 人 丽 以 此 警 彿 而 也。 於微, 之度 周 不 人 效 惕 於 而 川 口 存、 平 口 旋 於 功 之心 體 疑 者乎? 自 以 以 物 焉 穨 復 學之 概 受 舉 是 非 析 叮 似 心 区, 靡 反, 節 德 無 注 執 其 以 者 口 以 而

IIII

其後 吾心 即 不 也。 焉 我 逆加 後、常無 疑 而 道 而 以 爲 與 不 不 乎 後 求 心 輕言 有 雖 行 忠,未忠也。 必 即即 矣,而 其一 之所 慮其 我, 口 所 屢 爲 與 欲姑置之,而 IIII 思 變,無 一之閒 人言 也。 敬, 慎, 未 時 而 其 合於 事之所終, 必 得 且 不 其 必 ൬ 不 反而求之,必索吾心之所可 無 必必 也 杰 容 有 不一用其 自 事 忘 如 怠 者以 ,不悖於理,不 心之誠 達者 釋其 以執事 所 之所 不 焉 是 信 而 未 忿 ௱ 也 放, 或 而 爲 疑 而 敬 恐難之必 由 乎 後 誤 也。 之主,辭雖旁達 失 間 也, ', 非 也。 心之篤 而 勿 實 始 爲 用 可 之,而當疑之際 後 敖 莊。 面 才可 其 必 恐 恐 問 其 己 勘 IIII 逆於 不 有 疑。 難 成 之 或 也。 焉 驕 之,必 以爲之, 以 思 人。 難 學 之 於 爲, 事 既 恐不 必 先 之 人或 焉 而 人 疑之 發 即 如 志 自 於 時 而 周 於 隨 横 在 有 思 則 是 以 無 盡 恭 口 丽

之辨雖 學也久矣。 夫 臨其 終身之玷。 求必於所知所能之素,則略於 精,而古人之靈,不能制吾俄頃之妄。 機之動,恐易失其不妄之真。 者,發於内者一出而不可復反,思於外者 情不可任,名亦不可託,思之嚴 詳於彼 無咎於物 功之可成,物之可取,亦既見之矣。 事 事 方動 未 有 形,幾未動,而馳思於位外,則不 所素明乎,而 己之際,以 一事之從違,必就其 之幾 而 君子之貴用其思者,此也。 難信於己。 而 平吾忿 爲 一物有一物之取舍, 遲回,一 静存非不定,而 而 勿輕焉。 所 一端 爲勉 見 學問非 也。 而 而即 属,以 思之, 此九 義利 至於 若 非 如 成 不 樞

見其 孔子曰:「見善 真 、知善惡而誠好惡之,顔、曾、閔、冉之徒, 人矣,吾聞 其 如 語 不及,見 矣。揬、他含切 不 善 如 俗調作探,非。 揬 湯。 吾

> 蓋能之矣。 語。蓋 古語· 也

矣,未見其人也。」 隱居以求其志,行義以達其道。 吾聞 其 語

求其志,守其所達之道也。 當時若顔子,亦庶乎此。 死,故夫子云然。 惟伊尹、太公之流 達其 然隱 道 一,行 可以 而 其 未

當之。 求成 遠之 訓義聖人之志行無非以 亦無以易其志也。斯道也,古人嘗言之, 爲 以此求人、吾見之矣。 見,又不幸而早 所求之志也。蓋 慕之而欲從之,如不及焉。見人之不善 之日,君子之所有 處之者,則有異焉。 盡性,天下所不能測 從 違、故於天下寡所營 而惟恐其相 ,功求可,浮沈於濁世者,豈不賢乎? 涉, 事,身與世而 如探湯 有説於此、見人之善。 也。 據我之正 體道、出處無非 故自爲 也 焉。 尟 已,而 所 以視夫事 微言以 一、以擇 合 也,吾 所以 物 明 以

其

所

以

處

不

善者於道一之化,皆吾義也,

胡氏

E.

「程子以爲第十

篇

錯

簡

誠

行

|則行

達

其

所以

制於天,而

行

之在

求之,萬

物皆備

何以

成其

美?

不在

天

下,天下

無

德

베

偁

于

今偁之。

自

廣

哉

於

八人,而

但盡

達

一焉者,

因

物

709

又有

説

於此,隱居

磨

有性

無不盡

天下者,有役使萬物、宰制羣動之大用,非 善之量無窮。天之所以 意之潔、一行之貞足以竟我之善量。不 、白不受涅,僅去不善而 、道無可 於此? 爲獨行 ·皆我 不善何 而不善乃善人之資。吾既 也。 力、 也 盡善者於人道 我。 人 則 遺之至理。 八皆吾 者之雅 恶 其 志 善者所宜嘉與也, 惡 義惟 以 而 行 水志 生我,我之所以 不 也 化 不容已之事,更 惟我 以自 尚 至 不可 以以 其俗? 也,志在 如 丽 、所求。 全已。 非堅不受 義 斯 輕 廢,而 之公,達 也。 試 也 求之 我 其 得 善 善 義 而 故 而 雖 身 伯夷、 偁 其斯之謂 齊景公有馬 o V 、概寫 於己。 天下而 駟 也? 矣。 望人之體之,而使君臣之義 順 順曆,而一如其當然。 義之所必 民物之理皆在 之大公,因乎天 四四 事 作稱 叔 志者,定於吾心而天下不能 恕 而吾今者願 義者,吾性之不 馬 齊 潔清 吾 施 非。 也。 與? 餓 盡。 心以自安。 而 千駟,死之日,民 於 己。 獨善之士 與與 首陽,山 隱 首陽之下,民到 我 理之必 平 與 斯 而 而求、行 道 同 難 道者 名。 一,尚 容已,即天下之所 辭 也 行 無 至,爲此 其有 藏 ,古之人 思以 求 而 馬 ,志之所

與

斯人

而

爲

**羣**,斯

善者所必

歫

也,

然,而

道豈盡

不

. 因

時

而

廢

語

也

以

明

於

吾性

待

於其

人深

何

其

未

易見

自

亂

規

於

自

全

面

者,故述之以

蓋

以懲夫好善不

七〇

勢,似 於富 以 首當有「孔子曰」字、蓋闕 後十篇多闕誤 富,亦 一,而 當 在 祗以異」,當在此章之首。 在 此 於 句 異 之上。 也。」愚 謂 言人之所偁,不 文耳。 此 説 近 大抵此 是, 今詳 而 書 章 在 文

夷、叔 愻, 焉? 之君 無偁 乎流 訓義 之所異也。 之大,富莫加矣。乃死之日,德不立,而 千駟矣,乘崔、慶之難,以 本天下之常,而人所不能,己獨從焉,則拔 自分,義利而已。 而 俗 賢不肖之相 終於不事周 齊 無 淹没 一死 而異矣。 餓 可 於首陽之下矣。 偁 而 不 乃到于今而民之偁之也 富 者 知 非 也 以富 姓字者多矣。 去, 室、以 利 其 者,期 (有矣。 自 豈 而言,則齊景公有 有 不 公子而 封 奄有全齊 乎富 遠 始於兄弟之交 以異言,則伯 建 哉? 以來, 爲餒 景公 也 而 不絶, 千 義者, 人,世 何 大 其 殊 或 民 乘 馬 所

> 者何 好者 不足 不以 施之 其可偁者在也。 天下於碌 可以動人心之欣慕也,而 云: 詩》之所謂 也, 以 不 不亡,固矣。 萬 誠 悟 也。 世 不 而 也? 碌庸愚之塗以濱死 以富,亦祇 而 所以者 · 豈誣· 異之非 有 餘 綱常 夷、 也哉? 矣。 祇 欲 在 以 一日不泯,人心之公 以 齊豈有心 ^ 此 傳令名也,故景公 異。」天下 我 夷、齊不以也,誠 也。 賤哉 行 而消 其 觀 富 於偁 野 於已 乎 滅,言利 謂 **>** 之 富之 哉? 事 詩

远,讀胡郎切,方與「字子禽」之義合。 陳亢問於伯魚曰:「子亦有異聞乎?」亢,宜作

對 以言。」 學《詩》乎?』對 日 远 以私意窺聖人,疑必陰厚其子。 「未 鯉 退 也。 圃 學《詩 嘗獨 日 . 立 「未 也 鯉趨 一。」『不學《詩 圃 過 庭。 **》**,無 日

事

理

通達,而

心氣和平,故能言。

乎?]對 他 近而學禮 日 又 日 獨 立 未 也。」「不學禮 鯉 趨 加 過 庭。 無 E 以 立 學 鯉 禮

品 節 詳明 , m 德性堅定,故能 <del>\</del> 退

聞

當 可 知 獨 立之時,所聞 不過如 此, 其無 異 聞

又 聞 君子之遠其子也

陳亢

退

而

喜

問

得三,

聞《

詩》,日

聞禮,

尹氏 陳亢以爲遠其子。」 日 :「孔子之教其子, 無異於門人,故

即 道 謂 之藏焉, 與,亦所以 訓義父子主恩,而當其 有隱 教 在 於 可 此 私 也 即 也, 必 全恩 在 陳 待 因 無 远 教 以 也。 隱 是已。 之中, 之已 謂 君 至 申,乃 子之有意爲 教 道 問 不容疑 也 無 於伯 隱 更 則 魚 疑 恩 也。 而 日,子亦 不 隱 有 無 得 者之 愚 能 私 者 盡 而

乎? 之心 昷和 也。 日, 庭。 難以 也。 使言 即 無 而 獨 有 愛之,愈愚 有 詩》,因以 對 7/ 聞 則 可 異 學《詩 馬, 對日 入聖, 矣,未見其異也。 聞 之氣不洽,將 夫子乃曰,不學《詩》,則褒刺 於斯時也, 口 也,愚不可 鯉 又豈嚮 而 一,未 舌争而 乎? 而 莊 趨 ,未也。不言無 知立言之道悉乎此 矣。 也。 愚 敬之心不著, 夫 乎? 而 子 矣。 意聖 過 陳 慎 瘳矣。 夫子乃曰 以 庭。 鯉 远 於對 鯉 人有 有 伯 以 道哉? 無以言 學禮乎? 未學《詩 於斯 魚之 子 朢教之心焉, 也。 使伯 嘗 爲 甚 將 不 可 獨立 誠 時 秘 可 H 也 無 異,而言未 伯 魚 ·學禮 世, 慤 私 之 詳 ×, 以 也。 魚 而 鯉 藏, 鯉 告之日 艃 丽 立 鯉 謂 果 而 未學 則 不明, 退 誠 對 趨 也 有 他 ൬ 有 可 聖 言 夫 慤 求 而 日 異 人 動 日 而 誘 聞 學 而 未 子 鯉 者 闡 之 偏 止 又 调 而

鯉之益 以 退而 也。 然而 以 立之下,不以告子,其 徒勞也。 輔 教矣,意者道 以泳歎誘 告其子曰,以 夫子之《詩》教矣,意者道不 之尤不可已也。 之言,忠 退 所 義裁恩,私其秘藏,而 誘 爾 加 學禮 V 喜 可以告子也 言 獨聞於夫子者,斯二者而 也 已大。 之,鯉 束 日,問之不可已,而 而慎矣。 ,然後信夫子之非以 雖然,止 因 人使易從也。 以知立身之道盡於此 不盡 善爾言也,然後 而 祗奉以學之。 以爲有 必 吾問 於此 於禮 有 而 此 進 而已。 陳 遠 異,而夫子之所 於《詩 而 而 远之愚 視子如吾黨,道 子 吾亦聞夫子之禮 己。 乎? 而 得三焉,吾亦聞 私 盡 美哉. 以 告其子 × 於《詩 問於子弟者 矩則 知夫子 E 《詩》、禮 猶 爲 禮者 然 不 無 夫子 束 則 也。 瘳, 異, Ė 之非 伯魚 雅言 君 一,以 非 固 使 子 乃 決 凡 獨 而 加

寡,寡德,謙

辭

吴氏曰:「凡《語》

中

所

童」,邦人偁之曰「君夫人」,偁諸異 小 邦君之妻,君 君」,異邦人偁之亦 嫌 然乎 其姑求之禮乎? 疑 乎? 今而後, 甚哉 「偁之曰「夫人」,夫人自偁 吾其且求之《詩》乎? 吾其有子而 日 远之愚也 「君夫人」。 必遠之以 邦 日 吾

妾,故 夫有 有后 而降 載 面 后 遵之舊矣。 訓義先王制名以定分,著在《禮 子嘗言之,不可攷也 之下爲三夫 目言之,以奉王章,以立矦度也。 如此類者,不知 ,其下有邦君之妻,不可 其偁者 内子,其上有 以與同 或有亢而妄自遵者,或有 名曰「夫人」。 ,故《魯論 人,邦君 何謂。 邦君之妻,不可 》節 之妻視 取 君偁之,因 或古有之,或夫 丽 亢也。 志之。 天子 經》,天下 夷也。 之貴 夫人 天子 陵夷 其 秩

四

清「孤」、「寡」、「不穀」之辭也。邦人偁之 持尊而自尊也。使者以帛璧直隣國,而其 待尊而自尊也。使者以帛璧直隣國,而其 解曰「寡小君」,猶君之偁,而加之小,以明 無二尊,齊之君,以明有同貴也。異邦之 使來致亯於夫人,亦曰「君夫人」,與其國 之夫人均,則偁亦均,所重在主人,無異乎 之夫人均,則稱亦均,所重在主人,無異乎 之夫人均,則稱而亂之? 而情順,其孰得而亂之?

自偁曰「小童」,偁於君,偁於賓客,謙也,

## 四書訓義卷十九 論語卷十七

矣。」爾當作

懷,

當作

褱。

好,

當

作

败。

哑

去

吏

切

我與」之「與」、當作与。

事

面

呕

失

時

可

謂

智

乎

?

曰

示不

可

日

月

逝

矣,歲

不

我

與。」

孔

子

曰:

諾。

吾

將

仕

宋朱熹集註 明衡陽王夫之訓義

## 陽貨第十七

陽 時 子來拜 拜其門」, 以 或 陽 其 貨 凡二十六章 欲 [政,欲令孔子來見己,而 禮 È 貨,季氏 大 見 也 而 孔子,孔子不 夫有賜於士,不得受於其 而往拜之,遇諸 見之也 故瞰孔子之亡 家 臣、名虎。 見, 塗。 而 嘗 歸 歸之豚、欲 孔子不 囚 孔 歸 季 子 如字, 豚。 桓 家,則 往。 子 令孔 作 而 孔 饋 律 子 車

謂

孔

子

E

來

予與

阚

言

E

懷

其

氏

E

楊

雄

謂

孔

子

於

陽

貨

也

敬

所

不

避者

不終絶

也。

隨

間

而

對

者,理之直

也。

對

而不辯者,言之愻

而

亦

無

所

詘

也

楊

而迷

其

邦

可

謂

仁乎?」

티 :

不

可

好

從

敬

爲

詘身以

信道』,非

知

孔

子

者。

蓋

道

外

子,雖 也,但 必 與 速仕 褱 故孔子不見者,義 且 亟,數也。 時其 辩, 然而 迷邦,謂 不仕 其善意,然不過欲使助己爲 若 (七面) 未 孔子固 不 必 失時 於 諭 往者,欲 之辭。 貨 其 懷 未嘗 謂 耳。 意 藏 者。 道 也。 不 貨 其 如 故直據 及事 德, 語皆譏 此, 偁 其 也 不救國之 幾之會。 往 陽 丽 理荅之,不 拜者, 亦 貨之欲 遇諸 孔 非不 子 而 塗 禮 亂 迷 將 見孔 欲 间 諷 也 耳。 亂 仕 使

未之信也。」無身,身外無道。身詘矣而可以信道,吾

之,禮 禮? 中原 哉! 之屈 權也 往 此 於己 受於其家,則往 行之道也。 聖人之權 孔 適 夫 聖人之待 子 無 不廢 乃 願 夫子當彊仕之季,欲 如 相 而 是 貨 乃 之亡,歸 得 適 示 其 亦 其 曾 也 遇諸 見 情 矣。 以 陽貨將 無 也 行 何 己 理 誠 權 小 貨 所 足 拜其門」之禮以 塗 孔 而 時 終 人 而 欺。 乃援「大夫 以欺 直 而 其亡 子 屬 也 貨以 彼 爲亂,乃 道 不 豚 意 意 以 以 易於 相 存 君 謂 焉。 終 時 前 正 爲 酬 焉, 子 出 往,事 亡 不 幸 來 欲致夫子之仕 IE 以 而 哉 賜 孔子不見, 來, 而 可 可 何 見 直 也 未 ? 於 致 仕 測 讎 權 嘗 而 此 相 孔子, 士,不 於 何 歸 其 可 未 而 以 不 當 嘗 則 神 嘗 15 非 時 與 口 矣。 者 得 矣 拜 而 意 用 廢 爲 用 IE

道 信 其時 爾 爲 爲 其 是 也。 與 遇 此 懷實失時之心 也,吾將 ൬ 而 夫子之言, 乎? 時 然矣。 理 誠 聽 爾 遇 也 歲 知 特不因貨而 成焉 之, 足 者 其迷,豈仁者之忍乎? 言 ? 遂 不 則 而 以奪夫子矣, 幾 可 日 仕矣。 子曰,是誠 貨 仕之歲 爾將行之矣。 聖 「寶不 其 吾亦知之矣,不 ,其能待爾以 也, 謂 乃 人 何 詞 初 嘑 有其 亢 也。 可 而 以夫子之至仁大智,必 孔 仕 而 也。 不 者 藏 一夫子 其 必 心而 子 非 又曰 不可謂 而 也 挾 將仕 宣 誠 丽 不 邦 棲 又 其 日月 力 與 ? 前 失其幾, 從 亦未 者 動 遲乎? 有 久 者 之, 酬 不 智 而 可 之以情,遂 逝 懷 荅者 不 事 子遽譍之曰, 可 未 嘗 仕 也 EI, 以 矣, 世, 口 者 迷也 幾 豈 欺 自 折 子曰 以 心 來 而 貨乃 智者 不 積 孔 何 貨 有 也, 果仕 後 懷之 仕 再 子 必 而 日 時 失 月 有 不

心 不於貨 能 可 知 光 測 者也 大無 無 言 難 Mi 非 以 私 用 無 其心正告小人, 吾 ൬ 誠 紨 權 此 即 而 此 權 聖人之神 自 而 在,不 在 我。 圃 自 於貨 也 蓋聖人之 非 聖 彼之所 圃 而 屈 不

子 此 Ė 不 古 近之 是理,理無不 之性,非 惡,於是 甚 所 有美惡之不 有 謂 性 相 哉?」 遠 性, 相 言 始 也。 近 性 兼 相 也 善,孟子之言性善是也 之本也。 遠耳。 氣 一同矣。 習 但 質 習 而 相 於 然以 程 言 遠 善則 若言其本, 子 者 也 日 其 也 善 二、一此 初 氣 面 習 言 質 於 言 則 之性 惡 則 性 氣 何 皆 相 質 即 則

哉! 均 詧善惡之幾者, 是 氣也,均是人之生也,均是氣之理 | 夫子曰, 知天人之際者, 而習之於 在 人亦 辨 其習。 切 矣 哉 性之於人至矣 可 均 以 是 生 知 也, 也 性

> 遠矣。 之則利 似,近 也。 堯、 形, 塗,遠矣。 矣,能盡其性者尟,不 合亦可見矣。 氣之良能,五行之精 之迷其 舜 氣 此 焉 不 載 於善, 無 中 而 廢 夫 疑於善惡之所自 材 性 而 何 食 理 無 M 狎 可返之以同於 以 色之常,桀、 而 獨立之志,利 倡矣,衆人之忘其 m 成 爲 習之則 乎 心, 遠 知其 秀, 也? 夫 安 殊 性 不 跖 理 善也 於惡 者衆 欲 相 亦 行 則 加 有 竊 近 乎 天 習 人 百 於 迷 1. 乎 則 馴 忧 氣 (之)分 又性 出 義 是 哉 面 而 面 之 面 習 和 爲

子曰:「唯上智與下愚不移。」移,當作後。移,禾合亦可見矣。

相

·倚也。

音相

同

義別

經師口授之譌

日 美 此承 其性則皆善也,語其 惡 F 人 定, 章而言,人之氣質相 性 本 而 善 非 有有 習之所 不 才則 可 迻 能 有 迻 者 下愚之不多。 近之中, 者。 何 也 程 又 有 子

絕之以不爲,雖聖人與居,不能化而 磨 所謂下愚有二焉, 仲尼之所謂下愚也。 善自治 而 進 也 ,則無不可追,雖昏愚之至, 惟自暴者歫之以不信,自 自暴、自棄也。 然其質非必 香且 人苟 皆 入也 棄 口 愚 者 以 漸

[子曰]二字·蓋衍文耳。] 則誠愚也。」或曰:「此與上章當合爲一,聖人以其自絶於善,謂之下愚,然攷其歸,

道

則愛人,小人學道則易使也。」」愛,當作

也

一, 往往 彊戾而才力有過人者, 商辛是

也

管切。

詐 委曲 何 至善之習而 於至惡之習而必不受也,迫之以不得 訓義子曰,性無不相 而 雖然,亦僅有之耳。 以讎 天下 以化於善也。 之爲. 其姦 其可 必不從也,督之以不敢 F 也。 歸 智 過於 者 此則習之所 其 幾 性 其惟上智乎? 近,而抑有 惟 何 而 人? 下愚乎? 不慎所習哉 不能 爲 不 下 相 導之以 愚 多 爲 近者 納之 者 己 平 而 ? 而 幾 變

子之武城,聞弦歌之聲。

教,故邑人皆弦歌也。 弦,琴瑟也。時子斿爲武城宰,以禮樂爲

夫子莞爾而笑,曰:「割雞焉用牛刀?」莞,胡

莞爾,小笑貌。蓋喜之也。因言其治小

子斿對曰:「昔者偃也聞諸夫子曰:"君子邑,何必用此大道也。

之常言。言君子小人皆不可以不學。故君子、小人,以位言之。子斿所偁,蓋夫子

戲

武

城

雖小,亦必教以

一禮樂。

也。 嘉子斿之篤信,又以 有大小,而 但 衆人多不能 其治之必 用 解門 用禮 而子斿 人之惑 樂 則 獨 行之。 其 也 爲 道 故 治

學

七 0

子游以正對,故復是其言,而自實其戲也。夫子驟聞而深喜之,因反其言以戲之。 而

用之天 樂是 用。 耳 所 也 遺 聞 以 訓義 斿 或 能 鄙之俗。 重 之能 焉 以 意 深 弦歌之聲。 中 猶 則 若夫以道治世者,養之以和平,裁 也。 乎 知 Ė , 追風易俗, 不擇 道 莞爾之笑,其 割 地 一,優游 天 而 下 無 以 雞耳 有 F 弦歌 循習之亦 而 不 一人由之 此 夫子 大 成 者 可 治 ·, 面 色也。 伴 子斿 小,時 羅皞 行 之奏 武 有 涣 偃 者 城, 説 ,調人之氣 情深矣。 之化, 而即 今之治 以 以 也。 乃用牛刀邪? 用用 有 焉 是 地 遠 而 之鄉 污隆,因之而 抑 教武 以善一人,衆 政 丽 何 用之一隅 時之邪 行。 有 有 以 邑者 丽 感焉, 人焉,用 城 張 而 僅 日 ,其先王之 弛 子之武城 順 見 是 悪, 其 之武 不期 政 子 而 法 性 之邦 則 先 入未 易 斿 \$ 革 有 子 禮 之 料 E 城 非 則 所 輕

事,則 果刑 之不篤 是也。 以道 勿朢 曰,偃 治天下者可 而 法督之,則道有 良之化也。 可與於中和之美也,有小人而皆可 偃之言,吾之言也。 以敢輕用之也。 輕一邑之君子 恣之氣革,其以 日 门,以 有 教 異 於一邑之君子小人之志於仁 殺之心日 偃之於斯言也, 道教君子者,君子涵泳其 以 小人者,小人感其 治 前言云爾者,恐其 聊 行 平 與 知矣。 夫子之志也。 以一 哉? 戲 以消 小 所擇 事上,將易使矣。 焉 夫子 人 邑之小,而 觀 出 而 爲 以 而 而 於此, 無人不可 不可化乎? 深 亟偁之曰二三子 驗 能 不 圃 矣。 之 可 臨 志之不 以吾之言見之 八聲容, 則聖· 偃 耳。 用 民,愛人 以 嘗 有君 矣。 政束之, 精意 以體道 堅而 人 曾 聞 而 乎? 亢悖 諸 之 是 與 子 偃其 偃之言 偃 必 所 信 於 而 其 加 夫 道 行 自 以 邑 道 澶 皆 敢 副山 子

無往而不見功。人苟自見爲割雞,則割雞

已耳。功利之説所以徼小試之效也。

公山弗擾以費畔,召,子欲往。擾,寫作擾,譌。

畔,當作叛。

弗擾,季氏宰。與陽虎共執桓子,據邑

以叛。

子路不説,曰:「末之也已,何必公山氏之之

也。」説、弋雪切。

山氏之往乎?末,無也。言道既不行,無所往矣,何必公

者,吾其爲東周乎?」去,音扶。 子曰:「夫召我者,而豈徒哉? 如有用我

有爲之人,亦無不可改過之人,故欲往。於東方。 程子曰:「聖人以天下無不可豈徒哉,言必用我也。爲東周,言興周道

然而終不徃者,知其必不能改故也。」

"義天子失其治統,而王道廢。下而諸矦

也。 諸侯 從,則亦無所往 其召,而 從違,故公山弗擾獨以叛偁。 盛,則斥之爲叛,横立分義,以 曠 興。諸矦失道,大夫可匡諸矦,以 召我者, 豈徒修其 Щ 不可用,而況大夫? 欲因之以大有爲,則 扶諸侯,以輔天子。 大夫不足有爲,而逆彌甚,陪臣 王之治者也。天子不能興矣,諸矦匡之則 也,大夫也,陪臣也,皆竊天子之柄 氏之往乎? 觀 大 而當時習於諸侯大夫之逆,而 三代以 夫可用, 子路 降,知 不説曰,諸侯不信,大夫不 子 也已矣。 面 曰:是非 好賢之名哉? 何 其 故欲 皆 獨 棄 不 何急於 正其分,則諸 於 可 阚 陪 用 夫子 爲 所 臣? 可矯大夫 士君 而 用 知 匡天子。 皆 獨 陪 以 無 mi 也 亦 必公 往譍 子之 臣始 可 廢 用 夫 矦

公山 佛 征伐 之。 即 時諸侯大夫之分義,而夫子 用 於義之未 於名之有不正而思我爲之名也、●無 用 肸微言之, 我,我即用家臣。吾爲之,吾有所 氏之不可之哉? 興 諸 有用 矣。 周 統之盛治。 道 我 順 大夫用我,我 於東方,吾 者 mi 一也 , 吾何擇 思 我 夫子於此明示之,而 徙 乎? 所可 於 子路 即 義 自信 用大夫。 也,則 所志 所習 諸 矣用 矣。 者 知 必 禮 者, 我, 用 以 家 亦 而 於 樂 爲 臣 我 當 我 嫌 何

有功,惠則足以使人。」惠。恭則不侮,寬則得衆,信則人任焉,敏則下,爲仁矣。」請問之。曰:「恭、寬、信、敏、下,爲仁矣。」請問之。曰:「能行五者於天子張問仁於孔子。孔子曰:「能行五者於天子

無  $\overline{H}$ 行是五者,則 者之目,蓋 適 而 不 然 猶 心 因子張 所 存 謂 而 所 雖 理 不足 之 得 夷 矣。 而言耳。任, 狄 於天 不 可 棄 下

> 體大不相 與六言六 可 能 倚仗也。 知矣。 行此 五者於天下, 似 蔽、五美、四惡之類 然恭其本與?」李 又言其效如 則其心公平 此。 ~,皆與 氏 張 日 敬 前 而 夫 後文 此 周  $\Box$ 童 徧

閒,以 心,詎 心。 訓義 進 之,而行於天下者無非 合行。 容自弛之心,以之行於飭 有其 行合,行 而 問 子張問 有其 心,無其 可得乎? 一心貫 求 五者之目。 與 事 以 天下 ',無其心,則所行者僞, 仁 合天下之心, 通 事, 於 面 有五 合, 孔 則 相 子。 子 所 而 喻 E 者焉,存於 行者窮,而 天下 一夫人 是也,内外 孔子曰 爲 躬之儀 相 仁 與 喻 . 矣。 有 心 於 存 心 度,恭也 合者也 子張 人己之 者 行 焉 圃 者 不合 誠 人之 心 而 心 有 與 佛

肸

,子欲往。

佛,讀

如弼。

肸,羲乙切。

此

内

外人己合

一之幾也,仁道豈遠乎哉

匏

瓠

也

匏

瓜

處

而

不

可

欺

也

吾

心

有天下

之理,不外求也

感其 皆得 焉 德爲 器量 如 是 期爲信,不以便習給數 疑爲恭,不 吝之心,以之行 以之行乎敕 能 告戒期許 有 其 ,諒其 行者 涵 焉 由 夙 惠。 人 寬 焉 衷之至愛也。 夜之經營 無 圃 至 以 也。 服 敢 無所隔 口 之閒 以 誠 其 其含弘之至也。人任 信 侮 幾治 實 之 汎 有一真无妄之心,以之行於 焉,欽其敬德之密也。 於 信也 交 心措 惻 於物 也 事之繁,敏 礙之心,以之行於容物之 一心,乃可 怛 無 擇 也。 爲 蓋天下 使人而 求我與之際,惠也 爲 爲 實 有自彊 寬,不 舉 敏,不以私 事 信於 也。 人爲 事 有大同之心 不 則 不息之心, 以 以 有慈閔不 天 有 之使焉 加 意 色 下 功 無 恩 取 衆 氣 焉 疑 市 不 心 由 相

> 爲不善者,君子 子路曰:「昔者由也聞諸 佛肸,晉大夫趙氏之中牟宰 不入也。』佛 夫子曰: 肸 也 以 中 親 牟 於其身 畔

子

之往也,如之何?」

磷。 子曰 行。 子路恐佛肸之浼夫子,故問此以止夫子之 不曰白 : 「然。 親 ,猶自也。 一乎,涅 有是言也。 丽 不入,不入 不緇。 不 日 磷, 堅 其 良 刃 乎, 黨 切 也 磨 讀 如吝 而 不

浼己。 磷,薄 作皂、皆非 其不磷 可 無 不 也。 楊氏曰:「磨不磷, 緇 可 也者 涅,染 堅白 幾 、草物。 希。」草,自保切。 不足,而 言人之不善,不能 欲 涅 自 不 緇,而 試 俗 於 別作阜,或 磨 後 涅, 無

吾豈匏 瓜 也 哉? 繋於 焉 能 繫 而 不 食?.\_ 不能飲食,人

則 不如是也。 張 敬 夫日 「子路昔者之

ti =:

涅,奴結切。

佛肸之召皆欲往者, 所 生物之仁,一則知人之智也 人之終不可變而 人、無不 言,聖人體道之大 聞, 君 可爲 子 守身之 之事 事之終不可 也。 權 常常 也。 法。 以天下無不可變之 其卒不往者,知 然夫子於公山 夫子今日 爲耳。 之 則 其 所

中牟非 有其才一 路 子而 之節異。 道 曲 陪 訓義聖人無不可 人之事。 臣 盲 所 豈 能 往 E 不 親於其身爲不善者,君 測 佛 也 足 佛 而 肸 。子路 問 無不 無可 肸者,爲中牟宰,據邑 小 其 致 試 也。 之中牟,亦非趙氏之中牟,其 用 乎? 必必 辱聖人之事,故與賢 可用之人,其用之也大, 佛 乃 用之人,而當世 乃召 待 肸 執 有 昔 以 所 FL 所 用 者 見 子 擇也。 天下者, 由 以 IIII 問 也 子 子欲 一以亢趙氏 不人 聞 晉趙氏 無 出出 諸 人自 固 往。 可 也。 非 夫 處 犀 使 非 子 之 子 之 守 聖

馬,其 氏,乃 無所 己,無 容不 也。 日 子鳥容黯昧以失己,誠不 不日 君子烏容柔靡 誠 可人也。 與昔者之言不 不爲 白 有 ,則非必有大惡之謂,而 親 此言 畏於涅也。 乎 也,又誠畏夫涅之者污 堅乎,有磨 堅也,又誠 也。 曰「不人」,則遠之甚, 所畏於 將 於其身」者, 據之以 有 何以自 也。 人而 佛肸,趙 涅 磨矣。 而 畔,不善 失君子之素,此定理也。 相 其言也,謂君子之立志 以 畏夫磨之者喪其堅 不緇 M 全而不與同污乎? 風 殉 倍 無 不磷者乎? 物,誠 乎? 氏 雷 抑謂 者乎 之臣。 可 不能盪 不可 辭 ? 可 君 子曰,不善,誠 不 之 , 揜矣。 不白 其 可 加 子之明志 大惡尤 罪 至白 天地之體,雲 中 與 白 不 也 牟 堅也。 至 同 也。 也。 存 子 受 一堅存 也。 事 非 乎己, 日 何 且 於 夫 尤 不 所 ൬ 不不 不 君 可 平 往 夫 吾 以 捎 必 不 不 mi

善者, 焉 焉 善者 何憂 霾 瓠 不能 ,則吾終身無可人之地矣。 邪 落 正未 ? 蔽 ? 而 日月之明,吾自有不污者在 子以 見爲 已矣,不可食也。 口 爲 佛肸 不善者,誠 善 也。 爲 不善,今天下孰 必欲 不善 澤善 必將 吾其 也。 爲 丽 爲 匏 匏 後 見爲 瓜 瓜 X 是 而

利。 在 周之志,與天下以士食舊德、 食毛、己飢己溺之誼。 · 粟薪,不爲斯人登俎者乎? 退 亦以其不忘世之心,使人知 焉能如 農服先 彼匏瓜 使吾往焉, 有 疇之 之烝 踐 土

夫陪 通 不 如 吾必有以分目屬曆於天下,而 天下 可通之於吾,子未之知耳。 彼 臣 何 ,參古今,以志一王之治,故至堅至 也? 争分義 昔者之言,固君子之素節 ,自當時 流俗之論 蓋子路於大 豈憂其 而 夫子 無能 耐

人。諸侯失勢,大夫失權,正可有爲之幾,白,而不以堅白鳴。舉世無可入,則皆可

而惜乎佛肸之非其人也!

「未也。」女,音汝,下同。子曰:「由也,女聞六言六蔽矣乎?」對

蔽,遮掩也。

「居,吾語女。居,當作尻。

禮: 君子問更端,則起而對。故孔子諭

之用

舍,

加

吾豈

一匏瓜

也哉?

進

以

其

爲

東

也哉?

天人之責在吾躬,治

亂之幾

在

吾

路,使還坐而告之。

也蕩。 學,其蔽也絞。 好仁 不好學,其蔽也愚。 好信不好學,其蔽 好勇不好學,其蔽 好 也 智不 賊 好學,其 好直 也亂 不 好 敝 好

剛不好學,其蔽也狂。」好,當作政。

謂 則各 勇 六言皆美德, 者 窮 有 高 剛 所 極 之發。 蔽 廣 丽 然徒 愚,若可 無 剛 所 好之而 者, 咔 勇之體 陷 賊 미 不學以 謂 图 傷 之 狂 害 類 明 於物。 其 蕩, 理,

者,未 偏也 勇、 也。 能好學 剛 范 氏 日 曰:「子路勇於爲善,其 信、 以明之 日 直,又皆所 也,故告之以 以 此 救 失之 其 E

言,而 舍是而 所 如 以 虚 蔽即 訓義子路聞 天下之必 則,身心 善蔽天下之至善,而成乎不善。凡據其 之善者也。 聞 派所未 其 至蔽 三以 之言,而 蔽 未 抑 聞 者 求之也,謂之曰,女知 成德者。 於 聞 咸得其大正, 知有所未聞乎? 起 有 有 善 君子 而 此,而 六, 之中。 善即行, 不 而 E 自知其蔽久矣。 對 而 吾 乃若言之中有 以其言 曰 蔽 蔽 有 夫子以 一,未 何 亦如之,女聞 而以學爲 而 此 能 於物皆宜,曾不 六言 而 也 不 施 女之所聞者、言 其 深乎? 之行 以 蓋 女之日 未 無益, 蔽 爲 勇 知 子曰,此 焉,以 固 之乎? 於行 躬 而 子 故 行 未 聞 不 言 其 知 之 其 其 能 有 善

智之所 事有 以利天 矣。 者。 守之,人有所不利,己有 無學以 愚 者,以《詩》、《書》之氣養之,以 剛以持己,皆言之可行 以析理,信以存真,直 好學乎,人有所當愛,有 裁正之,六者乃得通理而全其美。 好者,不但慕其 然,立六者之名 也、信也、直也、 言之不可不詳,而聽之不可不 而 居,吾語 故君子必有學以體其實,而 已矣, 所宜詳,有所宜略,致其 个,仁 爲 通 坐照 其 無學以 居 之所 女。 要 不 勇 (名而 ,據之爲 不 疑 也、 通 爲 所謂六言者,仁 者 繁之用 其 順 爲之。 剛 蔽 以 恩 事 所不當愛,忘其 而 也。 矣, 伸 所 理 義 恕 必 也。 志 不能,不恤 爲 施 詧 相 仁以 而孜 則 行 先覺 ,勇以 深思以自 蕩 以 成 者 者 言之而必 亦 中 mi 窮 之 蔽矣,爲 澤 孜 如其 之所 心之 也。 名 任 也、 已矣, 物, 序 天 不 而 也。 事 所 其 身 舍 不 爲 已 智 攷

乎? 之度 所讓,而豈父兄之可不待、生死之可不慎 者蔽矣,絞急甚矣,無學以通其坦 害之府也,無學以 害,以勥遂其初志,信之循物無違者蔽矣, 人將不堪,而婞婞以自遂,直之順 知之則必言之,尊者無所避,親者無所 也。 自謂爲任道也,而不知其任意也, 以有爲自任,迫而爲之,仁 通其通變善全之道 易 理 固 順 無 諱 也 亂 無 行 拂

悔,節固不可屈,而言可以不悉、物可以不勇以直之道蔽也。以有守自持,亢而不自此開矣,惟無學以酌其進退之宜,而養

容乎? 惟 狂 而 無慾則剛之道蔽也。 無制矣。 自謂 爲任志也,而 惟無學以 調 夫六言者,豈有蔽 其 不 知 競絿之度,而 其 任 氣 也,

哉 則 且 ? 日有詣入焉 殉 好之,斯蔽之矣。 心而 不知 ,月有推 殉 道。 信理 廣焉,然後知此之 何若 而 用其好於學 不必信心,

大過也。女反求之己之所安與物之所宜,中。女未之聞也,吾恐女之以六言而成乎於永貞,直合乎公論,勇以任大,而剛以履徒言也,則仁及於天下,智周乎萬物,信協爲仁,爲智,爲信、直,爲勇、剛之真也。非

小子,弟子也。子曰:「小子! 何莫學夫《詩》? 夫,音扶。

而

可

不務學乎哉?

「《詩》,可以興,

感發志氣。

「可以羣,「可以觀,

「可以怨。

和

而不流。

怨而不怒。

「邇之事父、遠之事君。

七一七

倫 之道 《詩》無 不備 者舉 重 而 言

於鳥獸艸木之名。

其緒餘 盡之。 讀是經者 又足以資多識。 7,所宜 盡 學《詩》之法, 心 也 此 章

訓義 情 君 矣。 以 子學 者乎 高 不能 爲也,不能不與人處 之事父者道在 不 人 者 杰 體 談 倫之大 狀 ? 子曰 道 於 情 焉 性 辨 日 也,則 其 在 言 命 當 吾學 可 ,吾念小子之欲爲善而 用 情 而 加 也 可 以 亦 以 鳥 不能 無實、拘於象數而 焉 知 以 興 何莫學夫《詩》乎? 也。 相 潤 聞 其用 、怨矣。 矣。 示 無 皉 鳥 圃 其相協 疚 知《詩 淵 木 可 褒刺 之廣矣。 而情不能 也 咖 Ż 以 其 ,學之識 木之名而 利 羣矣。 》之用 以 相 以 而 親 立 肅 感不 自盡 不知 義, 以柔 詩》之泳 也,遠之事 含其 之而 廣 未 可 生於 不 能 也 不知其 其 也 也 以 情 愈 决 物 名, 濔 觀 游 小 心 於 Ħ 於 以 而

> 塗, 焉。 矣。 鳥 以 興 事父,不懈之敬 事 觀 妙,是故學焉 本,而歆於善惡以定其情,子臣之極致也 害,萬物之情統於合矣。 怨,得之樂則失之哀,失之哀則得之愈樂 詩 (觀者) 興 父即 潤 多多 勸 以 古之爲《詩》者,原立 觀羣怨者即 艸 可 善之中 有焉。 即 可事君,無已之情 木 以 性 印 亦 者,無 以 無 而 情 羣 而 小 非 所 均 周 可 是 怨,哀樂之外 子學之, 益 理 不 也。 非 人 以事君父,忠孝善惡 之所 者 可 著。 倫 無 焉, 鳥 物 其可 小子學之, 也。 涯 著, 獸 隨 於 可 理 也 艸 羣 之 博 丽 所 無是 興 變 木 者 情 通 以 事 者 小 並 即 亦 而 四 m 君 即 非 口 其 達 皆 不 育 即 何 得 其 之 其 異 以 以 不 口 口 口 可

學夫《詩 业

子謂 人 而 不 伯 爲《周 魚 日 南》、《召南 女 八爲 周 南  $\forall$ 其 猶 召 Œ 南 牆 矣 血 而 平 V.

也與?」女,音汝。與,平聲。

言即其 名。 可行 爲,猶學也 所言皆修身 至近之地 周 齊家之事 南 ௱ × 《召召 物 無 南》,《詩》首篇 所見,一 正 牆 面 而 步不 立

祥,此 伯魚曰 閨 先 比 情 之士、江漢之女,因 志 得 訓義聖人之教,其言甚 南國之諸侯、大夫與其夫人、内子,有 而實體之,其切於身心者甚至。 也。 其 者 之於樂焉,斯得之矣。 而 門之化,有爲化之本者,潔清雝 成 、唱歎之情,此所以學二《南》也。 也 由 務。 ,女學《詩》矣,則《周南》、《召南 誦 邇 讀其文,求其義,譜之於弦 之,習之,咏之,歎之,比之於禮 以 故有文王 行遠之道也 而 一而後 有 近,其旨 艸木 而女其爲之乎? 内 即 有 禽 此 后 甚遠,深 故夫子 以 獸 妃 效 睦 知 歌 彼之 順之 其言 中 外 以 》其 謂 林 有 通 則 思

> 其 果 夫人 知 面 下之情? 明 有 心 而 而 氣,反求 立,無所見 身思修,有 而 行 不念及身世 美, 何 以 以 而 加 家思 驗 順 於 不能行久矣。 諸 天 此 相通之理則已耳 躬 下之理? 未 齊,有天下 行 能 學馬 推 廣 其 以 涵 何 國 泳 猶 家 施 以 之當 於 以 正 通 遠 養 牆 若 天

云,鐘鼓云乎哉?」子曰:「禮云禮云,玉帛云乎哉? 樂云樂

邇,女其勉之。

樂只 敬 總 又 樂之謂哉? 鼓,則爲樂。 理。天下無一物無 不 如 屬 而將之以玉帛, E 是一 盜賊至爲不道,然亦 ,必相聽順,乃能爲盜。 , 便 箇 是 和。 無 遺其本 序。 程 只此 子 則 禮樂。 爲禮。 無 日 m -序 兩 專 便 有禮樂。 字,含蓄 事 禮 且如置 乖 其末, 和 只 不然,則 而發之以 是 乖 此 便 多 蓋 則豈禮 箇 不 兩 少義 叛亂 必 倚 序 和 有 鐘

無 無之,學者要須 統,不 能 日 識 相 得。」倚作椅 聚 而 爲 盗 也。 非 禮 樂 無 處

乎? 之濫 實非 訓義 皆 易 在 周 禮 也 以 禮 也 鐘 不 伐鼓 風 旋者 斯 也。 必言樂 云樂也,未嘗云鐘鼓 玉帛之中矣。 ,未嘗云 相 曷 俗者 其音以自豫者以 尚 也。 天子曰,今人之於禮樂,其 미 先王之制,以 亦隨其名 者以 亦思 故凡行者皆 而 耳 斯斯 樂 鏗鏘者亦思何 乃 玉帛 何以 而 其 爲 也。 可 玉帛 實 耳 也。 禮 而思其 云禮,而 先王之制, 故凡 加 非 而 高神 云乎哉? 云禮。 矣, 使人言玉帛 亦 爲樂 鐘 奏者皆云樂。 也 云禮,然必皆 以 鼓 圃 所 人、 所以敬 云樂,而 而 其 今之人多其 以 云 使人言鐘 以 以正 平 亦云樂,然 名 得 將 格 哉? 名是 此 未 吾履 玉 而 妣 朝野者, 嘗 名之實 執 所 不 明、 也 不 以 鼓 今人 者 帛 必 云 則 言 禮 以 物 是 其 漬 老 而 必 即 以

> 意,性 吾和者即 玉 帛 鐘鼓 情之存發,猶 乎,吾無 在鐘鼓之中矣。 . 弗思邪? 朢 在人名言之中, 耳。 不然, 如 使 制 天 作 下 之 思 而 精 而 云

子曰:「色厲 盜 也 與? 而 内荏,譬諸小人,其猶穿窬之

得之,而

如之何

畏人知 穿,穿壁。 厲 成威嚴 也 也。 窬 在, 踰 牆。 柔 弱 言其 也。 無實盜 小 人, 名 細 民 而常 也。

撓,而 以 憚 訓義夫子曰 命 志 面 而形諸色,則 然者 先 爲 伸己也,遂恃 而 君子,而 靡 不 思以 可 則 如 狎。 以 正 弱 物,故 剛 君子之中無可擬焉。 擅 惟秉心之正直 木 乃 以求勝於天下。 之過者謂之厲。 之 其 有 在 利 不得 人 以 巾 焉 遂 以 己 惟 其 面 是 不不 其 欲 爲 使 厲 受 苟 可 人 乃 君 也 外 見 其譬諸 得 詧 以 子 物之 有 其 爲 亦 焉 壓 白 所 時 物 可 而

色亦 爲 厲揜之。 經 卑賤之小人乎! 豈有異 庭,●猶 剛 誉 也。 荏 於 子? 騙 ,故賤者 暗 小人之中,惟穿窬 恣 昧 其能改 在「觀 於白 觀 猶 人者,勿以其 不 日,惟 覬 乃小人之在 自 人」上説。 覦 諱 於昏 恐 之情 人知 草,矯 爲 以 色 然, 也 其 圃 此 而 内内 荏 斯 人原 飾 遂 圃 前 人也 許 生 於 斯 不 大 之 人 以 而

子 i E 鄉 原,德之賊 也。」

足貴,不

朢

《孟子》末 中,獨 也。 亂乎德,故以 鄉者,鄙 蓋 註 以 其 讀 愿偁。 俗 同 作 之意。 流 愿 爲 合汙以 是 夫子以 德之賊 也。 原,與愿同。 媚 鄉 其 於世 加 原, 似德 深惡之。 故故 鄉 《荀子》「 非 人之愿 在 德 鄉 詳 圃 人 見 之 者 反 原

訓 而 尤 慎於微。 夫子曰, 德有 自 其 在 慎微者言之,則謂之 於愿 者。 道 極 其大,

篇

德也。 矣。 之謀。 哉? 謹。 《詩》、《 廢其 計。 之,有以 不以 餘 而 言之,則謂 不知 而 是豈非德之賊 爲愿 省 喪 其爲慤者, 諧俗而 德幾於化,而自近乎情。 其云謹者,畏禍 《書》弦 其 取 似 以是爲德,而 詧之實。 哉 忠信 清 舍之大。 也。 之慤。 夜之良,戕 誦 而 夫 之徒勞 不 使天下胥 故 乎 於是鄉 求之天理 乃 鄉之人, 豈足 通 ? 以 與 而爲全軀保妻子之 天 天下、 斲 君子 静存動詧之皆贅 理 同 人偁之曰 於 人心於僅存之 慕 以 之安, 合古 深惡 自 得 虚 此 名 其 失之幾 爲 以 近情 似 邀 今 而 尚 愿也, 痛 廉 實 知 而 此 絍 則 m 潔 利 無 者

子曰:「道 雖聞善言,不爲己有, 聽 而塗説,德之棄也 是自棄其 德 也。

0 「矯」 原作「嬌」 今據文義改。

E 氏 日 : 君 子 多識 前 言 往 行 以 畜 其

訓義夫子曰,理之可以名言者,耳司人, 道 塗説 ,則棄之矣。」 П

待,耳 言,過而 可 其德,而 如 之,則天下之善皆集於吾心。 司出 口説之,則善雖公於天下而初不忘於心。 不 其聽之於道 戒也 入而 加 德 不留,往來於天下而 總 口 亦 會之以 1旋出、 棄之矣。 īfij 即 心 心。 説之於塗 總無 此學者之大患,不 耳聽之而以 與 ,俄頃之不容 己無與,自 焉,則雖有 心審之而 心 棄 善 後 受

子曰 -鄙 夫可與事君也與哉?「與哉」之「與」,

其未得之也, 患得之。 鄙 夫,庸 悪 陋劣之稱 既得之,患失之。

苟患失之,無所不至矣。」 何氏 日 「患得之,謂 患 不能得之。」

之子孫而

食其福

也,止此

而已矣。

故未得

失而 小 矣。」志於富貴,即孔子所謂鄙 纍其心。 不足以纍其 曰:『士之品大槩有三:志於道德者,功名 則 已。 吮 癰 志於富貴而已者,則 砥 心。 痔,大 胡 氏 志於功名者,富貴 曰 : 「 則 弑 父與 許 昌 君,皆 靳 夫 亦 裁 也。 無 之 所 不 生 有 足 於 不 至 以 患

知有 鄙人 不在 與 至進 訓義 爲 姦而不能爲小人者也,險詐之機不露則見 易見,小人之才可使。 莫切於擇 事 無 功名 異 之見,其言仕也,初不知有名義,亦 夫子 君 他 己則疏遠之,不可 類 ,廉隅之際 而 。 日 以 友,内不 Ė 無 、誤國, 1,君子 仕 傷矣,而 以 榮 至 出 不争 故權 身也 比 而 可 不慎 惟鄙 則 在 匪 必 與 以以 見 己 擇 人 事 也。 以 爲易 夫者,貌若 則斥逐之,權 主 厚 君 失己,上 禄 而 世 姦 與, 事 也 與哉 人之態 以傳 似 圃 無 尤 口

而如死也。既得矣,食其利則縱其欲,遂 之至用亦暫依君子,惟恐其不得當,而若在生 「古也,則患其不得也,小人用則依小人,君子 中

冀無失 危,而 負、 擇哉? 者,與之亢則不利於身,姑爲容則 更成乎 生其不可復貧賤之情。持其 或 明張 미 不可復相下之勢。 父母可忘也,而況於朋 9 其情切矣。其情切,而 其暴狠,何所不至哉? 也, 而 況於寮案? 而勞 (權則多其怨, 友? 心焦思 陰 其術豈 用 不利 與事 君 其 以以 於 君 可 有 傾

或。 君子小人之分,義利 此苛責於人,而 擇交者慎勿曰富貴者人情之大共,不必以 然後 悔昔之誤 姑 飽其欲,以惟吾 而 與之也,不亦 已矣。 故寧進一畸 晚 用 乎? 也

氣失其平則爲疾,故氣稟之偏者亦謂之子曰:「古者民有三疾,今也或是之亡也。

士

一無舉

一庸人

也

矣。」在,當作雅。 矣。」在,當作雅。 方之狂也肆,今之狂也蕩。古之矜也廉,今 疾。昔所謂疾,今亦亡之,傷俗之益衰也。

消厲。 明。 哉? 民性之蔽,亦與古人異矣。」 踰大閑矣。矜者,持守太嚴 狂者,志願太高。 范氏曰:「末世滋僞。 直,謂徑行 忿戾,則至於争矣。 ?自遂。 肆,謂 詐,則挾 不 豈惟賢者不如古 拘 愚者,暗昧 小 廉,謂 私 節 妄作矣。 蕩,則 棱 角

訓義 之難,而彼亦自患身世之不裕。 以 之亡 以失其故。 特性之醇者無以 之疾也,或以柔克之而 剛克之而終患其不高明。 也、況其 夫子曰,甚哉 古者民有三疾,而今也亦或 平康正 養其真,而質之疵 直 習氣之溺人 終 丽 患 無 其不沈潛,或 疾 先王若於教 者 乃今也 乎? 也。 者 亦且 不 是

古之疾 詐,則 其 今亦 名教 輕世 略之志 其 樸 固 彊 則 益 乃古之 而 八專己 資 情之委曲 挾 IE 質 陃 弱 逞 相 之, 騙 弛 以 其 也 以 不 習 也 今爲 矜 氣 欲 欺 不 乏 而 肆 狂 趣 亦 而 m 因 罔 以 古 也 矜 不 也 鳴 廣 志 户 無 並 舉 忿戾 之疾 前 之識 一嚴 其 而 知有綱 ,今則並彝倫 也。 嘘 者,其尊己賤 相 異於古,而 其 其 世 君 直 於自 尚 偏 之 疾 今亦不乏狂者,其 親 行共好惡,今則逞己私之 而争,蓋廉恥喪而人競於 乃 見一 愚 而 所 而 縱 今之狂 常也。 蓋 持,立 古之狂者明 也 成乎惡,不 失之,習欲之陷 尚 欲 前 也。 私 不不 而 爲蕩、爲忿 利 者、 廉隅 今亦 物 而蕩 營 古之疾矜也 但 乃古之愚者 重 之意 利 矜者、 不 Im 以 然棄之,蓋 不乏愚者 可復問 没 能 於 人 示 氣 八曠達 大節 於 矯 以 戾、爲 愚者, 異, 人 其 此 利 也。 而 昧 簡 如 疾 爲 而 今 mi

> 曰:「巧言令色,鮮矣仁。」 此 其 酷 也 而 有 心

世

教者能

勿

重

子

重出

恶 子 朱, 利口 曰:「惡紫之奪 給。 是,以賢爲 以惡之也。 正 ൬ 正色。 覆,傾 之覆邦家者。」思, 勝 者常少,不正 紫,閒 敗 不肖,以 利口之人,以是 也。 朱 色。 也 不肖爲 范氏 而 ,去聲 惡 雅, 勝 鄭 日 : 者 E 聲 賢。 常多 也。 爲 之亂 非, 天 人 ,聖人所 利 下之理 雅 君 以 口 非爲 荷 也 捷

者矣。 之者矣。 矣。 也。 有傳 訓義夫子曰,有 忠直 則 家之業 爲 君 非 奪 心 禍 之者, 必 非 首者,其 忽 無人,而 必 邦則 焉 甚 面 惟 暗, 有 至 其 宜 言 立 於 而 深 15 不 邦之基,有家則 孽 傾 麗 惡 見 忽 覆 之若勝 Ti **.**聽,有 有 自 痛 絶 之者 奪之 之 有 之者

而信之,則國家之覆也不難矣。」

鈍 有小慧之才 聲 聽 也 前 雜 國 朱奪 也,危言之而若 也 「徼幸焉。 奏 故於色則 矣。 而 故 雅 於 亂 音 亂之者, 即有 矣。 則 自讎 恶紫,紫豔 悪 無 涉獵之學,暘言之而 夫利 之私,以 鄭聲,鄭 惟 害也。 其 淫泆 於朱,紫與朱 亦若是而已矣。 揣 偶 聲 而能逐 摩 然之見,以 近 益 於 雅 Τ. 人之 焉。 不 形 鄭

法 能 而 窮,君心 邦國 加 不爲之奪。 斂怨於臣民,以挑 自 不能 此 覆矣。 不爲之亂。 以 害爲 如之何 利 釁而 則 聽 可 歷 是 启 勿惡 數其 戎 言 於鄰 也, 哉? 利 以 於 國 有 變 無

其

以失爲

得

則實徵其得於

有

據,正

論

不

子曰 家 平 子 欲 無 言。」

實

政

而

止

辯

言,

斯

以

保

邦

而

勿

至

墜

其

國家者

誅殛之,斥逐之,使

人知

懲

馬,

修

學者多以言語 觀 聖人, 而不詧其天理流行

> 子贛 而 之實,有不待言而 日 不 :「子如不言,則小子何述 得其所以言。 著者。 故夫子 發此 是以 焉?」 以警之。 徒得其言,

子曰:「天何言 天 何言哉?」 子贛正以言語觀聖人者,故疑而問之。 哉? 四時 行焉, 百物生焉,

便默 亦開 物生 述」。」又曰:「『天何言哉? 人未能 子曰:「孔子之道,譬如日星之明, 精 不待言而可見。 四 前篇無隱 時行,百物生, 義之發,亦天而已,豈待言 一焉」, 識,其 示子贛之切,惜乎其終不喻 盡曉,故曰『予 之意相發 則 (他則 可 謂 未 聖人一動一 莫非天理發見流行之實, 至 ,學者詳之。 免 明 欲 疑問 白 無 矣。」愚按: 言。 故 四 静,莫非妙道 而 日『小 一時 顯 若 也。 行 哉 猶 顔 此 子 患門 子 與 此 百 何 則

訓義夫子之言, 無非 天理流行之實, 以教

學者, 立,則 者,以 愈詳 吾 無論 賜 而 也 贛 斯道之中, 而 矣,求其肖吾言而愈失之者多矣。 善述聖學者, 徒 行者存於中而 合德,時 遂 其言 何 正 吾欲與二三子優 之有言 患於無述哉 ? 如 而人心愈忽、言愈顯 其 有 有 言 即天之所以 有言: 芒 ,則即 無 小 言 明道。 而 言 也,聞 然 子 而 言 而言即 乎, 無言,而一得其 者,日,夫子之言,小子之述 其 有 愚 不以言言,庶有濟 而二三子不能也。 則 發於外,豈徒其言哉? 道盡於言之中。 不不 則 吾言而 言 ? 化也。 言也,亦 道惡 道,無言 足以 游 傳 氣 之。 焉,作息焉 幾之動也,有動之 從 與 能 顧 而 愐 有 於 如吾之言者 而 圃 有 至理愈 人? 斯 所以言,斯爲 所 道 道 見道 矣。 乎 以 之盛 若體 不 故子曰 ? 言者 意者言 因 行惡從 相 隱 圃 子 乎? 與 大 言 天 而 立言 存。 魦 於 子 不 流 而 以

斯,五 乎? 者焉。 動,植 質,有 天之推 四時 其 生 以 蠢 而 使之不容已,成之而 子之以曲成天下者,亦 行於氣之中, 天,即時之所以爲時,物之所以爲 皇,即物之變化 有 一哉? 命 天 不 時 喬無一成之則,乃雜興 失其大常, 行矣, 温寒燥 以天之無言而 夫亦曾見 者 緯 體 品彙之成也,有成之者焉。 追, 而使之行 以 運 氣 圃 之植, 機之動,品 即 於 即 氣 時 有用, 斯 宜然 之序 有待言於天 即 也。 河風 哉? 流 溼無 著 致憾 峙 以 雨 也。 ൬ 其行生之理 若是者,天之所以 使之 者 如 彙之 豈有以 共 即 運 一定之期,乃小變 於無述者哉? 以 然,以 是 於 效 而 之流 成成 而 無 而已矣。 斯 其 白 而 詔物 述之者哉 所 功,天之 物生矣, 各正 動者 日 各成其 峙 憾, 月 天 物。 動 而 其 非 豊 子 以 運 之 使 夫 之 於 之 有 爲 發 材 天 理 靈 73 而

得也 言,而 言之訓 守聖言而倣之,行 於無述乎? 子之所以爲二三子,氣機 學焉,有 使 **一焉**,有久速焉。 而 一,則不特聞 F, 成 何嘗不有言之理哉? ,其示之也切矣,而 也。 思 且 馬,有 聞 予之言,言此 蓋躬能行之,心能得之,則 而 見不 興 語默焉, 焉 起。 予之所以 而 ·足以 必有 如其 、爲功 善述 可 有 而 所窒。 躬未行 爲 動静 使 而小子 르 者 即即 子,即 動 焉,有 誰 也 夫子 予 規 而 也 規 即 何 品 心 然 百 患 彙 進 無 無 無 也

退

可

世

取瑟而 孺 悲欲見孔子,孔子 歌 ,使之聞之。 解 以 疾。 將 命 者 出 户,

疾 必有以得罪者,故辭以 孺悲,魯人,嘗學士喪禮 ,以警教之也。 之教誨」,所 以深教之也。」 程子 疾,而 E 於孔子。 一、一此 又 孟 使知 當是 子 所謂 其 時 非

訓義 人有自外於聖人之教,而聖人之教之 「不屑

使知 旁皇 改過 是已。 可教 悲之求見者。 自得 悲者切矣。 不怵然自怨艾者乎? 之情見矣。 將命者出 無已,苟其有悔心 聖人之遠之也,若未嘗 不自安之時,於是取 不 也 ,無疾之迹明,而置 力。 儒 户,則悲猶在户外 乃 悲 所以迫乘其困 孔子 輕 而 若其尚不悟 是何 於 欲見孔子,其 解 受 也,則 心也? 以 馬、必 疾, 此聖人之所以 悲 也, 瑟 猶 其 曲 心衡慮之機, 於 悲 有悲,未嘗 以 恐 欲 媿 丽 以 亦末如之何 不 而 俟 其 歌 悔 見之忱,猶 成之,孺 足 命,正 聞之,有 未 不 與 則 深, 悟 曲 酬 夷 也 有 其 悲 成 酢 而 mi

也已 1

宰我問:

之喪,

期已久矣。

期,當作

棋。

稘 公,周 秊 也

必崩。 君子三季 不爲禮 ,禮必壞。 三季不爲樂,樂

恐居喪不習而崩壞也。

矣。」燧,本作獎。「舊穀既没,新穀既升,鑽燧改火,期可已

及,盡也。升,登也。燧,取火之木也。改没,盡也。升,登也。燧,取火之木也。改 是而是之説,下愚且恥言之,宰我親學可。「短喪之説,下愚且恥言之,宰我親學可。」 一周,時物皆變,喪至此可止也。 尹氏 一周,時物皆變,喪至此可止也。 尹氏 一周,時物皆變,喪至此可止也。 尹氏 一周,時物皆變,喪至此可止也。 对氏 一個,時物皆變,喪至此可止也。 对氏 一個,時物皆變,喪至此可止也。 对氏 一個,時物皆變,喪至此可止也。 对氏 一個,時物皆變,喪至此可止也。 对氏 一個,時物皆變,喪至此可止也。 对氏

「安。」夫,音扶,下同。女,音汝,下同。子曰:「食夫稻,衣夫錦,於女安乎?」曰:

理。夫子欲宰我反求諸心,自得其所以不莫,練冠縓緣,要絰不除。無食稻、衣錦之菜,練冠縓緣,要烶不除。無食稻、衣錦之禮,父母之喪,既殯,食粥,麤衰。既葬,

作裡。愛,當作愿。夫,音扶。 此夫子之言也。旨,亦甘也。初言女安則 此夫子之言也。旨,亦甘也。初言女安則 與此。子曰:「予之不仁也! 子生三季, 然後免於父母之懷。夫三季之喪,天下之通 然後免於父母之懷。夫三季之喪, 一事言女安則爲之以深責之。 也。予也有三季之愛於其父母乎?」懷,當 也。 予也有三季之愛於其父母乎?」懷,當

謂三 特 以聖人爲之中 **季然後** 非 以三秊之喪,爲足以 免於父母之裹 制 而 不敢 行,特 過 報 ), 故 以 其 必俛 責 親 宰 也 我 而 Z 所 就

無

恩,欲其有以跂而及之爾。」

仁亦僅 以愛而 愛而 其 問 非 幾 訓義先王之制禮,以求協乎人心之所安者 而 安, 況其 圃 使賢 也 何 心之所不安。 己。 心 薄, 之至 季之喪,降 0 也? 必 愛。 愛。 者 存 至於 然禮皆以 へ廢 相習於 俛 無 也 禮以 人 幾。 親,其 念親 奪其所愛,則必不安,此仁之 mi 無 何 就 丽 不 不自 自 先王 之我 求心之安,而 居 於三季之中,仁之節 喪禮盡, 仁,是 稘 所自 便乎? 乎 也 愛其 以不肖之心 宰我 愛 一,已久矣。 生者 以 加 生, 心之 久也。 而 之欲短之也? 愛馬,愛斯 也,亦 不 心 喪 所 知 尚 禮 周 曲 不 其 以 不 則 m, 道衰 體 且 知 所 不 可 以 也 之, 薄, 爲 所 以 安 謂 因

改,而 女安, 夫子 粥 人事哉 者 既 鐘鼓 之説 而 欲 者,何知有天時、何知有人事乎 事,參之天時,其可 疏 人之心者,聞夫子之言,未有不惻然動者 也,未嘗在 之下,於女安 也。 升, 而 ,音律不習 短之也, 遽 以爲 之樂 日,喪 荅 甘其食,去苴 是 則爲之而已矣。 仍復其故,是變已 然則 ? E 故 是 安, 不 則 嗖 又豈 欲 者 尚 三季之久,降 御。 加 乎 食 賓祭冠昏之禮 謝 何其 崩 足 食稻 ? 夫 果 ൬ 且 與 三季之内,器 麻 以 稻、衣夫錦 親 壞 宰 深 已矣。 衣 而美其衣,食之衣之 求合於天時、 之給 矣。 者 言乎 我 先王之所不 錦 乘 於 窮 也,然 面 舊 權 , 怫 時 m 而 子 爲 不行, 穀 也。 仍返 心 雖 而 E, 稘 然 ? 既 之忍 敝 己。 而 未 5,考之 圃 没 夫 其 求 鑽 荷 嘗 m 而 而 能 譍日 女之 赕 居 不 琴 也 其 居 盡 新 儀 舍 吧 於 喪 人 變 瑟 有 飦 五 穀 節

仁,而 而 之也。 之哉? 其 也 也。 也。 坦然 惟女爲之可矣。 可爲,此 禁汝哉? 爲之者。 哭,居於倚廬,居於堊室,尚若不得已而 爲禮在 而要非所論於君子也。 父母之所 口 也。 不仁也。 ,重誅之曰,吾之於人也,未嘗輕許 故不能劈不甘、不樂、不安之情 居處焉,不知 於 亦不 朝一溢米,夕一溢米,朝有哭,夕有 聞樂焉,不知其何以 則然哉? 亂臣 食旨焉,不知其何以不 乃今女以爲安矣,情之所便,誰 不能勥,恬 體耳目之欲,奚不可之有哉? 敢輕絕人以 以此推之,天下無不可安,無 絶其生之理,遂失其生之心, 賊 子之所爲枵然得 宰我出,子之怒猶 豈以 其 何以 然 不仁。 爲情不可 君子之居喪,豈以 於天覆地載之下 不 安 不樂而逆於耳 而 至於予 ·甘而 不寧 恣 意 而 也, 未息 而決 人以 M 於 爽於 姑 而 不 姑 爲 躬 制

以三 愛酬愛,以三季酬三季,愚不肖者有之,而 焉,以通之於愚賤,以爲父母於三秊之内 然後免於父母之褱,此恩之易見而 以期報於父母,則不必爲之制 而 且 天覆地載之下乎? 予之不仁,耳目 予不念焉,且欲爲之説,以惑天下之人心。 能樂樂,能安處,而 者,而以是報其愛。 分甘就溼,則固 報者也。 所易知,而心易動者以裁之,則子生三季, 是取不肖者之情而計之,從有生以 三秊之愛於其父母乎? 無忌 並 季。 其 也 生之情與欲 故爲三秊之制,使賢者俛 乃先王以天下之不皆君子也 自 君子而言,其不安者,原 有食 П 體 不待父母之愛乎 丽 即 不甘、樂不樂、居不 之不 人而 喪之,是以敢於 此 ·靈,而 不仁,聽其 抑生而能食甘 而論,予也亦 <del>前</del> 尚 不可 | 猶若 託 後,人 白爲 生於 加 言 一,於 以 安 亩 限 非 安

之而 嗚 嘑 己。 1 爲 有 人子 E 者起,予其能 , 者, 聞 夫子 免於天討 此 言, 尚 乎? 知

子曰 有 博 : 弈 者乎? 飽 食終 日 爲之猶賢乎 無 所 用 已。 心,難 矣哉 不

懼

哉

所用 博 氏 局 日 :「聖人 心之不可爾。」 戲 也。 弈, 圍 非 教 人博弈 棊也。已,止 也, 所以 也 甚 言 無 李

生哉? 覺 靈去其 訓義夫子曰,人之有生也,唯其心之靈 不 面 忘 者,始而 幸免於禍 恤 而 使之不靈? 自貴其身。 難 形之謂 不謂 矣 何 有 哉 以 下 既 是 愚偷生之人,以 世之有 有 死,則 何以忍乎父子君臣 非 以 異 朝 得 我 端 以 形 飽 思之,何以 失之能 之朝 養 失其 食 生之説 終 夕以之夕,生 靈 昧 日 爲 以以 者 於 無 世 措 心 所 所 何 而 此 爲 IIII 漠 容 用 耳 機 以 也。 不 然 B 而 心 爲 可

> 復易。 真 博 業,使心效其 槁、灰之死乎? 以 丽 而 也, 尚 研幾。不猶賢於此之已者,使之爲 弈者乎? 如 可以 死,而 而曾博弈之不若。 人莫悲於心死,而身死次之。 存 不自安也。 誠。 其爲之也,心有所注 靈者,勿 夫彼 心有所營 固自 論已。 夫君子之進 近死之心,莫使 命爲全人,爲天 鄉於正 世不 一,斂 有 而 德 習爲 木之 其 而 尚 妄 修 可

義爲盜。」
爲上。君子有勇而無義爲亂,小人有勇而子路曰:「君子尚勇乎?」子曰:「君子義

無

苔也 也。 勇 尚,上之也。 而 言 也大矣。 1者也。 胡 氏 日 : 子路好勇,故夫子以 君子爲亂,小人 尹 疑此 氏 曰 : 子路初見 義 以 爲盜、皆 爲 孔 此 尚 子 救 時 其 以 則 間 失 其 位

訓義子路初見夫子,其習氣之未除,而問

以

閒,而 其次 其 矣。 持其 明 盗 不 效之而競於廷,小人化之而争於野。 審 勇 敏 固 人心、善 E 「君子 矣。 一件 自 知 有 慎 也,亦未嘗不勇 於爲,於其 小人 也。 此 道 義上焉, 所未安也。 心之制,有時乎出 於 天 非 興 義之安,苟可 周 下而 尚勇乎? 風 其 矣。 不顧 夫君子所 詳 俗者 氣 委曲 之矜。 所 而後以 爲 君子正其身以 分義 也。 不 子曰,君子於其所爲 亂 之中, 也, 爲 盜 F 雖自恃其才之長,而 之正,苟 自 爲 如 因 也 既 而要非以 平 而 其 乎事 殭不息者配 而決於不爲 以 而 入於死生 ? 尚 爲之,亂 自 必不任 勇 之宜,有 可 勇 IE E 之不 乎 (勇爲 前 得 天 下者,豈 圃 自 其 利害之 即 則 之,抑 得 上也 足 志之 君子 此 君 時 亦 也 以 尚 生 子 E 乎 似 而 心

當

作悉。

訐

居竭切

惡偁人 無禮 者之誤,❶如字讀。 者 之惡者, ,惡果敢 而 惡居下流 居、當作凥。 室者。」惡,去聲。 而 訕 訕 所曼切 E 偁,寫从 者, 惡 勇 丽

不孫 日 : 爲 厚之意,下訕 訕 誇 以爲勇者,惡訐 亂 賜 果 毁 也 而 也。 亦 室 有 則妄作,故夫子惡之。 惡 上則 室,不通 乎 以 ?!」「惡徼 無忠敬之心, 爲直者。」徼 也。 偁 以 爲 古堯 悪 勇 智 無 則 切 者, 禮 無 惡 1 則

無不 賢之所惡 心 訐,謂攻發人之陰 惡 也 徼 聖人 一故問 愛,則君子疑若無惡矣。 以 如 下, 馬 此 以質 子 所謂 贛之言 其 私。 物 『唯仁者能 是 故 非。一 也。 刑賞 楊 氏 侯 徼, 子贛之有 惡 氏 日: 因 伺 日 其已著 仁. 詧 也。 也 聖 是 者

0 「誤」,啖柘山房本作「惡」。當是。

訓義

無

心

面

因

子 贛

E

-:

君子

亦有惡乎?」子曰:「有

恤

可

惡

也

有

勇

於

爲

而

其

恣

情

而

無

忌

若

有

口

以

也。

有

居

臣

民

之下

流

m

之,若惟

恐人之無惡

-,

而

一德已成,教之不能多,而 所先見而 心之壞,常 公辨,故 也,故問 所惡之異 美名 子之前 公然 何 快 己 情 訕 不 自 因 以 辨之。 是 意 情 廯 其 而託 生 所 肆 其 樂 非 生 而 禮者 不 一,俗 長 難 日 所 道 是 也 志 於 尤嚴 弑 蜀 快, 之, E 忘 依 何 有 君 成 假 逆 而 而 丽 若 미 附 所 長 得 所 子 子 乎 無 則 聖 託 其 ൬ 不 天 惡 言 自 亦 意 贛 所 尚 人 名 假 不 何 不 而 之,而 也。 將 其 미 情 惡 烏 生 乎 知 下 可 斥 飾 君 言,見其所爲 父亦 認 如 情 貞 遠之,皆以 有 無 欺 也 理 容已也? 死,不念事之安危, 而 (此, 而 ,君父, 1 之宜 出 者,若天 丽 覺 有 而 有發人之隱若訐 亦莫 賜 H 子 於己之上, 亦 有 干 也觀 避 贛 惡 可惡 因 犯 伺 有 其威。 能 日 (知其 詧 間 行 所 則 君 下 長 於今之人情,託於 自 以 其 也 難 日 子 君 同 E 保。 (惡也。 求人之惡,若巡 容 子之所惡,古今之公憤 在 惟己之是,而 而 於 (驕悖之不 而 賜 直 焉 有 君 F 幽 奪 也 者善 勇者 可惡也。 果 一則誅 訟 其 子 不 亦有惡乎? 智者物 夫子既言君 敢 知 然者 權 미 恶 事 於 逐 有鬼 也 可 無 無 已 必 之, 制 所

可改。

此夫子、子贛論

忌

則

X

可

施

吾

裁

制

之

權

唯

夫

道

大德宏,以

爲

猶

知

有

成

誠

有

遠

識

者

君

子

聞

其

在

下

則

而

恶

不

恤

人

之

爲

而

不

通

神

明

不

義

以

行

其

私

而

澆

薄

之習

以

俗

尚

之惡有

不可

容

者

壞,無

所

忌

惲

而

至於君

有惡

乎?

夫子曰

,亂有所

君子之不

能以仁慈忍

惡

邪?

有

偁

人之惡者,

之迹。

哲

土

一

警

微

以

致

託

之私

葢

世

道

人

著

丽

不

爲

愻

則

可

讓

而

任

徼然者,

將

中

異

於

君

子

苟

其

子

之

美好好

以

成

至

前

而

不

所 情徑 論精 俗之薄 其 不可革。 不愻者、訐者,知有智、勇、直之名 惡者,或 無 主 私 以 以 矣, 持 不 行 自 而 可 世教,自可化其僞而 ,危亂之作,皆自 託 無忌憚之小人,則 丽 亦 聖人之與匹夫匹 及 於 君子之所不 夫子之言較爲 與 其 智 徼 1勇與 也,不 直 以 愻 廢 此 自 也 淺易。 機巧雖淺,而 乎? 婦 始 矜其 正之。 計 同 也。 其 也 夫子 能。 乃徼 一,皆 好 ,則有聖 惟 賜之所 惡 贛之 則 夫 以 者、 盲 是 終 風 濟

孫,遠之則怨。」孫,當作悉。 子曰:「唯女子與小人爲難養也,近之則不

妾, 莊 此 小人, 以 亦 涖 謂 之, 僕 慈 隸 以 下 畜 人 之, 也。 則 君 無 子之於 者 之 臣

法,格頑有禮,教不能有恩,皆君子所不難訓義夫子曰,爲人上者,制姦有道,懲惡有

無咎 可戢 藴於 也。 贵 抑 侕 於是以其 使令,必且近之,嚬笑狎而不愻之習漸 使畏我而懷我,難 高,而抑旦 於卑賤 上,上之所養也,而養之難 恩 不 加 乎? 難哉 心矣。 自 甚 也。 唯妾媵之女子與左右之小 不溢 馬 而不知名 遠之而又若近之,怨不忘而 不可 一夕所 近之而 威 權逐 其 近 惟 不 自不妄,庶可 於宫 而 能 也。 義,近於君上 清 又遠之,不愻之餘 遠 無 心 之,一 闡 禍 以其日在吾前 寡 前 欲 患所 矣。 旦失恩, 以 禍 以 無 伏 不 蓋 則妄自 畜臣 待 於 勝防 其 服 於彼 弑 妾 怨 人 不 丽 丽 勞 欲 逆, 成 m 孫 処 尊 安 供 於

去聲。 子曰:「季四十而見惡焉,其終也

思

四 + 勉 成 人及時遷 德之時。 善改 見惡 過 於人, 也 則 止 蘇 於 Æ 此 m

人所惡者,念之哉! 逞,終無朢其譽朢之成矣。季未四十而爲 而 情,則必大違於天理。 大白於天下,未有見惡者。若猶不協於人 果其抱孤心而異習俗,造之已深,心迹自 惡焉,未必非獨行之士也。 四十以前,行畸而未醇,志矯而未正,人或 則人之惡之也,不容辭在己之咎焉。其在 之惡亦不足準也。 訓義夫子曰,天下無公是公非之正,則人 好得之心生,習氣深而 乃我有見惡於人之道 自此以後,志氣衰 無忌憚 至於四十矣, 之志益

七世孫世全半溪謹刊

四書訓義卷十九終

## 四書訓義卷二十 論語卷十八

宋朱熹集註 明衡陽王夫之訓義

## 微子第十八

灣。 不然。 訓義 忍終 舍。 耕,乃天制之,而即爲事理之宜。 容已,而 其仁也,以與 行之於世。此功名之士所以居心,而聖人 此章多記聖賢之出處。凡十一章。 其義也,以君臣之敬共爲吾性之所不 絶之以 以爲有濟世安民之道在 夫子歷 聖人之出 既 託 聘列 獨處,狎耕夫牧豎 斯人並生於天地之間,而不 身於士君子之林,則 也,有至仁焉,有大義焉。 國 一,世 不 能 平己, 用,而 丽 此其意, 仕 同於鳥 栖 加 而 必欲 栖 不 不

> 乎? 而若 見意焉。 易易也。 人固深惜之。世之不道,即抱一長以存先 能自拔於流俗,以全其硜硜之節,固亦足 臣之倫者, 自不足以 衰 大行,若彼高蹈之士,共成一代之良材,尤 而天人效順,多士克生,則使聖人得志 王之禮樂者且長往焉,況其志行皎 與古之逸 古之人有知之者,如 而柳下 而天下無邦,使之終老於艸野, 接興、沮 以此思先王先公作人之良法美意 聖人之心愈切矣,故記者雜敘以 民 不去,皆足彷彿以見聖人之情 IIII 、溺、丈人、忍於忘世 並 傳,故夫子亦 知 殷亡而三仁自靖, 此。 雖然,其 願 教 而 然者 絶君 則聖 人 而 而 而 Œ

微子去之,箕子爲之奴,比干諫而死

箕子、比干,紂諸父。微子見紂無道,去之微、箕,二國名。子,爵也。微子,紂庶兄。

箕子以 以 存宗祀。箕子、比 爲奴,箕子 · 因 佯 干皆諫 狂 而 受辱 対殺 比 干,囚

孔子 B : 殷 有 焉

之仁。」 楊氏 故不咈乎 三人之行 日 . 愛之理,而 不同,而 此三人者,各得 同 有 出 以 於至 其 全 其 本 誠 心 惻 心 之德 故 怛之意, 同 也 調

是夫

紂之賊 者奴 遯 而不立 訓義 也 紂奴之,不 而 論 ൬ 一於野 虐 殷 爲 父 於 事 約約 殷之將亡 不 忍遺其 天下。 師, 己而傷恩,不可留,不可死也,乃 而 其後殷 終 箕子曾欲立之, 紂忌焉。 偁 恤 知 不 之 殷之將 悟 辱 也,紂 日 於時 親,不忍陷 祀賴 焉 危 ,三子之行 微 言 之以 剥 È 比 子爲帝乙之元子,賢 以 喪元良,播棄黎 干 而 諫 存。 則以 其 不 而 君,去國 忍去,佯 不 箕子以 見殺。 去者 同, 微子 而 去, 而 孔 狴 心 懿 老, 不 子 奴 行 恐 m 親

> 子可 惲 棄宗 獻 IIII 於 不 奔 惜 竄之勞,爲奴 或 先 以 斧鑕 E 觀 亦 也 何 之加 焉 至 使 如 三子 此 其 而 無 之惓 不恤 自 道 而 靖 欲 之世,仁 倦乎? 戮 於 獨 心 辱之甚, 善 也,皆 其 者 身, 故 固 於三 以 盡 面 白 如 怒 諫

乎?」曰:「直道 柳 枉 道 下 而事 惠 爲 人,何必去父母之邦? 士 前,三 而 艦。 事 人, 人曰:「 馬往 子 圃 不 未 \_ 可 以去

曰: 枉 謂 士 加 一師,獄 必 道 其 此 之意 辭氣廱容如 以 其 必 官。 有孔子斷之之言,而亡之矣。」 道 則 黜,退也。 丽 有 不 確 此, 乎其 自 可 失 謂和矣。 不 焉 柳下惠 口 者 拔者, 也 然其不能 朏 是則 不去, 胡 所 氏

訓義 降 無有 而 尚 爲 桺 者。 土 惠,魯之公族,當莊 師 其 且 君 \_\_\_\_\_\_ 不知,其 進 而 執 臘 政 、僖之世、賢 忌而不用, 或爲之不

下

平,而 黜 道,而以義之不可逃者爲性之所安,故 言「父母之邦」,則君子之仕,非但 惠之可直而 則魯亦不吾黜 直道也 子未可以 八,焉往 丽 不去,有合於聖人之道焉。 謂之曰,道之不容,天下非 加 去乎? 天下之不能 不三黜乎? 不可枉 也,何必去父母之邦乎? 柳下 ,不易之介也。 容直久矣。 ·惠日 若枉道而事人也 ,吾之三黜,以 無 欲 以此 加 邦 伸 必 也 其 重 事

蓋自 以 之,事見《世家》。 魯三卿,季氏最貴,孟 待孔子也。 以告其 季氏 温 (臣,而 臣 以季、孟之閒待之,則禮亦 ,君待之之禮 然此言必非 孔 子聞之 氏爲 下 極 爾。 卿。 隆 面 語 孔子去 然 孔子。 非 程 所 子

> 去耳。」 子去之。蓋不繫待之輕重,特以不用而至矣。然復曰『吾老矣,不能用也』,故孔

塗 道 閒,大政参焉,禄位亞焉,羈旅之臣 聖人之言進,而公之志衰,乃曰 足大有爲矣,然而夫子欲姑待焉。 此,亦可謂 能一旦盡 孔子之志,欲舉 訓義夫子之不仕於齊也,非聖人之棄齊, 而舉以 有不可多之世 如魯之待季氏 而欲用之矣,乃議 齊自棄也。 飾 可耳,不能用也。 旦夕之功也。 聽,自其宜 以 重矣。 當至齊之時,景公亦若知夫子 任孔子也。 臣,吾有所素任之賢臣,不 而後可 吾國 夫孔子非 也。 所以 而治之,必委國 吾老矣,亦 行其道。 景公日 待孔子者。 其視魯之季、孟 孔子而 欲 不 如 然而 後 且 ,孔子之 能 季氏者, 已而 決於行 因 曰,以 聽 而 吾 陃 泪 或 得 之 加

自言 也。 示 不 能 能 用 用 而必行,固 愐 始行,夫子之於齊 無疑於速。 且 而必 然, 其 面

等人帚女兽,季豆子受之,三沉於魯國乎?

行。歸,如字,或作饋。朝,音潮。齊人歸女樂,季桓子受之,三日不朝,孔子

之道 之出 俟終 矣。 饋 季桓 政 四季,孔子爲魯司寇,攝行 女樂以 事 處,而 日』者與?」 夫子所以 如 子,魯大夫,名斯。 也 此,其簡 沮之。尹氏 折 衷以聖人之行,所以 行也。 賢 棄禮,不足與 范氏 所 曰:「受女樂而 按《史記》,定公十 曰:「此篇記仁賢 謂 相事。 見見 幾 有 而 齊人懼 明 爲 作,不 怠於 可 庸 知

也。 行, 大用 風 乃齊 孔子於魯,由 也 俗美,偁 人 而 懼 外 大治 ,饋女樂以 服 中都、 彊 焉 齊, 以 宰 内 季 閒 而 隨 桓 爲司 沮之,季桓 郈 子之猶 費 寇,未嘗 教 미 子 化 用

> 是而 知不 簡 受焉,非但淫於聲色,其心亦齊人之心也, 者,聖人亦因乎時,而 賢 孔子乃行。 棄禮 可 與 ,明示夫子以 有爲矣。 舍魯何 既受之後,三日不朝, 非 不 敢輕忘魯 適之情 用之情見 不能 也 矣。 不 於

而 楚狂接輿 何德之衰? 道則 接 -德 知尊孔子而 己,止也 接輿,楚人,佯狂 衰 輿 已而! 隱。 歌 也。 而 歌 過 接輿以比孔子,而 面 來 而 往者不 今之從政者殆而! 趣不同者也 其 者可 過 語 車 孔 避 助 前 追,言 子 可諫,來者猶 辭。 世。 也。 i E 殆,危也。 夫子 「鳳 及 鳳, 今 譏其不能 兮! 有道 時 尚 將 口 미 則 適 追。 接 鳳 見, 楚, 輿 隱 兮 蓋 爲 無 故 已 1

辟,當作避。 孔子下,欲與之言。趨而辟之,不得與之言。

孔子下車,蓋欲告之以出處之意。接輿自

以爲是,故不欲聞而避之也。

之外 身於 日 : 之狂 南將 衰? 调 此 訓 中 未 不 用 不 夫 其 甪。 操 晚 隱 其 贵 面 m 者。 戒, 中國 傾 徜 而 獨 之 孔 也 車 住 謂 辱 則 天下 危 徉 隱 行 子 楚 若周 者 前 將及己 有 之心 無 於 以 者 之士 日 日 無 不 日 道 楚 以 自 之 齊 E -П 有 詳 而 以 適 猶 異 於 接 所 無 今之從政 已 諫 諫, 也。 身 見, 謀 者 鳳 興,懷 可 邦, 於 魯 知 其 (世, 而 而 或, 『,皆有 變乎 來 兮 也 凡 則 哉 止 接 己 者猶 ! ? 德 禽 者 必 輿 材 有 知孔 ? 計 己 立 之意 無 而 者 鳳 其將 前 可 可 而 無 丽 可 面 有 與 兮! 聖 用 殆 用 事 及今 子之來,歌 有 追。」謂 盛。 與 一、夫子 之 知 人 之 之 至 而 出 我 幾,而 一調 決 俱 楚 不 可 以 何 世 於一 無 共 衰 也 棄 其 覩 隱 贵 已辱 德 功 道 不 一,楚 尚 也 焉 詞 之 终 不 名 大 去 mi 能 而

> 狂乎? 之,不 接 接 焉,異於晏嬰、季孫 人,是可 知 興則 哉? 輿之所及知 得 唯恐其 取 可 與 裁 已 之言 而 者 也。 有言 不 也 焉。 ė 然 斯 孔 ൬ 此 斯 其 之 子 與 接 以 人固 流 下, 己 爲 輿 異 欲 之所 盛德之 有 南 也, 與 楚 高 (之言 以 趨 固 遠 至 終 而 多 之 識 於 避 畸 非 而

焉。沮,子余切。溺,奴歷切。 長沮、桀溺耦而耕。孔子過之,使子路問津

乎蔡。 二人, 隱者 津,濟 渡 耦 處 並 耕 也 時 孔 子 自 楚 反

長沮 丘 是知津矣。」夫,音扶。 \_ 日 日 一夫 是 執 魯 興 孔 者 丘 與? 爲 平. 誰 臀。 日 子 路 是 日 也。 爲 FL

今下問 執 流 興 知津 執 津 轡 處 故 在 夫 車 子 也 代 之 蓋 也 本 子 路 知 津 御 ൬ 執 數周

問 哉?」 耰 由 日 而 與 : 於 曰:「是魯孔丘之徒 桀 其 滔 湯。 從 滔 而 辟 者 不 桀 天下 輟。「徒與」之「與」,平聲。 人之士也, 溺 曰:「子爲誰 皆是也 與?! 豈 m 若 誰 ?」曰:「爲 從 對 以 易之? 辟 日 滔,土刀切。 世之士 然。 且 仲

滔滔 也。 下 皆 謂 意 。 亦不告以津 孔 流 子。 而 將 不反之意。以, 誰 避 與 ## 處 變易之? 架 溺 自 猶與 謂。 而 汝 也。 櫌, 也 言天 覆 種 避

辟、當作避。

耰

,當作擾,俗譌从耒。

羣,吾: 不 子路行以告。 與易也。」憔,音武。 非 斯人之徒 夫子憮然曰: 與 與,如字。 而 誰 與 ? 鳥獸 天下有道 不 可 與 . 丘 同

E 潔 與 憮然,猶悵然,惜其 爲 哉? 同 天下無道 羣者,斯 天下若已平治 人而 一故欲 已,豈 不喻己 以道易之耳。 則 可 我 絶 意 無 也。 人 用 兆 變易之。 言所 世 程子 以 當 爲

天下而棄之也。」
曰:「聖人有不敢忘天下之心,故其言曰:「聖人有不敢忘天下之心,故其言

必

如

羣,則 也。 所就 羣。 矣。爲君子者,雖 野 而 訓義 避者矣,而猶未忘 樂之遺,野人之所恃 相 夫人未有無與羣者。 生,則皆欲變易之而 棄天下之人羣,而 有辨。 爲治,野人之性固 人不待易 ,斯以 孔子自 故歷聘列 聖人之仁天下無 志 氣 君子,治野 爲仁之 無 楚返,止 而 由 (國,栖栖不舍,有所 易 相 矣。 至 至 必 斯人也。 通 同乎道 以 一然,而 與 無 於蔡,天下已無 人者也。 君子、野 食其 丽 易 而感之 己 道, 當世之君、大 非 也。 時, 獨 前 其 力,安其 行道之造次。 與 行之士 猶 去鳥獸 也 自 故 人,皆人 易君子, 人同 然 聖 非 無 避,猶 衣 桁 與之爲 八身,不 所 夫 不忍 冠禮 不 不 類 也 遠 口 知 有 爲 則 且 丽

若 塗,而 者爲 代 仲 子 問 乎 不止 丘 子 憶 矣。 之野 沮 沮、溺哉? 有二人合 與? 之執 由 於桀 路 其 路 1 日 、桀溺。 人,過 非 誰 也。 以 或 不安 長 實對 吾 溺 輿 知 乃 ?」若知之,若傲之,情見 爲 而 一習聞 沮 津 子 問 徒 耦 面 孔 桀 於丘 曰 : 之 而 桀溺 路曰:「是 乃長 也。 處, 日 V 日 子。 溺 而 其 當 而 「爲 . 於 耕者, 欲用 其 加 「子爲 壑 不 知孔 是 沮 子 輿 於 使子 耕 知 也。 路曰 則知 知 中。 時 孔 世 無無 是 其 繒 子之不 津 子 丘 一,而 也。」亦冀 誰 子 路問 魯 爲 後問之, 矣。」 其 長 路 以 ? 路 隱 孔 爲 自魯之荆 沮 沮 異 御 焉 者, 丘 子 不 用 可 日 於 嘲 日 得 既 之 動 路 : 世之士, : 其知知 而 其 悪 其 鳥 知 乎詞 下,夫 所問 徒 大 「是魯孔 日 桀溺之 習 知其 其 樸 爠 圃 皇皇 與 於 執 爲 欲 孔 野 同 ? 子 爲 動 道 子 輿 爲 羣 長 而 而 久

咎。 果哉 於是 之士, 身,以 以 不 亦 或 是 其 世之君、大夫爲不 而 不 已 言長 日, 息 避避 告 孔 道 知 誰 可 湮 矣,曰 弭。 其 櫌 人有不 没 夫 丘之迷,而子之不覺 丽 可聽吾之治,以古之道變今之俗乎? 知舉 且倀 保 圃 而 而 世 易 爲野人, 而 而 夫子 辱 爾 之楚。 不返。 不 滔 今之天下乎? 不 世 ,子之從孔丘 殆之不至乎? **倀然終老** 胡 輟。 미 可易而避之,避之不已, 滔 之無 曉之 不 避 乎 而 從,乃 不用於楚,更 今世 辭 如水之逝,天下皆是矣。 無 不 可 E 人 不 殊於 而 可避,而 與羣 亦 詐 文 役 夫 無 安 丽 力之習 也,禮 彼 役 鳥 也。 成 先王 미 長征 當世 且 以 似 譵 功。 避 食其 間 也。 以 矣。 且 避 哉 不 治 己 不 避 不 津 不用 何 修 力, 而 教之休 息 子路 無 人 流 M 爲 如 之他 也 能 爲 避 安 以 哉 決 而 於 世 其 中 當 我 是 绺 終 以

非

彼之所知也。

於此

而 見

聖人仁天下之

有

當當

世

之志

,天下亦何用

此

人爲

邪?

是

則

處

m

何

没

没

於道

塗乎?

待有

道

而

始

食、當作

飤

以異於鳥獸者,不在狷急自好之小 心無已,而君子、野人各有其羣,則人之所 節,而

在萬物受治之至仁也

俗譌作荷,非。 「子見夫子乎?」丈人曰:「四體 子路從而 不分,孰爲夫子?」植其杖 後,遇丈人以杖何蓧。 蓧,徒弔切,古作莜。 而 孰,本作 芸。 何 子路問 不 飘。 勤 本即 芸,本作 何字 五穀 日

賴,或作糕,芸乃艸名,俗省譌也 丈人,亦隱者。 蓧,竹器。 分,辨 也。 五

子之列

矣,非斯人之徒爲

與

而

誰

與

乎?

遺

一,而

可爲法於羣黎百姓者

也。

吾既

爲君

立

一萬民者。

猶是與聞《詩》、《書》、禮、樂之

吾之於斯人,有避焉,必有就焉。

旦改之,

哉?

斯人也,猶

是先王所與建邦启土,以

潤

而

已矣。

滔

滔

者

不可羣,

而

鳥

潤

可

同

羣

而

耕

得

飽

丽

止,言

則無文,行

則無禮

鳥

身無

所羣乎?

所羣者野人耳,與之謀

食

忍忘焉

?

人

且

不避,而況於世乎?

若其

日

即

吾徒

也。

夕改之,夕即

吾徒

也。

吾

何

從師遠遊也。 植,立之也。 耘,去艸也

不分,猶言不辨未麥耳,責其不事農業

加

子路拱 而 立

道。

使天下

而

有道

乎,則君自正,臣

一
自
順

惟

其

無

道

也

一, 故

不

忍

其絶於道

,而易

之以

日

天下滔

滔

൬

誰

以易,何以

謂之易哉?

風俗

自淳,

丽

丘

不與易矣。

用則出,不用

止子路 知 其隱者,敬之也 宿 ,殺雞爲黍而 食之,見其二子焉。

路反見之。 明 日,子路 行 至,則行矣。 以 告。 子 日二 隱者也。」使子

穀

滅其迹,亦接輿之意也。
義。而丈人意子路必將復來,故先去之以孔子使子路反見之,蓋欲告之以君臣之

大倫 君 已 子路曰: 一知之矣。」長,讀上聲。 臣之義,如之何其 君子之仕 「不仕 無 也,行 義。 廢之? 亂,當作濁 長幼之節 其義 也。 欲潔其 不 道 之不行 可 身,而亂 廢 也

以 之可 朋 子有 明 於長 甚倨,而子路 子路述夫子之意如此。 福 知道之 以 雖 州 友 有 否,身之去 有 曉 幼之節,固 親 不 不行, 之。 或 潔 信 君 是也。 身 初 臣有 倫,序也。 以 時 益 而 亂 寫 就, 恭,丈人因見其二子焉, 知 義,夫婦 不 仕 倫, 本,「路」下 其不可 可 所 亦自 亦非 廢。 以 人之大倫有五:父 行 蓋丈人之接子路 有不可苟者。 有别,長幼 然謂 廢矣,故因其 志 君臣 義 有「反子」二 以 之義,則 一之義,故 殉 有 禄 序, 也 是 事 雖 所 則

> 字,以 羣,則決性命之情以 返。 否? 不離於道 臣之義,而 也,是以依乎中 仕 此 者爲 爲子路反 范氏 也。」 必以 通 日 故 其 庸者爲難。 一隱 IE 溺 而夫子言之也 一,所以 饕 而 者 富 不 貴。 爲 止 或出 惟 高, 聖 此 不 或 故 人不 與 二者皆惑 處 往 鳥 未 - 廢君 丽 潤 而 知 同 不 是

之出 生焉。 訓義 敬 미 之發於不 義。 而 可 邂逅之際 卷 安其 解 而 裏,而義不行則 皇皇如 故若 忍於棄世者,不知有仁,則愈 而丈人爲賢焉。 (心,則 與爲羣而 以 沮、溺 容已,即天之所 爲 也 賓 率天 行 亦 道 者,無 一主之閒 必與相接,而敬生焉。 此 下以 也 廢 心 容告之以 不 也 此 人與 奉 知 理 不能 秩 一人,不 以 丈人 而 而不 人爲 行 己。 大義 者知 傲 義 奉,而 可 不 得 世 故 也 蔑 所 之 知 君 獨 也 性 道 施 愛 有 V/

故

乎?! 夫子, 子以 矣,故 其二子,少長 之士久矣。 丈人責之日 辨之。 隱 不欲深言, 不 道 也 然 「孰爲 容已 ,不喪其情 者 以 必 行 殺雞爲 意 m 夫子 不行, 乎? 敬感者以 老 以 野 偶 乃問之遽,而 者 農 夫子?」則其 因 告 相 黍 而後 : 矣。 之誼 而 耳 其 其 ௱ 後 而 而 子路 發 責 四 見君 夫 徒 而 食之, 子路. 敬 止子 彬彬 見 子 相 其 X 子 勞勞於道路之無 體 · 唐,此 亦 路 失 而 隱 子 也 不 知 無告 其 獻 路宿,主賓之道 ,遇丈人 欲告之。 之車 問 也 勤 其 於敬老之禮 意 亦 此 可 酬 五 **E** 何 非 中 必 殆 有 觀 之意 語 服,必 心 老農 不復 穀不 有 夫 其 也 子 八以杖 哉 子路 見 有 理 明 存 也 有當 分。」 見 爲 H 留 於時 焉 可 益 疏 荷 當 丈 拱 夫 其 見 追 視 矣。 也 蓧 譏 人 隱 處 及 丈 見 在 世 子 夫 而 而 而 之義 節,不 節,幼 之情 其 天下 之用 施 辭 者

焉

有

立。

其

E

能

居

行矣。 恝然安其所 受統於君、公者, 明之志,非 決於不 述夫子之意 也,吾恐 成 敬 而 在 者,誠 非 使 亦 而 也。 則 贵 可 而 如 仕 是 正 不 不 不 事 其 廢 是 告焉 使 也 其 雖 非 子 미 可 不 未 而 失 不安, 過者 0 而 終 然, 圃 是 報 以 其 以 可 知 不 告其 於 己。 夫 ൬ 以 宜 自 我 廢 傲 也 隱 乃 也。 不 隱 大夫 事 而 誠 長? 桀 養 以 者 子 自 仕 人 而 有 心 非 然 是道 敬 使 路 自 丈 勤 則 曰,丈人之老於 在 不 Ⅲ 所 失 是 自 子 至其 有 鄉 其 人 能感也。 而 不 有 無 其 而 命, 以 也 路 隱 事 自 知 黨 義 所 成 制 心 此 家 反 者 聽 之 然 所 矣。 則 而 有 見 自 推之,君 所 矣。 有 有 爲 以 子 以 耳 而 所不 之, 食 求 然 共 賢 子 敬 長 節 所 丈人 H 其 授之 禮 智 路 之 故 幼 孤 不 效 手 出 安 農 之 足 聰  $\Xi$ 往 恤 志 我 之 於 73

t 四  $\pi$ 

懵於 氣以 也。 心, 豈 爲 姑 天 也 自 行,天實爲 凡以爲仕計者,非褱 可,去之他邦,無君 生我爲君子,則所效爲仕。 凜然 其然哉? 而 乎? 白於天下,以扶大倫而 知之明 辱身 己 下爲汙隆,而 遂 自見之皇然不敢康之志。 廢大 也 度 蓋以義在必行,而 此丈人之自有心 可傲天下之王、侯、君、 世 而 廢之也,以潔身 亦非僅 而 勞 倫 天生我爲 之。 而 猶 無 也。 並 益 虚朢乎 人無能 以此 哀 闇 之周 圃 斯民 於 丈人 ௱ 才而 ? 人,則統之於君。 流乎? 而自失之,而 自度也。 身爲分義。 弔,未可去而姑留。 劈,君子固已知之。 不可任貧賤驕 也,而人之大 之疾苦 日,道不行 此夫子之志所欲 明大義。 欲見、不 公爲 故君子不以 意謂君子之 夫道之不 而 不敢 不 丈人如 · 可 見 此 思 君子豈 可 2矣,何 援之 邦 人之 亢之 倫 與 不 圃 天 亂 處

> 行, 哉? 極至矣哉 於義,而聖人之心且 及於仁,而聖人之心合天下爲 有 人仕止久速之時 可廢大倫,三也。 心 焉,其 也。 蓋聖人之必於仕也 尚 仁之不忍忘世,二也。 喻於義之深, 中,一 人知仕以 通 萬 精義之用 世 有 圃 行道 爲 = 無 心。 理。 而已。 徒 也, 道之 義之不 勤 言 故 四 而 聖 及 欲 體

經傳。 廱,與 逸,遺逸。 泰伯 少連,東 同 民 竄荆 者, 夷 無 蠻 位 者 之偁。 夷逸、朱張 虞仲, 不 即 見 仲

齊與!」子曰:「不降其志,不辱其身,伯夷、叔

行 謂 中 慮,其斯而已矣。」中,去聲 柳 下 惠、 少 連, 降 志 辱身 矣。 言 中 倫

下

事 思 桺 息,三月不懈, 稘 不 慮 下 可 也。 惠,事見上。 考。 中慮,言 然《記 [悲哀,三季憂],則行之中 倫,義理之次第 有 偁 意義 其「善居 合人 喪,三日 心。 也。 少 連 慮, 不

權。中、去聲。居、當作尻。謂:「虞仲、夷逸,隱居放言,身中清,廢中

慮,亦可見矣。

臣,諸 志 其 可 口 孟子曰:「孔 等,此 (立心 以 也 久 不 矦 枉 則 造行則 不得 其 久, 己,雖辱 謝 最 氏 子 友、蓋 可 高 異。 日 口 以 與 :「七人 速 以仕則仕,可以止則 身 己 伯夷、 則 而不 遯 柳 速 # 下惠、 八隱遯 。」所謂 求合,其心 叔齊、天子 離 羣矣,下 少連, 不 無 汙 可 則 -聖人 不 有 雖 無 同 止 得 不 降

> 斷之。」 害義 然清 屑 賢人。」是以 子 於逸民之徒也。 逸民。」 逸,隱居放言, 則 也, 傷 無 而 故言 尹 口 教 不 汙 氏 無 而 能 不 亂 也 孟子 曰:「七人各守 中 權 則言不合先王之法者多矣 口 大 倫,行 楊 倫者殊科。 語 此 而 雄 夷、 所 適 日 能 宜 以 . 惠, 中慮。 常 也 觀 其 適 亦 與 是 乎 其 必以 聖人 以 方 虞仲、 節 可 外 均 孔 則 謂 之士 而 而 7 見 異 孔 夷

之爲 之爲 聘列 若 不終 之憂也。 故 訓義天下之無道 列 夫 國 論古 子 言安也,不 言放 於 也, 逸。 之道, 夫子之志, 則 也 人,而自明 民者,天子諸 不逸。 夫子之終於逸, 放 其 以 也, 丽 身 天 其 心 下 其 加 迹 於 有逸民。 矦 勞 歸 人 同 所 其 老 羣之外 而 始 天 不 於魯、又未嘗 心 心 得 終 下逸 而 異 夫子 不 面 無 焉。 也 之也。 爲 臣 之歷 險 逸。 也。 逸 阻 逸

斯須 所以 下惠 虞仲 黄 視 志 有 自 中 當 虞、夏之外無 身之汙隆 連以孝聞,皆不遠於人,而 少槩見,逸之尤者 而 道 棄 m 、農、虞、夏之道 夫 端之可 ,始終無一 商 不憂其亢 兄讓 爲 而 夷 忍也,其 ,東夷之子 於蠻夷。 避 周之際,則有伯夷、 逸者 約 八、齊 逸者 終 成 苟 之 竄 也。 之於行。 其 ,堅而終 逸尚 志 念之因 而不食武王之粟。 志 而 志 其 也,惡 III 與 有 仲 唯 則 後 矣。 隨 也。 也。 少 伯 身 夫子 降 有 時,不 連。 之, 不 也 夷 以 矣, 人立,惡 夷逸、朱 謂 周之季 視 미 詳 此 兄端 叔 柳 叔 所 夷、 志 惠行 辱 而 論 終 齊 齊, 下 期 者,則 可 於 其 之日,逸民之 論 齊之身 冕 惠、 人言之不能 與 就 也 徽之於言, 義 張 之,逸之高 不 始 身,視聽 君 周之先 ,魯有 行 者 ·仕,此 少 至 而 不降 旲 不不 連, 高, 神 讓 則 事 而 國 其 犀 必 柳 以 無 皆 不 仲 有 而

之不 擬我 之隱 矣。 夫我 矣。 也。 乎人 以 也。 之放也,以 必然也。 其 人 理 矣,所與偕者,不 逸之心。 居 羣 之次 爲 者 終爲 一吾盡 數子 吾 爲逸,自 哉 逸之遠於人者也。 也 其言 而 隱 也。 處 不求 第 ? 僻 物 者,吾 逸民 蓋 誕 所 乎 吾 吾道 Imi IIII 廢 不 俟 不 以 肆 詭合者, 謂 絍 有 我 於 得 行 得 者 也 虞仲、 是 而 前 乎人,非人 何 我之 之必 事 中 哉! 加 不 不 命耳,道 絶 舍污 同 平 而 污 何 切乎 逸之勢 物 焉 惟 不 夷 爲 免 人 問 . 君濁 中 而 天下 斯 逸, 忍 逸 於咎,中 心 世 夫子 事 自 於 而已矣。 之當 之將 逸、 非 哉? 前 非 吾 之 全也。 道 以 其 世之流 志 因 思 不 我 之 能 視惠、連, 必 物 廢 然 異 IIII 吾 敢 於道之權 之倫 慮 存 志 清 不 不不 自言 逸者 然 所 吾 以 矣。 逸之 言 此 也 所 也 能 道 逸 而 能 中 不 理 迥 欲 異 存 我 民 身 所 安 則 近 出 平 彼

舍也,無 也,無可 也。 不 可 所盡者義耳,兆足以 也 以是 而 或 去 或 止 行,不 或久 容

《兔飞,而君子出愿之首尚不感乎? 烏與彼之決於逸者同哉? 天下後世無期我或速,奉吾斯人徒與之志以時進退,而豈

嘑! 此聖人所以爲人倫之至,而仁覆天於逸民,而君子出處之道尚不惑乎? 嗚

下於無窮也。

大師摯適齊。大,音泰。

大師,魯樂官之長。摯,其名也。

亞飯干適楚,三飯繚適蔡,四飯缺適秦。飯,扶

晚反。繚,音了。

亞飯以下,以樂侑食之官。干、繚、缺,皆

名也。

鼓方叔人於河,

鼓,擊鼓者。方叔,名。河,河内。

播鼗武人於漢,

播、摇也。鼗、小鼓。兩旁有耳、持其柄而

摇之,则旁耳還自擊。武,名也。

漢中。

少師陽、擊磬襄入於海。少,去聲。

子所從學琴者。海,海島也。 此記賢人少師,樂官之佐。陽、襄,二人名。襄即孔

章放此。張子曰:「周衰樂廢,夫子自衞之隱遁以附前章,然未必夫子之言也。末

反魯,一嘗治之。其後,伶人賤工識樂之

知散之四方,逾河蹈海以去亂。聖人俄頃正。及魯益衰,三桓僭妄,自大師以下,皆

虚語哉?」 如有用我, 稘月而之助, 功化如此。如有用我, 稘月而

可,豈

禮樂僅存於聲容,乃方修明之,而 伶官,亦賢者輕世肆志之所爲。 侯,而大夫僭亂,不足有 置身於危亂之庭乎? 訓義春秋之季多隱者,自非聖人,亦烏 上無 爲, 久矣。 明 E 然先 下 僭 故 樂 仕 無 王之 亂 於 賢 能

七四九

矣,以 澨 方叔 適秦, 襄。 佐 三飯 也。 浼。 復言樂 有方叔。 賢者樂於 之,鄭聲干之,則亦不忍從其污, 衰,樂淫 師 自 且 伶官 摯。 大 Ī 其 自非 人於河濱 樂之後,六代之雅樂 師 繚 或南 魯爲 遠 也 事 時 、統衆之治而 朔 朝 面 則 四 其司 食君舉 前 之盛 焉 効功,亦冀古道之存,雖 聖人,其忘情於天下也 不可 焉 僭,諸賢不 市 有 飯 去其 知 而 陽。 缺。 武 集焉。 鼙 或 居 天 之荒 以 西焉,去之惟 或 分任 也 人於漢上,陽、襄 下 其 其 節鼓 爲升歌之主者,則有大 如驚,棄其 之無 遠 可 司 而 干 能治也。 其奏,則 磬以 六鼓 也 聖人終 適楚, 則有播鼗武。其 口 且 興, 與 散 閒 而 老 技 修 恐 鎛 有亞飯 而 繚適 分奏之,則 擊則 加 必 丽 明 各 不 魯政 鐘 如 入於海 衰 矣。 去之若 一時 一適,不 之 遠 蔡 忘 則 滴 不 元, 況 缺 也 也 廢 之 齊 H 魯 有

> 怨乎不以。 不隱也 公謂魯公曰: 君子 告之也 乎? 故舊無大故,則不 故夫子惓惓焉,不以其 故隱士者,亦 「君子不 施 非 其 其欲 棄 親 也 不 隱 異 使大 己 無 而 求 而 不 備 欲 臣 得

於一人。」施

,陸氏本作弛

福

本同

周

用。 也。 之與 久而 子之事 魯公,周公子伯禽也。 禽受封之國,周公訓 ? 大 不 大臣非其人則去之,在其 T,忠厚: (故,謂 志 也。 之至 惡 其 逆。 或 也 夫 戒之 李 弛,遺 子 氏 嘗 解。 胡 日 與 氏 棄 位則 門 也。 魯人傳誦 日 四 弟 者 不可 以, 子 皆 此 君 伯 用

文王 厚之 訓義天下不 善成之耳 造就 以 岢 弟 圃 .患無賢,存乎用人者之愛養 以 作 奬 思先王先公之世,其 人於君 人 而 開 子之道者 周 周 公述之 , 何 惻 如 以 哉 怛 忠 興 ?

勸 治, 之人才 勿 官各有守。 之,舊者思 也 興 以言不 所 宗社、佑 職,則有 短於才 有令德以繫生民之朢者。 貽謀者。 本枝之孫子,休戚與共,而皆先王令德之 操督責 一新進者 而 也。 以 ,天下君子之所待以 加 盛 不 魯公就 親親賢賢 能 聽、道不從爲怨,腹心之赳 舊學之儒, 也 勳 我 之術 勿以疏 者 0 勿進 庸 可 臣 用 亦 輔 前 録 民 封 ",多其 違 勉 弼 刻 可使各著其 丽 者 其 閒之而廢之,公姓之振振 於魯、舉以 新 也。 之大臣 並 或成乎過, 同 也 (才,則 溥 者 員 之謀 功之士 行 亦 君 圃 成 是 勉 而 子以 有 有 互 節取 心膂所託 也 勿以賤閒 不相悖,爲 丽 績 廢 一奏其 韶之日, 君子之道 此 然非 道 相 也。 人。 人各有能 之,勿終置 丽 口 與 成, 任法者 赳 以 育 任 有 師 前 奠 大 君 功 天 能 非 而 所 爲 故 我 者 其 以 子 下 或 必 而

> 以 依 過,交勸 盛 也, 施之後 面 而 後 以 世 世 相 改 成。 丽 其 賢 道以之于名、 或 良 弗絶,斯 有與 7 也, 周 法 初之 民 有 則 督 所 與

者隱矣。

周 夏、季隨、季騙。 所立 數君子者,亦皆一世之高 之歎 意。 乳而生八子也,然不 或日 有八士:伯達、伯适、仲突、仲忽、 人之道,以 於接輿、沮、溺、丈人,又每 仁、逸民、師摯、八士,既皆稱贊而 記善人之多也。」 ~,蓋亦 成正 贵 皆衰世之志也,其所感者深矣。 止於此 時 如此。 裁 人,或 其 騧,占華切。 而 所 已哉? E 過 宣 愚按: 可考矣。 而 E 勉 則 适,本作适 + 時 其 無閒然矣,其 有惓惓接 此 人。 所不及, 若使得 篇 孔 今俗 蓋 張 叔夜、 品品 子 子 列之。 別調 引之 於三 聞 則 在 B 母 其 聖 餘 陳 刀 叔

訓義人才之盛,作人者之休養之也。仁以

乳而 仲忽, 家,一 不虚 适 隨 者,有叔夜又有叔夏,夜且不媿爲夏之兄, 無 始 以 之德,實 夏且允乎爲夜之弟也。 者之生不可勝紀。 澤生其時者異焉。 佑之,和氣充而善 此人之感於上而起也。 育之,而人 而 而 而 處之,而 以異於達 乳日 愈著 佑 又有季騧,隨 生,而八子者,又皆周 家 突且如達 則先 而八士産 有以 伯,有伯達而又有伯适,适之賢 也 嚮 人喻 也 乎仁, 王先公親 燕皇天而 嗚嘑! 於義, 丽 繼 以承 於一母,一母而 氣集,故以 而 尤異者,八士而集於 忽 周之作人盛矣,於是賢 無 仲 如 果 無傲 豈非 達 親 其 矣,有仲突而 昌 而人之所助,天必 适 於忘世者焉。 尊 而 生爲 一其後。 也。 多士之選也。 上孤立者焉。 賢 天 無 先王先 哉? 赤, 騙 季者,有季 乃其 恤 乃當 八子 故 公之 爲 又有 掄 加 以 四 其 天 叔 終 義 才

> 則聚數姓之子講治法於一堂,而 不見知於人而不尤人,不見佑於天而不怨 而聖人之栖栖不舍,以盡至仁,明大義,則 不行於齊、魯哉? 四方,何怪乎田野之多賢,而 盛,天不 意誠深矣。 天,斯其爲 可期 不可及與 而 期,其生也不爽。 道之不行,已知之矣。 記者雜著之篇,其 聖人之道終 且散而之 及其 衰,

七世孫世全半溪謹

四書訓義卷二十終

刊

# 四書訓義卷二十一 論語卷十九

宋朱熹集註 明衡陽王夫之訓義

### 子張第十九

焉。 自曾 此篇 谐記 凡二十五章。 字 蓋 以 孔 下 門 弟子之言,而 自 篤實 . 顔子以一 無若子夏。 下, 子 夏 穎 悟 爲 故特記之詳 多,子 莫若子贛 贛 次

言者異 訓義 簡 聖至,而非學者之所易 雖皆 於聖學之本爲 圃 知本 原 孔子没,弟子分教 本 子夏近於執矣而務實。 曾子之言,皆中 於聖人之道,而 獨 深 焉。 於四 體 子 也。 心惻怛 所得 贛 方, 見 子斿之言過 者 道 而 殊, 明 之發也 各 學者 故故 則 説 循 知 所

> 序而 之,良有以哉 張氏之爲 不可及愈見矣。 進 一焉,其 儒, 意 尚求之子夏 遠 觀 而言 於子張之言, 傲 忽, 而無 故 失乎? 同 丽 學者輕 曾 子之 子

喪思哀,其可已矣。」子張曰:「士見危致命,見得思義,祭思敬,

士能 身之大節,一有不 致命,謂 如 此 委 則 致其命,猶言授命 庶乎其 至, 口 矣。 則餘 無 足觀。 也。 四 者立 故言

之託 授命 於不 未至 於取,不敢輕取,決然以 而足 無 訓 義 以 必 以 自 一而凜乎若有所持,恐其 於君親,不 而 子張 自 時 然之學乎? 見 命爲 乎危,方危 日 也 ,學者急於謀心,勤於學古, 士。 自吾言之,事 自有 過此 之時 也 誠使爲 義自度,惟義之爲 以 毅 於貨利之至 往,亦奚必 事 求 士者,受家國 然以 物當 其 可, 死 前 自 用 適 而 而 盡 疑 心 可 Ħ 境

期 以 之盡 我 取 爲 以 辭 、之盡 之, 受, 存 傑 人 事 然而 孝 子 鬼 而 非吾 不 ,思致 存,古不 也 誠 神,思致其 荷 也。 自命爲士已矣,無 所 得 如是,名節立矣,大 其哀,使 知 也 於居喪也,念不哀則 期合 也 敬 於 而 其 嗚 戚 則 合。 嘑 祭 戚 肅 也 遽 肅 미 可 蘧,人皆謂 雝 此 念 已 加 倫盡 雝 子 不 矣。 不 人 張 Ė 非 敬 矣, 心不 皆 所 而 所 則 以 以 深 口 我 知 無

焉 子 能 張 爲亡 日 ?」篤,當作管。 執德不 弘, 信 上 道 讀 不 作 篤 無 焉 能 爲 有

堂堂

而

未仁

也

之不 有 所 篤 得 丽 則 守之太狹, 道 廢 焉 則 能 德 爲 孤。 有 Ė, 有 猶 所 言 聞 不 而 足 信

爲輕

重

於天 訓 印 貴 下, 也 子 張 其 德者 日, 没 也 土 所 名 以 口 傳 道 執 於 德 者 後 自 也。 世 命 其 面 天 下 後 存 之待 道 也 德 功 德 見 爲

亡矣。 没世 充之以 道 得 言仁 歸 能 不 不 不 無 心,審而 木 無 者 面 大 恃 也。 矣。 必 爲 思 所 我 不 無 慕之 信信 詳 以 也 丽 無 疑 , 道 可 如 窮, 名 爲 信 篤 其 記 欲 乎? 汎 審 -後 乃爲天下之至尊。 道 不 無 者 爲 不稱焉 而 可 者 譍 於 執 其 (動,而 主一 篤 不 所 與 誌 也。 有 信 宜 稱 而 於德言慎,於道言擇 重矣。 往 而 、共功名之宗主。 行誼 之,所以驗其 定之理,信 無於天 道 皆著 者 加 自 而 也。 前 吾有道 不自任焉 道 恒 處 不 於不 其美,德斯 夫然, 不篤 甚哉,子 見 也 存 不 下 者 高 德 衰。 功 而 之於 於 弘 德 德 以 德 未仁之實 名 如 萬 德 於 則 焉 居 不 乃 侈 也 其 張之不 事 L, 其 執 其無 窮 能 是襲 於 爲 弘 懷 面 萬 矣。 德 吾 有 爲 物 無 疑 而 天 牛 而 物 也, 也 有 也 取 常 足 F 信 莫 下 理 非 恐 成 不 道 能 之 心 師 與 其 焉 而 之 擴 所 功

容衆 之「與」,平聲 所不容? 歫人也?」 與,俗寫从才作拒,非,寫从足,亦誤。 此之。<br />
二子張曰:「異 何?」對曰:「子夏曰:「可者與之,其不 子夏之門人問交於子張。子張 京嘉善 我之不賢與,人將歫 而 矜 不能 子子吾 我之大賢 所聞: 我,如之何 E. 君子尊賢 與, 「子夏 於 人 賢 口 與 其 何 者 ITT 云

亦所當 故亦所當絶。 子夏之言迫狹,子張譏之是也。 亦有過高之獘。 遠。 學者不可不詧。 不賢 蓋 固 大賢 不 可 雖 以 無 歫 所 不容 人,然損 但其 所言 然大 友

之説, 親,而 爲甚。 訓 子夏之門人問 實初學之楷則。 七十子之徒,異同分立,而子夏、子張 學之者必至於失己。 而 子夏之過,過於執也,而爲己之切 不 滿於子夏, 交友之道於子張。 子張修君子之度,物見與 ,則學 學者喜聞子張 術 自 此 易於言 裂 矣。

而子張 所聞 若有 乎 焉。 也。 是 但 子張 而 抑有可焉 在其 德者容 之,其不可者岠之。」嚴矣哉,子夏之言 失以折之焉。 之訓,而 交者,夫人浮動之意氣類然。不安於子夏 有不可 以 在 心, 於夫子者異於是。 所 尊賢而嘉善,則 君子於德之賢者尊之 君子之道 不 日 云可者,其 焉 必 . 日,夫子夏何 足,蓋憚 而謂 冀自遂之説於子張,門人之妄也 子 而 ,才之善者 距乎? 而 即 即 夏云 其不足以 必 對曰:「子夏曰:「可者 無 自居,而 於寡 無 歫 妨 門 何?」亦預 乎? 於與乎? 云不可者 不 嘉 既 人未 所 與, 미 之而 可 交天下也,將 聞 夫出 使人 以 而後信 抑 人情之類然也。 審 而 圃 收 能 審 問 云 門而交天下 戴 有子夏之説 衆人之未有 覽 之 知其必 一然哉 馬 己爲君子 不 其 天下之豪 可乎? 逮 而述之 ? 者矜 不可 求 吾 與 其

其人雖 人也? 之能, 乎? 之也。 傑,而 無亦 矣。 雖至 可 子 進 而 内 所 子之言 量大也。 一,而 聞 以 夏之志 不 度之己亦有不賢者與,則既 降 不可 輕 盡 至於人 於君子者如 見吾 己之大賢與,則大賢者以德大也,以 徐 而復爲落落 不可, 合 志從人,以 且子夏之輕 觀之,子夏之言 言 是以 視 者 擴吾覆載之量而 歫 則 其 道之尊。 世之物情, 、
此我, 亦 IE. 吾所聞於君子者,言容言矜, 改 面 矣,可 異 結 既 否 是,未 納 哉,子夏之言乎 欲 而我何以自達 免於孤 不近人之色,人將 以 言 之以 容衆 交於君 不可之涇 爲 歫 聞 而見吾 也, 合 歫,固過於 成 人欲交我 陋,如之何 而 離 天下胥愛敬 其道之隆。 亦嘗内度之己 子, 可可 矜 無 量之弘。 不 渭 則姑與其 於 也 才智先 能 1 不 邦 加 隘 得 合二 其 則 然 家 歫 我 矣。 焉, 不 歫 我 人 如 歫 吾 抑 而

子

泥,是以 夏 其大賢 其陷 尤恐其 分, 言 與 在 也 殉 如 臣民、柔遠 歫 物而 小人 其 E ൬ 日 而朋 則 二 雖 亦 溺。 不 可 君子不爲 失己。 賢 有 (爲損 爲徒,而 以容言 與,則氣味 未爲 友人倫 人或歫 刑賞之殊,在 也,正宜親 小 人之道,而 也。 道,必有可 過 學者終當以子夏爲 也。 則納 終見 也。 之重不容輕,且 若子張之所聞 我,自守愈不得不嚴 自 擯於有 垢 子 有 不 非 藏污 張 道 與 下 所論 觀者焉。 侈 則 匪 ௱ 道。 ्र गा 名 遠 有 人 於 乃乃君 譽 邪 交道 不 面 交友。 道 則子 IE 肖 E 相 圃 致遠 未 一之辨。 得,故 廢 無 夏之 以 子 至者 馭 恐 H 防 友

楊氏 明 小道,如 矣,故君子不爲 而 曰:「百家衆技 不 能 農 相 圃 通 醫卜之屬。 也 非 無 猶耳 可 觀 泥, Ė 也, 不通 鼻, 致 遠 皆 也 則 有 泥 所

哉 理無 哉? 其道 訓義 道 偶合而終 而 之可觀者、吾未嘗爲之、不知其泥焉 於此也。乃君子之所爲,豈但侈 可 章 也。 惟 涯之歲月,有盡 亦嘗偁天時,驗人事,辯物理,粲然而若 心 親,是 確 力以 目 以 有 矣。 君子之大道擬之,恐 不得,欲其致遠 惑 子 但 行之天下而 實 所 然 以 夏 爲之,乃終以 於一 求之行, 以人樂爲之,謂 而 不 倡其 違,在所必然者。 可 日 若 暇 夫人之 觀 時之觀,而 可 教者,小有 而 之心 據,必 偂 而 論 情皆 有 不 而無 思,而 志 雖 德 爲 所 有 可 不 於 小 目 不 不求 天下之理且 可 所阻 7才而 其 通,行之終 道 立 有 屑。 是以 任大任 觀 乎,而 小 爲, 圃 其 誠 者 滯 務精 伸 行不 豈 可行之實 矣。 君 也。 而 欲 耳目之觀 而 無 以 亦 爲 子 不 成 否也。 其説 大 身 之 能 行 以 今此 不 惟 成 難 詘 外 m 遠 有 而 其 成 平 則 博 殫

好學也已矣。」亡,讀作無。 子夏日 不 口 . 也。 日日 擇 知其 桁 者尚 (所亡, 無 月 爲 好,當作 無 觀 美 忘 政 所 其 惑 所 平 能 미 謂

學者日新而不失。」 亡,無也,謂己之所未有。 尹氏曰:「好

功,而 之以 有其 篤 則益之日 之,而今之所知,昨之所未知 訓義子夏曰,學者之於學 也 不 聰明之日生 益 前之已能不忘之於今,道不可 恃 之服膺而 ,能行之即 非便習之已熟 漸。 (功,有 其 其功可 有 進 由 所 其 不失者有然。 而 其 知 也,乃求知之功 功則必有其 行之,未能行 見 不已者有然。 小推 而 也。 遂置 也,乃必 其大,由 有學者於此 其 餘。 益。 也 其能 之而 能 不閒 其 以 道 之志 其 有 離而信之必 以 淺 月計 日 嘗 其 能 其 無 以以 志之, 於 推 知 不 月 心 益 窮 日, 也,非 之, 其 無 日 考其 則 懈 丽 於 忘 則 而 知 必

情 面 經月,不自 不 如 生 是 乎 德 ? 成 謂 學 已 面 能 道 者 廣 而 以 見 此 庶 無 自 不 餘 考,玩 虚 味 所學哉 也 日 憩 非 月 好 之 學

中 子 夏 下之道 矣? 矣。」篤,當作賞,厚也。篤,馬 氏 不篤 自 仁 几 在 而 其 熟故 者 篤 也 曰 皆 : 中 則 : 志 學 了。又 然從 學問 矣。」又 不能 百仁 博 博 者 切 學 學 要 〇日:「 問 思 力 事 在其 而 而 思 行 日 辨之事 而 於 篤 志 得 : 此 近 中 學不 志 之。 不 近近 切問 思, 矣。 篤 則 耳 切 思者 博 了 心 行 問 何 近 則 未及乎 遲頓也。 則 不 此 以 思 而 程 大 以 外 不能守 在己 近 言 子 便 m 類 馳 思 1 Ė 音同 是 力行 無 而 ]者,則 一、仁在 「博 在 徹 成 推 而 約, 義 其 E 所 而 别 蘇 1 徹 中 學 存 爲 其 汎

訓 而 義 無 失 子 也 夏 道 必其 德 期 咸 於 備 而 而 能 至 純 矣,心 也。 今且 必 其 使 存 間

遠

思

則

勞

丽

無

功

方,不 終身 志,切 其 其 旁馳 焉 思吾 以 所問 也。 所 欲 爲 學者從 信情 博 要諸 繋而 雜 切 用 於 在 之、篤之、切之、近之之中 吾學問之氣。 焉,心之專於所 之所以 而 切 敢 而 問 此 或 實,志之篤 以吾身體 事 修言 所 則 所 極 而 失也? 於致 學、 加 散見 思 不 近 體 中 吾敢 之量 殉 思, 其 所 心 於 知 之 (學問 而 問 而 虚言 之安仁 之途,疑 名 蓋 以 而 理 則 驗 事者 學 象,志 近守 所 無 也 之實 即 其 存養 固 思、 忘, 知 存亡。 此 也 在 利 其 博 而 未 所 加 則 M 其 以 行 以 心 仁之爲體 足 使此 志 引 厲 博 中 則 而 即 者, 盡 矣。 以 焉 之 博 存。 而 則 此 圃 其 求 以 中 學 與 心 不 無 近之以 丽 之無 故 以 純 暇 仁. 所 而 於 於於 之 利 於 博 切 ,學, 篤 仁 固

其 子 道。」 夏 日 居 當作 百 Τ. 居 肆 以 成 其事 君 子 學 以

致

肆,則 其義 其道 肆, 於學,可 奪於外誘 謂 也 遷 官 不知 於 府 白 而 異 造 工居 志 所 物 作 不 務哉?」愚按:二説相須, 之處。 而業 肆,必務成 篤 不 尹氏 · 精。 致, E .: 極 其 君子不學,則 也。 事。 學 所 工不 君子之 以 居 致

始備

己。 肆, 倣 焉以 也。 也。 也。 訓義 有 此思之,君子之汲汲 體道之實功,而 其當 古人之 朝斯 負 學 以 夫百 夫學何爲 子夏日 行 何 此 爲不居肆 夕斯 之道,不 迹 爲 居乎? 工之居肆 以 也 竭 學 ? 自 哉? 其 者侈言道 其力 而 表異爲 非侈 至焉,必求 夫 求至於道之心,亦 爲之也 何爲 君子之學,亦 以 於學 而 誦 道 治 君 也? 習之博 何 百物 丽 不專,則 不 子 疏 由 容已 致 也。 於學, 致 者 以 也。 也, 哉? 者 成 以 如 方 何 其 未 非 其 口 則 而 人 是 容 各 墓 非 而 忽 居 事 知 以 篤 無

> 道 心: 作,月有省,瞬 學 後道可集於吾心而行焉皆得也。不然,慕 定己之志而 無 而 而復吾性之知能 無求道之功,何足以爲君子 以 盡 道之用 静 其 有 、神明。 而 養, 通其 也,必 息 有 則 變化,抑 存,以 其 無 於學 不 乎? 盡 遇 非 也 古 學 也 人 日 無 於 有 以 而

子夏曰:「小人之過也必文。 欺,故必文以 文,飾之也。 重其 小人憚於改過, 過。 而不憚於自

之後。 足以 則文其惡以爲美。 始。 詧,用情之已甚,而 矣。故不辨之於方過之日 訓義子夏日,人之有過也, 自信其心之無他,不難白於天下 若小人,則已 行之,不欲見 雖君子豈能 過矣,而才足 短於天下, 無過 過 而帝王之刑 成矣。 哉? 而 而 惟既 而 人品 事 驗之於既 以 賞,聖人之 且 · 而 幾之不易 不 飾之,威 過之後 定 與爲 改馬 於 更 调 斯

行 神 下之愚賤 而無忌。 變,皆可 而 竊 故觀人者於其 屈 之以 其 是非之公論 爲 名。 惟其文也, 過而考其始終 ,小人乃以 罔天 肆

温,聽其言也厲。」温,當作品。

小

人無所讎

其

之確。 意於變,蓋 則不厲, 儼然者,貌之莊 而栗然。」 惟孔子全之。」謝氏 程子曰:「他 並行 而 昷者,色之和 不相悖 人儼 也, 然則 日: 如良 一此 不 厲 玉 温 者 非 温 潤 有 温 辭

子有三 君子而 道 訓義子夏因久侍於夫子, 君子者之情變,而見君子之變焉。 盛,乃言曰,侍 也。 變 三者道 抑知君 也 其 本不 子之有 君 自 子 圃 持 也,其 知 恒 圃 君子 也。 君子 ៣ 深 與 之莫 盛矣哉 領其 備 人也,其 美焉 測 其自 德容之 也 持 明 侍 見 君

> 與哉 不敢 乎? 我情 也。 其接 子莊 矣,而見君子者三易其情,殆君子有三 不覺華衮斧戊之不相貸也。 頃,方懷難近之疑,而 而 然之中有 之自無所假借,色昷 也,在容 其辭氣 也。 不服其 人 君 敬 則得 子 也 日 貌。 發乎音響矣。 即之之後,方有可 昷 和 以 彊 見君子者,生其 人教,其 焉。 平 顔 容貌者, 舉 内 色。 動 其 積 八爲益 自 與與 明道也,於是有 而 顔色者,即 形 不覺暄 朢之可 弘多 言則厲 物咸 君子正論不 其 (敬,領 威 真 觀之樂, 使之易親,儼 君子德 風 見 重,儼然 也。 無 者 和 之乃形 其和 行 日之多 聖之之 也 SH 言 而 容 而 聽 變 備 者 不 而 又 君

子夏日 厲 信,謂 己 也。 . 誠意惻 「君子信 信 而 後諫 怛 而 而後勞其民,未 一、未信 人信之也。 ,則以 爲謗己 厲, 信, 猶 則 也 病 以爲 也

之道 厲 果有 民,自 信 以 與 之矣,而 無因 我 則 其 訓義 事上 m 圃 分之所宜、事之當豫之道 八道之 己,而 更始也 不 甚 貽 諫 爲之者勤苦, 則 也。 之, 危亡之誠, m 可以不求信於人。 難 子 不忍愚賤之怠荒 使下,皆必 擇乎 惟 自 足 乎人之信之也。 夏 始於怨者卒於叛,不 後勞也。 其 而 反之於心 日, 便之計 以 其諫 所可 未可恃 無以自信於 相 君 服 其不 誠 勞 子 而 君 意交孚, 如其不然,則令之者逸 絶 夫君之爲失、我之爲 坦然大白 而 出 加 也,自因乎君過之必 ,果有不敢令吾 ·以爲 無 勞之,而 侍 而 以 心也。 姑 胎 求信於人,而人不 其 酬 人 名釣 也。 厲 後 即 心 酢 而 己哉 於民,而 之足 乎君 後 悔之情,而 不易信己 得 未可 故君子之勞 反之於心 直之志, 口 曰 以有爲。 民, 以 · 恃其爲 一君過 小 相 民 民信 前 感 皎 舉 得 諫 難 爲 絶 子夏曰:

以結 而 君子淡泊 怒者終於誅,不 非,其不以 其不然,則君 然可告於君,而 朝一夕之故哉 發念必真,斯以 其 民 清靖 以 爲 明志,正 謗 共 方 得 自 敬 己 君 E 哉 見 畏 獲 信之矣, 大以 庸主 上 以 爲 是, 治 事 以 難與 其 民 立 而 而 F 躬,深仁 而 謗 我 深言 後 志 Ē, 積 必 諫 行 誠 矯 也。 也 而 焉, 厚澤 有 始 之 爲 岢 故 於 如

之君子 以止 大德、 訓義 日 : 小 己,忠孝可 責 之於動 節 子夏 「此章之言,不能 物之出人。 雖 小德、猶言大節 Ė 或未盡 見 履 曰,觀人者 以格鬼神 之微, 疵 焉 合理, 言人能先立乎其 失 而 之也 有 無獎。 曲 小小 亦 而言行 謹 不 無 多矣。 節 之士 必 害 學者詳之。 求 也。 無 閑 進 備之道 偶 夫德 而 大者,則 闌 然之尤 也 心盛於 吴氏 志義 焉。 所

「大德不踰閑

小德出

可

也

大義 夏謹守之士,自不作放達語 可」之「可」。 舍之辯 許之可矣。 取 天理民彝當然之則,無有踰也。 於 悔 於閑之外,而言不足法,行不 綱 與,片語之從違,或人於閑之中,亦 贵 缺 常名教之大,信之心 不 也 然,多得之於僞士矣。 貴 哉? 必欲求全焉,則飾 如此看 可可 而 也」總承上。 未 ,此章語 易以 而 槩 施之行 足 便 此 論 忠飾 「可」乃「許 則 則一介之 知 無 也。 焉,則 獘。 人者取 信 者, 或 如 子 亦 出 皆 其 而

作艸。

卒,宜作碎。

進 子 也 皆 何 别。 ? 游 退 日 埽,从土。 洒當 則 如 可 「子夏之門人小子,當 作灑, 當 矣。 寫以 也 讀 音 扌 抑末 山 與 非。 吏切,洒 義皆 也,本之 别 當作 也 音 先 噟 禮 讀 切 則 洒 如 滌 無。 埽、 證 切 也 應 以言對 音與義 如之 對、

矣。 子 斿 然此 譏 子 小學之末耳 夏 弟 子 ,於威 ,推其本,如《大學》 儀 容節 之 閒 則 可

> 以 道 者,其惟 子夏聞 別矣。 ,孰先傳焉? IE 心 誠 之,日 聖人乎 君子之道 意 之事 !」孰,本作飘。 孰 噫 則 ,焉 後倦焉? 1 無 言斿 有 可 誣 過 也 倦,本作 矣! 譬諸 ? 有

草木,

品

始

有

卒

草、當

君子

之

後教 此? 艸木 爲後 教 爲 曰:「君子教人有序,先傳以 語之,則 淺深,不問其生熟,而 子之道,非以 倦,如誨 然,豈 以遠 之有大小 加 以大者遠者。 若夫 大 倦 是 人不 可責之門人小 教。 也。」又曰:「 始終 誣 之 其末爲先而傳之,非 倦之倦。 ,其類 但學者 本 而 末 己。 非 固 先傳 所 槩以高且遠 有 灑 以 區,猶 君子之道 至, 子乎? 别 負 埽 以 矣。 譍 之, 自 小者 近 類 對 有 小 則 若不 也。 近 淺 者 以 便 惟 豈 而 深 是 其 言 量 程 聖 雾 後 可 形 其 本 子 而 君 如 如

本末。 然,必 本便 便可 意 對 譍 而 章文意 末,不可 獨。」又曰 而 心,實相 一,只 對 漸 E 在 者, 進 到 與 有 看 聖 此 不 其分 最爲 精 分本 表裏,非謂 所以 所 理 也 : 人 義 口 以 「聖人之道,更 事。」 無 雖 人神 詳盡 厭 然。」又曰: 末爲兩段事。 然 大小故 殊 末 如 |愚按: ,其後 貫通 而 ៣ 何。 末 求 理 即 也。 本。 只一 則 是本, 四 又 程 白 條, 日 無 子 故 灑埽 蓋 理 第 灑 精 君 皆 學者 但 與 凡 粗、從 埽 子只在 學其 以 第 雖 譍 條 譍 明 物 當 對 濯 説 條 對 精 末 循 是 有 灑 埽 之 序 粗 此 其 本 鹰 埽 謹 m

之以 節文度 外無 心 訓 於 義 誠 典 事 小學之教,皆事 數有當 禮 ,試之以 養 之以從容 而 外 然之 事 誘 即 不 軌 前 所 得 也。 則, 以 面 涵 納之於道 Ŧ 而持之以 面 泳 事 乎 則 外 天則 極 無 乎 也。 敬、蒞 道 使, 聖 游 其 神 道

當其灑 將 理,固 何以 之榮末也,夫 之,道盛於中,則 子斿之言,則末自 埽 子日困於儀文,而於此茫然矣。 情,達乎天理,而 夏教之,所習者 人小子, 豈皆 爲二,始卒爲差,則其末未能達於 固 爲 加 功化之大,無不在此出入服習之中。 命 己。 益 末之本,道 一,而道 立小子之本而使之致於道 有 對 也。 序 子族、子夏皆有見於此, 埽 進 也 子斿 步 不 退 無 趨 更 譍 不 不 譏子 一端。 末 對 口 有 二致,而 止 有 禮自 立乎形象之先者 矣,而 爲 使聞 法 也 一是,所見者 本 末 夏之教 末 乎 不 進 則 者 而 道 本 ? 愆 本 可 退 者 即本之末,本者 不生於本, 末之不可 於外。 矣。 行 也, 生乎 乎? 日 乎 子 亦止是 執 吾 其 抑 也 而歧本 性, 一門人 事 夏 此 不 從 中 m 有 以 貫之 本 夫 灑 發 發 自 之門 事 知 而 也。 節 自 如 其 平 見 思 7 末 有

其唯 矣,而 人以上 業而 孰以其 以厚 之何 材質 之折子 即 當立志嚮學之初而 舉其本而與之言哉? 勞、學者之業難就 造小子,而 爲 又一區也,自然之別也。君子至德要道之 末不 本 與 也 先 M 聖 朢 而 焉 未至 可 近 ,譬諸艸木,夭喬者一區,而 者尟,而聞 傳 可 人 非 學者,而使之大成,心固無 可 小而 焉 以達本,此子斿之過也。 末 急求於本也? 乎? 誣 以序教之之道也。 者言之,聞 之可 ? 也? 噫! (教者易以成功、學者易以卒 孰以其 小子之不 通。 言即 言斿過矣! 若夫舉其 而 即 後倦 有 則 深遠 解者 ൬ 而以學者之資,中 會 立 不 幸 能 馬 通造 一本以 無 而教者之心已 喻 面 ? 聖 始 也。 夫君子之道 一,明 成焉,待他 極之理者, 即 將 則豈不 是非所以 治末, 知其卒, 以 乃子夏 萌茁 人之有 已也。 爲 誣 願 如 而

> 子夏曰:「仕 有卒。 餘。 當其 優,有餘力也。 貫之旨,微曾子而 卒,而學者當其始 若今日傳末 日 而仕 而爲二,亦猶之乎子斿之見也。 有序是已。 丽 不事者 然仕 ,則所以驗其學者益 語之、未晚矣。 其卒也有異於始,則 一、必先 而學,則所以資其仕 而優則學,學而優則仕 然以爲先後始碎之必有異教 而 他日 仕 有 無 可不 以 與 傳本,聖人有始 子夏之言,教有等、學 可 (學,理 杰 與言 圖 其 廣 其 事 與 司 本 卒,是始之外 者 而 间 外有末,歧 益 後 事 於乎此 可及 異。 而 即 其 學 有 故

者。 仕之事 訓義 雖然,人之志力,一 行其所以學之道。 必其力之沛然有餘 子夏 ,進思盡忠,退 日 ,學者學其 則專, 理 思 相 可 ",而君 補 通 雜則 以 過 則 仕 民 有 兩 之 事 無 不 廢。 不 理 形 遑 一,仕者 相 仕有 帰 朝 勢 勺

有益 典,乃以委贄 禁之患,乃以 而 必其業之純 而 志以行。 不 於仕 志 知 而 新 孰 無 行 燕處而 而宣力於國 無越 無 ൬ 所 閒 廢。 日 益, 思, 而 求益於《詩》、《書》,斯 學必盡學之功,温故 朝 有 而 廷 不 家, 道 有旁求敷奏之 暇 미 斯 外求 兼 不負 盡 者 · 所學 仕 者

子 略細微 斿 其 致 愚 按 極其 易 曰:「喪致乎哀而止。」 也 之类。 寧 哀,不 而止」二字,亦微 戚,不若禮 尚 學者詳之。 文飾 常 也。 足 有過於高 而 楊氏 哀 有 日 餘 0 喪 遠 之意。」 侕 簡 與

其

尚

念之哉

廬之度 以 訓義 之儀焉、爲之虞、祔之典焉、爲之食 節焉,爲之斂、襚之制焉,爲之朝、夕、朔奠 人子之喪親, 子斿曰,先王之於喪也,爲之擗、 焉,爲之苴 哀至 麻、 而 無 冠、屨之服 可 加,求 以 焉。 粥、 盡 踊 其 凡 居 之

求益也。極乎哀,非極乎文也。哀不足而文,非子也。哀已致,而子之心己盡,非以必至者而已。由此思之,則哀不致而爲之

子張行過高,而少誠實惻怛之意。子族曰:「吾友張也,爲難能也,然而未仁。」

文有餘,吾不知之矣。

之於其 傳也。 講。 遜其 非 之也不遠,操之也即存,馴 焉,歎之惜之,而 訓義子張氏 務爲人之所 博,其量弘,豈 所安,則非 : 劈爲 故聖門之知本而 才之有 所難者之得 故子斿曰,學至於仁 動 發, 其性之所固 難 餘 之學,務 難 矣。 不 爲 能 可 恐天下之以 者 以 然 與與 與 外 自 抑 而 存 也 體道者深有 近名 有。 難 情 仁乎? 復 能 之 而 馴 吾 而 身 於其 立異,吾黨 友 而 而 是爲 而 世 存 難 張 養之無閒 之際 非 加 心 静 也 矣,乃求 其 聖 之實 所 所 不 無 心之 爲 其 道 足 惻 亦 者 知 >

怛 之誠 未有 得也。 事已 功 雖 就 爲 之餘 難能 無常存之主 ,又奚益哉? 其於

曾子曰:「堂堂乎張 堂堂,容貌之盛。 而爲仁,亦不能有 也, 言其 以輔人之仁也。 難與 務 外自 並爲仁矣。」 高 不 可 范氏 輔

寧外 與其 曰:「子張外有 不 爲 ·足而 内有餘 子曰: 餘 而 ,庶可以爲仁矣。」 『剛、毅、木、訥 内不足,故門人皆不 近 仁。

之門,將有 以 以静 A. 張也,卓立於衆人之上而 訓義曾子曰 不 日 廣大之規而 蕩,氣以 相 相 規 勸 養 前 い,則 於 僞 矜, 功 , 君子以 士 與並 能 成其志行,欲與 無 亂 如 前 益 真 爲 而 以傷性者, 或致 友輔仁。 滋 而交益 損 旁馳 見其 矣。 以誠 矣。 於名 並 風 自張始也。 吾恐夫子 爲仁 儀, 堂堂 相孚, 1利,心 自 .標 平

曾子曰

一吾聞諸

夫子:

人未有自致者也

小必

友

能

目

之

何

哉

也親喪乎 致, 盡 其極也。 1 蓋人之真情所

尹

氏

티 :

親

喪固

所

自

盡

也

於此

不能

自

?

喪也。 餘,此 道焉。 情以見 不自知 訓義 自容,惟此 生 有不 不用 一致而 勉 朋友之際皆然。然以類推之,以 諸夫子,人以心推誠 者, 而 敢 後 曾子之言,皆本乎中心之惻 其 何 親 昊天之下,惟 性 誠 ,忘勞、忘困、忘 若夫自致者,不待推致 盡 更無不 自信之心焉,誠之至 心乎? 也。 猶 ,惡乎 ,其自得 刻。 有 與俱生而 致也。 内不 用 必也親 謂之爲子道之當然而 其 也深矣。 前 誠 此 失己,而 不期然而 二人。 生、忘 不得 喪乎? 求 誠乎物 矣。 與俱 IIII 没世 死 偁 圃 必 然,已然而 丽 物 與 但, 死 理求之, 偁 理 必致也。 日 以 之不 生而 不 者,親 吾聞 夫子, 念其 施之 加 不 俱 即

夫人 特 得,謂之爲孝子之用 非 汎 而 於用 誠 爲 情 人子 而輕於 乎, 心 則 致命 而 必 有 更不忍聞 者之所 此 知 情 耳 焉 其 名。 丽

曾子 미 能 也 Ė: 也。 「吾聞諸夫子: 其 不改父之臣與父之政,是難 孟 莊子之孝也 了其他

能

獻 爲 故 孟. 難 子 莊 其 有賢 子,魯大夫,名速。 他 孝 行 德 雖 偂 有 莊子能 미 偁, 用其 而 其父獻子,名蔑。 皆 不若此 臣,守其 事之 政

也。 於家者,與其任爲家老、列 生而 矣,而允矣其爲孝也。 親之一心。吾聞 孝,不輕矣。 訓義曾子日 其於父之殁,凡父之宣力於國、施 事之,殁 ,孝,難言矣。 而喪之,人以 前 所 諸夫子,孟 贊 爲孝 乃就其孝而 者, 爲 爲 夫子之偁 羣 難 莊 惟 而 有 子 此 :司者 以 皆 不 論之, 孝名 人以 可 忍 治 能 志

> 其 際,立 而 言,愴然深 則 乎,豈法 興 中,而無爲 夫子之言 病者百至, 仍其故而無改,是難能也。 ()故 聰 極矣,豈世之所未孝者託於幹蠱而 有視其家之利 明者所能乎? 法 恒 盡 久 乘 功名志業之説 痛而 則天下 而 無 丽 此 競功名者多塗,然而不改焉 未 可 以 不忍聞。 議 能 爲 病若敝 無不是之父母, 無 而 更 敝, 野 嗚 始 無遺 屣,而 嘑 之 舊 所惑哉 孝子之心,至是 ! 圖 臣 蓋 賢 老 爲人子 新 平? 聞 獻 故 丽 自 子 相 更化之 新 言 者 雖 自 承 動 進 聞 見 利 賢 者 之 於

孟氏 勿喜。」散,當作 上失其道,民散 使陽 膚爲 桝 士師, 久矣。 問 如得其情,則 於曾子。 曾 哀 子 矜而 E

陽 膚,曾子弟子。 民散,謂情義乖離,不相

0 未」,啖柘山房本作「謂」。 當是。

教之無 則 維 陷 於 素。 謝 不 氏 知 故 日 也。 : 其 犯 民 故 法 > 得 也 散 其 非 也 情 迫 以 於 則 使 不 之 哀 得 無 矜 道 丽

陽膚 所 情 不 情 可 士 之死 忍。 明, 訓義 勿 而 全人,則枉 能 師 如 不 實 而 爲之哉? 而 者積 忍 盲 哉 爲 無道之世 I 得 何 而 讒頑不革 之, 者 師之官在 言 者 而 姦宄 女得 者 也。 伸 矣。 道 是 而 也! 而 而 日懸 間 則 服 之,則 土 故亂世之士師 伸 既 實 刑, 又 於 則 執 師 邪 不 曾子 有 夫民 用 法。 之職,決獄 斯 ,而執 然矣。 爲之 傷 爲 快。 刑 可 之則 之爲 心 以 有道之世,治 謂 一快。 之 曾子 鳴 法 威之,殺 之 士 利 憾 惡 嘑 以 偁 師 惟 不 於 日 也 致 不 得 職 欲 前 允,得 可 刑 爲 矣。 此 曲 爾 人 何 曲 爲 ( )則人 則 IE 者 而 所 而 且 教 法 巾 不 利 吾 之 其 莫 修 爲 以 非

之用 枉。 矣,度 修兄 能 親 師 異 惡 於 井 下,喜於詧之明 教 士 上 老 利 縱 弛 失 飲 有 離 産 相 以 者 師者鉤 儒 之,不 其 戒。 弟 Ļ, ,而況井 射 聯 有異教,而 養 夫亦念民之何以 非 其 皆 道 之誼 而 而 相 至 所 上 國之中 考其相 幼 即 不 朝 自曲 此 民 耦 得 使 以 廢 有 里? 一夕之故也。 貧 而 丽 之 已 酒 育 疑 其 況 交得。 慘 而 而 然 ·, 争 任之 m 奪相害之實,按法而 直者 貳, 民 食之歡,制之於婚 頑 益 焉 法之正焉,則 也 誅 民 聚 愚? 彊 志 競 而父兄 至於 愚 之,而 亦未嘗 IIII 競 丽 矣。 於 有教民之道,合之 古 丽 不散 力。 有 財,於 各游其 者 此 面 餘 忍 師 有 哀之矜之,不 家之中, 衆叛 極 於是曲 直 如當得 喜 長 則 養 也 仁 是 家有 也。 乎? 志,於是 可 善 民 ? 父子 人君 姻 决 之道 相 情之 主而 政 不 而 者 而 也 獎 衰 容 故 子 爲 曲

莫可 仁所 之心矣。 日 爾爾 發見 如 且爲士師,是縣一傷心之憾於前, 何 者 者 酷 也 吏 也 前 興 嗚 而 衰 嘘 自喜,人且 世 之 民 此曾子之至孝深 咸 並 喜焉,殺運 育於曾 子 而

君子惡 子 贛 去聲讀。 居 . 「紂之不善,不 下流,天下 居,當作凥 之惡皆 如 是之甚 歸 焉。」「惡居」之 也。 是以

其何從止

乎?

下流 身有污賤之實,亦惡名之所聚 之地,非 此,欲人常自警省,不可一置其身於 ,地形卑下之處,衆流 謂 紂 本 ·無罪 而虚 被惡名 之所 也。 歸。 也 子贛 不 喻人 善 言

之所 訓義 不自 百姓之 之災,善者之所鑒 追 慎 子 所 於 贛 流 所 讀 傳。 約 商 居 之不善,遂如是之甚矣。 哉? 紂之事 史策之所 也。 武 而 王之 由紂 有 記 感焉,日 所 録,因 而 觀 申 罪 之,人可 乎周 一,不善 因 平 夫 人

> 天下。 然獨立 之。 天子? 者必先 縦欲 爲池 惡如霄壤之不相近, 紂 善惡分途,在人之自立而 與交者必正人,所樂聞 好爲已甚之言者有 或有是人、有是事,或無其人、無 亦猶 是以君子之自信,必不爲惡矣。 ? 丽 一於衆人之上,則 王 有無可欲者,用 不然,即 是 炮烙 肉 之教,所遠 人 安 也 可 也 ,未必如 不至 何 爲 以 林 是説,而 於 則風 嫌 不 ? 公紂,而 是之甚 威而 善 者 者 惡胜歲? 朝 己。 範立 即 必 在 涉 恶 正言,所 疑 有非以 不 恥 者 約 而 也 至,而早 辱或及之, 似之迹,卓 何 者 可爲法於 其 舉 蓋 以 酒 事 威者, 誦 天 不 丽 安 丽 避 下 與 説 所 歸 而

也,人皆見之。更也,人皆仰之。」子贛曰:「君子之過也,如日月之食焉:過

見君子。其志之高而心之明也,一日月訓義子贛曰,君子不能無過,而過正可以

焉矣。 見其 大公至正之情垂之萬世,豈 其 不揜 所隱 之食也。 矣。 不避其名,而天下皆知其實,一日月之共 君子之過也。 也 (忒矣。君子自用 日月之更仰 ,惟其有忒於心也 食 也。 乃數 也。 私 人之過,或 時勢不偶 有 如 不 人之過 參差 繋, 日月之食,而 夫誠 其 而 (光也。 有 圃 無 如是, 也, 其常,天下且忘其 ,而守常或至於變者 知 運 欲 一,如日月之食,初非 之至, 名節 而 行 於過 而其 何隱 或 不 能 不 不 以 耳 過也有 纍,而 避者, 知, 偉 乎? 觀 決 哉 君子 惟 以 終 殊 日 君 其 無 ,而 荷 身 子 有 異 月 過

音潮。衛公孫朝問於子贛曰:「仲尼焉學?」朝,

爲

君子,無容於過求免

也

公孫朝,衞大夫。

子贛曰:「文、武之道、未墜於地,在人。賢

之道 者識 其大者,不賢 焉。 夫 子 焉 者 不 識 學? 其 小者,莫不 而 亦 ·有 何 文、 武 師

之有?!

記之者。識、記也。

問之禮樂文章,皆是也。在人,言人有能文、武之道,謂文王、武王之謨訓功烈與凡

斯以 詧, 而 能 訓義聖人之德,本 守一家之説,專己保 官物曲之數。 法之昭垂,立 秘授之心傳,得之以 致,憤樂終身,無不與德心合契。 懋者,亦會通於往聖之微言,而窮 而具 審 矣。 成聖學之大也。 知 上睿之姿,隨 此理,而 天下 爲綱紀,散見爲文章,以 則 何 不待於學。 惟不 非學 其性之至 感 、殘以 爲妙 厭 衞 也 而 不倦之學,勤 皆 公孫朝以夫子之 ,聖人何 曲 悟之宗。 即 通 成其是者之所 純 其故。 其聖修之日 至 弗學 粹 亦 況 天 者 人之 尤非 非 於問 盡 在 也 道 有 生

不可易 墜矣。 學者 野 農 由 盡 也 列 備 紀 夫 乎 子所 子 間 博 川則 焉。 國 制 子自有以 Ť 贛 ,人心之所不 ,是子所疑於夫子之博聞 於子 忘者也。 綜 弗能 之所 師 疑 物 日 賢 度文 文、武之精意,以 、豈其 理,參 意 夫 其大者,以 而道 , 夫子之所 贛 者 圃 有 遵,典 日 願, 識 章、宰萬 食舊德者有 本建 所從學 妄行,小儒繁言 冥合之。 遽墜 之矣。 酌 仲 則 古今, 容昧 尼 籍 不 於不 於地 以 焉 立 賢者 湮 而能者,其 物 其 則 爲 綱 所 而 可 乎? 以 圃 承 從學 小 夫子 識 陳 疑 士焉,服 拔、文、武 亦 役 其 者, 天 其 紀 之矣。 校 人 因 羣 而 者未易知 以 而 子孫不能守, 有所授之也 爲 聞 廢 王 而 破 動 天 紹前 精 文、武之道 君 俗 見 能 先 道, 道 訂 乃斯 子 之 其 由 官 且 爾乎? 靐 疑 王者 者 修 之必 是 所 立 道 民 者 也 言 於 其 人 爲 有 不 道 具 mi

聖,而 大。 深於 子何 全,乃 擇善 不求精 功 絶 賢 即 師 質 朝 子聖不自聖,而 文、武之道 之, 夫苟 者 议 知 焉 文 廟,行 聖 學也。 知聖 棄 其 有 多 而 夫子之所以 曲 贵 信 則專家之學,據所知以 事。 符 識 耳。 於 智 土小儒 不 留 其 其 與! 此 合仁義之如 之聖功、焉 而 愚 師 所 意 原 語 集千聖之學以 哉? 焉不學,則焉不知, 乎? 成 説 存 於天地 野 焉 其 一家之言 以聲人心通之大智,致 求 也。 皆 賢 而 希 生知,知 鳴 以 於堯、舜者,非賢以 不詳,惟 冥 自 學者 可 嘑 民 不學 悟 此 有 物 鳴 丽 也。 | 擇 者乎? 於當 聞 之情 也,而 也 爲學, 此 廢學問 不求詳 ! 焉 而 子 若 蔽古今之 世 有 理 而 贛之 所 以 是 而 知 見, 者, 不 未 則 思 以 聖學 爲 以 其 耳。 莫 至 異 理 所 有 論 人 而 生 之 於 於 乃 大 常 其 其 未 以 定 惟 非 夫 夫

七七

叔孫武叔語大夫於朝,曰:「子贛賢於

仲尼。」

武叔、魯大夫、名州仇。

賜之牆也及肩,窺見室家之好。子服景伯以告子贛。子贛曰:「譬之宫牆,

牆卑室淺。

· 夫子之牆數仞,不得其門而入,不見宗廟之

美、百官之富。

七尺曰仞。不入其門,則不見其中之所

有,言牆高而宫廣也。

也。 者未易 下,而不 訓義聖人之道,宰 中之無有矣。 而 測 其 與天 前 迥 H 、下同 高 子贛仕於魯、衞 流俗 者 萬 固 其 術 功利之表,以 物 爲 IIII 凡 者 近之 二,其 無遺 高 ,制彊齊,卻 者, 所 明 疑 逐易 也。 其 疑疑 廣 其 大 天 大

乎? 於流 之小有所樹立於當時,而 以相 肩者耳。 以外之人,所見亦殊焉。 高 者,則自 俗 區,限人以不可至者也。 焉,宫則有 足疑哉? 亦無以折之也。 贛 句吴,功名著焉。 室異而 日,子贛賢 明 雜 有 俗,而 逮 廣大與卑近之殊,久矣。 處 以 子服景伯以告子贛,知其説之非,而 宫異,宫異 致之矣,而 而 爲 則 雖爲人之踐 吾且 無 牆焉。 室家 於仲尼。 與人情相近也,其譬諸 境, 别 者 有 爲子譬之,今夫室 子贛曰,叔孫氏之言,奚 而 叔孫 好, 牆也者,人與 惡足以 無 但 取快 履 牆 人得 與 武叔語大夫於朝 所 亦異,必相 者 人 去功 以賜 擬之於人,與 不及, 一時之人心,子 也。 測 以 M 夫子之所至 之不 可 名之士不遠 窺之矣 循 其能 望矣。 己 而 牆 能 相 則 牆之 耳 而 偁 自 自 有 隔 有 爲 也。 及 之 賜 拔 牆 乃 牆 流 官 口

門,而 測 大 情 則 官 者 於牆 德爵 者 高 何 以 物 紀 知 大道爲公之 之富 者 疑 得 而 乎? 必 分 相 之 其宗廟之美以 也 則 焉? 迷 其 委任 求 化之原,合 必 示 欲 門 其 如 (門者 以 也 辯 能 窮 勿 此。 則 以 人 亦 論 證 一之專 高 嗚 賜 其 謂 矣。 口 企 不 或寡矣。 道 志, ,芒然昧 若夫子 嘘 賜 觀 H 而 概 難 有 之賢 處 於 天道 力 ! 朢之,喜 學之者 超 見 得 輔 幽 猶 今世 以窺 流 矣。 百 道不高 也, 治 得 弼之功 俗 也,不亦宜 事 而 若叔 然 E 鬼 門 一, 臨 之, 無 之 絶 自 冀 有 而 雖 神 而 及 思 求 中, 畫 然, 循 深舉 V 者必不大, 快 朢 孫 危 而 肩 人 可, 慮 者莫 源 萬 氏 崖 明 而 而 也。 聖 者 之迹。 行 之漸, 時 世 乎 見 思 修 功 而 與 之出 有肇修之 能 之卑 之耳 解 禮 之 無 返 不 亦 人 測 紛 極 求 譬 以 其 何 得 用 未 面 而 大大 成, 耳 也 目 有 能 子 藏 觸 由 其 之 之 百

謂

不

自

知

其

分

量

也 尼 叔 絶 自 不 子 無 孫 曰 其 仲 絶 陵 以 贛 可 武 何傷 尼,日 於 爲 毁 深知之,蓋 叔 日月, 7,猶言 孔 也 毁 於 子。 仲 月也, 日 他 尼 喻其 月 無用 多 人 乎? 亦 無 之 子 不 與 至 爲 賢 得 贛 以 祇 高。 此。 多見 者 ൬ 及肩之牆自 日 同 丘 丘 踰 : 自絶 其 土 適 馬。 高 不 陵 無 也。 知 也 以 日 人雖 謂 量 不知 丘 爲 限 以 猶 彻 也 與 謗 欲 大 可 1 量 毁 阜 仲 自 踰

之意 心。 訓義 留 是 夫 尼 面 君 毁 而 好 自 子之 天下 者,以枉人心之是 惡 自 暴, 天 , 喻之曰 近 伸 下 在 所 乎 不 人之理,無 自 所必斥。 関 ? 知 絶 也 叔孫 聖, 於 吾 病 聖人,而 願 氏 叔 而子贛 其 逞 不 之爲 孫 非, 其 存 在 武 聖人 清 狂 此 叔 君 而 有 夜 其 自 而 毁 子 不 僅 面 常 不 仲 無 忍其 將 自 存 尼 在 情言之, 絶 天下, 之心, 覺 人之 抑 陷 逆天 也。 仲

毀者誣 焉,必 傷? 妄心起,欲 天,此 上,而 未亡, 喪。 不 也,毁之者 之常也。 之,則人 或 人之才力不能 貫千聖者也 中而不附 人之賢,雖 息 有 其 明 口 天自 猶 且自 不 仲尼之 是 王 毁 何傷 可 能 在 若仲 不 者 乎 以 授 自 自 自 地 高 貽 也 作 焉 爲 地 乎 之中, 之 通 絶 絶 也 違 云 盡 尼, 非 運 窮其 ? 以 天載 ",循 也 耳。 踰 天 雖 故 毁 人之思 非 之矣。 之咎 萬 則 幸 仲尼 然而 終 行 以五尺之軀 丘 能, 世 雖 非 以 賢 逃 日月矣,出 古 乎 陵 之人 欲 能 冒 非 終欲 而 慮 天之上 無 雖 也。 則 自 羣 謂 仲 聖 絶 不能 何 有 奮 天 生, 絶, 之 心 也 Ш 尼 自 毁 思 班 處 理 誅 蓋 不 及其 邪 絶 一而直 之於 使 踰 而 文 人 踸 私 而 迷 卑 可 ? 也 欲 乎 昭 日 人 踔 欲 H 而 而 毁 知, 度 極 地 地 乃 月 迷 月 麗 祕 面 直 則 人 垂 也 者 之 於 之 者 夌 他 未 何 而 越 盡 而 道 心 面

> 心之 之見 嘗 子 此 自 也 贛 胎 也 度 厚 不 地 使 以 仲 是可 忘情 也 無窮之咎矣。 何 知 尼 等,則 量 之 関 於妄 焉, 異 爲 也。 端端 仲 媿 俛 興 人, 尼, 吾 發 而 而 願 而 於 念己之 乃 而 聖 戒 叔 心 不 自 道 之 孫 自 而 度 毁, 如 志 氏 機 量 其 終 此、君子 之自恤 制 趣 爲 而 以 於 何 何 竟 自 口 如 如 也。 賊 用 不 至 己 人

可不懼哉!

陳 子 禽 謂 子 贛 日 : 子 爲 恭 也 仲 尼 豈 賢 於

子乎?

爲

恭,

謂

爲

恭

敬

推

愻

其

師

也

言 子 不可 贛 日 「君子一 不 慎 也 言 以 爲 智,一言 以 爲 不

責子禽不謹言。

夫子之不可及也 印 階 梯也。 階而 升 也。 大 可 一由天 爲 也,化不 之不 可 可 階 爲 丽 也 升 故 也 Ē

不

哀。 行,綏之斯來 夫子之得 如之何 邦家 其可及也?」道,去聲 動 者 之 所謂 斯 和 立之斯 其生也 立, 榮 等其 道之 死 世 斯

影響。 及也 也。 下 夫子之得 稱聖人語 如 之妙,神速 鼓舞之也。 而 行,從也。 立之,謂植 進 與天地 喪考妣。 蓋 於 不 人 不 離 邦 雖見其變化,而莫窺其 ,乃知晚季進德,蓋 同 口 如此。 綏,安 其 程子 於聖,而 家者,其 流者也。」 和,所謂 知之之神矣,此 生也。 日 也。 榮,謂莫不尊親。 有 鼓 於變 道,引也, 「此聖人之神化,上 來, 不 舞 謝氏 可知者存焉 時 羣 歸 動 廱,言其 附 極於高遠也 殆 曰:「觀子 捷 也 謂教之也 難 所 以 以 如 哀, 動 思 變化 桴 勉 聖 鼓 贛 則 噟 謂

訓義 陳子 有 其德者 亦 猶 必 叔 有 孫州仇 其 (才,有 之 其 見 、功者必 也。 謂 有 子

乎? 乎? 其效。 形 能。 但不 子之故 思 爲不智矣。 子之分際,而任意 懲其口之妄, 日, 子欲 **豈賢於子乎**? 子之德,不易爲子告也。 非定,人以 則言之所繫大矣。 口 窮,功立而不可 象 學 以 求得 敢與較賢哉? 非不 而 面 夫君 而日,賜之賢於夫子。 有 加 以此論之,子之尊仲 至 其 能 ,而夫子又迥 矣,窮學以求 致 爲智矣。 子之言,人取 愚不可教者也,言其可以不 高 也, 夫子不 其 明。 尊敬也。 ·揜,仲尼之終老而無成也, 子贛姑舍其心之迷, 亦嘗 子非 欲庶幾企及之而終 以言,其 一言而 附 絶 可 似 見可 若夫· 於君 Œ 真 乎涯 及 而 焉 有 加 也 私 尼 以 遠 思 謂 夫子 才著 見 子之列 量 妄行, 者, 我視之,豈 矣哉 丽 無 於 亦嘗 丽 得 言 又超 傷 我 以 而 有 馬, 見 於 與 乎 不 師 其 而 而 ? 爲 慎 以 是 智 夫 薄 口 弟 廣 夫 極

道未行 適也。 其所自 升高 家而 之聖,不繫於邦家之得不 大。 哀 徧 生 於淵衷, 之斯行」,言民生之不能 面 有語聖人功化之極者,曰「立之斯立」,言 修文德於堂上 民生之不能自 利之, 於 也榮」,言天下 動之斯和」,言聖 而 然則 論 四 而 斯 則使 '`,疑其 覺者而覺之, 不 海 日 而 無柔無彊 人 夫子之教, 可 「綏之斯來 也。 心 民 以 其 、於當世之未見德 志潛多, 理之同 一,而聞 彊 升天 日 得焉,又何易爲 向祭, 固 「其 前 也、聖人因 也。 賜 風 人 」,言聖 無 無 生各 死也哀」,言 自 思附, 之學 神 智 而 自 13 子亦 生戀 得。 聖人 化 無 明達 不 自 皆 人 愚,而 所 無 遂 順 慕 獨 其 焉 面 德 也, 擬議 無疆之休, 感 遠 也。 階 也 以 也。 所 耳。 如 意 弗 也 不 聖人因 夫 性 運 自 以 曰「道 届 所 曰 夫子 期 化 各自 .利者 夫子 得 子 可 敷, 也 於 其 之 機 古 邦 以

> 所以 之偁聖也 尚存諸 知,吾不能勥子以 成,一名之就,如之何其可及也? Ŷ 得 聖, 邦 賜 意想之外, 家 也,一 則終未易與 如 我 此、蓋其 言之中 儀 圖 知,而 而 之, 流俗言 所 無 七 世 得 輕 髣 殆 孫 者深, 事 於 髴於形容 有 也 世 之達,一 言 如 全半 哉 斯 而 溪 子所 所 聖人之 謹 者,子 功之 子 謂 刊 贛 者 不

乎

而

訓義卷二十一終

四 書

## 四書訓義卷二十二 論語卷二十

宋朱熹集註 明衡陽王夫之訓義

簡、當作簡。

### 堯日第二十

凡三章。

執其中。 堯 日 一答 四 ! 海 困窮,天禄永終。」爾,當作介。 爾 舜 天之曆 數 在 爾 躬,允

古用歷字,後人改从日。 此堯命舜,而禪以帝位之辭。 咨,嗟歎聲。

後 曆數,帝王相繼之次弟,猶歲時節氣之先 也。 允,信也。 中者,無過不 及之名。

舜 亦以 命 禹。

四

海

之人困

窮

則

君禄亦永絶矣,戒之也。

舜 後 愻 位於禹,亦以此辭命之。今見於

> 躬有罪 帝 日 虞書•大禹謨》,比此加詳。 有罪不敢赦。 「予小子履,敢 無 以萬方。 用 帝 萬方有罪, 臣 玄牡,敢昭 不 蔽,

簡

在

帝

心

朕

告於皇皇后

罪在朕躬。」

敢蔽。 於責人之意。 致,民有罪,實君所爲,見其厚於責己、薄 命而伐桀之辭 不敢赦。而天下賢人,皆上帝之臣,己不 黑,未變其禮也。 當有「湯」字。 告諸矣也。 此引《商書·湯誥》之辭。 簡在帝心,惟帝所命。 與《書》文大同 此其告諸侯之辭 履,蓋湯名。 也。 簡, 閱也。 又言君 小異。 蓋湯既 有 用玄牡 言桀 此述其 也。 罪 非 一旦上 有罪,己 放架 夏 初 民 請 尚 所 丽

周 有大齊,善人是富

此 大資於四海。 以下述武 王事。 見《 《周書 齊,予也。 • 武成》篇。 武王 一克商,

せせせ

其所富者,皆善人也。《詩序》云「齊,所以

「雖有周親,不如仁人。百姓有過,在錫予善人」,蓋本於此。

一人。」「雖有周親,不如仁人。百姓有過,在予

謹權量,審法度,修廢官,四方之政行焉。也。言紂至親雖多,不如周家之多仁人。」此《周書‧泰誓》之辭。孔氏曰:「周,至此《周書‧泰誓》之辭。

權、稱錘也。量、斗斛也。法度、禮樂、制

度皆是也。

舉逸民,謂釋箕子之囚,復商容之位。三興滅繼絶,謂封黄帝、堯、舜、夏、商之後。興滅國,繼絶世,舉逸民,天下之民歸心焉。

所重。民、食、喪、祭。 者皆人心之所欲也。

寬則得衆,信則民任焉,敏則有功,公則説。《武成》曰:「重民五教,惟食、喪、祭。」所重。民、食、喪、祭。

言,而其徒傳守之,以 相承之次,皆此意也。」 意,與夫施諸政事者,以明聖學之所傳者, 終篇,具載 也。 此於武王之事無 一於是而已,所以著明二十篇之大旨也。 孟子》於終篇,亦歷敍堯、舜、湯、文、孔子 楊 氏 堯、舜咨命之言,湯、武 日  $\sim$ 所 見、恐或汎言帝 論 語》之書,皆聖 明斯道者也。 誓 Ŧ 故 師之 人 一之道 於 微

民立 天心,其要已。 聖學之與王道無二致焉。 書史之舊文與其論治理者,著之篇,以 之休,而天下猶足以 者以治,失其 隆,以垂萬世。故帝、王不復作,而得其 訓義古今之天下,一帝王之所維持,而爲 三王之成,論定其道法,而原其德之所由 極者也。 (理者 周衰,王道息,夫子集 而天心之去留存乎民志 以 亂。 後世雖 記者述夫子 有 天 下者,上合 不 睹 )所偁 聖 爲 意

之民 懼以臨 得其執之宜,中也。 發,動而 禪舜,命之曰,咨! 一天禄 之盛德授受天下,而 一、不可 有 ,必見爲 之繼天而立 而 之極、驗之帝、王、無非 理徵數,承天 志之從違因 違德, 也 無負 有傳於後也,自唐、虞之際始。 夫子嘗以 之如 其 損 不失其静之正,理欲之辨,擇 木 於天者,無 不可 永 mj 情· 窮 此,此非百王不易之道法,一 終乎? 萬幾 因 平主 寬、信、 有不可重、不可 易而 民 之矣。 統 極 皆失 一術,主 而授 信 爾 也、必有執焉。 負 允執之,而 敏、 미 舜 其 用之焉。 於 四 民 不 民 公爲 是 -術之純 海 理,受之者 民 戒 心 (時,在 道 也。 安之,然且 哉 吾以人知天, 去 也。 天德 輕, 加 無 事有 雜根 不然, 爾 天命 負 喜 以 帝道之 Ŧ 躬 堯之 | 怒之 於 四 所 於 而 不 道 矣。 聖 執 戒 不 天 口 海 自 會  $\pm$ 告,敢 異矣。 禹,其 猶是 皆由 也。 四 以 興 白 精 者

益

者

以

爾

盛

歸

心。

民

矣。

子履,未知天命之所集, 夏桀不仁,而征 行,敷九疇 之教乎 背即天命之去留,無殊旨焉。 之命舜焉。 海,不 天之予我而我 喜乎? 王不易之心 也。 此 不 而擇之、一 以今之往有所致討 用特件 本天命、申 也。 能 而 容 湯之伐夏告天以 有異道 違 解 故禹 嚴之於人心、道心之幾,詳 措 嗣 也 ·之禮 也。 四 是 法乎? 而執之之功,而 誅之事起,所以 以 百 乎? 主 而 載 一 昭 告 承 定 載 家天下者,道久則衰, 術、念民情 觀 有夏之牲 之天下於久安長 九 虞、 舜不 載 丽 州 於皇皇上帝 焉 任在子 夏之 觀之商 自 迪民者 審三正, 飭 違 顧 則 修 至哉, 者, 也, 際 菲躬,旁 有 有天下者 民情 前 湯 日 所錫 南 亦 舜 嗣 無 予小 而 執 之 舜 미 其 郊 如 治 念 繒 之 堯 命 委 敢 之 道 Ti 中 而

戎,以 持 任 帝其降罰 歷 非 臣 焉 之告帝 之失方,尚降 之矣。朕躬之不欽天,而子民而有 者,帝之心也。 敢 民彝,其 功罪,萬方任之, 宜民者已命, 一,予不 天下 敢以 天下 赦 歷其功罪矣。 帝者之心 焉 得 加罰於萬 也既 也 罪 也又至。 己私 有罪乎? 敢蔽焉。 允爲 如 於予一人,而 於 然。 百 此 與 嘉 也 百姓之主者,即 姓 方。 其 於 信天心 與 竊以信夫上帝之周視, 引民 是 而嗣今之功罪 嗣 者 際, 朕躬,以 凡予之命德 百 乃予一人撫之失道,教 猶 載 是以後,有罪者已誅 萬方之有仍舊染 姓 即 觀 2 咎以 然 惟 以 勿作災告, 而維 得 之我 承 其 申民 罪 責 天 康 理 君 萬 新 於 體 周 m 允爲上帝之 志,其 ", 非 則 而討 皇天 民 心 方 丽 己 ,其 乎 又 慎 昔 矣。 勿 罪 萬 罪 豊 子 啟 敬 勇 方任 始 而 乎 日 也 > 異 於 ? īfīi 理 諽 以 湯 失 兵 不

職、民 苛也 矣,四 終,曆 後,而 乎? 矣。 誓有 也,而 之政於是 或緩 也, 人之幾所敕 審法度以 救也,引領朢而 我周之所 之大焉。 則 衆日 矣。 百姓 無踰 數 有 道 志 周 方諸侯,待新王之典式 於 之 無 不 已定於 善 大齊 其弔 定 一, 紂 m 罹 與 是即 Ŧ 制 遺 能 人 也 同 獨夫之虐,不責紂而責予 行 也 雖有至 也。 違 以 加 民 王之禮 也 事 或 有 不至,過在予一人矣,勿容 之意 觀兵之先矣。 富 蘇 者皆仁人也, 天下之民朢新 也 無 以 罪 謹 之。 一,則 奉 焉 殊 弔 不 親同惡之衆,而 權 王章 修 也。 俗,官 敢 民 以 量 事 以 伐 廢官 赦, 紂 以 以 既 雖 蔽 之 罪 無 均 以 修 勝 丽 行 善 勿貳 爲 以 木 天下 行,而 其伐 廢 E 侯 天 而 於 而 代 窮 盡庶事 以 事 度 禄 有 克 使 爾 天 失 之財 爲 罪 之已 法不 天下 之不 貧 不 殷 四 心 四 理 歸 之 之 賤 方 如 口 海 物

之,裕 者,求 者 異 酌 詳矣,要 之奕世 井 尤 之民於是 并 盡 求 而 面 德 有 時 乎道之中 焉,弛其 其 人之仁 而 恩無 疆 者 舉之。 文質異 也 以 垂 還 所 其 其 法於後 私 制 重 其 族 雖 財 其 而 也, 之, 所 而 大 馬 密, 征 以 土以 民 以 以 孚 歸 民得主 是 而 用, 天命 之 以 意 使 勸 繼 世者 而 也 心 無 mi 人興之。 則民 使 養 無 得 農 之。 其存 焉 要 過 見 爲 得 牛 偏 爲 以 1、法無 其 其 帝 者 之食 己任 神 喪 爲 也 説 民以 綏之,使之 諸 所 釐 仰 得祀 死 焉,故仁 世 焉,定其 王 與 中 以 無 定 絶 或 ,以民情爲己責 無 也, 不建,道 唐、虞、 之 播 以 承 於 私 野 憾也 於 滅於凶 定 棄 天 發爲用者 而 喪 世禄之下 心 厚 天 得 時 伸 MI 禮 也 以 夏、商 公論 伸,天 下, 、合民 開 逸 無不 者 一威之 周 以 時 者, 國 祭 如 之事 讓 使 以 備 皆 也 此 志 伐 而 必 寬 下 旁 降 兼 則 垂

> 惟此 未 以 以 天德 之説 功也 任 爽 也 爲 所 哉 失 此 紹 也 德 謂 惟 寬 帝、 盡 以宅心 也,仁之行於天下 也 焉 惟 其 丽 也、信 學者之心。 丽 王之治 惟其公,是以 其 其 寬 大 天下存,違之而 敏, 信 用 一而出 是 也、 皆 是以 是 以 統。 自 敏 治,而吾夫子之立 1 以 然則 此 天 誠 惠 也、公也, 後 天 丽 Τ. 意 平 世 者 守 理 畢 出 交 於 得 夫子 也 攸 於下 代 民 也 天下 之而 同 也。 無 也 古之 之 也 也 故 不 亂, 天 心 其 其致 秉 其 下安, 學,即 帝、 教 24 贵. 其 此 爲 得 也 有 民 以

勞 張 子 子 ,芳味 張問 日 日 面 . 不 怨 於 何 尊 欲 孔子 謂 Ti 五. 美 而 美? 7,屏 不貪 日 : 四惡 泰 子 何 日 斯斯 如 而 斯 不 可 可 騙 君 以 以 子惠 從政 威 從 间 政 M 矣。」子 不 矣?! 不費, 猛。

騙乎 君子 所 子 圃 而 畏之, 勞 利 張 無衆寡 之, 而 日 利 斯不 君子正 又誰怨? 何 無無 亦 謂 斯 其 威 小 惠 不 圃 衣冠,尊其 大,無敢 面 亦 欲仁 不 不 惠 猛乎?」 費 而 而 不 慢,斯不 得仁, 費 、 瞻視 子 乎? 日 儼然 又 亦 焉 擇 泰 因 人朢 貪 미 民 而 不 ? 勞 之

子張 之與人也,出納之吝,謂之有 之虐,不戒 矣。 虐 而 出 刻 一,謂殘 期 非 納之際,乃或吝 ,以誤其民,而必刑之,是賊害之也 日 也。 爲 言均 羽 政之體。 酷 視 何 使人 賊者,切害之意。 謂 之也。 成 不 謂 四 有功 之暴,慢令致 惡?」子曰: 所与 mj 均之以 暴,謂猝 當封 不果,則是 雖多,人亦不 物 刻 司。」與,當作与。 遽 緩 不不 与人,而 期 印 無 於前 調 有司之事 漸 刓 之賊 而 懷其 忍 而 致期 於其 急於 弗 殺 惠 猶 能 猶 謂

予

,卒以取敗,亦其驗也

尹

氏

E :

知

也

子

E

尊

 $\overline{\mathbf{H}}$ 

美者,君子之道

道

國之託 己。 矣? 訓義 以繼 問 五 成乎惡者, 之德衰 圃 之而不以利 之,而君子 防,而尤宜 可慕也。 忘其害也。 反喪其實也 美? 已 政者多矣,未 矣。 帝、王之治,則夫子之爲政 避 子張問 夫子 而 名 而 美 者賤 有名不美而實美者, 美則 小人之怨起。 允立 屏 期 防 慮 易 告之日 爲急,以 於孔子曰, 於去 夫防惡者也。 其 之。 知 求免於惡者太急 民 之, 有 擇於美 於民上矣。 心 而 尊之 忽 如 Щ ,夫政期於有 得而 忘 加 此 之從 君 迹 己。 之備 而 者 顧  $\pm$ 何 子 以 太 政 不 道 尊之。 如 專 有意 美名可 立意 者 可 高 子張 以 立 斯 尚 期 也 可 迹 計 於 無 可 於 不惡 惡 避 無惡者 美 知 爲 惡 其 以 負 致 慕 其 心 則 而 故 也 嫌 其 從 記 者 美 利 名 而 君 無 何 而 家 屏 出 宜 子 惡 政 之 難 謂 心 而 不 而 mi

教

民

吾

美

以

此

費

國

也

有産

惠民

惠

何

謂

乎?

必

殉

迹。

要其

忘,以 非驕於 一面 疑疑 費 推 家 一情志之閒 故 己 成,不要其始。 而 惠 無所 在 何 利 其 非美之尊而 勿 之,勞 藏 惠 人,人見 而 而 無 擇 非 曠 而 無 疑 府之積乎? 疑 不 恩無 馬。 嫌 已矣。 上之利之也? 之。 於傲 貪 兩 費 於 矣。 也, 爲 得之道 ? 市 事 不足,不 人有 欲 物, 無 其 欲 思 非 有 無 威 而 以 所 加 也, 勞 威 私 或 求盡 미 力, 天有 無 爲 不 也 而 疑 也 家 泰 惠 尚 費 疑 而 不 嫌於欲,泰於 至召 者乎? 於 勿困之。 之事, 也, 也 時, (於己, 子曰 憂 時 斯其 不 於召怨, 於心,不 傷 加 協 其 非 威 怨 勿奪 重 何 一,從 猛 於善,非 収 也 爲 不 而 則人 不 惠, 也 子張曰 战政者 能 之。 欲 求 皆 美 出 怨 民 如 財 自 不 己 自 其 疑 飾 不 也 何 口 於 非 成 ? 當 利 地 之 見 美 而 於 勞 相 不 於 也。 也,又 之理 威 禮 泰何 貸 也 不 ? 無 美 不 而 也

朢,無不 之,事集人懷,其心適矣,非謂物不 美之迹,而 名允歸,而 之安,希 得之榮, 亢之,斯 動 也 不美邪? 衆寡 正其衣冠 不 夫行 誰 ? 從政者 以此勞民,民 猛 畏 温者 不 理 何 怨? 乎? 之得, 亦 焉 非 能 不 乎 君 事 非 泰 與 不 避 不 不 子 勞矣 無 而 近人情,而 、物競, 口 之泰, 欲 而 不 盡 君子之威, 非法 猛 以 大小,敬 願民之説,以 玩 ? 不 美之名, 美之塗, 則 刑 圃 知其 驕 不服 及 弱 又焉 乃 何 泰以 不 乎? 民 者 所 不 美, 以衞 以 不損 欲者 不 ,尊其瞻 貪? 美 m 威 斯 且 心, 涖 驕 圃 制 可 也 利 誠 在 國 之,慎 己之度,尊 之,斯 不 此 狎 ? 則 仁 威 欲也 己 天 用 丽 泰 爲 不美 也 何 下 不 能 其 儼 視 有 安其 欲 以 求 不 至 以 而 必 不 在 然 而 丽 不 貌 美 行 白 貴 見 亦 物 何 生 在 非 我 而

然事 民 成 吝而 節儉 哉? 猝往 嚴 也。 矣。 頒 虐殺無辜也,奚辭哉? 隱 莫尊於此矣。 暴近於急公,賊 陋,有司之道也,斯惡矣。 夫虐近於持法, 人不免於罪,則以寬之道賊之也,斯惡矣。 以以 平惡 有 爲 而 有常 不 定 以 督 而 有 難 圃 失長民之道,而喪大臣之體。 和 即 制 留 不先之以 罪 以 知, 視 緩 而 而 期 不 与焉,以召物之輕,則 餘,使其用 必 成 以 猶 久矣。 討 III 就, 必 布令,使其下説焉,無惡也 焉,謂之肆 自 則 不可 而子張 近於寬,有司近 不容已於与,而 無 詫 教,陷 失 子日,惡之不 恶 爲 後、從 刑 不匱 也。 (美, 而 敕 更以 功不 於惡 暴 焉,無惡也。 法 而慢之,致 而 四 於下也, 以 課成 以懲 不 而 惡問焉。 病國 先 殺 於儉,故已 出納之際, 量 易 馬,謂 惡,無 戒 則 小 廢事, 屏, 以 奚 此之 以 而 期 速, 然 妨 情 而 辭 之 黑 久 惡

> 道爲臣術,君子無異 惡 之所必屏, 不屏,隱衷於心術, 釀 於欲 無惡之念,不慕名,不計 非 此乎 而成乎害政。 術 美藏於不美之中,而 也 利, 從政 以 者

子曰:「不知命,無以 君子?」 不知 程 子 命 日 則 知 見 命 害 者, 必 爲君子也 避,見 知 有命 利 而 必 信 趨, 之 何 也 以 爲

「不知言,無以知人也。」不知禮,則耳目無所加,手「不知禮,無以立也。

足

無

所

不知 以終篇,得無意 言之得 夫子之罪 知斯三者, 失,可 言 人也, 爲 則君子之事 口 以 乎? 可 用 知人之邪 不, 不念哉? 幾 學者少而 於 備矣。 IE 侮 聖言 讀之,老而 弟子 尹 者 氏 記 乎 曰 此 :

訓義

夫子

論

致

知之學曰,君子之道,力行

矣,而 其 勉於 所 然之節 1/ 志 命 然後其爲君子也 天之命, 無 可 爲 力 加 而 理 術 自 敬 以 君 而 摇 IIII 厲 恒 已, ·,猝 子 其 裁 而 違 爲 也 無 而 未也。 而 文, 乎 成 行 君子矣,而 也 不敢怠, 之全者,可不 投以 天之理 力持 而 君子之貞 必 則學、 天, 者 無咎 則 而 先之以 情 不測之吉凶 其 心有 惟 其 行 以 無 IE 問、思、 知 V 爲 力 多 也 不回。 知 不 未 而 之未 妄 盡 愛 喪 也。 聽 杰 天 知。 可 無邪 務 矣。 圃 而 矣。 命 修吉悖 命 爲 辨, 而 乎 明 道 不 不 丽 有 我 蓋 前 也。 有 哉 禮 將 忍 志 無 夫 棄 知 勉 以 以 行 不 之 忘 人 方 人 X ſП 命 理 所 於 者, 求 有 盡 理 也, 所 常常 不 而 守者喪矣。 義 而 未 夫人 大 欲 則 則 有 也。 生, 其 欲 就 非 而 明 미 明 爲 君 恒 以 也 志 自 以 忘 勉 情 以 子之 而 於 於 爲 而 直 m 立 數 利 也。 欲 前 之 自 立 無 命 天 無 於

矣。 常不 於事。 之正 既 世 雖 儲。 自 小 而 則 面 則 測之機,不變者 多惑矣。 言之皆若有定,未詧於是非之從 貞 欲 多 一之交,力行 有 调 得 虚 物,制 人可 其 以 其 足 ,淫有所 知人,其言善者爲君子,其言惡者 也 焉 由 不知言, 物物 養其 力, 心 此言之,素定 而 宜 而 善變, 言之生也各有心, 不 邪 得 情 且 然 而 心 知 者常 而 道 方 自 亂 則 無 後 之明,而 俛 至 而言 知 以 淫 窮 之,而己且失之矣。 不 功 其 就之安,不及 矣,而 有 所 可 爲 一之理。 所 於 然後人之飾 亦數變 者 餘 立 天 叫 以 必 必 佞 雖有 者旋 常 人之變 者 未 推 然 不遷。 也。 人進 矣。 致擴 知 知言 也 而 其 以 禮 m 其 志, 爲 理 説 而 行 成 酌 是 充 則 數 不 否, 來, 無 不 修 者 平 自 知 以 疑 貞 變 也 以 定, 知 夫人 其 各 君 勉 1 Œ 不 者 企 極 於 有 侕 者 敢 見 爲 及 中 子 身 退 者 聽 所 不 而

習之功,不容或息,良有以夫!」

對實。生知之不數見,而知必待於學。時致。静以息其心之蔽,而必格物窮理以盡

七世孫世全半溪謹刊

四書訓義卷二十二終

#### 鳴

謝

《儒藏》精華編惠蒙善助,共襄斯文,謹列如左,用伸謝忱。

本與法師

智海企業集團董事長 馮建新先

生

NE·TIGER 時裝有限公司董事長 張志峰先生

付剛先生

壹佰萬元

壹佰萬元

伍拾萬元

北京大學《儒藏》編纂與研究中心

本册責任編委 王豐先本 册審稿人 陳新

